

**DE NECESSARIA  
SECESSIONE NOSTRA  
AB ECCLESIA  
ROMANA, ET  
IMPOSSIBILI CUM...**

---

François Turrettini







LIBRARY OF THE  
EMPEROR'S MUSEUM  
OF NATURAL HISTORY  
OF THE  
EMPEROR'S MUSEUM



# PRÆFATIO.



INTER omnes, quæ nobis cum Pontificiis intercedunt, Controversias, nullam dari, quæ momentosior sit, nullam, quæ majori animorum contentione, & jam antea agitata fuerit, & nunc etiam agitur, eâ, quæ Secessionem nostram ab Ecclesia Romana spectat, apud omnes debet esse in confesso. Cum enim aliæ circa singularia quædam doctrinæ Capita versentur, in quibus ab invicem dissidemus: Hæc verò omnia in universum complectatur, quæ causam huic nostræ Secessioni præbere potuerunt. Nemo non videt, quantum intersit accuratè eam expendi, ut primariam & capitalem, à qua cæteræ omnes pendeant. Constat sanè nihil esse, quod ab illarum partium hominibus, vel frequentius objectetur, vel exagitetur odiosius, quasi non modò temeraria, sed & injusta & Schismatica fuerit, quæ pacis, quam tantopere Christus nobis commendavit, sacratissimum vinculum impiè abruperit, & communionem Corporis Christi mystici nefariè lacerârit. Cui perniciosissimo malo remedium aliud afferri non posse clamitant, quàm si eò unde exivimus revertamur, & cum Ecclesia sua, à qua per Schisma voluntarium divortium fecimus, in gratiam redeamus. Nostri verò vicissim, ne Veritati ac sibi deessent, in id etiam sedulò laborârunt, ut falsitatem & injustitiam istarum criminationum demonstrarent, & subdolas eorum artes retingerent, qui sub insidiosæ pacis obtentu, hoc unum agebant, ut conscientias, semel à Christo liberatas, sub durissimæ servitutis jugum ἀβάσαντες reducerent. Quod ab eximiis Dei Servis eâ solertiâ & soliditate præstitum, ut nihil habeat superstitio, quod cum ratione reponere possit. Demonstratum quippe non unâ ratione, Pios Majores nostros non sine gravissimis causis post tentatam sæpius & expetitam frustrâ Reformationem in Capite & Membris, Secessionem tandem fecisse, vel potius ad eam faciendam Adversariorum furore adactos fuisse: Nec amorem pacis, ad quem nos toties Christus hortatur, à pio hoc proposito avocare eos potuisse aut debuisse; memores ex præscripto Dei, pacem indissolubili cum Veritate sociandam esse vinculo, nec ullam unitatem probari posse,



se, quæ veritate non nitatur; omnem aliam consociationem pacis nomen non mereri, sed exitialem esse in errore & mendacio conspirationem, quæ à Deo veritatis & pacis Auctore nos separat, nedum ut ad ejus communionem nos adducat.

Sed quamvis hoc argumentum à magnis Viris Dei non semel occupatum fuerit, & solidè pertractatum; non desinunt tamen Adversarii identidem illud reponere, & ad ravim usque urgere, novissimis imprimis hisce temporibus, quibus Clerus Romanus nihil non molitur, ut opus suum, purioris scilicet Religionis, quam infami hæresis nomine injustissimè notat, excidium promoveat, & si potest absolvat. Hinc ut immani persecutionum antea inauditarum crudelitate grassatur ad fidem piorum penitus dejiciendam; blandis etiam & ad fallendum compositis verbis incautos inescare, & in retia sua pertrahere conatur. Quod visum nuper in *Admonitione Pastoralis*, à Clero Gallicano ad Reformatos per Galliam datâ, ubi dum *Fratribus Secessionis Calvinianæ*, uti loquuntur, *correctionem, reditum & concordiam exoptant*. Impia sub dulci melle venena latent, verbis meram charitatem spirantibus, & piam Pastorum oves perditas requirentium sollicitudinem, præ se ferentibus, utentes, sed quæ reipsa malum animum & dirum virus satis produnt, dum odiosissimis titulis, quos ad se amicè revocare se velle profitentur, traducere non erubescunt, quasi *Religionis transfugas, militiae veteris desertores, Schismaticos, impios*, qui fugæ suæ flagitiosæ, & secessionis rationem nullam reddere possint. Quod ideo acerbè insectantur & exprobrant: *Nos ideo*, inquiunt, *Clerus omnis Gallicanus &c. Vos convenimus, & qua legatione pro Christo defungimur, tanquam Deo per nos hortante; Querimus à vobis, Cur Schisma feceritis? Excusate si potestis apud Patrem, apud Matrem, apud Fratres, fugæ tam flagitiosæ, tam abruptæ & præcipitis infamiam, divisionem Christi, rescissionem Sacramentorum Christi, criminationes in Conjugem Christi, negationem promissionum Christi &c. Hoc adversus vos nominatim exposulamus, hoc ex vobis querimus indesinenter; Cur Schisma feceritis? Ad hoc nisi responderitis, quantumcunque in aliis dicendo aut scribendo contendatis, superflua loquimini.* Hæc verò si tam verè dicerentur, quàm confidenter jactantur, non equidem repugnaremus, quin jure in nos conflata sit omnis illa invidia, quâ nunc immerentes obruimur; Sed si rem ipsam, detra-



detractâ verborum inanum pompâ, penitiùs attendimus, liquidò apparebit, nihil iniquius, nihil falsius adversùs nos vel excogitari vel dici potuisse. Unde colligere licet, quàm necesse sit ad justam bonæ causæ & innocentix nostræ defensionem, calumniarum istarum vanitatem in aperta luce collocare, ne simplicioribus imponant. Quod ab iis potissimùm requiri nemo negabit, qui ad bella Domini deceranda vocati, & aliis præpositi prospicere debent, ne quid Religio patiatur detrimenti, cæteris fidelibus, & Juventuti imprimis sacræ ipsis commissæ, λόγῳ & ἔργῳ præeundo. Quæ effecit ratio, ut ex Muneris mihi demandati ratione, pro more in Academiis recepto, de hoc argumento nonnullas Disputationes, publici juris ante aliquot annos facerem, quibus probandam suscepi Secessionis nostræ ab Ecclesia Romana necessitatem, & Syncretismi cum ea impossibilitatem. Quæ cum supra spem meam cum aliquo applausu exceptæ fuerint, & brevi quotquot supererant Exemplaria distracta sint, de illis denuo sub prælum mittendis cogitare cœptum est, ut eorum desiderio fieret satis, qui illas avidè requirebant, persuasi hoc Opusculum fructu suo non cariturum, hoc præsertim tempore, quo Quæstio ista non minori fervore quàm antea renovari cœpit, Pontificiis nihil intentatum relinquentibus, ut sive vi sive dolo, sive promissorum dulcedine sive calumniarum acerbitate & persecutionum omnigenarum diritate, & imprimis odioso isto schismatis præjudicio, fideles à vera fide avocent, & in partes suas pertrahant. Ad quorum votum facilè passus sum Velitationes istas Academicas, quæ mei juris ampliùs non erant, denuo evulgari, licèt multa in iis, ut in tumultuario opere, desiderari non nesciam, quæ in pleno & accuratiori tractatu observari potuissent. Interim ut paulò excultiores prodirent, secundis curis non parum auctæ fuerunt, & iis additamentis locupletatæ, quæ novitias Adversariorum exceptiones & objectiones discutere, & veritatem Sententiæ nostræ contra Sophistarum cavillationes fortiùs asserere possunt. Quod an assecutus fuerim, Lectorum erit judicium. Exinde saltem, ut spero, patebit vanitas Postulatorum, quæ tanto cum verborum apparatu μετὰ πολλῆς φαντασίας à Clero proposita sunt. Patebit non sine gravissimis & urgentissimis causis Patres nostros ab Ecclesia Romana secessisse, & nos cum illa, dum infallibilem se jactat, & irreformabilis manet, omnem Syncretismum respuere. Causas istas



non fuisse, ut illi perperam, & contra propriam conscientiam fingunt, vel statum Ecclesiæ depravatum, & mores Cleri corruptissimos, de quibus Scriptores ipsi Pontificii graviter conqueruntur, quamvis non leve præjudicium inde adversus eam oriatur: Sed errores capitales & fundamentales multiplices tum in Doctrina, tum in Cultu, tum in Regimine, quos vel errare vel profiteri nefas esse duximus, & sine præsentissimo salutis nostræ discrimine non potuimus. Patebit iniquissimè postulari, Cur ab ipsis secesserimus? Cùm constet nos non tam fugisse, quàm fugatos fuisse diris ipsorum persecutionibus & anathematis, quæ secedendi necessitatem nobis imposuerunt. Sed nos justissimè vicissim ab ipsis postulare posse, Cur nos à se ipsis tot Excommunicationibus & proscriptionibus durissimis separarint? Quatandem de causa tanto furore in nos exarserint, ut fermè ubique terrarum diras faces belli sacri in nos accenderint? Imperatores, Reges, Principes, Populos adversus nos concitarint, qui lanienis, Cruciatis, ferro, igne, & nullo non supplicii & tormenti genere grassati sint ad nos internecione delendos, tanquam scelestissimos mortalium, atheos, impios, detestandarum hæresium reos, indignos qui lucis usurâ fruantur? Licet convicti esse debeant, nihil nos credere, quod à Christo & Apostolis non sit traditum, & quod ipsi se nobiscum credere non profiteantur quoad Articulos affirmativos; Et unum crimen nostrum esse, quòd nolimus Papali jugo, quod antichristianum censemus, nos mancipare, & hæreses ac cultus superstitiosos & idololatricos ab ipsis præter & contra Dei Verbum invecos, admittere. Patebit odiosum *Schismatis* crimen, quod nobis falsissimè impingitur, qui à fide semel traditâ, & verâ Christi Ecclesiâ, quæ vocem ejus audit & sermones retinet, nunquam recessimus; In ipsos verè recidere, qui à fide Christi non uno modo recesserunt: Ut ab ipsis longè meliori jure, quàm ipsi à nobis, quærere possimus, Cur à Veritate ipsis traditâ defecerint? Cur fidem datam Christo fregerint, ut in castra Antichristi transirent? Cur Sacramenta Christi corruerint? Cur veram, puram & Catholicam Ecclesiam reliquerint, ut falsæ & idololatricæ se adjungerent? Cur Scripturâ non contenti, quæ in unicam fidei morumque regulam nobis tradita est, voluerint sapere *παρ' ὁ γέγραπται*, & Traditiones *αἰγείαφες* credendas nobis obtrudere, contra expressum Dei mandatum? Ad hæc nisi responderint, Quicquid de



P R Æ F A T I O.

de Infallibilitate & Antiquitate sua, de Successione non interruptâ, de Unione Memborum sub uno Capite, & de aliis, quæ ab ipsis afferri solent Authoritatis suæ firmamentis, & Ecclesiæ suæ criteriis dixerint, superfluum erit & inutile. Nam si certum est eos à Christi fide defecisse, nos verò semper in ea mansisse, ut statuimus, & parati sumus ex Doctrinæ ipsius examine, ad quod provocamus, probare, quo jure possunt, Sponsæ Christi nomen sibi arrogare, & nos schismatis reos peragere, cujus ipsi manifestè tenentur? Patebit ulterius tantùm abesse, ut Secessio nostra infami *fugæ flagitiosæ & præcipitis* nomine traduci debeat, quæ *divisionem Christi, rescissionem Sacramentorum Christi, bellum impium in ejus Membra, & negationem Promissionum ejus* induxerit; Ut contra non alia de causâ ab ipsis secesserimus, quàm ut Christo indivulsè adhæreremus; ut in veræ Ecclesiæ communione maneremus, ut Sacramenta pura & incorrupta retineremus, ut genuinis ejus Membris conjungeremur, & ut Promissiones soli veræ Ecclesiæ factas, falsæ & adulteræ tribui non pateremur. Patebit denique, conciliationem omnem & syncretismum, ad quem adeò blandè nos invitare videri volunt, sub spe Reformationis alicujus, mera esse verba, & fucum, nihilque aliud quæri sub fraudulentæ pacis prætextu, quàm errorum semel receptorum non correctionem, sed incrustationem, & conscientiarum sub Ecclesiæ Papalis jugum feliciter excussum, reductionem; à qua reformationem ullam expectare, dum se infallibilem jactat, nihil aliud est quam suaviter delirare, & se ipsum sponte decipere. Absit verò ut tale quid vel cogitemus unquam vel præstemus; Absit ut pacem cum mundo, pacis cum Christo & Veritatis ejus cælestis dispendio eamus redemptum.

Sed ista fusiùs in Disputationibus exponentur, ut opus non sit diutiùs in iis immorari. Hoc unum Lectorem monere debeo, additam hîc fuisse Decadem Disputationum miscellanearum, quæ, ut multiplici Argumentorum, quæ in iis tractantur, varietate, & Quæstionum, quæ ibidem agitantur, gravitate, Sacrorum Mystis sponte se commendant: ita nec ingratas nec inutiles illis fore speramus; quod si contigerit, voti mei compos sum futurus.

INDEX



# I N D E X DISPUTATIONUM

D E

## NECESSARIA SECESSIONE

Nostrâ ab ECCLESIA ROMANA &c.

DISPUTATIO I. *Status Quæstionis proponitur. Ecclesia Romana Hæreseos arguitur.* Pag. 1

II. *Quæ prima est de IDOLOLATRIA ROMANA.* 33

III. *Quæ est secunda de IDOLOLATRIA ROMANA.* 59

IV. *Quæ tertia est de IDOLOLATRIA ROMANA.* 87

V. *Quæ est de TYRANNIDE ROMANA.* 109

VI. *De ROMA BABYLONE.* 144

VII. *De ANTICHRISTI DEMONSTRATIONE.* 169

VIII. *In quâ Objectiones solvuntur.* 209


DISPU-





DISPUTATIO THEOLOGICA  
 PRIMAE  
 DE NECESSARIA  
 SECESSIONE  
 NOSTRA AB ECCLESIA ROMANA,  
 ET  
 IMPOSSIBILI CUM EA SYNCRETISMO.

*Respondente* JOANNE JACOBO GESNERO  
*Tigurino.*

I.  **Q**UOD apud malæ fidei possessores usu venire solet, ut solidis juris fundamentis & justis causæ præfidiis destituti, in Adversarii personam quibuscunque possunt modis invehantur, ut hoc modo suspectam & exosam illam reddendo, facilius omnem dictis ejus fidem abrogent. Id ipsum in gravissimo quod inter Nos & Pontificios agitur Religionis negotio experimur. Cùm enim facilè deprehendant, quotiescunque missis ambagibus jugulum causæ petitur, & ad examen Doctrinæ descenditur, se longè inferiores causâ cadere, nec sententiam suam ex Scriptura, quæ sola fidei est norma infallibilis, ut nos nostram comprobare posse; huc omnes ingenii nervos intendunt, ut odiosis præjudiciis, & suspicionibus sinistris nostrum agendi modum gravent, quibus infirmorum præoccu-



præoccupatæ & tantum non fascinatæ mentes, vel ad nos accedere cane pejus & angue reformident, si adhuc a nobis sunt alieni, vel si in castra nostra jam transierunt, à nobis recedere, & ad ipsos redire quacunque tandem ratione conentur.

*Præjudi-  
cium fal-  
sum de Se-  
cessionis no-  
stra ab Ec-  
clesia Rom.  
injustitia.*

II. Inter varia autem hæc præjudicia, nullum gravius videtur & periculosius, eo quod vulgo a *Seessione nostra ab Ecclesia Romana* peti solet, quasi ea injusta fuerit & schismatica; Nosque adeo cum Reformatoribus nostris summis illis & invictis Heroibus, Schismaticis & Turbonibus accensendi veniamus, qui viscera Matris optimæ dilaniando, & inconsutilem Christi tunicam dilacerando, sanctissimum charitatis vinculum nefarie abruperimus, nec modo temerè & sine necessitate, sed perperam & injustè ab Ecclesiâ discefferimus. Hinc nulla gratiæ, spes nulla salutis nobis extra Ecclesiam positæ reliqua dicitur esse, nisi amicâ pace Matri unicæ denuò conciliati, eò, unde summo nostro malo egressi semel sumus, postliminio redeamus.

III. Unde quivis facilè deprehendit, quantum intersit Orthodoxos hac in parte bonæ causæ non deesse, non modò ut à se gravissimum illud crimen falsissimè sibi impactum amoliantur; Sed etiam ut pro virili, quod debent veritati testimonium ultrò perhibeant, & præjudicatorum harum opinionum, quibus variis infirmis remora in via salutis potest injici, vanitatem demonstrantes, illorum saluti non secus ac suæ eant prospectum. Quod cum jam sæpe antea à plurimis Viris doctissimis feliciter sit præstitum; Nunc etiam omitti non debet: hoc potissimum tempore, quò Simonias istiusmodi artes, & pseudohenotica Neutralium & Politicorum consilia renovari subinde cernimus. Nec dubitamus quin multi Viri docti & pii, necessitatem istius laboris agnoscentes, pro sancto zelo suo argumentum hoc sponte sint occupaturi. Nos interea, quod ingratum fore non putavimus, breviter *σὺν Θεῷ* hinc contra Pontificios demonstrandum suscipiemus, *Justissimam ac summè necessariam fuisse Seessionem nostram ab Ecclesiâ Romanâ, Et injustum ac impossibilem rebus ita stantibus cum ea Syncretismum.*

*Pax Eccle-  
sia optanda  
& quaren-  
da, sed qua  
comitem  
habeat ve-  
ritatem.*

IV. Atque hinc antequam ulterius progrediamur, semel monere debemus; Nos licèt Secessionis justitiam, & Syncretismi *ἀδυναμία* tueamur, nihil tamen adversus Charitatem admittere, nihil adversus pacem Ecclesiæ nobis unicè à Christo commendatam Marc. 9. 50. Joann. 14. 27. eoque modis omnibus procurandam & expetendam Psal. 122. 6. 7. 8. & 133. Absit à nobis tam durus & implacabilis animus, ut qui filii sumus Principis pacis, à pace & concordia alienum pectus penitus geramus. Volumus sanè & quarimus Pacem, sed *Pacem*, quæ cum *Veritate* conjuncta sit, & in ea fundata ex præscripto Zachar. 8. 19. & Pauli Ephel. 4. 4. 5. 15. Pacem Christi, ut bene olim monuit Hilarius contra Auxent. *Speciosum quidem est*

*nomen*



nomen pacis, & pulchra opinio unitatis, sed quis ambigat eam solam Ecclesia atque Evangeliorum unitam esse pacem qua Christi est? Et Hieron. Epist. ad Theoph. contra errores Joh. Hieros. *Volumus & nos pacem, & non solum volumus, sed & rogamus; sed pacem Christi, pacem veram, pacem sine inimicitias, pacem in qua non sit bellum involutum, pacem qua non ut adversarios subjiciat, sed ut amicos jungat.* Hanc si nobis Adversarii offerrent, nã iniquissimi mortalium essemus, si eam rejiceremus. Sed si Pax hinc nulla, nisi cum Veritatis jactura & memorabili detrimento detur; Valeat tam infaustæ pacis non libido tantum, sed & commemoratio: Nullum dari potest bellum adeò ferum, quod non conducibilius & melius sit fucatâ istâ pace, quæ blando nomine quum arridet, insidiatur, ut hinc verè aureum Nazianzeni dictum usurpandum sit, Oratione 1. de pace: *Κρείσσων ἢ παθῆς ὁμολίας ἢ ὑπὲρ εὐσεβείας διάσας.* *Melius est diffidium pietatis causâ ortum vitiosâ concordia, & ut idem Orat. 12. dum ad pacem suos stimulat prudenter excipiebat, Ne suspicetur quispiam, quod pacem omnem amandam & complectendam esse existimem, nam ut optimam quandam dissensionem, ita perniciosam quandam esse concordiam perspectum habeo, & τὴν γε καλῶ, καὶ ὅτι καλῶ θεῶ συνάπτουσιν, quæ bona est, ad bonum, & quæ Deo copulat; aliàs ut ille ipse ait, κρείσσον ἐπαίνεται ὁ πόλεμος εἰρήνης χωρίζου θεῶ. Satiùs est bellum laudabile pace, quæ nos à Deo separat.*

V. Nostrum est ergo pacem solidam & cum veritate conjunctam, ut novissimam Christi tesseram omni modo fovere & procurare. Sed ubi ea non nisi veritatis dispendio redimi potest, nec conciliatio quæritur, sed errorum tantum incrustatio, Ecclesiæ perniciēs, & Conscientiarum sanguine Christi redemptarum servitus; speciosa ista pacis & unionis nomina, sed nomina tantum nunquam admittet vir pius; imò potius infamem & perniciosam in malo conspirationem à Dei Ecclesia pro virili amolietur, nec patietur unquam, ut sub insidiosæ pacis obtentu bellum ipsi veritati indicatur, Christus cum Belial, lux cum tenebris, Arca cum Dagine componatur, idolum denuò erigatur in domo Dei, & Conscientiæ iis compedibus illigentur, quibus divino beneficio semel fuerunt exolutæ.

VI. Eò verò respexisse malefida eorum consilia, qui & superiori seculo, & hoc etiam nostro Reformatas Ecclesias cum Romana consociare studuerunt, cæcusest qui non videat. Nam dum illi vel Controversias nostras imminuere & elevare subdolè, dissimulatâ sententiâ suâ, vel fucatâ & incrustatâ speciosis pigmentis sunt conati; Vel simpliciter nostrum ad suos reditum urserunt ad pacem & unionem colendam, promissâ & oblatâ à parte suâ, non abolitione eorum quæ nos offendunt, & à Communione suâ hætenus absterrent; sed evidentiori tantum explicatione & excusatione. Vel



si Deo placet, aliqualem in ritibus externis nonnullis Reformationem sunt polliciti; nihil interim remittentes de præcipuis auctoritatis Pontificiæ fundamentis, quibus salvis manentibus, nulla vel reformatio vera, vel solida reconciliatio expectari potest aut debet. Facile colligere est quid illi artibus suis moliti sint, & etiamnum moliantur, nihil scilicet aliud, quàm ut fucato pacis prætextu nos in pristinum servitutis jugum reducant, & eundem magnæ meretricis craterem, quò virus suum terrarum incolis propinat, auro quidem & melle illitum, sed venenatum semper æterno animarum dispendio bibendum porrigant. Absit ut nostam inauspicatæ pacis amor unquam incesstat, non si totus mundus lucrandus foret; *Quid enim jnvat mundum lucrari, si animam perdas?* Marc. 8. 36. Pacem quidem cum omnibus colendam docuit Paulus, sed ei *δυνατὸν* Rom. 12. 18. Quàm autem fieri hoc non possit, quantumvis optari debeat, certissimus magister eventus jam satis docuit, & Nos paucis demonstraturi sumus.

*Secessio duplex, alia justa & laudabilis, alia injusta & culpabilis.*

VII. Ut ergo facilius rem totam persequi valeamus, antequam in *hypothesi* de Secessione nostra ab Ecclesia Romana disputemus, Quædam de Secessione in *Thesi* præmittenda sunt, ex quibus de illius vel necessitate vel temeritate judicare promptum erit. Hoc autem ante omnia præstruendum est fundamentum; Quemadmodum *Martyrem causa facit, non supplicium*; Sic *non quævis statim separatio* crimen inducit, & *Schisma* facit, sed *causa*, ut bene olim notabat *Cassander de Offic. viripii*. Ut ergo *duplex secessionis causa* dari potest, vel *justa*, vel *iniqua*; ita duplex occurrit *secessio*, alia *bona* & laudabilis, alia *mala* & culpabilis. *Bona* est à falso & malo ad bonum & verum, quæ ex bono principio, zelo scilicet Dei gloriæ, & odio non hominum, sed erroris & idololatriæ ad bonum finem tendit, scilicet liberam confessionem veritatis, & puri cultus divini exercitium. *Mala* contrà, quæ ex malis principiis oritur, & ad malum finem fertur, quæ est à vero & bono ad falsum & malum. Illius exemplum extat in Setho ejusque posteris à Caini propagine se segregantibus Gen. 4. 26. in Abrahamo à Chaldaea & patria sua divino mandato secedente Gen. 12. 1. 2. 3. Jos. 24. 3. In Profelytis ex Ethnicismo ad populum Dei accedentibus. In Apostolis aliisque fidelibus à Judaismo ad Christianismum transeuntibus. In verè fidelibus ex Babel exeuntibus; ad quam secessionem nos vocat Dominus Isa. 52. 11. 2. Cor. 6. 17. Apoc. 18. 4. Istius verò in secessione decem Tribuum sub Jeroboamo vitulos aureos in Dan & Bethel colentium, 1. Reg. 12. 23. Samaritanorum in Templo Garizim, Judæorum in Templo Heliopolitano adorantium, hæreticorum ex Ecclesia Apostolica tempore Johannis exeuntium 1. Johan. 2. 19. Carnalium illorum de quibus Judas vers. 19. *qui se ipsos segregant, Spiritum non habentes*. Utriusque meminit Paulus 2. Timot. 2. 18. 19. cum hinc quidem



dem impiam notat apostasiam Hymenæi & Phileti, qui à veritate recedebant, resurrectionem jam factam dicentes; Inde verò justam & sanctam virorum Christianorum ἀποστασίαν sigillo Dei expressam innuit, quorum est ἀπιστεῖν ἀπὸ τοῦ ἀδίκου, *quicumque nomen Christi nominat, ἀπιστεῖτω recedat ab iniquitate.* Illa est à veritate & fide ad mendacium, Ista ab errore & impietate ad veritatem & sanctitatem: Hoc demum sensu Apostasiam & abscissionem Sanctorum *ab iniquitate* agnoscimus, & nos Apostatas esse libenter fatemur, & de eo gloriamur.

VIII. Unde colligitur omne quidem *Schisma* separationem esse; Sed non statim omnem separationem esse Schisma. Nam licet ex vi vocis σχίσμα, Græcis & Latinis *scissura*, quamlibet secessionem videatur importare, cum partes inter se coherentes vi quadam vel dissiliunt vel divelluntur, sive de Corpore naturali, sive de mystico & politico agatur, quo sensu dixit Poëta,

*Scinditur incertum studia in contraria Vulgus.*

tamen ut in cæteris bene multis vocabulis occurrit, quæ jure quodam Ecclesiæ facta sunt Ecclesiastica, in usu Scriptorum Ecclesiasticorum strictiori paulò significato, non tantum pro secessione in Religionis negotio; Sed in malam partem pro *secessione*, vel *injusta* vel *temeraria* usurpatur, quo sensu Paulus 1. Corinth. 1. 11. Corinthios arguit, quod inter ipsos audiat esse schismata: Planè ut vox *idolum*, quæ quamlibet imaginem in notatione nominis designat, peculiariter in Ecclesia restricta est ad imaginem significandam, cui defertur honos religiosus. Et ut *heresis* primario quamlibet opinionem innuit, quam quis eligit ut verissimam, mox specialiter applicatur singulari opinioni, quam pro genio & arbitrio aliquis amplectitur & retinet, cum abhorreat tamen à norma veritatis. Sic & *schisma* quod secessionem in genere dicit, secessioni vitiosæ & illicitæ vulgò solet tribui. Verum est, strictius adhuc usurpari aliquando contradistinctè ad *heresin*, quatenus hæc est *contra fidem*, illud verò *contra mores* propriè, & vinculum charitatis, ut loquitur Bonaventura in 1v. sent. dist. 11. quo sensu διχομαχία quæ schismati æquipollet, hæresi contradistinguitur Gal. 5. 20. Hoc sensu sæpe de eo Patres, & Augustinus in primis, quamvis ex schismate ferè postea fieri hæresin doceat contra Donatistas, unum tamen ab altero distinguit, de fide & symbolo. *Quemadmodum hæretici de Deo falsa sentiendo, fidem ipsam violant, ita schismatici secessionibus iniquis à fraterna charitate dissiliunt, quamvis ea credunt quæ credimus.* Sed laxiori sensu ambitu suo comprehendit separationem quamcunque Ecclesiasticam per doctrinæ, aut vitæ, aut utriusque corruptelas, quomodo

hic à nobis usurpatur. IX. Quid autem secessionem vitiosam & illicitam faciat quam *Schisma* vocamus, operæ pretium est cognoscere. Sanè si Adversa-

*Schisma  
non facit  
s. paratio à  
Pontifico  
Romano.*



rios consulimus, ut *Unitatem Ecclesie ex Unione membrorum sub uno Capite visibili & externo, Pontifice scilicet Romano*, eique debita subjectione metiuntur, ut Bellarm. lib. 3. de Ecclesia cap. 5. observat; Ita *Schisma ex discessione ab ejus obsequio & jurisdictione statim colligunt*. Thomas 2. 2. q. 39. art. 1. *Schismatici dicuntur, qui subesse renuunt summo Pontifici, & qui membris Ecclesie ei subjectis communicare recusant*. Emanuel Sà, *Schisma est nolle obedire Papæ, ut Christi Vicario, aliisque ut ejus subditis communicare*. Quò pertinet impium decretum Bonifacii VIII. in Extravagante de majoritate & obedientia Cap. 1. *Unam sanctam &c.* ubi sub finem concludit, *Porro subesse Romano Pontifici, omni humana Creatura, declaramus, dicimus, definimus & pronunciamus esse omnino de necessitate salutis*. Sed cum Paulus, qui sollicitè omnes unitatis Ecclesiæ rationes persequitur, Eph. 4. 3. 4. 5. nuspiam talis communionis cum Papa meminerit; Cum nuspiam gloriosa hæc prærogativa Capitis, cuiquam excepto Christo, tribuatur, ut nec tribui potest sine immani sacrilegio; Mirum videri non debet, si *περωτον* illud *ψευδῶς*, quod *τῇ ὑποθέσει δαλεῶντες* excogitârunt, eâdem facilitate rejiciamus quâ proponitur. Imò quod magis est præfidenter asserimus, ut in sequentibus sumus demonstraturi; tantum abesse ut discessio ab obsequio Pontificis sit schisma, ut subiectio & unio sub ipso sit verum & propriè dictum schisma, quando nemo potest uniri sub Papa, & ipsi subijci ut Capiti, quin eo ipso discedat à Christo.

X. Ut ergo vera *Unitas Ecclesiæ à Christo* demum unicè petenda est, in quo fideles uniuntur sancto fidei & charitatis vinculo Ephes. 4. 3. 13. 15. Coloss. 3. 11. Ita Schisma non meliùs potest dignosci, quàm ex Unionis istius abruptione, quum scilicet à Christo, & vera ejus Ecclesia disceditur. Porro *discessio* duplex debet distingui, ut *Unio* duplex potest observari inter Ecclesias, alia *interna & formalis*, alia *externa & materialis*. Illa Ecclesiæ invisibili Electorum & vocationi efficaci respondet, Ista visibilem Ecclesiam constituit & vocationis externæ fructus est. Per illam fideles tanquam verum corpus cum Christo Capite suo per veram fidem conjunguntur, & ut membra inter se mutuo charitatis vinculo copulantur. Ista verò in externa ejusdem fidei & cultus professione, eorundemque Sacramentorum participatione posita est. Et ad primam quidem quod attinet; Cum constet ex Scriptura eos, qui semel verè uniti sunt Christo & insiti Corpori ejus mystico, nunquam ne per mortem quidem ab eo divelli & separari posse, cum fundamentum Dei firmum maneat, & dona Dei sint ἀμεταμέλητα, 2. Timot. 2. 19. Rom. 11. 29. Certum est etiam nullam talem dari posse separationem, quæ nos ab Ecclesia invisibili disjungat & revellat; Neque de ista secessione quæritur nunc, de qua in loco de Perseverantia Sanctorum disputatur. Quæritur ergo unicè de *Secessione externa à visibili Ecclesiâ*,



*Ecclesia*, quâ sacrorum communio & vinculum abrumpitur, ita ut una pars cum altera communionem nec colere velit amplius, nec putet se salvâ conscientia possesse.

XI. Quia autem talis Secessio, vel *levem* causam & occasionem habet, <sup>Quodnam</sup> vel *nullam*, vel *justam* & *necessariam*; Ita diversimodè de eâ judicandum: <sup>si schisma</sup> Nam si nullam habet aut exiguam, & non valde momentosam, Schisma <sup>temera-</sup> meritò dicetur, vel injustum planè, vel saltem temerarium; Sin ve- <sup>rium & in-</sup> rò graves subsunt & necessariae causæ, Secessio quidem erit, sed non Schisma. Quando causa nulla occurrit legitima cur secessio fiat, vel in Doctrina, vel in Cultu, vel in Regimine; Tunc *injustum* est Schisma & meritò culpandum, tanquam vulnus gravissimum Ecclesiæ illatum, quò unitas Corporis solvitur, & salus eorum qui secedunt in presentissimum discrimen adducitur; siquidem Deum in cælo non potest habere Patrem, qui Ecclesiam in terra Matrem non agnoscit; nec cum Capite uni-ri, qui membrorum communionem spernit & deserit. Cùm verò causa quidem & occasio videtur aliqua dari, sed levis & exigua, quæ tali remedio nondum egeat, tum si secessio fit, Schisma dicetur *temerarium*, v. g. Si error quidam in aliquo cœtu foveatur in doctrina, sed qui non sit fundamentalis, qui hæresim facit. Si ritus occurrat in cultu superstitiosus & vanus, sed tolerabilis tamen, qui conscientiam non omnino inficiat. Si morum deformatio & corruptelæ quædam dentur. Si in regimine seu in disciplinæ administratione peccatum aliquod aut defectus notetur, non statim est secedendum. Ut in Corpore naturali etsi ulcus partem aliquam occupavit, putà, vel manum vel pedem, non statim dixeris rescindendam esse eam partem, sed vel remediis curanda erit, vel tolerandum erit malum, donec viribus naturæ expugnetur. Sic in Corpore hoc sacro, etsi aliquando opinio-num oritur divortium aliquod, non statim ferrum adhibendum est aut ignis; sed fraterna charitate vel sanandum & refarciendum, vel saltem tolerantia Christianâ ferendum, donec Deus ipse plenius illuminando ad sanctam unitatem fidei dissentientes reducat, juxta præscriptum Pauli Phil. 3. 15. 16. *Quotquot sumus perfecti idem sentiamus; Et si quid aliter sentitis, Deus hoc etiam vobis revelabit; Attamen in eo ad quod usque pervenimus, eadem incedamus regulâ.* Uno verbo, nisi morbus sit lethalis & contagiosus, non est deserendus æger, imò ne tunc quidem, nisi ægrè admodum. Ita injustitiæ & temeritatis vulgò arguitur *Secessio Donatistarum* in Africa, qui non propter dogma aliquod periculosum, cujus incusarent omnes Ecclesias, sed propter factum personale *Felicis* & *Caciliani* se segregârunt, quod nec verum erat, nec si verum fuisset poterat justam secessionem dare causam. Talis secessio fuit *Victoris* ab Ecclesiis Asiaticis, cùm quæstio de Paschate non esset fundamentalis. Talis *Latinorum* à Græcis propter errorem

eorum



corum de processione Spiritus Sancti; Talis *Brownistarum & Separatarum*, & id genus fanaticorum, qui hodie sese à puriori Ecclesia segregant.

*Quenam  
Secessio sit  
iusta & ne-  
cessaria.*

XII. Verùm ubi graves & momentosissimæ occurrunt secedendi Causæ, tum non modò *licita & iusta*, sed & *necessaria* censenda est *Secessio*. Cujusmodi autem sint graves istæ causæ, melius aliunde innotescere non potest, quàm ex principiis veræ illius Communione, quibus Ecclesia instituitur & conservatur. Cùm verò tria sint præcipua, *Doctrina, Cultus, Regimen*; Illa, quæ fidem instruit credenda proponendo, Iste, qui mores informat facienda exigendo. Hoc, quod *εὐταξίαν* conservat, circa utriusque legitimam administrationem versando; Tres etiam primariæ causæ Secessionis istius esse possunt, *Hæresis* in Doctrina, *Idololatria* in Cultu, *Tyrannis* in Regimine. Cùm enim Hæresis fundamentum fidei evertat, Idololatria puritatem cultus penitus corrumpat, & Tyrannis verum Christi regnum destruat: Nemo sanus ibit inficias veram Ecclesiam non posse cum his corruptelis subsistere, adeòque neminem in Cœtu tali sine certissimo salutis dispendio morari posse. Si ergo vel in *Doctrina*, non modò sit error quidam levis, sed plures exitiales & capitales, qui cor salutis & fidei fundamentum petant. Vel in *Cultu*, non supersticio duntaxat, sed infamis etiam idololatria. Vel in *Regimine* non aliqua demum *ἀταξία*, sed Tyrannis durissima, & intolerabilis persecutio tum corporalis tum spiritualis. Ex eo Cœtu secedendum esse nemo negare potest. 1. Quia communionem colere nec possumus nec debemus cum hominibus, nisi quatenus potest subsistere cum communione Dei, qui à nobis supra cætera omnia diligendus est & colendus. At Communio Dei non potest haberi, ubi hæreses capitales cum Verbo Dei pugnantes grassantur, vel ubi obtinet Idololatria, quæ adulterium est spirituale, vel Tyrannis in conscientias usurpatur, quæ crimen est læsæ Majestatis in Deum, & Christum unicum Ecclesiæ Regem, *ἀσώτατον* cum obsequio illi debito. 2. Cùm Communio ista cum hominibus non alium in finem queratur, quàm ad salutem obtinendam, ubi salus in discrimen adducitur, quod fit ex causis prædictis, ratio salutis postulat, ut talis communio deferatur. 3. Quia talis secessio veram Ecclesiæ unitatem conservat, quam Communio cum Ecclesiâ hæreticâ & idololatricâ destruit. 4. Quia ubicunque communio non potest haberi nisi injusta; justissima censenda est ab ea separatio: Sed communio cum societate, quæ fovet errores & cultus exitiales injusta est; quia nemo debet errori & idololatriæ adhærere. Ergo secessio ab ea iustè potest fieri.

XIII. Sed non tantùm iusta censenda est talis secessio; Sed etiam *necessaria & indispensabilis*. Primò propter periculum præsentissimum, cui fideles exponerentur corrumpendi fidem suam & cultum,



cultum, manendo in istiusmodi hæreticâ & idololatricâ societate : fieri enim vix ac ne vix quidem potest, ut qui cum Errantibus & Idololatrâ manet, se purum ab omni corruptelâ præstet, nec quicquam labis contrahit, quantacunque utatur cautelâ. Secundò, propter liberos, qui eidem discrimini expositi manerent, imò longè majori, qualiscunque cura eorum educationis posset haberi. Cum ergo unusquisque non modò de salute suâ Deo rationem reddere teneatur, sed etiam de salute liberorum, debet illis maturè prospicere, ne prostituantur & salutis jacturam faciant, manendo in tali societate. Tertiò, nemo sine crimine potest habere pro fratribus, quos credimus Deum non habere pro filiis, quales sunt hæretici & idololatræ. Quartò, obligatio colendi communionem cum Christianis non est illimitata, sed certis legibus adstricta; nimirum veræ fidei professionis, quæ saltem immunis sit ab erroribus capitalibus, cultûs puri & ab omni idololatriâ repurgati, & regiminis legitimi & bene ordinati : Dum istæ leges & conditiones manent, perstat etiam communio, sed ubi cessant, cessat etiam de jure communio, & locus datur justæ secessioni. Perronius non potest justitiam talis secessionis negare in Repli. lib. 1. c. 83. *Quando corruptio, inquit, est in doctrina, vel sacramentis, vel in ritibus universalibus Ecclesiæ, nemo potest in ea communione illius Ecclesiæ manere, quin participet ejus contagio.*

XIV. Eò autem justior & magis necessaria est ista secessio ; quando *malum* non modò est *grave* & periculosum, sed absolutè *lethale*, quod non debilitat tantùm, sed mortem & exitium necessariò post se trahit. 2. *contagiosum*, quod instar gangrænæ serpit, & facilitè totum corpus potest inficere. 3. *publicum* & commune, quod non in uno vel altero tantùm deprehenditur, sed in pluribus, & in ipsa Communitate. 4. *insanabile*, quod nullis remediis potest curari; quando omnis cura, & secundùm curam remedia omnia sunt adhibita, sed frustra: Imò æger non modò noluit curari, sed in Medicos ipsos insurgit & sævit, & pios monitores ferro & flammis persequitur. Quum illi ad quos Reformationis cura spectat, quales sunt Rectores Ecclesiæ, non modò de ea non cogitant; sed illi modis omnibus se opponunt, corruptelarum autores & fautores acerrimi, qui alios ad eas recipiendas & profitendas cogunt, etiam sub anathematis pœnâ. Tunc sanè quisquis de salute sua & vitâ est sollicitus, ut omnes esse debent, sibi prospicere debet sine mora, ab eo cœtu secedendo, ne morbo isto lethali & insanabili correptus pereat.

XV. Fortius verò necessitatis istius vinculum adstringitur ex Dei mandato, qui talem secessionem non semel imperat Isa. 52. 11. Propheta Judæos Babylone degentes hortatur ad secessionem, ne ejus impietatibus & sordibus inficiantur, *Recedite de medio ejus, pollutum ne attingite, purificate vos,*

Isa. 52. 11.



2. Cor. 6. 16. *qui fertis vasa Domini.* Quod Paulus applicans Ecclesiæ Christianæ 2. Cor. 6. 16. 17. *Quanam communio, inquit, iustitiæ & iniquitatis, luci cum tenebris? Quis consensus Christi cum Belial, Templi Dei cum Idolis? Itaque exite e medio ipsorum, & ab ipsis secedite, pollutum ne attingite, Et ego vos recipiam, id est, ab omni inquinamento tam erroris quàm idololatriæ, & vitii infidelium, puros vos præstate, & ego vos in meam amicitiam & societatem recipiam.* Sic Johannes in 2a vers. 9. 10. 11. vult fidelem recedere à communione & societate hæreticorum, quâ errores eorum probentur, vel dissimulando foveantur. *Si quis venit ad vos, & doctrinam istam non affert, ne recipite eum in aedes vestras, nec salutate ipsum, quia qui illum salutatur, communicat ejus malis operibus.* Sic Apocal. 18. 4. *populus Dei jubetur exire Babylone, ne erroribus & idololatriæ ejus participet. Exite ex ea, popule mi, ne participando ejus peccatis, participetis ejus plagis.* Hujusmodi autem extitisse nobis secedendi ab Ecclesia Romana causas, non seorsim tantum quasdam, (quod tamen jam sufficere poterat) sed conjunctim omnes in sequentibus probaturi sumus.

*Secessio alia  
Politica,  
alia Eccle-  
siastica.*

XVI. Priusquam verò illud faciamus, notandæ sunt adhuc aliquot distinctiones, quæ ad *Statum Questionis* rectè percipiendum apprimè sunt necessariae, tum ex parte *Subjecti*, quod est *Secessio*, tum *Prædicati*, quod est *Ecclesia Romana*. I. *Secessio* alia est *Ecclesiastica* & sacra à *doctrina* & *cultu*. Alia *Politica* & civilis ab *hominibus* & *personis*. De ista non loquimur, sed de illa. Possunt pii cohabitare heterodoxis & idololatriis ut concivibus suis; Sed non possunt nec debent cum illis communionem colere in sacris, ut cum fratribus. Prima est *secessio* quoad *fidem*, altera quoad *charitatem*, illa licita est & necessaria, quia nulla est communio Christi cum Belial, luci cum tenebris: Ista verò nequaquam, quandoquidem charitas ex præscripto Legis ad omnes homines extendi debet, modo ne quid detrimenti veritas, aut fides per id patiat. Hic namque semper illud obtinere debet, *usque ad Aras*. Sic possunt fœdera pangi cum iis etiam, qui à veri Dei cognitione & cultu sunt alieni, ut Davidis, Solomonis, Machabæorum exempla docent. Sic humanitatis & charitatis officia nemini mortalium denegari possunt aut debent.

*Secessio sa-  
cra, alia la-  
tens, alia  
patens.*

XVII. II. *Secessio* sacra & Ecclesiastica, Vel est *Occulta* & latens, Vel *Aperta* & patens. Illa quâ fideles sive multi sive pauci, qui in cœtu aliquo impuro & idololatræ degunt, ita vivunt hominibus obscuri, & soli Deo cogniti, ut puros se & immunes ab erroribus illis & superstitionibus tueantur; quales fuere septem mille homines illi, qui Eliæ tempore genua Baali non flexerunt; quales illi omnes pii, qui ante sublatum Euangelii vexillum per Reformationem in Papatu morabantur & gemeabant. *Aperta* est eorum, qui palàm profitentur se ab illius Cœtus doctrinâ, & cultu alienos, ut Elias,



Elias, Daniel, & socii ejus, qui apertè cum idololatræ communicare renuebant, in quorum ordinem referre debemus sanctos illos Veritatis Testes, qui ante Reformationem non tantùm in corde clàm Ecclesiæ Romanæ errores & corruptelas detestabantur, sed & publicè eas incusârunt & oppugnârunt, & fidem suam etiam proprio sanguine obsignârunt, ut constat ex *Catalogo Testium Veritatis*.

XVIII. III. Rursus *Secessio* alia est *negativa*, alia *positiva*. *Negativa*, quando cum aliquo Cœtu non communicamus, & sive clàm, sive palàm nos ab ejus fide & cultu avertimus; sed ita tamen ut nondum propterea novum cœtum constituamus, & altare altari opponamus. Qualis fuit Patrum nostrorum, qui in Ecclesia Romana corrupta olim latuerunt, non adhærendo tamen illius erroribus. *Positiva*, quando non modò nos alienos ab aliquo cœtu testamur, sed etiam cœtus ab illo separatos habemus, priorem Ecclesiam deserendo, & novam instituendo, quæ legibus Ecclesiasticis, Dei Verbo, Sacramentorum administratione & sacris illiusmodi separatim utatur. Cujusmodi putabatur esse secessio Rubenitarum & Gaditarum, extructo prope ripam Jordanis altari præter altare Dei: Jos. 22. Quæstio verò nostra est, non de *prima*, sed de *secunda*. Neque enim disputamus tantùm, an licita fuerit secessio illa negativa fidelium; quâ pertendimus pios omnes sese à Papatu separâsse, sic enim nunquam exivissemus ex eo; Sed An Positiva, qua Patres nostri egressi sunt ex Papatu & novas Ecclesias passim extruxerunt, necessaria fuerit & justa.

*Alia positiva, alia negativa.*

XIX. Ut verò *Subjèctum* distinguendum est: Ita & *Prædicatum*, scilicet *Ecclesia Romana*, qui est terminus à quo facta est secessio. *Ecclesia* autem *Romana* nomine primò intelligitur ea, quæ tempore Apostoli viguit, cujusque fides ab eo celebratur Rom. 1. & quæ aliquamdiu postea in doctrinæ integritate perstitit, quo sensu de ea non disputamus. 2. Designatur ea, quæ sequioribus seculis extitit, & etiamnum extat, ab illa puritate & integritate planè degenerans, & hoc modo sumitur peculiariter, Vel pro Cœtu qui concluditur mœnibus Romanis, Vel pro Ecclesia repræsentativa, Papâ scilicet & Conciliis, Vel pro ipso Pontifice ut Capite, Vel denique pro iis omnibus Cœtibus, qui Romano Pontifici adhærent & ab eo pendunt ubicunque locorum sint, quæ *Ecclesia collectiva* dicitur. Quo respectu potissimùm, non exclusis tamen aliis, Ecclesiam Romanam attendimus.

*Ecclesia Respectatur hic non ut vetus & Apostolica, sed ut nova & Papalis.*

XX. Sed in hac rursus Eccl. Rom. consideratione, distinguendum est tò *Materiale*, & tò *Formale*. *Materiale* sunt homines ipsi quâ tales, qui Ecclesiam istam constituunt. *Formale* verò positum est in *Vocatione*, secundùm quam in eam societatem Ecclesiasticam convenerunt. Ut verò illa duplex potest esse, Vel quâ est à Christo, qui supremus est Ecclesiæ Pastor & Dominus, Vel quâ à Papa, qui se Vicarium ejus

*Non secundum materiale, sed quo ad formale.*



esse falsò gloriatur. Ita duplex est istius *σχέσις* Ecclesiæ, Vel quâ ad *Christum* refertur, Christiani nominis & Veritatis aliquid adhuc retinendo, Vel quâ *Papam* respicit, illius dominio & jugo sese subjiciendo. Unde colligimus in Ecclesia Romana tria hæc imprimis esse distinctè attendenda. 1. *Subiectum*. 2. *Accidens* quoddam adnatum Subiecto. 3. *Compositum* ex utroque. 1. *Subiectum* sunt *homines Christiani*, in quibus non-nihil est adhuc vocationis & gratiæ divinæ, potius quàm in Turcis & Judæis; ut liquet ex eo quòd symbola & sigilla fœderis non planè abstulerit Deus, quòd retineantur adhuc principia Theologiæ, tum *Essendi*, Deus unus essentiâ, trinus Personis, utraque Christi natura in Unitate personæ, tum *Cognoscendi*, Verbum scilicet Dei, quamvis multiplici adjectione & subtractione postea corruptum, quæ argumento sunt aliquid adhuc ex parte Dei remanere in illo cœtu, licet ex parte hominum nil nisi infidelitas supersit.

XXI. Secundò *Accidens* sive Adjunctum adnatum, est *Papatus*, qui in Ecclesiam multiplices corruptelas tam quoad fidem, quàm quoad cultum invexit, & meritò censetur tanquam ulcus pestilentissimum, gangræna, & carcinoma in Corpore Ecclesiæ, & totâ essentiâ differt ab Ecclesia: Ecclesia enim est Cœtus Vocatorum in unam fidem sub uno Christo. At Papatus relationem habet ad Pontificem, & ἀποστασίαν à Christo eatenus facit. Unde etsi Christianum nomen adhuc retinet, sub specioso tamen illo nomine Antichristi tyrannidem exercet, & virus ac venenum per totum Corpus diffundit.

XXII. Tertiò *Compositum ex utroque* ejusmodi est, ut quædam ex Christianismo supersint, quæ sunt institutionis Christi, multò plura verò ex Antichristianismo irrepsert, quæ sunt corruptelarum Antichristi. Quoniam enim Satan mysterium hoc iniquitatis formare non potuisset, si Christianismum directè & γυμνῇ ἢ κεφαλῇ oppugnâset & extinguere suscepisset: Ideo os Draconis cornubus & exuviis Agni operire sategit, ut facilius incautos deciperet. Sic ex doctrinâ Christianâ, aliquid quidem à Pontificiis retentum est, sed simul innumera alia huic doctrinæ addita sunt, quibus ita adulteratur & corrumpitur, ut omnis ejus efficacia enervetur, planè ut olim idololatræ in Judaica Ecclesia Baalis cultum cum divino conjungebant, ut *jurarent per Deum & Milchom* Ammonitarum idolum Sophon. 1. 5. & ut Achaz altare Damascenum in Templo juxta altare Dei collocavit 2 Reg. 16. 11. 12. Ita in Papatu ad principia Christianismi tot adjunxerunt depravationes & corruptelas, ut verè Templum Dei cum Idolis, lux cum tenebris, & veritas cum mendacio confociata dicantur, & ita conjuncta, ut quod malum est & exitiale, quod reliquum est boni suffocet & extinguat. Atque hoc est discrimen quod inter hanc, & alias falsas religiones, hære-

Sophon. 1. 5.  
2. Reg. 16.  
11. 12.



hæreses, & schismata observari potest: Quòd *Hellenismus*, *Mahumedi-  
smus*, *Judaismus*, & si quæ sunt aliæ infidelium religiones Christianismi  
fundamenta negent. *Hæreses* articulos singulares fidei lædant & pervertant:  
*Schismata* charitatis vinculum solvant: Sed hoc *Antichristianismi* proprium,  
ut subjectum retineat, sine quo ipse constare non potest; Ut enim gangræna  
tollitur Corporis nece, & veneni nulla est propinatio crudi, sed in cibo vel  
potu; Sic nulla esset Antichristi vis, nisi Templum Dei clamaret, hac spe-  
cie populo illudendo, & hoc vinculo conscientias illaqueando.

XXIII. Ex quibus colligere licet, quid de Ecclesia Romana judican-  
dum sit. Nam quæ vocationis & veritatis divinæ residuum adhuc aliquid  
est in ea, Ecclesiæ nomen, sed latè sumptum non putamus ei absolutè de-  
negandum. Quà verò *Papatus* spectatur, quod est accidens & adjunctum  
adnatum & adhærens illi Ecclesiæ, veram Ecclesiam esse negamus, sed Ec-  
clesiæ pestem, corruptelam, exitium, Ecclesiam ex Apostolica & Chri-  
stiana Apostaticam & Antichristianam faciens. Quà Ecclesiam ex utroque  
compolitam & compactam attendimus, eam moribundam, tabescentem,  
peste infectam & intereuntem esse dicimus. Sic quum Ecclesiæ titulum  
concedere nolumus Pontificiis, non ideo aliquid ejus vestigium apud eos  
manere inficiamur, sed ut bene Calvinus l. 4. Instit. 2. f. 12. observat, *tan-  
tùm litigamus de vera & legitima Ecclesiæ constitutione, quæ in communione  
tum sacrorum, quæ signa sunt professionis, tum vera potissimum doctrina re-  
quiritur*. Hic autem quando de secessione ab Ecclesia Romana agitur; Cer-  
tum est non intelligi secessionem ab *Ecclesia Romana*, quæ Christiana, sed  
quæ *Papali*; Non quæ aliquid veri & boni adhuc retinet à parte Christi, Sed  
quatenus mirum in modum corrupta est & adulterata per Antichristum.  
Non est desertio Ecclesiæ aut Communionis sacræ. Sed desertio tantùm  
corruptionis, errorum, Apostasiæ & discessionis factæ à vera antiqua  
Apostolica & Catholica fide & Ecclesia, ejusque Capite Christo.

XXIV. Hinc patet longum latumque discrimen intercedere inter hæc *Aliud est  
duo, quæ tamen subinde turpissimo errore confunduntur ab Adversariis, secedere ab  
Discedere ab Ecclesia, & Discedere ab Ecclesia Romana*: Nam cum Ec-  
clesia propriè ita dicta sit societas omnium fidelium per Verbum & Spiritum *Ecclesia,  
Aliud ab  
Ecclesia Ro-  
mana.*  
ad communionem Christi vocatorum, procul dubio nemo potest sine gra-  
vissimo, imò certissimo salutis periculo ab ea discedere, quandoquidem  
extra eam non potest dari salus. Sed *Ecclesia Romana* cum sit Cœtus par-  
ticularis visibilis, non modò potest sine periculo deferi, sed & debet, si  
ita corrupta est, ut fundamenta salutis in ea illibata non maneant ampliùs,  
nec ullus salvâ conscientia illius sacris interesse possit. Quod ergo Adver-  
sarii subinde vociferantur, salutem nostram conclamatam esse, quia Ec-  
clesiam deseruimus, absurdissimè petunt principium, & confundunt di-



stinguenda, quasi *Ecclesia & Ecclesia Romana* identificarentur, ita ut nemo possit ab ista secedere, quin illam simul & semel deserat. Cùm contrà, ut antea dictum, contendamus, Ecclesiam Romanam per suam Apostasiam Ecclesiae veræ & propriè ita dictæ nomine excidisse. Ita secessimus quidem ab Ecclesia Romana, ut particulari cœtu visibili, quia non potuit conscientiaejus abominationes ferre: Sed ab Ecclesia nunquam, nunquam à Catholica illa societate, quæ Corpus Christi constituit, & in qua sola obtinetur salus, nunquam à Christianismo seu veris Ecclesiis Christianis, quæ tum temporis fuerunt in mundo. Imò tantùm abest ut ab iis sit discessum, ut propiùs sit ad eas accessum: Ita ut separatio ista sit terminus separationis & Apostasie, in qua Nostri cum reliquis ambulabant, atque adeò *Regressus ad Unionem*, & communionem sacram in & cum unico Capite Christo & mystico ejus Corpore: propterea enim ab errore & superstitione discessum est, ut propiùs ad veritatem & pietatem accederetur, & ut à corruptionibus Antichristi, ad veram fidei Christi professionem rediretur.

XXV. Sanè si nunquam à Christo secessisset Ecclesia Romana, si semper ut Sponsa Christi intemeratam fidem Sponso suo servasset, nec passa fuisset Adulterum Sponsi sui thalamum subire, & Servum solium Regis & Domini impiè occupare: Si doctrinam & cultum semel traditum purum & illibatum retinisset: Utique ab ea secedendum nunquam fuisset, sed eadem, quam cum aliis Ecclesiis particularibus communionem fovere debemus, cum ipsa etiam colenda fuisset. Sed ubi ipsa prior turpiter à Christo defecit, postquam adultera facta est & mater fornicationum, postquam ipsa salutis fundamenta subruere conata est, & cœlum terræ miscere; Quis jure queri possit, si turpiter à Christo deficientem deseruimus, & adulteræ nuntium remittentes, verum & unicum Sponsum nostrum sequi volumus, & illi æterno & indissolubili vinculo copulari? An culpa Schismatis aut divortii in eos transferetur, qui desertores deserunt. An non potiùs in ipsos desertores, qui priùs Christum, antiquam fidem, & Ecclesiam in tam multis deseruerant? Ut in causa divortii, culpa non in maritum infontem, sed in uxorem adulteram confertur, ille quidem libellum repudii mittit, sed hæc prior jura & vinculum conjugii violavit; ille uxorem deserit, sed hæc prior maritum deseruit & Conjugium adulterio rupit.

*Status  
Quæstio-  
nis.*

XXVI. Ex quibus ita positis, non obscurè colligitur verus Quæstionis Status. Non enim simpliciter quæritur; An quævis secessio ab Ecclesia Romana licita fuerit & necessaria: Non disceptatur etiam, An quovis tempore secessio fieri potuerit legitimè. Sed Controversia ad hosce redigitur terminos: *An licitum fuerit & necessarium Patribus nostris superiori seculo segregare se secessione, non politicâ & civili, quoad charitatem & ejus officia, Sed sacrâ &*  
*Ecclesia-*



*Ecclesiasticâ*, quoad fidem ejusque professionem, non latente tantum & negativâ, sed *patente & positivâ*, ab *Ecclesia Romana*, non quâ Ecclesia simpliciter, vel qua Ecclesia Romana veteri & pura: sed quâ *Ecclesia Romana novitia, corrupta & impura*, id est quâ *Papali & hæretica*, quæ & ipsa secessionem primò fecit à Christo. Vel *An exitus Patrum nostrorum ab Ecclesia Romana quâ tali legitimus sit, an infanti schismatis nomine sit traducendus, nosque adeò qui eorum premimus vestigia, cum ipsis pro schismaticis jure haberi debeamus, quia nolumus ad ejus communionem redire, & cum ea συνυφύσκειν*. Posterius affirmant Pontificii. Nos verò prius tuemur.

XXVII. Assertionis autem nostræ, ut ab hoc Capite exordium ducamus, causas & rationes habemus complures gravissimas, quas quia operosum esset sigillatim referre, præcipuas tantum notamus. Primò Secessionem nostram non temerè, & sine necessitate, sed gravi aliqua de causa factam fuisse, Vel hoc unum jam luculenter probat, Quòd si unam conscientia vocem excipias, cætera omnia non modò eam non suaderent, sed & aperte illi repugnare viderentur. Nam cum nihil ex ea lucri & commodi secundum mundum sperare possent Patres nostri, nihil non contrà damni & incommodi expectare, utique si carnem & sanguinem consulissent, nunquam secedere debuissent. Prævidebant quippe, imò re ipsa jam satis suo damno experiebantur, non posse se ab ea societate discessionem facere, quin eo ipso Magnatum & Principum indignationem, popularium & concivium malevolentiam, & omnium odium incurrerent, quin bonorum, dignitatum, amicorum, patriæ & eorum omnium, quæ dulcissima & carissima nobis in hac vita esse solent, jacturam facerent, quin denique paupertati, ignominia, exiliis, persecutionibus, tormentis, morti, & rebus quibusque dirissimis se ipsos exponerent. Certò persuasi erant contrà, se, si in Romana communione manere voluissent, nihil tale passuros fuisse, imò prospera omnia & felicia fuisse habituros. Quid ergo causæ fuit cur secedendo vitam in speciem miserrimam, & innumeris incommodis obnoxiam, jucundissimæ & florentissimæ prætulerint? Sanè vel eos planè mente captos, & insanos fuisse dicendum est, quod de tot præstantibus & doctissimis Viris, de tot hominum myriadibus, non ex compacto, sed seorsim variis temporibus & locis in unum consentientibus, quis nisi amens ipse dixerit? Vel gravissimas aliquas fuisse causas, & rationibus omnibus mundanis longè potentiores, quæ eos adegerint ad ea spernenda, & tanquam damna refugienda, quæ natura in deliciis habere solet, ad ea verò sponte eligenda & constantissimè patienda, à quibus quàm maximè abhorremus.

XXVIII. II. Tales autem causas non inanes fuisse & ludicras, vel pro cujusque arbitrio confictas; Sed veras & reales, quæ conscientiam

*Probatur  
secessionem  
nostram non  
factam esse  
temerè &  
sine necessi-  
tate.*



tiam ipsam urgerent, ex eo rursus liquidò constare potest: Quòd non Nobis tantùm deformis & corrupta visa sit Ecclesia Romana, sed & quamplurimis Pontificiis, qui hanc Matris suæ turpitudinem diffiteri non potuerunt, quique propterea reformationem aliquam summè necessariam esse agnoverunt. Clamant hoc querelæ & gravamina Maximiliani Imperatoris, Germanorum, Gallorum, &c. in *Fasciculum rerum expetendarum ab Orthuino Gratio* congesta. Clamant Scripta *Nic. de Clemangis, Alvari Pelagii, Theod. à Niem, Wicelii, Wesseli Groningensis, Cassandri, Rayneri, & aliorum plurium*, quos vide in *Catalogo Testium Veritatis, & Plessai mysterio iniquit.* quibus *Vivem, Erasmus, Ferum* addimus, qui multa in Ecclesia Romana jam desiderari apertè sunt fassi, & gravissimos ejus errores & corruptelas dissimulare non potuerunt. Notum est etiam celebre *Fr. Petrarchæ* viri docti & disertissimi testimonium, qui ante annos ducentos ita Papatum & Arcem ejus graphicè depingit, & alibi sæpe, & præsertim *lib. epist. sine titulo, epist. 16.* ut nominet eam *Impiam Babylonem, prodigionum nidum, in quo totum terrarum orbis venenum fovetur, crapulis & ebrietatibus obstrictum, meretricem execrabilem, in qua luxuria undiquaque vagatur & viget, heresum errorumque asylum, carcerem ubi bonum extinguitur & quodvis malum scelestumque alitur, Christo ejusque Apostolis rebellem, ut Venerem Bacchumque Deos colat.* Et alibi, *Roma non jam civitas, sed larvarum ac lemurum domus est, & ut breviter dicam scelerum & dedecorum omnium sentina, atque ille viventium infernus tanto antè Davidico ore notatus quàm fundatus aut cognitus.* Notæ sunt etiam *Mantuanæ* Monachi Itali querelæ, laudati etiam *Espenseo Sorbonistæ* in epist. ad Tit.

*Quisquis opes sacras nummo reperire profano*

*Querit, eat Romam, sacra sunt venalia Roma.*

Et cùm alia vendant alii, inquit ex eodem *Espenseus,*  
*venalia nobis*

*Templa, Sacerdotes, Altaria, sacra, corona,*

*Ignes, thura, preces, cælum est venale Deusque.*

Nec solùm moderatiores illi & mitiores Pontificii, sed & acerrimi Papatûs defensores agnoverunt, vide *Contareni, Sadoleti, Poli,* aliorum ad emendandam Ecclesiam à Papa electorum consilium *Paulo III.* exhibitum apud *Onuphrium* in quo scribunt, ferè *in præceptis collapsam esse Ecclesiam Christi, abusus & gravissimos morbos, quibus jampridem Ecclesia Dei laborat, & præsertim Romana Curia, effecisse, ut ingravescens pestiferis morbis magnam hanc ruinam traxerit: Item, Ecclesiam ad desperationem ferè salutis laborare.* Hoc viderat *Marcellus II.* qui de Controversiis religionis componendis ac de reformatione cogitans, aliam quàm decessoribus ab emendationis nomine, ut auctoritati Pontificiæ ominoso, abhorrentibus sibi esse mentem



mentem palàm profitebatur. Et hic est qui post lectionem Scripturæ & Patrum ab Anagnoste in prandio factam, post longum silentium recordatus Adriani Papæ verba, *Romano Pontifice nemo est miserior*, inquit, &c. & manu mensam percutiens: *non video quomodo, qui locum hunc altissimum tenent, salvari possint.* Onuph. in Marcello II. *Ferus non uno in loco de hisce Ecclesiæ Romanæ corruptelis loquitur, nominatim verò in cap. 8. Judic. Quàm multa instituerunt sancti bona intentione, qua tamen nunc videmus partim in abusum, partim in superstitionem versa? Exemplo sunt Festa, Cereemonia, Imagines, Missa, Monasteria, nihil horum ea intentione institutum fuit quàm nunc habentur, & tamen Gedeones nostri tacent, non abolent abusus, non auferunt superstitiones, &c.* Cùm verò ex hisce, ut innu-mera alia omittamus istius generis, ipsis Adversariis testibus, satis constet varios abusus & corruptelas & in fide & moribus in Ecclesiam Romanam irrepisse, quæ statum ejus & puritatem deformarent, facile est colligere, quam non temerè & sine gravi ratione Majores nostri opus hoc Reformationis susceperint, & ad istud peragendum secessionem sibi faciendam esse duxerint.

XXIX. Reponent hîc forsan Adversarii, *Quamvis daretur corruptam fuisse Ecclesiam diversimodè, non tamen propterea locum fuisse justæ secessionis; sanandam fuisse & corrigendam, non vero deferendam, non denudandam fuisse turpitudinem matris, si quæ fuit, sed pro virili obtegendam. Reformationem quidem necessariam fuisse & potuisse postulari, sed ab iis expectandam fuisse, penes quos jus & potestas erat reformandi, non temerè à quovis suscipiendam.* &c. Sed facili negotio hoc quicquid est ratiocinii solvi potest. 1. fateor lubens & concedo, non statim propter quamvis corruptionem & ægritudinem deferendam esse Ecclesiam, corrigendam esse, & mediis appositis, si pote, curandam. Sed ubi malum eò usque excrevit, ut factum sit penitus immedicabile; Ubi omnis cura facta est inanis, & omnia remedia frustra tentata sunt; Ubi ipsa non modò medicinam admittere recusat, sed & Medicos suos fugat, & ferro ac flammis persequitur; quid ulterius curæ & sollicitudinis impendi potest? Hunc autem fuisse Ecclesiæ Romanæ statum, res ipsa, nobis etiam tacentibus, clamat. Notum est, quantas querelas boni omnes diu fuderint super gravissimis ejus corruptelis, quàm ardentibus votis & publicè & privatim Reformationem aliquam sapius postulaverint, & quàm sæpe promissam, frustra tamen & in cassum expectaverint. Notum quantâ sollicitudine in id incubuerint, ut malis medelam aliquam afferendo, unionem semel factam conservarent; eatenus ut nullam ferè pacis conditionem recusarent, præter eas, unde secutus foret omnis religionis interitus: Sed tantùm abest, ut pio zelo suo summa charitate temperato quicquam profecerint; ut contrà magis ac magis in malo suo obfir-



mata in Medicos suos insurrexerit, & omnem remediorum apparatus procul à se rejecerit. Ubi ergo monita nihili fieri, & viâ mansuetudinis se nihil proficere animadverterunt Nostri, quid faciendum ipsis fuit ampliùs,

Hof. 2. 2.

*Litigate, litigate cum matre vestra, neque enim uxor mea est, dicite ei ut tollat scortationes de facie sua & ex uberibus suis*, in simili casu obsequentes, cum ea litigare inciperent, vitia ei ob oculos subijcientes, & exprobrantes, ut pudore suffusa ad Deum se converteret? Sed quia nedum ut viâ istâ etiam ad correctionem adducta sit, ut ex adverso rabies ejus magis sit exasperata, eatenus ut pios monitores omni persecutionum genere sit infectata: Quid antiquius ipsis esse debuit, si salutis suæ desiderio tenerentur, quàm ut eam desererent, atque ita certissimo ejus exitio se subducerent? juxta illud Jerem. 51. 9. *Curavimus Babylonem, sed noluit sanari, eam deserite, & revertatur unusquisque in terram suam, Judicium enim ejus ad cœlos usque pervenit.*

Jer. 51. 9.

XXX. 2. Falsò supponitur tanquam simpliciter & absolutè verum, Ecclesiam nunquam esse deserendam: Nam etsi sponte hoc largimur respectu *Ecclesie Catholicae & Invisibilis*, quia extra eam nulla est salus: Item, respectu *Ecclesie visibilis verae & pure*, quæ genuinas Ecclesie Christi notas retinet: Nemo tamen dixerit hoc locum habere debere respectu *Ecclesie* cujuscunque *particularis visibilis falsa & corrupta*, quæ & ipsa prior defecit à Christo. Aliàs nec Paulus secedendum esse à falsis fratribus, qui diversam docent doctrinam, bene præscriberet, 1. Timot. 6. 3. 4. 5. nec Judæi à Samaritanis, nec Orthodoxi ab Arianis justè secessissent, nec Propheta fideles sic hortari potuisset, *Ne ascendatis Bethaven* Hof. 4. 15. Hæc enim *Bethaven*, si locum spectamus, nihil aliud fuit quàm *Bethel*, sed cùm nomine esset *Bethel*, idola colendo facta est *Bethaven*. Si Roma, quæ olim fuit *Bethel*, id est *Domus Dei*, sit *Bethaven*, id est, *Domus vanitatis*, quis sine crimine eò ascenderet? Cùm ergo Ecclesia Romana non aliter hîc considerata veniat, quàm ut Cœtus particularis visibilis corruptus, patet causam nullam fuisse cur ab ea secessio fieri non potuerit. Unde malè hîc arguitur à non distributo ad distributum, ab Ecclesia simpliciter & in genere, ad Ecclesiam Romanam in specie; quasi nemo possit deficere ab Ecclesia Romana, quin deficiat ab Ecclesia; & ab Ecclesia Universali. Cùm contrà quò magis ab Ecclesia Romana quàm tali recedimus, eò propius ad veram Christi Ecclesiam accedamus. 3. Damus obtegendos esse naves & defectus Ecclesie alicujus, cùm adhuc sunt tolerabiles & emendabiles, sed quum facti sunt exitiales & capitales, atque ita invaluerunt, ut eorum corrigendorum nulla spes ampliùs affulgeat, tum causam Christi proderet, qui illos dissimularet, & iis conniveret.

Hof. 4. 15.



XXXI. 4. Reformatio postulanda fuit quidem primò & expectanda ab iis, qui in autoritate erant constituti, & hoc non semel, sed sæpius præstitum: Sed cum spes suas delusas viderent Nostri, & illi penes quos potestatum fuit, omnium maximè reformatione indigerent, nec modò de ea cogitare nollent, sed & totis viribus illi reluctarentur, An quia non potuit ab iis obtineri, miserè in errore pereundum fuit? Nonne necessitatis lex, & vocationis generalis ratio unumquemque obligabat, etiam nullo alio accedente mandato, huic operi manum admovere? Ubi passim grassatur incendium, nonne quisque tenetur, cessantibus præsertim iis, qui ad id publicè sunt constituti, aquam undique comportare, & pro virili illud restinguere? In Republica si νεμοφύλακες stertunt, si Janitores ipsi portas adventanti hosti aperiunt; An non licebit civi claves è manu proditoris eripere, & hostem irruentem repellere? Si milites vident urbem à suo Duce prodi; An fidelitatis laudem merebuntur, si taceant & quiescant? an non perfidiæ & prodicionis mercedò insimulabuntur, nisi protinus à Duce illo secedant, & supremi Principis autoritatem adversùs ipsum tueantur, scelestissimis ejus conatibus obfistendo? Ea fuit piorum conditio, stertebant Rectores Ecclesiæ, imò ipsi gregem Christi miserè seducebant & hosti tradebant; Quid mirum ergo, si fideles divinitus excitati in præsentissimo hoc periculo & summæ necessitatis casu, sibi salutique suæ prospicere ante omnia conati sint, desertores & perduelles deserendo, ut fidem intemeratam supremo Principi & Duci Christo conservarent? Sed de his postea fusiùs, cum de *Vocatione Reformatorum* disputandum erit; nunc obiter notasse sufficiat, non potuisse Reformationem ab iis expectari, qui deformitatum & corruptelarum maximarum vel autores erant, vel approbatores. 5. Denique gratis semper supponitur tales abusus & corruptelas non fuisse, propter quas secedendum fuerit. Hoc ipsum enim est τὸ κρινοµενον, cujus contrarium rationibus variis jamjam sumus probaturi, ex quibus constabit causas secedendi nobis non fuisse tantùm, vel mores Cleri corruptissimos, qui tamen multis ingens scandalum præbebant, vel disciplinæ laxatæ varios abusus, vel errores tantùm quosdam leves & tolerabiles, sed gravissimos & teterrimos complures, quos amplecti vel profiteri sine salutis dispendio non poteramus.

XXXII. Hoc ipsum verò ut demonstramus, I. De *Erroribus circa fidem* dicendum, antequam ad Cultum & Regimen descendamus. Tale autem nobis esto principale argumentum. Ab Ecclesia hæretica, & quæ multiplices errores capitales & fundamentales fovet, necessariò secedere tenemur; At Ecclesia Romana talis est. Ergo ab ea secedendum nobis fuit. Major extra controversiam est posita, quandoquidem nulla potest esse communio luci cum tenebris, veritati cum mendacio, Christo cum Belial



2. Cor. 6. 14. 15. 16. & res ipsa loquitur, salutem consistere non posse subruto ejus fundamento. Unde Paulus hominem hæreticum, & qui sanos sermones Domini nostri Jesu Christi & doctrinam secundum pietatem non retinet, fugere jubet 1. Timoth. 6. 3. 4. 5. & 2. Thessalon. 3. 14. Ergo tota lis est de Minore, ut probemus tales esse Romanæ Ecclesiæ errores, qui fundamentum ipsum salutis oppugnant, & hæresin faciunt. Hoc autem facile evinci poterit, si & fundamentum ipsum respicimus, & Pontificiorum circa illud doctrinam. *Fundamentum* Religionis quum dicimus, intelligimus doctrinam omnem, quæ ita ad salutem creditu & factu necessaria est, ut absque ea nemo adultus servari possit. Quæ vox à Judæis primò est usurpata, qui præcipua Religionis dogmata hoc nomine designare solebant, ut *Maimonides* initio nobilissimi operis, quod יסוד היסוד dicitur, eo usus est, יסוד היסוד id est *fundamentum fundamenti*, & *columna sapientia hæc est*, ut sciamus, quod sit *Ens primum* &c. mox ab Apostolis ad mysteria Evangelica translata est 1. Cor. 3. 11. Eph. 2. 20. Heb. 6. 1. Ea verò, ut notum, metaphorica est & ab ædificiis petita; Sicut enim ista absque fundamento stare non possunt, sed corruunt illicò, ita fideles, qui sunt domus Dei, 1. Corint. 3. 6. stare nequeunt, nisi Doctrinæ isti salutari tanquam Petræ immobili innitantur, ab eaque sustententur, Matth. 7. 24. 25. Quemadmodum verò *Religio Christiana* duabus partibus potissimum absolvitur, *Fide* & *Cultu*, *Veritate* & *Pietate*; hinc duæ partes istius Fundamenti vulgò recensentur: Altera quæ *fidei dogmata* complectitur, & quæ *Evangelio* continetur. Altera quæ *morum præcepta* tradit, & *Lege* describitur: illa τὰ θεωρητικά & credenda, ista verò τὰ πρακτικά & facienda proponit. Quæ ergo in unam vel alteram, vel utramque fundamenti istius partem doctrina impingit, *fundamentalis error* dicitur, cum quo salus consistere nequit.

Quis Error  
fundamen-  
talis.

XXXIII. Verùm & hîc distinctio quædam notanda: Datur enim *Error*, qui fundamentum tantum tangit, datur alius, qui fundamentum ipsum evertit. Ille circa ipsum versatur. Iste verò contra: Est qui primò, directè, & immediatè ipsum oppugnat & convellit: Est qui indirectè tantum & secundariò illud impetit. Denique occurrit talis error, qui mediatè quidem & per consequentiam, sed necessariam, proximam, evidentem & ἐμφυτον, seu innatam in fundamentum fertur, Et talis, qui per Consequentiam tantum remotam, contortam, & παρεξαινον seu illatam ad illius ruinam tendit. Ut autem hæc duo longè inter se differunt, Ita pari loco non debent haberi; Sicut enim non qualibet rima in fundamento ædificium ipsum subvertit, Ita nec quilibet error circa fundamentum statim est propriè fundamentalis; Sed ille demum, qui ipsum ita impugnat, ut eo ipso evertat & diruat.

XXXIV.



XXXIV. Tales autem errores esse Pontificiorum in utramque fundamenti istius Theoretici & Practici partem asserimus. Et ut de *Theoretico*, quoad fidem pertinet, primò dicamus, de quo nunc disputamus, mox de altero, quod ad mores sive cultum spectat, disputaturi. Quia longum esset ire per omnia, pauca speciminis ergò ex multis aliis dogmata eorum notabimus erronea, quæ in ipsum fundamentum manifestè incurrunt. Cum verò variæ constitui possint fundamenti istius partes, nemo negabit tres hæc inter primarias & præcipuas meritò reponi, *Scripturam*, *Christum*, & *Gratiam*. *Scriptura* est fundamentum doctrinae & Institutionis, quatenus norma & basis est invariabilis fidei, quo sensu Ecclesia dicitur superstrui *fundamento Prophetarum & Apostolorum*, Ephes. 2. 20. non ratione *persona* ipsorum, quæ fundamento & ipsa egebat, quò niteretur, sed *doctrina*, quæ ab ipsis tum in Veteri tum in Novo Testamento tradita est. *Christus* est fundamentum salutis tum acquirendæ per meritum mortis, tum conservandæ per efficaciam vitæ, siquidem teste Petro non datur in alio salus, Act. 4. 12. & fundamentum aliud nemo ponere potest præter id quod positum est, quod est *Christus Jesus*, 1. Cor. 3. 11. 1. Pet. 2. 4. 5. Unus enim est Princeps vitæ & Autor salutis, qui eam in *Decreta* ab æterno destinatam, in *Verbo* sæpius promissam, in *Cruce* semel acquisitam, in *Corde* subinde obsignat, donec in *Gloria* tandem impleat. *Gratia* est fundamentum applicationis, quatenus eâ nituntur omnia Dei erga nos beneficia, tam, quæ pro nobis à Christo, ut *Vade* parata sunt, quàm quæ in nobis ab ipso ut *Capite* per Spiritum producuntur, cujusmodi sunt, Justificatio, Sanctificatio, Perseverantia, &c. quo sensu gratiæ omnia tribuuntur in Evangelio Rom. 4. 16. & 11. 6. 2. Tim. 1. 9. & 1. Pet. 5. 10. Deus autor omnis gratiæ dicitur fundare fideles, peculiariter verò Heb. 13. 9. Cor dicitur firmari gratiâ, &c. In tria autem ista fundamenta graviter impingere Adversarios luce meridianâ clarius est.

XXXV. Nam ad primum quod attinet, quod *Verbum Dei* esse diximus, Patet quàm turpiter hîc labantur, dum omnia istius Scripturæ *θεοπνευστα* adjuncta, vel directè vel indirectè eunt eversum; *Originem* certam, quum *Occasionaliter* tantum, non ex professo traditam esse volunt: *Autoritatem* & *Αὐτοπικὴν* divinam, quum illam suspendunt saltem quoad nos à Testimonio Ecclesiæ, & ipsi *Judicium* Controversiarum fidei abrogant. *Perfectionem* omnimodam, quum Traditionum ἀγρία necessestatem urgent, quas non modò ipsi *patri pietatis affectu* & *reverentiâ* suscipiendas cum Scripturis decernunt, ut *Conc. Trid. Sess. 4.* sed & sæpius præferunt, adeò ut *Baronio* ad an. 53. tanti ponderis sit *Traditio*, ut *fundamentum* existat ipsarum *Scripturarum*. *Perspicuitatem* & certitudinem evidentem, obscuritatis & incertitudinis eam impie arguendo, ut

Tres partes  
fundamenti  
Theoretici:  
Scriptura,  
Christus,  
Gratia.

Eph. 2. 20.

1. Cor. 3. 11.  
1. Pet. 2. 4. 5.

Ecclesia Ro-  
mana im-  
pingit in  
Verbum  
Dei.



ipsis sit natus cereus & regula lesbia, quæ pro libitu huc illuc inflecti possit. *Puritatem* & integritatem, corruptionis fontes ipsos insimulando. *Finem* primum, negando esse solam normam, sed commonitorium tantum aliquod fidei & morum. *Usum* denique, lectionem ejus severè interdicendo, & lucernam reponendo sub modio, ne scilicet ad illius lucem detegatur mysterium iniquitatis. Atque eò usque furor ille grassatus est, ut etiamnum hodie, ubi plenius Pontifex dominatur, capitale sit S. Scripturam, aut ullam ejus partem quacunque vulgari lingua expressam domi habere vel legere, juxta impiam Regulam *Indicis Expurgatorii*, qui Madriti excusus est an. 1612. his verbis expressam, quam nemo pius sine horrore legere vel audire potest: *Cum experimentò manifestum sit, si S. Biblia vulgari lingua permittantur, plus inde ob hominum temeritatem detrimenti, quàm utilitatis oriri, prohibentur Biblia cum omnibus eorum partibus sive excusa, sive manuscripta, in quacunque vulgari lingua extent, &c.* Quia verò *Pius IV.* videbatur consilio Ordinarii permittere, ut Bibliorum versorum lectio quibusdam concederetur, *Clementis VIII.* secuta observatio spem istam planè illusoriam esse docuit, dum negat ullam de novo tribui *Episcopis, vel aliis facultatem, licentiam talem concedendi, quæ ipsis hætenus sublata fuit mandato S. R. univers. Inquisitionis, &c.* Quæ omnia, Ne quid jam, vel de *Canone, vel de sensu & interpretatione Scripturæ, Versionis vulgate authenticiæ, &c.* dicamus, satis ostendunt, quàm graviter impegerint in primum Caput. Quid opponant Adversarii circa singula hæc capita, ad crimen sibi impactum diluendum, Vide in *Institutionis nostræ Elenct. Part. I.*

In Christi-  
sum.

XXXVI. Sed non minùs peccârunt circa secundum Caput. Quamvis enim Christum ore profiteantur, & duas ejus Naturas in una Persona agnoscant: Nonne reipsa cum abnegant, dum Officium Mediatorium ita pervertunt, ut non possit ampliùs dici, quod est tamen revera, *Unus Mediator* noster apud Deum, 1. Timoth. 2. 5. Nam quo pacto illum retinere censendi sunt, qui alios Mediatore etiam Redemptionis excogitârunt, quàm Christum, Aliud purgatorium quàm ejus sanguinem, qui *purificat nos ab omni peccato*: 1. Johan. 1. 7. Aliud sacrificium Propitiatorium, quàm ejus passionem, in qua semel oblatus *ut auferret multorum peccata, æternam redemptionem nobis est adeptus*, Heb. 9. 12. 28. Aliud meritum coram Deo, quàm ipsius Obedientiam, per quam tamen *multi constituuntur justi*: Rom. 5. 19. Aliam salutis regulam, quàm ejus Verbum, licet solus sit Doctor audiendus in Ecclesia: Matth. 23. 10. & anathema nobis debeat esse, qui supra Evangelium aliquid docet, Galat. 1. 8. Aliud Orationum fulcrum, quàm ejus meritum & intercessionem, quamvis hoc officium uni illi demandatum legatur: 1. Johan. 2. 1. Aliud denique Universalis Ecclesiæ Caput, quàm  
ipsum



ipsius personam, utut constanter hæc prærogativa illi soli exclusivè ad omnes alios tribuatur, Ephes. 1. 22. 23. & 2. 20. & 4. 15. 16. Alia mittimus bene multa, quæ congeri possent. Sed hæc satis superque probare possunt quod intendimus, gravissimos errores esse in secundum fundamentum.

XXXVII. In Tertio non major est difficultas. *Gratiam* enim basim *In Gratiam.* esse & fundamentum totius Christianismi, quo posito ponitur, & quo sublato tollitur, nemo ignorare potest, qui Scripturam novit. Sive eam in Decreto respicias ratione *Prædestinationis* Dei, in qua gratia nobis data esse dicitur in Christo ante tempora secularia: 2. Timot. 1. 9. sive in executione ratione *Redemptionis* Christi, *Gratiâ* quippe *servamur*, Eph. 2. 8. Tit. 3. 4. 5. sive in applicatione ratione *Vocationis* & *Regenerationis* Spiritûs, quia Deus dat velle & perficere, omnis *in æternis* nostra ab eo est, & gratiâ ipsius sumus quod sumus, Philip. 2. 13. 1. Cor. 15. 10. 2. Corint. 3. 5. Hanc autem gratiam non modò obscurari ab Adversariis, sed & everti & de solio deturbari, quis ire possit inficias, qui dogmata ipsorum hac in parte cognoverit? Nam ut nihil jam dicamus de *prævisione operum* & meritorum priorum, cui electionem fidelium inniti plurimi ex ipsis statuunt, quod revera liberrimam & gratuitam Dei prædestinationem evertit. Nihil etiam de *Operibus satisfactoriis*, quæ Satisfactioni Christi perfectissimæ assuunt, quod etiam gratuitam Redemptionem tollit. Cui obscurum esse potest *Gratiam justificationis*, & *Gratiam sanctificationis*, apud ipsos enervari, & tantum non abrogari, dum merita & opera nostra ad illam concurrere necessariò debere statuunt, cum ista verò liberum Arbitrium tanquam causam sociam ad minimum cooperati, ita ut præcipua discretionis & conversionis ratio ab illo pendeat, directè contra Paulum 1. Corint. 4. 7. Quo pacto tum in *Pharisaorum* & *Pseudoapostolorum* castra transeunt, qui vel Justitiam propriam stabilire conabantur, vel opera cum fide exitiali mixturâ confundere satagebant, tum *Pelagianorum* & *Semipelagianorum* hæresim pridem damnatam renovant, qui sub specioso gratiæ nomine Idolo liberi Arbitrii litantes, ut facerent homines liberos, faciebant sacrilegos.

XXXVIII. Hæc verò quanti in Religione Christiana sint momenti nōrunt omnes, qui veram Christianismi naturam tenent. Cū enim eò tota dirigatur, ut homo proprii peccati & miseriæ sensu dejectus, de se ipso viribusque suis planè desperans in uno Christo salutem suam quærat, quâ tandem ratione principium hoc retinere censendi erunt, qui non patiuntur hunc honorem Christo tribui, ut tota salus nostra in solidum ab ipso pendeat, nisi in partem veniant simul & Operum merita & liberi Arbitrii molimina? Sanè vel hoc unum, etsi nihil aliud extitisset, plus quam sufficere potuit ad secessionem instituendam. Nam ut de *Justificatione* tantum dicamus,



dicamus, quis ambigat eam & Christianismi basim esse præcipuum, & Christianorum peculium, in qua cardo consolationis & salutis nostræ unice vertitur, discrimen Legis & Evangelii continetur, veræ *εὐχαριστίας* fundamentum proponitur, & quod omnium maximum est, Conscientiæ coram judicio Dei tranquillandæ certissima ratio habetur: Sed quis non videat pariter, ex quo Pontificiorum sententia de *Justificatione operum* obtinuit, & sub anathematis pœna in *Concil. Trid. Sess. 6.* sancita est, præcipuum hunc & fundamentalum articulum ita deformatum fuisse & corruptum, ut Christo & Evangelio nuncium remittere teneatur, qui illum amplecti & retinere satagit. Sic enim mors Christi vana & inutilis redditur, *Si ex Lege justitia, Christus frustra mortuus*, Galat. 2. 20. Aoletur Gratia, & irrita fit promissio, Rom. 4. 14. Rom. 11. 6. Evangelium in Legem cominutatur, & quod *ἀδύνατον* semper judicavit Paulus, Fœdus Novum cum Veteri confunditur, Gal. 5. 3. 4. quia non extra nos in alio justitiam & salutem quærere jubemur per fidem, quod gratia docuerat, Phil. 3. 9. Rom. 10. 3. sed in nobis per propriam obedientiam, quod lex postulabat. Sic conditio fœderis Gratiæ tollitur, sic fiducia omnis salutis & consolatio perit, sic hæsitatio & tremor conscientiam peccati sui & judicii divini metu anxiam ita premit, ut instar arundinis fluctuet semper, nihilque habeat nisi vanissimum & incertissimum, quò nitatur. Quid enim in operibus suis reperiet homo nisi dubitandi & tandem desperandi materiam? Quæ cum ita sint, ut sanè sunt verissima, ipsis etiam Adversariis testibus, qui incertitudinem propriæ salutis & perpetuam dubitationem de gratiâ Dei inter præcipua fidei capita reponere solent; Quis jam facilè non judicet, quàm graviter hic impegerit Ecclesia Romana, & quàm justè *Lutherus, Zwinglius*, & alii propter hunc etiam articulum Reformationis opus sint aggressi, & de Secessione cogitârint?

XXXIX. Quòd si ulteriùs inquirere in ejus doctrinam esset animus, Quanta hîc errorum coiluvies esset detegenda? Quid non de absurdissimo Transsubstantiationis & Sacrificii Missatici commento dicendum esset? De sacrilega Calicis Eucharistici detractione, De superba perfectionis & impeccantiæ fidelium præsumptione, De falsissima Papæ infallibilitate, & aliis innumeris, quæ apud eos paulatim invaluerunt, & omnibus credenda proponuntur? Sed ne plura congeram, unicum tantum præcedentibus attexere non pigebit, ex quo constabit Religionem totam Pontificiam ita dubiam esse & incertam, ut non tantum de salute sua quisque hæsitare possit & debeat, ut jam antè observatum, sed & quotidianæ Idololatriæ objiciatur periculo; imò nec ullus in ea persuaderi unquam possit se esse Christianum. Mira sanè res & incredibilis, sed tamen verissima quam nemo potest dissiuadere, si memi-



memineris hoc vulgò receptum esse dogma apud Pontificios, *Intentionem Ministri esse de essentia Sacramenti*, ita ut nisi hæc adsit, nulla sit Sacramenti consecratio. Verba sunt *Concilii Tridentini*, Sess. 7. Canon. 11. *Si quis dixerit in Ministris, dum sacramenta conficiunt & conferunt, non requiri intentionem saltem faciendi, quod facit Ecclesia, Anathema sit.* At si hoc verum est, cum intentio sit arcana & occulta, de qua nemini constare potest extra hominem ipsum, nullus mortalium etiam de veritate Sacramenti persuaderi poterit. Putat ille se bonum esse Christianum & Catholicum, sed nequidem scire potest, an revera sit baptizatus, cum hoc pependit ex intentione Ministri, quam ignorat. Ille arbitratur se legitimo matrimonio copulatum esse; sed adulterium fortè committit, si intentio defuit in Sacerdote. Credit hic se devotè adorare Christum in hostia consecrata; Sed nec scire certò potest, an ibi sit verè Christus, quia nescit an intentionem habuerit consecrandi Sacerdos; Vel an Sacerdos iste habeat revera consecrandi potestatem; An Episcopus à quo fuit ordinatus habuerit intentionem id ipsum, & non aliud quid præstandi. Ita in ancipiti hæcant semper necesse est, nec unquam immunes esse poterunt à periculo crassissimæ idololatriæ. Non absimili argumento olim Donatistas urgebat August. Epist. 166. qui peccatum personale ministri sacramentum irritum reddere statuebant. Quis dixerit verò Religionem tam vanis & ruinosis fundamentis nixam ab homine pio retineri posse sine gravi salutis dispendio? Ut ergo semel primum hoc argumentum concludamus. Cum tam graviter & forè impegerint in *Verbum*, in *Christum*, & in *Gratiam*, illius *autoritatem* negando, istius *meritum* interpolando, hujus *efficaciam* enervando, jure colligimus fundamentales & capitales errores fovisse, atque aded cum pertinaciter eos tuerentur, & quibusvis credendos impouercnt, necessariò deferendos fuisse, si saluti consultum voluimus.

XL. Quid ad hoc argumentum excipient Adversarii? An respondebunt ista dogmata, etli erronea fortè, non esse tamen fundamentalia & capitalia, quæ justam Seccessioni causam præbere potuerint; sed talia quæ tolerari potuerint, & quibus non obstantibus, charitas inter nos integra potuerit manere? Sic sanè censet *M. Ant. de Dominis Spalatensis Archiepisc.* lib. 7. de *Repub. Eccles.* cap. 11. ubi operosè conatur probare, dogmata ista, licet falsa & erronea, non esse tamen fundamentalia. Nec multum abludere videtur *Cardinalis Richelius* in tract. *Gall. de Conversione eorum qui ab Ecclesia Romana secessionem fecerunt*, qui lib. 3. c. 1. multus est in probando plerosque articulos, quos tanquam præcipuas seccessionis causas obtrudimus, non esse fundamentales, ut *Sacrificium Missaticum*, *Transubstantiationem*, *Liberum Arbitrium*, *Invocationem Sanctorum*, *Cultum Imaginum*, *Papa Primatum*, &c. &c. Sed non



1. Cor. 3. 11.  
12.

difficile est respondere. 1. Petitur principium & supponitur quod est in questione, damus distinguenda esse fundamentalia à non fundamentalibus, ut Paulus inter fundamentum distinguit, & ea quæ illi inædificantur, 1. Cor. 3. 11. 12. In istis tolerantia alicui & charitati locum esse posse non inficiamur; Sed quoad illa negamus, quia sublato & everso fundamento, corruere totum ædificium necesse est; sed falsissimè supponitur errores Papatus non esse fundamentales; quasi verò *Traditionum necessitas, Justificatio ex operibus, Satisfactiones & merita hominum, Sacrificium Missæ, Papa ὁ πῆροχὴ, Indulgentiarum Papalium nundinatio*, & similia, de quibus antea, quæ tam aperte in Verbum Dei, Christi Personam & Officia, Gratiæ efficaciam & beneficia incurrunt, ad fundamentum non spectent, nec in ipsum impingant. Quasi aliam normam fidei proponere quàm Scripturam, alios Mediatore agnoscere quàm Christum, aliud Sacrificium quàm Cruentum Crucis, aliam causam justificationis & sanctificationis quàm solam gratiam, non sit fundamentum aliud ponere præter id quod positum est? 2. Et si daremus quosdam ex erroribus istis *seorsim* consideratos, non esse propriè & directè fundamentales, eatenus ut unusquisque eorum potuerit quadantenus tolerari, si Ecclesia in cæteris omnibus pura fuisset & sana; Certum est tamen eos simul sumptos, & in concatenatione & dependentia, quam habent ad se invicem, morbum facere complicatum & capitalem, qui verè lethalis sit. 3. Denique aliud est dogma aliquod non esse fundamentale re ipsa, aliud pro fundamentali obtrudi; fatemur quidem multa in Ecclesia Romana proponi, quæ de ratione fundamenti nequaquam censeri possunt aut debent, sed quia necessitatem ipsa imponit conscientia sub gravissimis pœnis ea admittendi & fidei articulis annumerandi; hoc respectu fundamentalia ipsi fiunt; Sic ne quidem ex ejus hypothese leviter potest errare, qui in talibus impingit.

1. Cor. 3. 11.  
15.

XLI. II. Excip. Aliud esse *addere fundamento*, aliud *fundamentum evertere*, potuisse quidem Ecclesiam Romanam addere nonnulla, sed non propterea tamen ab ipsa eversum esse fundamentum, retinuisse semper & retinere adhuc Verbum, ut Normam fidei, Christum ut Autorem salutis, Gratiæ ut principium regenerationis. R. 1. Addi potest aliquid fundamento bifariam, vel ut *pars ædificii*, quæ illi superstruitur, Vel ut *pars fundamenti*, quæ cum illo pro fundamento teneatur; priori sensu non statim quicquid additur fundamento illud evertit; ut qui *fœnum & stipulam* addit fundamento, id est, doctrinam, non quidem hæreticam & perniciosam, sed minùs sinceram & solidam, curiosam magis quàm utilem, retinet quidem fundamentum, & propterea servandus est, sed veluti *per ignem*, id est, ægrè, operâ, & mercede speratâ, licet non vitâ, mulctatus, 1. Cor. 3. 11. 15. Sed posteriori sensu, qui addit fundamen-  
ut sit



ut sit pars fundamenti, addendo destruit, quia aliud fundamentum præter positum dari non potest. Talia sunt autem Ecclesiæ Romanæ addita-  
menta, quæ non tantum fundamento superstruuntur, sed & quæ pro funda-  
mento obtruduntur. 2. Qui addit fundamento, quæ sunt illi homogenea &  
conformia, non evertit fundamentum; Sed qui addit *contraria & ἀντίθετα*,  
*addendo evertit*; hujus criminis autem reos esse adversarios quis dubitet?  
Spiritus Sanctus docet Scripturam talem esse normam fidei, cui nihil ad-  
dendum nec detrahendum sit, & præter quam nihil sub gravissimi anathema-  
tis poenâ sit admittendum Galat. 1. 8. Volunt tamen isti Traditiones ἀγρά-  
φης pari affectu & reverentiâ suscipi. Docet idem Christum unicum esse  
Mediatorem nostrum 1. Tim. 2. 5. & Caput Ecclesiæ Ephes. 1. 20. Justi-  
tiam ejus unicum meritum, quò justi constituimur, Roman. 5. 18. 19. ejus  
Intercessionem unicum medium accedendi ad Patrem. Johan. 14. 6. 1. Joh.  
2. 1. & Ephes. 2. 18. At Pontificii his non contenti, Mediatores alios, aliud  
sacrificium propitiatorium, alia merita, aliud Caput commenti sunt.  
Quid est fundamentum evertere, si hoc non est?

XLII. Frustra regeres, palàm tamen eos profiteri se istud retinere,  
nihilque minùs quàm de eo convellendo cogitare; Quid enim juvat re-  
tinere, si cum eo conjungas corruptelas exitiales quibus pervertitur? Quid  
juvabit adulteram clamare se virum, cui matrimonio juncta est, pro le-  
gitimo marito suo habere, si adulterum in sinum recipit, & corporis sui  
illi copiam facit? An minùs ideo adulterii rea peragetur, cùm constet  
protestationem esse facto contrariam? Aliud itaque est *ore tenus profite-  
ri*, aliud *corde credere*, aliud nomen tenere, aliud rem ipsam & myste-  
rium agnoscere. Damus eos profiteri Christum, & nomen ejus constan-  
ter obtrudere; sed sincerè recipere, & illi verè adharere, negamus, quia  
verbis gloriam ejus prædicando, re ipsa abnegant, dum inter se & i-  
psam salutis opus dimidiant, & quod unius Christi est ad homines trans-  
ferunt. Ut ergo fundamentum ritè teneatur, tres conditiones potissi-  
mùm requiruntur. 1. Ut non ore tantum, sed *corde*, non in verborum  
cortice, sed in rerum & mysteriorum veritate recipiatur, *fundamen-  
talia* enim, non *in verbis consistunt*, ut bene Hiero. sed *in sententia*.  
2. Ut non pars tantum quædam, sed *totum* in solidum retineatur, quia  
Religionis doctrina est una copulativa, quæ facit unam ac individuam  
veritatis regulam, quæ nec additionem, nec detractionem ullam patitur.  
3. Ut *solum* sine aliis ullis assumptis possideatur, *aliud enim fundamen-  
tum nemo ponere potest præter positum*, 1. Corint. 3. 11. Unde qui unicum  
non habet, planè non habet, *Christus non μετέσται* 1. Cor. 1. 13. vel  
solus adest, vel abest, impatiens consortis, nec priorem, nec parem ferre  
potest. Sic additio omnis non minùs ac detractio in materia fidei & cultus



ita prohibetur, ut quod est *præter*, sit etiam *contra*, Deutero. 4. 2. & 5. 32. Unde Paulus non jubet tantum fugere eos, qui *contrarias* doctrinas tradunt, sed qui *diversas*, & alias ei *τις ἑτεροδιδασκαλεῖ*, 1. Tim. 6. 3. 4. Vetat *sapere* non modò *contra*, sed *ὑπὲρ supra id quod scriptum est*, 1. Cor. 4. 6. & anathemati subicit, quisquis tentaverit Evangelizare *παρ' ὃ præter id quod Evangelizatum fuerat ab ipso*, Galat. 1. 8. Cùm ergo fundamentum live doctrinæ, live salutis, unicum tantum sit, ultra & præter quod nihil admitti potest, quicumque solum non retinet, omnino non retinet, sed evertit.

1. Tim. 6.  
3. 4. 1. Cor.  
4. 6.

XLIII. Dices *non tolli veritatem exclusivarum, nec per consequens fundamentum everti, quia subordinata non pugnant, Talia autem esse dogmata ista, de quibus agitur, quæ suam Christo gloriam & ὑπεροχὴν semper relinquunt: Papam quidem esse caput Ecclesiæ, sed visibile tantum, secundarium & ministeriale, sed Christum esse solum Caput primum, invisibile. Mediatōres Sanctos credi, sed Intercessionis tantum, Christum solum propriè dictum Redemptionis: Opera & merita propria induci, sed quæ omnem vim suam, & efficaciam à Christo mutuuntur, qui fidelibus virtutem merendi acquisivit. Sacrificium Missaticum urgeri, sed Sacrificium Crucis manere semper solum propitiatorium, quia illud nihil aliud sit, quàm istius commemoratio & applicatio, & sic in cæteris, tantum abesse ut injuria fiat Christo, & gloria ejus imminuatur, ut magis gratia ejus commendetur & illustretur.* R. Sed hæc sunt inanes officinæ, quæ nequicquam obtenduntur commento isti stabiliendo. 1. Quod hic de *subordinatione* notatur merum est figmentum, quasi ulla concipi possit subordinatio inter ea, quæ planè sunt opposita & adversa, nam si gloria Capitis & functio Mediatoris soli Christo sit propria & ἀκινώνητος, ut omnino fateri coguntur, qui norunt opus esse virtutis infinitæ, quod in Creaturam finitam cadere nequit, quomodo dividi poterit sine manifesto sacrilegio & aperta contradictione? Nec valet σφὸν φάρμακον distinctionum positarum, quia ut natura rei eas non patitur, ita ἅτερ γράφῃς finguntur, quæ nusquam vel Capitis secundarii & visibilis, vel Sacrificii commemorativi & applicativi, vel Mediatoris Intercessionis & non Redemptionis meminit. 2. Licet Christus hominibus utatur tanquam *ministris* ad regimen externum Ecclesiæ, nunquam tamen *Capitis* dignitatem in unum quempiam contulisse dici potest, nisi caput monstruosum & biceps tribuere velimus Ecclesiæ, quæ non modò Christi, sed & Papæ vocetur Corpus. Sancti non tantum Mediatōres sunt Intercessionis, sed & Redemptionis ex sententia Pontificiorum, quia eorum *precibus & meritis* nixi remissionem peccatorum & vitam æternam petunt, vide *Breviarium Romanum* passim; & *Hortul. anim.* editum per Plant. an. 1557. in officio B. Mariæ *precibus & meritis B. Mariæ semper Virginis & omnium Sanctorum* perducatur nos Dominus ad regnum cælorum, &c.

Sic



Sic modò, ut *socia* Christo adjungitur, modò ut *superior* præficatur, quum orant, ut *Marem esse se monstret*, & *jure matris Redemptori imperet*. An hoc est subordinari Christo, an non potius in ejus Officium involare? 3. Falsò supponitur Christum meritum nobis esse virtutem merendi, cum in Creaturam finitam & peccatricem non cadat, meruit salutem, & remissionem peccatorum, sed merendi facultatem nusquam, quid enim opus est merito nostro, ubi meritum Christi plenissimè sufficit? Quod ergo merita nostra non opponi meritis Christi, sed componi & subordinari volunt, absurdum est; nam eo ipso quo *componuntur*, *opponuntur*, gloriam capitis propriam in membra transferendo. 5. Ridicula est distinctio *Sacrificii commemorativi & applicativi*, nam commemorare rem gestam est agnoscere nos non facere quod est factum, sed tantum recolere & repetere, ne excidat illud quod fuit factum; nec applicatio potest esse oblatio, cum hæc applicatio facienda, illam oblationem præsupponat factam. Præterquam quòd applicatio fieri debet homini, sacrificium autem offerri debet Deo. Unde, ne ulterius pergamus, satis liquet Adversarios *αὐτάτα* velle conjungere, nec posse, quicquid profiteantur, Christum cum hisce commentis suis retinere. Paulum ipsum audiamus in simili planè negotio: Pseudo-Apostoli Christum sanè profitebantur, & dicit tamen eos *pervertere Evangelium*, & *καταργεῖσθαι ἀπὸ τοῦ Χριστοῦ*, quia cum fide & meritis Christi Legis opera & merita propria, planè ut hodie Pontificii, in justificatione urgebant, Galat. 1. 7. & 5. 4. Angelici veteres, qui cultum Angelorum à Platoniciis haustum introducere satagebant, Christianum quidem nomen retinebant, sed tamen quia adjungebant Christo vero cultus objecto falsum, & adulterinum, dicuntur *non retinere Caput*, Coloss. 2. 19. Idololatraz qui claudicabant in utrumque latus, *Jehova* nomen retinebant: Col. 2. 19. Hos. 4. 15. sed non minùs *deseruisse Deum* dicuntur vers. 11. Adeò verum est Hos. 4. 15. nihil componi posse hac in parte cum Verbo, vel cum Christo, & Gratia, quod non illis opponatur.

XLIV. III. Excip. In Ecclesiis Galatarum & Corinthiorum fuisse errores capitales in doctrina de Justificatione, de observatione Legis ceremonialis, de resurrectione mortuorum, nec tamen propterea communionem earum deferere jubere Paulum. Ergo licet errores essent in Ecclesia Romana capitales, non tamen statim secedendum fuisse. R. 1. Dist. Ecclesiam à Seducto-ribus, qui sunt in Ecclesia, fateor quosdam fuisse in illis Ecclesiis, qui tales errores foverent; sed Ecclesiam ipsam hoc errore infectam fuisse totam negamus, cum Apostolus apertè eos distinguat, 1. Cor. 15. 12. *quomodo dicunt quidam ex vobis, non esse resurrectionem mortuorum?* & Gal. 1. 7. *sunt quidam qui vos turbant.* 2. Distingue errores privatorum paucorum, qui disseminari incipiunt in Ecclesia, nec approbantur tamen



ab Ecclesia, ab *erroribus publicis Ecclesia*, qui sunt in ἀρχῇ, & qui autoritate publicâ sanciantur, & ita sunt confirmati, ut in leges abierint. Illi sanè exitiales quidem sunt eos soventibus & cæteris periculosi, sed non tamen fideles qui in illo cœtu versantur ad secessionem statim obligantur, quum immunes se ab iis tutari possunt. Imò Paulus testatur *oportere hereses esse inter fideles, ut probati noscantur* 1. Cor. 11. 19. At alia ratio est istorum, quia cùm publici sint, singulos inficiunt. Jam primi generis fuisse errores illos Galatarum & Corinthiorum antea visum ex distinctione Apostoli, qui seductores à fidelibus secernit: Quòd si fideles compellare, vel de iis loqui videtur, non tam loquitur de iis, ut jam lapsis, quàm ut vacillantibus, ut eos confirmet, & adversus seductores præmuniat; Non enim simpliciter dicit *translati estis*, sed *metati deo de transferimini*, tacitè culpam ab ipsis in impostores removendo, & bene adhuc de iis sperando, ut infrà cap. 5. 10. dicit, *confido vos nihil aliter sapere*. Sed errores Papales non fuerunt tantùm quorundam in Ecclesia; sed Ecclesiæ totius, in qua publicè docebantur & defendebantur; Non fuerunt in *initio*, quos admittere, vel rejicere liberum fuerit; sed in ἀρχῇ & fastigio, qui autoritate publica vim legis obtinuerunt, maximè ex quo Concilium Tridentinum eos sub pœna anathematis singulis credendos obtrulit. Hactenus ergo discrimen est longè maximum inter Ecclesias illas & Romanam, ut ab illis ad hanc argumentari sit disparia planè conjungere.

XLV. Ut verò clariùs pateant errores capitales Eccl. Rom. libet hîc apponere novum Symbolum, quod à Pio IV. traditur in Bulla super forma Juramenti professionis fidei, quam juxta hanc & non aliam formam fieri, Apostolicâ autoritate districtè mandat; Ut extat in Catech. Trident. *Ego N. firmâ fide credo & profiteor omnia & singula, quæ continentur in Symbolo fidei, quò S. Romana Ecclesia utitur: videlicet Credo in unum Deum Patrem omnipotentem, factorem cæli & terre, visibilium omnium & invisibilium. Et in unum Dominum Jesum Christum, Filium Dei unigenitum, & ex Patre natum ante omnia secula, Deum de Deo, Lumen de Lumine, Deum verum de Deo vero, genitum, non factum, consubstantialem Patri, per quem omnia facta sunt, Qui propter nos homines, & propter nostram salutem descendit de cælis, Et incarnatus est de Spiritu Sancto ex Maria Virgine. Et homo factus est, Crucifixus etiam pro nobis sub Pontio Pilato, passus & sepultus est, resurrexit tertiâ die secundum Scripturas, & ascendit in cælum, sedet ad dextram Patris, & iterum venturus est cum gloria judicare vivos & mortuos. Et in Spiritum Sanctum Dominum & vivificantem, qui ex Patre Filioque procedit, qui cum Patre & Filio simul adoratur, & conglorificatur. Qui loquutus est per Prophetas. Et in unam sanctam Catholicam & Apostolicam Ecclesiam; Confiteor unum Baptismum in remissionem peccatorum,*



etorum, Et expecto resurrectionem mortuorum & vitam eternam. Amen.

Apostolicas & Ecclesiasticas Traditiones, reliquasque ejusdem Ecclesie observationes & constitutiones firmissimè admitto & amplector.

Item S. Scripturam juxta eum sensum, quem tenuit & tenet sancta mater Ecclesia, cujus est indicare de vero sensu & interpretatione S. Scripturarum, admitto, nec eam unquam nisi juxta unanimem consensum Patrum accipiam & interpretabor.

Profiteor quoque septem esse verè & propriè Sacramenta nova Legis à Iesu Christo D. Nostro instituta, atque ad salutem humani generis, licet non omnia singulis necessaria, scilicet Baptismum, Confirmationem, Eucharistiam, Pœnitentiam, Extremam Unctionem, Ordinem & Matrimonium, Illaque gratiam conferre, & ex his Baptismum, Confirmationem & Ordinem, sine sacrilegio reiterari non posse, Præceptos quoque & approbatos Ecclesie Catholice ritus, in supradictorum omnium Sacramentorum solemnè administratione recipio & admitto.

Omnia & singula, quæ de Peccato originali, & de Iustificatione in S. S. Tridentina Synodo definita & declarata fuerunt, amplector & recipio.

Profiteor pariter in Missa offerri proprium & propitiatorium Sacrificium, pro vivis & defunctis, Atque in sanctissimo Eucharistia Sacramento, esse verè, realiter, & substantialiter Corpus & Sanguinem, unà cum anima & divinitate D. N. J. Christi, fierique conversionem totius substantie panis in corpus, & totius substantie vini in sanguinem, quam conversionem Catholica Ecclesia Transubstantiationem appellat. Fateor etiam sub altera tantum specie, totum atque integrum Christum, verumque Sacramentum sumi.

Constanter teneo, Purgatorium esse, animasque ibi detentas fidelium suffragiis juvari.

Similiter & Sanctos unà cum Christo regnantes, venerandos atque invocandos esse, eosque orationes Deo pro nobis offerre, atque eorum reliquias esse venerandas.

Firmissimè assero Imagines Christi, & Deipara semper Virginis, nec non aliorum Sanctorum, habendas & retinendas esse atque eis debitum honorem & venerationem impertiendam.

Indulgentiarum etiam potestatem à Christo in Ecclesia relictam fuisse, illarumque usum Christiano populo maximè salutarem esse, affirmo.

Sanctam Catholicam & Apostolicam Romanam Ecclesiam omnium Ecclesiarum matrem & magistram agnosco; Romanòque Pontifici, beati Petri, Apostolorum Principis, Successoris, ac Iesu Christi Vicario veram obedientiam spondeo, ac juro.

Cetera item omnia à sacris Canonibus, & Oecumenicis Conciliis, ac præcipuè



præcipuè à Sacrosancta Tridentina Synodo tradita, definita, & declarata indubitanter recipio, atque profiteor, simulque contraria omnia, atque hereses quasunque ab Ecclesia damnatas, & rejectas atque anathematizatas, ego pariter damno, rejicio, & anathematizo. Hanc veram Catholicam fidem, sine qua nemo salvus esse potest, quam in præsentis sponte profiteor, & veraciter teneo, eandem integram & inviolatam usque ad extremum vite spiritum constantissimè, Deo adjuvante, retinere & confiteri, atque à meis subditis, vel illis, quorum cura ad me in meo munere spectabit, teneri, doceri, & prædicari, quantum in me erit, curaturum. Ego idem N. spondeo, voveo, ac juro. Sic me Deus adjuvet, & hæc sancta Dei Evangelia.

XLVI. Ex quibus proclive est colligere, quantum non modò diversa sit à Scriptura Ecclesiæ Romanæ fides, innumera recipiendo præter ea quæ in ea continentur; sed & ei adversa & δις διὰ πατῶν opposita, plurima sanciendo, & tanquam necessaria ad salutem obtrudendo, quæ apertè ei repugnant; nec aliud fundamentum habent, quàm in Traditionibus ἀγέδ-Φοις; quarum nulla potest aut debet apud nos esse autoritas; quæque ideo recipere & amplecti sine præsentissimo salutis periculo non possumus, dirò anathemati, quod Paulus denunciat, nos subjiciendo. Non nos latet equidem varias novissimis istis temporibus *Expositiones Doctrinæ*, ut vocant *Catholicæ* in medium prodiisse ad errorum fœdorum, quibus inquinetur, turpitudinem abstergendam, vel saltem utcunque tegendam; quasi fides ejus probè hætenus perspecta non fuerit. Verùm qualescunque colores & pigmenta quærantur ad cruda ista dogmata incrustanda, si penitus in rei veritatem inquirimus, facile patebit, merum esse fucum, ad fallendum compositum, quo simplicioribus imponere satagunt, quod certius constat vel ex eo, quòd quicquid Methodistæ & Elucidatores isti in medium afferant ad emolliendam falsissimorum dogmatum duritiem, non desinunt tamen obtrudere Concilium Tridentinum tanquam fidei regulam, & pro Ecclesiæ suæ infallibilitate, quæ errorum omnium fons est & mater, tanquam pro aris & focis decertare. Quod dum urgebitur necessariam Secessionem nostram ab Ecclesia Romana reddet semper, & impossibilem cum ea Syncretismum, ὅπερ ἐδὲ δεῖξαι.

F I N I S.

DISPU.



## DISPUTATIO SECUNDA

*Quæ Prima est*

## DE IDOLOLATRIA ROMANA.

*Respondente MARCO MICHÆLIO Genevensi.*

I. **S**UPERIORI Disputatione diximus, Tria hæc præcipuè Se-  
 cessionis nostræ necessitatem, & Syncretismi impossibilita-  
 tem facere, *Heresim* in Doctrina, *Idololatriam* in Cultu,  
 & *Tyrannidem* in Regimine; Et de *Heresi* jam egimus, de-  
 monstravimusque adeò tot capitales & fundamentales errores obtinere in  
 Papatu, ut impossibile sit eos fovere & profiteri sine præsentissimo salutis  
 discrimine. Sequitur jam ut de duobus aliis Capitibus disputemus; & pri-  
 mò de *Idololatriâ*, postmodum de *Tyrannide*.

II. Ut autem de *Idololatriâ* dicamus; Quia res est maximi momenti, *Idololatria*  
 & quæ sola necessitatem Seccessionis nostræ abundè comprobat, paulò ple- *justa causa*  
 niùs de ea est differendum. Hoc verò nobis argumentum esto primum; *Seccessionis.*  
 Ab illius Ecclesiæ communione & sacris necessariò secedere tenemur, quæ  
 multiplicis Idololatriæ in cultu suo rea est; At Ecclesia Papalis hoc crimine  
 manifestè tenetur. Ergo. Majorem propositionem vix opus est ut probe-  
 mus, quando Scriptura passim *Idololatriam* damnat, tanquam fœdissimum  
 crimen, & cum vera Dei communione planè ἀσύστατον; hinc Paulus  
 1. Corint. 6. 9. idololatrias à regno cœlorum excludit, & 1. Corint. 10. 14.  
 jubet Corinthios fugere idololatriam, & 2. Cor. 6. 16. 17. nullam com-  
 munionem esse posse inter Templum Dei & Idola profitetur, ἡ συνκατά-  
 θεσις ναὶ τοῦ Θεοῦ μετὰ εἰδώλων, Petrus cap. 4. 12. vers. 3. Idololatriam inter  
 peccata Gentilium recenset, quæ procul esse debent à Christianis, Johan-  
 nes 12. cap. 5. vers. ult. hoc unum præ cæteris commendat, *Filioli cavete*  
*ab idolis*. Nec obullum aliud peccatum graviùs unquam iratus Dominus  
 legitur adversùs populum Israëliticum, vel ad deserendum ipsum, & libel-  
 lum repudii ipsi dandum, ullo alio crimine fortiùs est impulsus, ut passim  
 apud Prophetas videre est. Nec sanè mirum; nam si non aliâ re magis  
 mariti ira accenditur in uxorem, quàm si videat ab ipsâ violari fidem con-  
 jugalem; quantò justius Deus zelotypus, qui impatiens est consor-  
 tii, nec parem aut superiorem ferre potest, commovebitur adversùs Ec-  
 clesiam,



DISPUT.  
II.

clesiam, quæ sacrum fœderis & conjugii spiritualis, quod cum ipsa contraxit, vinculum infami idololatriæ adulterio abrumpit? Tale enim est vinculum Religionis, quæ nos soli Deo religat, quale est conjugii, Deus quippe in Scriptura se Sponsum nostrum esse testatur, Ecclesiam verò sponsam suam, quam in uxorem sibi desponsavit Hos. 2. 2. 16. 20. Ezech. 16. 8. Ideo toties spirituale adulterium committit, quoties aliud quicquam præter verum Deum religioso cultu prosequitur, quo crimine nullum aliud gravius dari potest, nec quod acrius zelotypiam Dei in Ecclesiam accendat, ut passim apud Prophetas legitur. Hinc Thomas 2. 2. q. 943. *In peccatis, inquit, quæ contra Deum committuntur, quæ tamen sunt maxima, gravissimum esse videtur, quod aliquis honorem divinum creatura impendit.* Si ergo demonstraverimus Ecclesiam Romanam Papalem esse idololatricam, causæ nihil dici poterit, cur Majores nostri ab ea secedere non debuerint, & cur, rebus sic stantibus, impossibilem non dicamus cum ea Syncretismum. Quænam enim posset esse legitima consociatio? Quænam unio cum adultera, quandiu vigent & durant ipsius fornicationes? 2. Reg. 9. 22. Apo. 17. 4. Amoveat eas & redeat in gratiam cum Domino suo, & nobiscum etiam Pax erit.

III. Etli autem Majoris propositionis veritas ita evidens est, ut nemo nisi aperte Idololatra huic refragari posse videatur: Eam tamen intactam non relinquunt Adversarii; sed quibuscunque possunt modis infringere conantur; Primò *Gregorius de Valentia* lib. 2. de Idol. cap. 5. distinguere non erubescit *Idololatriam* in *licitam*, & *illicitam*, & ad tam nefarium commentum confirmandum trahere conatur locum 1. Pet. 4. 3. ubi damnantur ἀθέμιτοι ἰδωλατρείαι, quod V. V. reddit *illicitos simulachrorum cultus*, quasi illicita tantum Idololatria Lege Dei vetaretur, non verò licita, quæ à suis exerceatur. 2. Monstrum doctrinæ, cujus ipsum Satanam pudere debuit, nedum hominem Christianum; si verò hoc credit cum sociis suis, cur tantopere laborant, ut se à crimine Idololatriæ liberent, cur adeò excalescunt quum Idololatræ vocantur, nonne facilè se hac distinctione expedire possunt? Sed quis ferat hominis insaniam? Quasi epitheta quæ rebus significandis adhibentur, essent semper διακριτικά, non verò etiam ῥηγιτικά, ad *distinctionem* tantum, non item ad *amplificationem*; concludat ergo pari ratione peccatores quosdam dari pios, quia judicium Dei futurum dicitur adversus *peccatores impios* Jud. 15. quasi darentur optimæ quædam abominationes, quia pessimarum fit mentio Ezech. 8. 9. quasi quædam stupra & scelera licita esse *Cicero* innueret, quia pro Milone *nefaria supra* & *nefaria scelera* Clodii vocat. Quis verò non videt Petrum hoc epitheto nihil aliud, quàm nefariam & infamem Gentilium Idololatriam carpere voluisse, & gravitatem tanti criminis describere?



IV. II. Excip. Idololatriam non esse sufficientem Secessionis causam DISPUT.  
II.  
1. quia certum est Ecclesiam Israëliticam sæpe in Idololatriam esse prolapsam, nec tamen vel pios ab ea secessionem statim fecisse, vel Deum hoc illis præcepisse. 2. Eliam non recessisse ab Ecclesia Israëlítica, licet se solum relictum esse putaret, qui verum Deum coleret. 1. Reg. 19. nec septem illa millia, quæ genua non flexerant Baali, licet Ecclesia illa idololatrica foret & corruptissima. 3. Azam, Josaphatum, Joazum, Amaziam, Azariam, & alios Reges celebrari, quod ambulaverint recto pede coram Deo instar Davidis, qui tamen *Excelsa*, in quibus adhuc sacrificabat populus, non sustulerant, 1. Reg. 15. 14. & 22. 44. 2. Reg. 12. 3. & 15. 4. 2. Chron. 15. 17. & 23. 33. Quidni ergo potuerint ἡττήματα & abusus, si qui erant, relinqui in Ecclesia Romana, salvâ tamen conscientia? 4. Naamanem Syrum jam conversum sese incurvâsse in æde Rimmonis, cum Rex coram Idolo procumberet, neque hoc à Propheta prohibitum fuisse, qui eum in pace dimittit 2. Reg. 5. 18. Idem ergo & nobis licere. 5. Ecclesiam Judaicam tempore Christi corruptissimam fuisse & in fide & in moribus, domum Dei in speluncam latronum esse mutatam, nec tamen pios, qui in ea adhuc degabant, Zachariam, Elizabetham, Simeonem, Annam, Beatam Virginem, & alios eam deseruisse. Licet ergo concederetur, gravissimos fuisse errores & corruptelas in Ecclesia Rom. non ideo statim relinquendam fuisse.

V. Quia Exceptiones istæ subinde recurrunt apud Adversarios, & magno apparatu identidem reponuntur, diligentius paulò sunt excutiendæ. R. 1. Quum supponunt Idololatriam non esse Secessionis causam sufficientem; in eo perperam principium petunt, & tanquam certum & indubitatum assumunt, quod est in quæstione; Imò tantum abest ut non sufficiat, ut vel hæc una ratio, si nullæ aliæ darentur, ad secessionem faciendam necessariò nos impellere deberet; quia nulla communio potest esse Deo cum Idolis, nec sancto & cœlesti Sponso cum Adultera. 2. Exempla, quæ ad exceptionis probationem afferuntur, vel falsò, vel præter rem & ἀπερροδιούτως adducuntur. Primò negamus pios sub Veteri Testamento nullam ab Idololatriis secessionem fecisse, nec à Deo hoc illis præceptum; Secedebant *secessione* saltem *mentali* & *negativâ*, abstinendo ab erroribus & idololatria; secedebant etiam sæpius *secessione apertâ* & patente, per *protestationem* seriam contra tales corruptelas, & gravem eorum increpationem, qui iis se polluebant. Sic Moses secessit ab Idololatriis, cum Levitarum ministerio gravissimè hoc crimen ultus est, Exodi 32. Sic Prophetæ concionibus & declamationibus suis secedebant ab impuro cultu; Sic fideles praxi pietatis & vitæ se puros & immunes præstabant ab istiusmodi sordibus, dum *gemebant propter abominationes Israël* Ezech. 9. 4. ut Lothus, qui Sodomis affligebat animam suam iustam propter peccata Sodomorum,



DISPUT.  
II.

māorum, 2. Pet. 2. Nec dici potest, secessionem illam præceptam non fuisse. Nam præterquàm quòd pœna mortis in Idololatrias denunciatur Exod. 22. 20. & Deut. 17. 2. Quoties Prophetæ nomine Dei increpabant Idololatrias, toties piis secessionem ab ipsis præcipiebant, imò disertè non semel hoc præscriptum legimus Isa. 52. 11. *Discedite, discedite, Exite illinc, immundum ne attingitote, exite è medio ejus, &c.* Et Hof. 2. 2. *Contendite cum matre vestra, contendite ipsam non esse uxorem meam, & me non esse virum ipsius, ut amoveat scortationes suas à conspectu suo & adulteria sua è medio uberum suorum, ne denudem eam planè, &c.* quod non semel alibi iteratur.

Exod. 32.  
26.

VI. Dices, qualiscunque fuerit eorum secessio, certum est non fuisse *positivam*, qualis à nobis facta est, quæ cœtus habuerit segregatos, & aliam Ecclesiam crexerit. R. Gratis supponitur nullos secessisse positivè, quis dixerit è decem Tribuum numero, temporibus Regum piorum, neminem Samariam reliquisse & vitulos, ut ascenderet Jerosolymam, & ad sacra in Templo facienda rediret? Deinde si talis facta non est secessio, qualis Nostrorum fuit à Papatu, mirum videri non debet, quia nec fieri potuit, nec absolutè adhuc, quo loco res erant in populo Dei, necessaria fuit. 10. Deus sub V. T. uni loco cultum suum affixerat, nec alibi quàm in Judæa notus erat, unde aliò se recipere non poterant fideles, vel Ecclesias novas erigere cum spe salutis, sed tenebantur ibi morari, ubi Verbum Dei audiebatur, ubi signa salutaris præsentia habebantur, & fœdus ac promissiones proponebantur. 20. Licet Idololatria sæpe obtinuerit in populo, nunquam tamen eatenus invaluisse eam videmus, ut abiret in Legem, & populus ad eam per vim adigeretur; aliàs septem illa millia Eliæ tempore genua flectere Baali coacta fuissent, quod tamen negat Dominus; pertrahabatur quidem populus ad peccandum exemplo Regum vel Sacerdotum, vel propriâ sponte, ut constat fuisse ad idololatriam maximè pronum & φιλεῖδωλον; Sed non constat necessitatem hanc cuiquam impositam fuisse; Imò non desinebant Prophetæ, qui tunc temporis vivebant, acerrimè invehi & in Reges & in populum, & à gravissimo illo crimine eos revocare. Non deerant etiam veri & puri Dei cultores, qui animum & corpus ab istiusmodi abominationibus illibatum servarent; Sic in vituli aurei Idololatria non omnes eo crimine se polluisse certum est, ex eo quòd Moses hortatur eos, ut vindictam Dei in fratres exequantur Exod. 32. 26. *Quisquis est Jehova ad me aggregator*: Sic tempore Judicum, quò corruptissimus erat Ecclesiæ status, excitabat subinde pios Vindices, qui eos ab Idololatria sua avertere conabantur, sed iis non auscultabant Jud. 2. 16. 17. Sic tempore Achabi Hobadias præfectus Domûs Regis dicitur *timuisse Jehovam valde*, & occultasse centum & quinquaginta Prophetas Jehovæ 1. Reg.



1. Reg. 18. 3. 4. Sic quum tempore Achazi Altare Damascenum erectum est in Templo, non sublatum fuit Mosaicum, sed remotum tantum aliquantisper, ita ut in eo sacrificia non desinerent offerri 2. Reg. 16. 14. 15. 3. 4. Tempore Ezechielis dum Principes, Sacerdotes, & maxima populi pars abominandâ idololatriâ se contaminabant Ezech. 8. supererant tamen veri fideles, *qui suspirabant in corde, & exclamabant aperte propter abominations Israelis* Ezech. 9. 4. quos ideo, ut à iudicio quod in alios immittere decreverat tutaretur, notâ aliquâ in fronte signari jubet. Sed jam planè alia est ratio sub N. T. Nam Deus uni loco non ampliùs affixit Ecclesiam suam, sed in omnes gentes extendit, ita ut ubivis coli possit in spiritu & veritate. in omni loco suffitus & oblatio, id est, λογικὴ λατρεία & sacrificia spiritualia precum & laudum offerri possunt Nomini ejus, ut prædixerat Mal. 1. Itaque liberum est & integrum fidelibus secedere ab Ecclesia idololatrâ, non tantum negativè, sed etiam positivè; maximè cum Deus vexillum Evangelii erexit, & ad libertatem vocavit; quomodo potior fuit conditio nostra præ aliis fidelibus, qui ante reformationem in Papatu vivebant, ut suo loco plenius dicetur. Deinde non tantum liberum fuit, sed & necessarium, quia non simpliciter superstitio & idololatria multiplex in Ecclesiam invecita est ut olim, sed in Legem jam abierat, & sub severissima anathematis pœnâ fuerat sancita, quod factum imprimis fuit in Concilio Tridentino. Unde non potuit ampliùs secessio negativa sufficere, sed necessariò, vel secessio positiva facienda fuit, ut saluti fidelium prospiceretur, vel participandum idololatriæ, quod piæ mentes meritò horrebant.

VII. Sic ad rationem primam patet responsio. Secunda facili negotio pariter solvitur. Nam licet Elias non recesserit positivè ab Ecclesia Israëlita; non sequitur, neque Nos ab Ecclesia Papali recedere debuisse, rationes disparitatis jam dedimus, quibus & hanc addimus, quòd Elias peculiari vocatione ad populum illum, ut Propheta Dei missus esset, qui resisteret impio Regi Achabo, Sacerdotes & falsos Prophetas Baaliticos occideret, & populum idololatriæ convictum ad veri Dei cultum reduceret. Sed quis dixerit fideles tali munere instructos fuisse in Papatu? Quis nescit vel tacendum fuisse, & silentio extiali premendam veritatem cognitam, & Christum abnegandum, vel si quis mutire ausus fuisset ad errores & idolomanias arguendas, paratas fuisse in eum cruces, exilia, ferrum, & flammâs, & omnis generis tormenta, ut innumerorum Martyrum exemplis patet. Cùm E. malum eatenus factum esset immedicabile, ut non solum vocem monitoris audire nollet Roma; sed & in monitores ipsos immaniter sæviret, quid faciendum fuit, nisi ut fugati diris persecutionibus ab ea recederemus, & quando



DISPUT. & quando sanari noluit, salutem nostram tempestivam & iustissimam secessionem  
 11. consulere. Itaque non negamus Ecclesiam Israeliticam post decem Tribuum defectionem sub Jeroboamo corruptissimam fuisse & apostaticam, & veram Ecclesiam tunc temporis in regno Judæ superstitem fuisse, ubi Arca erat & Templum, ubi Sacerdotes & Levitæ legitimè vocati sacris operabantur. (quanquam fatendum est neque illam Ecclesiam, licet gravissimi peccati ream, adhuc absolutè à Deo rejectam fuisse, suos enim ad eam adhuc mittebat Prophetas, suos habebat in ea fideles & electos, suumque adhuc vocabat populum, 2. Reg. 9. 6. 9.) Sed hoc tantum volumus planè aliam esse in hoc negotio Eliæ & nostri rationem. Nec opponi hîc debet, quod Elias interfuerit etiam sacris idololatricis, quando non ut approbator, sed ut irrisor adfuisse legitur, non qui iis communicaret, sed qui eorum impietatem & stultitiam sarcasticè traduceret 1. Reg. 18. 27. Sic adfuisse legitur Vir Dei sacro Jeroboamico, cum ipse Rex vitulis immolaret, sed eò venit missus à Deo, ut impium cultum detestaretur, iis adjectis minis, quas Deus illi mandaverat 1. Reg. 13. 1. 2. Sed aliàs nec Prophetæ, nec pius ullus ostendi potest, qui adoraverit in Bethel aut sacrum fecerit, quia noverant se id non facturos, quin aliquo sacrilegio se contaminarent.

VIII. Ad 3<sup>um</sup> de piis Regibus, qui *Excelsa* non sustulerunt; 1<sup>o</sup>. pietatem eorum quidem in cæteris laudari, sed factum hoc tamen peculiariter carpi & vituperari, ut in Salomone 1. Reg. 3. 3. *Salomon dilexit Dominum & ambulavit in statutis Davidis Patris sui, sacrificabat tantum & incensum offerebat in Excelsis*. Et in Amazia 2. Reg. 3. 3. & 14. 3. & 15. 34. *Fecit quod gratum est Deo, sed non sicut David, nam Excelsa non fuerunt remota, & populus adhuc sacrificabat in Excelsis*. Verum quidem est ante extructum Templum ibi sacra facere licitum fuisse, ut Samuel in Excelso sacrificavit 1. Sam. 9. 12. & 16. 3. in Area Araunæ David 1. Chro. 21. 27. 28. 29. 30. Salomon & populus in Excelsis sacrificabat 1. Reg. 3. 2. 3. 4. Et variis ex locis constat Prophetis concessum esse, ut in certis quibusdam casibus extra ordinem alibi, quam supra altare Mosaicum sacrificia præsertim Eucharistica offerrent, quod in abusum ordinarium postea traxit populus. Quia verò in eam rem seligebantur potissimum colles & loca excelsa; hinc *Excelsorum* nomen datum est iis omnibus locis, in quibus sacra Deo fiebant extra locum à Deo constitutum. Quod Gentes etiam *καθολικῶς* quadam imitantes, in collibus & locis excelsis fana & altaria Diis suis erigebant; Unde vox Græca *βωμὸς* ab Heb. *במה*, quod *Excelsum locum* notat, manifestè deducitur. Sed postquam semel extructum fuit Templum, non fas fuit ampliùs in Excelsis sacrificare, sed in solo Templo; Unde non carebat vitio cultus in Excelsis, sed peccatum tamen differebat à crimine Idololatrarum;



tum; Nam quod 2<sup>o</sup>. loco observandum est, tolerabantur à piis Regibus Excella, non ut in iis falsi Dii & Idola colerentur, sed verus tantum Deus; Bahalim enim & cætera Idola, quibus sacra fiebant, dicuntur destruxisse, ideoque laudantur. Peccatum ergo fuit, sed in loco cultus tantum, non verò in objecto. Sed Pontificii longè aliter se gerunt, nec enim peccant circa locum, quod levius esset, sed circa Objectum ipsum & modum cultus, ut jamjam sumus probaturi. Itaque est hinc fallacia parium, nec ab uno ad aliud valet consequentia.

IX. Ad 4. de Naamane Syro ex 2. Reg. 5. R. 1<sup>o</sup>. Regulis & legibus vivendum, non exemplis; neque si aliquid minùs rectè ab ipso admistum est, continuò in exemplum debet trahi; & mirum est homines istos, cum habeant in Verbo viam universalem, ac bene tritam, in qua non possunt aberrare, in particulare exemplum tanquam in angustam semitam declinare malle, in qua facilis sit error. Naaman adhuc semipaganus & νεόφυτος exiguam tantum intelligentiæ scintillam habebat, ideo non mirum si adhuc hærebat, sed Christiani in tanta Euangelii luce, quomodo adhuc cæspitare possunt sine gravi crimine? 2<sup>o</sup>. Si urgeatur exemplum, tantum abest ut illis faveat, ut satis apertè adversetur; nam publicè ille abjuravit idolorum cultum, & verum Deum agnovit; cum inter alia vovet se posthac sacra non facturum, nisi Deo Israelis & 17. id autem quid aliud erat quàm publicam & omnibus notam professionem facere, se non amplius esse idololatram? deinde duos mulos onerat terrâ sanctâ, in qua Deum adoret, ne terræ profanæ contagione pollueretur, quod etsi superstitione non caruit, testabatur tamen eo ipso se à superstitionibus Syrorum vehementer abhorrere. 3<sup>o</sup>. Incurvatio illa, de qua loquitur, non tam erat religiosus cultus idoli, quàm officium politicum, & civilis obedientia, quam Regi exhibere tenebatur oranti in Templo illo, sic ut esset illi scipionis loco; verba sunt manifesta; postquam enim protestatus est & 17. se non amplius facturum sacrificium aut holocaustum Diis alienis, sed Iehova, addit, hac in re condonet Iehova servo suo, quum ingreditur Dominus meus ades Rimmonis, ut incurvet se ibi (nam is nititur manu mea) si incurvavero me in ade Rimmonis, hoc incurvare meum in ade Rimmonis, condonet queso Iehova servo suo in hac re. Ex quibus liquet hanc incurvationem non fuisse adorationem vel Idololatriæ simulationem, aliàs protestatio fuisset facta contraria, sed civile demum obsequium, quod Regi exhibere consueverat. Exemplum simile habet Ecclesiastica Historia apud Theodor. lib. 3. c. 15. in Valentiniano I. qui Iulianum Apostatam deduxit ad Fortunæ fanum. Et Sleid. li. 7. idem notat de Elestore Saxonia, qui ensen præferens Carolo V. Missam adiit, non repugnantibus Theologis, quia ad suum officium vocabatur, non ad Missam ut ad cultum divinum:



DISPUT.  
II.

vinum: Hic tantum diligenter attendendum est, ne quis dubitante aut reclamante conscientia hoc faciat, satius enim alias foret cedere munere Rom. 14. 23. Ne item ullum reverentiae signum mysteriis impiis exhibeat, quod vel in speciem consensus trahi possit, sed manifesta sit improbatio & detestatio impiorum sacrorum. Quam in rem memorabile est ejusdem Valentiniani exemplum, qui cum adituus introeuntes aqua lustrali ethnico more expiaret, & guttam aquae laevae suae ab eo aspersam videret, pugnis caedit adituum, seque inde non expiatum, sed turpi labe pollutum ait. 4<sup>o</sup>. Eo ipso quo veniam facti postulat, agnoscit posse aliquod in eo esse peccatum, alias nihil opus fuisset, non semel, sed bis tam sollicitè petere sibi hoc condonari, nisi alicujus culpae reum se hoc praestando fieri videret; quis verò dicat Naamanem peccantem imitandum esse? 5<sup>o</sup>. Responsio Prophetæ factum absolutè non probat, nec ei licere affirmat, sed tantum in pace dimittit, & hoc responso abeuntem salutat, non dicit, *Abi, sic agito, Dominus tibi propitius erit*, Sed tantum *abi in pace*, quod perinde est ac si polliceretur, se illum prout petierat precibus suis adjuturum. Neque hic mirum videri debet, quod Prophetæ eum non arguat, nec sedulo moneat, ut ab hoc peccato sibi caveat, cum enim peccatum esse pro quo veniam rogabat non ignoraret, docendus non tam fuit, quam consolandus & confirmandus; Ideo cum dicit *Vade in pace*, videtur illi polliceri divinam opem non defuturam, quæ illum à tali lapsu conservaret; nec constat deinceps eum in eo perseverasse.

X. Ad 5<sup>um</sup> de Ecclesia Judaica tempore Christi. &. Disparem esse rationem. Primò quia licet essent multi abusus & corruptelæ in cultu Dei, erant potius vitia personarum, quam doctrinæ apud omnes receptæ. Traditiones & *deulegawais* Phariseorum erant, sed observationis, liberæ & privatae illius sectæ, non totius Religionis; Præcipuè in Templo nullum apparebat idolum, quod à laxata captivitate Babylonica horruit semper populus Judaicus. 2<sup>o</sup>. Etsi Christus abrogaturus erat cultum illum Mosaicum, nondum tamen abrogaverat, nondum Christianos cœtus publicos à Judaicis separatos cogebat, sacrificia in Templo legitimo ritu peragebantur, & nulla alia Ecclesia præter Judaicam adhuc erat constituta. At hic alia omnia; Nam & Ecclesia Papalis tota Idololatriæ plena est, Christus alibi Ecclesias puriores erexit: Ut ergo licet Christus permitteret tum audire Phariseos, modò ab eorum fermento sibi caverent fideles, tamen Christiani nomen non meritis esset is, qui obtentu dicti Christi à Synagoga Judaica non recessisset, post constitutam Ecclesiam Christianam, & ex quo Apostoli secessionem à Judæis urgebant Act. 2. 40. *Exite ex hac generatione*. Ita nec verorum fidelium nomine digni sunt, qui Phariseos hodiernos audiunt, & Ecclesias quas collegit Deus contemnunt. Babylone manse-



manserunt Judzi sine crimine, nondum solutâ captivitate; Sed quum Disput. II.  
tempus liberationis accessit, qui se fratribus non adjunxerant ad exeun-  
dum, meritò culpandi veniebant. Dum captivitatis durant tempora, li-  
cet esse captivum, postea verò non captivus, sed servus est qui manere  
statuit, nec licet moram trahere sonante tubâ, *Exi è Babylone*, nisi pessi-  
mè nobis consultum volumus.

XI. His verò in antecessum ad Majoris propositionis confirmationem *Ecclesiam*  
*Ro. esse*  
*idololatriam*  
*ream pro-*  
*batur.*  
& vindicias ita dictis, descendimus ad Minoris probationem, & osten-  
dere suscipimus *Ecclesiam Papalem* verè esse *idololatricam*. Non quòd  
crassam Gentilium idololatriam huic affingere velimus, quasi vel Jovem,  
vel Martem, vel alia exoleta & ficticia Gentium Numina adhuc veneretur.  
Sed quia etsi subtiliùs, non minùs tamen verè & propriè peccatum  
istud committit. Nam cum duæ potissimæ sint Idololatriæ species, Pri-  
ma respectu *Objecti*, quæ damnatur præcepto primo, quando aliud quid  
præter verum Deum divino & religioso cultu colitur; quomodo Idololatra  
erant Gentiles, qui falsos Deos colebant, & quotquot Creaturis hono-  
rem & cultum Deo soli debitum reddunt. Altera respectu *modi*, quæ  
secundo mandato prohibetur, quando vel verus Deus in imagine coli-  
tur, quomodo Israëlitz in deserto, & Jeroboam in defectione suâ, Deum  
in vitulis coluerunt; Vel falsus itidem in imagine adoratur, ut simulachra  
Gentilium erant falsorum Deorum. Utriusque Idololatriæ ream esse Ro-  
manam sedem pertendimus.

XII. Ut ergo à prima specie ordiamur, quæ circa *Objectum* versatur. *Ratione*  
*Objecti.*  
Sic arguimus. Qui divinum & religiosum cultum exhibet creaturis, & iis qui  
naturâ non sunt Dii, Is bene dicitur & est revera Idololatra. At Ecclesia Ro-  
mana talem cultum deferat Creaturis, Ergo. Major ab ipsa Idololatriæ defini-  
tione petitur, quia idololatria ex definitione Apostoli, nihil aliud est quàm  
*σεβάσθαι & λατρεύειν τῇ κτίσει παρὰ τὴν κτίσαντα* Rom. 1. 25. nec abnuit  
Thom. 2. 28. q. 94. art. 3. & in Ephes. 5. 5. qui *Idololatriam* dicit esse *cum*  
*honor Deo debitus, creatura impenditur*, quod Tertull. lib. 1. de idolol.  
jam antè notaverat, *Idololatra est, qui Deo suos denegat honores & confert*  
*aliis*. Sic errorem Collyridianorum B. Virginem religiosè adorantium *ἰδωλοποιῶν*  
*ἰδωλοποιῶν* vocavit orthodoxa Antiquitas, ut est apud Epiph. hære. 79.  
Sic Arianos, qui Christum, quem meram creaturam arbitrabantur, religiosè  
colebant, vocavit *ἰδωλοποιῶντας τὴν κτίσιν* *creaturam facientes Idolum*.  
Ita si probatum semel fuerit religiosum & divinum cultum Creaturis exhi-  
beri à Pontificiis, eo ipso demonstratum fuerit esse idololatrias. *Cultus* autem  
*religiosus* soli Deo debitus, vel est *internus* cordis, vel *externus* corporis;  
Ut enim utramque hominis partem creavit & redemit, in utraq; etiam  
& coli & adorari vult. Ad *internum* refertur *spes & fiducia*, quæ in solo Deo  
F collocanda



DISPUT. collocanda est; unde ipse *fiducia nostra* & *spes* dicitur Psal. 71. Col. 1.

II.

27. 1. Timoth. 1. 1. Deo enim non tantum ut *primo Vero* per fidem, sed ut *summo Bono* per fiduciam & spem est adhærendum. Cui enim cor nostrum apponimus, id nobis Deus est, unde *avari*, quia divitiis fidunt, iisque cor suum apponunt, dicuntur *Idololatrae* Eph. 5. 5. & iis Deus Mammon est Mat. 6. 24. Omnesque mundani, qui rebus secularibus & terrenis affixi sunt *adulteri* dicuntur Jaco. 4. 4. A Deo enim certum est cor ejus recedere, qui in Creatura fiduciam ponit Jer. 17. 5. fiduciam cordis sacrificium est, cui confidimus ei sacrificamus Habac. 1. 16. Unde rectè *Basil.* in Ps. 17. ὡς περ ἔδὲ σέβειν ἄλλῃ τι παρὰ τὸ θεὸν προσήκειν, ἔτως ἔδὲ ὅτι ἄλλῃ ἐλπίζειν ἢ ὅτι τὸ θεὸν τὸ πάντων Κύριον. *Ut non licet colere aliud præter Deum, Ita nec sperare in aliquem præterquam in Deum omnium Dominum.* Hoc non diffitetur *Bellar.* de Christo lib. 1. c. 5. *In Scripturis passim in solo Deo confidendum esse dicitur, Jer. 17. & hinc rectè probat Christum esse Deum, quoniam de eo scriptum est Psalm. 2. Beati qui confidunt in eo.*

XIII. Exterior Cultus Deo debitus *adoratione* & *servitute* vulgò exprimitur, utraque verò Deo soli, ut peculiaris & propria reservatur; nam de Creaturis dicitur Exod. 20. 5. *Non adorabis eas neque coles*, de Deo autem, *Dominum tuum adorabis, ei que soli servies* Matth. 4. 10. Ubi *Maldo-*  
*na.* in h. l. & *Iansen.* concord. Euang. c. 15. bene observant exclusivam so-  
*lū* non ad secundam tantum, sed & ad primam partem referendam esse, aliàs Tentatori adorationem postulanti minùs aptè respondisset Christus; Unde etsi à Mose non sit expressa ἀντολεξει, implicite tamen & virtualiter continetur, tum in scopo Mosis, qui est soli Deo cultum religiosum, exclusis Diis omnibus alienis, vindicare, tum ex natura subjecti de quo agitur ibidem, quæ enim Deo reduplicativè ut Deo debentur, illa soli Deo debentur, cum quo nulla Creatura in societatem adorationis se jungere potest sine sacrilegio, nulla admitti sine idololatria. Nec alia hic Veterum mens, *Iustinus Apol. 2.* θεὸν μὲν μόνον προσκυνῶμεν, ὑμῖν δὲ πρὸς τὰ ἄλλα χαίροντες ὑπηρετοῦμεν, *nos solum Deum adoramus, & vobis in rebus aliis laici servimus.* Ecclesia Smyrnenfis apud Eusebium li. 4. c. 15. in Polycarpi Martyris Actis se Christum Dei Filium unà cum Patre colere professà, negat exerte se quemquam alium colere posse. Epiph. hæres. 69. *Sancta Dei Ecclesia Creaturam non adorat.* Origen. contra Celsum lib. 1º. Christum ait docere τὸν ἑπὶ πᾶσι θεὸν μόνον δεῖν σέβειν *summum Deum solum oportere colere.* Athan. cont. Arianos ad Adolphium ἡ κτίσις προσκυνῶμεν, *non adoramus creaturam, absit! in Ethnicos & Arianos istud delirium competit.* Hinc Veteres, Arianos idololatriæ insimulabant, eò quòd adorarent Christum, quem tamen volebant esse Creaturam & merum hominem.

XIV. Quæ autem est adorationis ratio, eadem *religiosa servitutis*,  
 quæ



quæ Deo soli vindicatur 1. Sam. 7. 3. Matt. 4. 10. *Dominum Deum tuum adorabis, & illi soli servies.* Ad hanc autem varii actus pertinent, 1. *Invocation.* 2. *Voti nuncupatio* 3. *Juramenti conceptio* 4. *Consecratio Altarium, Templorum, & festorum.* 5. *Thurificatio*, qui omnes ad Deum ita pertinent, ut ad alterum sine crimine transferri nequeant. 1<sup>o</sup>. *Invocationem* ad solum Deum dirigi, & præceptum Dei Psal. 50. 12. & Oratio Dominica, quæ ad unum Deum nos revocat, abundè docent. Ut sanè ille solus potest esse objectum Invocationis, qui est fidei, *quomodo invocabunt eum, in quem non crediderunt?* Rom. 10. 14. Ille solus potest invocari legitime, qui potest exaudire, Ps. 65. 2. 3. Et cum sacrificium sit omnibus hecatombis longè præstantius, Ps. 50. 13. 14. 15. ut sacrificium non nisi Jehovah offerri potuit, Exod. 22. 20. Ita nec oratio. 2<sup>o</sup>. *Vota* soli Deo nuncupanda esse & Scripturæ autoritas Ps. 76. 12. Isa. 19. 21. Psal. 50. 15. & praxis Sanctorum evincit, Gen. 28. 20. Num. 21. 2. 1. Sam. 1. 21. & hoc tam verum est, ut *Bellar.* ipse non potuerit diffiteri; sed misero effugio conatur elabi *lib. 3. de Sanct. c. 9.* scilicet *cum scriberentur Scriptura, nondum cæpisse usum votendi Sanctis.* Ergo jam ex Adversarii confessione, Votorum nuncupatio, quæ sit Sanctis, non habet fundamentum in Scriptura, sed in mero hominum commento. 3<sup>o</sup>. *Attestatio Juramenti* ad solum Deum refertur Deuter. 6. 13. & 10. 20. *Per nomen Domini Dei tui jurabis,* Unde ipsi etiam Ethnici Θεὸν ὁμολογῶν *Deum juramenti arbitrum* dixerunt, nec quisquam ut testis vel vindex in juramento præter eum compellari potest, solus enim potest esse testis, quòd verè juramus, solus potest esse vindex, si falsò juramus, Unde eum per quem juramus, quasi Deificamus, si ita loqui licet, attribuentes ei cordium scrutationem, occultorum cognitionem, veritatis patrocinium, falsitatis judicium, & potestatem ac potentiam perjuriam vindicandi. Hinc jurare per eum, qui non est Deus, est Deum ipsum relinquere, & abnegare Soph. 1. 5. & Juramenta per Creaturas & falsos Deos disertè prohibentur Jer. 5. 7. Non tantum Deus præcipit, ut quicumque jurat, per *Deum amen* id est veracissimum, juret Is. 65. 16. sed ipse etiam juravit unumquemque verè Christianum per se juraturum, Is. 45. 23. ideo *Juramentum* peculiariter *Jehovæ* dicitur Exod. 22. 11. quia nomine Dei interposito concipitur. 4<sup>o</sup>. Eadem est *Templorum, Altarium, & festorum* ratio; Ista enim solius Dei cultui in Scripturis passim deputantur; quod agnovit *Durandus* Ration. divin. offic. l. 4. c. 39. Ad λατρίαν pertinent *Templa & Altaria, Sacerdotalia, sacrificia, festivitates, caremonie, & hujusmodi, quæ soli Deo sunt exhibenda.* Ipse *Thomas.* 2. 2. q. 85. art. 2. cum oppositum esset *Templa & Altaria* erigi Sanctis & Angelis, respondet verbis Aug. de Civ. Dei lib. 8. c. ult. *Non constituimus Martyribus templa, sacerdotia, sacra, sacrificia, quoniam non ipsi, sed eorum Deus,*



DISPUT.  
II.

*Deus, nobis est Deus.* 5. Denique *Thurificationem* uni Deo deberi, quod de sacrificiis jamjam diximus, docet, quia incensum sive suffitus, est vel pars, vel species sacrificii, ut constat ex Levit. 1. 2. 3. 6. capitibus. Unde jam Propositionis nostræ probatio exurgit. Nam qui in Creaturis spem & fiduciam collocat, qui Creaturas religiosè adorat, qui eas invoccat, & per eas jurat, qui iis vota nuncupat, Tempa & Altaria erigit, festa consecrat, suffitum adolet, Is procul dubio cultum religiosum soli Deo debitum in Creaturas transfert, & sic idololatriam committit; At Ecclesia Romana hæc omnia præstat. E.

XV. Ecclesiam autem Romanam hæc omnia sancire, & præstare, ejus Constitutiones, & Praxis luce meridianâ clariùs probant, circa quatuor potissimum objecta. 1. *Sanctos defunctos*, & *Angelos*. 2. *Pontificem*. 3. *Sacramentum*. 4. *Crucem*, & *Reliquias*, quod in singulis breviter demonstramus. Et ad *Sanctos* quidem quod attinet, licet eos *honorandos* esse propter *imitationem* cultu dilectionis & societatis, qualis Conservis & Concivibus debetur, non abnuamus, Ut eorum memoriam gratâ & jucundâ recordatione usurpemus, virtutes prædicemus, exempla sequamur, & doctrinam tueamur, *adorandos* tamen propter *religionem*, quæ soli Deo convenit, cum *Augustino* lib. de vera Religione c. ult. negamus. Verùm Pontificii longè aliter; Nam ut à Beata Virgine incipiamus, quam nos Beatam prædicamus, & ad honorem, non ad adorationem nobis datam cum *Epiphanio* profiteamur, hæref. 79. *τελειμμένω, αλλ' ἔκ ἐκ προσκύνησιν ἡμῶν δεδεϊσται*. Quem latet, non modò titulos divinos, sed & cultum divinum tum internum tum externum ei exhiberi? Quid enim aliud sibi volunt quum eam *spem Mundi* vocant, *Mater misericordie, vitam, dulcedinem & salutem omnium in ipsa sperantium*? in *Officio Beate Mariae* reformato jussu Pii V. edito dicitur *Consolatio desolatorum, via errantium, salus omnium in te sperantium*. Et in Hortulo animæ impress. Antverpiæ 1557. *Ave mundi spes Maria, Exaudi me miserum peccatorem, in tua misericordia & pietate confidentem*. Nec eam ut spem solùm suam, Sed etiam ut *spem unicam* invocant, in *Breviario Rom.* §. sept. *Tu es spes unica Peccatorum, per te speramus delictorum veniam, & in te beatissima nostrorum est expectatio premiorum*. Eò pertinet quòd in *Psalterio Mariæ*, quæcunque ad Deum solum dirigebantur, ad eam blasphemè transferuntur, profitentur se illi confidere, in eam sperare, *Psal. 7. Domina, in te speravi*, *Psal. 30. In te Domina speravi, non confundar in æternum*, *Psal. 46. Misere mei Domina, misere mei, quoniam tu es spes & Lux omnium confidentium in te*. *Psal. 94. Venite, adoremus & procidamus ante eam*. *Psal. 96. Adorate eam Crues curia Paradisi*. *Psal. 50. Misere mei, Domina, quæ mater misericordia nuncuparis, & secundum viscera*



*viscera misericordiarum munda me ab omnibus iniquitatibus meis, & alia id* DISPUT.  
II.  
genus quæ sine indignatione legi non possunt.

XVI. Si ad *Invocationem* transimus, quid clarius quàm eam in precibus sæpius interpellari, quàm ipsum Deum, non solùm ut Mediatricem Intercessionis, sed etiam ut largitricem gratiæ & gloriæ, protectricem à malis. Quò spectant orationes illæ, quibus se custodiæ & tutelæ B. Virginis commendant, tam in vita quàm in morte; in Offic. B. Mariæ, *Maria mater gratiæ, mater misericordiæ, Tu nos ab hoste protege, & horâ mortis suscipe.* Et quare ad eam preces non dirigerent, quando *Deum prepotentem eam divina Majestatis potestatisque sociam sibi ascivisse* pertendunt? ut loquitur *Viega in Apoc. cap. 12.* Constituisse eam super omnem Creaturam, & quicumque Jesu curvat genu, Matri quoque prònum supplicare, *Deum ei dedisse dimidium Regni sui*, quod duobus ajunt contineri, potentiâ & misericordiâ, potestate ergo Deo remanente, *cessisse quodammodo misericordiam Dei Matri*, Itaque *Virginem divisum habere cum Deo imperium*; Biel in *Exposit. Cano. Miss. Lect. 80.* quod *Cassand.* consult. art. 21. cum indignatione annotavit, nec nos sine horrore audire possumus. Ita aliquando ut *sociam* Christo adjungunt, interdum ut *superiorem* præficiunt, nonnunquam etiam, excluso, ut videtur Christo, ei *soli* adhærent, Ut Christum Dominum vocant, sic Mariam Dominam, Illum Salvatorem, hanc Salvatricem, Illum Mediatorem, hanc Mediatricem, Illum Regem, hanc Reginam Cœli, Illum denique Deum, hanc Deam, vid. Offic. B. Mariæ; Bemb. epist. ad Carol. V. *Hortul. anim.* Nec adæquant tantùm, sed & quodammodo præficiunt. Eò enim ventum est, ut ipse fatetur *Cassander* artic. 21. consult. ut *Christus etiam jam in cœlo regnans matri subjiciatur.* Siquidem orant ut se *Matrem esse monstret, matrique jure imperet*; *Breviar. Rom. & Offic. Mariæ.* Quò pertinent illa *Missal. paris. Ora Patrem, Jube Filio*; Imò & sæpe solam eam videntur in Throno locare, *unicam eam miserorum spem appellantes, nec alteram desolatorum spem agnoscetes, eique soli se commendantes.* Quid est Creaturam loco Creatoris ponere, si hoc non est? Sed ne in his diutiùs immoremur, qui plura voluerit adeat *Celeb. Drelincurtii* accuratum opus de *honore debito B. Virgini*, qui totum hoc argumentum solidissimè & plenissimè est executus. Videndus etiam libet *Craffeti* Jesuitæ, ante aliquot annos editus, qui Virginis cultum ad immensum extollit.

XVII. Quod de Beata Virgine, idem & in reliquis Sanctis, & Angelis observare est, quos tanquam Deos tutelares & averruncos colunt & venerantur, in iis fiduciam & spem suam collocant, per eos jurant, & vota ac preces ad eos dirigunt. Et ad Angelos quidem quod attinet, notum est eos passim invocari, non modò ut Mediatores intercessionis, sed ut largitores bonorum, & protectores

à malis



DISPUT.  
II.

à malis. Sic in Hortulo animæ, *Omnes novem Angelorum ordines orant, ut dirigant cogitatus, verba & actus nostros in viam salutis & prosperitatis.* Præcipuam verò Angelo cujusque proprio devotionem exhibent tam in vita quàm in morte, ibid. *Obsecro te, Angelice Spiritus, cui ego indignus peccator ad providendum commissus sum, ut indefinenter protegas, defendas, mundes, munias me ab omni incurfu Diaboli.* Luculentiùs verò hoc ex cultu Sanctorum apud ipsos præcepto & ulitato probatur, qui tanto iis exhibetur studio & fervore, ut *Espensaus* in 2. Tim. 3. fateatur plerosque omnes apud ipsos non minùs fidere ac tribuere Divis quàm Deo, quia hunc quàm illos minùs placabilem putant & exorabilem, & *Vives* in August. de C. D. lib. 8. cap. 27. ingenuè agnoscat, se non videre in multis, quod sit discrimen inter eorum opinionem de Sanctis, & quod Gentiles putabant de Diis suis. Longum esset recensere orationes varias, quibus Sanctos & Sanctas compellant, non solùm ut Intercessores, sed ut protectores à malis, & largitores suis meritis gratiæ & gloriæ, vide *Hortul. Anima*, & *Breviaria*, ubi passim occurrunt. Nos, inquit *Biel* in expos. Canon. Missæ lect. 30. fiducialiter ad Sanctos recurrimus, eorum memoriam venerantes, ut nos fragiles & mortales mereamur, eorum meritis & precibus ad eorum immortalitatis gloriam pervenire, Eò spectant preces illæ varix, quæ tum ad Apostolos in genere, tum ad singulos diriguntur in Hortu. animæ, *O beati Apostoli, solvite me à peccatis, defendite me, confortate me, & ad cæleste regnum me perducite;* & in Breviario Romano in Aposto. festo.

*Vos seculi justi iudices  
Et vera Mundi lamina  
Votis precamur cordium,  
Audite preces supplicum  
Qui cælum verbo clauditis,  
Serasque ejus solvitis,  
Nos à peccatis omnibus  
Solvite jussu quasumus  
Quorum præcepto subditur  
Salus & languor omnium,  
Sanate agros moribus,  
Nos reddentes virtutibus.*

Et ad Petrum ibi in festo Petri.

*Fam bone pastor Petre clemens accipe  
Vota peccantium, & peccati vincula  
Resolve, tibi potestate tradita,  
Qui cunctis cælum verbo claudis, aperis.*

Idem facile ostendi posset de aliis Apostolis, & de Sanctis qui religiosè invocantur.



vocantur. Unde jam liquet, præcipuas & primarias divini cultus partes, Ecclesiam Romanam Sanctis defunctis exhibere. Cætera quæ ad Religionis cultum pertinent, Juramenti conceptionem, Votorum nuncupationem, Templorum & Altarium erectionem, Festorum consecrationem, & id genus alia in honorem Sanctorum fieri, notius est, quàm ut probatione indigere videatur.

XVIII. Hæc verò omnia cultus religiosi erga Sanctos officia fundantur in eorum *Canonizatione*, quæ ex Decreto Papæ & Papalis Consistorii defunctus aliquis propter bonam famam & miraculorum evidentiam inscribitur Catalogo Sanctorum, & jubetur haberi Sanctus ab Ecclesia Romana & publicè privatimque coli & adorari, quem in finem Tempia & Altaria ei eriguntur, Missæ ei dicuntur, Christus in honorem ejus sacrificatur; Dies festus peculiaris ei consecratur, Pinguntur ejus Imagines in Templis & reliquæ adorantur, quæ canonizatione contineri docet *Bell. lib. de Beatif. Sanct. c. 7.* Et ut scias magnæ molis opus esse, anxiam hinc sollicitatione opus est, circa quam sæpe plures anni conteruntur. Imò non pauci sanctitatis candidati petitione sua excidunt, quia non habent Papam propitium. Alii bene sperare jubentur, & titulum *Beati* impetrant, qui gradus est ad sanctitatem, quasi sanctitas non esset gradus & via ab beatitudine. At nos ab Ethnicis quidem *Apotheoses* fieri olim solitas didicimus; sed ut Spiritus Sanctus ulli mortalium potestatem concesserit Sanctos faciendi & cælo inferendi; ut de aliena salute pronunciet, quasi librum vitæ legerit, qui non est certus de sua; ut ab ejus arbitrio, Sanctorum, quos Divos vocant, non veneratio solum & cultus, sed & sanctitas divinitasque pendeat, hætenus in Verbo Dei legere non potuimus, & tanquam Paganorum inventum Deo ipsi verisque Sanctis injurium bene damnamus. Videant nunc qui hæc statuunt, utri nostrum iniquiores simus Sanctis, An nos qui nolumus iis tribui cultum soli Deo debitum; An illi qui eos vertunt in Idola, & Dei amicis abutuntur ad eum ad zelotypiam provocandum. Qui si ex culmine illo gloriæ possent pervidere, quæ hic geruntur, non modò cultum, qui eis defertur aspernarentur, sed & gravissimè talia facientibus indignarentur, & succenserent, sed de his alibi.

XIX. Sed neque in Sanctis defunctis subsistit religiosus ille Cultus, ad *Viventes* etiam transfertur, cum Sanctissimum Dominum suum *Papam*, ut Numen quoddam adorant. Nec mirum id cuiquam videri debet: Nam si colendi sunt Sancti, quos Papa autoritate sua Deificæ canonizat; Quis æquum non dixerit, ut colatur is qui Sanctos facit; iisque omnibus ipsorum opinione major est? Hoc autem apud eos receptum esse dubitare non potest, qui E. R. sacra noverit: Nam præterquàm quòd nonnunquam ipse Pontifex *Adoratione* creatur, saltem certum est recens electum *bis super Altare collocari cum mitra, primum in sacrario, deinde in Ecclesia S. Petri, itaque à*  
Car-



DISPUT.  
II.

*Cardinalibus adorari.* Vid. lib. *Carem. Rom.* Nec admittit solùm adorationes religiosas & oscula pedum, sed expectat & requirit, non ab inferioribus modò hominibus, sed à Principibus etiam maximis, supremisque Regibus, Iplisque adeò Imperatoribus. In Processionibus verò super humeros hominum sublimis gestatur, ut Idola Gentium olim, succolantibus maximis quibusque, qui adsunt Principibus, & turbis populi, tanquam Numen quoddam adorantibus, ab eoque gratiam expectantibus. Titulos autem cum honoribus divinis deferri clarum est, vel ex eo, ne alia plura commemorem, quod tritum sit & Pontificiorum scriptis pervulgatum *Pontificem Rom. Deum esse in terris.* Notum est quid in honorem Sixti IV. arcui Triumphali inscriptum fuerit.

*Oraclo vocis Mundi moderaris habenas,  
Et meritò in terris crederis esse Deus.*

Notum quid in *Glossa Juris Canonici* habeatur Extrav. Joan. XXII. ubi hæc leguntur, *Credere Dominum Deum nostrum Papam conditorem dicta Decretalis & istius, non sic potuisse statuere, prout statuit, hæreticum censeatur,* & ne adjectionem vocis *Deum* dicat quis esse erratum typographicum, in Censuris *Glossæ Juris Canon.* Jussu Pii V. editis nihil mutatum est. Notum quid *Christophorus Marcellus* in Oratione habita coràm Julio II. in Concilio Lateranensi disertè posuerit sess. 4. *Cura denique ut salutem quam dedisti nobis, & vitam & spiritum non amittamus, Tu enim Pastor, tu Medicus, tu Gubernator, tu Cultor, tu denique alter Deus in terris.* Possemus hîc alia plura ex eorum libris congerere, ex quibus constat Pontifici honorem & cultum religiosum exhiberi, ipsumque adeò imperium & potestatem affectare in Spiritualibus & in Temporalibus super ipsos Reges & Imperatores, reclamantibus licèt variis, & imprimis *Gallis*, qui strenuè sæpius libertatem suam adversùs ejusmodi tyrannidem propugnârunt. Sed quia de his dicendum erit fusiùs quum de Antichristo ejusque revelatione disputabimus, sufficit hîc annotare, quod novissimè *Jesuite* in Thesibus in Colleg. Claromontano agitatæ publicè propugnârunt; *Pontifici eandem infallibilitatem, quam Christus ipse habuit, non tantùm in questionibus Juris, sed & facti concessam esse,* quod meritò alii tanquam hæreticum & idololatricum exagitant, quia ex Papa Deum, & ex Verbo hominis Verbum Dei faciunt; Idololatria quippe, ut bene iidem observant, non tantùm fit, cùm Dei nomen alicui tribuitur, sed cùm qualitates Deo propriæ vel cultus divinus rei creatæ transcribuntur, cùm submissio fidei divinæ exhibetur verbo hominis. Itaque ex istorum sententia quicumque profiteatur se credere fide divina id, quod ideo tantùm credit, quia homo dixit, hominem loco Dei statuit, in Creaturam honorem soli Creatori debitum transfert, & quantum in se est Idolum ex Vicario Christi facit. Vide Theses Jesuit. & *Novam hæresim*, quæ illis ideo impingitur p. 5. 6.



XX. Ex his verò non obscurè colligitur veritas minoris propositionis, Disput.  
 R. E. scil. multiplicis Idololatriæ esse ream. Non nos latet equidem, II.  
 varias illam distinctionem captare argutias, quibus tanquam sudariis, ut  
 mulier illa Proverb. 20. 20. os suum abstergit frontemque perfricat, ne-  
 gans se in B. Virginis, Sanctorum, Angelorum, & Pontificis cultu,  
 idololatriam ullam committere. Sed quicquid molitur, non posse tan-  
 ti criminis notam effugere, luce meridiana clariùs demonstrari potest. I.  
*Negant se ulli Creatura adorationem deferre, hanc enim soli Deo deberi,*  
*sed venerationem & reverentiam, non esse religionem, sed observantiam,*  
*nec statim imperiti vulgi praxim & abusum Ecclesie ipsius sanctionibus ad-*  
*scribendum, sic Richeli. li. 3º. c. 4º. Valentia. de Idol. l. 2. c. 6. &c.* Sed qui  
 sic loquuntur, vel sub aliis tantùm nominibus rem eandem retinent, & sic fu-  
 cum faciunt, vel aperti sunt religionis suæ transfugæ. Nam ne hic privata  
 Pontificiorum Doctorum scripta referam, ubi passim legitur & ex professo  
 traditur adorandos esse Sanctos, Crucem, Reliquias, Imagines; unde *Mal-*  
*do.* homo ex Jesuitarum sodalities nobilissimus, eorum sententiam, qui nul-  
 lum nisi Deo religionis honorem tribuunt, errorem esse dixit impium & impe-  
 ritum, in Matth. 5. 34. & Sanderus lib. 7. de viti. Monarch. inter pseudo-pro-  
 phetas & hereticos, & Civitatis Diaboli membra eos censet reponendos, qui  
 dicunt, *Crucem & imagines Sanctorum non esse adorandas.* Si scripta publi-  
 ca, quæ doctrinam & confessionem continent Ecclesiæ Romanæ, & quo-  
 rum autoritas non potest in dubium à Pontificiis vocari, attendimus, hanc  
 adorationem frequenter ingerunt. *Catechis. Trident. p. 3. c. 2. 5. 8. &*  
*9. docet, Angelos esse à Christianis adorandos: Missale Roma. autoritate*  
*Trident. Concil. editum feri. 6. in Paral. identidem repetit adorandam*  
*esse Crucem, Concil. Nicæn. II. ad quod in hac Causa Tridentini Patres*  
*Sess. 25. suos ablegant, sæpissimè illud ingeminat, adorandas esse imagines.*  
*Index Expurgatorius Madriti editus an. 1612. inter cætera passim deleri jubet,*  
*quæ in scriptis Patrum observantur de adoratione solius Dei, ut ista Augustini*  
*& Athanasii, Adorari solius Dei est, nulla Creatura adoranda, sancti hono-*  
*randi imitatione, non adoratione &c.* Quæ omnia luculenter docent, adoratio-  
 nem apud ipsos tribui etiam Creaturis, non tantum ex praxi, sed ex instituto.

XXI. II. Excip. *Adorationem aliam esse supremam, aliam subal-*  
*ternam, Illam soli Deo reservandam, istam etiam Sanctis & An-*  
*gelis posse impendi sine idololatriæ nota, quia Idololatria est, cum*  
*cultus divinus Creatura exhibetur sicut Deo, se autem cultum non*  
*exhibere Sanctis sicut Deo, sed sicut amicis Dei, Valentia. li. 2. de*  
*Idolo c. 1. R. idè hic peti principium & ἀρχὴν τοῦ καὶ retegì; dari scil.*  
*gradus religiosi cultus, & adorationem aliam est subalternam aliam*  
*supremam, quod ut Controversum probari debuit, non supponi.* Da-  
G
ri



DISPUT.  
II.

ri quidem cultus & reverentia civilis gradus non negamus, pro ratione gradus excellentia cujusque, sed in cultu religioso non item. Gloria Dei punctum est, quod dividi nequit, & Cultum religiosum concipere est summum cultum concipere. 2<sup>o</sup>. Hæc ipsa fuit Gentilium exceptio, in cultu Idolorum, qui distinguebant inter Numina cœlestia, terrestria, & media, inter adorationem supremam & subalternam; illam soli Deo deberi, istam Diis inferioribus & per participationem talibus: sic *Marfil. Ficinus* in arg. li. 4. & lib. 8. de Leg. *Platonem*, inquit, *universam Deorum synagogam uni subdere Regi prout vult singulis imperanti, jubere quidem primum Deum propter se adorari, sequentes verò qui participes ejus Dii quoque dicuntur, amari tanquam illi similiores, honorari etiam ut Vicarios, imò & advocari quasi Conciliatores*; Nonne hæc ipsissima est Pontificiorum Theologia. 3<sup>o</sup>. Glossa Valentiniana, quæ negat Idololatriam committi, etsi cultus divinus deferatur Creaturæ, modò non deferatur *sicut Deo*, mera est vitilitatio. Nam 1. contradictionem implicat, cultum divinum alicui deferri *non sicut Deo*, quia si non deferatur sicut Deo, non est cultus divinus. 2. Sic sequeretur nullam esse Idololatriam in actu externo, & neminem Idololatriam dici posse, nisi qui fatebitur se conciliare voluisse divinam planè æstimationem rei quam colit, qua ratione nulli aut paucissimi fuerunt, aut sunt idololatræ. An qui ventrem pro Deo habent Phil. 3. 19. aut nummos Eph. 5. 5. cogitant de concilianda iis rebus divinitatis opinione? Nihil minus, imò palam profitentur se in Deum fide recumbere, & nullum aliud Numen venerari, & tamen Idololatræ dicuntur. Sic Israëlita non fuerint Idololatræ colentes vitulum, nec Ethnici divinitatem in simulachris colentes, quia noluerunt illis cultum exhibere *sicut Deo*. Sic Patres Arianos idololatriæ insimulare non potuissent, quia adorabant Christum, qui illis merus erat homo, hunc enim cultum non illi deferebant *sicut Deo*. 3. Hoc perinde est, ac si cujuspiam uxor in adulterio deprehensa, os suum abstergeret, & negaret se adulterij ream, quia usuram corporis sui huic homini concesserit *non ut marito, sed ut mariti amico*, non conjugalem ei benevolentiam, quam soli marito debitam novit, sed *amicalem* tantum exhibendo; quis verò ferret adulteram ita se excusantem? An minuitur crimen, quamvis uxor sui copiam faciat adultero illi, non tamen ut illi conciliet existimationem, quæ in solum maritum competit; Quis etiam Idololatræ spirituale adulterium suum ita extenuantes admittat? Tam enim soli Deo proprius est omnis religionis cultus, quàm illa Marito soli conjugalis benevolentia debetur.

Latria &  
dulia non  
differunt.

XXII. III. Excip. Distinguendam esse λατρείαν & δουλείαν; cultum λατρείας soli Deo vindicari, δουλείαν verò Creaturis etiam posse deferri: Nec novam videri debere istam distinctionem; Augustinum passim eà usum, & Veteres, qui cultum falsorum Deorum vocabant Idolola-



*Idololatriam non Idoloduliam, quod cultus Deo proprius vocetur λατρεία, non δουλεία. Naturam rei etiam hanc docere; nam pro gradibus excellentia varium etiam esse debere cultum, Excellentia infinita deberi cultum λατρείας, humana vel civili, civilem, media vero siue donis tum gratia tum gloria medium, δουλείαν quidem Sanctis & Angelis, ὑπερδουλείαν vero B. Virgini ob singulare αἰζίωμα. R. Sed Commentum istius distinctionis ex variis confutari potest. 1. Ex vocum proprietate & primigenia significatione, quia sunt voces synonymæ, quæ obtenduntur pro speciebus oppositis sub eodem genere. Hesych. exponit λατρεύειν per δουλεύειν, λατρείαν per δουλείαν. Gloss. δουλεία, λατρεία, λατρεύω, δουλεύω. Vives apud August. de Civit. Dei lib. 10. c. 11. agnoscit ex Valla, promiscuum esse earum usum apud Scriptores profanos, quod multis exemplis probari potest. Imò si vim vocum spectare volumus, minùs appositè λατρεία ad cultum Dei designandum adhiberetur quàm δουλεία, quia ista maiorem qualis τῷ δούλῳ, id est, servi, λατρεία minorem qualis τῷ λατρὶ mercenarii servitutem denotat; δούλῳ enim & ἐλεύθερῳ opponuntur, est enim δούλῳ alterius hominis, quasi ἐλῳ ἐκείνῳ, λατρὶς autem Hesyc. est μισθωτός ὁ ἐπὶ μισθῷ δουλεύων, μισθῷ ἐργατίας: Sic apud Suidam λατρεία ἡ ὑπὲρ μισθῷ δουλεία. Si E. hanc distinctionem urgere volunt Pontificii, fatendum eos minorem Deo cultum, Creaturis maiorem reservare.*

XXIII. 2<sup>o</sup>. *Ex usu Scripturae, quæ promiscuè verbis λατρεύειν & δουλεύειν utitur, ut LXX. τὸ τῶν Hebræorum passim per alterutrum reddunt; δουλεία sæpe de cultu divino usurpatur δουλεύειν τῷ Θεῷ ζῶντι 1. Thess. 1. 9. Matth. 6. 24. Nemo potest duobus Dominis δουλεύειν, Gal. 4. 8. Gentiles damnantur quòd ἰδούλευσαν iis, qui naturā non sunt Dii; cur verò hoc impactum istis ab Apostolo, si hoc ex Pontificiorum Theologia licitum credidisset, modò non deferretur illis λατρεία? Sic 1. Sam. 7. 3. parate corda vestra Domino, καὶ δουλεύετε αὐτῷ μόνῳ, sic Roman. 12. 11. & 14. 18. Ephes. 6. 7. Col. 3. 24. Unde passim fideles, & peculiariter Viri Dei vocantur δούλοι Θεῶν. Vicissim λατρεία sæpe de cultu humano intelligitur Deuteronom. 28. 48. καὶ λατρεύσεις ἐκεῖ τοῖς ἐχθροῖς σου & serves ibi inimicis tuis. Levit. 27. 7. πᾶν ἔργον λατρευτὸν non faciendum Sabbatho, id est servile & manuale, quod sæpe repetitur y. 25. 26. 37. & Num. 28. 18. Ergo cùm Scriptura non distinguat, neque nobis est distinguendum. 3. Ex Adversariorum confessione, Bellarminus fatetur distinctionem hanc esse ἀγράφον, & à Schola Theologica excogitatam, licet tum hebræa tum græca vocabula promiscui sint usûs lib. 1. de Beati. Sancto. cap. 12. Vasques adhuc expressius, nomen dulia nullus ex antiquis Patribus docet usu Ecclesiastico esse applicatum ad significandum cultum & honorem Sanctorum, disputat. 93. in 3. part. c. 1. Marti. Peresius lib. de Tradit. part. 3. considerat. 7. hanc distinctionem improbat, teste Bellarmino.*

1. Thess. 1.  
9. Matth. 6.  
24.

Deut. 28.  
48.



DISPUT.  
II.

XXIV. 4. Sed *ex ipsa natura rei* fortius adhuc refellitur: Nam cum, uti jam diximus, unicus tantum detur cultus religiosus, qualiscunque sit cultus *dulix*, si religiosus dicitur non desinit in Deum esse contumeliosus, quia Creaturam Dei perfectione induit, ei tribuens infinitam cognitionem & scrutationem cordium, & vim sublevandi animas pressas sensu peccati. Quod si in schola nuperorum Theologorum versati fuissent Ariani olim, qui idolatriæ arguebantur a Patribus & Anthropolatriæ, facilè patuisset illis effugium hac distinctione, dixissent enim se Christo deferre cultum *dulix*, non latriæ: Sic & Joannes potuisset adorare Angelum sine crimine, & Angelus potuisset cultum illum admittere sine periculo, Apocal. 19. 20 & 22. 8. quàm proclive enim fuerat Joanni se excusare, & dicere, non colere ipsum cultu latriæ, sed *dulix*. Sed hæctenus inaudita fuerat novitia ista Theologia, & pro certo receptum unicum tantum cultum religiosum dari, & quidem soli Deo debitum. 5. *Ex Adversariorum praxi*; Nam licet nomen *λατρείας* deludendæ plebi removeant a cultu Creaturarum, certum est tamen rem omnem per *λατρείαν* designatam tribuere Creaturis, & ad eas vota precesque emittere, in illarum intercessione, precibus, meritis, præsidio, spem & fiduciam ponere, iis Tempia, Altaria, Imagines suspendere. In Scholis quidem nomine tenus distinguunt hunc cultum, sed in praxi nequaquam: Quotusquisque enim ex plebe Sanctos invocatur & vota nuncupat, eademque reverentiæ signa illis exhibet, quæ Deo solet reddere, qui ita secernat ut illis quidem *duliam*, huic verò latriam reddat? Imo ne quidem harum distinctionum naturam percipere potest, Ne jam dicamus, quod posthac probandum erit, cum de *σαυρολατρεία* agemus, Cruci ipsi latriam exhiberi. Conclusum Ergo esto, distinctionem hanc tanquam nullius cominatis, merito a nobis rejici.

XXV. Neque hic opponenda est *Augustini* autoritas: Nam quam distinctionem *λατρείας* & *δουλείας* nonnunquam usurpavit, tamen neque Scripturæ usui ea promiscue utenti in religionis negotio, præjudicatum voluit, neque in eum sensum usus est, quem sequitur hodie Ecclesia Romana. Nam *Augustini* mens nunquam fuit, cultum religiosum distribuere in latriam & *duliam*, Ita ut hæc ad Sanctos, illa ad Deum pertineret: Sed *dulia* voce designare voluit cultum civilem, quo alii alios colimus in hac vitâ, non cultum religionis, sed dilectionis & societatis erga præsentis, & charitatis erga defunctos, quos honorandos docet propter imitationem, non adorandos propter religionem lib. de vera Relig. cap. 55. Non sit nobis religio, inquit ibidem, cultus hominum mortuorum, quia si pie vixerunt, non sic habentur ut tales quarant honores, sed illum à nobis coli volunt, quo illuminante letantur meriti sui nos esse confortes. Per *λατρείαν* vero intelligit *Augustinus* cultum religiosum



sum cum omnibus actibus suis tam *imperatis*, quàm *elicitis*, quales sunt actus precum, sacrificiorum, ut & templorum, dierum festorum, nostri & omnium quæ in nobis & à nobis, religiosis ritibus consecratio. Sic ille lib. 10. de C. D. c. 1. *Latriam nostri ubique S. Scripturarum positum est, interpretati sunt servitutem, sed ea servitus, quæ debetur hominibus, secundum quam precipit Apostolus, servos Dominis suis subditos esse debere, alio nomine nuncupari solet Græcè Latria secundum consuetudinem, quâ loquuti sunt, qui nobis divina eloquia condiderunt, aut semper, aut iam frequenter, ut penè semper, ea dicitur servitus, quæ pertinet ad colendum Deum. Proinde si tantummodo cultus ipse dicitur, non soli Deo deberi videtur. Dicimur enim etiam colere homines, quos honorificâ vel recordatione, vel præsentia frequentamus, &c.* Ex quibus ne alia loca jam congeramus, patet Augustinum distinguere servitutem in eam, quæ soli Deo debetur, & quam docendi causâ vocat *λατρείαν*, quamque alibi vocat *servitutem religionis*, lib. 5. de C. D. cap. 15. & servitutem, quæ hominibus debetur, quam peculiariter *duliam* dicit. Aliud est verò cultum in genere distinguere in *λατρείαν* & *δουλείαν*, quod facit Aug. aliud cultum religiosum ita dispendere, quod volunt Pontificii: Aliud *λατρείαν* & *δουλείαν* genere dispendere cum Augustino, aliud gradu tantum cum Pontificiis. Quòd si liberet hîc in Veterum mentem & verba inquirere, facile esset ostendere, promiscuè eos istis vocibus usos fuisse; Sed quia non iis stamus aut cadimus; neque decet Virum Dei *νοσῆν περὶ λογομαχίας*, litem de verbis non facimus, sed de rebus: parum refert *λατρεία* an *δουλεία* dicatur cultus Deo proprius, modò fixum ratumque maneat, cultum religiosum soli Deo, nulli verò Creaturæ esse deferendum.

XXVI. Quod verò secundo loco affertur de gradibus excellentiæ, probat quidem distinguendum esse cultum religiosum & divinum, à civili & mundano, pietatem à charitate; ut duæ sunt Excellentiæ species, alia increata & infinita nimirum Dei, alia finita & creata, qualis est omnium Creaturarum: Sed non probat dari cultum religiosum, qui sit medius inter divinum & civilem. Nam etsi non diffiteamur, varios esse gradus Excellentiæ finitæ in Creaturis; tamen cultus species non debent juxta eos multiplicari; aliàs non jam duæ aut tres, sed innumeræ penè cultuum Creaturis debitorum species essent. Certum quidem est, ex diversis gradibus dignitatum in Creaturis conspicuarum posse oriri diversos gradus cultus & venerationis; sed ita ut semper intra limites cultus civilis maneat, neque transitus fiat ad cultum religiosum, qui soli Deo, Excellentiæ putà infinitæ, sit debitus. Ita alio cultu Regem, alio Præceptorem, vel Patrem colo; sed utroque tamen humano & civili. Ita dispari quidem gradu illos colere possumus, qui gratiæ vel gloriæ eminentiâ sunt conspicui, sed sub eadem tamen



DISPUT.  
II.

Rom. 12. 10.

cultûs specie, quem cultum socialem & dilectionis vocat Augustinus. Alii *civilem* indignant, ut contradistinguaturs religioso, sed rursus civilem distinguunt, vel respectu *Civitatis mundane*, qui complectitur officia omnia reverentiæ, amoris, timoris, quæ hominibus debentur, etsi sint à fide alieni; Vel respectu *Civitatis supernæ*, quo honore domesticos fidei prosequimur. Quò pertinet *σεμνότης* illa, quâ nos invicem complectimur Rom. 12. 10. Item observantia illa & reverentia, quam fidelibus exhibemus juxta conditiones varias & excellentiæ dotes, & gloriam eorum qui civitatem illam supernam constituunt, quo sensu *honoramus Sanctos & Angelos, charitate*, ut loquitur August. *non servitute*: Rursus *Cultus civilis* dicitur, vel *formaliter* ratione *subjecti & modi*, qui in se revera civilis est distinctus à religioso, qui exhibetur iis, qui in eadem nobiscum societate degunt, Vel *causaliter* ratione *principii*, qui propter causas merè civiles impenditur; prior oritur etiam à causis supernaturalibus, ut Regem Christiani colunt, colunt & infideles; sed hi tantum politiæ gratiâ, nec quicquam habentes præ oculis, quàm potentiam illam regiam, cui civiliter subsunt: Illi verò propter conscientiam. Jam cultus qui Sanctis exhibetur, dicitur nobis *Civilis* priori tantum, non posteriori ratione. Quomodo- cunque verò vocetur vel *moralis reverentia*, vel *socialis dilectionis*, vel *officiosa charitatis*, per nos licet, modò toto genere distinguatur à religioso, qui soli Deo deferendus. Iste ad primam, ille ad secundam Legis Tabulam pertinet, prior religionis *pars*, posterior est tantum *effectus*. Quæ ergo ratio est excellentiæ Creatoris & Creaturarum: Ea debet esse ratio venerationis & cultus, qui illis debetur. At Excellentia Creatoris infinitis modis major est excellentiâ Creaturarum, Imò nulla analogia vel proportio unius, ad alterum. Idem ergo discrimen debet esse in cultu, nec creaturarum & Creatoris cultus sub unum genus reducendus; sed potius cum Creatoris cultus religiosus sit, creaturarum talis esse nequit.

XXVII. Absurda est distinctio *adorationis absoluta & relativa*, quâ hic uti solent, quasi adoratio quidem absoluta soli Deo relinquenda sit, relativa verò deferri possit Creaturis, tum Sanctis, tum eorum reliquiis. Nam præterquàm quòd propriè loquendo nulla est adoratio, quæ non sit relativa, quia refertur ad objectum suum, adeoque est *ἐν τῷ πρὸς τὸ* Genere negato, negantur species, adoratione religiosa negatâ creaturis, negantur etiam species ejus. Adde quòd sic excusari potuissent Gentiles in cultu idolorum, quem pertendebant relativum tantum esse, non absolutum. Denique Pontificii ipsi non pauci cultum istum pertendunt esse absolutum, non tantum relativum & respectivum, ut suo loco inferius probabitur.

XXVIII. Frustra etiam distinguunt inter *actus Religionis elicitos*



*citos & imperatos*; quasi illi soli Deo debeantur, isti etiam creaturis tribui possint. Nam actus imperati alii sunt pars Religionis, putà omnes actus qui referuntur ad primam Tabulam, quales sunt invocatio, vota, sacrificia &c. Alii sunt tantum ejus effectus, nimirum illi qui pertinent ad secundam. Istos creaturis posse & debere tribui fatemur, sed illos negamus; hic verò, ut notum, agitur de cultu religioso qui respicit actus religionis elicitos, quos Pontificii fatentur soli Deo tribuendos, & de actibus imperatis, qui sunt pars Religionis, non de actibus imperatis, qui pertinent ad secundam Tabulam, & qui sunt effectus Religionis.

XXIX. Sed quia Pontificii varia excipere solent in specie pro Invocatione Sanctorum, ad diluendum crimen idololatriæ, quod illis propterea impingitur, vanitas exceptionum paucis est demonstranda. I. Excip. Ecclesiam cultum & Invocationem Sanctorum tanquam utilem & bonam præscribere, sed nihil ulterius addere, quasi necessaria sit, vel absolute præcepta. Sic Episcopus Condomienfis loquitur in prima Editione Expositionis Catholicæ, pag. 33. *Nihil injustius est quam obficere Ecclesiæ, quòd totam pietatem in cultu Sanctorum constituat, cum contrà non imponat privatis ullam obligationem praxim istam observandi*; Et addit ibidem, *Verba Concilii notavimus, quòd satis habet praxim istam bonam & utilem vocare, non docendo ulterius quòd sit necessaria & præcepta*; Unde patet satis clarè, Ecclesiam non alios damnare quàm eos, qui ab ea recedunt per contemptum, & rebellionis ac dissensionis animo. Sed qualiscunque sit erroris istius incrustatio, certum est sub utilitate cultus istius necessitatem includi, quod patet ex ipsis Concilii Decreti verbis de Invocatione & Veneratione Sanctorum, &c. Sess. 25. *Mandat Sancta Synodus omnibus Episcopis & ceteris docendi munus sustinentibus, ut juxta Catholicæ & Apostolicæ Ecclesiæ usum à primævis Christianæ Religionis temporibus receptum, &c. in primis de Sanctorum Intercessione, Invocatione, & Reliquiarum honore, & legitimo Imaginum usu, fideles diligenter instruant, docentes eos Sanctos unà cum Christo regnantes, orationes suas pro hominibus offerre, bonum atque utile esse simpliciter eos invocare, & ob beneficia impetranda à Deo per Filium ejus Jesum Christum Dominum nostrum, qui solus noster Redemptor & Salvator est ad eorum orationes, opem, auxiliumque confugere. Illos vero qui negant Sanctos eternam felicitatem in cælo fruantes invocandos esse, vel qui asserunt eos pro hominibus non orare, &c. impiè sentire*; Et sub finem: *Si quis autem his Decretis contraria docuerit aut senserit, Anathema sit.* Quis verò ex his non colligat non modò utilitatem, sed & necessitatem cultus istius induci? Aliàs cur juberentur Doctores diligenter instruere fideles de hoc cultu? Cur dice-



DISPUT. II. dicerentur impiè sentire qui negant Sanctos invocandos esse, & quidem ex usu Apostolicæ & Catholicæ Ecclesiæ? Cur anathema illis denunciaretur? Cur tot præscriberentur tam sollicitè orandi formulæ? Cur indulgentiæ orantibus concederentur, negligentibus verò pœnitentiæ injungerentur? 2. Id ipsum non obscurè confirmat *Catechismus Romanus*, qui expressè dicit confugiendum esse ad gratiam Sanctorum, & eos invocandos & colendos esse, additâ hac ratione, quòd protectionem & tutelam salutis nostræ suscipiant; *Professio fidei* venerandos & invocandos esse Sanctos per modum præcepti statuit. 3. Nullus cultus religiosus potest præscribi, quin transeat in officium debitum, quod proinde non est modò utile, sed & necessarium. 4. Idem evincit praxis constans & universalis Ecclesiæ non quorundam tantùm, sed omnium Populorum, qui ubique cultum hunc usurpant, & magno studio, tanquam maximam partem Religionis suæ exequi solent; hinc *Perronius* in Resp. ad Regem M. Britannia, cultum istum non modò ut utilem, sed etiam ut necessarium urget.

XXX. II. Excipitur, *Orationes dirigi ad Sanctos eodem charitatis spiritu & fraternæ societatis ordine, quò ad fratres interris viventes confugere solemus ad auxilium & opem eorum implorandum*. Sic Episcopus loquitur art. 4. Sed quis non videt vanitatem illusionis, quâ simplicioribus fucum facere conatur, dum diversissima confundit, actum putâ humanum, civilem, Christianæ societatis, opis mutuæ inter vivos & præsentem, quæ præscribitur nobis in Scriptura, cum actu religioso invocationis, adorationis, fiduciæ, voti, sacrificii, cujus objectum non sunt viventes, sed mortui, procul à nobis nec præsentem aut essentiâ aut operatione cum scientia, cujus nec vola nec vestigium in Scriptura, imò non obscura interdictio. 2. Si eadem cultûs istius esset utrobique ratio, & eodem spiritu cultus iste peragitur; Ergo poterunt ritè canonizari viventes, Tempia & altaria poterunt illis erigi, incensus adoleri, sacrificia offerri, & alia id genus quæ fiunt erga Sanctos demortuos; poterunt preces & compellationes Christianæ, quæ illis fiunt, cultus religiosi nomen obtinere, quod nemo non videt absurdum esse, imò impium.

XXXI. III. Excipitur, *Non rogari Sanctos ut causas principales, qui vel bona dent, vel liberent à malis, nec iisdem quibus ad Deum confugitur precandi formulis, maximumque esse discrimen inter modum, quò auxilium Dei imploratur & quò Sanctorum; nam Deum propriè invocari ut nostri misereatur, sed Sanctos tantùm ut pro nobis Deum orent*. Sic *Catechism. Roma*. p. 3. Tit. de Cultu & Invocatione Sanctorum, & ex eo Episcopus *Exposit.* p. 22. Sed frustra hoc effugium quaeritur, quod praxi apertè repugnat. Nam si nihil aliud petitur à Sanctis, quàm ut orent pro nobis,



nobis, Cur Concilium suppliciter invocari vult, & ad eorum opem & auxilium confugi? Cur formulæ publicæ expressè petunt, ut misereri velint, ut parcant, liberent, exaudiant, imò ut deleant peccata, conferant cor contritum, corda illuminent, largiantur spiritualem gratiam, in hora mortis suscipiant, & alia id genus quæ passim in Litanis & orationibus ad Beatam Virginem & Sanctos leguntur, ut suprâ visum. Nec respondendum cum Bellarmino lib. 1. de Beati. Sanctorum c. 17. *Talia non alio animo dici, quàm ut ista beneficia nobis conferant, orando pro nobis? Itaque licere quidem quoad verba dicere, B. Petre, miserere mei, serva me, aperi mihi portam cæli, &c. modo ita intelligamus, misereri mei & salva me, orando pro me.* Quia si non aliud munus habeant Sancti, quàm orandi pro nobis, Cur præficiuntur Urbibus, Provinciis, & Regnis mundi tanquam Dii tutelares, à quibus utpote Mundo præsidentibus & Ecclesiam gubernantibus se regi & gubernari arbitrantur? Cur singulæ Artes & Vocationes, imò & morbi peculiares Patronos habent, ad quos confugiunt, qui cos profitentur, vel iis detinentur, non tantùm ut precibus, sed etiam protectione & auxilio eorum juventur? Rursus si nihil aliud intendunt per cultum Sanctorum, quàm ut orent pro nobis, Cur patiuntur preces ad ipsos dirigi expressè tanquam bonorum largitores & protectores à malis; atque ita exponunt simplicem populum periculo continuo teterrimæ idololatriæ? quotusquisque enim est, qui dum jubetur orare aliquem Sanctum ut sui misereatur, & se salvet; ut peccata sua deleat, intelligat, hoc non alio sensu dici, quàm ut pro se oret apud Deum, ut talia beneficia obtineat, non verò propriè ab ipso hæc directè petat?

XXXII. IV. Denique Excip. *Nullam injuriam fieri Christo; quia quodcunque consequimur Intercessione Sanctorum, id nos reipsa per Christum solum consequi, inque ejus nomine, cum ipsi Sancti non nisi per Christum orent, nec nisi in ejus nomine exaudiantur.* Sic Episcopus post Bellarminum & Tridentinos. Sed quid juvat nomen Christi prætere, si merita & virtutes Sanctorum cum ipso obtenduntur, ad hæc aut illa beneficia obtinenda? Quis verò ignorat Sanctorum meritis inniti preces Romanas, eorumque intercessioni, merito, virtuti, accepta ferri beneficia, & invocari eorum nomen? Quin in Precibus, Juramentis, Votis, Confessionibus, Gratiarum actionibus, Missaticis sacris, Paparum Bullis, sociari nomen Virginis, & Sanctorum nomina, collateraliter cultu, nominibus Dei & Christi? Quis verò non videt hoc pacto grandem fieri injuriam Christo, qui Intercessoris & Redemptoris in Scripturis solus nomen habet, & dignitatem possidet? Ex quo facilè colligere licet, Romam pari devotionis & venerationis affectu, si non majori, Sanctos æquè ac Deum & Christum colere. De quo jam olim Vergili, *Cælandri,*  
Hives,



DISPUT.  
II.

*Vives, Espencei, & alii* questi erant; Nec diffiteri possunt, qui sincerè ex rei veritate loquuntur, patet ex libro *Consiliorum salutarium S. Virginis ad indiscretos sui cultores*, Colonia edito, ubi Autor fatetur Populum, Prælatos, Doctores & Prædicatores colere Virginem, ut alteram Divinitatem, Illi reddi cultum soli Deo debitum, In ea spem omnem collocari, eam supra Filium elevari, & illi dari omnem salutis nostræ gloriam.

XXXIII. Hoc verò ne cuiquam dubium sit, consulendus est antè citatus *Crasseti* liber, ubi autor fusè hoc argumentum tractat, & inter alia asserit, Deum nullam gratiam ordinariè hominibus largiri, nisi per intercessionem *Matris sue*, probat de ea rectè dici, *omnipotentiam ad eam pertinere & in cælo & in terra: Nihil illi impossibile esse, posse eam servare desperatos, accedere ad Dei tribunal, non modo ut servam, quæ orat Dominum suum, sed ut matrem, quæ imperat Filio. Ita ut nulla creatura ullam gratiam aut virtutem acceperit, quæ non dispensata fuerit manibus misericordis istius Matris. Posse eam imperare Jesu Christo auctoritate Matris. Et servare adhuc speciem auctoritatis super ejus personam, super bona, & super omnipotentiam. Posse dici liberè, posse quicquid potest Filius, quia cum Filius & Mater eandem carnem habeant, eandem etiam potentiam indivisim possideant, Filium per naturam, Matrem per gratiam. Hinc istas ad eam preces dirigit, ô Mater misericordie miserere mei, serva me in familia tua; si cado erige me, si aberro corrige me, & si pugno protege me, recipe animam meam in manus tuas. Alibi reddendam esse ait adorationem Religiosam B. Virgini, Sanctis, & Angelis, & alia id genus, quæ rotundè sententiam Ecclesiæ R. circa cultum B. Virginis exprimunt. Quis enim credat talem virum de argumento toties agitato scribentem, Ecclesiæ suæ fidem ignorasse, vel deditâ operâ in ea tradenda lectoribus imposuisse? vel quis sibi persuadeat librum, qui cum Examinatorum approbatione & Privilegio Parisiis excuditur an. 1679. quique publicè prostat, nec ullâ censurâ notatur, receptam doctrinam dissimulare & corrumpere? Videat jam Lector quàm belle illi conveniat cum fucatis & dolosis fidei Ro. expositionibus, quibus falsitas ejus in-crustari solet.*

XXXIV. Posset ulteriùs crimen Idololatriæ Rom. in cultu Sanctorum evinci, ex Sacrificio Missatice, quod in honorem eorum Deo offerri solet. Cùm enim honor sacrificii ad Deum solum pertineat, & res oblata inferior debeat esse eo, in cujus honorem offertur: non potest offerri Christus in Missa in honorem Sancti, quin Sanctus eo ipso, horresco referens, major statuatur Christo, & honor soli Deo debitus in eum transferatur. Sed quia alibi de eo actum est, plura non addimus.

F I N I S.

DISPU.



## DISPUTATIO TERTIA

*Qua est Secunda*

## DE IDOLOLATRIA ROMANA.

*Respondente JACOBO DU GUE Parisino.*

I. **D**I X I M U S superiori Disputatione, *Ecclesiam Romanam* duplici nomine à Nobis Idololatriæ ream peragi, Tum respectu *Objecti*, quia religiosum iis exhibet cultum, qui naturâ non sunt Dii, Tum respectu *Modi*, quia etiam verum Deum superstitiosè & idololatricè in Imaginibus colit. Et ad primam illam idololatriæ speciem quod attinet, multiplicia esse Objecta ostendimus, quibus cultus iste religiosus deferitur, 1<sup>o</sup>. *Angelos & Sanctos*, 2<sup>o</sup>. *Pontificem*, 3<sup>o</sup>. *Sacramentum*, 4<sup>o</sup>. *Crucem & Reliquias*. De duobus primis jam actum, superest ut de duobus postremis disputemus, *Sacramenti* scilicet & *Crucis ac Reliquiarum* adoratione: quibus addenda erit pars tertia de *Imaginum cultu*, ut, quod nos antea facturos recepimus, demonstramus *Ecclesiam Romanam* Papalem verè esse idololatricam, adeoque legitimam fuisse nostram ab ea Secessionem, & illicitum ad eam, rebus sic stantibus, reditum.

II. Ut ergo de *Sacramenti adoratione* dicamus primùm: Crassissimam hîc pertendimus à Pontificiis idololatriam committi, dum Hostiæ, ut vocant, consecratæ, sive Sacramento Eucharistiæ cultum non quemvis, sed summum, latriæ ipsis dictum, qui soli Deo debetur, deferunt, & ab omnibus sub anathematis pœna deferri jubent. Cùm enim certum nobis sit & indubitatum, Sacramentum istud à Christo institutum, non aliud continere, quàm substantiam panis & vini, quæ symbola carnis & sanguinis sui esse voluit Dominus; nemo non videt talem cultum non posse illi exhiberi, quin in Creaturam adoratio soli Creatori debita transferatur, quod sine immuni sacrilegio fieri non posse credimus, nec ullus opinor inficias iverit.

*Adoratio  
Sacramenti  
à Pontificiis  
instituta.*

III. Fatemur quidem Eucharistiam, ut à Domino ad memoriam suæ mortis institutam, nobisque in amoris sui, nostræque salutis pignus datam, reverenter in religionis nostræ sacris habendam, neque unquam, nisi seriò probatâ priùs conscientia, animoque ad sinceram peccatorum confessionem & pœnitentiam, ad



DISPUT.  
III.

pietatem in Deum, ad charitatem in homines comparato esse sumendam; planè eodem modo, quò Baptismum, ejusdem quoque ordinis, & ab eodem Autore traditum mysterium eos decet suscipere, qui adulti Christianismo ritè initiantur. Agnoscimus etiam Christum Dominum in hujus Sacramenti celebratione esse adorandum, non tantùm quia dum celebratio fit, in Christum toto ferri animo debet vir pius; sed etiam quia ipsa illa celebratio est actus religiosus, qui proinde ab adoratione Christi separari non potest; Unde etiam *Eucharistias* nomen; nam quisquis pius agit gratias Deo, idem adorat Deum. Sed negamus, quod volunt Pontificii, Sacramentum ipsum esse adorandum, & Christum ut sub speciebus per *μελουσίαν* latentem, esse quaerendum vel colendum, quia cùm merus ibi sit panis, ἀπολατρεΐαν necessariò committit, qui ad eum adorationem dirigit.

IV. Verùm ne quis arbitretur nos hîc Pontificiis imponere, audiendi sunt ipsi, ut, quid hac in parte statuunt, perspicuè dignoscatur. Nolumus hîc in principium & originem istius erroris inquirere, quanquam non difficile esset demonstrare, inauditum planè fuisse & incognitum puriori Antiquitati, & sub Innocentio III. demum in Lateranensi Concilio an. 1215. inchoatum per Transubstantiationis figmentum, quod ibidem sancitum fuit; sub Honorio III. verò circa an. 1220. immediato Innocentii successore confirmatum Decreto peculiari, quò Eucharistiæ adoratio sancitur: Extat in Decretalibus Gregorii IX. titulo Celebrat. Missar. c. 10. *Sacerdotes*, inquit, *frequentes doceant plebem suam, & cùm in celebratione Missarum elevatur hostia, reverenter se inclinent, idemque faciant cùm eam defert Presbyter ad infirmum.* Sed quia errores isti in ἀρχῇ demum fuerunt in Conciliabulo Tridentino, in quo leges de iis sancitæ sunt sub anathematis pœna, & quæ hodie passim in Papatu obtinent; non aliunde certiùs Eccl. Rom. sententia, quàm ex Concilii istius verbis elici potest. Sic autem Patres postquam Transubstantiationis commentum, quod primum est erroris istius fundamentum, stabiliverunt, de Sacramenti veneratione loquuntur Sessione 13. cap. 5. *Nullus itaque dubitandi locus relinquitur, quin omnes Christi fideles, pro more in Catholica Ecclesia semper recepto, latria cultum, qui Deo debetur, huic sanctissimo Sacramento in veneratione adhibeant, neque enim minus est adorandum, quòd fuerit à Domino ut servetur institutum, nam illum eundem Deum præsentem in eo adesse credimus: quem Pater æternus introducens in orbem terrarum dixit, & Adorent eum omnes Angeli, &c.* Et canon. 6. subjiciunt, *Si quis dixerit, in sancto Eucharistia Sacramento Christum unigenitum Dei Filium non esse cultu latriæ etiam externo adorandum, venerandum, atque in Processionibus secundum laudabilem & universalem Ecclesiæ Sanctæ usum & consuetudinem solemniter cir-*

cum-



*cumgestandum, vel non publicè, ut adoretur, populo proponendum, & ejus* DISPUT.  
*adoratores idolatras esse, anathema sit.* Ex quibus verbis liquidò constat,  
 non modò Christum ipsum in Sacramento, sed totum Sacramentum proponi  
 adorandum, atque adeò non simpliciter Corpus Christi, in quod panem  
 ipsum converti per consecrationis verba existimant; sed etiam ipsa symbola  
 & species panis & vini, sub quibus Christum contineri statuunt.

V. Nec ab instituto Praxis ordinaria abludit; nihil enim frequentius  
 apud Pontificios occurrit, nihil religiosius observatur hac Sacramenti ado-  
 ratione. Primò Sacrificulus quamprimùm verba consecrationis protulit,  
 eorumque prolatione Creatorem suum, ut illi impiè loquuntur, creavit,  
 ipse statim Hostiam à se consecratam genuflexus adorat, & similiter cali-  
 cem. Postquam ipse adoraverit surgit, Hostiamque utraque manu supra  
 caput suum averfus à populo magna cum reverentia elevat, populoque spe-  
 ctandam, proque ipso Christo adorandam proponit, & pariter calicem:  
 Dum elevatur Sacramentum, pulsatur campanula, quò veluti signò datò,  
 populus summa cum veneratione Sacramentum tanquam Christum ipsum  
 adorat. Deinde ante receptionem, Sacramentum rursus adorat, eique  
 inclinatus dicit, *Agnus Dei, qui tollis peccata mundi, miserere nobis, Et*  
*rursus, Domine non sum dignus ut intres sub tectum meum, quæ omnia extant*  
*in Missal.* In rit. celeb. Miss. Sect. 8. Sic in *Hortulo anima, O venerabile*  
*sacramentum, per te quæso, &c.* Item

*Ave caro Christi cara,  
 Immolata crucis ara,  
 Pro redemptis hostia,  
 Morte tua nos amara,  
 Fac Redemptor luce clara  
 Tecum frui gloria, &c.*

Post Missam peractam, quod reliquum est Sacramenti in Sacrario asserva-  
 tur, ut ad ægrotos deferatur, & in solennibus quandoque Processioni-  
 bus circumgestetur. Sed præcipua istius idolomania pars in festo, quod  
 huic Panaceo Deo dicatum est, elucet. Festum hoc corporis Christi *Ur-*  
*banus* IV. instituit circa an 1262. *Clemens* V. in Concilio Viennensi in-  
 dulgentiis quibusdam locupletavit anno 1310. *Julius* denique III. in Con-  
 cilio Tridentino confirmavit, Anathema iis denunciando, qui Sacramen-  
 tum hoc, quod Dominum Deum & Creatorem suum indigitare solent,  
 latriæ cultu adorandum & festivitate peculiari venerandum negaverit.  
 Sic lege latà Pontificii jam cultum missatici Dei omnibus imponunt, fer-  
 roque & flammis persequuntur, qui secum Deum hunc suum proni  
 in terram & cernui non adorârint. Huc facit etiam quòd preces &  
 gratiarum actiones vulgò ad Sacramentum dirigantur; quod tempore



DISPUT. III. gravis alicujus calamitatis exponatur populo orandum & adorandum; nihilque sæpius apud ipsos audias hac benedictionis divinæ formulā, *Laus sanctissimo Sacramento.*

VI. Ex hac verò sententiæ Adversariorum declaratione colligimus, non posse eos, quicquid moliantur, ab idololatriæ crimine se liberare. Primò quia Sacramentum ipsum, in quo præsentem Christum dicunt, adorari jubent, quod tamen certo certius est, meram esse creaturam, utpote symbola ipsa terrena à Christo instituta, & si credimus ipsis species seu accidentia tantum panis & vini. Secundò, quia loco Christi veri & æterni Dei Filii, quem in locum substantiæ panis per *μετέσταν* succedere falsissimè arbitrantur, nihil aliud quàm crustum & buccellam panis adorant: quæ sententia tanto fuit Averroi scandalo in Hispania degenti, ut dixerit, *inter omnes sectas nullam vidiſſe ſtultiorem Chriſtianā*, Papalem innuere volebat, *cujus ſectatores adorant quod manducant*, quod antea jam observaverat Theodoretus q. 55. in Genesim, *ſumma eſſe inſaniæ, id adorare quod comeditur.*

VII Nihil attinet autem argumenta varia referre ad errorem hunc jugulandum. Ut quòd talis Sacramenti adoratio, quæ tamen neceſſitatis eſſe creditur, nuſquam vel à Chriſto imperata in ſanctæ Ccenæ institutione, vel ab Apoſtolis in ejus praxi obſervata legatur. Quòd nuſquam à Paulo, qui tam ſollicitè verba institutionis refert cap. 11. ad Corinth. vel unico verbulo ſit commendata, quod tamen locus ille, ſi ullus unquam, exigere videbatur, ut dignitatem myſterii adverſus prophanorum contemptum eò magis extolleret. Quòd in Eccleſia Apoſtolica nullum praxeos iſtius deprehendatur veſtigium. Quòd ab omnium aliorum Sacramentorum, quotquot in Ver. vel Novo Teſt. leguntur inſtituta, ritibus ſit alieniſſima, quæ nec adorata videntur, nec ad adorandum propoſita. Hoc unum nobis eſto inſtar omnium, quod propius facit ad inſtitutum. Non poſſe cultu illo deſungi Pontificios, quin Creaturæ cultum ſoli Deo debitum deferant, dum Sacramentum adorando, panem loco Chriſti, & ſpecies ipſas cum Chriſto eodem cultu venerantur & colunt, quod utrumque fœdam idololatriam involvere, cæcus eſt qui non videat.

VIII. Quia tamen in omnes formas ſe vertunt Adverſarii, ut tanti criminis invidiam declinent, age videamus paulò accuratiùs quid ad incruſtandum errorem hunc adferant. Primò quod *ad adorationem ſpecierum* attinet, Excipiunt *non adorari apud ipſos Sacramentum ipſum ſeu ſpecies, ſed Chriſtum ipſum ſub ſpeciebus latentem, nec ſi adorandum dicitur in Concilio Tridentino, alio ſenſu hoc intelligendum eſſe, quàm reſpectu Chriſti ſolius, qui totam hujus myſterii majeſtatem includit: ideo eſſe quidem de fide, Chriſtum adorandum eſſe in Sacramento, & ipſi latræ cultum deberi, ſed non eſſe*  
*parker*



*pariter de fide, Sacramentum, prout sumitur pro speciebus solis Christum continentibus, latriæ cultu adorandum esse. Sic Cardinalis Richelius in novissimo Opere Gallico lib. 4. cap. 3. &c. Sed quidquid dicat Cardinalis, vel plane suos hic deterit, vel sententiam dissimulat, & nobis imponere conatur. Nam verba Concilii suprâ allata manifesta sunt, quæ nullâ sophisticâ possunt eludi, Nullus dubitandi locus relinquitur, quin omnes Christi fideles, pro more in Ecclesia Catholica semper recepto, huic sanctissimo Sacramento latriæ cultum, qui vero Deo debetur, adhibeant. Nec enim minus est adorandum, quod fuerit à Domino institutum, nam illum eundem Deum præsentem in eo esse credimus, &c. Ubi disertè Patres sanciant adorandum non tantum Christum, sed Sacramentum ipsum in quo præsens dicitur; & quod ab ipso est institutum; At num Christus in se ipso præsens est, nunquid in Sacramento; Num est ipsum Sacramentum, vel nihil ad Sacramentum pertinet nisi Christus? Nonne ex ipsorum etiam hypothese ex Christo & speciebus constat? Itaque non tantum rem sacramenti, vel Christum in Eucharistia, sed ipsam etiam Eucharistiam adorant. Fateor fundamentum istius adorationis secundum ipsos peti à Christo, qui dicitur sub speciebus contineri; sed hoc non obstat, quin adorationem ipsam ad totum Sacramentum, & per consequens ad ipsas species externas visibiles extendant.*

IX. Quod si minus nobis hac in parte creditur, consulantur præcipui ex Pontificiis Doctoribus, qui eam esse Ecclesiæ suæ mentem, & praxim non dissimulant. Audiatur ipse Bellarm. lib. 4. de Eucharistia cap. 25. *Fatemur Sacramentum ipsum esse adorandum; ut Concilium Tridentinum loquitur, nam etsi cultu latriæ dicimus per se & propriè Christum esse adorandum, tamen eam adorationem, ad symbola etiam panis & vini pertinere, quatenus apprehenduntur ut unum quid cum Christo, &c. Audiatur Suarez in 3. Thom. q. 79. art. 8. Ecclesia totum Sacramentum adorat, & Concil. Tridentinum non sub nomine Christi, sed Sacramenti, docet adorandum esse hoc sanctissimum Sacramentum; & fusiùs hanc eandem sententiam explicans: Hoc totum sacramentorum potest uno actu adorari, quò primo & per se adoratur Christus, qui est unicum Suppositum huius Sacramenti, ad quod per se tendit adoratio, coadorantur autem species tanquam Christo conjunctæ, & cum illo unum constituunt. Imo ulterius progreditur sect. 2. Etsi species nunquam per se atque disjuncto actu adorentur, sed adoratione latriæ absoluta & perfecta ordinariè & regulariter coadorentur cum Christo, sicut caro coadoratur cum Verbo, si quis tamen velit mente disjungere quæ in re conjuncta sunt, quod possit solas species adorare; addit quidem talem adorationem non posse esse absolutam, nec latriam primariam & perfectam, sed respectivam & secundariam, qualis est imaginis, quando hoc modo*



DISPUT.  
III.

*do & separatim adoratur à prototypo.* Non jam disputamus de commento latriæ absolutæ vel respectivæ, primariæ aut secundariæ, sed hoc tantum habemus juxta illius sententiam, species adorari cum Christo, latria perfecta & absoluta, & species solas adorari posse seorsim, latria respectiva & secundaria. Ad hos etiam accedit *Gregor. de Valent.* tom. 4 com. in 3. *Thom. disput. 6. quæst. 11. puncto 2. Quod autem nullo modo isti* (Protestantes intelligit) *censent ad species ipsas illam venerationem pertinere, in eo heretice pugnant contra perpetuum usum & sensum Ecclesie, &c.* Ex quibus, ne alia jam congeramus testimonia, luculenter constat, inter ipsos non tantum Christi in Sacramento, sed Sacramenti ipsius seu specierum adorationem obtinere, quod Cardinalis negabat.

X. Quia verò vidit non satis tutum esse præsidium in hoc primo effugio, quod facile fallitatis convinci potuit ex domesticis testibus, ad secundum postea se recipit, quod Bellarminus etiam amplectitur; nimirum *Nolle*, verba sunt Bellarmini lib. 4. de Eucharistia cap. 29. *symbola externa propriè & per se adoranda esse cultu latriæ, sed solum veneranda cultu quodam minore, qui omnibus Sacramentis convenit; cultu autem latriæ per se & propriè Christum esse adorandum, & eam adorationem ad symbola etiam panis & vini pertinere, quatenus apprehenduntur, ut unum quid cum Christo quem continent, ut qui Christum in terris adorabant, non ipsum solum, sed etiam vestes quodammodo adorabant, nec enim jubebant ipsum nudari antequam adorarent, aut animo & cogitatione separabant à vestibus cum adorarent, sed simpliciter Christum, ut tunc se habebat, adorabant, tametsi ratio adorandi non essent vestes, nec ipsa humanitas, sed sola Divinitas:* clarius verò id ipsum explicat capite sequenti, quum discrimen ostendit præsentiae Dei in rebus omnibus, & in Eucharistia; *nam in Eucharistia, inquit, unum tantum Suppositum est, idque Divinum; cetera omnia ad illud pertinent, & cum illo unum quid faciunt, licet non eodem modo; ideo recte totum illud simul adoratur: at in aliis rebus, Deus quidem est, sed non est unum Suppositum cum illis, neque dici possunt unum quid Deus & creatura, in qua est Deus.* R. Sed hæc omnia nodum stringunt potius quàm solvunt. 1. Si per cultum minorem intelligit Bellarm. æstimationem & usum reverentem & sacrum symbolorum, hæcenus nos habet assentientes; nec enim diffitemur, sacra hæc sanctè & maxima cum devotione tractanda esse. Sed si innuit cultum aliquem religiosum, qui terminetur ad ipsa symbola, & ut loquebatur *Suarezius, latriam secundariam & respectivam*, hoc sensu negamus cultum ullum talem illis exhibendum esse; quia cultum religiosum, qualiscunque demum, sit, uni Deo putamus deferendum, & distinctionem latriæ respectivæ & absolutæ, primariæ & secundariæ, tanquam humani cerebri figmentum, de quo  
scriptura



Scriptura nunquam loquuta est, procul esse jubemus. 2. Cùm symbola bifariam spectari possint, vel in esse suo *physico* & absoluto, quatenus sunt substantiæ quædam & res terrenæ, vel in esse *οχητικῷ* & *sacramentali*, quatenus sunt symbola & signa sacra à Deo instituta ad significandam & obfignandam Dei gratiam; priori sensu nullus illis cultus debetur, non magis quàm rebus aliis creatis; posteriori verò reverenter quidem, uti diximus, excipienda credimus, & non nisi cum serio sui examine, ne indignè & illois, quod ajunt, manibus ea tractemus; Sed religiosè adoranda negamus, quia etsi mutantur quoad usum & significationem, eadem manent tamen quoad naturam & substantiam.

XI. Quod verò secundo loco assertur de unione specierum cum Christo, ex qua fiat ut coadorentur legitimè, quatenus ut unum quid apprehenduntur cum Christo, & unum fiunt cum ipso suppositum. Non magis facit ad rem, & falsissimum est; Non negamus quidem dari unionem quandam in Sacramento inter symbola & rem significatam; Sed unionem istam merè *οχητικὴν* & *sacramentalem* esse pertendimus, non verò vel *physicam*, qualis est partium inter se ad constituendum aliquod compositum, vel *hypostaticam*, qualis est Naturarum in Christo. Itaque panis & vinum cum Corpore & Sanguine Christi constituunt quidem unum Sacramentum, sed nequaquam unum suppositum, quia nec essentialiter nec hypostaticè, sed relativè tantùm cum eo uniuntur. 2. Quid quòd si accidentia panis constituerent unum cum Christo suppositum, vel erunt accidentia panis, vel accidentia Corporis Christi. Non prius, quia ex illorum hypothese, esse physicum panis cessat vi consecrationis, jam destructo accidentium subiecto, ab illo non ampliùs denominationem possunt accipere. Non posterius, quia hoc pacto Corpus Christi contrariis accidentibus substabit, nam visibile erit & invisibile, &c. illud secundùm accidentia, hoc secundùm naturam & statum in quo est, quod nemo non videt esse absurdissimum. 3. Denique ex hac Pontificiorum hypothese de accidentium inhaerentia in hypostasi Christi, error oritur crassissimus, Incarnationi, quæ fuit naturæ humanæ gratiosa in hypostasim Verbi assumptio, accessisse novam accidentium panis in sacra Cœna *ἐνυπὶστᾶσιν*, contra totius Scripturæ fidem, & rationis lumen.

XII. Denique ad exemplum seu similitudinem, quâ utitur Bellarm. vestium Christi, quæ cum Christo quodammodo adorabantur. & falsissimâ eum niti hypothese, quasi qui adorabant Christum, Christi vestes etiam adoraverint. Aliud est salutare Regem purpurâ indutum, aliud salutare ipsam purpuram. Aliud adorare Christum vestitum, aliud ipsas vestes; Distingue *adorationis objectum*, quod est Christus *θεὸς ὁ ὢν πρὸς*, & *Objecti adjunctum extrinsecum*, quod fuerunt vestes; qui Christum vestitum adorabant, non qui-



DISPUT.  
III.

dem jubebant eum vestibus nudari, quibus indutus fuit antequam adorarent, interim adorationem suam non terminabant ad vestes, sed ad Christum tantum. Sic etsi Christus supponeretur adorandus in Sacramento, quomodo pertendunt Pontificii, non tamen ipsum Sacramentum propterea esset adorandum. Quum verò hîc quidam ad Carnem Christi confugiunt, quasi eadem sit ratio specierum & Carnis, quæ coadoratur Verbo, bifariam peccant: 1. quia non est par unio utriusque, nam respectu carnis cum Verbo est unio hypostatica, sed respectu symbolorum & Christi, tantum sacramentalis & relativa, quæ proinde non potest facere unum Suppositum ut jam dictum. 2. supponitur Carnem esse proprium objectum adorationis, quod dici non potest, quando nihil creatum per se est adorabile; Persona propriè adoratur, Causa propter quam adoratur est Divinitas, Caro est illud sine quo non adoratur.

XIII. III. Effugium Adversariorum petitur à *præsentia Christi in Eucharistia*. Ubi Christus, inquiunt, est realiter præsens, ibi est adorandus. At Christus est realiter præsens in Eucharistia, Ergo. Major non videtur posse negari, quando certum est Deo vero deberi adorationem patriæ: At Christus ut est in Eucharistia, sive in usu, sive extra, est verus Deus, unde sequitur protinus, adorandum esse. Minor etiam, quòd Christus sit realiter præsens in Eucharistia, non potest negari; quia datur in Sacramento realis communicatio Christi, quæ præsentiam ejus realem necessariò supponit. 1. Argumentum hoc non unâ parte laborat, 1. peccat *ignoratione Elenchi*, nec concludit quod est in quæstione, ex præmissis sequitur tantum, Christum in Eucharistia esse adorandum. At non quæritur jam, an Christus sit adorandus in Sacramento, sed an Sacramentum ipsum sit adorandum. Aliud enim est adorare Christum in Eucharistia; aliud adorare ipsam Eucharistiam. Non negamus Christum adorari posse & debere in Eucharistia, non ut in signis latentem, quod est *πρωτον ψευδος* Pontificiorum, sed ut spiritualiter animæ fideli ritè communicanti beneficia sua largientem, quomodo in oratione, Verbi auditione, & baptismo illum adorare tenemur, & ipsa actio sacramentalis est cultus vel pars ejusdem: nam illa beneficiorum Christi commemoratio, Dei gratiæ celebratio, sacrificium Eucharisticum, quod ibi à fidelibus offertur est ipsa adoratio: Sed non propterea sequitur ipsam Eucharistiam esse adorandam, quod volunt Pontificii. 2. Si major conceditur, dicit tantum Christum ubi præsens est esse adorandum; Sed non statim inde potest elici, illud omne in quo præsens est, esse adorandum: Sic enim pariter ratiocinari possemus, Christus in præsepi jacens adorandus fuit, Ergo & ipsum præsepe; sic omnes fideles in quibus habitat Christus, & quibuscum intimè unitur adorandi essent, imò & creaturæ omnes quæ in ipso subsistunt. At quemadmodum olim Israëlita coram Arca, adora-



adorabant, quia symbolum erat gratiosæ Dei præsentia, sed Arcam ipsam non adorabant tamen, verum cultum suum dirigebant ad Deum, in externis hisce symbolis gratiosè sese manifestantem: Ita Christus in Eucharistiæ usu adorandus est, sed honor & cultus adorationis externis symbolis nequaquam deferri debet. 3. Minor etiam falsa est sensu Pontificio, quamvis enim non negemus Christi præsentiam realem in Cœna, non admittimus tamen præsentiam ejus corporalem sub speciebus panis & vini, sed merè sacramentalem & spiritualem, quæ non minùs realem communionem infert cum ipso; Unde neque hoc respectu potest vel debet adorari.

XIV. Sed hoc ipsum clariùs est demonstrandum; Ad alterum enim jam devenimus caput idololatriæ Pontif. in Sacramento, quatenus non tantum species externas adorari volunt; Sed panem ipsum loco Christi adorant, quo nomine eos ut ἀπολάτραι meritò damnamus. Hoc verò ut evincamus, nolumus jam pluribus argumentis portentosum Transubstantiationis figmentum, cui errorem hunc periculosissimum superstruunt, evertere, quod ad aliam quæstionem pertinet, & alibi fortè ex professo, si Deus dederit, tractabitur. Una nunc quidem, ad rei de qua agitur probationem, ratio nobis sufficiet, Qui panem loco Christi adorant, illi veri sunt ἀπολάτραι, Atqui hoc præstant Pontificii: Ergo. Hoc autem eos præstare dubium esse non potest, si semel constiterit, Christum in Eucharistia per μετασίαν, ut fingunt, corporaliter & per indistantiam loci præsentem esse non posse; quod ut ex aliis multis, ita ex his perspicuè demonstrari potest. 1. Quia talis præsentia repugnat *veritati Corporis Christi*, quod finitum cum sit & circumscriptum, unicum tantum locum obtinere potest, nec sine contradictionibus multis vel ubique vel pluribus in locis simul & semel per corporalem præsentiam esse statuitur: nec exaltatio, quæ gloriam illi dedit, naturam tamen abstulit. 2. Repugnat *ascensioni ipsius* in cælum, ubi jam est quærendus, Coloss. 3. 1. 2. & unde non nisi ad iudicium rediturus est, Act. 3. 21. 3. Repugnat *veritati sacramenti*, quæ signi externi præsentiam, non destructionem & annihilationem requirit; 4. *Conditioni & naturæ accidentium*, quæ hîc statuuntur contradictoriè sine subiecto, cum accidentis tamen ratio formalis juxta omnes Philosophos sit inhærentia, & esse illorum sit inesse. 5. *Scripturæ*, quæ panem & vinum etiam post consecrationem ista symbola vocat, Matth. 26. 29. *Matth. 26. Non bibam ab hoc tempore ex hoc genimine vitis*, inquit Christus, erat 29. tamen vinum consecratum, sic Paulus, 1. Corint. 11. 26. 28. *quotiescunque ederitis panem hunc, & poculum hoc biberitis, &c. Itaque* 1. Cor. 11. 26, 28. *quisquis ederit panem hunc, & vers. 28. exploret autem homo se ipsum & sic de pane illo edat*; pronomen relativum τὸν ἄρτον τὸτον non alium post consecrationem designat panem, nisi qui fuit antea, mutatum quidem



DISPUT.  
III.

quoad usum & significationem, sed non quoad substantiam 6. *Effectus & accidentibus* variis, quibus subjicitur panis sacramentalis, ut vim nutriendi & inebriandi corpus habere, corrumpi & in ventrem abire, à muribus devorari, à vermibus rodi, &c. quæ talia sunt, ut nec de Christi corpore sine horribili blasphemia dici possint, nec de accidentibus solis sine gravi absurditate, sed soli substantiæ panis & vini competant. Unde, ne plura jam congeramus, luce meridiana clarius est, Eucharistiam non esse ipsissimum Christi Corpus, atque adeò, qui eam adorant, non posse alio quam artolarum nomine insigniri.

XV. Neque hic opponenda sunt vexatissima Institutionis verba, quibus Christus de pane dicit *Hoc est Corpus meum*, quando certum est, ut alia jam mittamus, eum in institutione hujus Sacramenti sacramentali usum esse phrasi, & nomen rei significatæ signo tribuisse, ut sacramentalem inter signum & rem significatam designaret unionem: hæc enim perpetua est Spiritus Sancti loquendi ratio, quoties de Sacramentis loquitur. Sic *Circumcisio*, quæ erat signum fœderis divini, Genes. 17. 11. Roman. 4. 11. vocatur *fœdus*, Genes. 17. 10. 13. *Agnus Paschalis*, qui transitus fuit *ἡ ἑορτή*, Exod. 12. 13. 14. dicitur *Pascha* seu transitus *ἡ ἑορτή*, 11. 21. 43. Baptismus lavacrum regenerationis, Tit. 3. 5. Petra Christus, 1. Corinth. 10. 4. unde August. supra Leviticum quæst. 57. *non dixit Petra significat Christum, sed tanquam hoc esset, quod utique per substantiam non hoc erat, sed per significationem*, sic Epist. 102. *nec moveat, inquit, quod aliquo modo res quæ significat, nomen ejus rei quam signat accipit, quia significat Christum, &c.* Sic in hoc ipso sacramento, *Calix est Novum Testamentum in sanguine meo*; ubi duplex omnino occurrit metonymia; nec enim poculum est Testamentum, sed vinum in poculo, nec vinum est Novum Testamentum, nisi sacramentaliter & symbolicè, quia sacramentum est Novi Testamenti per sanguinem Christi pacti & rati. Jam quæ ratio est calicis, eadem debet esse panis, quod alterum est istius sacramenti elementum. Itaque cùm Christus dixit de pane, hoc est corpus meum, nihil aliud voluit, quàm panem esse corporis sui sacramentum.

XVI. Nec aliam Veterum purioris ævi fuisse mentem facile esset ostendere, si id nunc ageremus. Certè Tertullianus adversus Marcionem lib. 4. cap. 40. non aliter intelligit, *Christus acceptum panem & distributum discipulis, corpus suum illum fecit, hoc est corpus meum dicendo, id est figura corporis mei.* Chrysostomus in Psal. 22. ait, *Christum in similitudinem corporis & sanguinis sui panem & vinum nobis ostendere in sacramento.* Theodoret. dial. 1. *ἀπέναντος* Christus visibilia symbola corporis & sanguinis appellatione honoravit, non naturam mutans, sed gratiam natura adjiciens.

Basilii



Basilii magnus in Liturgia in precatone Sacerdotis consecraturi signa vocat *υπομνηματα τῆ σωτηρίας παθούσης* monumenta salutaris passionis, & post pronunciationem verborum institutionis vocat *τὰ ἀντίτυπα τῆ ἀγίου σώματος καὶ αἱμάτων τῆ χρίστος* id est, *typos sancti corporis & sanguinis Christi*. Sed omnium disertissimè Augustinus libro contra Adimantum Manichæi discipulum cap. 12. *Non dubitavit Dominus dicere hoc est corpus meum, cum signum daret corporis sui*: Et Epist. 23. ad Bonifac. Si, inquit, *sacramenta quandam similitudinem rerum, quarum sacramenta sunt, non haberent, omnino sacramenta non essent; ex hac autem similitudine plerumque etiam ipsarum rerum nomina accipiunt, sicut ergo secundum quendam modum sacramentum corporis Christi corpus Christi est, sacramentum sanguinis Christi sanguis Christi est, ita, &c.*

XVII. Cùm verò ex his satis superque liqueat, panem semper manere panem, nec converti in corpus Christi, inde sponte sequitur non posse sine grandi idololatriæ crimine adorari & coli. Verùm hic reclamant acriter Adversarii, & primò gravem sibi fieri injuriam queruntur, quòd ἀπειθεῖας rei peragantur, quando ex suâ sententiâ panem remanere amplius negant, & Christum ipsum sub speciebus latere inclusum statuunt, itaque non se ad panem, sed ad Christum adorationem suam terminare. Sic Bellarminus excusat, sic Richelius & alii, Antonius verò de Dominis Episcopus Spalatensis libro 7. de Rep. Eccles. c. 11. jam ad Pontificios reditu-riens peccatum minuere conatur, & quamvis sacramenti cultum improbet, tamen crimine idololatriæ eum nititur liberare, quia, inquit, *per rectam intentionis directionem, qui docent panem non amplius esse panem, sed corpus Christi; illi profecto panem non adorant. Sed solùm ex suppositione licet falsa Christi corpus verè adorabile adorant; & paulò post, quòd si scirent sub speciebus illis panis & vini non latere verum Christi corpus, certè nullam illis exhiberent adorationem, tota ergo mens adorantium ad solum Christi corpus vivum, & non ad aliquid aliud dirigitur, &c. Ita si peccatum est, errorem tantùm esse in intellectu, non vitium in voluntate.* R. Verùm quascunque in formas se vertant, crimen impactum declinare nequeunt. 1. Falsâ hypothesi nititur tota hæc ratiocinatio, quasi bona intentio, vel falsa suppositio liberent à peccato; cùm certum tamen sit utramque non sufficere: sanè si illa intentio vel negatio panis, panem reipsa everteret, non verbò tenus tantum, & κατὰ δόξαν posset tolli peccatum; sed non spectamus hic quid dicant vel sentiant, sed quid Christus instituerit, & quid sit ex rei veritate. Non adorent ergo panem Pontificii ex sua intentione, quia credunt Christum esse, adorant tamen ex rei veritate, atque ita idololatriam saltem materiale committunt. 2. Hoc effugio facilè se tuerentur omnes idololatræ; quod non



DISPUT.  
III.

Possunt tamen; nemo enim est, qui ex falsa aliqua hypothese non peccet. Israelitæ intendebant sanè verum Deum, qui eos eduxerat ex Ægypto, colere in vitulo, non ideo tamen minùs idololatræ. Non ideo minùs idololatræ Jeroboami posterì, qui Deum Israëlìs in vitulis adorabant, vel Ethnici, qui creaturas pro veris Diis colebant, vel illi qui Solem colebant existimantes esse Christum, ut habet *Augustin.* præfat. in Psalm. 93. & lib. 20. contra Faust. c. 2. §. 6. Sic si quis Antichristum pro Christo adoret, an minus idololatra erit, quia intentionem habet solum Christum adorandi? Nequaquam; Intentio enim ut recta sit, dirigi debet ex Verbo Dei tantùm, non verò ex mero mentis arbitrio, nec error mentis excusat vitium voluntatis.

XVIII. Nimirum *ignorantia* quædam est excusatione digna, alia est culpabilis, & quæ crimen aggravat potiùs, quàm minuit. Quum *involuntaria* est, & circa ea quæ sunt *facta*, & quæ ita sunt obscura, ut quantavis adhibitâ diligentia percipi non possim, veniam sanè meretur: At si *voluntaria* est & ἐπίσπας in rebus *juris*, quas ex officio tenemur nosse, & quæ luculenter nobis revelatæ sunt, tantùm abest ut excuset, ut gravio rem reatum inferat. Jam hîc quum Pontificii profitentur se credere panem esse Christum, & ignorare esse panem, non est ignorantia prioris ordinis, sed posterioris, quia & hoc scire tenentur ex officio, & possunt ex Verbo, cum tot argumentis in Scriptura hoc demonstretur, ut, nisi sponte cæcutire vellent, facilè id agnoscerent; Itaque peccato suo ignorantiam prætexere non possunt, quia ignorantia voluntaria est & affectata, quæ propriâ culpâ accersita est, & quam non ægrè à se dispellere possent, si oculos mentis ad lucem Verbi aperire vellent. Neque hîc reponendum est, *hoc peccatum, si quod sit, esse tantùm errorem intellectûs, non vitium voluntatis, nec enim peccare voluntatem, cum cultum exhibet rei illi, quam intellectus Christum esse judicat; imò peccaturam si non adoraret, ex quo intellectus ita judicavit.* Nam ex hac hypothese sequeretur nullum peccatum posse esse in voluntate & praxi, quando nullum datur, quod non oriatur ex errore aliquo intellectûs, nec enim voluntas malum unquam appeteret, nisi intellectus judicaret esse bonum, quippe malum sub ratione mali appeti non potest; etsi ergo voluntas semper ad bonum fertur, non ideo minùs peccat, cum bonum apparens, quod revera est malum, amplectitur, quia intellectus bonum illud falsò judicavit: error itaque erit in intellectu fateor, sed non minùs in voluntate, quæ cæcum ducem sequitur. Ita idololatra qui lignum, aurum, vel aliud quid tanquam Deum adorat, errat quidem graviter in intellectu, qui falsa illa persuasionem imbutur, sed non minùs peccat voluntate, in cultu quem creaturæ exhibet, qui soli Creatori debetur: hoc vidit *Tolet.* lib. 4. de instr. Sacerd. cap. 14. *Idololatria,* inquit,



inquit, non est, nisi error in intellectu precedat, quò dignum honore judi- DISPUT.  
camus Deum falsum, cui idololatra se prosternunt. III.

XIX. Sed libet Adversarios ulterius urgere, & ex propria hypothese eos convincere; dicunt se non panem, sed Christum adorare: At nunquam certi esse possunt, Christum revera adesse, quia Christus non potest adesse nisi per consecrationem: Sed nunquam certò iis constare potest factam esse consecrationem; quandoquidem multi sunt defectus, in quibus potest impediri ex ipsorum sententia, & transubstantiario non fieri: notavit hoc Suarezius in 3. Tho. q. 39. art. 8. disp. 65. *Multa sunt causa propter quas hoc potest accidere, ut si Sacerdos non sit baptizatus, vel non habeat intentionem, vel non ritè ordinatus, quod pendet à multis aliis causis, in quibus ferè in infinitum progredi possumus; Sic Biel Section. 49. in Can. Miss. Quia non potest esse eadem certitudo neque celebranti, neque populo circumstanti, de conversione panis in corpus Christi propter defectum aliquem impediens & contingere potentem, ut quod forte celebrans non est Sacerdos, siquidem nullus celebrans potest evidenter scire se esse baptizatum, aut legitime ordinatum, similiter propter defectum aliqujus necessario requisiti ad consecrandum, utpote debita intentionis, aut errorem commissum in forma vel in materia, & multò minus circumstantes infallibiliter scire possunt sub hostia fore Christum, ideo adoratio fieri debet sub conditione habituali tacita, vel actuali expressa, tali scilicet si servata sint omnia ad consecrationem necessaria. Quid quod ne quidem ipsi conveniunt in accessoriis, & facile contingere potest, ut aliquod istorum requisitorum desit, varios enim casus enumerant, in quibus Transubstantiatio impeditur, ut si panis non fuerit extritico, si aquæ plusculum vino admixtum fuerit, si vinum ace scat, si 13. panibus oblatis intentio feratur in 12 tantum, in quo casu nullus omnino consecratus censetur, si defuerit nonnullorum verborum essentialium recitatio; si qui offert Sacerdos non est, & non legitime ordinatus, &c. uno verbo præsentiam Christi in hostia pendere volunt à legitima consecratione, legitimam consecrationem à qualitate Sacerdotis, pronunciatione verborum, & intentione consecrandi; Nam intentionem Ministri esse de essentia sacramenti vult Concilium Tridentium Sess. 7. Can. 11. Jam quis certus esse potest vel de intentione Sacerdotis, quæ nemini nisi soli Deo potest esse certa, vel de legitimo Baptismo, & Ordinatione? An ritè ab Episcopo ordinatus, Et an Episcopus iste rursus ab alio bene sit ordinatus? quis certus de legitima pronunciatione verborum, & an ex parte materiæ vel formæ omnia requisita observata sint, nihilque omnino desit? Unde cum impossibile sit, vel Sacerdoti celebranti, vel populo communicanti hæc nosse, impossibile est à pe-*



DISPUT.  
III.

à periculo præsentissimo idololatriæ liberari; nec unquam ullus certus esse poterit Deum esse quem adorat, quod tamen ad legitimam adorationem requiri certissimum est, nam ex Paulo *quicquid fit sine fide peccatum est* Rom. 14. 23.

XX. Non me latet equidem Adversarios, qui sentiunt se urgeri hoc argumento, à quo nunquam tamen se expedient, varia captare effugia, ut vim ejus elevent. Alii quippe confugiunt hic ad *adorationem hypotheticam*, ut audivimus ex Biele, unde Bonaven. in 3. sent. dist. 9. art. 1. q. 6. *sufficit quòd adorans in habitu hanc habeat conditionem, videlicet si consecratio debito modo facta est, &c.* Sed quis non videt hanc adorationem impiam esse & absurdam; nam omnis vera adoratio nititur fide, Ro. 10. 14. & accedentem ad Deum oportet credere Deum esse Heb. 11. 6. Jam qui hæsitat, utrùm id quod adorat Deus sit, An accedit illa fide præditus? An non cum Samaritanis colit quod nescit, & cum Atheniensibus nescit quid colat, & αἰγνώω θεῶν sacra facit? quasi verò hoc ludibrium Majestati suæ fieri Deus patiatur à creatura, ut invocationem talem concipiat, *Adoro & colo te si Deus es.* Sanè si conditio illa ita conciperetur de futuro; ut diceret homo de objecto, quod adorandum proponitur, *adorabo te, si es Christus*, nec adoraret, antequam certior esset factus de veritate, posset fortè extra culpam constitui: Sed quum concipitur de præsentì, *adoro te si es Christus*, & non obstante dubitatione sua actu homo adorat, inexcusabilis est. 2<sup>o</sup>. Alii humanam certitudinem hic sufficere arbitrantur, sed licèt ea in rebus humanis possit sufficere, in divinis non item, ubi divina requiruntur argumenta. Deinde hæc certitudo sequitur humana argumenta, sensus, rationem, testes, &c. Atqui Transubstantiationem humana nulla adstruunt argumenta, sed omnia evertunt, sensus repugnant, repugnat ratio, horret animus. Denique quando nihil est periculi in re facienda, nec vel Deus lædi, vel proximus offendi potest, sufficiunt humanæ πληροφορίας argumenta, At quum gravissimum subest peccati in Deum & proximum periculum, quis non dixerit, piam mentem divinam πληροφορίαν ex Verbo Dei petere debere, ne turpiter in iis, in quibus salus nostra vertitur, impingat?

XXI. Denique licèt, daremus Pontificios non peccare adorando sacramentum, quod Christum esse falsò arbitrantur; non possunt tamen dif-  
fiteri eos, qui certò in conscientia persuasi sunt non Christum ibi, sed merum panem esse, revera ἀπολατρεῖς crimen commissuros si illum adorarent. Quamnam E. hæc Tyrannis est Papæ, nos cogere velle ad istam genuflexionem & adorationem, & ni faciamus, ferro & flammis tanquam atheos sceleratissimos mortalium persequi; An non est manifestè nos ad idololatriam propellere; & tam grande peccatum nobis præcipere? Fidem Dei & hominum appellamus, num æquum sit à nobis postulare, quod sine tam immani scelere



Iere dare non possumus? Itaque hæc una ratio, etsi alia nullæ suppeterent, abundè sufficeret ad necessitatem secessionis & syncretismi impossibilitatem evincendam, quando sic apud nos statuimus, hoc objectum quod nobis adorandum præcipitur, nihil aliud quàm meram creaturam esse, & quæ proinde à nobis sine idololatria coli non potest.

Disput.  
III.

XXII. Sed non desinunt ipsi colores quærere, quibus peccatum suum deleant, vel saltem incrustent & minuant. Addunt iterum, Si quod sit peccatum suum, quod non fatentur, non tale esse tamen quod secessionem inferre debeat, quando communionem colere non detrectemus cum Lutheranis, qui eundem præsentia realis & corporalis Christi in Cœna errorem secum foveant; Vel ergo secedendum esse planè ab illis, Vel non impossibilem esse & illicitum ad se accessum. R. Hæc est exceptio πολλοὶ ἀλλήτως, quæ in omnium fermè Adversariorum ore versatur, & quam, licèt abundè à Nostreis responsum sit, subinde tamen regerere non desinunt, quasi Achilleum aliquod & invictum argumentum. Verùm vanitas istius ratiocinii facilè deprehendetur, si sequentia attendimus. I. Non negamus fraternitatem non semel à Nostreis oblatam esse Protestantibus, quos Lutheranos vocant, quia licet errores quosdam foveant, tales tamen eos non credimus, qui fundamentum ipsum fidei & salutis evertant, in quibus proinde ferendis tolerantia Christianæ & fraternæ charitati locus esse potest & debet ex præscripto Pauli Philip. 3. 15. Rom. 14. 1. Certè si symbolica Scripta & Confessiones publicas utrinque respiciamus, ex quibus de Ecclesiarum sententia ritè judicari potest, (nec enim privatorum Doctorum opiniones & κυρίας δόξας si quæ sunt attendimus) patebit facilè hætenus per Dei gratiam in fundamentalibus Capitibus consensum mansisse, dissensum tantùm in quibusdam levioribus & minoris momenti esse, quæ salvâ charitatis compage tolerari possunt. II. Negamus eandem esse Pontific. rationem, nam ut cæteros errores gravissimos & capitales, quos errant, de quibus actum Disputatione primâ, mittamus; & qui necessitatem secedendi nobis imposuerunt, à quibus abhorrent Lutherani, qui in Protestantismo contra Papismum nobiscum conveniunt; Certum est longum latumque discrimen intercedere inter sententiam Lutheranorum circa Sacramentum, quam ferri posse dicimus, & Pontificiorum errores sive *Theoreticos* sive *Præcticos*, quos meritò damnamus. Primò etsi statuunt præsentiam aliquam Corporis Christi in Cœnâ, Nobiscum tamen negant constanter, & fortiter impugnant contra Pontificios Transubstantiationis monstrum, sacrilegum Missæ sacrificium, absurdam solarum specierum, destructâ panis substantiâ, præsentiam, Communionem mutilam sub unâ specie, Theatralem sacramenti circumgestionem, asservationem, repositionem, & alia innumera,



DISPUT.  
III.

quæ Adversarii congerunt. Secundò licèt præsentiam aliquam Christi necessariam velint, nolunt tamen fieri per μετασίαν & ex vi verborum sacramentalium, ut Pontificii, & ejusmodum ἀ-ρήτορ & inexplicabilem fatentur, & quum ita se explicant, ut facilè pateat eos puriorem habere mentem quàm linguam; præsentiam quippe talem innuunt, quæ non sit per ὅτι propter quandam essentia humana immensitatem, sed propter purissimam cum λόγῳ unionem; ut loquitur Gerhardus loc. com. de Attrib. div. sect. 182. & disertè profitentur se talem credere præsentiam, quæ non destruat tamen essentielles naturæ humanæ proprietates Confess. Orthod. cap. 6. talem quæ panem in esse suo physico integrum linquat, nec ullam conversionem inferat, quæ doctrina est Pontificiorum, quæ congeriem absurditatum gravissimarum post se trahit.

XXIII. Sed quod caput rei est, apud Pontificios non tantùm sunt errores multi theoreτικοί graves & intolerandi circa sacramentum; Sed præcipuè πρακτικοί, quia venerationem & cultum sacramenti nobis præscribunt, & sub poenâ sanciunt, quem tamen idololatricum esse credimus. At Lutherani quocunque tandem modo errent circa sacramentum, errant tantùm theoreticè, non practicè; nihil enim est in eorum praxi & cultu, quod nos ad idololatriam impellat; Licèt enim Christum præsentem esse velint in sacramento, tamen adorationem sacramenti nec ipsi indicunt, nec aliis imponunt; idcò nulla potest illis affingi idololatriæ, quam severè damnant, suspicio, nec quicquam obstat, quo minus, salvâ conscientia, vel illi in communionem nostram recipi, vel nos cum illis, si eodem modo sint erga nos animatî quò nos erga ipsos, communionem colere possemus, quod cum Pontificiis fieri nequit.

XXIV. Neque hîc audiendi sunt Adversarii, quum reponunt; Et si hanc adorationem non præcipiant, eam tamen ex eorum sententia sponte sequi, ideoque longè graviùs peccare Lutheranos non adorantes, Pontificiis adorantibus, Quis enim, inquit, majus crimen esse dicat in Catholicis, Jesum Christum in Eucharistia præsentem adorantibus, quàm in Lutheranis, Christum quem præsentem credunt, suo honore privantibus. Nam primò falsò supponunt ex præsentia Christi in Sacramento, quam statuunt Lutherani, sequi sacramenti adorationem: nam licèt credant Christum esse in sacramento, non propterea credunt esse ipsum sacramentum, quia panem semper manere panem confitentur, multò minùs sacramentum ipsum adorandum statuunt, nec ulla ratione id ex eorum hypothese potest elici; nam non statim adorandæ sunt res, in quibus Deus præsens est, ut antea diximus. Secundò gratis etiam supponitur ex positione præsentia realis & corporalis Christi in pane, sequi necessitatem adorationis Christi in pane, ut enim ex præsentia Dei in lapidibus vel arboribus, &c. non sequitur externo aliquo cultu sta-  
tim



tim eum ibi esse adorandum, sed demum ubicunque radios aliquos præsentiæ suæ vel in gratia vel in gloria patefacit; Ut ex præsentiâ Divinitatis Christi in baptismo, non sequitur Christum esse in aquis baptismi adorandum; Ita nec si esset in signis Eucharistiæ, statim sequeretur ibi cum illis esse adorandum; quia ibi invisibiliter corpus ejus lateret absque ullo divinæ Majestatis radio, nec ut vivum, sed ut mortuum proponeretur, sed in cœlo demum adorandus est, ubi vult quæri, & ubi vivit & gloriosè se nobis manifestat. Quò pertinet formula Veterum, quæ in ipso Can. Missæ retinetur adhuc speciali providentiâ Dei, *sursum corda*, quæ docet Christum non in pane, sed in cœlo quærendum esse. Non debet ergo vitio verti Lutheranis, si adorationem suam non dirigant ad Christum in Eucharistia latentem invisibiliter, sed ad eum gloriosè in cœlis regnantem. 3. Etsi hoc ex ipsorum dogmate consequeretur, non posset tamen hoc legitimè ipsis imputari; Quia consequentiam hanc nec vident nec admittunt; Imò disertè protestantur se ab ea quàm maximè abhorrere. Quis verò dixerit illi, qui thesim aliquam tuetur, statim omnes consequentias, quæ inde deduci possunt, sive verè sive probabiliter tantùm, licèt eas non agnoscat, nec probet, posse aut debere impingi? Cùm ergo certum sit Viros fratres adorationem Sacramenti, pro qua Pontificii, ut pro aris & focis pugnant, constanter detestari, neque adorationem Christi in pane, sed in cœlo agnoscant, aut videant hanc ex sententia sua sequi, quam alii eliciunt; nemo non videt, aliam planè ipsorum & Pontificiorum hîc esse adorationem.

XXV. Crimen ergo Pontificiorum non in eo est, quòd Christum adorent, Sed 1. quòd non adorent eo modo, quò præcepit Deus, 2. quòd species cum Christo adorent, 3. maximè quòd pro Christo sacramentum & panem, id est, id quod revera non est Christus, adorent. Neque valet ipsorum intentio & cæca fides, quia ut antè diximus, erronea intentio non excusat. Itaque peccant hîc Pontificii, non tantùm in *loco* cultûs, quia quærunt & colunt Christum ubi non est quærendus, scilicet in signis sacramentalibus, sed etiam in *Objecto*, quia adorant hostiam pro Christo, quæ re ipsa Christus non est, quicquid illi statuant. Denique etsi Lutherani non adorant sacramentum, vel Christum in pane, non privant tamen eum debito honore, adorare enim non desinunt Christum in Eucharistiæ usu, ut passim testantur. Sic & Reformati, utut sacramenti adorationem, tanquam crimen longè maximum, aversentur, non denegant tamen Christo cultum debitum in hujus sacramenti celebratione, imò quocunque tandem modo communicent, sive stando, sive sedendo, sive genuflectendo, ut à variis sæc. diversimodè; certum est Christum ab omnibus adorari, non ut in pane latentem, sed ut in cœlo sedentem. Quæ omnia, ne ulterius quid addamus, satis superque docent, perperam



DISPUT.  
III.

nobis imponi, quòd cum Lutheranis syncretismum inire non recusemus, nolimus verò cum Pontificiis, cùm tam memorabile inter utrosque discrimen intercedat.

XXVI. Atque ita executi sumus paulò fusiùs, quæ pertinebant ad Sacramenti adorationem: Sequitur jam *Crucis* cultus, qui paucioribus verbis à nobis absolvetur. De *Cruce* autem hìc quum loquimur, non sumimus eam, vel *metonymicè* pro *Christi passione* & Christo crucifixo, quo sensu, 1. Cor. 1. 18. Euangelium dicitur *sermo Crucis*, id est, de Christo crucifixo, 1. Cor. 2. 2. & alibi non vult gloriari Paulus nisi in *cruce Christi*, Galat. 6. id est, in ejus morte & passione, 2. pro mortis Christi prædicatione, ut 1. Corint. 1. 17. *ne irrita reddatur crux Christi*, & Galat. 6. 12. *ne ob crucem Christi*, id est, Euangelium, quod crucem Christi prædicat, *persecutionem patientur*. Nec eam usurpamus *improprie*, quo modo afflictiones fidelium vocantur *cruces*, quia ita Christo crucifixo conformes fiunt. Matth. 10. 38. Sed *proprie* pro instrumento Dominicæ passionis, tum pro ligno illo, in quo affixus fuit Salvator, tum pro imagine ejus sive picta sive sculpta. In hujus autem veneratione *Crucis* manifestam pertendimus à Pontificiis committi idololatriam. Siquidem recepta est apud ipsos sententia, *latriæ* cultum, qui soli Deo debetur, Cruci ejusque imagini exhibendum esse, Thomas. p. 3. q. 25. art. 4. *Si loquamur de ipsa Cruce, in qua Christus crucifixus est, utroque modo est à nobis veneranda, uno scilicet modo, in quantum representat nobis figuram Christi extanti in ea, alio modo ex contactu ad membra Christi, & ex hoc quòd ejus sanguine est perfusa, unde utroque modo adoratur eadem adoratione cum Christo, scilicet adoratione latriæ, & propter hoc crucem alloquimur, & deprecamur quasi ipsum Crucifixum: Si verò loquamur de effigie crucis Christi in quacunque alia materia, puta lapidis vel ligni, argenti vel auri, sic veneramur crucem tantum ut imaginem Christi, quem veneramur adoratione latriæ.* Ad Thomæ sententiam accedunt plerique Scholastici, Bonavent. ætate suppar Thomæ, idem iisdem rationibus probat in 3. sent. dist. 9. q. 4. Alex. Alenf. Bonaventuræ præceptor. p. 3. q. 3. Biel in expo. Miss. sect. 49. 50. Andrad. l. 9. pro Conc. Trid. & alii plures, quos vide citatos apud Valent. Tom. 4. disp. 1. q. 24. unde Vasques in 3. Tho. disput. 111. c. 2. dicit Catholicam fidem & doctrinam esse, Quòd non solum *crux illa, in qua Christus mortuus est, sed & quacunque Crucis figura, vel in materia permanentè sculpta, aut depicta, vel in aère, aut manu, aut digitis expressa, exosculanda & adoranda est.*

XXVII. Nec alia est praxis ordinaria; Cultum quippe latriæ soli Deo debitum tam internum quàm externum illi tribuunt, *internum* quidem, quia spem salutis in ea ponunt; & Thomas inde probat cultum latriæ deberi cruci, quoniam in illa salutis spem ponunt, Illi, inquit, p. 3. q. 25.

art. 4.



art. 4. exhibemus latria cultum, in quo ponimus spem salutis, sed in Cruce Christi ponimus spem salutis; cantat enim Ecclesia Dominicâ passionis Domini in hymno. O crux ave spes unica, E. crux Christi adoranda est adoratione latria. Ne autem, quod quidam hîc excipiunt, hæc verba de Crucifixo metonymicè intelligenda putemus, non verò de ipsa cruce, manifestum est ex integro hymno, & præsertim ex verbis præcedentibus, hæc non nisi ad ipsum lignum crucis dirigi posse, sic enim habent in *Brevi. Rom. Domini. passio.*

*Arbor decora & fulgida  
Ornata Regis purpurâ  
Electa digno stipite,  
Tam sancta membra tangere,  
Beata cujus brachiis  
Seculi pependit pretium  
Statera facta corporis  
Prædamque tulit Tartari.  
O crux Ave spes unica,  
Hoc passionis tempore  
Auge piis justitiam  
Reisque dona veniam.*

Ubi nemo non videt crucem seorsim à Christo compellari. Non meliùs elaborantur, qui dicunt has laudes figuratè ad crucem referri per prosopopœam, Poëtis & Oratoribus satis familiarem; nam ut bene notat *Vasques* in 3. Tho. q. 25. disp. 109. cap. 4. Quamvis per figuram prosopopœam sæpius cum re inanimata loquamur, ineptè tamen etiam si figuratè ab ea peteremus salutem & gratiæ augmentum, nec prosopopœa liberat eos à crimine idololatriæ, sine cujus criminis reatu nemo potest ita alloqui imaginem, aut ejusmodi rem aliquam, ut ei religiosè supplicet, & ab ea veniam peccatorum petat, quæ tamen isti non verentur petere à lignea cruce.

XXVIII. Spem autem & fiduciam collocare ipsos in cruce, tum quoad adeptionem bonorum, tum quoad liberationem & protectionem à malis, probant verba *Pontificalis Rom.* quibus Episcopus utitur in benedictione novæ crucis, parte secundâ, titulo de Benedict. novæ crucis: *Ita quesumus accipias istam crucem, quemadmodum & illam quam manibus amplexus es, & sicut per illam Mundus expiatus est à reatu, ita offerentium famulorum tuorum anima devotissima hujus crucis merito careant omni perpetrato peccato. Et rursus, Oramus te Domine sancte Pater omnipotens, sempiternus Deus, ut digneris benedicere hoc lignum crucis tue, ut remedium salutare*



DISPUT.  
III.

*generi humano sit, soliditas fidei, bonorum operum profectus & redemptio animarum, sit solamen ac tutela contra seva jacula inimicorum per Dominum nostrum. Accedit externus patriæ cultus tum signi tum facti, signi quia eam adorant: Nam in Pontifi. ubi suprâ, 1<sup>o</sup> Pontifex seu Episcopus quivis, flexis ante crucem gentibus ipsam devotè adorat & osculatur, vexillo enim Crucis omne genu, & omnis lingua confitetur. Præcipuè verò in die Parasceves solent flectere genu cruci, eamque osculari. Ubi enim Papa aut Sacerdos detegit paulatim crucem, eamque populo ostendens, ait, Ecce lignum crucis, cui respondent Capellani, in quo salus Mundi pependit, deinde Cantores perficiunt, venite adoremus; Ad ea verba procedit Papa, exutis calceis per unum ex Scutiferis, & genu ter flexo adorat, & osculatur, post Papam Cardinales, Imperatores, Reges, si adsint, tum Episcopi &c. ita à summo Pontifice ad infimum Caudatarium omnes crucem adorant & osculantur. Vid. lib. *Ceremoniarum Romanarum* feria 6. maj. hebdo. Facti etiam cultum exhibent, templa, festa, aras ei consecrando, incensum illi adolendo, & suaves odores offerendo, teste Bellar. cap. 13. lib. 1. de Triumph. Eccles. *Suaves odores etiam cruci offerimus in Ecclesia.* Jam incensum adolere sacrificium Deo proprium est. Unde Israëlita notantur abominandæ idololatriæ crimine Eze. 8. 11. quòd quisque in manu sua thuribulum haberet, quò imaginibus suis adolerent. Et in primitiva Ecclesia, veteres Christiani mortem subire maluerunt, quàm aliquot grana thuris in honorem Cæsaris apponere, qui enim id faciebant, putabantur sacrificare. Hoc verò clariùs patet ex sacrificiis spiritualibus orationum & laudum, quibus eam colunt, ut passim in Breviariis leguntur: *Crux splendidior cunctis astris, mundo celebris, hominibus multum amabilis, sanctior universis, qua sola fuisti digna portare talentum Mundi &c. salva presentem catervam in tuis hodie laudibus congregatam &c.* In Breviario Rom. in Festo Inventio. & Exalt. S. Crucis, & alibi, *Crux Christi salva nos, Crux Christi defende nos*, in Hortulo animæ.*

XXIX. Hæc verò omnia clamant, nobis etiam tacentibus, Cultum omnem, qui Deo debetur, in Crucem transferri: Quòd si hoc non est idololatriam crassam committere, non video quid sit idololatria. Nam cum nemo neget crucem istam lignum esse & stipitem, nemo negare potest cultum religiosum illi exhibitum in rem creatam transferri: nec eos excusare potest quod ajunt, Primò *Illum honorem, qui exhibetur cruci, referri ad rem significatam cujus est signum, non ad ipsam crucem in se.* Quia nec Crux Christi signum potest dici, & ex dictis patet cultum istum directè referti ad Crucem ipsam; Unde Thom. loc. cit. testatur, etiamsi ratione ipsius Crucifixi reverentia ista Cruci exhibeatur, tamen ob eam causam crucem eos adorare eadem adoratione

cum



cum Christo, & propter hoc eos crucem alloqui & deprecari quasi ipsum Crucifixum. Non quod addunt secundò, *Cultum qui per se & propriè debetur imaginì crucis, non esse latriæ cultum propriè, sed quendam multo inferiorem, qui analogicè & reductivè refertur ad latriam, tanquam imperfectum ad perfectum*, Bellarminus lib. 2. de Eccles. triumph. c. 25. nam etsi hoc concederetur respectu imaginis Crucis, sequeretur semper ipsam Crucem ut prototypum latriæ per se & propriè esse adorandam. Sed in sequentibus quum de Imaginibus disputabimus, docebimus cultum nullum talem reductivum & analogicum dari posse sine idololatriæ participatione. Nec denique quod tertiò subjiciunt cum *Gregorio de Valentia*, qui fidentius quàm Bellarminus & magis rotundè adorationem Crucis adstruit, *se deferre cultum latriæ imaginibus Christi, & Crucis, sed non sicut Christo*. Nam sic impurissimum scortum posset se tueri quum facit copiam corporis sui adulteris, iniquè secum agi, si adulterii condemnatur, quoniam non eodem facit animo atque affectu, quò se consociat viro suo.

XXX. Nihil attinet autem, ut rationes varias fusiùs excutiamus, quibus idololatricum hunc cultum adstruere conantur, quanquam facillimum esset earum vanitatem retere; & commemorasse, eas refutasse est. Quid enim afferre possunt, quod tantam dignationem Cruci conciliet, ut adoranda sit? An *contactum Christi*, quasi per eum, virtutem aliquam aut sanctitatem inhærentem habuerit, quæ tali cultu digna sit? Sed alia multa Christum tetigerunt, quæ nullam tamen ex eo sanctitatem duxerunt, ob quam ab hominibus religiosè colerentur; nec ullus nisi absurdissimè dixerit, rem inanimatam posse ex contactu personæ sanctitatem aliquam inhærentem, & virtutes morales habere, quarum respectu aliquo cultu digna censetur. Præterquàm quòd hoc Crucem Christi tantum respiceret, non imagines Crucis, quibus tamen idem hodie honor defertur. An afferent secundò usum Crucis ad Redemptionem hominum, quòd ea fuerit electa & honorata à Christo, ut esset Altare sacrificii, scala ad Regnum, & instrumentum liberationis nostræ, quò Diabolum vinceret ac de eo triumpharet? Sic sanè *Bellarminus* ratiocinatur; sed quàm frigidè quivis videt. Nam 1. etsi hoc daretur, non valeret tamen consequentia quæ hinc elicitur ad adorationem; quia triplici ista phrasi significaretur tantum usus Crucis, nulla autem qualitas inhærens, adoratio autem refertur ad aliquid non propter usum, sed propter naturæ *ὕπεροχην* & eminentiam, 2. dist. *Crucem materiale*, à *mystica*, & lignum, à merito passionis ejus, qui illi affixus est; elogia hæc non priori, sed posteriori dicuntur respectu, nec nisi perperam Cruci ista tribui possunt, quæ ad passionem pertinent. Non est *Altare sacrificii*. nam altaris est sanctificare illud,



- DISPUT.** illud, quod in ipso offertur, Matth. 23. 17. An verò **Cruz** sanctificavit carnem Christi? An non potius caro sanctificavit crucem, & è ligno maledicto fecit lignum vitæ benedictum? Itaque Christus ipse fuit omnia, *Sacerdos* in persona, *Sacrificium* in natura humana seu carne, *Altare* in divina, unde se ipsum dicitur *per Spiritum aeternum obtulisse*, Hebr. 9. 13. Si verò à quibusdam ita Cruz vocata est, impropria fuit & minùs accurata locutio. Non *scala ad Regnum*, nec enim per Crucem simpliciter, sed per mortem Crucis aditum sibi ad regnum fecit; frustra confirmatio
- Joan. 12. 32.** petitur ex Joa. 12. 32. *Si exaltatus fuero è terrâ, omnia traham ad me:* hæc quippe verba non crucem, sed mortem in Cruce notant, ut Christus optimus sui interpretes docet, Luc. 24. 26. *Nonne oportuit Christum omnia hac pati, & sic ingredi in Regnum?* Denique perperam dicitur *liberationis instrumentum*; aliud enim est *instrumentum passionis* Christi materialiter spectatæ, aliud *instrumentum redemptionis*. Cruz prius potest dici, non posterius, non per Crucem, sed per Crucifixum redempti sumus & salvati, nec aliud evincunt loca, quæ in eam rem laudantur,
- Col. 2. 14.** ubi in Cruce triumphasse dicitur de Principatibus, & affixo ibi chirographo nobis adverso, & 1. Petr. 2. 24. *portasse peccata nostra super lignum*; Notum quippe, hæc de Cruce non posse dici propriè, quid enim Cruz materialis conferre potuit ad peccatorum expiationem? sed de Crucifixo, qui per mortem Crucis hanc insignem de Diabolo reportavit victoriam, & peccata nostra delevit. Unde patet quàm falsò & injustè ut Crucis Christi oscores traducamur, quia cultum illi nullum exhibere volumus, hunc soli Crucifixo reservantes. Non est, crede mihi, verus discipulus Crucis, qui eam præ oculis depictam habet, vel in manibus gestat ac colit; sed qui in corde penitus insculptam gerit, & qui ita Christum Crucifixum veneratur & diligit, ut cum eo totus crucifixus sit, Galat. 2.
- Gal. 6. 14.** 20. & vers. 24. hoc verè est in Cruce Christi gloriari. Galat. 6. 14.

XXXII. Unum superest quod urgent etiam Adversarii, Ecclesiæ scilicet veteris praxim, apud quam *Crucis signum*, & *cultum* in usu fuisse ab initio pertendunt; Unde Christiani *Religiosi crucis* dicti, & Gentiles ipsis adorationem crucis objiciebant, ut constat ex *Tertulliano* & *Minutio Felice*, quod non fecissent tamen, nisi aliquem cultum illi exhibuissent. R. Frustrà hîc patrociniûm Ecclesiæ veteris advocatur: Certum est Ecclesiam Apostolicam nullum cruci cultum exhibuisse, nullum sanè vel in Actis vel in Epistolis Apostolicis ejus extat vel minimum vestigium. At si idem cum Pontificiis statuissent, nonne summâ diligentia lignum hoc abstulissent, & asservassent, nonne venerationem hanc populo Christiano commendassent in Scriptis suis, & exemplo suo docuissent, de quibus omnibus altum apud ipsos silentium? 2. Si de Ecclesia



Ecclesia Christiana sermo est, probari non posset ante Constantinum M. ullam apud Christianos in usu fuisse Crucis imaginem pictam aut fabricatam ex ligno, auro, similive materia; ipse quippe primus perhibetur permotus visione cœlesti, quæ victoriam in signo crucis portendebat, cum his verbis Εἰς τὸ πᾶν Vexillum Imperiale, *Labarum* dictum, in formam crucis confecisse, ut observat *Euseb.* lib. 1. de vita *Constan.* cap. 22. 23. & *Sozome.* lib. 1. hist. cap. 4. Ita primis Christianis ne visa quidem unquam erat crux, nedum ut esset adorata. Nec ex illa prima ætate Christianismi ad annum Domini 300. quemquam Adversarii proferrunt vel habent, qui crucis adorationem vel commendet, vel memoret, ut observat *Dallam* lib. 1. de Relig. Cultus objecto cap. 8. Non quidem diffitemur signum crucis, sed ἀνύστακτον, & in aëre certo digitorum motu formatum, jam antea in usu fuisse, ut liquet ex *Tertull.* de coro. mili. cap. 3. *ad omnem progressum atque promotum, ad omnem aditum & exitum &c. quacunque nos conversatio exercet, frontem crucis signaculo terimus.* Sed id absque lege Scripturæ & Apostolica traditione fiebat, ex sola consuetudine & traditione non scripta, ut fatetur ibidem *Tertullianus*. Vtrum hoc signo usi Veteres, non ut adorando, nec ut operativo ex opere operato, quod vult *Bellarmin.* lib. 1. de Imaginib. cap. ultimo; Sed tantum ut signo discretivo Christianitatis & tessera, quâ se invicem Christiani internoscerent, & ut quod probro vertebatur, quod Christum crucifixum sequerentur, illi gloriæ adscriberent; quod bene observat *Andreas Masius* in *Jos.* 22. ubi ostendit ex *Lactantio*, *Tertulliano*, *Nazianzeno*, *Basilio*, ob eam causam hoc monumentum tantâ veneratione habitum apud vetustissimos Christianos, non ut adoraretur, sed ut testimonium esset Christi crucifixi.

XXXIII. Nec desunt loca diserta Veterum, quibus constat, quàm alieni fuerint à Crucis adoratione; quæ omnia recensere non patitur instituti nostri ratio: unus vel alter locus nobis erit instar omnium. *Octavius* apud *Minutium Felicem* respondens *Cæcilio*, qui inter turpia & nefanda, quæ apud suos de Christianorum cultu & religione spargi & jactari tradit, *Crucis quoque cultum* memorat, ad hanc calumniam reponit. *Cruces nec colimus, nec optamus, vos planè qui ligneos Deos consecratis, cruces ligneas, ut Deorum vestrorum partes; forsitan adoratis.* *Ambrosius* in *Orati. funeb. Theodo.* ubi de inventionem crucis loquitur, *Helena*, inquit, invenit titulum, Regem adoravit, non lignum utique, quia hic gentilis est error & vanitas impiorum. Frustrà verò hic laudatur versus *Lactantio* tributus in carmine passionis, *Flecte genu, lignumque crucis venerabile adora*, quod *Bellarmin.* affert lib. 2. de S. Imag. cap. 12. Nam *Viri docti* pridem observârunt Carmen esse supposititium, ut observat *Michael Thomassius* in notis ad *Lactan.* & ex eo *Possevinus*, qui ne-



DISPUT.  
III.

gant hoc carmen in ullis Codicibus antiquis inveniri. Nec nos movere debet, quòd hoc impactum dicatur Christianis à Gentibus; Nam à calumniis & criminationibus Ethnicorum non procedit argumentum. Quis enim nescit, quàm multa Christianis ab iis objecta falsissimè fuerint, ut Capitis Asinini adoratio, adoratio Solis, Ononychitis, & similia, quæ leguntur apud *Tertull.* in Apolog. ? Eiusdem commatis est objectio ista, quam constanter illi refellunt. Vid. *Tertull.* Apol. cap. 15. 16. 17. ubi non magis illas de Capite Asini, de Sole, de Ononichyte, quàm hanc de cruce appellat *falsam opinionem*: Ideo æquè mentitos Ethnicos cùm dicerent crucem à Christianis coli, quàm cùm asini caput, & reliqua. Idem testatur *Minutius Felix in Octav.* *Cyrillus lib. 6. cont. Julia.* *Celsus* sanè, qui acerrimus fuit Christianorum adversarius, crucis cultum Christianis nusquam objecisse reperitur in eo quem adversus Nostros composuit libello, quem Origenes solidè confutavit, quod argumento est, non fuisse suo tempore adoratam Crucem. Si enim jam tum adorata fuisset, qui Christi crucifixi cultum tam acriter & toties Nostris objicit, Cur is Crucis cultum, qui multò absurdior & tetrior videtur, ne semel quidem objecisset ?

XXXIV. Fatendum est sequentibus seculis, gliscente paulatim superstitione, post Constantinum Magnum, Crucis imagines paulatim in Christianorum Orationaria introductas fuisse, maxime ex quo invaluit traditio de inventa ab Helena Constantini matre, verà Domini Cruce, circa annum 326. Cujus vanitatem multa tamen evincunt, maxime quòd nemo reperitur eorum, qui Helenam viderunt, iisdemque cum ea temporibus vixerunt, quicquid meminerit: Eusebius imprimis, qui illi familiaris erat, quique de vita Constantini opus conscripsit, in cuius parte tertia multis Helenæ pietatem laudibus effert, & illud ipsum iter ejus in Judæam, in quo Crucem Dominicam ab ea repertam fuisse volunt, describit, resque in eo gestas narrat; sed de Cruce Domini repertâ, non modò nullum verbum facit, sed nihil quicquam, quod eò referri possit, innuit. Quod occasionem procul dubio dedit Gelasio Pontifici Romano I. an. D. 494. scriptum hoc de Inventione Crucis inter libros Apocryphos & cum cautione legendos, referendi in Decreto de libris Apocryphis, apud Gratianum Distinct. 15. Quod verò assertur à Bellarmino lib. 2. de Imag. cap. 27. de Chronico Eusebiano, quod in vulgatis Hieronymianæ interpretationis Codicibus ad an. 16. Constantini refert, *Helenam Constantini matrè divinis monitam visionibus beatissimum Crucis lignum, in quo salus Mundi pendit, apud Hierosolymam reperisse*, non evincit, hæc revera esse verba Eusebii, quæ in Græca editione Scaligeri non occurrunt, nec in accuratioribus Codicibus Latinis; sed ostendunt tantùm à mala manu post Autoris mortem inserta fuisse ex

Ruffino,



Ruffino, ut non sine ratione conjicit *Scaliger*, quia eadem fermè verba leguntur apud Ruffinum, in Historia Ecclesiastica, quo loco, sermone de Helena instituto: *Divinis, inquit, admonita visionibus Hierosolymam petiit, atque ibi locum in quo sacrosanctum Corpus pependerat affixum, ab incolis perquiri, tum purgato loco, tres confuso ordine reperit Cruces.* Quam traditionem Ruffinus, & post eum Ambrosius, Paulinus, & alii sequentium seculorum Scriptores, referunt, non à certis Autoribus, & oculatis rei gestæ testibus acceptam, sed ex incertis, & temerè ab aliquo reliquiarum studio confictis rumoribus haustam, ut omnino fit verisimile.

XXXV. Licet autem hæc traditio Crucis Imaginum usum longè fortius in Ecclesias introduxerit, repugnantibus licet variis Viris piis, qui huic errori gliscenti se opponebant, ut patet ex Epiphaniæ epistolâ ad Joannem Episcopum Hierosolymitanum: Certum est tamen nondum tam fuisse adorationis objecta, quàm mystica quædam insignia, & fidei Christianæ symbola, quæ ad memoriam, non verò ad cultum proponebantur. Donec sequentibus temporibus, res in apertum abusum mutata est ab iis, qui aliquem Cruci honorem & cultum deferre cœperunt, ut *Julianus* apud Cyrillum Alexandrinum lib. 6. illis opponit circa annum D. 462. non diffidentibus illius seculi Scriptoribus. Qui cultus inveteratâ consuetudine confirmatus est, non sine multis certaminibus, & tandem seculo octavo exeunte, sancitus in Pseudonicanâ Synodo an. D. 797. Atque hæc de *Crucis Cultu* dicta sunt. Superest ut de *Reliquiarum* veneratione & cultu aliquid etiam dicamus, quod non minimum est Romanæ Idololatriæ argumentum.

XXXVI. *Reliquiarum* autem nomine, non sola Sanctorum defunctorum corpora apud Pontificios notantur, sed omnia quæ ipsorum fuere, dum viverent, ossa nimirum, carnes, sanguis, dentes, ungues, capilli, cineres, vestimenta, togæ, tunicæ, interulæ, pallia, caligæ, crepidæ, calcei, cingula, pectines, cilicia, flagella, & alia id genus quæ commemorare nihil attinet. Hisce verò omnibus religiosum cultum deferri res ipsa clamat, & praxis publica clarè evincit. Constat quippe corpora vel ossa Sanctorum, & quæcunque ad illos putantur pertinuisse, ex sepulchris eruta elevari, & in conspicuo loco, imò sæpe supra altare collocari, auro, argento, serico exornari; In Processionibus & supplicationibus Reliquias istas circumferri, à populo tangendas, osculandas vel spectandas, coram illis gestu & animo adorabundos procidere: In illis gratiam & beneficia Dei quæri; Eîs pretiosa dona offerri; Ad loca ubi reliquæ esse putantur, religiosas peregrinationes suscipi; In altari includi ad sanctitatem Eucharistiæ conciliandam; In collo ex devotione & fiducia ad Deum & Sanctos portari; Tactis reliquiis juramenta fieri; Et tali religiosæ venerationi reliquiarum gratiam,



DISPUT.  
III.

tiam, beneficia, efficaciam precum apud eas fularum, & remissionem peccatorum obtineri, quæ omnia luce meridianâ clariùs docent religiosè eas coli.

XXXVII. Ne verò hoc ipsis falsò & perperam à nobis impingi querantur, quod subinde facere solent, graviter succensendo Doctoribus nostris, imò & mendacii eos accusando, dum Reliquias ab ipsis adorari & divinis honoribus affici scribunt, ut *Bellarminus* lib. 2. de Reliquiis & Imagi. Sanctor. c. 2. 3. *Nos, inquit, Reliquias honoramus & oscalamur, ut sacra pignora Patronorum nostrorum, sed nec adoramus ut Deum, nec invocamus ut Sanctos.* Videamus an non justè hoc ipsis tribuatur. Primò adorationem istam sancitam & approbatam fuisse in Concilio Nicæno II. patet ex verbis Actionis IV. *Ossa, cineres, pannos, sepulchra denique adoramus, illis tamen non sacrificamus.* Concilium Tridentinum eodem sensu cultum istum confirmat Sess. 25. Decreto de Invocatione Sanctor. Mandat Episcopis ut doceant, *Martyrum & aliorum Sanctorum cum Christo viventium corpora à fidelibus esse veneranda, per quæ multa beneficia hominibus à Deo præstantur; Tum eos omnes damnandos esse pronuntiat, qui affirmant Sanctorum reliquiis venerationem atque honorem non deberi, vel eos aliaque sacra monumenta à fidelibus inutiliter honorari, & eorum opis impetrandæ causâ, Sanctorum memorias frustra frequentari, prout eos jam pridem damnavit & nunc etiam damnat Ecclesia.* Ubi licet subdolè & callidè more suo agens Synodus, abstineat quidem ab adorationis voce, & solius venerationis & honoris meminerit, superstitionis suæ dedecus sub vocabulorum istorum ambiguitate tegens, non aliam tamen esse ejus mentem, quàm cultum religiosum Reliquiis debitum præscribere, vel ex eo patere potest, quòd damnet eos qui *affirmant Sanctorum reliquiis venerationem atque honorem non deberi*, quibus verbis dubium non est, quin perstringat Doctores nostros, non quòd honorem debitum Sanctorum & fidelium corporibus denegemus, qui consistit in honesta sepultura & pia custodia, quem à Nobis illis deferri sat notum est, sed quòd venerationem, & religiosum honorem illis reddere recusemus; quod ex eo etiam colligitur, quando addunt talem esse venerationem, per quam sacra monumenta à fidelibus frequentantur, & eorum opis impetrandæ causâ memoriæ Sanctorum frequentantur, quod religiosum cultum omnino importat.

XXXVIII. Hoc verò candidiùs & apertiùs exponit Vasques in 3. Tho. quæst. 35. disputat. 112. *Apud Catholicos, inquit, veritas indubitata est, reliquias Sanctorum, sive fuerint partes ipsorum, ut ossa, carnes, & cineres, sive res alia qua ipsos tetigerunt, vel ad ipsos pertineant, adorandas & in hoc honore sacro habendas esse.* Et disp. 113. init. *Cinctoria & sudaria Pauli, ait, adorationis cultu fuisse veneranda, & sic*



sic passim loquitur. *Valdensis* ex Damasceno statuit non modò lignum Crucis Domini, sed etiam sepulchrum, præsepe, clavos, lanceam, vestes, Sion & Golgotha loca esse adoranda, & eos veluti hæreticos refutat, qui Deum quidem in his rebus aut locis adorari concedunt, res verò ipsas, vel loca adoranda negant, Doctrinal. p. 3. Tit. 13. cap. 120. & alibi c. 121. *Omnes Dei Sanctos & eorum reliquias esse suis gradibus adorandas.* Nec aliter loquuntur hodie *Jansenista*, patet ex responso ab ipsis dato super miraculis, quæ edita ferebantur à sancta Spina apud Ecclesiam Portus Regii, ubi vindicantes ea ab obrectatorum calumniis non semel dicunt, Sacram illam Spinam, quam ex corona Domini spinea decerptam jactant, adorari. Et magnam mortallum catervam adire Ecclesiam illam suam ad Spinam adorandam. Et Sanctas Moniales cum profunda veneratione spinam Dominica corona adorare, & sic passim loquuntur p. 15. 18. 22. Eò pertinet etiam quòd Catechesis Tridentina in tertium præceptum, quod ipsis est secundum, probat juramenta per reliquias, *Ad faciendam*, inquit, *fidem, per res creatas juramus, ut per sacra Dei Evangelia, per Crucem, per Sanctorum reliquias & nomen.* Qui honor ad latriæ cultum pertinet, siquidem eum per quem juramus adoramus, testem conscientiae & ultorem imprecamur si fallimus. Huc facit quòd in legibus Ecclesiae Romanae, quæ in Pontificali habentur, nullum Altare consecratur absque reliquiis, unde Capite de Consecratione Altaris, altare dicitur dedicari in honorem Sancti, cujus reliquiae includuntur altari, quasi reliquiae sanctitatem aliquam altari & rebus, quæ illi imponuntur, possent conciliare. Ex quibus omnibus non obscurè colligitur, Reliquias non modò magno esse apud Romanos in pretio, sed cultum sacrum illis exhiberi. Quomodocunque autem vocare libeat cultum illum, sive *adorationem*, quod candidius & rei ipsi planè consentaneum, sive *venerationem*, quod tanquam commodius, ad obumbrandam cultûs istius turpitudinem, retinent, parum refert, modò constet esse cultum religiosum, qui defertur creaturis mortuis, rebusque corporeis & inanimatis; quod nemo non videt esse crassissimam idololatriam.

XXXIX. In eo sanè miram fraudem Satanæ observare est, quâ ludificatur populos, dum occultantur divina Apostolorum Scripta, ex quibus tela petuntur ad errorum & idololatriam confodiendam, ostentantur & adorantur eorum reliquiae. Et cum Christus in Verbo suo, Sacramentis, & aliis gratiis spiritualibus quærendus esset, abducitur plebs Christiana ad fascias, vestes, subuculas, & alia id genus argumenta, in quibus frustra quæritur. Cumque Sanctorum vita diligenter meditanda & imitanda foret, studium omne ponitur in contemplantis & colendis eorum ossibus & reliquiis. Quò non modò nihil vanius, sed nihil magis impium & in



DISPUT. III. Deum, unicum adorationis & cultûs omnis religiosi objectum, magis injurium dici potest. Nec inanis cavillatio Bellarmini, quâ putat optimè rebus suis caville, dum negat se reliquias *adorare ut Deum*, nec *invocare ut Sanctos*, potest quicquam illum juvare: Quia ut antè sæpius dictum, cultus religiosus unicus est, qui in alium quàm Deum transferri non potest, nec ulla religionis adoratio dari potest vera & genuina, quæ alterius sit quàm Dei.

XL. Rationes ad jugulandum hunc errorem referre nihil attinet, quæ alibi à nobis propositæ sunt, Institut. Part. II. Loc. XI. Quæst. 8. Sufficit ostendisse religiosum cultum in Ecclesia Romana Reliquiis deferri, ut inde constet, legitimè nos propterea Idololatriæ ream illam peragere. Quòd si liberet, fraudes & imposturas innumeras referre, quæ in Reliquiarum usu passim occurrunt, sive dum fictæ & suppositæ pro veris & genuinis obtruduntur, quod innumeris exemplis ostendi posset; sive dum varia loca de iisdem gloriantur, & acriter inter se contendunt; sive dum reliquæ proponuntur eorum Sanctorum, qui nunquam fuerunt in vivis, & meræ sunt larvæ & humani cerebri figmenta, quales sunt reliquæ Christophori, Longini, Ursulæ, Trium Regum, Margaretæ & sim. sive dum aliæ id genus artes veteratoriæ adhibentur, ad miserum popellum decipiendum, quàm latus hîc se aperiret scribendi campus. Consulat qui voluerit eximium *Calvini* Tractatum in *Admonitione de Reliquiis*, *Hospinianum* de Reliquiarum origine, *Chamierum* lib. 16. de Antichr. c. 12. ubi agit de Imposturis Reliquiarum, & *Dallaum* de Reliquiarum cultu. Nostrum interea est gratias immortales agere Deo, qui nos liberavit à duro hoc idololatriæ tam fœdæ jugo, in quo non modò à Deo aversi sunt homines, ut rebus vanis & caducis adhæreant: sed etiam execrabili sacrilegio res omni sensu carentes adorant loco Dei in secula benedicti: Ut nunc liceat nobis Deum colere in spiritu & veritate, & rejectis vanis & falsis Sanctorum reliquiis, vera verorum Sanctorum dogmata retinere, & profiteri.

F I N I S.

DISPU-



## DISPUTATIO QUARTA

*Quæ Tertia est*

## DE IDOLOLATRIA ROMANA.

*Respondente STEPHANO DUMAS Coloniensi.*

UAMVIS ea sit Controversiarum, quæ Nobis cum Pontificiis intercedunt, ratio, ut nulla sit quæ suum pondus non habeat ad Veritatis illustrationem, quæque adeò diligenti examine non indigeat; Nemo tamen, ut opinor, inficias iverit, istam, quam præ manibus nunc habemus, *De Secessionis nostræ ab Ecclesiâ Romanâ necessitate, & impossibilitate cum eâ Syncretismo*, Quæstionem, gravissimi esse præ cæteris omnibus momenti, eò vel maximè, quòd in aliis de unico tantùm agatur Doctrinæ Capite; Hic verò de omnibus simul, quæ justam secedendi nobis causam præbuerunt. Unde cùm magnopere inter sit, cùm aliorum, tum Juventutis nostræ Sacris initiatæ, quid de re totâ secundùm Verbum Dei tenendum sequendumque sit, mirum videri non debet, si ad ejus Tractationem iterum nos accingimus, ut sententiæ nostræ fundamenta plenius aperiantur, & ab Adversariorum cavillis vindicentur.

II. Accedit etiam temporis, in quo versamur, ratio, quod si unquam non utilem modò, sed necessariam planè facit Argumenti istius Tractationem. Nam præter gravia quæ quotidie videmus scandala ab iis data, qui non satis perspectâ Secessionis nostræ necessitate, vel metu territi, vel promissis illecti, tristissimo casu *οὐκ ὀρθῶς καὶ ἀπὸ τῆς πίστεως*, & infami apostasiâ ad Papismum deficiunt. Notum est quàm varii ubique de Religionis Syncretismo etiam hodie misceantur sermones, & quanto molimine renoventur à plurimis periculosa Syncretistarum artes, & malè sana consilia, ut quædam vel inter Christianos omnes si fieri posset; vel inter Nos & Pontificios saltem fidei instituatur conciliatio. Unde nihil frequentius solent ingerere, quàm temerariam & injustam fuisse nostram ab Ecclesiâ Romanâ Separationem, & facilem cum ea Syncretismum, si animi vero pacis Christianæ, quam unicè commendavit nobis Christus, & modis omnibus procurandam injunxit, studio incenderentur.

III. Atque



DISPUT.  
IV.

III. Atque ea de causa Emissarii, & Sinones Romani, Proselytis juxtà cum Pharisæis terrâ marique faciendis unicè intenti, ut Controversiarum pondus faciliùs imminuant & elevent, quasi non tantum esset inter Nos dissidium, quod commodè componi non posset, fidei Romanæ non tam Defensores, quàm Mangones & interpolatores agunt, propudiosa dogmata sua subdolè velando, & excusando, & fœdam Papismi novitatem, novis quotidie, sed verè veteratoriis artibus incrustando; Imò ad instar Principis tenebrarum se in Angelum lucis transformantis nobiscum loqui, & nobiscum ferè sentire simulant, gravémque sibi injuriam fieri queruntur, quòd sibi errores varii præter rei veritatem in dogmatibus & cultu affingantur. Planè sicut Hyænæ humanas æmulantur voces homines illecturæ, quos illectos & attractos devorent; Ita Seductores isti Sanctorum linguam conantur mutuari, ut simplices & incautos ad castra sua pelliciant, & pellectos tandem gehennæ filios reddant, & miserè perdant. Ne ergo per τὴν μεθοδεῖαν τῆς πλάνης imponi nobis sinamus, & omni vento doctrinæ circumferamur per κυβείαν & πανουργίαν ἀνθρώπων, larva illis semel detrahenda, ut constet falsissimè nobis impingi Schismatis & dissidiorum, quibus laborat hodie Christianus Orbis, crimen, & insidiosissimè Pacis nomen obtrudi, ubi mera quæritur Errorum incrustatio, & impia ac damnabilis Religionum εὐγκρασις & confusio.

IV. Gravissimo fanè se obstrinxisse crimine eos non diffitemur, qui sacris istis dissidiis occasionem primi præbuerunt, quibus factum ut simplex & ἀβίατος ut olim Christi, sic Veritatis tunica discerperetur: Sed quod nobis impingunt Adversarii crimen, id jure meritò in Accusatores retorquemus, quomodo Elias qui ab Achabo reus conturbati Israël peragebatur, impium Regem hoc ipso crimine teneri certissimè evincebat, utpote qui veram abjecisset Religionem, & nefandos Bahalis cultus induxisset 1. Reg. 18. 17. 18. Ita quid proclivius quàm demonstrare, nequaquam à nobis malum hoc profectum esse, qui Christi doctrinam intemeratam retinemus & sequimur; sed ab iis ortum, qui cœlestem & divinam hanc doctrinam impiis hominum commentis multifariam depravârunt, & abjecto vero Dei cultu impuros & idololatricos in Ecclesiam Christianam introduxerunt. Quòd si præjudiciis non excæcarentur illi cum quibus negotium nobis est, facilè de re totâ judicium fieri posset, si sedulò inquireremus, quinam à Religione Christianâ & Apostolicâ defecerint, quod per collationem doctrinæ ab utrisque traditæ cum doctrinâ Apostolicâ facilè deprehendi posset. Verùm quia satis intelligunt Adversarii, sic malè rebus suis consultum fore, & luce meridiana clarius evasurum, abjecisse se fidem semel Sanctis traditam, & deflexisse à vero Christianismo, Compendium hoc ipsis non placet; & aliâ



& aliâ rem aggrediuntur viâ, quum relicto Doctrinæ examine, ad Eccle-  
siæ authoritatem nos abducere satagunt, & quasi hoc illis privilegium pro-  
prium esset, Schismatis reos paragere non dubitant, quotquot ab Eccle-  
sia Romana, quacunque tandem de causa Secessionem faciunt.

V. Hac arte usi sunt præ cæteris *Perronius & Richelius* Cardinales,  
ut legitimum fugerent congressum, & jugulum causæ declinarent. Nec  
aliò respicit Tractatus Gallicus novissimè editus Parisiis, de *Præjudiciis*  
*legitimis adversus Calvinistas*; In quo Author aliorum vestigia premens,  
& crambem sæpius recoctam nobis reponens, magno molimine duo præ  
cæteris demonstrare conatur. Primò, tutissimum & compendiosissimum  
veram Religionem à falsa secernendi medium esse, non *Viam rationis*  
*& discussionis*, quam urgere solemus, ut dogmata, quæ in hoc vel illo  
Cœtu proponuntur, expendantur & discutiantur ex Scripturæ Sacræ nor-  
mâ: Sed *Viam submissionis & Authoritatis*, ut vocant, ut in suprema Ec-  
clesiæ authoritate acquiescamus, fidemque nostram illi tanquam normæ  
certæ & infallibili subjiciamus, quam non alibi quàm apud Ecclesiam  
suam reperiri pertendit. Secundò, tot præjudiciis Religionem & fidem  
nostram gravari, ut, si nullum aliud à doctrinæ falsitate suppetcret ar-  
gumentum, sufficerent tamen ad eam rejiciendam, & nos etiam inau-  
ditos condemnandos; qualia sunt Vocationis & Missionis defectus, Se-  
cessio schismatica à vera Ecclesia, Mores corrupti Reformatorum, &  
Tumultus ac bella hac occasione exorta, Dissidium quod inter Nos & Luthe-  
ranos natum, & alia id genus, quæ injustitiam causæ nostræ tam apertè vi-  
dentur prodere, ut non opus sit penitiori doctrinæ indagine.

*Via discus-  
sionis &  
submissionis  
quomodo  
differant.*

VI. Verùm, ut aliquid obiter & *ὡς ἐν παρόδῳ* de tali consilio di-  
camus, Nec enim nostri nunc est instituti hoc argumentum fusius ex-  
qui, vel falcem in alienam messem immittere. Quicquid ab Authore  
istò speciosè & dubdolè obtendatur ad nobis invidiam conflandam, &  
suspectam ac exosam omnibus reddendam fidem nostram; Si penitiùs  
methodus ista expendatur, patebit clarissimè nihil absurdius eâ dari pos-  
se & iniquius, nihil quod certius malæ & periclitantis causæ præbeat ar-  
gumentum. Quis enim, nisi qui sponte cæcutire voluerit, non facilè  
animadvertet, hæc omnia eò tendere, ut omisso Doctrinæ examine, ad  
quod semper provocavimus, & à quo certum est Religionis veritatem  
unicè pendere, in aliis quæstionibus hæreamus, quæ & minùs sunt ne-  
cessariæ, & longè intricatiores; At si seriò persuasi sunt de fidei, quam  
profitentur veritate; Cur declinant ejus examen? Cur tot diverticula &  
ambages quærant? Cur non deveniunt statim ad causæ jugulum, &  
momentosissimæ quæstionis cardinem, quo semel discusso cætera  
omnia facilia sunt & expedita; Nam si demonstrare possint, se

*Viam sub-  
missionis à  
Pontificiis  
malè urge-  
ri.*



DISPUT.  
IV.

doctrinam Christi & Apostolorum mordicus retinere, quis denegare illis poterit veræ Ecclesiæ nomen; At si contrà constare potest eos miserè illam corrupisse, quis hunc illis titulum, nisi perperam tribuat; Sed alia sedet sententia menti, credunt sibi sufficere solum Ecclesiæ quò gloriantur nomen, ut hanc fraudibus suis nubem objiciant: Planè ut hostes, qui in aperto campo consistere nequeunt, in silvas & dumeta se condunt, ut salebris, quarum nullus exitus, arceant persequentes, & excitato pulvere, & objectis impedimentis sui conspectum furentur, & aciem pro libitu commutent: Ita isti Ecclesiæ Authoritatis speciosum nomen obtendentes, putant se faciliùs posse latere, & tela omnia declinare. Nec abs re, qui in aliis liberaliores videntur, in hoc tamen pertinaces sunt, Crede, inquiunt, ut libet, modò te Ecclesiæ committas & subicias, fidemque captivam dedas: norunt enim Viri sagaces, ea quæ antea videbantur concessisse, statim se recepturos, quando ipsos animos Ecclesiæ falcibus submiserint.

VII. Dum verò *Viam Authoritatis* hic sequendam necessariò præscribit Author, quis audacem & temerariam istam disputandi rationem ferre queat? ubi gratis supponuntur varia tanquam *διαμφισβήτητα* quæ tamen inter Nos maximè controvertuntur. Primò, dari supremam aliquam Authoritatem in Ecclesia, cui fideles teneantur sine ulteriori examine sese submittere. At quipotuit Author ignorare, hoc ipsum esse τὸ κρινόμενον, de quo inter Nos disceptatur, quod probandum fuit, non ita præfidenter supponendum; quasi ex quo loquutus est acclamandum esset αὐτὸς ἔφα, & ne mutire quidem liceret: At solidè tamen Nostri hætenus ficticiam esse supremam illam authoritatem Ecclesiæ demonstrârunt, & neminem nisi Deum in Scriptura loquentem ut Judicem summum & infallibilem in Ecclesia esse audiendum; Ecclesiæ autem aliquam non denegandam Authoritatem, sed Doctoris, non Judicis, consilii, non imperii, & Ministerialem, non absolutam, quæ non ulteriùs obliget, quàm quatenus Verbo conformis deprehenditur. Secundò Ecclesiam, penès quam suprema illa Authoritas residet, non aliam esse quàm Rom. ut ita sedeant in propria causa Judices, cùm tamen de hoc ipso tota lis nostra sit, & constanter à nobis semper negatum sit, posse eam Ecclesiam Christi veram vocari, quæ doctrinam Christi non habet, qualiacunque obtendantur ejus alia privilegia. Tertò supponitur insuper, fideles posse & debere in autoritate illa suprema acquiescere, non inquirentes ulteriùs in ejus fidem & doctrinam. Verùm quis nescit hoc etiam esse πρῶτον ipsorum ψεῦδος & fidem illam cæcam & implicitam Carbonarii pridem profligatam, ut Scripturæ adversam, & conditioni fidelium injuriam; Nam si sine ulteriori examine doctrinæ fideles sese authoritati Ecclesiæ subijcere tenentur,

Cur



Cur Isaias *ad Legem & Testimonium* fideles amandat cap. 8. 20. ut falsitatem ariolorum cum veritate Oraculorum cœlestium conferant? Cur Christus Judæos ad Scripturas investigandas revocat, Joh. 5. 39. ut de veritate Vocationis & Doctrinæ suæ persuaderentur? Cur Beroënſes auctoritati Pauli non acquiescunt, sed sermones ejus cum Scripturis conferunt, ut viderent an res ita se haberent? Act. 17. 11. Cur Paulus provocat ad fidelium Judicium, *Judicate vos ipsi quod dico?* 1. Cor. 10. 15. Cur Johannes vult explorari spiritus, an sint ex Deo? 1. Johan. 4. 1. Frustrâ sanè & absque ratione, si via ista Authoritatis sufficit ad fidem stabiliendam. Sed alia est mens fidelium, ut enim sunt oves Christi λογικάι, non bruto & cæco debent ferri instinctu ad id omne recipiendum quod obtruditur, sed ut fide suâ vivere debent, ita lumine Spiritûs pollent, ut omnia dijudicent, 1. Cor. 2. 15. & cibos salutares à venenatis, aquas corruptas à puris, & Verbum Dei à traditionibus hominum secernant. Non quòd *Judicium decisionis* ipsis tribuamus, quod eorum est, qui publicâ auctoritate sunt instructi, sed quòd *Judicium privata discretionis* illis ex dono fidei competat.

VIII. Sed non in eo tantum commenti istius absurditas patet, quòd gratis supponat ea, quæ in controversiam veniunt; Ex eo etiam non obscure colligitur, quòd dum compendiosissimam viam se putat Author invenisse, non aliam intricatiorem & magis difficilem, ne dicam planè impossibilem obtrudere potuit. Nam cum Via Authoritatis necessariò supponat, nobis debere esse persuasum, Authoritatem talem esse legitimam & supremam, veræ Ecclesiæ, non falsæ, ut aliquem apud nos obtineat locum, debet mens nostra in eam inquisitionem primò incumbere, ut hoc habeat perspectum, hoc autem intricatissimum & difficillimum esse nemo potest diffiteri, qui noverit Pontificios veritatem Ecclesiæ ab Antiquitate & Successione non interruptâ personarum metiri, quod non modò accuratam historiæ omnium seculorum à Christo nato notitiam postulat, sed & tot difficultatibus involvitur, ut mens nihil certi inveniat, ubi tutò quiescere possit. Adde quòd cum tota auctoritas Ecclesiæ Verbo ipso nitatur, ut ipse Author agnoscit p. 16. dum eam à Scriptura arcessit; Quis non videt primò veritatem & αὐθεντίαν Verbi tenendam esse, antequam de auctoritate Ecclesiæ persuadeamur, & sic viam discussionis semper præmittendam esse, viâ authoritatis? Atque eò magis hoc necessarium est, quòd cum nemo diffiteri possit Verbum esse Ecclesiæ fundamentum, à quo formam suam & esse specifi-cum obtinet Eph. 2. 20. ordo naturalis postulat, ut de Doctrina primò inquiramus, quàm de Ecclesia, cum non aliud certius Ecclesiæ γνώριμα peti possit, quàm à doctrina quam profitetur. Hoc vidit



DISPUT. Hieronymus in Ps. 133. *Ecclesia ibi est, ubi fides vera est; Sed Augustinus*  
 IV. inprimis, qui passim adversus Donatistas disputans, Ecclesiam non aliunde quàm ex Scriptura cognosci posse non semel profitetur, lib. de Unitate Ecclesiae c. 11. *Inter nos & Donatistas questio est ubi sit Ecclesia, quid ergo facturisumus, in verbis nostris quasiuri, an in verbis Capitis sui Domini Jesu Christi, puto, quod in illius verbis potius querere debemus, qui Veritas est & optimè novit Corpus suum, & cap. 3. Non audiamus hac dico, sed audiamus hac dicit Dominus, sunt certè Libri Dominici, quorum auctoritati utrique credimus, utrique servimus, ibi quæramus Ecclesiam, ibi discutiamus causam nostram, & paulò post, in Scripturis Canonicis quæramus Ecclesiam, c. 16. utrum isti Ecclesiam teneant non nisi Divinarum Scripturarum Canonicis Libris ostendant.*

IX. Neque hîc reponendum cum Authore, Capite 14. *Viam discussionis* longam esse, & difficilem, quæ accuratam omnium controversiarum disquisitionem & examen, & linguarum originalium cognitionem postulat, quamque ideo paucissimi possunt insistere. Sed *Viam auctoritatis* brevem & expeditam, quæ omnibus etiam maximè rudibus & imperitis patet. Nam si bene calculos ponimus, contraria hîc esse omnia, & nihil facilius & tutius nostrâ, nihil verò periculosius & impeditius eâ, quam Adversarius sequitur viâ, nullo negotio deprehendemus. Ut enim de nostrâ dicamus primùm, falsò supponit Author à singulis fidelibus controversiarum omnium examen vel linguarum originalium notitiam requiri, ut persuadeantur de fidei veritate. Cùm enim Scriptura perspicua sit in rebus ad salutem necessariis, & possit ab unoquoque fidei, qui oculos mentis illustratos habet, & legi cum studio, & intelligi cum fructu, quid obstat quominus ad eam normam componentes præcipuas, quæ inter Nos & Adversarios agitantur, controversias, dijudicent facile à quorum partibus stet Scriptura? v. g. Quæritur inter nos, An Sancti sint invocandi, & an Imaginibus cultus aliquis sit exhibendus? Si Scripturam consulimus, facile tota lis componetur, quando non semel Deum solum adorandum & invocandum præscribit Psal. 50. 12. Matt. 4. 10. Isa. 42. 8. & in Lege  
 Ps. 50. 12. expressè omnem Imaginum cultum prohibet Exod. 20. Quæritur, An  
 Matt. 4. 10. præter Sacrificium Christi, necessarium adhuc sit Sacrificium Missaticum? Quid facilius erit fidei, quàm ex Scripturâ respondere, non modò inutile, sed & injurium Christo esse aliud omne sacrificium ἱλαστικόν? siquidem Christus *unicâ oblatione* ἑφάπαξ factâ sanctificatos perfectè consummavit, & peccata omnia eorum expiavit Heb. 9. 28. & 10. 12. 14. Quæritur de Justificatione nostrâ, An sit ex operibus, An ex fide? Sed uno verbo res expeditur, si Paulum audias, qui toties fidei justificationem tribuit & operibus denegat, Rom. 3. 27. Galat. 2. 16. Quæritur, An opera  
 Heb. 9. 28. merean-



mereantur, vel ex condigno vel ex congruo? Quid opus magnâ disquisitione post verba Pauli, *Si ex gratia, non ex operibus, alias gratia non est amplius gratia*, &c. Rom. 11. 6. & alibi *donum Dei vita aterna* Rom. 6. 23. Quæritur de Communionem sub utraque specie, Quis locus ambigendi post vocem Christi, *Bibite ex hoc omnes*? Quæritur de Viribus liberi arbitrii, An supersint adhuc quædam in homine post peccatum, quibus se præparet ad gratiam? Sed verbo Paulus rem expedit, quum nos mortuos in peccatis vocat, Eph. 2. 1. qui ne cogitare quidem quicquam boni possumus 2. Cor. 3. 5. Ita si per alia Controversiarum capita, quæ fundamentum fidei spectant, ire volumus, facile demonstrari posset, ea ita clarè proponi, ut nullo negotio à fidei agnosci queat veritas, nihil ut opus sit vel linguas originales consulere, vel operosam de Scripturæ integritate, & de Libris Canonicis quæstionem discutere; Cum in hoc saltem negotio consensus sit inter Nos & Adversarios, Libros ex quibus similia loca petimus esse Canonicos, & nullam hic inter fontes & versiones quibus utimur esse discrepantiam. Verum si de *Via authoritatis* loquimur, quid difficilius & magis intricatum occurrere potest? quando nemo illi se subicere potest, qui non habeat perspectum eam legitimam esse & in Verbo fundatam; & Ecclesiam, quæ illâ gloriatur, veram; quod non modo ipsius Scripturæ, sed & totius Antiquitatis, ex hypothese Adversariorum, discussionem & cognitionem postulat, atque ita non compendiosam, sed longissimam omnium viam præscribit.

X. Sed si in hoc Capite fraudulenter agit Author, ut simplicioribus imponat; Non æquiores se præbet in altero, quod tanto apparatu urget, dum *Præjudicia* varia conquirat, quibus Religionis nostræ innocentiam, si potest, obruat, quod non modo à justitia, sed & à sinceritate alienissimum est; Nam si ipsi Philosophi præjudiciis ante omnia liberandam esse mentem sanciant, ut clara rei cognitio habeatur, & de ea judicium rectum & sanum ferri queat, Quis credat in Religionis delectu, quæ res omnium est maxima & gravissima, præjudiciis agendum esse, potius quàm rationibus ab ipsius rei naturâ petitis? cum istæ argumenta necessaria certa nobis suppedient, quibus mens tutò possit acquiescere; illa verò tantum topica & probabilia, quorum non alia vis est, quàm causæ, propter quam afferuntur, gratiam aliquam conciliare, adversam verò suspectam & exosam reddere: Quis verò nescit causas magis speciosas non semper esse meliores? & hanc esse Veritatis sortem, ut non rarò præconceptis opinionibus obscuretur & opprimatur? Maxime si, quod intendit Author, ex præjudiciis de Causæ veritate fieret judicium, & inauditi, qui eam sustinent, condemnarentur; quò quid iniquius dari possit, vix dici potest. Nam si in foro civili inauditus nemo damnatur, quantacum-

*In Religione  
non agendum  
est per  
Præjudicia.*



DISPUT.  
IV.

que sint adversus ipsum præjudicia, quæ malum iniquitas est, ut causam dicere prohibeamur, & vel ex solo nomine inauditi condemnemur? Gravissima nobis intentatur accusatio Schismatis, quod ab Ecclesia secessionem fecerimus; Nec minus crimen ἀπεστασίασθαι nobis Adversariis impingitur, quod à veritate Christi defecerint: Quis tandem potest esse legitimus modus componendæ istius litis momentosissimæ? nisi ut utraque pars audiatur, vel ad sustinendam accusationem, vel ad sui defensionem: hoc tamen non potest ferre Author, qui nullum non movet lapidem, ut nos etiam inauditos præjudiciis obruat; & indignos ostendat quorum ulla habeatur ratio, vel ad purgandum crimen nobis impactum, vel ad accusationis capita probanda. Utrùm innocentia, an mala conscientia postulat ne accusatio audiatur, neve defensioni detur locus? An Veritas lucem fugit & tenebras quærit? imò omnibus se conspiciendam præbet, & nihil impensius optat quàm videri, quia novit se non posse videri quin diligatur. Erroris est & malæ fidei, se in tenebras abdere, nec Adversarii vel accusationem vel purgationem audire velle, ne hinc accusationis veritas, inde verò defensionis pateat innocentia.

XI. Sic equidem Ethnicos olim cum Christianis egisse legimus, ut vel ex solo nominis præjudicio inauditos damnarent, quod *Tertullianus* Apol. c. 1. & 2. gravissimè in ipsis perstringit. Respondendi, altercandi facultas aliis patet, quando nec licet indefensos & inauditos damnari; sed Christianis solis nihil permittitur loqui, quod causam purget, quod veritatem defendat, quod judicem non faciat injustum, sed illud solum expectatur quod odio publico necessarium est, confessio nominis, & non examinatio criminis. Et ibidem, malunt nescire, quia jam oderunt, adeò quod nesciunt præjudicant id esse, quod si sciant odisse non poterant. Quid verò hic veritas? nihil de sua causa deprecatur, inquit c. 1. quia nec de conditione miratur, scit se peregrinam in terris agere, intra extraneos facile inimicos invenire. Caterum genus, spem, sedem, gratiam in cælis habere, unum gestis interdum ne ignorata damnetur, Quid hic deperit legibus in regno suo dominantibus, si audiasur? An hoc magis gloriabitur potestas earum, quò etiam inauditam damnabunt veritatem? Caterum inauditam si damnent, præter invidiam iniquitatis, etiam suspicionem merebuntur alicujus conscientie, nolentes audire, quod auditum damnare non possent. Quis verò dixerit Christianos cum Christianis adeò injustam agendi rationem sequi, ut ex præconceptis opinionibus sine ulteriori Doctrinæ examine damnare eos sustineant; Vix hoc in animum suum inducere quis potuisset, præsertim de iis qui hætenus moderatiores cæteris videri voluerunt, nisi expressè hoc non semel Author repetiisset.



XII. Quòd si in *Prajudiciorum* istorum, quæ tanto cum apparatu urgentur, Examen descendere vellemus, quàm facilè demonstrari posset, ea vel falsissima esse, & per meram calumniam nobis afficta, vel si quid veritatis habent, ad causæ momentum non pertinere. Nam quod de *Vocationis defectu* dicitur, suo loco, cum bono Deo, à vero procul esse ostendemus. Si verò *dissidium* aliquod inter Nos & Lutheranos ortum est. *Sibella & tumultus* occasione Reformationis variis in locis nati sunt, quod Adversariorum furori, non ipsi Religioni tribuendum est. Si *Reformatores* humani aliquid sunt passi, ut ab ipsis humani nihil alienum fuit, (quamvis ea quæ ipsis impinguntur crimina, jam sæpius à Nostreis nullum nisi in Calumniatorum mentibus fundamentum habere demonstratum sit) quid hæc omnia ad causam nostram pertinent? An propterea certò concludi potest, vel falsam esse quam prædicamus Doctrinam, vel veram quâ gloriantur ipsi Ecclesiam? Unum, fateor, ab Authore præjudicium affertur, quod si verum esset, causam non dicimus, quin meritò rei peragamur: Quum *Schismaticos* nos esse pertendit, quòd ab Ecclesia Secessionem fecerimus cap. 7. Hactenus sanè non recusamus herbam porrigere, & crimen fateri, si verum sit nos à vera Ecclesia secessisse, cum extra eam non detur salus. Sed si Ecclesiam impuram & idololatricam reliquimus, ut in vera maneremus, si Papatum tantum & errores ejus abjecimus, ne participes peccatorum ejus, consortes essemus pœnarum. An vitio nobis verti debet, quòd salutis nostræ prospectum voluerimus, & voci divinæ morem gesserimus? Hoc verò est quod inter Nos quæritur, ad quod unum Controversiæ nostræ omnes revocandæ essent, si candidè agere vellent Adversarii. Nam si evincere possunt, se doctrinam Christi puram & intemeratam semper servasse & etiamnum servare, nullamque nisi Christi vocem apud se audiri, agnoscimus ultrò, veræ Ecclesiæ nomine posse ipsos gloriari, & non nisi injustè ab illis secedere quemquam posse. Sed si ex adverso demonstramus clarissimè ipsos à Christo defecisse, cur agerunt nos ab ipsis secedere velle, ut Christo Capiti & Sponso nostro indivulsè adhæreamus?

XIII. Scio hîc Authorem reponere c. 7. licèt hoc daretur, Ecclesiam Romanam & erroneam & impuram fuisse, non necesse tamen fuisse propterea ab ea recedere, suffecisse *secessionem negativam*, ut abstineremus à cultu, quem idololatricum credebamus; sed non necessariam fuisse *secessionem positivam*, quæ novam Ecclesiam novumque Ministerium sine vocatione institueret. Verùm in eo graviter fallitur, & fallit Adversarius, quasi sola secessio negativa potuerit hic sufficere. Nam cum Deus nobis colendus sit non *negativè* tantum, abstinendo à falso cultu, sed & *positivè*, verum cultum ab ipso præscriptum illi exhibendo, nec cultus debeat tantum

*internus*



DISPUT. *internus esse, sed & externus, ut cum glorificemus & animo & corpore*

IV.

1. Cor. 6. 20.

1. Cor. 6. 20. ut utriusque & Creator & Redemptor est, quis non videt impossibile nobis fuisse hoc defungi officio in Ecclesiæ Romanæ communionem manentibus? maximè ex quo Romana Ecclesia sub anathematis pœna, non vult modò credi quod docet, sed & præstari quæ jubet. Fateor olim Patrum nostrorum temporibus ante Reformationem, quosdam primâ illa secessione contentos fuisse; tum quia nondum cogebantur sub Anathematis pœna subscribere omnibus erroribus Papalibus, tum quia nulla dum patebat ad egrediendum via. Sed postquam erectum fuit vexillum Evangelii variis in locis, & populus ad libertatem vocatus, postquam patuit latissima ad exeundum porta, & Roma ipsa toties de Reformatione interpellata, non modò errores & abominationes suas non abjecit, sed auxit, & jugum tyrannidis non uno modo aggravavit, ferro flammaque in nos saeviendo: Nonne ingratisissimi fuissetis mortalium, nisi hoc Dei beneficium nobis oblatum amplexi fuissetis, & Romam nos fugantem Anathematismis, Excommunicationibus, & persecutionibus suis fugissemus, ut Deum alibi possemus purè ut jubet colere, & sic salutem nostram prospicere?

XIV. Atque ex his, aut è diverticulo redeamus in viam, nisi fallor, facile colligitur necessariam fuisse Secessionem nostram, & vanum esse & impossibilem, qui urgetur à variis cum Pontificiis Syncretismum, nec alium finem habere, qualiscunque obtendatur prætextus; quàm ut Nos antiquo servitutis jugo subjiciat, & Romæ mancipia reddat. Nam cum pertendamus errores, quos Ecclesia Romana fovet quamplurimos, non esse leves & minoris momenti, circa quos potest tolerantia inter dissentientes locum habere Philip. 3. 15. sed gravissimos & capitales, qui fundamentum ipsum Veritatis & Salutis petunt, nemo non videt necessariò nobis ab ea secedendum fuisse, si salutem nostram prospectum vellemus, ex præ-

2. Cor. 6. 17. scripto Apostoli 2. Cor. 6. 17. *Exite è medio ipsorum & separate vos, immundum ne attingite, & ego recipiam vos*, & ex mandato Dei Apocal. 18. 4. *Exi Babylone, popule mi*: Et reditum ad eam non modò difficilem, sed & planè impossibilem esse, nisi ipsa, abjectis erroribus, & superstitionibus impuris, quibus à puriori doctrina defecit, in gratiam cum Christo redeat, & Religionem Christianam pristino Apostolicorum temporum nitore restituat.

XV. Hoc autem non sine ratione à Nobis asserti, & jam antè in Disputationibus præcedentibus luculenter demonstravimus, & ulteriùs adhuc demonstraturi sumus. Cum enim ad tria potissimum Capita corruptelæ omnes Ecclesiæ Romanæ referri possint, *Hæresim* in doctrina, *Idololatriam* in cultu, & *Tyrannidem* in regimine: De hæresibus diximus jam Disputatione primâ. De Idololatriâ etiam in sequentibus verba facere cœpimus. Verùm quia tanti momenti res est,



est, ut vel ex hoc uno articulo, licet in cæteris omnibus consensus esset, Sessionis nostræ necessitas, & Syncretismi ἀδυναμία penderet, paulò fusiùs de eo dicendum, ut constet verissimè idololatriam à nobis ipsis impingi, & quicquid comminiscantur ad diluendum hoc crimen, non possit eos purgare.

XVI. Cùm verò duplex Idololatria distinguatur vulgò, alia respectu *Objecti*, quum aliud quid præter Deum colitur; Alia respectu *Modi*, quum verus Deus quidem, sed alio, quàm quo præscribit modo, colitur. De primâ jam diximus, & demonstratum dedimus, Ecclesiam Romanam respectu cultûs quem defert Angelis, Sanctis demortuis, Pontifici pani Eucharistico, & Cruci, non posse ab idololatria liberari. Nunc ad aliud Caput deveniendum, quod εἰκονολατρείαν spectat, ex quo constare poterit hæc etiam ratione ream meritò à nobis peragi. Ne verò queri possint, quicquam à nobis ipsis impingi præter ipsorum mentem, ostendemus, Primò nihil à nobis falso ipsis affingi, & imponi, quod monumentis authenticis & ipsâ praxi apud ipsos receptâ liquidò non constet. Deinde vanitatem demonstrabimus subterfugiorum, & subtilium distinctionum, quas propudio suo velando vel excusando obtinent.

XVII. In Ecclesia Romana vigere εἰκονολατρείαν, quicquid privati quidam Doctores protestentur, ut turpitudinem hanc à se amoliantur, vel subdolè dissimulent, multa probant. Primò Concilii II. Nicæni inter Oecumenica à Pontificiis relati, sanctio: quod ab Irene Leonis IV. viduâ, & Constantino ejus filio, adversus Synodum Constantinopolitanam anno 754. sub Constantino antea congregatam, in qua Imaginum cultus damnatus fuerat; primò Constantinopoli indictum, mox Nicæam translatum fuit; In quo decretum, referente Zonara, τὰς σεπτὰς εἰκόνας προσκυνεῖσθαι καὶ σέβασθαι venerabiles imagines adorandas & colendas esse. Sic scilicet ambitiosissima fœmina Imaginum cultrix, promovendæ idololatriæ, simul & asserendo sibi imperio ex devinctis sibi idololatriis, non aliud medium aptius invenit, quàm indicationem Synodi, in quâ ut faciliùs voti compos fieret, *Tarasium* Laicum Secretarium sibi addictissimum & magnum Iconolatram, in locum *Pauli* Patriarchæ insignis Præfulis Iconomachi, substituit. Fateor huic Pseudosynodo masculè se opposuisse *Carolus Magnus* in Occidente, tum in *Capitulari* suo, quod triennio post quatuor libris adornavit, ubi nervosè & solidè refellit quæcunque à Nicænis Patribus ad Cultum Imaginum adducta erant. Quod tantopere urit Adversarios, ut ausi sint illud in crimen falsi accersere, tanquam scriptum aliquod ὑπεβόλιμαιον ab aliquo Nostratium obtrusum; Verum impudentem calumniam Viri docti jam diu detexerunt, indicato simul & evictò editore Pontificio *Johanne Tilleto Episcopo Meldensi*. Tum etiam in Concilio Francof. 300. Episcoporum, quod congregavit an. 794. in



DISPUT.  
IV.

quo Patres Synodi Nicænæ quoad cultum Imaginum expresse damnant, & solius Dei adorationem sanciant: Quod confirmatum fuit in Synodo Parisiensi sub Ludovico Pio Caroli M. filio, anno 825. cui assensum præbuerunt *Jonas Aurelianensis Episcopus, Agobardus, Walafridus Strabo, Hincmarus Rhemensis Episcopus*, alique plures. Sed hæc omnia non obstiterunt, quo minus Ecclesia Romana Synodum Pseudo-Nicænam receperit, & Concilium Tridentinum postea eam approbaverit & confirmaverit.

XVIII. II. *Concilium Constantinopolitanum IV.* anno 869. quod censetur à Romanis Occum. VIII. In quo Adrianus II. cultum Imaginum curavit denuò approbari, & restitui. Memoranda imprimis sunt, quæ Canone III. extant verba, *Sacram Imaginem Domini nostri Jesu Christi adorari decrevimus æquo honore cum libro sanctorum Evangeliorum.* Paulò post imprecatio concipitur in eum, qui non adorat imaginem Christi, *Qui non adorat Imaginem Christi Salvatoris, non videat faciem Christi in secundo ejus adventu,* & ibidem, *Veneramur & adoramus Imaginem Matris ipsius impolluta, & S. Angelorum & omnium Sanctorum, qui aliter sanciant, sint Anathema.* III. *Concilium Tridentinum*, quamvis enim instar Apollinis λόγις, hîc, ut alibi ambiguus & obliquus studuerit in hoc articulo verbis, ut utramque dissentientium opinionem, tam eorum qui tantum relativum cultum urgebant, quàm eorum, qui adorationem obiectivam ad Imagines ipsas directam tuebantur. Canon tamen, quem de honore, & veneratione Imaginum Sessio. XXV. edidit, exerte ut jam dixi, confirmando Concilium Nicænum II. cujus Decretum profitetur se amplecti, satis testatur non aliam fuisse ipsi sententiam, *Imagines Christi, Deiparæ Virginis, & aliorum Sanctorum in Templis præsertim habendas, & retinendas, eisque debitum honorem, & venerationem impertiendam, non quòd credatur inesse aliqua in iis divinitas, &c. Sed quoniam honos qui eis exhibetur refertur ad prototypa quæ illa representant, ut per imagines quas osculamur, & coram quibus caput aperimus Christum adoremus, & Sanctos quorum illa similitudinem gerunt veneremur; Id quod Conciliorum, præsertim verò secunda Nicænæ Synodæ Decretis contra oppugnatores Imaginum est sancitum.* IV. *Thomas*, qui cultum latriæ ligno Crucis deberi ex celebri hymno, qui Sabbatho ante Dominicam passionis cantillatur, probat p. 3. q. 25. art. 4. quod confirmatur ex *Breviariis & Missalibus*, quæ hunc cultum passim præscribunt: Ubi non omittendum quod in magno die Veneris præstari solet, quod infamen hanc εικονολατρίαν clarissimè demonstrat; Dum Sacerdos Crucem velatam è manu Diaconi accipiens, eandemque paulatim detegens, sic effatur: *Eccelignum Crucis, & choro accinente & respondente, Venite adoremus, confestim quotquot ibi adsunt in genua prosternuntur, donec planè denudata & ad*  
locum



locum certum prope altare delata, Sacerdos cum reliquâ turbâ populi, *fle-*  
*xis genibus, trina vice adorant Crucem,* ut loquitur Missale. Memorabi-  
 lis est consecratio Imaginis B. Virginis in Cæremoniali Rom. ita sonans.  
*Sanctifica Deus hanc formulam B. Virginis, ut tuis fidelibus salutaris auxilii*  
*opem ferat, tonitrua aut fulmina, si invaluerint nocentia, celerius expellan-*  
*tur, pluviarum quoque inundatio, aut civilium bellorum commotio, seu Pa-*  
*ganorum devastatio, ad præsentiam ejus comprimantur:* Eadem est ratio  
 consecrationis Agni Dei, quæ ibidem legitur, *Sicut Agnus innocens J.*  
*Christus in ara crucis immolatus protoplastum nostrum de diabolica potestate*  
*eripuit:* Sic isti Agni immaculati virtutem istam accipiant, quos consecran-  
 dos offerimus in conspectu divinae Majestatis. Tu eis benedicere, sanctificare  
 & consecrare digneris, ut tuâ largâ benedictione sanctificati eandem virtutem  
 accipiant, contra omnes diabolicas versutias, & fraudes maligni Spiritûs,  
 ut illas devotè super se ferentibus nulla tempestas eisdem pravealeat, nulla ad-  
 versitas dominetur, nulla aëris pestilens, nulla aëris corruptio, nullus mor-  
 bus caducus, nulla maris procella, nullum incendium, neque ulla iniquitas  
 dominantur iis &c. Nec obscurum est, vulgò tanquam præsentissimum  
 adversus varia mala remedium eos gestari.

XIX. Quamvis verò multiplex sit dissensus inter Doctores de modo ado-  
 rationis, & cultûs Imaginum, & Babelis istius mysticæ operarii diversis  
 magis linguis loquantur, quàm priscæ Babelis ædificatores; Quorum  
 dissidia nostrum non est nunc referre vel expendere, dum alii volunt  
 Imagines adorari per se & propriè, ut terminent ipsam adorationem;  
 Alii tantùm analogicè & reductivè ob exemplar & prototypum; Alii ado-  
 rari cultu diverso, & inferiori à cultu Prototypi, Alii eodem, ut Trini-  
 tatis quidem Imagines latrâ, Sanctorum duliâ, B. Virginis hyperduliâ  
 colantur, quæ receptissima est apud Adversarios sententia, pro quâ *Bel-*  
*larminus* lib. 2. c. 20. citat totam ferè Scholasticorum familiam, *Ale-*  
*xandrum, Thomam, Cajetanum, Bonaventuram, Marsilium, Al-*  
*maynum, Carthusianum, Capreolum,* & alios plures; Certum est tamen  
 in eo omnes convenire, quòd adorandæ sint Imagines: Et hoc ipsum, si  
 nihil aliud evinceret, quotidiana praxis apud ipsos recepta satis comproba-  
 ret. Quis enim nescit cultum & venerationem, quæ illis passim exhibetur?  
 Dum populus coram Imaginibus procumbit adorabundus; Dum easdem  
 osculatur, illi thura adolet, & Tempia erigit, illas solemni & religiosâ  
 Processionum pompâ circumferre solet, & coram iis circumlatis, in genua  
 subidere.

XX. Ad hunc Errorem jugulandum possent afferri omnia illa  
 Scripturæ loca, quæ in Religionis negotio vetant Imagines non  
 modo adorare, sed & facere & habere. Sed sola Dei Lex nobis est  
 instar



DISPUT. instar omnium, quæ disertissimè loquitur Præcepto secundo Exod. 20. 4.  
 IV. *Non facies tibi sculptile, neque ullam similitudinem eorum quæ sunt in Cælo*  
 Exod. 20. 4. *desuper, & quæ in terra deorsum, & quæ in aquis sub terra, non adorabis*  
*ea, neque coles,* cui respondent verba Levit. 26. 1. *Non facietis vobis Ido-*  
*lum neque sculptile, neque vobis erigetis Statuam, vel lapidem figuratum*  
*in terra vestrà, ut prosternatis vos ante eum.* Ubi clarum est summum Le-  
 gislatorem, qui in primo mandato *Cultus objectum* fanciverat, ut nullus  
 præter Deum solum adoraretur; in hoc *modum Cultus* ipsius præscribere,  
 ne scilicet colatur in imagine vel similitudine ulla, ideoque duo vetat, ima-  
 gines facere, & factas colere vel adorare: Quia verò sub variis imaginibus  
 solebant Gentiles Numen repræsentare, modò rerum terrenarum, modò  
 etiam aquatilium, omnes quæcunque tandem illæ sint prohibet, ne quis  
 putet unam magis quàm alteram Deo convenire. Quàm malè habeat  
 Pontificios istud mandatum, vel ex hoc uno colligi potest, quod com-  
 modiozem non putârint viam elabendi dari posse, quàm si totum sacrilegâ  
 audaciâ expungerent, tertium loco secundi reponentes, & decimum de  
 concupiscentia in duo perperam dispelcentes, ut factum in Breviariis, Offi-  
 ciis, horisque precatoriis, quæ populi manibus teruntur, in quibus Legis  
 hæc verba non leguntur, quod utique nunquam ausi fuissent, nisi præceptum  
 hoc sibi vehementer adversari cognovissent.

XXI. Quia verò non possunt verba ipsa è Lege delere, varia captare so-  
 lent effugia, quibus teli istius vim quacunque ratione declinare conantur.  
 Primò non pauci facilè se expedire posse putant, negando ullum à se cul-  
 tum Imaginibus deferri, neque in Templis, vel uspiam alibi proponi ad  
 cultum, sed ad historiam tantùm & monumentum rerum præteritarum,  
 adeoque non adorari ipsam imaginem, sed tantùm coram imagine co-  
 lendum esse ipsum exemplar, quò pertinet Distichum relatum Sabel-  
 lico:

*Nam Deus est quod imago docet, sed non Deus ipsa,  
 Hanc videas, sed mente colas quod cernis in ipsa.*

Hanc fuisse sententiam Gregorii Magni patet ex epistola ad Serenum Mas-  
 siliensem Episcopum, qui Imagines in Ecclesia confregerat, cò quòd  
 quosdam eas adorare conspexisset, ubi laudat eum quòd cultum damnaverit,  
 sed reprehendit quòd Imagines fregerit, l. 9. ep. 9. *Quòd ea adorari vetuisses*  
*omnino laudavimus, fregisse vero reprehendimus, aliud est picturam adora-*  
*re, aliud per picturæ historiam, quid sit adorandum addiscere.* Eadem fuit  
 mens Durandi in 3. sent. distin. 9. q. 2. Gersonis, Holchoti & aliorum:  
 Sic moderatiores ex Pontificiis negant à se coli, & adorari Imagines,  
 sed



sed tantum exemplar quod repræsentant. Crediderim ego erubescere eorum Doctores apud Discipulos, nec audere profiteri id quod in Scriptis non verentur asserere; & hoc *Bellarmin.* non obscure insinuat, quum agnoscit posse imagines adorari cultu latriæ, modò sit cultus latriæ per accidens, & improprius; Sed idem in modo loquendi non vult efferri in vulgus & in concione ad populum lib. 2. c. 22. Nempe sic loqui amant quos pudet suæ sententiæ: At vir bonus nunquam abscondet mentem suam, vel erubescet vera loqui, maximè quum agitur de informandis fidelibus, in iis, quæ ad cultum Dei pertinent, alias nefas esset dicere quod facere tamen licebit. Verum ut mittamus nunc quod ista sententia de Imaginibus retinendis habet saltem ad usum historicum, non modò sine Dei Verbo, sed & contra ipsum Legis præceptum, Contra praxim Veteris Ecclesiæ, ut fusè docet *Cassander* Consul. art. 21. Contra Antiquorum Conciliorum decreta, *Elibertini* nominatim Can. 36. *Placuit picturas in Ecclesia esse non debere, ne quod colitur, aut adoratur, in parietibus depingatur*: Certum est, utut placeat nonnullis apud Pontificios, non esse tamen communem & receptam in Eccl. Romanâ, quod non modo patet ex Bellarmino & aliis Scholasticis, qui eam constanter rejiciunt, tanquam temerariam & hæreticam, adeò ut Baronius insaniisse eos dicat qui sic censuerunt. ad a. 794. & Sirmundus to. 2. Conci. Galli. vocethanc *hæresim Gallorum*. Sed præcipuè ex Canone Concilii Tridentini suprâ citato, qui cultum Imaginum expressè sancit. Ne jam de praxi loquar; quam nemo, nisi cui periit frons, potest asserere esse immunem ab Imaginum cultu.

XXII. Missâ ergo hac Exceptione, quam falso niti fundamento oculatiores satis cernunt, ad secundam pergimus, quæ ab aliis obtenditur. *Præceptum* scilicet de Imaginibus non colendis esse *positivum*, non *naturale*, Legem quippe positam esse ad tempus Judæis ad idololatriam promissis, quibus Deus ansam Idololatriæ Gentium, cum quibus habitabant, mittendæ amputare volebat, non item nobis Christianis. Sic *Vasquezius*, *Lorinus*, & post eos *Hugo Grotius* papizans. Sed hoc est desperatæ causæ argumentum, cui opponimus; Primò communem inter Primarios Doctores Pontificios sententiam, quâ statuunt omnia præcepta Decalogi esse juris moralis perpetui & indispensabilis. Secundo, si esset præceptum merè positivum, ostendi deberet illud abrogatum fuisse sub Novo Testamento; Sed tantum abest ut illius mutationis vel tenuissimum extet vestigium, ut multa occurrant quæ illius perpetuitatem probent, quando non semel ab Apostolis repetitum est, & Ecclesiis Gentilium datum Act. 15. 20. 1 Cor. 10. 7. 1. Joan. 5. 20. & alibi sapius. Tertiò, tantum abest ut Judæos solos ex illa obligasse censenda sit, ut ex Paganis prudentissimi quique facti sint cultum,



DISPUT. cultum, qui Numini per Imagines exhibetur, minùs castum esse, & pri-  
 IV. mos, qui simulachra Deo posuerunt, Civitatibus suis & metum demisse, &  
 errorem addidisse, ut habet Varro apud Augustin. lib. 4. de Civit. Dei cap.  
 31. Sic Romæ olim Tempia simulachris caruisse per annos 170. Varro  
 ibidem docet, & apud Clementem Alexandr. in Protreptico videre est, Ly-  
 curgum Spartiatis prohibuisse imagines notat Alexan. ab Alexan. lib. 2.  
 cap. 22. & Persas ac Lydios imaginibus caruisse observat Origenes lib. 8.  
 contra Celsum; Unde Gentiles redarguit Paulus, qui Imaginibus ute-  
 bantur contra τὸ γνωστὸν τῷ θεῷ Rom. 1. Act. 14. & 17. Cum ergo præ-  
 ceptum hoc lumine naturæ notum sit, ex coliquet non esse Cæremoniale,  
 sed Morale. Quartò denique, ratio addita ipsi præcepto hoc evincit, cum  
 enim sit moralis & perpetua, petita à Majestate immensa & invisibili  
 Dei Deuter. 4. 16. Isa. 40. 18. Act. 17. 29. Cui talis cultus nequaquam  
 convenit Joan. 4. 24. Rom. 1. 23. Et ipsum morale debet esse & per-  
 petuum, quod non minùs Christianos quàm Judæos spectat. Imò tantò  
 propiùs illos, quò purior & magis abstractus à rebus corporeis & sensi-  
 bilibus debet esse sub Evangelio cultus noster, & remotior ab Ethni-  
 corum ritibus, ne idololatriam paganam per Evangelium profligatam per  
 posticum revocare videamur. Non est dubium, inquit Lact. lib. 2. cap. 18.  
 quin Religio nulla sit, ubicunque simulachrum est.

XXIII. III. Exceptio communior est Legem prohibuisse Idola,  
 sed non Imagines. Idola esse rerum non existentium, qualia erant sola  
 Gentium Numina; Imagines verò rerum existentium, sic Bellarminus  
 & Vasquez. &c. Sed inutilissima tamen est, licèt à plerisque vulgò afferatur,  
 responsio. Nam quod obtruditur discrimen inter Idolum & Imaginem  
 vanum est & fictitium, sive nomenclatio rei, sive natura & usus attenda-  
 tur. Et ad nomenclationem quidem quod attinet, nec apud Hebræos,  
 nec apud Græcos, nec apud Latinos discrimen tale occurrit? Nam vo-  
 ces לִפְסֵי חַמֶּסֶת quæ occurrunt in hoc mandato, promiscuè de quavis effigie  
 sculpta, vel Imagine seu similitudine usurpantur, Chaldæ. reddit per חַמֶּסֶת  
 & חַמֶּסֶת quod non potest aliter verti quàm per Imaginem & Similitudi-  
 nem. LXX. modo vertunt לִפְסֵי per εἰδωλον ut hic, modo per γλυπτὸν  
 ut Lev. 16. & Deut. 5. 8. per γλυπτὸν εἰκόνισμα Deut. 4. 16. modò etiam  
 per εἰκόνα, ita Isa. 40. 18. & 20. μὴ εἰκόνα ἐποίησε τέκτων. Josephus An-  
 tiquit. lib. 3. c. 4. ὁ δευτέρος κελεύει μὴ εἰκόνα ζωῆς ποιεῖν τὰς προσκυνοῦν,  
 imò etsi daremus לִפְסֵי per εἰδωλον contradistinctè ad imaginem posse verti;  
 At vox חַמֶּסֶת generaliter omnem Imaginem, & Similitudinem damnaret.  
 Græcis εἰδωλον & εἰκὼν pro eodem sumuntur Gloss. εἰκὼν εἰδωλον, sic Diod.  
 lib. 16. Philippi εἰδωλον, vocat ejus Statuam, Plutarchus in Antonio  
 Cleopatra Idolum vocat, & Idolum Alexandri apud Ælium lib.  
 12. cap.



12. cap. 64. Lucia. dialog. Diogenis & Herculis : *ἰγὼ δὲ ἰδῶλον εἰμι αὐτῷ* quod repetit postea per *εἰκόνα* : Sic Patres Græci τὰ εἰδῶλα & τὰς εἰκόνας de Simulachris Gentilium, quæ ad idololatriam prostabant, indifferenter usurparunt : Latini verò *Idola* & *Imagines* promiscuè ponunt, Cicero lib. 1. de finib. *Imaginem* & *Idolum* eo tantum vult differre, quod alterum Græcum, alterum Latinum sit, *Atomi*, *Inane*, *Imagines*, quæ *Idola* nominant : Ita si originationis vocum attendatur, nullum potest inde exculpi tale discrimen.

XXIV. Sed non melius id potest elici ex rei naturâ & usu ; Quamvis enim fatendum sit plerumque Imaginem latius patere Idolô, & in bonam partem non rarò sumi, ita ut omne quidem Idolum sit Imago ; Sed non omnis Imago vicissim Idolum, nisi quum illi aliqua Divinitatis relatio accedit, sive quoad repræsentationem, sive quoad cultum : Tamen certum est nusquam ita inter se distingui, quasi *Idolum* sit tantum τῶν ἐκ ὑφετηκότων seu non existentium, *Imago* verò τῶν ὑφετηκότων rerum existentium. Primò quia non modò Imagines, sed res quælibet creatæ Idola fiunt, quando religiosus cultus illis exhibetur : Sic Imago Serpentis ænei, quæ Christum repræsentabat, facta est Idolum quando Judæi illi incensum adolebant. Sic Statua Nebucadnezaris Idolum fuit, licet esset rei veræ, quando posita est ad adorationem. Secundò pleraque Gentium Idola non rerum falsarum, sed verè existentium Imagines fuerunt, vel Astro- rum, vel Hominum. Tertiò Deus in secundo præcepto damnat non tantum Imagines rerum falsarum, sed etiam rerum omnium existentium sive in cælo, sive in terra, sive in aquis, unde expressè dicit rerum quæ sunt in Cæ- lis, non verò quæ non sunt, ut dicendum erat ex mente Adversario- rum. Quartò Scriptura *Idola* vocat *Imagines* in eum finem effictas, ut verus Deus per eas repræsentaretur & coleretur, patet clarissimè, Pri- mò ex *Vitulo Aureo* qui *Idolum* vocatur Act. 7. 41. & ejus Cultores Act. 7. 41. Idololatræ ; Quia tamen factus est ad veri Dei repræsentationem, unde Aaron Exod. 32. 5. vocat ejus festum, *Jehovæ*, *Cras erit festum Jeho- Exod. 32. 5.* væ, & dicitur *Deus qui eduxit ipsos ex Ægypto* 1. 4. Quis vero cre- dat tam vecordes fuisse, ut putârent Vitulum ex inauribus suis recens con- flatum post exitum ex Ægypto, ipsos ex Ægypto eduxisse ? Secundò *I- dolum* Micæ Jud. 17. 5. erat Imago veri Dei, quia dicit se consecrâsse Jud. 17. 5. hoc argentum *Jehovæ*, sperat *Jehovam* sibi benefacturum quod sit ipsi Levitæ pro Sacerdote 1. 12. 13. Tertiò *Vituli Jeroboami* 1. Reg. 12. 28. 1. Reg. 12. non ad falsos Deos, sed verum Deum Israëlitis repræsentandum destina- 28. bantur ; Nec enim in animo habuit abstrahere à vero Dei cultu popu- lum, sed tantum à loco cultûs, ne Hierosolymam ascenderet Populus ad Templum Dei, ubi erat Arca, atque ita ad Regem Judæ reversus à se



DISPUT.  
IV.

à se deficeret: Atque hoc inter idololatriam Achabi, & Jeroboami cæterorumque Regum Israëlîs discrimen intercessit, quod ille contra primum præceptum, quod est de objecto cultûs divini, alienum Deum, Baalem scilicet colendum proposuit, Jeroboam verò & alii contra secundum præceptum, quod est de modo cultûs, Jehovah Deum verum per Imagines coluerint, Ille abstraxit à *veri Dei cultu*, alii vero à *vero cultu* Dei; Unde dicitur fecisse Achab quod malum videbatur in oculis Jehovah, plusquam omnes qui fuerant ante ipsum; Nam cum leve ei visum esset ambulare in peccatis Jeroboami, Baalem Sidoniorum Deum tum ipse coluit, tum aliis colendum proposuit 2. Reg. 16. 27. Ex quibus constat manifestè, Idolum non de re falsa tantum, sed de re vera etiam dici.

2. Reg. 16.  
27.

1. Cor. 8. 4.

XXV. Nec obstat quod Apost. 1. Cor. 8. 4. *Idolum dicit nihil esse in mundo*, Hoc enim non absolute & simpliciter debet intelligi *subjectivè* ratione *existentia* vel *objectivè* ratione *representationis*, quod vel non sit res quædam subsistens, vel rem falsam repræsentet: Nam plerique Gentium Dii homines erant, vel aliæ creaturæ. Sed *nihil* ratione *efficacie*, quod nihil habeat Divinitatis, nihil virtutis ad faciendum aliquid boni, vel mali, atque adeo nihil efficacie ad sanctificandos vel polluendos homines, quod videtur potissimum Paulus respicere; Eodem sensu 1. Cor. 7. 19. *Circumcisio nihil esse dicitur*, id est nullam habere virtutem ad salutem, ut exponitur Gal. 5. 6. Ita quum in Veteri Testamento Idola Gentium dicuntur אֱלִילִים vel אֱנִים id est *vanitates*, hoc intelligendum tantum respectu naturæ & virtutis divinæ, quâ fallunt expectationem suorum Cultorum, nec quicquam illis prodesse possunt.

1. Cor. 7. 19.

XXVI. IV. Exceptio est Bellar. & aliorum, qui pertendunt prohiberi *Imagines*, non qualvis, sed tantum *quæ habeantur pro Diis*, se autem *Imagines* nec pro Diis habere, nec pro Diis colere. Sed quocunque modo crimen suum dissimulare conentur, excusare non possunt tamen. Primo verba Legis non possunt pati hoc glossema, Lex enim prohibet imagines colere, & se coram illis incurvare. At aliquid colere, & coram eo se prosternere, non est statim illud habere pro Deo; nam & Pontificii Sanctos & Angelos colunt, coram illis procumbunt, nec tamen eos volunt habere pro Diis. 2. Si valeret exceptio de non *colendis Imaginibus pro Diis*, ageretur hîc tantum de *objecto* cultûs, & sic confunderetur præceptum primum cum secundo, cum tamen certum sit ea inter se differre, quod in primo agatur de objecto cultûs, seu de non colendis Diis alienis, in secundo vero de ejus modo, id est de non colendo vero Deo in Imagine vel per Imaginem. 3. Si hoc admittitur, pluri mi Idololatræ facilè excusari possent; Nec Idololatræ fuissent Israëlîtæ in Vitulo Aureo, quem non putabant Deum esse, sed ejus tantum simulachrum; Nec Jeroboam Vitulos confluendo in Dan, & Bethel; Nec cultores



tores Serpentis ænei, quem non habebant pro Deo, licet incensum ei adolerent; Nec Christiani ipsi dicendi fuissent Idololatæ, qui coacti Idolis vel sacrificabant vel adolebant, licet Idola pro Diis non haberent. Nec Ethnicis ipsis, si non omnibus, saltè plurimis hoc crimen impingi posset, qui sæpe profitentur se non habere Idola sua pro Diis, Celsus apud Origen. lib. 7. p. 384. τίς γὰρ ἄλλος οὐκ ἔστιν πάντα νῦν καὶ ταῦτα ἡγεῖται θεοίς, quis nisi plane infans hæc scil. Simulachra putat esse Deos? Arnob. lib. 6. Ethnicos loquentes inducit, Erras & laboris, nam neque nos era neque auri argentique materias esse per se Deos, & religiosa censemus Numina, sed Deos ex his colimus. Eodem modo loquuntur Ethnici apud Lactantium lib. 2. c. 2. *Qua amentia est aut ea fingere, quæ ipsi postmodum timeant, aut timere quæ finxerunt.* Non ipsa, inquiunt Ethnici, *timemus, sed eos ad quorum imaginem ficta, & quorum nominibus consecrata sunt.* August. in Ps. 113. hoc Ethnorum commentum refert & refellit, *videntur, inquit, sibi purgationis esse religionis, qui dicunt nec Simulachrum, nec Damonia colo, sed per effigiem corporalem ejus rei signum intueor, quam colere debeo.* Item, *non hoc visibile colo, sed Numen quod illic invisibiliter habitat.* Qui ipsissimus est Pontificiorum sermo: An minùs tamen propterea Idololatæ censendi sunt Ethnici? Ita licet Pontificii imagines non pro Diis colerent, non haberent tamen, quo sese ab Idololatriæ crimine purgarent.

XXVII. Nec melius possunt elabi per quintam Exceptionem, quæ distinguit *Cultum absolutum, & relativum seu respectivum*, Idololatræ esse, qui Imaginibus *cultum* deferunt *absolutum* & propter se; non verò qui *respectivum* tantum & propter aliud scilicet prototypum. Nam primò falsò supponunt, se cultum relativum tantum Imaginibus tribuere, cum contraria sententia vulgò recepta sit, Imagines scilicet Christi & Sanctorum venerandas esse, non solum per accidens vel improprie, sed etiam per se & proprie, ita ut ipsæ terminent venerationem, ut in se considerantur, & non solum ut vicem gerunt exemplaris, ut Bellarm. fusè docet lib. 2. de Imag. cap. 20. & 22. & probat ex Concilio Nicæno. Secundò, jam visum Idololatræ veteres tam Gentiles quàm Israëlitas reos peragi non ob cultum tantum absolutum, sed etiam propter relativum & analogicum, nec Simulachra fuisse illis proprium adorationis objectum, sed Deum quem in Simulachris colere se profitebantur, ut demonstratum fuit tum in idololatria vituli aurei, tum Vitulorum Jeroboami, & plerorumque apud Ethnicos. Tertiò distinctiones illæ inanes ad deludendam plebem excogitatæ, sunt folia ficulnea, quæ pudenda Romæ tegere nequeunt, imò captum non modò miseri & rudis vulgi, sed & doctiorum superant, quod ingenuè confiteretur Bellarminus respectu distinctionis latriæ *absolutæ*



DISPUT.  
IV.

*luta & relativa*, dum ait, *qui defendunt Imagines adorari latrâ, coguntur uti subtilissimis distinctionibus, quas vix ipsimet intelligunt, nedum populus imperitus*, lib. 2. cap. 22. Et sanè quotusquisque tales distinctiones in ipsa praxi observare potest, ut partiatur suam mentis intentionem, & quidem absolutum & proprium tribuat prototypo, relativum autem tantum improprium & analogicum Imagini, huic cultum latrâ, illi cultum dulâ, alteri cultum hyperdulâ? Quis contrâ non videt, Pontificios coram Imagine prostratos eundem cultum illi exhibere, quem prototypo redderent? Nec aliter intelligunt, qui cum *Thoma* Imagines eodem cultu cum prototypo colendas censent, quam fuisse Concilii Tridentini mentem, *Andradius*, *Naclantus*, *Soto*, qui & ipsi pars Concilii fuerunt, testantur.

XXVIII. Cùm ergo liqueat vana esse & falsa quæcunque captant effugia, ad vim fulminis Legalis declinandam, Quid superest, nisi ut concludamus, Ecclesiam Romanam & quoad dogma & quoad praxim bene à nobis Idololatrâ ream peragi, adeoque Secessionem ab ea ita esse necessariam, ut nemo, salvâ conscientia, vel in ejus communione manere & ejus sacris interesse, vel ad eam redire queat. Quod si locus esset de Patrum & purioris Antiquitatis sententiâ super hoc argumento differendi; Quam proclive esset ostendere Imaginum cultum, vel incognitum fuisse in primis Christianismi seculis, vel apertè damnatum? Nam si hoc apud ipsos receptum fuit, Cur toties perstringunt, & falsè irrident Simulachra & Imagines Gentilium earumque cultum? ut videre est apud *Tertull.* *Apol.* cap. 22. *Minutium Felicem* in *Octavio*, *Lactant.* lib. 2. cap. 2. 14. 17. 18. *Athanasium* contra Gentes, & alios passim. Cur Gentiles hisce Christianorum sarcasmis respondentes, nunquam regerunt ipsis suum Imaginum cultum? Quod non omisissent procul dubio, si tale quid apud ipsos observassent. Cur contrâ, Carentiam Altarium, Templorum & Imaginum illis ut crimen obijciunt? Cur *nullas Aras habent*, inquit *Cæcilius* apud *Minutium Felicem* pag. 6. *Templa nulla, nulla nota Simulachra*; & apud *Orig.* lib. 8. *Celsus* ait nos *Altarium, Templorum, & Statuarum Dedicaciones fugere*, & apud *Arnob.* lib. 6. *Consuevitis crimen nobis maximum impietatis affingere, quod neque AEdes sacras venerationis ad officia construamus, non Deorum alicujus Simulachrum constituamus, &c.* Cur vero Christiani ut se ab illo crimine purgent, nunquam reponunt falso hoc sibi impingi, siquidem & ipsi habeant Altaria & Simulachra. Sed ex adverso respicientes omnem Altarium & Imaginum corporearum usum & cultum, alia sibi Altaria esse, mentes scilicet fidelium, unde *euwêia* ad Deum ascendit, Alias Imagines, virtutes nempe Christianas, sic *Orig.* contra *Celsum* lib. 8. pag. 400. *Pro Aris nobis est mens sua cuique, ex qua sursum ferun-*



tur verè ac spiritualiter suffitus suaveolentes, preces cum purâ conscientia; Simulachra autem Deo dicanda sunt, non fabrorum opera, sed à Verbo Dei dedolata formataque in nobis, videlicet vir. utes ad imitationem Primogeniti totius creature, &c. Sic Minutius Felix, *Quòd simulachrum Deo fingam, cum si rectè existimes, sis homo ipse Dei simulachrum, &c.* Cur Patres Hæreticis variis ut Gnosticis & Carpocratianis hunc tanquam errorem crassissimum exprobrant, quod venerarentur Imagines Christi, Apostolorum, Moïsis, &c. Ut *Irenæus* adversus Gnosticos lib. 1. c. 24. *Epiphanius* contra Carpocratianos in Panario lib. 1. Tom. 2. Hæres. 27. Perperam sanè, si & ipsi imagines coluissent.

XXIX. Sed tantum abest ut eas coluerint, quin potius damnârunt expressè, ut colligere licet ex ipsorum Scriptis; loca referre non patitur The- lium brevitatis, sed consuli possunt *Origenes* contra Celsum lib. 3. pag. 135. & 139. & lib. 7. pag. 333. 386. 387. *Arnob.* contra Gentes lib. 6. pag. 671. *Lactan.* lib. 2. c. 18. 19. *Epipha.* in Epist. ad Joh. Hierosolym. quam Hiero. Latinitate donavit tom. 2. pag. 161. *August.* Epist. 119. ad Janu. c. 11. de fide & Symbolo C. 7. in Psal. 113. conc. 2. de Consensu Evangelist. lib. 1. cap. 10. de Civ. Dei lib. 4. cap. 31. Quibus addi possunt *Concilia* varia, ut *Elibertinum* in Hispania, quod juxta Baronium incidit in annum 305. quod expressè Imaginum Usus & Cultum prohibet Can. 36. de quo antea Th. XXI. *Constantinopolitanum* 338. Episcoporum sub Constantino Copronymo & Leone, anno 757. Ubi decretum, juxta secundum divinæ Legis præceptum, nec faciendas esse Imagines, scilicet ad Cultum religionis, nec adorandas, aut si adorationi prostitute fuerint, demoliendas esse & confringendas; *Francofurtense* & *Parisiense* de quibus suprâ. *Decreta* quin etiam varia ab Imperatoribus & Principibus adversus Imaginum cultum facta, imprimis à Valente & Theodosio, aliisque qui pium ipsorum zelum sequuti sunt, reclamantibus licet Rom. Pontificibus acerrimis Imaginum Patronis: Quot vero quantæque ab 8. seculo rixæ super Imaginum erectione & cultu excitatæ fuerint inter Iconoclastas, & Iconolatrias, tum in Oriente, tum in Occidente, fusè referunt *Plessæus* in Historia Papat. *Chamierus*, *Forbesius* *Instruct. Hist. Theol.* *Chemnicus*, *Molinaus*, *Dallæus*, & novissimè *Spanhemius*, qui hoc argumentum plenissimè est executus in *historia Imaginum restitutâ*, paucis à mensibus editâ.

XXX. Cum ergo ex dictis pateat Imaginum cultum, non modo in Scriptura, vel puriori Antiquitate locum nullum habuisse, sed & expressè damnari tanquam Idololatricum: Non posse fidelem illi adherere sine certissimo salutis discrimine, adeoque vel solam hanc rationem Seccessionis necessitatem nobis imposuisse, proclive est colligere. Nec movere Nos debent quæ à Pontificiis hîc



DISPUT.  
IV.

in subsidium laborantis causæ afferuntur, quæ nullam vim habent ad Erroris confirmationem: Non *Imagines Cherubinorum* ad Arcam positæ; nam præterquàm quòd remotæ erant à populi conspectu, adeoque non ad cultum, sed ad ornatum & symbolum tantùm positæ; Non fuerunt *Imagines personales*, alicujus suppositi repræsentativæ, sed *figura Symbolica, & Emblematica* officii & usûs Objecti quod adumbrabant. Non *Adoratio*, quæ fiebat ad Arcam: Quia nec Arca Imago fuit, sed symbolum tantùm Dei præsentis, Nec coram Arca procumbebat populus, quasi ipsa per se esset veneratione digna, sed coram Deo quem præsentem adesse Arca illa testabatur; Nec Psal. 99. 5. dicitur adorandum scabellum pedum Dei, sed *ad scabellum*, ut notetur *locus cultûs*, non verò *objectum*: Non *Visiones Dei* variæ sub specie corporea, & *locutiones Anthropopathica* quæ in Scriptura occurrunt. Quia aliud est metaphoricè de Deo loqui ad captûs nostri modulum; Aliud verò speciem ejus visibilem quasi veram & propriam pingere & omnium oculis subjicere. Aliud essentiam ipsam Dei aut Personas propriè repræsentare, Aliud opera & externam gloriam, seu præsentiam aliquo simbolo ad momentum quadantenus adumbrare. Adde quòd Deus potuit in Verbo quibuscunque signis placuit, sui præsentiam designare, sed nefas est contra ejus mandatum expressum eum in simulachro repræsentare, multò minùs colere. Non *Serpens æneus*, qui fuit typus Christi, sed non imago, & qui tantùm abest, ut religiosè coli debuerit, ut contra ipsum jussit comminui Ezechias, licèt Dei jussu formatus fuisset, & multa miracula per ipsum essent præstita, statim atque populus cœpit ei adolere 2. Reg. 14. Nec elevatio ejus Erectionem ad cultum notabat, sed typicam passionis Christi repræsentationem Jo. 3. 14. Non denique *Dei recordatio*, quasi *Imagines sint libri Idiotarum*, qui ipsis in memoriam Deum revocent, eosque officii sui moneant: Nam longè alia mens est Spiritûs Sancti, qui *Lignum vanitatis Doctorem* pronunciat Jer. 10. 3. apud Jeremiam cap. 10. 3. & *conflatile Doctorem mendacii* apud Habac. 2. 18. Alii sunt libri, Aliæ *Imagines* quas sine periculo intueri possumus; *Liber Natura*, in quo expressa sunt virtutum Dei vestigia, ubi quot sunt Creaturæ, tot Doctores, qui nos monent officii nostri. *Liber Scriptura*, in quo contemplari licet Christum vivam Patris Imaginem, & Sanctorum exempla nobis ad Imitationem proposita. Quid opus aliis libris mutis, qui non modò inutiles, sed & noxii & periculosi? per quos, ut observat *Polydorus Virgilius* de Invent. rerum lib. 6. cap. 13. *Eo insania deventum est, ut hac pars pietatis parum differat ab impietate*. Sic *Gerson* in Regulis moralibus, *Nisi pia intentio*, inquit, *excusaret multos simplices, Idololatra censerentur*; *Bellarminus* ipse periculum esse non diffitetur, nisi adsit institutio lib. 2. cap. 8. Absit verò à nobis ut mutos istos Doctores unquam sequamur, qui



non alia de causa populo obtruduntur, quàm ad eum à Scriptura abducendum, quam merito Ecclesia Romana fugit, & exhorrescit ut fures lucem, & fontes Legem. Absit ut summâ in Deum injuriâ, summo Religionis Christianæ dedecore, & Judæorum ac reliquorum infidelium scandalo per *μειχυσάσῃν διάνοιαν mentem scortantem*, ut loquitur *Epipha. Idola ulla zelotypia* in Templum ejus inducamus: Quin potiùs unico Doctore Christo contenti, eum in Verbo audiamus, & cùm non aliter legitimè se coli posse doceat, quàm in Spiritu & veritate, hunc illi Cultum præ cæteris omnibus acceptum semper exhibeamus, nec unquam patiamur fidem vel praxim ullâ erroris vel Idololatriæ labe infici. ΓΕΙΘΙΟ.

I. JOH. V. 20. Τεκνία φυλάξατε ἑαυτοὺς ἀπὸ τῶν εἰδώλων.

F I N I S.


## DISPUTATIO QUINTA

*Quæ est*

## DE TYRANNIDE ROMANA.

*Respondente RENATO LA CHARRIERE*

*Privatensi.*

I. T vera Christi Ecclesia tribus præcipuè partibus constituitur, & totidem veluti characteribus internoscitur, *Veritate, Pietate, & Libertate*, Veritate in *Doctrina*, Pietate in *Cultu*, & Libertate in *Regimine*: Ita falsa tribus potissimùm notis distingui solet, *Hæresi*, quæ Veritatem evertit, *Idololatriâ*, quæ Pietatis & Cultûs puritatem corrumpit, & *Tyrannide*, quæ Regiminis suavitatem & libertatem opprimit. Quemadmodum enim *Spiritus Christi*, qui à Capite totum Corpus mysticum pervadit & vivificat, triplicem solet nomenclationem sortiri à triplici, quem in nobis producit, effectu, *Spiritus veritatis* Joh. 14. 17. & *Sapientiæ* Eph. 1. 17. qui mentes nostras illuminat ad cognitionem Veri, *Spiritus Sanctitatis* Ps. 51. 13. qui corda sanctificat & impellit ad praxim Boni, & *Spiritus libertatis & adoptionis* 2. Cor. 3. 17. qui homines à



DISPUT. peccati & Diaboli servitute liberat, & in regiam filiorum Dei dignitatem  
 V. evehit. Sic Spiritus Diaboli & Mundi, qui in falsâ Ecclesiâ regnat, tri-  
 bus nominibus solet in Scripturâ designari ad exitia ejus effecta conno-  
 Joa. 8. 44. tanda, *Spiritus mendacii*, Joh. 8. 44 qui omnium errorum & hæresium  
 Matth. 10. est author, *Spiritus immundi*, qui ad omnis generis sordes nos incitat,  
 3. Matt. 10. 3. & 12. 43. & *Spiritus homicida*, qui Tyrannide & sævitia  
 1. Joan 3. ubique grassatur 1. Joan. 3. 12.  
 12.

II. Hæc tria autem ita sunt gravia & periculosa, ut si unum vel alte-  
 rum duntaxat in Cœtu aliquo, qui Ecclesiæ nomine gloriatur, obtineat,  
 necessariò ab illo nobis sit secedendum, nec ulla possit cum illo commu-  
 nio coli. Nam si testatur Apostolus, nullam communionem esse posse  
 luci cum tenebris, Templo Dei cum Idolis, & Christo cum Belial;  
 Quis dixerit in eâ Ecclesiâ fidelem manere posse, quæ vel hæresim ali-  
 quam docet, vel Idololatriam fovet, vel Tyrannidem usurpat? Jam si  
 tria ista seorsum singula justam & necessariam secedendi causam præbent;  
 Quid fieri putandum est, quando omnia velut agmine factò simul con-  
 currunt, & monstrosus Corpus ex hæresi teterrimâ, crassissimâ Idolola-  
 triâ, & Tyrannide durissimâ conflatum constituunt; Hæc autem non  
 seorsum tantum, sed conjunctim in Ecclesia Romana occurrere antea di-  
 ximus, & quoad duo prima capita probavimus. Tertium nunc superest  
 de *Tyrannide*, quam durissimam & intolerandam in Papatu vigere osten-  
 suri sumus, adeoque cum libertate Christiana planè ἀντιστοιχεί.

III. Hoc verò ut demonstremus, non aliò opus nobis est Argumen-  
 to, quàm ut beatum Ecclesiæ Christianæ statum, & libertatis, quam illi  
 acquisivit Christus, suavitatem, conferamus cum tristi Ecclesiæ Romanæ  
 conditione, & multiplici jugo, quod imposuit ipsi Antichristus. Christus  
 sanè in eum præcipuè finem venit, ut libertatem nobis acquireret; Propterea  
 ὁ σωτὴρ noster & Redemptor vocatur, qui durissimâ pressos servitute liberare  
 debuit, & Jubilæum Evangelicum promulgare, in quo non modò datur  
 ἀφίσις seu remissio debitorum, ἀποκατάστασις & restitutio hereditatis cœlestis,  
 quâ in Adamo excideramus, sed & liberatio & manumissio servorum, quæ  
 tria fuerant Jubilæi legalis privilegia, quæ in Evangelicum potiori jure &  
 longè nobiliori ratione quadrant. Quò pertinent verba ipsius Christi apud  
 1f. 61. 1. 2. Isa. 61. 1. 2. ubi mentio fit anni beneplaciti, in quo Unctus Domini debuit  
 prædicare *servis libertatem, & captivis carceris aperturam*. Ut autem  
 multiplex erat servitutis Jugum, quò premebamur, *Servitus Legis, servitus*  
*Peccati, servitus Mortis*. Lex maledictionum fulmine & rigidâ cæremonia-  
 rum observatione in homines regnabat; Peccatum reatu & dominio eos  
 sibi mancipabat. Et Mors terroribus & pœnis Tyrannidem in eos exer-  
 cebat. Ita Christus à triplici hoc jugo nos liberat; A *Legis servi-*  
*tute,*



tute, quia factus ipse est pro nobis *κατάρα*, ut à maledictione Legis nos liberaret Galat. 3. 13. & finis ac complementum est Legis in justitiam omni credenti Rom. 10. 4. ut non ampliùs simus sub Lege sed sub Gratia Ro. 6. 14. & mortui simus Legi Ro. 8. 5. & 6. Gal. 2. 29. A *Peccati jugo*, quia factus est peccatum pro nobis, ut essemus justitia Dei in ipso 2. Cor. 5. 21. & factus in similitudinem peccati & pro peccato damnavit peccatum in carne Rom. 8. 3. A *Mortis imperio*, quia per mortem destruxit eum qui habebat imperium mortis, ut liberaret eos qui metu mortis per totam vitam erant obnoxii servituti Hebr. 2. 14. Quod Apostolus admirabili brevitate complectitur Rom. 8. 2. *quum Legem Spiritus & vitæ quæ est in Christo*, dixit ipsum liberasse à lege peccati & mortis: Nam quod Christus meritò suò nobis acquisivit, id ipsum Spiritus efficaciam nobis applicat, qui propterea distinguitur à *Spiritu servitutis* ad timorem, qui sub Lege vigeat, & *Spiritus adoptionis & libertatis vocatur*, Rom. 8. 15. & 2. Cor. 3. 17. Hic enim ut *Spiritus gratiæ* nos liberat à Lege per justificationem, ut *Spiritus sanctitatis* nos liberat à peccato per regenerationem, ut *Spiritus vitæ & gloriæ* nos liberat à miseria & morte per glorificationem.

IV. Quamvis verò dulcissima illa & verè aurea libertas, quam Christus nobis attulit, suis limitibus circumscribatur, & non sit quilibet agendi effrænis licentia, quod vellent Libertini, sed suam semper habeat Legem & jugum cui fideles subjicit, sed Legem suavem Christi & Jugum leve, Matth. 11. 18. & Galat. 2. 19. unde Apostolus hortatur eos, ne libertatem ad quam vocati sunt, trahant in licentiam carnis cap. 5. vers. 13. & Petrus ita liberos esse monet, ut sint semper Dei servi 1. Pet. 2. 13. Ita tamen eos eximit ab omni peccati vinculo & nexu, ut nullo ampliùs vel Ceremoniarum legalium, vel Traditionum quarumlibet humanarum jugo subesse possint & debeant, sed conscientia soli Deo obnoxia, ab eo etiam solo pendeat, & illi stet vel cadat. Quò spectant varia illa Pauli loca, in quibus seriò fideles monet, ut maneat in libertate, quam acquisivit ipsis Christus, nec pristino servitutis jugo denuò implicentur Gal. 5. 1. ut pretio redempti ne fiant servi hominum 1. Cor. 7. 23. Ne quis eos damnet in cibo & potu, vel dierum & sabbathorum discrimine, vel eos præceptis oneret ne comede, ne gusta, ne tange, quasi adhuc viverent in mundo Col. 2. 16. 20. Unde si quis non jugum illud pristinum semel contractum revocare, sed aliud longè gravius & intolerabilius conscientiam imponere satagit; Ille nec Christum tenet, vel Spiritum ejus novit, nec cum illo partem ullam habere censendus est. Quamnam enim Tyranno pars esse potest cum legitimo Principe, servituti durissimæ cum dulcissima libertate, & Synagogæ Diaboli cum Ecclesia Christi?



DISPUT.

V.  
Tyrannis  
Romanis  
probat ex  
Primatu  
Papa.

V. Hoc autem Ecclesiæ Rom. esse crimen pertendimus, gravissimis adducti rationibus. Prima petitur ex *Primatu Papa*, & Monarchiâ, quam sibi in totam Christi Ecclesiam ut Oecumenicus Pontifex arrogat, adeo ut nulli prorsus potestati quæcunque tandem illa sit, Civilis aut Ecclesiastica, obnoxius sit, ne tum quidem quum officio minimè fungitur. Canone *Si Papa* (verba sunt Gratiani distinct. 40.) *sua & fraterna salutis negligens deprehenditur, inutilis & remissus in suis operibus & insuper à bono taciturnus, quod magis officit sibi & omnibus, nihilominus innumerabiles populos cateruatim secum duos primo mancipio gehennæ, cum ipso plagis multis in æternum vapulatuuros, hujus culpas istis redarguere præsumit mortalium nullus, quod cunctos ipse judicaturus, à nemine est judicandus: & Causâ nonâ quæstione tertiâ, Aliorum hominum causas Deus voluit per homines terminari; sed Sedis istius Præsulem suo sine quæstione reservavit arbitrio &c.* Huic verò ab omni potestate sic exempto, reliqui omnes absque ullâ exceptione subjiciuntur; Ita ut subjectio ista inter præcipuas Ecclesiæ notas recensatur, imò statuatur esse de necessitate salutis. Sic enim Bonifacius VIII. in Extravag. de Major. & Obed. C. *Unam sanctam*, audacter & impiè definire ausus est. Porro subesse Romano Pontifici omni humana Creature declaramus, dicimus & pronuntiamus esse de necessitate salutis. Imò tales volunt ejus esse sententias, ut contra eas ne hiscere quidem cuiquam liceat, apud Gratian. Causâ 17. qu. 4. *Nemini de Sedis Apostolicæ judicio judicare aut illius sententiam retractare permissum, videlicet propter Romanæ Ecclesiæ primatum, Christi munere in beato Apostolo Petro divinitus collatum: Et ut cunctulus perficiatur impudentiæ, summus Pontifex asseritur apud Glossatorem in Cap. quanto personam habere cæleste arbitrium, & ideo naturam rerum mutare, substantialia unius rei applicando alii, & de nullo posse aliquid facere, & sententiam quæ nulla est, facere aliquam, in his quæ vult illi esse proratione voluntatem, nec esse qui ei dicat, cur ita facis? posse enim supra jus dispensare, & de injustitia facere justitiam, corrigendo jura & mutando, demum plenitudinem obtinere potestatis.* Ita jurisdictionem hanc tam latè patere contendunt, ut nihil sit in toto mundo ad Religionem pertinens, quod ex ejus nutu ac imperio non pendeat.

VI. Nec abludit communis Doctorum sententia, qui supremam illam Pontificis auctoritatem tanquam præcipuum Ecclesiæ fundamentum obtendere solent; Audiatur vel unus Bellarm. lib. 3. de Eccl. milit. cap. 12. *Tenemur omnes sub periculo æternæ mortis veræ Ecclesiam nos adungere & in illa perseverare, id est, Capiti ejus obedire, & cæteris membris communicare.* Et cap. 5. *Nemo potest, etiamsi velit, subesse Christo, & communicare cum Ecclesia cælesti,*  
qui



qui non subest Pontifici, & non communicat cum Ecclesia militante, &c. Imò eò usque progreditur impietas Cardinalis ut asserat lib. 4. de Pontif. c. 5. Quòd si Papa erraret precipiendo vitia, vel prohibendo virtutes, teneretur Ecclesia credere vitia esse bona & virtutes malas, nisi vellet contra conscientiam peccare, quod sine horrore nemo pius legere potest. Sic Joan. de Capistrano de Papæ Ecclesi. autoritate, Papa Rom. sine comparatione major est omnibus, nec superiorem habet in terris, sed ipse est super omnes, tanquam qui de cælo venit Joannes Baptista, verba enim illa, qui de Cælo venit super omnes est, intelligi possunt de Summo Pontifice, omnia enim Petro subjecit Dominus, Ergo nihil exclusit, nec Imperatorem, nec Patriarchas, &c. Quò spectat etiam illud Nicolai Papæ in Epist. Nec ab Imperatore Pontificem, nec à Rege judicari posse, quoniam non est servus supra Dominum. Posset hoc luculentius confirmari ex intoleranda Rom. Pontificis superbiâ, ut supra πᾶν σὺ βασιλεὺς sese efferat, non modò quod in terris nominatur, quales sunt Reges & Imperatores, sed & in cælis celebratur, quales sunt Angeli & Sancti, imò & in Templo Dei sedeat tanquam Deus, supremam sibi in Ecclesia potestatem vindicans, & Christo Domino se æquans. Verùm quia ista commodius poterunt pertractari in sequentibus; quum de Characteribus Antichristi sumus disputaturi: Sufficiet nunc Primatum istum & summam totius Ecclesiæ Monarchiam attingere, tanquam certissimam Tyrannidis Romanæ notam, quam fugere genuini omnes Regni Christi subditi tenentur.

VII. Non diffitemur equidem memorabilem à Christo, Apostolis cæterisque Viris Dei, quorum operâ uti voluit ad Ecclesiam gubernandam, concessam esse potestatem, ut Claves Regni cælorum tum Scientiæ, tum Regiminis administrarent, & ligarent & solverent in Terris, quod ligatum & solutum esset in Cælis. Verùm eam omnem potestatem qualiscunque sit, ministerialem tantùm esse & subalternam, non absolutam & supremam contendimus, quæ Servos & Ministros deceat, non Dominos, ne gloria quæ Christo soli competit, & quam ut impatiens consortis testatur se alteri dare non posse, in hominem mortalem & peccatorem impiè transferatur. Et si Rom. Pontifices intra justos potestatis istius & ministerii terminos sese continuissent, si claves istas mysticas ritè & ut par est semper tractassent, tum puræ doctrinæ præconio, tum sanctæ & bene constitutæ disciplinæ exercitio, debuissent sanè fideles ex Christi præscripto illis obtemperare; nec eorum obsequium sine crimine detrectare potuissent. Verùm quum relicto ministerio Dominium & Magisterium sacrilegè usurpârunt, & qui Ecclesiam ut Virginem puram soli Sponso Christo aptare debuerunt, sibi subdicere, & infami adulterio legitimi Sponsi thorum invadere tentârunt; quum illi qui ad obsequium unius Chri-



DISPUT.  
V.

isti conscientias captivare tenebantur, ipsi sibi mancipare ausu inaudito & planè intolerando moliti sunt; Quis non fateatur gravissimum esse Tyrannidis jugum, quod nemo subire potest, nisi qui legitimum Christi jugum & dominium excusserit.

VIII. Nam ut nihil nunc dicamus de Monarchiæ istius naturâ, quæ talis est, ut nemo mortalium tanto oneri par esse possit, multò minus quàm respectu Monarchiæ universalis in mundo, quam tamen negant dari posse saniores Politici: Si Scripturam audimus, tam procul est ab ullo Primatu & Monarchiâ in Ecclesia instituendâ, ut eam expressè non semel ut tyrannicam & Christo injuriam damnet. Cur enim aliàs Christus discipulis de Primatu contendentibus, tam sollicitè omne dominium interdixisset? Luc.

Luc. 22. 23. 24. *Reges Gentium dominantur eis, & qui potestatem habent in eas benefici vocantur, Vos autem non ita, sed qui maximus est inter vos, sit sicut minimus, & qui princeps est, sicut qui ministrat.* Cur Petrus tam expressè vetat Pastores, ut *συμπρεσβύτερος* ipsum *κλῆρυ* *ἐν τῷ κληρῷ* 1. Pet. 5. 3.

1. Pet. 5. 3. Cur Paulus se non dominari fidei Corinthiorum testatur, sed servum esse ipsorum propter Christum 2. Cor. 1. 24. Cur inter ministeria sacra, Pastores quidem & Doctores post Apostolos & Euangelistas; at nec Papam nec

2. Cor. 1. 24. Cardinales recenset, 1. Corint. 12. Ephes. 4. 11. Cur toties idem unicum esse Dominum 1. Corint. 8. 6. unicum Caput Ecclesiæ, Ephes. 1. 22. & cap. 4. vers. 15. declarat? Et sanè si eidem Regno duo non possunt dari Monarchæ vel coordinatè vel subordinatè, citra evidentem contradictionem. Si unum Corpus duo capita habere nequit, nisi sit monstruosum, Quis dixerit in Regno Ecclesiæ duos esse Reges, & duo in Corpore hoc mystico Capita?

*ἐκ ἀγαθὸν πολυκοιρανίῃ εἰς κοιρανὸς ἔσω, εἰς βασιλεὺς.*

Nec huic incommodo remedium afferri potest per σοφὸν φάρμακον *Capitis Primarii & Secundarii*, injuriam fore Christo, si Papa diceretur Caput primarium, & quoad internam potestatem; sed posse dici optimè Caput secundarium cum Christo & sub Christo, quemadmodum non fit injuria Regi, si dicatur Prorex esse Caput Regni sub Rege, quin potiùs ejus augeatur gloria, quia semper Rex præsumitur esse nobiliori modo Caput. Nam primò distinctio est ἀσύζαλος, siquidem qui Caput dicit & quidem supremum, diciteo ipso primum, quod supra se superius non agnoscit, nec unquam visum nec auditum, Corpus unum bene constitutum duo habere capita, unum primarium, alterum secundarium. 2. Falsò etiam supponitur, Papam dici Caput quoad externam directionem; cùm internam etiam potestatem sibi vendicet, leges ferendi conscientiæ obligativas, ut postea dicetur.



dicetur. 3. Exemplum quod affertur de Rege & Prorege, ad rem non facit, quia licet possit à Rege Prorex vel Præfectus constitui, qui Regis nomine gubernet, nemo tamen dixerit eum Regem posse vocari, & si quis ex subditis Regem appellet & salutet, vel si Regis nomen & authoritatem ipse sibi vendicat, tantum abest ut toleretur, quin potius ut reus Majestatis damnabitur. Ita possunt in Ecclesia Rectores & Ministri à Christo constitui, qui sub eo Ecclesiam gubernent; sed immanis fieret Christo injuria, si honorem Regis & Capitis soli Christo debitum invaderent. Uno verbo cum Christus sit Monarcha, Caput & Sponsus Ecclesiæ, qui profitetur se illis affuturum semper; nec Vicarium nec Socium ferre potest, sic enim Monarcha non esset *μὲν*, & Corpus esset biceps, & Sponsus admitteret thori socium, quod non est ferendum. Unde Gregorius I. titulum Pontificis Oecumenici ceu Antichristianum & omnino Tyrannicum detestabatur epist. 38. ad Johannem Constantinopolitanum l. 6. epistol. *Ego fidenter dico, quia quisquis se universalem Episcopum, vel Sacerdotem vocat, vel vocari desiderat, in sua elatione Antichristum præcurrit.*

IX. Cum verò maximum sit Primatûs istius momentum, utpote à quo tota Religio Romana pendet, tantæ Authoritatis procul dubio leve non debet esse fundamentum. Sed licet magno molimine passim urgeatur, facile tamen observare est, aquam ipsis hac in parte hærere, nec invenire quomodo Nostris satisfaciant, quum tanti Principatûs, quem Papa sibi sumpsit, petunt ex Verbo Dei fundamentum. Imò non obscurè colligi potest molestissimam Pontificiis semper visam fuisse quæstionem, quam declinare subinde conati sunt, quia satis intelligebant authoritatem istam nullâ divinâ institutione subnixam, nullo legitimo sultam esse argumento. Unde Paulus III. coacto Concilio Tridentino, Legatos suos præcipuè de hoc articulo monuerat, ne unquam quacunque de causa ad disputationem Papæ veniretur, ut patet ex hist. Conc. Trid. l. 2. Et Pius V. instaurato hoc Concilio, subito metu perculsus fuit, ne authoritas Pontificia in discrimen veniret, si de eo disceptaretur; adeò ut de Concilio inhibendo non semel cogitaverit, nisi à tam damnofo consilio dimoveri se passus fuisset, ut refert III. Thuanus Tom. 2. l. 32. ad ann. 562.

X. Scio subinde afferri ad malæ causæ præsidium decantatissima Christi Primatus ad Petrum verba Matth. 16. 18. *Tu es Petrus & super hanc Petram edificabo Ecclesiam meam* &c. Quasi hinc clarissimè constet, Petrum non modò fuisse à Christo constitutum Ecclesiæ fundamentum, sed etiam Principem & Monarcham cum Successoribus suis. Verum nihil vanius & falsius hoc figmento. Primò quia perperam & gratis supponitur *Petram*, de qua Christus loquitur, esse ipsam personam Petri; Cum variis rationibus demonstrari queat, non posse nec debere hoc ad Petrum ipsum referri, 1. quia *Petra* hic expressè distinguitur à Petro, οὗ ἐστὶ,

*Primatus  
Papa non  
probat ex  
Matth. 16. 18.*



- DISPUT.** Πέτρ<sup>ος</sup> καὶ ἐπὶ ταύτῃ τῇ πέτρῃ; At si Petrum voluit designare, cur non eandem vocem retinet, sed aliam diverſi generis usurpat? Nec obſtat quòd Syriacè loquutus ſit Chriſtus, apud Syros autem ܡܬܪܝܢ promiſcuè usurpari & pro Petro & pro Petra, ſine generis mutatione: Nam licèt Chriſtus Syriacè loquutus ſit, & eà linguà *Petrus* & *Petra* eodem ſono effe- rantur, notum tamen non idem ſervari genus; nam quum ponitur pro *lapide* ſcemininum eſt, quum pro perſonà masculinum; Adde quòd Matthæus Græcè ſcribens, non tam ſollicitè diſtinxiffet inter Πέτρον & πέτραν, niſi ad exprimendam Chriſti mentem, ne quis Petrum talem Petram eſſe arbitra- retur, ſed ab ea Petra Petrum fuiſſe donominatum conſtaret. Ut verò non poteſt idem eſſe nomen & denominatum, Ita nec Petra nomen, unde Petrus denominatur, poteſt idem eſſe cum ipſo. Aug. tract. 124. in Joh. *Eccleſia fundata eſt ſuper Petram, unde & Petrus nomen accepit, Non enim à Petro Petra, ſed Petrus à Petra; ſicut non Chriſtus à Chriſtiano, ſed Chriſtianus à Chriſto vocatur.* Secundò Petrus non poteſt eſſe Petra, de quā hīc agitur, quia pars eſt & membrum Eccleſiæ, quæ ſuper eum eſt ædificanda, unde vel ſuper ſe ipſum ædificaretur, vel debet à Petra diſtingui. Tertiò firmiùs adhuc hoc ipſum colligitur ex natura rei quæ hīc promittitur,
1. Cor. 3. 11. ædificatione ſcilicet Eccleſiæ; At cū Paulus teſtetur 1. Cor. 3. 11. nullum aliud fundamentum poni poſſe præter Chriſtum, hoc in Petri perſonam ſine ſacrilegio transferri non poſſet. Quartò nullus melior interpres dari poteſt ipſo Petro, qui hoc non ad ſe, ſed ad ſolum Chriſtum refert primæ
1. Pet. 2. 4. c. 2. 4. 5. Nec obſtare poteſt pronomen demonſtravum ταύτῃ, *ſuper hanc petram*, quod videtur referendum ad proximè antecedens, ut ſit poſi- tum loco relativi, ut vult *Maldonatus*, quaſi dixiſſet, Tu Petra es, ſuper quam ædificabo Eccleſiam meam. Nam primò non eſt neceſſe, paulò antè eam Petram fuiſſe nominatam ab ipſo Chriſto, ſed ſufficit de ea fuiſſe jam factum ſermonem; ut omnino factus fuit, ſi Petra ad confeſſionem Petri, vel ad Chriſtum quem confeſſus erat, referatur. Deinde quis nescit iſtiusmodi pronomina non ſemper ad proximè & immediate præcedens, ſed aliquando ad remotius referri, quando rei natura hoc exigit? Vide Act. 2. 22. 23. & 3. 15. 16. 2. Theſſal. 2. 8. 9. Ita licèt hoc referamus vel ad Chriſtum, vel ad Confeſſionem & Fidem Petri, nihil inde coacti ex- urgit, ſed ſenſus optimè fluet, maximè ſi addimus, in nomine Petri Petram poſſe dici includi, quaſi Chriſtus dixiſſet, Tu diceris Petrus à me Petra, ſuper quam ædificabo Eccleſiam meam. Nec novum eſt re- lationem fieri aliquando ad vocem in præcedente aliqua dictione laten- tem, ut Joh. 8. 44. de Diabolo loquens Chriſtus ὁ ἰ ψεύδης ἐſτί καὶ ὁ πατήρ αὐτοῦ, quid αὐτοῦ? nempe ἰς ψεύδης, quod latet in voce ψεύδης. Quid ſi dicamus pronomen hoc non ſumendum eſſe ἀναφορικῶς, ſed δεικτικῶς de lo- quentis



quentis persona? quomodo Joh. 2. 19. *solvite templum hoc* Christus dicit suum corpus indicando, vel palmâ pectus percutiendo, Domino nostro vocem suam gestu adjuvante. Sic potuit Christus se ipsum designando dicere, super hanc Petram, à qua tibi nomen Petri inditum, ad significandam firmitatem tuam in fide, & operam in Euangelii ministerio olim præstandam, ædificabo Ecclesiam meam; quod commodè interpretatur Augustinus *super me*, inquit, *ædificabo te, non me super te.*

XI. Atque hinc jam patere potest, quid per *Petram* designare voluerit Spiritus S. nimirum ipsum Christum, quem ore confessus fuerat Petrus, & quem corde crediderat, qui verè est πέτρα ἀσάλευτος & rupes seculorum, contra quam nec venti tentationum, nec fluctus decumani persecutionum mundi quicquam possunt, ut sæpissimè eo nomine venit in Scriptura, Deutero. 32. 4. Psal. 18. Isa. 26. 4. Matth. 7. 24. Atque ita facile conciliantur variæ Veterum sententiæ super hoc argumento. Quidam de Christo ipso exponunt, ut Augustinus de verbis Domini secundum Matth. Sermon. 13. *Super hanc Petram quam confessus es, super hanc Petram quam cognovisti dicens, Tu es Christus Filius Dei vivi, ædificabo Ecclesiam meam*, quod confirmat alibi sæpius, Tract. 124. in Joh. & de Trinitate lib. 2. cap. 17. Retract. lib. 1. cap. 24. Ambrosius Serm. 85. *Rectè ergo quia Petra Christus, Simon nuncupatus est Petrus, ut qui cum Domino fidei societatem haberet, cum Domino haberet nominis Dominici unitatem, ut sicut à Christo Christianus, sic à Petra Christo Petrus Apostolus vocaretur.* Hilar. de Trinit. lib. 2. *Unum ergo est immobile fidei fundamentum, una hac felix Petra Petri ore confessa, Tu es Filius Dei vivi.* Sic Theodoretus in Psal. 47. Hieron. ad Matth. cap. 7. Alii de confessione & fide Petri, Chrysost. in h. l. ἐπὶ ταύτῃ τῇ πέτρᾳ τῆς ἐκκλησίας τῆς ὁμολογίας, *super hac Petra id est fide confessionis.* Theoph. pariter αὐτῇ ἡ ὁμολογία, ἢ ὡμολόγησιν, θεμέλιον μέλλει εἶναι τῶν πιστευόντων, *hac confessio, quam confessus es, fundamentum erit credentium.* Hilarius 6. de Trinit. *Super hanc igitur confessionis Petram, Ecclesia ædificatio est.* Quod omnium optimè exponit Basilii Seleuciæ in h. l. *Hanc confessionem cum nominasset Christus Petram, Petrum nuncupat eum, qui primus illam est confessus, donans illi hanc appellationem, tanquam insigne & monumentum huius confessionis; hac enim est revera pietatis petra, hac salvis basis, hic fidei murus, hoc veritatis fundamentum, fundamentum enim aliud nemo ponere potest præter id quod positum est Iesus Christus.* Sic Isidor. Pelusi. lib. 1. epist. 235. Cyrill. lib. 4. Dial. cum Hermia. Theod. lib. 2. in Cant. Licet verò verbis differant, sensu tamen & reipsâ conveniunt duæ istæ sententiæ, & ut loquitur Augustinus, *locutionum fuit diversitas, non sententiarum*, Sive enim ad Confessionem & fidem referamus cum Chrysostomo; Sive ad rem vel personam confessione designatam,

Quid per  
Petram in-  
telligatur?

Deut. 32. 4.  
Psal. 18.  
Isa. 26. 4.  
Matth. 7.  
24.



DISPUT. tam, Christum scilicet ut Augustinus & alii, res eodem redit; quia neque confessio, neque fides per se conferunt ad ædificationem Ecclesiæ, nisi metonymice ratione *objecti*, nimirum Christi, quem amplectuntur. Imò si qui ex Patribus ad Petrum referunt, non tam attendunt ejus *personam*, quam *fidem* & *doctrinam*, quæ sæpe in Scriptis eorum metonymicè *Petrus* dicitur, quæ fuit & est hodieque, ac semper erit firmissimum Ecclesiæ fundamentum.

XII. Nec sic sentiunt tantum Patres, sed quamplurimi nec ignobiles ex Adversariis, quorum alii de Christo, alii de fide & confessione Petri Petram interpretantur, Lyranus, *super hanc Petram, quam confessus es, id est super Christum*. Glossa interl. *Petram* exponit *Christum in quem credis*. Et ordinaria, *Petrus à me Petra, ita tamen ut mihi retineam dignitatem fundamenti, Tu super me ordinabis lapides multos*. Sic Cardinalis de Alliaco, Joan. Arboreus Theosoph. lib. 5. cap. 5. Pererius in Daniele cap. 2. ubi docet Christum lapidem dici, tum ob alias rationes, tum *quia est Petra, super quam est fundata Ecclesia*, &c. & huc pertinet illud vulgatum.

*Petra dedit Petro, Petrus diadema Rodolpho.*

Alii malunt ad fidem & confessionem Petri referre; Glossa ordi. Decretorum distinct. 19. Capite *Ita Dominus, Et super hanc Petram, Per hanc distinctionem non credo Dominum aliud demonstrasse, quam hæc verba, quæ Petrus respondit Domino, quum dixit, Tu es Christus Filius Dei vivi, quia super illo articulo fidei fundata est Ecclesia, super se ipso fundavit Dominus Ecclesiam*. Sic Adrianus I. in Epist. ad Episcopos Galliciae & Hisp. quæ est in Actis Concilii Francofurtensis, *super hanc Petram quam confessus es, & à quâ vocabili sortitus es dignitatem, super hanc soliditatem fidei Ecclesiam meam edificabo*; Joannes de Turre Cremata de summa Ecclesiæ lib. 2. cap. 10. *Ecclesia est fundata super Petram id est fidem Christi*, &c. Sic Dionysius Carthusi. in h. 1. Gorranus, alii, & præcipuè Ferus, qui optimè loci sensum reddit, *Et hoc claret, quòd Christus Ecclesiam suam non super Petrum aut quemcunque alium hominem edificavit, alia igitur Petra inquirenda est, Petra ergo primariè Christus est, cui tota Ecclesia superadificata est. Deinde quia per veram fidem Christo conjungimur & sic quodammodo petra scimus, si sic loqui licet; Et ipsa igitur fides Christiana & veritas Evangelica firma & inconcussa petra illa est, super quam Christus edificavit Ecclesiam suam*.

XIII. Duo præcipuè huic sententiæ opponuntur. Primum, Christum de re futura loqui *edificabo*. At non ædificanda erat aut ædificari tunc cœperat Ecclesia, sed fuerat jam olim ædificata; Itaque ita loquutum esse, quia nondum constituerat Petrum fundamentum. Verum nihil hîc est quod nos morari debeat: Nam

ita



ita ædificata erat jam Ecclesia super Christum, ut adhuc ædificanda esset in posterum, & quidem peculiari ratione, non ut Ecclesia particularis Judaica, qualis fuerat antea, sed ut Ecclesia Christiana Catholica per totum orbem dispersa, quæ post Pentecostem demum propriè cœpit ædificari ministerio Apostolorum. Potuit ergo in futuro loqui Christus, etsi de Petro non cogitaret. Imò ex hypothese Adversariorum non constituendus erat tantum in fundamentum Ecclesiæ, sed ex verbis, *Tu es Petrus*, expressè jam constituebatur de præsentì.

XIV. Alterum, Quòd positâ istâ sententiâ nihil hìc Petro singulare tribuatur: cùm tamen verba Christi apertè hoc videantur connotare; nam in præmium eximiæ quam ediderat confessionis statim addit, *Et ego dico tibi, Tu es Petrus* &c. quasi diceret Tu me Christum confessus es, Et ego vicissim pro illa tua libera confessione hoc tibi repono, Tu es Petrus &c. At si Petra de Christo intelligitur, quid hoc ad Petrum attinet, quænam merces propria Petro rependitur, quis honor defertur? Sed frustra hoc urgetur. Primò quia Petrus non suo tantum, sed & aliorum nomine respondet, in signum & argumentum unitatis fidei omnium; Ut Christus non Petrum solum, sed omnes interrogaverat, *Et vos quemnam dicitis esse me?* v. 15. Ita responsio Christi quæ additur ad omnes spectat, ratione doctrinæ communis & æqualis Apostolatûs, quasi diceret, In vicem confessionis quam edidisti, Tibi vicissim dico, quòd, sicut cognomen Petri tibi imposui in signum firmitatis fidei quam tibi daturus sum, & Apostolatûs ad quem te voco, faciam ut doctrina istius fidei à te prædicata, sit fundamentum Ecclesiæ meæ, & authentica ac θεόπνευστος veritas, ad quam cæteræ omnes doctrinæ componi debent. Secundò licèt daremus, Christum aliquid singulare Petro promittere, An propterea dicendum esset, illum constitui Monarcham & Caput Ecclesiæ? Nonne satis magna Petro rependitur merces pro edita confessione, quòd beatus prædicetur, quòd Petri nomen ei inditur ad præsignificandam ipsius in fide constantiam, Luc. 22. 32. & fidelem quam in Evangelii Ministerio præstiturus erat operam, quòd Doctrina ejus Ecclesiæ fundamentum statuitur, quòd claves Regni cœlorum illi promittuntur; An verò tot tantæque privilegia ita sunt exigua, ut nihil retributum Petro dici possit, nisi Monarcha Ecclesiæ constituatur; Scio hoc etiam ad singulare Petri privilegium à quibusdam Viris doctis post Tertull. lib. de Pudic. cap. 21 referri, quòd primus Ecclesiæ Christianæ fundamenta jecetit, tum inter Judæos Act. 2. 14. tum inter Gentes Act. 10. 34. & 15. 7. atque eatenus dici ædificandam Ecclesiam super ipsum, quia primus omnium hoc efficere debuerit & ut scitè Tertullian. *primus clavem imbuat*. Quo sanè sensu aliquid

Act. 2. 14  
& 10. 34  
& 15. 7.



DISPUT.  
V.

quid singulare Petro præ cæteris tributum esset, sed quod ad Successores ejus, si qui essent, utpote merè personale, pertinere non posset. Verùm licèt facilè concedam, hanc prærogativam Petro concessam fuisse; nescio tamen an commodè ex isto loco adstrui posset, ubi agitur non tam de fundatore & Architecto, qui ædificium debet instruere & fundamentum jaccere, quàm de fundamento ipso, cui debet superstrui; Nec unquam similis locutio vel apud sacros vel apud profanos Authores facilè invenitur, in quo domus super Architectum ædificata legatur, quamvis sæpe hic vel ille dicatur domum ædificasse & fundamenta ejus jecisse. Nec locus qui affertur ex Apoc. 21. 14. ubi nomina Apostolorum dicuntur inscripta duodecim fundamentis Civitatis, hoc evincit, vel qui petitur ex Eph. 2. 20. ubi Ecclesia dicitur *superstrui fundamento Prophetarum & Apostolorum*. Nam, ut jam suprà insinuavimus, hoc non ad personas, sed ad doctrinam referendum est, quasi dicat Apost. fidem Ephesiorum niti autoritate utriusque Testamenti, ut explicat *Justinianus*, & doctrinâ tum Prophetarum tum Apostolorum; id enim de personis Prophetarum intelligi non posse, satis ex ipsorum commigratione ad Deum constat. At Mosem & Prophetas adhuc habemus, ut ait Abraham ad epulonem Luc. 16. quia eorum doctrina libris Veteris Testamenti consignata nunc etiam locum obtinet, unicum autem dicitur fundamentum quoad consensum & doctrinam, quamvis multiplex sit quoad personas.

XV. Quamvis verò daremus, quod non concedimus tamen, hanc Christi promissionem ad Petri unius personam respicere, ne sic quidem evincerent Adversarii, Pontifici hoc jus competere, quando quidem longissimè distat à Petro Papa, nec ab illo ad istum ulla potest duci consequentia. Nam, ut nunc non dicamus non posse Successorem ejus censerì, cùm incertum sit an Petrus Romæ fuerit, imo gravissimis argumentis demonstrari posset, si id nunc ageremus, Petrum Romam nunquam vidisse. Quis non videt privilegium quod hîc Petro confertur, singulare esse quod ad alium extendi nequit? vel munus Apostolicum respicere, quod extraordinarium fuit, & proprium personis Apostolorum, adeoque *ἀδιάδοχον*, ut enim illi soli *θεόπρευστοι* fuerunt, & infallibiles in doctrina; Ita soli potuerunt fundamentum esse Ecclesiæ respectu doctrinæ.

XVI. Porro licèt *Claves* Petro dicantur traditæ, non inde sequitur Principem & Monarcham constitutum fuisse Ecclesiæ. Primo quia *claves sunt ministerii*, quæ dantur Oeconomis & Servis, 1. Cor. 4. 1. 1. Cor. 4. 1. qualis fuit Eliakim Is. 22. 20. Non *claves Domini*, Isa. 22. 20. quæ dantur Regi & Principi, quo sensu Christus dicitur Apoc. 3. 7. *habere clavem Davidis qui claudit & nemo aperit, & qui aperit & nemo claudit*. Secundo *Claves* istæ non soli Petro fuerunt datæ, sed



sed in persona Petri unitatis significandæ gratiâ, ut Veteres observârunt, DISPUT. V.  
 omnibus Apostolis, imò & singulis Ecclesiæ Ministris, unde quod hîc  
 Petro vindicatur, aliis promittitur, Matth. 18. 18. *Amen dico vobis, Matt. 18. 18.*  
*quacunque ligaveritis in terris, ligata erunt in cælis, & Joan. 20. 23. Quo-*  
*rum remiseritis peccata remittentur eis; quorum retinueritis retenta erunt. 23.*  
 Quod attinet verò *Triples pasce.* Joan. 21. 15. &c. illi à Christo com- Joan. 21.  
 missum, nullum primatum vel dominium potest conferre, sed tantum 15. &c.  
 ejus ministerium confirmat, & trinæ abnegationi, in quam lapsus fuerat,  
 triplicem opponit amoris stipulationem, triplicemque in munus restitu-  
 tionem, ut pasceret cum cæteris, non præ cæteris, inter cæteros ut so-  
 cius, non supra cæteros ut Monarcha. Ex quibus, ne diutiùs in hoc ar-  
 gumento immoremur, colligitur clarissimè, Petrum nullum sibi vindicare  
 potuisse principatum vel Primatum in Ecclesia. Quòd si Primatus aliquis  
 illi tribuendus venit, quo sensu *primus* vocatur, Matth. 10. 2. & sæpe à Matth. 10. 2.  
 Patribus *Princeps Apostolorum*, est tantum *Primatus ordinis*, vel *Prima-*  
*tus honoris* & exultationis propter dotes eximias, quibus præditus erat,  
 quo sensu Jacobus & Joannes cum ipso vocantur columnæ, Gal. 2. 9. & Galat. 2. 9.  
 præcipuè ob zeli ardorem & *ὑπερκαρῆς*, quâ impulsus sæpe primus inter  
 Apostolos & omnium nomine Christo respondebat: Sed non fuit *Primatus*  
*Authoritatis* vel *Jurisdictionis*, de quo disputamus, & quem Tyrannicum  
 esse meritò statuimus.

XVII. Ex hoc porrò Primatu varia Pontificiæ Tyrannidis Capita exur- Papa ex  
 gunt, sed Tria ista præ cæteris, Quòd in Imperatores & Reges potesta- Primatu  
 tem sibi arroget. Quòd in animas & conscientias sibi jus competere cre- potestatem  
 dat. Quòd in Corpora & facultates hominum sibi omnia licere putet. Et in Reges  
 ut de *Regibus* dicamus primùm, Quis nescit Rom. Episcopos, qui per usurpat.  
 multa secula subjecti fuerant Imperatoribus, cadente Imperio Romano,  
 per ejus ruinas gradum sibi fecisse ad id dignitatis fastigium, quod formi-  
 dabiles & tremendos eos reddidit Principibus & Regibus Terræ, eate-  
 nus ut postquam locupletati fuerunt eorum liberalitate, hanc retulerint  
 ipsis gratiam, ut intolerandâ superbiâ super ipsos Caput extulerint, & sce-  
 lere inaudito eorum colla impiè premere & sibi subdicere ausi sint. Nam  
 ut nunc nihil dicamus de *Osculo pedum*, quod ad morem Rom. Impera-  
 torum invexerunt superbissimè, ut in Concilio Rom. sancitum sub Gre-  
 gorio VII. teste Baronio ad ann. 1076. Nihil etiam de contumeliis innu-  
 meris Regibus & Imperatoribus sæpius illatis, ut quod refert Matthæus Pa-  
 ris de Henrici II. Angliæ Regis flagellatione, & quod ab aliis narratur de  
 Frederico Ahenobarbo, cui ad pedes Alexandri III. provoluto Vene-  
 tiis ad obtinendam Othonis filii captivi libertatem, superbissimus  
 Pontifex cervicem pede premens, hæc dicitur intonasse, *super aspidem*  
& basi-



DISPUT.  
V.

*& basiliscum ambulabis, & conculcabis Leonem & Draconem*, ad quem Fridericus, *Non tibi, sed Petro hoc dictum est*, regessit Papa & mihi & Petro. Hæc gesta sunt anno C. 1177. referente Bessarione apud Baronium, Stellâ de vitis Pontificum, Hieronymo Bardi Florentino, qui de rebus Venetis Italicè scripsit accuratissimè & historiam hanc fusè describit, in exemplum scilicet humilitatis Apostolicæ. Sed ista exigua sunt præpotestate, quam sibi arrogant in Cæsarum & Regum coronas & vitam, quasi penès ipsos sit Reges deponere & Solio deturbare, Regna transferre vel prædæ exponere, Subditos fidelitatis juramento exsolvere, aliaque id genus quamplurima præstare, quæ Principum Majestati & securitati sunt perniciosissima. Ne verò tantum crimen gratis videamur impingere Adversariis, paucis ostendamus, hoc non modò præcipuorum Doctorum inter ipsos calculis, imò & variis Conciliorum Decretis, & Pontificum placitis esse sancitum, sed etiam exemplis nimis multis teterrimis confirmatum.

XVIII. Papam potestatem habere Reges exauthorandi, & subditos à fidelitatis juramento liberandi, adeò communiter receptum est inter ipsos, ut *Bellarminus, Baronius, Perronius* hanc vocem esse pertendant totius Ecclesiæ Catholicæ, & *Bellarminus* in præfatione libri adversus Barclaium vocet eam *Causam universæ Ecclesiæ*, & *sententiam Ecclesiæ Catholica*, quam etiam magnâ Authorum nube confirmat. *Concilium Lateranense* sub Innocentio III. anno 1215. hæc expressè habet, *Si Dominus temporalis monitus terram suam purgare ab hæretica pravitate neglexerit, per Metropolitanum, & Comprovinciales Episcopos Excommunicationis vinculo innodetur; Si satisfacere contempserit intra annum, significetur hoc Summo Pontifici, ut intimos ejus Vassallos ab ejus fidelitate denunciaret absolutos, & terram exponat Catholicis occupandam.* Lugdunense pariter sub Innocentio IV. Fridericum II. Imperiò spoliât. Huc pertinent Dictatus Papæ Gregorii VII. inter quos isti etiam recensentur, *Quod solus uti possit Imperialibus insigniis. Quod solius Papa pedes omnes Principes deosculentur. Quod unicum est nomen in mundo, Papa videlicet. Quod illi liceat Imperatores deponere. Quod à fidelitate iniquorum subiectos possit absolvere.* Et Canones varii, præsertim Gelasii, *Alius item Romanus Pontifex Zachariam Regem Francorum, non tam pro suis iniquitatibus, quàm pro eo quod tanta potestati erat inutilis, à Regno deposuit, & Pipinum Caroli Imperatoris Patrem in ejus locum substituit, omnesque Francigenas à juramento fidelitatis absolvit, &c.* Et Gregorius VII. Rom. Synodo Præsiciens, *Nos Sanctorum Antecessorum nostrorum statuta tenentes, eos, qui excommunicati fidelitate aut sacramento constrikti sunt, Apostolicâ autoritate à juramento absolvimus, &c.* Et Canonistæ eò usque progrediuntur, ut ex Papa Regem faciant, &



ex Regibus totidem Vassallos & subditos Papæ. Licet verò Bellarm. videatur non usquequaque probare hanc Canonistarum sententiam, tamen hanc Papæ in Reges Potestatem fortiter adstruit, & variis Doctorum Testimoniis confirmat, Itolorum, Gallorum, Hispanorum, Germanorum, Anglorum, quorum loca legi possunt in libro contra Barclaium, quibus addit, *Si hac non est Ecclesia Catholica vox, ubi obsecro eam inveniemus? & si est, ut verissime est, qui eam audire contemnit, ut Barclaius fecit, an non ut Ethnicus & Publicanus, & nullo modo Christianus habendus erit? Si non habet Pontifex Summus potestatem in terris disponendi de temporalibus, usque ad depositionem Principum eorum, qui vel ipsi heretici sunt, vel hereticis quoquomodo favent, Cur in editione hujus Canonis nullus ex tanto numero reclamavit? Cur ne unus quidem, ex tot Imperatorum, & Regum Oratoribus mutire ausus fuit? Nondum videlicet parafiti Principum temporalium exorti fuerant, qui ut regna temporalia stabilire videantur, regnum æternum iis, quibus adulantur, eripiunt. Jesuitæ sanè omnes, ut præcipua Papatûs columnina pedibus eunt in eam sententiam. Imò si quis eam negare sustineat, eo ipso in hæresim incurrere pertendunt. Schulkenius pro Bellarmino contra Barclaium, *hereticum vel certè erroneum est & temerarium dicere, Pontificem ut Pontificem, & ex jure divino non habere potestatem privandi Principes seculares suo Principatu, quando id bonum spirituale, sive ingens necessitas exigit. Idem & Lessius tuctur, Eudamono-Johannes in Epist. monitoria ad J. Barclaium rotundo ore pronunciat sine controversia non Bellarmini modò, sed Pauli etiam Summi Pontificis & Catholicorum omnium judicio hæresim esse.* Bellarm. in Respons. ac Apol. pro Juram. pag. 638. *Probabimus in hoc eodem juramento non agi de sola civili obedientia, sed agi de fide Catholica, & paulò pòst, Queritur abnegatio fidei Catholica, & ut obediatur homini contra obedientiam Dei.* Petronius multus est in hoc capite probando in Cœtu Ordinum Regni anno 1615. ubi itum est in eam sententiam, reclamantibus Delegatis Populi, *Papam posse adimere Regna, & Regem exauthorare.* Consule pag. 600. 602. 620. 621. 634. opusculorum. Plura possent Jesuitarum testimonia afferri huc pertinentia ex Azorio in *Institu. Moral. Avilâ de Censuris*, Becano in *Controversia Anglicana*, Clari Bovarscii aut Scribanii *Amphitheatro*. Jo. Oserio, Jo. Mariana, Eman. Sà, Salmerone, Valentia, & aliis non paucis, qui Papalem Monarchiam mordicus defendunt. Stapletonis verba Controv. 3. de primar. subjecto potestatis Eccles. q. 5. art. 2. expressa sunt: *In casu peccati mortalis, & maxime hæresis, potissimum, quando in publicum aliquod, & magnum Ecclesia detrimentum vergit; Rom. Pontifex, tanquam supremus Ecclesia Pastor, ad Ecclesia conservationem, & punire quosvis Principes potest, & si rei necessitas exigit, regnò privare.**



DISPUT.  
V.

XIX. Papæ autem potestatem competere Reges deponendi, variis ex causis censent, quales sunt crimen hæreseos, Bell. de R. P. lib. 5. cap. 7. *Non licet Christianis tolerare Regem infidelem vel hæreticum, si ille conetur pertrahere subditos: at judicare an pertrahat ad hæresim, pertinet ad Pontificem.* Bannes in 2. 2. q. 12. art. 2. §. circa ult Concl. *Ecclesia non tantum privat dominio in subditos Principes apostatas perfectè, verum illos, qui lapsi sunt aliquo pacto in hæresim.* Tolerantia hæreticorum, & negligentia in iis excindendis. Grego. IX. Decr. lib. 5. tit. 7. cap. 16. *Absolutos se noverint à debito fidelitatis dominio, & totius obsequii, quicumque lapsis manifestè in hæresim aliquo pacto quacunque firmitate vallata tenebantur adstricti.* Hinc Excommunicationis contrahit poenam, qui cum Excommunicato communicat Caus. 11. q. 3. *Excommunicationis contrahit poenam, qui excommunicatis communicat.* Raymundus in summa lib. 1. tit. de hæreti. l. 7. *Iudex vel potestas secularis, non solum propter hæresim suam, sed etiam propter negligentiam contra hæresim extirpandam, potest non solum excommunicari ab Ecclesia, sed etiam deponi.* Quo pertinet Decretum Concilii Lateranensis, *Si Dominus temporalis, &c.* de quo thesi præcedenti. Inutilitas, insufficiencia, ignavia, ætas ad regendum inepta, prodigalitas, & aliæ id genus, quarum cognitio ad solum Pontificem pertinet, Bannes in 2. 2. q. 10. Art. 10. 4. Concl. *Quando utendum sit hac potestate, relinquiture ejus dominio vel judicio, & Ballarm. lib. 5. de R. P. cap. 7. Pontificis est judicare, Regem esse deponendum, vel non.* Imò tantam esse ejus potestatem pertendunt, ut etiam sine culpa possit Regna transferre. Bozius lib. 17. de signis Ecclesiæ, *In quo elucescit autoritas Papa, qui potest justis de causis, vel sine causa, ab aliis in alios, jura maxima, qualia sunt imperii, decreto suo transferre.*

XX. Nec verbis tantum dira hæc Tyrannis sancita fuit; sed exemplis innumeris confirmata. Referunt Pontificii Scriptores ad perpetuam Pontificis sui gloriam, Gregorium II. parte imperii mulctasse Leonem III. Imperatorem; Zachariam deposuisse Childericum Francorum Regem, & Pipinum in ejus locum substituisse; Leonem III. Imperium à Græcis ad Romanos transtulisse; Gregorium VII. Henricum IV. Imperatorem deposuisse, aliūque eligi jussisse; Innocentium III. Othonem IV. & Innocentium IV. in Concilio Lugdunensi Fridericum II. ab Honorio III. excommunicatum deposuisse, ut testatur Bellar. de Rom. Pontif. l. 5. c. 8. Notum etiam quid Julius II. adversus Ludovicum XII. tentaverit, quo pacto ei Imperium abrogarit, & Galliam interdicto subjecerit, cui tamen Rex, Optimatum Regni & Episcoporum consiliō strenuè se opposuit, imò superatis Alpibus ad Ravennam delevit copias Papæ, jussitque cudi nummos aureos, qui etiamnum videntur cum hoc elogio in ambitu,



ambitu, *Perdam Babylonis nomen*. Idem Julius circa idem tempus Regnum Navarrae Johanni Albretano ademptum dedit Ferdinando Castiliae Regi, qui regnum illud invasit non alio jure, quam quia sic visum est Pontifici. Sed ne praeiterita refricemus tempora, Quis nescit Henricum III. Galliae Regem, diris Papalibus à Sixto confossum, fidem subditorum, mox & vitam amisisse nefandâ Jacobi Clementis Dominicani manu? Et Henricum IV. ad quem consanguinitatis jure Regni successio pertinebat, declaratum fuisse inhabilem ad succedendum in Galliae Regnum? Ad quod quando pervenit, dirae Papales in eum repetitae sunt à Gregorio XIV. Sed Curia Parlamenti, quae tunc Turone agebat, Pontificalem Bullam jussit manu Tortoris publicè cremari an. 1591. & solenni Senatusconsulto *Bulle Papales declarantur abusiva, seditiosa, impia, & imposturis plena*.

XXI. Licet verò hoc jam sit in se inauditum & intolerandum, longè gravius tamen & dirius animadvertet, qui ad tam injustae potestatis tristissima effecta respexerit. Hoc enim semel posito, Papam sibi arrogare potestatem deponendi Reges, transferendi coronas, subditosque à juramento fidelitatis liberandi; nemo non videt sponte sequi, Pontifices non improbare talium Regum neces, imò eos morti addicere. Nam qui potestatem sibi vindicat Regem de Solio deturbandi, eo ipso statuit post latam sententiam desinere esse Regem, & ad privatos redigi: Quod si retinere dignitatem velit, non posse nisi per vim & latrocinium, tanquam Tyrannum & usurpatorem. Tales autem hostes publicos generis humani haberi, & jure posse à quolibet occidi; Quia *In reos Majestatis & publicos hostes, omnis homo miles est*, ut ait Tertullianus. Ita qui vult Regem pelli è Regno; vult quoque eum occidi, spoliatur enim eum eâ authoritate, quae vitam ejus tuetur & sacram facit. Unde Papa Urbanus Cano. Excommunic. declarat eos pro homicidis non habendos, qui excommunicatos occiderint. Suarez. lib. 6. de fi. c. 4. *Incipit esse tyrannus in titulo, quia non est legitimus Rex*; quippe ideo occidi potest, ut Emanuel Sà notat in verbo Tyrannus, *Occupantem tyrannicè potestatem, quisque de populo potest occidere, si aliud non sit remedium, est enim publicus hostis*. Quod solidè demonstrat Rex magnae Britanniae in libro contra Cardinalem Perronium. Possent huc congeri, si id nunc ex professo ageremus, innumera, ipsos etiam inter Pontificios testimonia, qui immensae istius potestatis quam Pontifices sibi arrogant, injustitiam, & perniciem demonstrant; inter quos eminent *Barclaius, Wodringtonus, Budaeus de Assè lib. 4. Carol. Molinaeus contra parvas datas, Joannes Tilletus, Claudius Fauchetius de libertate Gallicana. Petrus Pithaeus, Antonius Hotomannus, Joann. Aveninus, Joannes Cuspinianus, Duarenus lib. 1. de Sacra Ecclesia ministeriis & benef. cap. 4.*



DISPUT.  
V.

Et quotquot adversus Jesuitas scripserunt super hoc argumento. Nec omittenda varia Arresta Curiae Parisiensis, & aliarum, quae hanc Pontificum tyrannidem atrò lapillò notant, eatenus ut Pontificem tanquam Regni hostem, rebellium fautorem, & immanis ac detestandi parricidii contra Henricum III. patrati reum damnent, verba sunt Thuani lib. 101. *Eodem Senatusconsulto Gregorius se pro Pontifice hujus nominis XIV. gerens, publica pacis, Unionis Ecclesiae Catholicae Apost. Rom. Regis Regnique hostis, Conjuratōis Hispanica princeps, rebellionis fautor, immanis detestandi & inhumani parricidii per proditōnem contra Henricum III. Christianissimum & vere Catholicum Regem patrati reus declaratur.* Idem li. 114. refert Orationem Praesidis Forgeti, qui testatur ab hoc errore veluti projectas in Regnum scissas, quibus digladiarentur inter se cives. Inde pernicioſa de Regno ad pradam exponendo & exteris prodendo agitata consilia, ab his initiis detestandam conjurationem contra Christianiss. & vere Catholicum Regem Henricum III. initam cœpiſſe, ipsumque tandem abominando parricidiò occisum. Inde flammam, sanguinem, cades, sacrilegia, latrocinia, vim publicam, immanitatem, monstra, prodigia, & malorum iliadas miserum regnum jam septennium integrum exercere. Nec sine causa ita ratiocinabatur, sciebat scilicet ex Bulla Pii IV. edità anno 1558. *Reges & Principes, quos pro haereticis habere voluerit Pontifex, eo ipso absque aliquo Juris aut facti ministerio suis Regnis & Ducatibus privatos existere, Regnaque, Ducatus, Dominia, & bona publicari, & effici juris & proprietatis eorum, qui illa primò occupaverint, si in sinceritate fidei & unitate Sacrae Romanae Ecclesiae ac sub Romano Pontifice obedientia fuerint &c.* Imò & interficere licere, Cum ex Directorio Inquisitorum p. 3. *haereticos propriâ auctoritate capere, spoliare ac interficere liceat, &c.* Quod autem de haereticis dicitur, Idem & de Excommunicatis statuitur, *Cano. Excomm.* suprâ citatò. Hanc sanè Jesuitarum esse mentem, quorum sectâ nullam saviorem in Reges & Principes esse, non modò exemplis, sed & testimoniis quamplurimis probari posset, si id nunc ageremus; ex quibus clarè pateret, tantorum scelerum vel Authores vel approbatores fuisse, adeoque rorundo ore eos non semel pronuntiare, non modò licitam, sed & justam esse eorum Regum necem, qui à P. R. excommunicati & Regnò privati fuerunt, & Pontificem id juris in ipsos habere. Videatur Mariana li. 1. de Rege & Regis institutione c. 6. & 7. Bellarminus in Barclaium c. 7. & l. 5. de R. P. c. 8. Baronius ad an. 800. s. 10. Suarez. li. 6. adversus Regem M. Britanniae c. 4. & alii non pauci.

XXII. Hanc verò communem & receptam apud ipsos esse sententiam non semel agnovit Curia Parisiensis, & apertè testata est; quando



quando restitutioni Jesuitarum apud Regem intercedebat, ut Thuanus refert variis in locis, & imprimis libro 132. ubi Harlæus *Jesuitas* ostendit, *votum universale*, & *doctrina capita secum consentientia omnes habere*, ut præter Pontificem superiorem nullum agnoscant, eique fidem & omnimodam obedientiam præstent, idque fixum & ratum credant, Pontificem potestatem habere Regis extra communionem Ecclesie ponendi; Regem autem excommunicatum tyrannum esse, & subditos contra eum impune insurgere, ipsorum unumquemque, qui vel minoribus Ecclesie Ordinibus sit initiatus, quodcunque crimen admiserit, in læsa Majestatis crimen non posse incurrere, quippe qui minimè sint amplius Regis subditi, nec jurisdictioni ejus subiecti. Ita Ecclesiasticos per illorum doctrinam à seculari potestate eximi, manus cruentas licere impune sacrosanctis Regibus asserere. Hoc eos & libris editis asserere, & eorum qui contrà sentiunt rectam sententiam damnare &c. Sorbona non semel impiam istam doctrinam damnavit, imprimis in Censura Propositionem Santarelli circa Regum à Pontificibus depositionem & ejus causas, anno 1626. 4. April. Facultas improbavit & damnavit doctrinam his propositionibus, & horum capitum corollariis contentam, tanquam novam, falsam, erroneam, Verbo Dei contrariam, Pontificie dignitati odium conciliantem, Schismati occasionem præbentem, supremæ Regum authoritati à Deo solo dependenti derogantem, Principum infidelium & hæreticorum conversionem impediens, Pacis publica perturbationem, Regnorum, Statuum, Rerumque publicarum everisionem, subditos ab obedientia & subiectione avocantem, & ad factiones, rebelliones, seditiones, & Principum parricidia excitantem.

XXIII. Hoc verò Exempla nimis multa Regibus funestissima testata sunt sæpius. Præter ea quæ antea notata sunt, quid non dici posset de ferali tragœdiâ à Gregorio VII. Hildebrando dicto, in Henricum IV. Imperatorem inchoatâ, & ab ejus successoribus continuatâ; de Victore III. Urbano II. & Paschali III. eò usque ut proprios filios in Patrem, ab ipsis excommunicatum & diris devotum armarint, qui persequi ipsum crudeliter non destiterunt, donec miserè periret, corpore ipsius per quinquennium insepultò manente in cellâ quâdam ædis desertæ, Pontifice id sepeliri vetante, ut referunt Sigonius lib. 9. & Krantzius lib. 5. Quid de Alexandri III. in Fridericum Imperatorem latâ excommunicatione? De Friderici II. gravibus certaminibus cum Honorio III. Gregorio IX. & Innocentio IV. qui anathematibus illum feriendo, & ab Imperio deponendo, funestissima bella in Italia & Germania excitârunt, in quibus longo tempore omnia seditionibus, cadibus, & furoribus immanibus repleverant? Quid de Ludovici Bavari optimi Imperatoris durissimis persecutionibus à Johanne XXII. Benedicto XII. Clemente VI excitatis, qui cum tanquam hæreticum & schisma-



DISPUT. V. schismaticum diris devotum Imperio spoliârunt, Status ejus in prædâ exposuerunt, hostes adversùs illum intus & foris suscitârunt, atque ita effecerunt tandem, ut violentâ morte interiret? Denique quid non referendum esset de Pontificum fulminibus & diris adversùs Reges Gallia sæpius vibratis, ut Bonifacii VIII. adversùs Philippum Pulchrum, Benedicti XIII. adversùs Carolum VI. Julii II. adversùs Ludovicum XII. & aliorum id genus, quæ memorare longum nimis foret?

XXIV. Sed ne vetera repetamus quæ sunt innumera, sufficiat obiter notâsse, quod seculo præterito & hoc nostro præstitum sit tam à Gregorio XIII. Sixto V. & Gregorio XIV. qui nihil omiserunt ad perdendum Henricum III. & IV. & Regnum evertendum. Nota est Bulla Fulminatoria Sixti V. adversùs Henricum Borbonium Regem Navarræ, & Principem Condæum lata anno 1585. in qua uterque tanquam Sectarii & in errorem relapsi, Sectariorum fautores ac defensores publici & manifesti, divinæque Majestatis rei, & fidei Catholicæ hostes proscribuntur, & Navarrum quidem omni jure, quod in Navarræ Regno sibi competere contendit, & ea parte, quam nunc occupat, simul & Bearnî Principatu excidisse: Condæum autem & utriusque Successores omnis Principatûs & potestatis jure in præsens & in posterum pariter excidisse, indignosque eos esse & eorum Successores, qui in ullum Principatum, & speciatim Regnum Franciæ succedant, hæc sententia pronunciatur, Subditique obsequii sacramentô solvuntur, &c. Notum fulmen depositionis ab eodem in Henricum III. vibratum ob cædem Cardinalis Guisiani, quod Regis parricidium à *Jacobo Clemente* Monacho Dominicano paulô post est consequutum anno 1589. Parique conatu, sed dissimili eventu Henricus IV. post Pontificis excommunicationem sauciatus est à *Jacobo Castello* Jesuitarum alumno anno. 1594. & anno. 1610. à *Ravallio* Jesuitarum itidem pullo nefariè occisus, qui horrendâ istâ doctrinâ imbutus, Pontificem posse excommunicare Principes, Subditos solvere sacramentô fidelitatis, Reges tyrannos, quibus non placeret Novatorum excidium, hos insidiis, ferrô, venenô petere, non permissum tantum, sed & laudabile, scelus istud execrandum perpetrare non dubitavit. Post Pii V. diras, Elizabethæ Reginæ cædes sæpe, sed frustra tentata est. Nec mitius actum cum Rege Jacobo ejus Successore in conjuratione sulphurea anno 1605. in qua cuniculis actis sub Palatio Westmonasterii, ubi Parlamentum congregari debuit, & pulvere nitrato oppletis, parum abfuit, quin Rex cum Familia Regia, & totius Regni flore funestissimè uno icu periret, nisi Deus clementissimus hoc infernale consilium maturè satis detexisset, de qua Thuanus ita loquitur lib. 135. *Conjuratio omnium, quæ nostri & præci ævi temporibus memorantur, consilio*



consilio, audaciâ, immanitate maximè admirandâ, nam fando ubique ac-  
ceptum, & famâ ad posteros transmissum, multos Principes fraude casos,  
Respublicas insidiis petitas fuisse: At nulla tellus, nulla atas tale conspira-  
tionis monstrum unquam aluit, in qua Rex cum Regina, Parentes cum omni so-  
bole, Ordines totius Regni, totum denique Regnum, & in eo innumeri inno-  
centes, ut paucorum furiosorum libidini litaretur, uni exitio uno momento disti-  
narentur &c. Quæ omnia consecraria esse impii dogmatis de supremâ Pa-  
pæ Potestate in Reges, non est obscurum, quod ibidem Illustrissimus Præ-  
ses rectè observat. Quàm verò istiusmodi scelera non displiceant Pontifici-  
bus, exemplum memorandum habemus in Sixto V. Pontifice, in Oratio-  
ne ejus habitâ in Consisterio Papali anno 1589. super eadē Henrici III.  
excusâ Luteriæ anno 1590. apud Nicolaum Nivellium & Rollinum Theo-  
doricum cum approbatione Doctorum, ubi factum Clementis Operi assum-  
ptæ à Domino carnis, & resurrectionis ejusdem mysterio, ab Habacuco  
Vate prædicato, propter magnitudinem & rei admirationem confert, & sub  
finem judicat Regem indignum his officiis, quæ Imperatoribus & Regi-  
bus exhiberi solent, quippe S. Scripturæ autoritate prohiberi, ne quis pro  
eo, qui in peccato ad mortem, hoc est in Spiritum S. admissio, quale  
Regis peccatum fuit, moritur, preces faciat, & Orationem sit claudit, *Pro-  
pter hæc & similia manifesta impænitentia indicia, decrevimus pro ipso non esse  
celebrandas exequias*, &c. Thuan. lib. 95. Quod si seriò animadvertere vel-  
lent Reges & Principes, viderent, quantum è re sua esset, sese maturè jugo isti  
iniquissimo subducere, & Papam res suas habere jubere, ut tutiùs & securiùs  
vivere possent. Sed ad alia nunc pergamus, & ostendamus in *Animas & Con-  
scientias* eandem *Tyrannidem* non unâ ratione obtinere.

XXV. Primò quis non gravem Tyrannidem agnoscat in eo, quòd, *Tyrannis  
Romana in  
Conscien-  
tias.*  
cùm Scriptura S. sit Fax veritatis, Pabulum vitæ, Testamentum Pa-  
tris, Contractus fœderis nobiscum à Deo initi, Semen regenerationis,  
& Epistola Dei ad nos, quæ in eum finem data est, ut sedulâ & jugi  
meditatione legatur & investigetur, Psal. 1. 2. Joh. 5. 29. Col. 3. 16.  
Ita severè tamen ejus lectio interdicitur Populo, ut nefas sit vel Scri-  
pturam domi habere, vel legere. Quod enim olim Pius IV. Regulâ 4.  
consilio Parochi permisisse videbatur, ut Bibliornu versorum lectio qui-  
busdam concederetur, Clementis VIII. observatione revocatur; ut me-  
rum fucum esse videas; quo simplicioribus imponitur, dum negat ul-  
lam Episcopis vel Inquisitoribus hoc concedendi potestatem fieri, imò  
illam iis jam antè sublatam fuisse: nec alia ratio prætexitur, quàm  
quòd vernaculâ linguâ libet sit exaratus; scil. fraudi Christo est, si popu-  
lariter loquitur. O miseros, qui lucem fugiunt, vitam horrent,  
cibum calcant, quorum princeps cura est Verbum Domini ejicere,



DISPUT.  
V.

Clypeum fidei piis eripere, & Lucernam sub modium reponere. Sed mirari desine tam audax facinus; Ut fures oculos ante petunt lucemque prius extinctam cupiunt, quàm scelus suum perpetrent: Ita boni isti viri Verbi facem surripiunt, ut facilius regnare possint in tenebris, & pestiferam lucem disseminare. Quàm horrendum verò illud, quòd sacratissimus iste veritatis Divinæ Codex, immota fidei regula & canon, consolationis fulcrum, non modò proscribitur impiè, ne in oculos hominum veniat, sed, horresco referens, ardentibus rogis sæpius addictus est. Hic scilicet honor est, quò Divina Christi Oracula afficiuntur, hoc medium, quò errantes in viam reducere satagunt, & fidem ipsis suadere conantur! quasi Scriptura salutis magistra hæreticæ pestilentia vehiculum esse posset. Licèt autem nonnulli videantur in alia omnia ire, lectionem Scripturæ Sacrae non improbantes, & Versionem ejus in lingua vernacula adornantes; Quantas tamen turbas excitavit novissima Jansenistarum Novi Testamenti Versio, nemo est qui nesciat, & si quid de rigore illo quidam remittunt; certum est tamen non omnibus placere, & in pluribus locis, ut in Italia, Hispania, & alibi, idem interdictum severissimè observari.

XXVI. Unde nihil mirum jam videri debet, si nihilo mitiùs aliorum Scripta tractentur. Longum esset impias eorum artes hinc persequi, sed qui eas cognoscere voluerit, adeat *Indices Expurgatorios* varios antehac editos, & novissimum, qui in lucem prodiit Madriti anno 1667. ubi immanis Inquisitorum audacia in corrumpeendis doctissimis & piissimis quibusque, quæ veterum quæ recentiorum lucubrationibus, patet. Eò quippe processit furor, ut in ipsos libros, non secus ac in veritatis Professores agatur, non ratione, sed manu, non stylo, sed ferro, non scriptis, sed proscriptionibus. Pacem enim nullam putant, nisi vastitatem fecerint, damnant quia oderunt, oderunt quia ignorant, & malunt nescire, quia odisse volunt, quàm id scire, quod, si sciant, odisse non poterant, ut scitè de Ethnicis loquebatur *Tertullianus*, metuunt scilicet, ne Lux veritatis Ægyptiacas tenebrosasque artes & prodat & perdat. Ideo quicquid inerat masculi & sinceri in omnium gentium generumque Scriptoribus, quicquid Tyrannidis suæ sævitiam, Superstitionis fœditatem, & Curia Rom. corruptionem perstringebat, consilio sanè audacissimo, sed consultoribus pessimo, novacula sua & falce expurgatoria præcidere ausi sunt. Nemini parcitur; Alii in totum arcentur & damnantur, & fronti inustò cauteriò nigrum præfigitur Theta; Alii, ut dubia & suspecta fidei, obelo interpunguntur. Alii cum expurgatione permittuntur, ut nihil jam vel Patres vel Scriptores alii loquantur, quod non sapiat ad Papæ palatium. Et ne quis putet hæc ab iis clàm fieri, & in occulto, ut incautos decipiant



piant, juxta vetus illud *si non castè, saltem cautè*, apertè agunt & tanquam de Disrupti  
V.  
re bene gesta gloriantur. Testem habemus omni exceptione majorem,

*Augustinum* Venetiis apud Juntas excusum in quarto, anno 1584. qui penes nos est, in quo qui editioni præfuerunt, testantur in ipsa libri inscriptione, *se præter locorum multorum restitutionem secundum collationem veterum Exemplarium, curasse removeri illa omnia, qua fidelium mentes hereticâ pravitate inficere possent, aut à Catholica Orthodoxa fide deviare.* Eâ verò specie plagia qualibet, furta, & corruptelæ obvolvi possunt, ne posthac Patres quicquam amplius Rom. Curia molestum sonent.

XXVII. Sed tempus est, ut ad *Potestatem* *νομοθετικὴν* transeamus, in qua sævissimam etiam Tyrannidem in animas exercet Ecclesia Romana. Cum enim Christus se unum Doctorem & Legislatorem esse profiteatur, penes quem servandi & perdendi potestas est posita Jac. 4. 2. qui solus proinde imperium habet in animas, & à cujus nutu pendere debemus: Isti novos & quidem à Christo institutos perpendunt esse se Nomothetas, qui non modò constitutionibus Ecclesiasticis prospiciant, ut omnia decenter & ordine fiant in Ecclesia, quod ad omnes legitimos Ecclesiæ Rectores pertinet ex mandato Pauli 1. Cor. 14. 40. Sed qui 1 Cor. 14. 40.  
infallibiles se jactent, & jus sibi arrogent Leges ferendi conscientiiis, quæ pro necessario & vero Dei cultu ingeruntur, quasi maxima Religionis & pietatis pars in earum observatione sita sit. Longum esset earum catalogum texere, & vanitatem ac impietatem describere; Sed quis non videat jugum esse *ἀβάσκητον*, quod conscientiiis imponitur, & quò miserè torquentur?

XXVIII. Ut verò ex innumeris unam vel alteram tantùm attingamus; Quis ad *Confessionis auricularis* institutum attendere potest, quò quisque adultus baptizatus tenetur semel saltè in anno peccata omnia sua cum omnibus eorum circumstantiis confiteri in autem Sacerdotis, ut eorum remissionem obtineat; qui non fateri cogatur gravem esse conscientiarum carnificinam, Tyrannidis & rapacitatis Pontificiæ organum, arcana Principum & familiarum rimandi machinam, & scelerum ac impuritatum scholam? Quis *Vota Monastica* expendit, qui idem Tyrannidis jugum non animadvertat, non modò dum nemini licet sacris operari, nisi qui volens nolens calibatûs legem sibi imposuerit, sed & dum tanta istius voti necessitas creditur, ut capitale sit illi renunciare, & tanquam votifragi traducuntur, qui libertatem Evangelicam amplectuntur, cum tamen in turpi voto mutandum sit decretum, & satius sit matrimonium, quod inter omnes est *τίμιον* Heb. 13. 4. contrahere, quàm uri 1. Cor. 6. 9. ? Quis denique tot *Festa, Jejunia, Vigilias, & Caremonias*, partim ex Ethnicismo, partim Judaismo derivata, quibus conscientia velut gravissimo onere premuntur, &



DISPUT.  
V.

& tantum non opprimuntur, intuetur, qui intolerandam hanc Tyrannidem non defleat; Conquereretur suo tempore *Augusti. Epist. 119. ad Janua.* quod neglectis Dei præceptis, tam multis præsumptionibus plena essent omnia, ut gravius corripere, qui per octavas suas terram nudo pede tetigerat, quam qui mentem vinolentiâ sepelierat; Conquereretur Ecclesiam, quam Dei misericordia liberam esse voluit, servilibus oneribus sic premi, ut tolerabilior fuerit conditio Judæorum. Si hoc seculo sanctus ille Vir vixisset, quibus querelis deplorasset eam, quæ nunc in Ecclesiam invecata est, servitutem? Si vidisset innumeris illis ritibus, partim ineptis & inutilibus, partim impiis & falsis, omnibus sanè fictitiis & merè humanis, totum Dei cultum corrumpi,

XXIX. Sed gravius hoc est longè & intolerabilius, quod non modò Leges istæ feruntur conscientis, sed & tanto rigore urgentur, ut Legis divinæ violatio nihil videatur esse præ illarum transgressione. Et sanè quis nescit, longè majorem reatum apud Sacrificulos Pontificios contrahere, qui carnem die Veneris gustaverit, quam qui linguam blasphemam adversus Deum extulerit? Qui auricularem confessionem anno vertente prætermiserit, quam qui nequissimam vitam in totum annum produxerit? Qui votivam peregrinationem non persolverit, quam qui in promissis omnibus fidem fefellerit? Qui Idolum sine honore præterierit, quam qui homines contumeliosè tractaverit? Qui sacris operans, legitimo se copulaverit matrimonio, quam qui mille sordibus corpus fœdavit? Qui non demurmuraverit certis horis, & ad globulos, certa sine sensu verba, quam qui legitimam orationem animo nunquam conceperit? Quid est irritum facere propter suas traditiones Dei præceptum, si hoc non est; Quum observationes mandatorum Dei frigidè tantum & perfunctoriè commendantes, suorum exactam obedientiam non minùs anxie urgent, quam si totam pietatis vim in se continerent; Quum divinæ Legis violationem levibus satisfactionum mulctis ulciscunt, unius sui Decreti vel minimam offensionem nullâ leviori pœnâ plectunt, quam carcere, exilio aut gladio. Sic cœlestia Dei Oracula vilescunt præ verbis hominum, & Lex summi Numinis mandatis infirmorum mortalium postponitur.

Tyrannis  
Ecclesia  
Rom. in  
Corpora.

XXX. Plura possent afferri istiusmodi, quibus sævâ tyrannide in Conscientias Roma grassatur; Unde non mirum si in Corpora etiam sæviat, & Imperium suum ferro & flammis, aliisque injustissimæ violentiæ mediis stabilire conetur. Nec obscura sunt ejus rei documenta. Quis enim ambi-  
gendi locus esse potest, post ea quæ superiori seculo & hoc nostro contigerunt? Consulantur Martyrologia, & evolvantur Annales rerum à tribus seculis gestarum, & clariùs hoc constabit, quam ut probatione indigeat. Nam ut nihil nunc dicamus de *Joh. Wiclefo*, qui ante 350. annos ausus est Romæ bellum palam.



palam indicare, & cujus, immani crudelitate, quadragesimo demum post mortem anno, cremata sunt ossa Oxoniæ. Nihil etiam de *Johanne Husso*, & *Hieronymo Pragensi*, qui violatâ publicâ fide Constantiæ ex Pseudo-Synodi decreto, execrabili perfidiâ, non tantum durissimo catcere aliisque tormentis vexati sunt, sed & vivi sunt ustulati circa ann. 1416. Nihil de pluribus aliis ex diversis Orbis terrarum Regionibus divinitus ad iustaurandum Christianismum selectis Martyribus. Quis nescit quot & quantæ perpetratæ fuerint cædes, non paucorum, sed innumerorum fidelium? Quam immanes contra Albigenfes, Valdenses, Lolhardos, Lutheranos, Reformatos, sese Erroribus & Tyrannidi Ecclesiæ Romanæ opposcentes, suscitata persecutiones, editæ strages, & carnificinæ horrendæ in præcipuis Europæ Regnis & Provinciis? Horret animus cogitare & recensere proscriptiones, exilia, carceres, bella, lanienas, & sævissima tormenta, quibus in fideles Christi servos, & Christianorum myriadas sævitum est, non alia de causâ, quam quia conscientiam Idololatriæ crimine pollueret detrectabant, & characterem Bestiæ, vel admittere volebant, vel amplius ferre. Vidit hoc nimium & sensit, proh dolor! Hispania, Italia, Gallia, Anglia, Germania, Belgium, & totus penè Orbis Christianus. Clamat adhuc tot innocentium sanguis, quò non urbes modo, sed & campi toti maduerunt. Sed præstat hæc silentii sipariò tegere, quam ea referendo infandum renovare dolorem. Utinam verò hæc fuissent tantum; nec nostra ætas, nostrum hoc seculum tristissima istiusmodi vel vidisset jam, vel videret etiamnum exempla. Sed Satan antiquum semper obtinet; Imò procedente seculo duplicari videtur ejus rabies, dum Tyrannidis suæ spatium contrahi videt. Quòd si recensenda essent plurima crudelitatis istius argumenta, Quid non dicendum esset de dirissimis, quæ quinquaginta abhinc annis, vel in *Rhatia & Valle Telina*, anno 1620. vel in *Hibernia*, anno 1645. vel in *vallibus Pedemontanis*, anno 1655. perfidiâ plus quam Punicâ, & barbarie plus quam belluinâ contigerunt, lanienis? Et de luctuosissima Ecclesiarum illarum antiquissimarum dissipatione & clade, quæ novissimè contigit, non aliam ob causam, quam propter Religionem, quia noluerunt puriorem fidem à piis Majoribus traditam, & ab ipsis Apostolorum temporibus constanter inter ipsos receptam & creditam, ejurare, ut se Papali tyrannidi manciparent; quarum miserabiles supersunt reliquæ, piorum omnium amore & charitate dignissimæ, partim ex inaccessible montium jugis, & abditis rupium antris elapsæ, velut *titiones ex igne erepti*, partim ex tetris, quibus à pluribus mensibus injustissimè inclusæ tenentur, carceribus, brevi liberandæ dicuntur, de quibus sine lachrymis, & tenerrimo tantæ ipsarum calamitatis sensu cogitari non potest. Quid rursus dici non posset de compluribus aliis crudelissimis persecutioibus, quæ



DISPUT. in *Bohemia, Palatinatu, Hungaria, &* alibi passim in Protestantes motæ  
 V. sunt antea, & quæ quotidie moventur? In *Gallia* imprimis, ubi in tantum exarsit persecutionis exquisitæ æstus adversus pios fratres, ut nullam quietem sibi dederit Clerus Romanus, hostis ipsorum ἀσπονδῶ, donec obtinuerit ultimum Ecclesiarum illarum florentissimarum excidium, per absolutam *Edicti Nannetensis*, Octob. 18. 1685. factam abrogationem, sub cuius fide publica, tanquam *Edicti perpetui & irrevocabilis, & legis Regni fundamentalis*, ut appellatur subinde, hætenus pacatè quoad libertatem conscientiarum vixerant; licet non parum illud jam variis modis quotidie artibus Adversariorum vasserrimis labefactaretur. Exinde enim, ut abyssus abyssum invocat, factum, ut Privilegia omnia, Reformatis concessa, ablata sint, Templà eorum diruta, Scholæ & Academiæ clausæ, Pastores in exilium pulsi, vel in carceres coniecti, Greges Domini dispersi, & huc illuc disjecti, Libertas exercitiorum, conscientiarum penitus crepta, & alia id genus in afflictissimos fratres decreta & exercita, quæ ut nimis in vulgus nota omittimus, quæque lachrymis potius sanguineis deplenda, quàm verbis sunt exprimenda. Sic scilicet, quos simul & semel delere non potuit Antichristi crudelitas, sensim conficere conatur; Et quod lanienis, bellis, ferro & igne, aliisque sævitæ generibus, quæ corpora & bona tangunt, assequi non potuit; Idem ipsum subtiliore quidem, sed periculosiore ratione aggreditur, non corpora ipsa tantum & bona ac facultates, sed fidem & Religionem ipsam, & Religionis caput & arcem, Veritatis scilicet thesaurum, & Conscientiarum libertatem, rebus quibusvis pretiosissimis longè cariorem, impetendo.

Inquisitionis  
 Hispanica  
 crudelitas.

XXXI. Possemus ulterius sævam istam Tyrannidem confirmare ex nefaria *de propaganda fide & extirpandis hereticis Congregatione*, quæ in id unum intenta est, ut quacunque tandem ratione lucem veritatis in Ecclesia coruscantem extinguat, & fideles Christum profitentes perdat. Tum ex sanguinolentis consiliis, quæ Papa per Emissarios suos solet suggerere Principibus sibi addictis in eos, qui durissimo ipsius iugo colla nolunt subdere, quorum exempla nimis multa afferri possent. Sed sufficiat nunc unam *Inquisitionem Hispanicam* memorare, quæ omnium clarissimè hoc ipsum evincit. Quid enim iniquius & crudelius sacerrimo hoc Tribunali, in quo, Magistratu Politico excluso, & cui nihil aliud relinquitur præter executionem istius carnificinæ, Inquisitores simul Actores, Testes, & Iudices esse solent? Ubi verè, si uspiam, τὰ βᾶδν Satanæ occurrunt. Cujus arcana, horribilesque processus Inquisitorum, & pœnarum ac tormentorum modos, si quis penitus cognoscere cupiat, adeat *Raynoldum Gonsalvum Montanum* in peculiari tractatu Latino, *Eymerici Directorium Inquisitorum* cum Commentariis Francisci Pegnæ, &

Lucet-



*Lucernam Inquisitorum* authore *Bernardo Comensi* cum notis ejusdem *Pegnæ*, qui fusè quicquid huc pertinet exequuntur, & Tribunalis istius plus quam *Busiridei* diritatem exponunt. Unde non mirum si omnibus exosum semper fuerit, & tot tantæque excitatæ sint turbæ, sive in Regno *Neapolitano*, sive in *Belgio*, sive alibi, quoties de eo erigendo cogitatum, quod non semel observat *Thuanus* nominatim lib. 3. ad annum 1543. p. 81. Tunc temporis, inquit, jam in *Italia* multos clam *Lutheri* doctrinam amplecti rumor erat, sensimque latius serpere malum, quàm ut diutius ferri deberet, ei non aliter posse occurrì dicebat *Toletanus*, quàm si ex laudabili *Ecclesiæ* decreto lex in regno stabiliretur, quæ quoniam severissimè in capita & fortunas hominum, pravè de religione, riibusque atque institutis *Ecclesiæ* sentientium, inquit, Inquisitionis nomen sortita est. Ejus horror & odium ingens jam ab illo tempore, quò *Ferdinandus*, Ejectis ex *Bætica Mauris*, Catholicititulum adeptus, ut reliquias *Judaica* & *Mahumetana* pestis in *Hispania* extingueret, illam savissimè in Regnis suis per *Dominicanos Fratres* exercuerat; augebat horrorem perversa & prapostera judiciorum forma, quæ contra naturalem equitatem, & omnem legitimum ordinem in jurisdictione illa explicanda observatur, tum etiam immanitas tormentorum, quibus plerumque contra veritatem quicquid delegatis iudicibus libebat à miseris & innocentibus reis, ut se cruciatibus eximerent, per vim extorquebatur; quò fiebat ut non tam pietatis tuenda causâ eam inventam dicerent, cui aliâ viâ satis ex antiqua *Ecclesiæ* disciplina prospectum esset, quàm ut eversis istâ ratione etiam omnium fortunis, liberis capitibus periculum crearet &c. Et lib. 23. ad annum 1559. narrat, quo pacto *Philippus* in *Hispaniam* veniens à Sectariorum castigatione initium fecerit; Et cum antea singuli aut plures, ut casus tulerat, ob pravas de Religione opiniones post condemnationem mox carnifici traderentur, in ejus adventum servati passim totâ *Hispaniâ* damnari, & *Hispalim* ac *Pinciam* deducti sunt, quibus locis theatrâli pompâ ad supplicium producerentur, ibidémque complurium nomina utriusque sexûs recenset, qui crudelissimè ex Inquisitorum sententiâ ultimò suppliciò sunt affecti. Possunt etiam videri apud *Burgundum* in histor. Belg. lib. 2. Leges Inquisitionis *Belgis* impositæ, uti eas *Carolus V.* anno 1550. in unum corpus omnes contraxit; & hanc tabulam populo proposuit, ut vel ex hoc uno Tyrannidis istius immanitas pateat. Primi articuli in Reformatorum aliorumque *Apapistarum* capita scripti, sic se habent: *Extra Theologos ab Universitate admissos de Scripturarum sensu sermonem controversiamque nemo misceto. Proferendi, discernendi, concionandi illicita jus non esto. Qui secus faxit perduellis esto, ex die criminis instabilis esto, alienandi facultatem ne habeto. Panarum gradus sunt; Pœnitentiâ ducti, si viri, gladiò plectuntur.*



DISPUT. V. *plectuntur. Pœmina in terram vivæ defodiuntur. Contumaces igne cremantur, bona universorum in fiscum rediguntur, &c.* Alia sunt plura istius generis, quæ sine horrore mens pia legere non potest. Quod si plena de-  
testandæ istius praxeos notitia haberi posset, quam non sine causa Car-  
nifices isti summo studio occultare conantur, facilè mihi persuadeo ne-  
minem fore cui cor sit, non dicam Christianum, sed humanum tantum,  
qui ad talia portenta horrore totus non percelleretur. Si de Turcis vel Pa-  
ganis ageretur, qui veri Dei cognitione destituuntur, minùs mirum es-  
set eos tale quid adversus nos moliri; licèt vix arbitrer apud Turcas &  
Paganos tantæ immanitatis exempla occurrere posse. Sed quis unquam  
credidisset Christianos in Christianos ipsos ita sævire, non alia de causa,  
quàm quia Christi veritatem profitentur, nec alias Leges, quàm quas  
ipse nobis in Verbo præscripsit, sequi volunt? Siccine ergo Christus Di-  
ctatoriâ potestate Ministros suos instruxit, qui de vita & fortunis homi-  
num pro libitu statuerent? Siccine ad fidem & Religionem voluit eos  
adduci? At Christus fidem quidem persuaderi vult, sed non imperari,  
ut Doctoribus, non Draconibus, Pastoribus, non Tortoribus, Verbis, non  
Verberibus, ad id opus sit; vult ut efficacissimâ veritatis demonstratione,  
& armis spiritualibus, non carnalibus, 1. Cor. 2. 2. & 10. 2. peccato-  
res à fide devii invitentur, flectantur, & suavi quadam ac gratâ violen-  
tiâ & πειθαρχίᾳ ad Christum ducantur. Sed ubi unquam permissum  
vel injunctum est, vel à Christo, vel ab Apostolis, ut ad fidem homi-  
nes sub capitalibus pœnis, & tormentis, morte ipsâ gravioribus, coge-  
rentur. An hæc spirant Spiritum Christi, Agni Dei mitissimi, An non  
potiùs Draconis infernalis genium, qui mendax & homicida fuit ab initio?

XXXII. Ex quibus omnibus, ne diutiùs in hoc argumento immoremur,  
luce meridianâ clariùs patet; quod antea demonstrandum suscepimus, Eccle-  
siam Romanam gravissimo tyrannidis jugo conscientias onerare, quod cum  
libertate Christiana planè est αὐτοκρατορία; Unde & sponte fuit sententiæ nostræ  
invieta probatio. Nimirum & Majores nostros justissimam, & summè neces-  
sariam habuisse ab ea secedendi causam, & Nos nullam rationem habere ho-  
die, quocunque demum prætextu, ad eam redeundi & Syncretismum cum ea  
ineundi. Et sane si Deus expressè vetuerat olim, ne Israëlita, semel ab Ægy-  
ptica servitute liberati, de reditu in Ægyptum cogitarent Deut. 17. 16. Je-  
rem. 42. 15. Si semel egressos è captivitate Babylonica noluit iterum ad eam  
se conferre; sed in perpetuum ab ea scjunctos manere, ne ejus sordibus ampliùs  
inficerentur Is. 52. 11. Quantò magis necessarium est à Romana Tyrannide,  
Ægyptiacâ & Babylonicâ longè crudeliori, semel liberatos, de ejus jugo ite-  
rum subeundo nunquam in æternum cogitare? cùm hîc non Corpora tan-  
tùm, sed Corda, non Facultates, sed Conscientiæ in servitutem addicantur?



XXXIII. Atque hinc proclive est colligere, quid judicandum sit de **DISPUT.**  
 eorum Consilio, qui jam olim de *Syncretismo* cum Pontificiis ineundo **V.**  
 cogitârunt, & de illis qui nunc etiam idem saxum volvere dicuntur, & eum *Frustrâ*  
 in finem Emissarios huc & illuc missitare, qui per varias Regni provincias *Syncreti-*  
 circumcursent, Verbi Ministros privatim conveniant, humaniter compel- *smum cum*  
 lent, & multa polliceantur quæ ad Controversias aut minuendas, aut diri- *Roma hodie*  
 mendas, aut amicè leniendas prodesse possent, modò ipsi tam salutari con- *urgeti.*  
 silio aurem præbere & subscribere non recusent; Imò eò usque progredi fe-  
 runtur, ut summa Capita operis Henotici, quod moliuntur, variis articulis  
 expressa exhibeant, quibus Errorum variorum & Superstitionum reforma-  
 tio videtur promitti, quales sunt v. g. *Imaginum è Templis ablatio, Com-*  
*munionis sub utraque specie restitutio, Liturgia reformatio, & in linguam*  
*vernaculam versio, maxima Cœnobiumpartis suppressio, & ad trigesimum*  
*usque ætatis annum Votorum Monasticorum dilatio; Indulgentiarum modera-*  
*tio, aliorumque rituum & Caremoniarum minus necessariarum mutatio.*  
 Et alia non pauca id genus, quæ in Cœtu generali Doctissimorum utri-  
 usque Communionis Theologorum debeant approbari, & Confessione  
 generali, quæ Capita fidei, de quibus consensus est inter partes, omissis iis  
 in quibus dissensus, contineat, exprimi. Quæ quidem magna cum osten-  
 tatione possunt obtendi; Sed ut facile conjicere licet, incassum, ut neutri  
 dissidentium parti placitura sint hæc molimina. Non Adversariis, quia plus  
 justo ex illorum mente nobis conceditur. Non Nostriis, quia non satis.  
 Illi querentur Ecclesiam suam infallibilem erroris argui. Isti verò non  
 ferent præcipuos & capitales errores semper retineri: Ita non potest non  
 irritus esse omnis iste conatus. Sed si quis penitius ad rei veritatem at-  
 tendat; non obscure deprehendet hæc omnia non alio fine tentari, quàm  
 ad laqueos conscientiiis nectendos, & simpliciores, sub eximio pacis,  
 sed subdolæ & insidiosæ nomine illis imponendo, in servitutis pristinæ  
 jugum reducendos. Dum enim Roma Primatum & Tyrannidem suam  
 retinebit, quæ dominari vult & non corrigi, quis locus potest esse Syn-  
 cretismo? Unde non mirum si Ecclesiæ Reformatæ adeò ab eo consilio,  
 quod *Samaritanismum* & Religionum farraginem potius quàm veram &  
 sinceram *ἐκκλῆσιαν* inducit, alienas semper se præbuerint, utut zelum bonæ,  
 & quæ Deo grata esset, pacis præ se ferentes, molitiones illas repudia-  
 verint; Et si quis esset inter Euangelii Ministros, qui illis vel palàm vel  
 elanculùm faveret, exautorationem severissimè sint interminatæ.

XXXIV. Non sanè quòd Pacem toto pectore non exoscule-  
 mur; Verùm Pacem veram & solidam quærimus, quæ indissolubili  
 cum Veritate conjuncta sit vinculò, quando tam arcte duz istæ Pa-  
 tris luminum, qui & prima Veritas est, & summa Charitas, filiz,  
 sunt



DISPUT. sunt connexæ, ut neutram habere possit, qui alterutram negligit, & V. utramque perdat, qui utramvis non servat. Nec alia de causâ divinus Vates Gratiam & Veritatem sibi mutuò occurrentes, Iustitiam & Pacem sese invicem osculantes proponit Ps. 85. 11. & Zacharias *Veritatem* Ps. 85. 11. & *Pacem* amare jubet, c. 8. 19. & Paulus Eph. 4. 15. τὸ ἀληθεύειν ἐν ἐφ. 4. 15. ἀγάπῃ tam sollicitè commendat, quàm ut utriusque sanctum & constans connubium doceant, ut nec Veritatem sine Pace, nec Pacem sine Veritate sectemur. Hactenus sanè Pax modis omnibus quærat a nobis & optetur, & si quis alienum se ab ea ostendit, nunquam vel Dei pacis filius, vel Christi Principis Pacis frater & membrum haberi poterit. Verùm si pacem obtinere non possumus sine Veritatis dispendio, quâ nihil prius, nihil antiquius nobis esse debet, ad cujus defensionem Majores nostri tot sunt labores passi, tot ærumnas sustinuerunt, totque martyria subire promptissimè non recusârunt; Quis injustissimæ Pacis δῶρον ἢ δῶρεν non aversetur, & pacem internam & æternam cum Deo, externæ & temporali cum hominibus, qualiscunque demum sit utilitatis & commodi, non præferat lubens? Imò si totus mundus lucrandus esset, exitialis ista mixtura nunquam esset facienda. Hiero. ad Theoph. *Volumus & nos pacem, & non solum volumus, sed rogamus, sed pacem Christi, pacem veram, pacem sine inimiciis, pacem in qua non sit bellum involutum, pacem, que non ut Adversarios subjiciat, sed ut amicos jungat; Quid dominationem pacem vocamus, & non reddimus unicuique rei vocabulum suum?* Aliàs cum Nazianzeno censemus melius esse laudabile bellum pace, que nos à Deo separat.

Vanitas  
Consilii

Henotici de-  
monstratur.

XXXV. Hanc autem & non aliam urgeri Pacem, Hypsîa cæcior est, qui non videt. Primò quia qui hoc opus aggredi dicuntur, se eo ingerunt non vocati, nullaque ad id suscipiendum facultate à Partibus dissidentibus donati, præsertim ab iis, sine quorum nutu & consensu quæcunque vel offerunt, vel promittunt, irrita esse necesse est. Quid enim proderit magno molimine Syncretismum urgere, & pacem offerre, insciis vel invitis illis, quorum præcipuè hîc res agitur? nisi Pontifex, quem Ecclesiæ suæ Caput esse volunt, Bullâ aliquâ vel Diplomate hoc quicquid est negotii calculò suò approbet? Ostendant verò nunquid Papa consensum huic operi præbeat, vel ut Patriarcha fiat in Regno, qui à solo Rege pendeat, vel ut cætera quæ promittuntur reipsa impleantur? Cùm verò nihil tale hactenus fecerit, nec unquam sit facturus; Quis non judicet dolum malum & fraudem hîc subesse, ut, si quod intendunt, assequi non possint, quæcunque molientur aut gerent, semper improbari possint ab ea potestate, cui sunt obnoxii? Secundò si sincerè & bonò animò feruntur; Cur non apertè & viâ regiâ incedunt, sed clanculum & per cuniculos rem gerunt? Cur privatim Pastores conveniunt, & nonnullos, aliis insciis, compellant?



lant? Cur subscriptionem ab illis exigunt, & silentii arcanum tam sollicitè commandant, ne res ad Synedriorum cognitionem statim veniat? Cur præcipuè magnis pollicitationibus eos, quos alloquuntur, permovere conantur, imò, horresco referens, pecuniâ etiam, ut ferunt, oblata, si quæ occurrerent venales animæ, quæ pessimis hisce artibus ad bonæ causæ proditionem allici possent; Hæc sanè nimis demonstrant, anguem hîc in herba latere, & mysterium aliquod subesse; sed mysterium iniquitatis, ut faciliùs blando, sed fallaci pacis nomine incautos inescare possint.

DISPUT.  
V.

XXXVI. Hoc verò clariùs adhuc colligitur ex speciosis, quas offerre dicuntur, variorum Errorum & Rituum supersticiosorum reformationis promissionibus. Nam si vera sunt quæ referuntur; Quis non miretur eos, qui antea omnem Ecclesiæ reformationem, toties à Principibus expetitam, semper averfati sunt, & quidem eo rerum statu, illisque temporibus, quæ illam suadere poterant; nunc, dum impotentiùs in nos & voce & scripto debacchantur, dum odium ipsorum quotidie magis exardescit, dum omnia ex voto illis succedere videntur, de corrigendis tamen erroribus suis cogitare, & prætensæ ἀναμαρτυρίας dogma, quod tanto molimine aliàs propugnârunt, hæc ratione eversum ire? Quis verò non videt, promissiones istiusmodi inanes esse & ludicras, quæ bona verba præ se ferre videntur, sed verba tantùm, simplicioribus irretiendis apta, quæ ad effectum perducì & reipsa impleri nunquam poterunt; Nam præterquam quòd, qui talia pollicentur, præstare non possunt quod promittunt, nullâ autoritate ad id instructi; licèt sincerè agerent, quis potest certitudini locus esse apud eos, qui teterrimum istud dogma tuentur, & tam sæpe in praxim deduxerunt, *Promissam hæreticis fidem non esse servandam?* Nonne si quid promissum esset, & datum, posset ad Pontificis libitum primâ oblatâ occasione rescindi? Quomodo Moravis olim fuerat concessum, ut sacra sua non Latinè, sed Slavonicè peragerent, sed ademptum postea Papæ arbitriò, teste *Bellarmino* lib. 2. de Verbo Dei cap. 16. & Bohemis indulta fuerat à Concilio Basiliensi Communio sub utraque specie, unde dicti fuere *Calixtini*, sed hoc etiam ipsis postea negatum. Quòd si velint nobis persuadere, se bonâ fide, & non malo animo hoc polliceri; manum ergo operi admoveant, prædictos errores reformare incipiant; Tollant è Templis Imagines & earum cultum, quod sanè maximum paci obstaculum semper attulit; reddant Communionem sub utraque specie à Christo institutam, & toties à Principibus & Populis expetitam, Vernaculam linguam in Sacris adhibeant, ne populus serviat Deo ignoto cum Atheniensibus, sed adoret quod cognoscit Joh. 4. 22. Infamem Indulgentiarum nundinationem, & rerum sacrarum venalitatem, quæ Simonem magum authorem habet, non Simonem Petrum, tollant; Vota Mo-

nastica



DISPUT.  
V.

nastica abrogent, Sacramenta reducant ad antiquum numerum, usum & modum, prout à Christo liquet instituta fuisse, & ab Apostolis celebrata. Vigilias, Jejunia, Peregrinationes, & alios id genus errores complures, & ritus voluntarios, non ludicros modò & pueriles, sed impios & idolatricos corrigant. Tunc æquius judicium de toto hoc consilio ferri poterit. Sed dum nihil minus quàm hæc in animo habere Romam palàm est; dum contrà superstitio quotidie augetur, & errores veteres magis magisque confirmantur. Quis, nisi qui sponte voluerit se ipsum decipere, non adducitur ad credendum, inanes esse & falsas tales omnes promissiones, quæ speciosè quidem obtruduntur ad illaqueandos infirmos, sed quæ irritæ semper futuræ sunt, ut fuerunt hæctenus aliæ omnes, quæ in simili negotio dari potuerunt?

XXXVII. Verùm demus etiam præstari quod promittitur. An propterea confecta res erit, & Reformati poterunt vel debebunt aurem præbere consiliis istis Henoticis? Nihil minus; Quippe si accuratè rem putamus, videbimus quidem nonnulla emolliri, & in speciem corrigi; Sed minutiora & levioris momenti, quæ ad ritus externos & regimen potissimùm pertinent. Sed nihil remitti tamen de præcipuis & capitalibus Erroribus. Nihil de authoritatis Pontificiæ fundamentis, quæ ut justam Secessioni causam ab initio præbuerunt, ita rebus semper sic stantibus Syncretismi ἀδυναμία evincunt. Quid enim juvabit Communionem sub utraque specie obtinere, Sacra vernaculâ linguâ peragere, Imagines è Templis tollere, & alia id genus mutari vel incrustari; Si retinetur semper Transubstantiationis figmentum, Idolum missaticum, Meritum operum, Satisfactionum humanarum necessitas, purgatorii doctrina, Traditio ἀρχαῖος, Cultus & veneratio Sanctorum, Tyrannicus Pontificis Primatus, & cætera istiusmodi, quæ, salvâ conscientiâ, nunquam, vel recipi vel observari à nobis poterunt? Hæc sanè talia sunt, ut etiam singula secedendi necessitatem nobis imponerent, quantò magis dum omnia huc agmine facto concurrunt? De Veritate Dei non est transigendum, eam non habet, qui totam non habet; ut Christus non μετέσθαι 1. Cor. 1. 13. Ita nec Veritas ejus; pura debet esse, & integra, nec contrarii mixturam ferre potest, unde frustrà sunt qui eam cum mendacio componere satagunt.

XXXVIII. Ut ergo rem in pauca contrahamus, Dicimus veram & salutarem *Unionem* Christianorum rem esse quidem optimam, quæ à singulis optari debeat; Sed quæ tamen, rebus sic stantibus, sit impossibilis; & a nemine verè pio & cordato sperari possit. Nam nec Romana Ecclesia parem admittit, nec Reformatæ possunt agnoscere superiorem, Illa leges dare ut Domina, & non accipere ut Soror & Socia vellet, & se gravari putat nisi dominetur,



καὶ ἐν μὴ τυραννέει πάμπαν ὑβρίσεις δοκεῖ, Ista verò jugum ullius ferre nec volunt nec debent. Fateor sanè nunquam pacem repudiandam esse, si æquis conditionibus offeratur, & sine pietatis & veritatis dispendio; sin verò nihil aliud quæritur, quàm ut ad eadem vincula, servitiùmque quod evasimus, sub prætextu reconciliationis trahamur, bellum tali pace melius, & dissidium tali unitati longè anteponendum. Non nego etiam aliquid boni expectari posse, si Roma seriò de sui reformatione cogitaret, & quemadmodum justam nobis à se recedendi causam dedit, daret etiam causam ad se redeundi, & quidem priori contrariam. Sed quamdiu ipsa *infallibilitatis* opinione ebria, antiquum semper obtinebit, & eosdem errores scèdissimos, crassissimam Idololatriam & Tyrannidem durissimam propugnabit; quamdiu necessariò volet credi sub Anathematis pœnâ quicquid definitum est in Concilio Tridentino, & quicquid Papæ libuerit de omnibus quæstionibus Theologicis pronunciare. Uno verbo, quamdiu stabit Papa, qualis à suis habetur, & qualem se haberi vult, frustrà erunt qui de reconciliatione loquentur; Et meritò conjicias, si sint adhuc è Nostreis, eos nihil aliud in animo habere ejusmodi consiliis, quàm ad turpem Apostasiam viam sibi præstruere, defectionem suam hoc tectorio incrustando, ut majore cum prætextu & plausu in castra hostium transeant, quod in *Nigrino*, *Codurco*, *Milleterio* & aliis visum. Si verò sint ex Adversariis, eos meras nobis struere insidias, & equum Trojanum Papisticis erroribus refertum Ecclesiis Reformatis obtrudere, ut jure *Danaos timere* debeamus *etiam dona ferentes*.

XXX: X. Frustrà verò obtenderetur *Conventus* aliquis utriusque Communionis Theologorum, in quo omnia accuratè deberent expendi, & sanciri. Nam si tale quid proponi deberet, in *Concilio* generali libero & legitimo excutiendum esset, ad quod liber accessus daretur omnibus quorum interest, & cujus unica norma & regula esset Scriptura Sacra & vox Spiritûs Sancti supremi Judicis in Scriptura loquentis, quod in Veteribus Conciliis fuit factitatum, ubi in medio Confessûs Thronus fuit unà cum libro Evangelii, vice Christi, ut observat Baronius ad a. 325. An verò tale Concilium expectari possit hodie, Synodi Tridentinæ experientia nimis docuit, quæ cum ex voto piorum omnium libera expectaretur, ad omnia expendenda ex solo Dei verbo, & Ecclesiam reformandam in Capite & Membris, nulla tamen visa est iniquior, & ad Pontificum arbitrium magis mancipata, quod, præter alios, Celeberrimus *Heiddeggerus*, in aureo quod novissimè edidit, *Anatomes Concilii Tridentini* Opere, pluribus argumentis solidissimè demonstravit. Et hoc, vel ex sola Papæ per Legatos suos præsentia, patere potest; Unde Cardinalis Lotharingus graviter querebatur, *Concilium minimè liberum esse, cum neque tractare, neque decerni quicquam possit,*



DISPUT. possit, nisi quod Legatis placeat, & Legati nihil nisi de voluntate Papae faciant, apud Suavem Polanum lib. 7. pag. 595. Et notum fuit Proverbium illo tempore jactatum, *Spiritum illum sanctum, qui Tridentina consilia gubernat, in mantica clausum, subinde Romam mitti*. Ipsa quin etiam Synodus Sess. 25. cap. 21. servitutem suam satis testatur, quum declarat, *omnia & singula, sub quibuscunque clausulis & verbis, qua de morum Reformatione & Ecclesiastica disciplina sub Paulo III. & Pio IV. in sacro Concilio statuta sunt, ita decreta esse, ut in his salva semper autoritas Sedis Apostolica & sit & esse intelligatur*. Quod si tale Concilium proponitur, ut nullum aliud hoc rerum statu expectari potest, in quo nihil sanciat nisi salva Apostolica Sedis Autoritate; quid aliud quam ludibrium debent, qui talia vel in animo habent, vel aliis suadere conantur?

XL. Unde nulla tutior & compendiosior sese ab his laqueis extricandi, quos Pacificatores isti subdoli cum Henoticis suis consiliis neunt, via datur, quam si generosè ea respuamus, & maneamus in Veritate & Libertate, quam Christus nobis peperit, nec patiamur nos iterum sub pristinae servitutis jugum reduci. Sic non meliùs poterunt à nobis dimitti, quam olim à Jehu dimissus est Joram, quarens an non pax esset ipsi, 2. Reg. 9. 22. *Qua pax potest esse, inquit Jehu, quamdiu durant matris tuae Jezabel scortationes & praestigiae?* Quae pax potest esse vobiscum, dum mater vestra aureò scortationum poculò populos dementat, & per foedissimos errores & Idololatrias se cum adulteris polluere pergit? An non stultus esset, qui marito, post uxori missum repudium ob impudicos mores, suadere conaretur, ut talem reciperet, qualem repudiavit, non repromissâ ex parte uxoris antè actorum poenitentiam, & vitae prioris emendationem? Sed longè stultior est, qui nos in gratiam redire jubet cum ea Ecclesia, à quâ ceu meretrice divortium facere coacti sumus ob impuritatem ejus rituum & pravitatem dogmatum, qui nobis non etiam spondeat pro ea mutationem in melius, purioremque in posterum cultum cum reformatione priorum Errorum. Redeat ergo primò in gratiam cum Christo, & pacem cum ipso faciat, & nos faciles ad pacem cum ipsa redintegrandam inveniet.

XLI. Qui secus fecerint, & aures nefariis consiliis praeberere non recusarint, gravissimo sese coram Deo crimine obstringent, in gratiam divinam Ingrati, Contumeliosi in labores Patrum, & cineres Martyrum, qui suo sanguine nobis hanc quâ fruimur libertatem pepererunt, Veritatis hostes, Ecclesiae Pestes, & Christi ipsius proditores. Faceat à nobis tam infau-  
sta pacis vel minimum desiderium, Absit ut claudicemus ab utroque latere  
1. Reg. 18. 21. 1. Reg. 18. 21. aut pro genuinâ linguâ Canaan, Aescododicè loquamur; Vel in ejusmodi formulas ambiguas & flexiloquas consentiamus, sub quibus ha-  
reticus potest latere sensus, quales olim in Ariminensi Concilio, Edictis  
Con-



Constantii, & Zenonis Henotico improbavit pia Antiquitas. Quin imò memores dicti Apostolici 2. Cor. 6. 14. 15. 16. nullam esse communio-  
nem Christi cum Belial, Lucis cum tenebris, Justitiæ cum iniquitate, & Templi Dei cum Idolis, maturè ab ipsis secedamus, non tam corpore, quàm animo & affectu, ne immunditiem ullam vel erroris, vel vitii contrahamus. Nec à generoso hoc instituto amovere debent nos, vel hominum Mandata, vel Promissiones, vel Minæ: Ita enim vox hominum est audienda, ut semper obtineat illud Apostolicum, *Satiùs est Deo obedire, quàm hominibus.* Quid etiam proderit homini totum mundum lucrari, si animam suam & salutem perdidit? Ecquid verò damni dari potest, quod sit conferendum, vel cum tremenda Dei maledictione, & Patris abnegatione, in quam incurrunt infames illi Emansores, quos Crucis Christi pudet, & qui φιλήδονοι potiùs, quàm φιλόθεοι, cum Dema Christum deserunt & præsens seculum amant; Vel cum gloriosissima remuneratione, quæ fortes Christi Athletas & fideles discipulos manet? Pellantur in exilium, Deus ipsos excipiet. Honoribus & dignitatibus spoliuntur, Regnum ipsis disponet, & coronam incorruptibilem largietur. Pro retrimenti mundi, & despectissimis mortalium habeantur, At Pater cœlestis in dilectorum filiorum censum recipiet. Persecutioni objiciantur & maledicantur ab omnibus, Ipse colliget in sinum suum, & benedicet; Morri ipsi addicantur, At ipse Princeps vitæ immortalitatem concedet, & dabit ut à morte transeuntes ad vitam, æterna secum felicitate fruuntur.

DISPUT.  
V.  
2. Cor. 6.  
14. 15. 16.

2. COR. VI. 17. Ε'ξέλθετε ἐκ μέσων αὐτῶν, καὶ ἀφορίσθητε, λέγει Κύριος, καὶ ἀκαθάρτα μὴ ἅπτεσθε, καγὼ εἰσδέξομαι ὑμᾶς, καὶ ἔσομαι ὑμῖν εἰς πατέρα, καὶ ὑμεῖς ἔσεσθέ μοι εἰς υἱὸν καὶ θυγατέρα, λέγει Κύριος παντοκράτωρ.

F I N I S.

DISPU-



## DISPUTATIO SEXTA DE ROMA BABYLONE.

*Respondente HENRICO WASERO Tigurino.*

I. **H**ACTENUS *Secessionis nostra* ab Ecclesiâ Romanâ *Necessitatem* tribus præcipuè ex Capitibus, quæ totidem suppeditârunt nobis Argumentorum Classes, demonstravimus; *Heresi* scilicet in Doctrina, *Idololatriâ* in Cultu, Et *Tyrannide* in Regimine. Quartum nunc succedit principale Argumentum non minoris momenti, petatum ab ipsâ *Dei jubentis Voce*, quæ hanc piis omnibus necessitatem imponit in illustri Oraculo, quod extat Apoc. 18. 4. *Et audiivi etiam vocem è cælo dicentem, Exite ex ea Popule mi, ne participes sitis peccatorum ejus, & ex plagis ejus accipiat. Nam si semel probatum fuerit Babylonem istam, ex qua exire jubemur; non aliam esse quàm Romam Pontificiam, eo ipso demonstratum erit, Necessariam fuisse nostram ab ea Secessionem, & Impossibilem cum ea Syncrètismum. Quia verò Oraculum istud maximi est in hac causa ponderis, ad Veritatis quam tuemur confirmationem, paulò accuratius illud expendere hâc Disputatione constituimus, sub quatuor præcipuarum, quas complectitur, partium Examine; Ut Primò videamus *Quenam* sit *Babylon* ex qua exire jubemur. Secundo *Quis* exire debeat, *Populus Dei*. Tertiò *Quomodo* & *Quando* exire teneatur. Quartò *Quare* exeundum sit, ad vitandam participationem peccatorum ejus & pœnarum.*

II. Apud omnes quidem est in confesso, Babylonem istam, de qua loquitur Joannes, tum hoc capite 14. tum cap. 17. non esse propriè, sed *figuratè* intelligendam; Non de Babylone mundanâ, quales binæ fuerunt, una in Chaldæa, altera in Ægypto; Sed de *Babylone mystica*, quæ novissimis temporibus debuit Hominem Peccati & Magnam Meretricem in sinu suo fovere. Nam licèt olim idem mandatum datum fuerit Populo Judaico, ut maturè se exitio Babylonis Assyriæ, in qua captivus detinebatur, subduceret, ab ea exeundo. Is. 48. 20. Jer. 50. 8. &. 51. 6. Zach. 2. 6. 7. Et Spiritus Sanctus eò hîc manifestè alluserit, verba vetera mandato

novo



novo accommodando; quia ut Israël secundum carnem fuit typus Israël secundum Spiritum; Ita captivitas Israël secundum carnem in Babylone, fuit typus captivitatis Israël secundum spiritum in Babylone mystica; Certum est tamen veterem illam Babylonem non hinc respici, sed novam quandam, quæ sub Novo Testamento ad illius instar erigi debuit; Et hæcenus consensus est inter omnes. Verum quando ulterius quæritur; Quænam ergo sit illa Babylon, ex qua secedere jubemur, hic mira est sententiarum diversitas; Et non minus est inter Babylonis istius mysticæ operarios opinionum divortium, quam apud Babelis terrenæ ædificatores linguarum confusio, ut ostendant Romam Papalem non posse per ipsam intelligi, quod tamen pertendimus, gravissimis ducti rationibus, ut in sequentibus patebit.

III. Sunt ergo nonnulli, qui per Babylonem non certam aliquam Urbem, vel Statum significari putant, sed *universam impiorum multitudinem*, quæ sit veluti Diaboli Civitas, opposita Civitati Dei: qua in sententia sunt *Stapletonus*, *Sanderus* de visibi. Monarch. lib. 8. c. 8. *Malvenda* de Antichristo lib. 4. cap. 2. & 7. post Veteres nonnullos *Ambrosium*, *Anselmum*, *Rupertum*, *Aretam*, & alios. Sed nihil est hoc commentò frigidius, quod propterea à Pontificiis plerisque rejicitur, *Bellarmino*, *Suarezio*, *Ribera*, *Viega*, & aliis, qui fatentur Civitatem aliquam denotari, non verò Impiorum multitudinem. Et sanè rationes sunt plures gravissimæ, quæ hoc suadent. Primò quia Babylon ista, quæ eadem est cum Meretrice magna Apoc. 17. 1. 5. quæ hoc nomine insignitur, disertè πόλις vocatur, & non tantum πόλις, sed cum articulo ἡ πόλις ἡ μεγάλη *Urbs illa magna* Apoc. 18. 10. 16. 5. 18. quæ inter alias civitates numeratur Apoc. 16. 19. quod fieri non posset, nisi certa quædam Urbs designaretur. Secundò de ista Babylone ea dicitur, quæ ad universam Impiorum multitudinem pertinere non possunt; Ut quod insideat septem montibus Apocal. 17. 9. quod imperium habeat in Reges terra c. 17. 18. quod sedeat super aquas multas, id est Populos & Gentes, ut exponitur c. 17. 1. 15. quod incolæ terre vinò scortationis inebrientur cap. 17. 2. Nunquid enim multitudo Impiorum Regnum habet in Reges terræ; cùm contrà Reges terræ imperium habeant in Impiorum multitudinem? Nunquid potest dici sedere super multos Populos, id est super se ipsam, quæ inanis esset φλυαρία? Nunquid mundus dicitur inebriare incolæ terre, qui sunt ipse mundus à Meretrice inebriatus? Tertiò illa Babylon intelligitur, cujus excidium Reges qui cum illa scortati, & negotiatores qui cum illa negotiati sunt, & reliqua Impiorum turba, qui supremæ illi & finali Babylonis vastationi superstites futuri sunt, plancturi sunt ἀπὸ μακρόθεν ἐσκότες propter metum cruciatûs ejus Apoc. 18. 10. 15. 17. At si universitas significaretur Impiorum, illa multitudo

Babylon non  
est multitudo  
impiorum.

Apo. 17. 1.

5.

18. 10.

16. 18.

16. 19.

17. 9.

17. 18.

17. 1. 15.

17. 2.

18. 10.

15. 17.



DISPUT. VI. Babylonis excidio superstes esse non posset, nec procul ab ea stare. Præterquàm quòd finale omnium reproborum exitium, non erit ante finem seculi, atque adeò longè posteriùs huic Babylonis excidio: Nec verisimile est Spiritum Sanctum toties tàmque accuratè & prolixè Joanni revelare voluisse, quod neminem latebat, nec revelatione opus habebat, Impios scilicet universos in fine mundi in æternum exitium ruituros.

Romam esse  
Babylonem  
probat ex  
Adversariis.

IV. Rationum istarum vim senserunt saniores ex Adversariis, qui coacti sunt fateri, non tantùm certam quandam Urbem hîc designari; sed Urbem istam non aliàm esse quàm *Romam*. Ne verò ad nos accedere videantur propterea, volunt *Romam* esse non Christianam, sed *Ethnicam* idola colentem, & Christianos persequentem. Sic Bellar. lib. 3. cap. 13. de Romano Pontifice, ait, *melius suo judicio per Meretricem intelligi Romam*, Et lib. 2. cap. 2. *Joannes passim in Apocalypsi Romam vocat Babylonem*, ut Tertullianus observavit, & aperte colligitur ex cap. 17. *Apocalypsis*, ubi dicitur *Babylon magna sedere super septem montes, & habere imperium super Reges Terra*. Nec enim alia Civitas est, qua Joannis tempore imperium habuerit super Reges Terra quàm Roma, & notissimum est supra septem colles Romam edificatam esse. Sic Cæsar. Baron. ad a. C. 45. n. 18. certissimum esse, ait, hoc nomine Romanam Urbem significari. Vigeas in Apoc. 17. *Existimamus nomine Babylonis Romanam Urbem significari in hoc Apocalypsis opere, ubi toties Babylon nominatur: Et paulò post: Et verò Joannes clarissimis argumentis Romam videtur indicasse, quum dixit, mulierem sedere super septem montes, imò omnia que in his capitibus memorantur, in Romanam Urbem aptissime quadrant*. Quos sequuntur Ribera, Gagnæus, Sixtus Senensis, & alii non pauci; quod ideo observamus, ut os occludamus iis, qui dum Petrum volunt per Babylonem Romam figuratè intellexisse, ubi propriè & sine figura loquitur 1<sup>a</sup> cap. 5. v. 13. nolunt tamen Joannem, quem hîc figuratè locutum esse constat, per Babylonem Romam notasse, ne causa Pontificis sui ullum inde detrimentum patiatur, quod alii vi veritatis victi agnoscere coguntur, sponte fatentes, non de alia, quàm de Româ Joannem hoc in loco loqui.

Ex Apoc.  
17. & 18.

cap. 17. 9.

V. Nec mirum hoc videbitur rem ipsam accuratiùs perpendenti; talis quippe fit Babylonis descriptio à Joanne cap. 17. & 18. ut non alteri quàm Romæ competere queat. Quanquam autem nulla est nota, quæ aptissime non quadret in Romam, dux tamen sunt, quæ ita propriè & perspicuè Romam describunt, ut nullum dubitationi locum relinquere videantur. Prima habetur v. 9. ubi Mulier dicitur *sedere super septem montes*, quod nemo ex Adversariis, vel tam ignarus est ut nesciat, vel tam impudens, ut neget Romæ apprimè convenire; sitam enim super septem montibus fuisse, Et

res



res ipsa clamat, & Scriptores loquuntur. Nam ad hunc usque diem Roma in ambitu suo septem montes includit, *Palatinum* scilicet, *Capitolinum*, *Quirinalem*, *Caelium*, *Esquilinum*, *Viminalem*, *Aventinum*; hinc Roma ἑπτάλοφος *septicollis* dicta, & apud *Plutarchum* mentio fit *septimontii*, festi nimir. quod celebrabant Romani, quia addito urbi septimo colle, Roma septicollis dicta est. *Varro* de Lingua Latina lib. 5. Dies *Septimontium* nominatus ab his septem montibus, in quibus sita urbs est, Unde *Virgil.* Georg. 2. sub finem,

*Scilicet & rerum facta est pulcherrima Roma,  
Septem quæ una sibi muro circumdedit arces.*

Et *Ovidius* Trist. lib. 3. Eleg. 4.

*Sed quæ de septem totum circumspicit orbem  
Montibus, Imperii, Roma, Deumque locus.*

*Horatio* Dii Tutelares Romæ dicuntur

*Dii, quibus septem placuere colles.*

Cum ergo constet Romam super septem montibus sitam esse, liquidò patet, non alibi quærendam esse Babylonem mysticam, cui hoc tribuitur.

VI. Sed clariùs adhuc hoc colligitur ex altero Urbis istius caractere, qui à primo non est separandus, qui §. 18. indicatur, quum Urbs illa magna dicitur *Regnum habere super Reges terræ*. Quis enim nescit Romam Joannis tempore, fuisse βασιλεύσαν πόλιν. Orbis Dominam, Caput Mundi, Reginam Gentium? de qua *Martial.* lib. 13. Epig. 8.

*Terrarum Dea, gentiumque Roma,  
Cui par est nihil, & nihil secundum.*

*Ammianus Marcellinus* lib. 14. cap. 5. Romam, dicit, per omnes quosquos sunt partes *Terrarum*, ut *Dominam* suspici & *Reginam*. *Virgil.* Romanos rerum *Dominos* vocat & *Populum* latè *Regem*. *Horat.* carm. lib. 4. od. 4. *Dominam & potentem & Principem Urbium*. Et plane peregrinum esse oportet in veteri historia, qui non fatetur, nullam aliam præter Romam Mundo tunc imperitasse, & Reges etiam dominio suo subjecisse, adeò ut Romanum Imperium ὅλης τῆς οἰκουμένης totius mundi nomine sæpe veniat in Scriptura. Hinc factum, ut Veteres plerique Romam, Babylonem sint interpretati; *Tertull.* adversus Judæos, Et lib. 3. contra Marcio. cap. 13. Sic & *Babylon*, inquit, apud *Ioannem nostrum* Romana Urbis figuram portat, proinde & magna, & Regno superba & Sanctorum debellatrix. Ita *Hiero.* ad *Algasi*. In fronte purpurata *Meretricis* scriptum esse dicit nomen *Blasphemia*, id est *Roma aterna*. *Augustin.* Romam nunc secundam *Babyloniam*, nunc alteram *Babylonem*, nunc Occidentalem *Babylonem* appellat, de Civitate Dei lib. 18. cap. 2. 22. 27. Condi:ta est Roma velut altera Babylon, & velut prioris filia Babylonis,



DISPUT. VI. *lonis, per quam Deo placuit orbem debellare terrarum. Et fatetur Andreas Casariensis, ea quæ dicuntur Apoc. 18. de Babylone, quæ est apud Romanos, intelligenda esse iuxta veterum Ecclesiæ Doctorum sententiam.*

*Sed non Paganæ est, sed Christiana.*

*Apo. 17. 5. 6. 7.*

VII. Verùm non satis est agnoscere Romam hîc per Babylonem designari, nisi ulteriùs probatum demus, *Romam non Paganam* intelligi, quæ Imperatoribus Ethnicis fuerit subiecta, quod contendunt Adversarii, sed *Christianam*, quæ Papæ. Hoc verò non unâ ratione evinci potest. Primò quia Joannes non loquitur de rebus claris & apertis, sed de obscuris & occultis; Ideo ubi de Babylonis, tum Idololatriâ, tum persecutione Sanctorum agit c. 17. 5. 6. 7. prophetiam proponit, *mysterium* notat, summaque ipse admiratione capitur. At si nihil aliud sibi voluit, quàm Romam Ethnicam & Idololatriæ deditam, & Sanctorum sanguine ebriam fuisse; Quid hîc quæso propheticum, quid mysticum, quid admiratione tantâ dignum fuisset? An ignota fuit unquam vel Romæ Ethnicæ Idololatria, vel barbara in Sanctos crudelitas? Quorsum ergo tam sollicitè describere opus fuit, & quidem figuratè & mysticè, quod omnibus satis erat perspectum? sed cùm Romam ad Christum conversam, seque omnium Ecclesiarum matrem & magistram indignantem, sibi hac visione repræsentatam intelligeret, non potuit non mirari, *Sedem*, quam vocant *Apostolicam*, non modò ipsam *Apostaticam* factum iri; sed in tantum etiam à pristinâ pietate degeneraturam, ut omnium in Christiano orbe, tum superstitionum, scortationumque mater & magistra, tum persecutionum adversùs sanctos Dei Martyres causa exitura, & ipsius Antichristi sedes futura esset. Secundò Joannes de illa Babylone loquitur, quæ *Meretrix* dicitur, & cum qua scortati sunt Reges terra, cujus vinò inebriati sunt ejus incolæ cap. 17. 2. & 18. 3. Id est, quæ idololatriâ, quæ scortatio est spiritualis, totum orbem implevit; Et cujus approbatores & defensores ac socios, Reges varios & Principes habuit. Sed hoc Romæ Ethnicæ convenire nequit; Præterquàm enim quòd *Meretricis* nomen adulterum & apostaticum notat statum, & supponit præcedens aliquod pactum & connubium; quo sensu Isa. 1. 21. de Jerosolyma loquens, *quomodo Civitas fidelis est facta meretrix?* quod de Ethnicorum Cœtibus dici nequit; qui in fœdus nunquam cum Christo ingressi sunt, quippe per consequens non possunt dici illi fidem fregisse, quam nunquam illi dederunt; sed tantùm de Ecclesiis corruptis, quæ priùs Christo copulatæ, fidem datam perfide abruperunt, qualis fuit Romana, quæ dum Sponsam se Christi jactat, sese adulteris per idololatriam prostituit. Certum est veterem Romam, non artibus meretriciis, & lenociniis usam esse ad alliciendos Populos; sed vi armorum, & prudentiâ politica, virtuteque bellicâ illos subegisse; Nec aliis regionibus, quamvis



quamvis à se devictis, Religionem suam imposuisse, sed ipsam potius ab iis accepisse; & Numina peregrina in triumphum deportasse, & illis Tempia extruxisse. Hinc *Leo de Petro & Paulo Serm. I. Hac civitas*, inquit, *ignorans suæ profectionis Authorem, cum penè omnibus dominaretur Gentibus, omnium Gentium serviebat erroribus, & magnam sibi videbatur assumpsisse Religionem, quia nullam respuebat falsitatem.* Sed hoc novæ Romæ apprimè convenit, quæ, ut ex Sponsa Christi facta est altera, alteri præter Christum, qui se Vicarium Christi & Sponsum profitetur, se jungendo; ita, ut mater scortationum & abominationum, terram fornicatione suâ corruptit, & superstitiones suas, & idololatricos cultus omnibus, sub pœnâ fulminis, etiam invitis obtrusit.

VIII. Tertiò illa Roma per Babylonem est intelligenda, quæ occidisse dicitur, & facta domicilium *Damoniorum*, & custodia omnis spiritus immundi &c Apoc. 18. 3. At hoc excidium vel casus Romæ Ethnicæ competere nequit, nisi excisam fuisse dicas, quum facta est Christiana, & desiit esse Pagana, quod nemo dixerit; multò minùs poterit dici facta *Domicilium Damoniorum*, cum fuerit habitaculum Ecclesiæ verorum Christianorum. Rursus quando cecidisse dicemus hanc Babylonem? Num quando desiit persequi Christianos? Num quando Constantinus in Imperio constitutus Christianos lædi prohibuit? Num sumpsit tum Deus de Roma pœnas, quando pia & Christiana facta est? At hoc summi amoris, non Dei odii testimonium fuit. Scio quosdam hoc Romæ excidium referre velle ad cladem, quam ab Herulis, & Gothis passa est initio quinti seculi. Sed multa sunt quæ hoc effugium vanum esse ostendunt; 1. Quia Gothica clades licèt magna, non fuit tamen ultimum, & finale Romæ excidium, de quo loquitur Joannes, ut colligi potest ex v. 22. 23. ubi ultima, & nunquam reparanda Romæ desolatio graphicè describitur, quod bene observat Suarez lib. 5. cap. 7. num. 11. *Desolatio Romæ quæ prædicitur Apoc. 18. erit sempiterna, ideòque certum videtur Oraculum illud in nullo præcedentium excidiorum Romæ impletum fuisse.* Et cap. 21. num. 6. *Prophetia illa nondum impleta est, nondum enim Roma fuit penitus extincta; Nam licet aliquas graves calamitates, & clades non modicas sub Gothis & Vandalis passa sit, per illas tamen non est impleta illa Ioannis Prophetia dicto cap. 18. quia per illa excidia factum non est, ut amplius non inveniat.* 2. Clades Gothica Romæ non contigit dum erat Ethnica, sed postquam ad Christum conversa fuerat, nec ampliùs Christianos persequabatur. 3. Excidium de quo Joannes, à Populo Dei, postquam è Babylone exierit, inferendum fuit; sic enim loquitur v. 4. *Audivi vocem è Cælo dicentem, Exite ex ea Popule mi, ne participes sitis peccatorum &c. Reddite ei sicut & ipsa reddidit vobis.* Et hæc Gothicæ cladi haudquaquam conveniunt;



DISPUT. VI. Illa enim non à Populo Dei è Babylone egresso, sed Populo Dei ab illu-  
vione barbarica, Arianâ peste infectâ, infligebatur. Denique Babylonis  
excidium Regibus terræ, & impiis omnibus luctus, piis verò gaudii &  
exultationis, materiam præbiturum est. At contrâ clades illa, quâ Bar-  
bari Romam affecerunt, piis doloris, impiis lætitiæ causa fuit.

IX. Quartò de eâ Roma loquitur Joannes, qualis futura erat, sub ul-  
timo Capite, qui Rex octavus, Et unus è septem dicitur; sic enim ait cap.  
Apoc. 17. 10. 17. 16. *Septem capita sunt septem Reges, quinque ceciderunt, unus est, &*  
*alius nondum venit, Et quum venerit, oportet eum ad exiguum tempus mane-*  
*re, Et bestia qua erat & non est, octavus est, & unus ex septem, & in exi-*  
*tium abit.* Quod si nobis repræsentare voluisset Romam Ethnicam, non de-  
scripsisset illam, qualis futura erat sub octavo Rege, sed qualis tunc fuit sub  
sexto Capite, quod fuit Imperatorum. Nam ut Doctiores bene observârunt,  
hæc Romano statui apprimè congruunt, Et *septem Capita* aptè referuntur  
ad septem Capita Regiminis, quibus ille Status successivè subjectus fuit,  
*Reges* scilicet, *Consules, Dictatores, Decemviros, Tribunos militum consu-*  
*lari potestate, Imperatores, Patriarchas,* & horum quinque jam fuerant &  
ceciderant Joannis tempore; *Sextum* nimirum Cæsarum Imperium erat;  
*Septimum* nondum venerat, & exiguo tempore durare debuit, Ecclesia-  
sticum scilicet regimen Patriarcharum, ex quo Imperium Româ Constan-  
tinopolim translatum est; Eos enim Romæ dominatos esse notat *Socrates*  
lib. 6. cap. 11. licèt illorum regimen Imperatoribus semper fuerit subor-  
dinatum. *Octavum* denique, est Bestia, quæ designat Antichristum,  
qui quidem censetur Octavus, propter illius summum & absolutum im-  
perium, diversum à prioribus, simul tamen Septimus, quia ex Patriar-  
châ Pontifex factus est œcumenicus, & parem gloriâ habiturus erat illi  
magnificentia, quam magna illa Civitas obtinuit tum, cùm maximè flo-  
reret & triumpharet.

X. Quintò, Ea Roma est Babylon, quæ *nundinatur animas homi-*  
*num* Apoc. 18. 18. At nundinationem animarum Roma Ethnica non  
exercuit, sed Papalis exercet fœdissimè, tam vivorum quàm defuncto-  
rum, ut cuiusvis notum. Imò totum Regnum Pontificum mera est mer-  
catura & nundinatio, ubi omnia, etiam sanctissima, venum exponun-  
tur, *Cælum est venale, Deusque,* inquit Mantuanus. Vide *Taxam Can-*  
*cell.* Sextò, ea Roma intelligitur, ex qua postremis temporibus exire ju-  
betur Populus Dei: At nusquam Spiritus Sanctus iussit fideles Româ Ethni-  
câ secedere, nec Christiani unquam legantur vi huius præcepti Romam  
Ethnicam deseruisse; sed ibidem semper, etiam ferventibus persecutio-  
nibus, constantes perseverârunt. Septimò si propter idololatriam Eth-  
nicam sic dicta est Roma; Cur Patres post illam sublatam, eam  
non



non desinunt vocare Babylonem? Cur Marcellam *Hieronymus* abstrahere Romam cupit Ep. 17. quod sit Babylon, unde populus Dei exire iubetur? Cur ipse noluit diutius morari Romam, quod Babylon esset, *Ora*, inquit ad *Asellam*, ut de *Babylone* *Ierosolymam* regrediar? Cur tot inter ipsos Pontificios hoc nomine illam designant? *Episcopi Belgici* in Epistola ad Nicolaum Primum apud *Aventinum* lib. 4. *Annal. Boio.* dicunt Romam esse, quæ à sacris Vatibus *Babylonia* vocatur; *Clerus Leodiensis* in Epist. contra *Paschalem II.* idem profitetur apud *Aventinum* lib. 5. *Petrus Blasensis* Epist. 44. & alii, & inter eos præcipuè *Petrarcha*, qui passim Romam vocat *Babylonem meretricem, matrem idololatriarum & scortationum* &c. Nec alia fuit mens *Ludovici XII.* quum temerè & injuriosè à *Iulio II.* Pontifice proscriptus, moribundi senis inanes diras contrariâ obnunciatione generosè revicit, cæsò etiam nummò, qui titulos Regis Franciæ Regniq[ue] Neapol. ex una parte, & insignia Franciæ ex altera referebat cum elogio, *Perdam Babylonis nomen*, quales adhuc hodie multi reperiuntur.

XI. Frustrà verò *Ballar.* contendit intelligendam esse Romam Ethnicam, quia *Johannes* loquitur de ea, quæ tenebat imperium super Reges terræ, & quæ erat ebria de sanguine Sanctorum, & de sanguine Martyrum *Jesu* cap. 17. 6. & 18. 24. hoc verò locum non habere nisi in ea Roma, quæ regnantibus *Nerone* & *Domitiano* Martyres trucidabat. Nam ad Imperium quidem quod attinet, satis est Romam tunc imperium habuisse in omnes gentes, cùm hoc scriberet, quod innuere voluit, ut disertius Urbs notaretur, quam indicabat, nullusque esset dubitandi locus. Deinde quis nescit Romam Papalem adhuc esse locupletissimam & potentissimam, Orbis Reginam, quæ quod non possidet armis, religione tenet? Quid enim aliud volunt ista Elogia, *Omnia Regna Constantinus Papa dedit*, *Distin.* 96 cap. 14. *Constantinus.* Per Papam omnes Reges regnant. *Bozsius* de Jure natu. & Div. Eccl. lib. 1. cap. 6. *Papa est mundi Dominus.* idem lib. 5. cap. 19. ita ut omnes Reges sint *Papa Vassalli*, si *Iesuitis* creditur. *Steuch.* de *Donati. Constan.* & jus habet transferendi regna, & dandi quibus vult *Decret.* lib. 1. tit. 6. cap. 34. de Electione. Ita quod de persecutione Sanctorum & sanguine Martyrum dicitur, non ad Ethnicos Imperatores, sed ad Antichristum referendum est. Quamvis enim non dubium sit, quin Roma Ethnica Christianos etiam sit persecuta; tamen cùm agatur de persecutione, quæ excitatur à Meretrice, quæ nomen Mysterii in fronte gerit, quæ dum ex una parte poculò aureò scortationum Populos dementat, fraudibus & lenociniis in errorem inducendo: ex altera, inauditâ violentiâ in fideles Christi Servos grassatur, patet ad Romam Ethnicam hoc haudquaquam pertinere; sed ad Pontificiam, cujus immanem crudelitatem & dirissimas



DISPUT. VI. dirissimas persecutiones, utinam pii non sensissent sapius, & non sentirent etiamnum hodie; Sed res ipsa nimis clamat, & historiæ loquuntur, ut superiori Disputatione probatum est; ut ista vix ac ne vix quidem explicatione egeant; Non magis ac illa, quæ adduntur, quum Mulier dicitur *purpurâ & coccô amicta, auro & lapidibus pretiosis & margaritis inaurata*, Quod in fronte scriptum gerit nomen *Mysterium*, quod in Romani Pontificis tiara scriptum fuisse testes *ἀντίχριστος* referunt, & alia id genus, de quibus alibi fusiùs dicendum erit.

XII. Scio duo adhuc objici ab Adversariis adversùs sententiam nostram. Primum, non posse intelligi Romam Christianam, sed Paganam, quia Apoc. 17. 6. *decem cornua*, id est decem Reges, qui potestatem suam tradituri dicuntur Bestiæ, & cum Agno pugnaturi v. 13. & 14. quia vires suas & jus Imperii conferent ad Romanæ Sedis & Religionis tutamen, adversùs Christi doctrinam & Sanctos ejus testes; Idem postea v. 16. dicuntur *Bestiam aversaturi, & desolatam eam & nudam reddituri, carnes ejus manducaturi, & igne eam concrematuri*. At quomodo, inquit Bell. lib. 3. de Rom. Pont. c. 13. *erit sedes Antichristi, si eo ipso tempore debet à Regibus istis everti & comburi?* Sed nodus facile solvitur, si distinguantur tempora. Primò enim daturi sunt potestatem suam Bestiæ per illusionem falsæ pietatis, & dementationem vini scortationis, quò inebriari debuerunt. Sed postquam ab errore suo & spiritali ebrietate erunt expergefacti, tunc amore in odium verso, aversabuntur summè quam maximè deperibant; Deo justissimo judicio suo hoc ita dispensante, ut à propriis amasiis deleatur, *Deus enim*, ut subjicitur v. 17. *dedit in corda eorum, ut faciant quod illi placitum est*. Alterum petitur ex hypothese Pontificiorum de duratione Anti-Christi per 1260. dies, id est, tres annos cum dimidio; Nam si brevi hoc tempore tantùm durare debuit, quomodo Roma hodierna Christiana, quæ à tot seculis jam duravit, potest esse Babylon Apocalyptica, & sedes Anti-Christi? Sed demonstrata semel falsitate istius hypothese, quæ dies naturales supponit pro prophetis; & tres annos cum dimidio, pro mille ducentis & sexaginta annis, cadit vanitas istius figmenti, ut in sequentibus sumus probaturi.

XIII. Sic ostensum fuit Veterem Romam Ethnicam, per Babylonem non posse designari: Dé hac veritate convicti aliquot ex Pontificiis, aliud effugium captant, ut Roma quidem intelligatur, qualis futura erat sub finem mundi tempore Antichristi. Verùm non Roma Christiana, & Papæ subiecta, sed Pagana & ad Ethnicismum relapsa, quod somniavit *Viegas, Lessius, Ribera*, cum aliis nonnullis. Sed hoc etiam *ἑτεροφύχεται* proclive est eripere Adversariis, siquidem eadem facilitate rejicitur commentum, quâ proponitur; cùm hæc interpretatio nullum in Scriptura



in Scriptura fundamentum habeat, nullum in Patrum monumentis vestigium, nulla rationum momenta, sed meras conjecturas & vanas divinationes. Unde *Lessius* ipse dum eam commendare studet, nihil afferre potuit, nisi quod *non debet alicui incredibilis videri* in Apoc. c. 17. & 18. At non quaeritur, an factum aliquod non incredibile debeat videri, sed an probari aliquo argumento possit reipsa contigisse; At unde probabunt nobis Romam sub Antichristo ad Ethnicismum reversuram? Imò nonne Apostolus testatur *Antichristum in Templo Dei*, id est Ecclesia *sessurum*, quod dici non posset, si ad Ethnicismum sub eo relapsura erat? Hinc plerique ex Pontificiis hoc respuunt figmentum, tum *Justinianus* in 2. Thess. 2. ubi de eo dicit, *quid hoc est quàm divinare*. Suarez. l. 7. 10. *Non video unde probari possit*. Malvenda ut incredibilem detestatur, Alcazar in Apo. 17. & 18. ad eos accedit.

XIV. Hoc verò semel posito, Romam Christianam & Pontificiam hîc connotari; Inquirendum jam est ulterius, quare Spiritus S. sub Babylonis nomine illam describere voluerit, & quæ sit istius locutionis ratio & fundamentum. Primò mirum videri non debet si ænigmaticè & figuratè loquitur, cum hîc non historiam scribat, sed prophetiam, quæ obscurior solet esse, & variis figurarum involucris tecta; Ita tamen velata est & operta, ut mysterium sub hoc velo latens penitiùs rem attendenti non difficile sit agnoscere; Quando tanta est inter Romam & Babylonem similitudo, ut cæcum esse oporteat, qui eam non videt. Audiatur vel unus *Orosius* histor. lib. 2. c. 2. *Ecce, inquit, similis Babylonia ortus & Romæ, similis potentia, similis magnitudo, similia tempora, similia bona, similia mala, &c. Babylon eo anno sub Præfecto Arbaëtto dehonorata est, quò Roma sub Proco Rege, ut propriè dixerim seminata est; Babylon novissimè eo tempore à Cyro Rege subversa, quò primum Roma à Tarquiniorum Regum dominatione liberata est. Si quidem sub una eadèmq; convenientia temporum illa cecidit, ista surrexit, illa tunc quasi moriens dimisit hereditatem, hæc verò pubescens, tunc se agnovit heredem: tunc Orientis occidit imperium, & ortum est Occidentis.*

XV. Sed ut hoc clariùs pateat, quædam collationis capita attingenda sunt; Non tam ea quæ Urbis magnitudinem & gloriam, quàm quæ Peccata & Pœnas spectant. Multa quidem Ecclesiæ ab ejus incunabulis damna sunt à Mundo illata, Ægyptus nascentem suffocare; Babylon adultam opprimere & corrumpere; Antiochus provectam extinguere conarsi sunt. Sed quæ distincta fuerunt temporum intervallis persecutionum exempla, omnia, ut solent morbi omnes in senectutem confluere, collecta in Ecclesiæ novissimam ætatem ingruerunt: quippe quod sævitia Pharaonis, factus Babylonis, Antiochi furor designaverat, ad unius Antichristi componendam



DISPUT.  
VI.

ponendam immanitatem coeunt. Hinc ejus sedes, modò *Aegyptus* propter servitutis duritiem, modò *Sodoma* dicitur, propter impuritatum sceditatem Apoc. 11. 8. Vicit tamen cætera *Babylonis* nomen. Nam aliæ suas artes, suas scelerum formas singulæ contulerunt, Babylon imperium, statumque cum Ecclesiæ Captivitate conjunxit & produxit. Adde quòd germanæ utriusque dotes Tyrannis, & Idolomania. Omnium utraque scortationum metropolis & impietatis officina. Hòc differunt quòd altera Corporum exitio intenta, carnificinæ & excidio Animarum non adeò intenta fuit. Hic Nimrod robustus animarum Venator. Hinc linguæ, fideique sanctæ nata oblivio, & omnium linguarum ac rerum processit confusio. Hinc barbaries in Religionem infusa, Veritas oppressa, Templum Dei scditissimâ Idololatriâ pollutum, divina pietatis instrumenta miserrimâ captivitate, vel sepulta, vel ad nefarios & profanos usus traducta; Sacramenta impiis superstitionum commentis commutata; Omnia sacra turpissimo quæstu contaminata, Euangelium anilibus fabulis obrutum, Conscientia Traditionum laqueis & legum humanarum vinculis constricta; Et Populus Dei dirissimæ servitutis jugo oppressus.

XVI. Longum foret sigillatim omnia persequi, sed paucis rem notâsse sufficiet. Vetus Babylon Jerosolymam, & Templum Dei vastavit, Nova Ecclesiam Christianam, quæ Dei vivi Templum est, corrumpit. Illa Populum Dei captivum abduxit, & sub gravissimo Tyrannidis jugo gementem diu detinuit. Ista Ecclesiam Christi captivam sub durissimâ servitute detinet. Illa fastu intolerando sese supra cætera mundi Regna extulit, quasi omnibus superior esset & nulli secunda, *Dixisti*, inquit Isa. 47. 2. *in seculum ero Domina*, & v. 10. *confisæ es malitiæ tuæ, dicens nullus videt me, sapientia & scientia tua ipsa evertit te, ut diceres cum animo tuo. Ego sum & nulla præter me amplius*. Ista non aliter. *In corde suo dicit, sedeo Regina, nec sum vidua, nec videbo luctum* Apoc. 18. 7. dum se jactat æternam, infallibilem, Mundi dominam & Pontificem suum supra Reges & Principes, atque adeò supra πᾶν σέβασμα effert. Illa rapinis & injustitiâ celebris fuit, quâ ad se mundi opes per fas & nefas pertrahere est conata Jer. 51. 34. 35. *Exedit me, quatit me Nebucadnezar Rex Babylonie, statuit me ut vas inutile, deglutit me ut draco, implet ingluviem suam deliciis meis &c.* Istam eodem rapacitatis & avaritiæ crimine teneri, non diffitentur, qui in ejus sinu vivunt, *Mantuan.* ad falco. de colloq. inopum cum falcone.

*Obtinet expulsâ probitate pecunia Romam,*

*Nec Deus in tota possidet urbe locum;*

*Quot sunt Roma homines, tot sunt per compita fures,*

*Quosve canes speras experiere lupos.*

Vide etiam *Petr. Blasensem* in Epist. 144. 145. 146. Illa præstigiis & magicis artibus dedita fuit, ut hoc illi non semel à Prophetis exprobratur



probratur. Has verò in ista nimis obtinere jam diu compertum est; cùm non paucis ex pontificibus crimen hoc impactum sit, ut *Sylvestro II. Benedicto IX. Gregorio VII. aliisque. Videatur Platina in vita Sylvestri II. Io. Siella in fasciculo rerum expetendarum, Beno in vita Hildebrandi.* Illa nominis etymo *confusionem* notat. Ista non nomine, sed re ipsa mera confusio est, non linguæ tantùm, sed & doctrinæ, *turbat, omnia, miscetque*, inquit Patarcha li. Epist. sine titulo epist. 13. *industria, quam putas ob causam, nisi ut circulatorum more, vel perplexo loro, vel confuso vulnere licentiùs fallat, & fraus sub proprio umbraculo turbata Reip, delitescat? Et ille quidem pro qualitate propositi artibus utitur non novis; Nam & in fruticoso gaudet auceps, piscator in turbido, fur in tenebris, &c.* Illa *malleus* fuit & virga in manu Domini ad conterendas gentes, & Dei populum Isa. 10. 5. Jer. 51. 20. Istâ Deus utitur ad affligendum Mundum & Ecclesiam. Illa *Tyrannide & Idololatriâ* illustris fuit; Istam utriusque non minùs ream esse, superioribus Disputationibus ostensum fuit. Illa denique gravissimas criminum suorum pœnas dedit ex justo Dei judicio Jer. 51. illam non leviores manere Spiritus S. testatur Apoc. 18.

XVII. Ne verò videamur quicquam Romæ affingere ex Nobis, damus Testes domesticos, & malumus id ipsum aliorum, quàm nostris verbis, exprimere. *Petrarcha* multus est in describendo corruptissimo ejus statu suo tempore, *O fons dolorum*, inquit p. 1. Cant. 106. 107. 108. *domicilium irarum, Schola errorum, Templum heresium, olim Roma, nunc Babylon falsa & nequam, cujus causâ tantum lacrymarum funditur & suspiriorum, officina fraudum, claustrum irarum, In qua bonum interit, & malum creatur & oritur; Viventium inferne & cruciatus, Nide proditionum in quo latitant quæcunque mala per orbem terrarum hodie sparguntur, Vini serva otii, & epularum, in qua libido suos extremos edit conatus, & luculentiùs adhuc lib. Epist. sine titulo Epist. 7. 8. Quicquid de Assyria, vel Ægyptia Babylone, quicquid de quatuor labyrinthis, quicquid denique de averni lumine, de quæ tartareis silvis, sulphureisque paludibus legistis, huic Tartaro adnotum, fabula est. Hic turrificus simul & terrificus Nimrod, hic Pharetrata Semiramis, hic inexorabilis Minos, hic Rhadamantus, hic Cerberus universa consumens, hic Tauro supposita Pasiphaë, mixtumque genus quod Maro ait, prolesque bisformis, Minotaurus inest Veneris monumentane-fande. Hic postremo, quicquid confusum, quicquid atrum, quicquid horribile usquam est, aut fingitur, aspicias, &c Et ibid. Hic verò non tam civitas, quam larvarum & lemurum domus est, & ut breviter dicam, scelerum atque dedecorum omnium sentina, atque viventium infernus. Vide etiam Epist. 15. 16. 17. Ubi idem argumentum persequitur, quas brevitatis studiò omittimus. Addamus etiam illustrissimi inter Pon-*



DISPUT.  
VI.

tificios Cardinalis Baronii suffragium, qui ad ann. 912. Romæ corruptelas & sordes nefandas fatetur, *Qua tum facies S. Romana Ecclesia, quam fœdissima, Cum Roma dominarentur potentissima ac sordidissima meretrices, quarum arbitriò mutarentur Sedes, darentur Episcopi, & quod auditu horrendum & infandum est, intruderentur in sedem Petri, earum Amasii Pseudo-pontifices, quos postea monstra vocat. Quorum quantus fuerit numerus, exponit Genebrardus, licet nobis inimicissimus a. m. 4987. Seculum hoc, inquit, uno infelix, quod per annos ferè centum quinquaginta à Joanne VIII. Pontifices à virtute Majorum defecerint, Apostatici, Apostaticique potius quàm Apostolici. Qui talia vellet operosè congerere ex Bernardo, Sigeberto, Platina, Sigonio, Fasciculo temporum, Usspergenſi, Theodorico à Niem, Mantuano, aliisque, posset ingens inde volumen conficere, & Romæ cum Babylone similitudinem deprehendere; Unde mirum nemini debet videri, si Joannes illam istius nomine designare voluerit, quando non potuit alio significantiùs statum ejus ac conditionem nobis describere.*

XVIII. Cùm ergo ex his constet, Romam Pontificiam veram esse mysticam Babylonem, ex qua egredi nos jubet Spiritus Sanctus, nemo non videt justissimam fuisse & summè necessariam nostram ab ea Secessionem, ut Voci cœlesti pareremus, & salutis nostræ iremus prospectum. Quod clariùs patebit, postquam visum fuerit, *quinam* teneantur exire, & *quomodo*. Prius innuit Joannes, quum *Populum Dei* compellat, *Exite ex ea Popule mi*. Ut ostendat, non ad omnes, quotquot Babylone fuerint, exitum hunc spectare, sed ad eos tantùm qui *Populi Dei* singulari prærogativâ gaudent; Ut solus Abraham ex Ur Chaldæorum evocatur; solus Israël ex Ægypto; soli Judæi ex Babylonia. Licet enim omnes possint vocari populus Dei, generali nomenclatione, ratione Providentiæ; tamen strictiori significatione *Populus Dei* vocatur sola *Ecclesia* ratione fœderis Gratiæ, quia cum ea pactum speciale iniit, in quo testatur se fore Deum nostrum, petitque vicissim ut *simus ejus Populus*; Populus ergo Dei dicitur, non ratione *Creationis*, sed *Redemptionis*, Non respectu *Providentiæ*, sed respectu *Prædestinationis*, quia à Deo electus fuit ab æterno, à Christo redemptus, à Spiritu Sancto vocatus in tempore, ut esset λαός περιούσιος, *populus peculii* 1. Pet. 2. 9. & Tit. 2. 14. Ut verò appellatio ista honorifica, *beneficium* à parte Dei longè maximum importat, nimirum communionem cum Deo, & communicationem gratiæ & gloriæ, & omnimodæ felicitatis; Ita *officium* postulat ab homine strictissimum, omnimodum scilicet cultum & obsequium; quod in eo potissimùm locum habere debet; ut quemadmodum Deus illum præ cæteris omnibus dilexit, & ab illis secrevit, ut esset illius Deus: Ita ipse vicissim ab omnibus aliis se



se separare teneatur, ut Deo suo soli adhæreat, nec patiatur fidem suam, vel cultum ullâ vel erroris vel idololatriæ, quæ cum Deo est *ἀνίστατο*, labe infici. Unde fuit Secessionis quæ hîc præscribitur necessitas, & Mandati divini iustitia; Cùm enim Babylon ista pessimè corruerit totum Dei cultum, & Populus Dei sub gravissimo ibi detineatur servitutis iugo, ubi non potest sine præsentissimo salutis periculo manere: Quis non videt summam illi & indispensabilem imponi eo ipso exeundi necessitatem?

XIX. Ut verò exeundi ex aliquo loco mandatum, supponit necessario moram ibidem præcedentem; bene inde colligimus, si Populus Dei exire Babylone tenetur; Eum ibi antea fuisse, adeoque rectè dici Ecclesiam in Papatu latuisse. Non quòd Papatus vera sit Ecclesia, cùm contrà sit ejus pestis & corruptio. Sed quia Deus voluit aliquamdiu fideles suos in eo conservare. Quomodo Judæi, qui tunc temporis Populus Dei erant, captivi fuerunt Babylone; nec tamen dici potest, Babylonem propterea veram fuisse Ecclesiam. Atque hinc non obscurè liquet, quid responderi possit ad Quæstionem vexatissimam, quam identidem Adversarii Nobis oggerunt, *Ubinam esset vera Ecclesia ante Lutherum & Calvinum si non fuit Romana?* Quid enim, si ab iis vicissim quæramus, Ubinam vera fuerit Ecclesia Dei tempore captivitatis Babylonicæ, si Babylon non fuit? Respondebunt procul dubio; Non fuisse Babylonem, sed in Babylone captivitate oppressam. Quidni & Nos pariter dicamus, Ecclesiam fuisse in Papatu, sed captivam. Porro ut quæstio ista potest intelligi, vel *de personis*, vel *de sede & loco*; Ita diversimodè responderi potest. Nam respectu *personarum*, bene respondetur Ecclesiam fuisse in omnibus & singulis Fidelibus & Electis, qui tunc temporis vivebant, qui licèt hominibus & Mundo ignoti, Deo tamen erant notissimi; quomodo septem millia qui tempore Eliæ genua Bahali non flexerant. Ita respectu *loci & sedis*, dicimus, non fuisse certo loco alligatam; sed diversam sedem, modò hîc, modò illic juxta dispensationem Dei fuisse sortitam; Vel extra Papatum, in Cœtibus variis, qui nullam cum Roma communionem habuerunt; Vel in ipso Papatu, non quidem quoad communionem internam cum eo, sed quoad communionem externam & visibilem, quia in medio Papatûs vixit, non conjunctim & simul, sed sparsim per Regna, Provincias, ac familias, in quibus Deus Populum suum, & Electos suos habuit, quos in mediis Papatûs tenebris voluit conservare, ut totidem *Φωσῆρας* & Testes veritatis, qui contradicerent Papatûs erroribus, & Veritati testimonium perhiberent. Fateor quidem conditionem istius Ecclesiæ miseram fuisse & afflictam; non tantùm, quia obscura fuit & splendore suo destituta, quod adumbratur imagine Mulieris fugientis in desertum Apocal. 12. & quia exigua fuit numerò, & ad magnam *Apoc. 12.* paucitatem



**DIAPUT.** VI. paucitatem redacta; sed etiam quia non potuit non, in Papatu manendo, variis ejus abusibus participare, licet fundamentum salutis semper retinuerit. Verum dubitare non debemus, quin ibidem semper aliquem sibi Populum servavit Deus, quem Spiritus efficaciam, & Verbi ministerio sustentavit: Et vel ex hoc uno luculenter colligitur, quod exire e medio Babylonis jubetur; Nec enim juberetur exire, nisi fuisset adhuc in ea.

*Quenam  
Secessio im-  
peretur?*

*Is. 48. 20.  
Jer. 51. 6.  
Zach. 2.  
6. 7.*

*Is. 52. 10.*

*2. Cor. 6.  
16. 17.*

*Act. 2. 40.*

**XX.** Dum autem *exire* populus jubetur, *Secessio* imperatur, cujus *modus & ratio* tertio loco jam venit expendenda. Cum verò *secessio* duplex possit distingui, alia *localis & politica* quoad sedem, alia *spiritualis & mystica* quoad fidem; primam Judaico populo olim imperatam fuisse, extra controversiam positum est, ut relictâ Babylone, Judæam repeteret, & libertate pristina frueretur; quod respiciunt loca antè citata Isa. 48. 20. Jerem. 51. 6. Zaca. 2. 6. 7. Sed secundam Populo Christiano imponi, non minus clarum est; Ut enim Ecclesia migraverat non *manibus*, sed *mori- bus*, & mutaverat, non *sedem*, sed *fidem*; non *nomen*, sed, proh dolor! *Numen*: Ita non agitur propriè de *secessione politica & civili*, quod ad habitationem & hospitium. Sed de *secessione sacra & mystica*, quoad Religionem, per quam fiat, ut nullam in sacris cum ea communionem ampliùs colamus. Rursus cum *Secessio sacra* sit vel *cordis*, vel *oris*, vel *latens & negativa*, per rejectionem errorum internam, quum quis se purum & immunem præstat à cultu idololatræ, non communicando cum ipso, quod fecerunt septem millia tempore Eliæ. Vel *patens & positiva* per apertam veritatis professionem, quum palàm nos testamur alienos ab erroribus & superstitionibus alicujus Ecclesiæ, Imò & Cœtus segreges ab ea institui- mus, & puriorem Dei cultum seorsim profiteamur, quomodo Gentiles ab Ethnicismo secedebant ad Christianismum. Hic non alterutram tantum, sed utramque simul præscribi certum est: quomodo Judæi apertè Babylonem delinquere tenebantur, ut Jerosolymam se reciperent. Atque hoc clarè insinuat Isa. 52. 10. *Discedite, discedite, Exite illinc, immundum non attingite. Exite e medio istius, purgate vos portantes vasa Domini*, ibi enim ad utrumque exitum respicit *typicum* ex Chaldaea, & *mysticum* ex Babylone spirituali; Unde Paulus hoc loco utitur 2. Cor. 6. 16. 17. ad insinuandam Seccessionis ab impuro impiorum Cœtu necessitatem, *Quapropter exite e medio ipsorum, inquit Dominus, impurum ne attingi- tote, & ego vos recipiam*. Sic Act. 2. 40. Eadem secessio aperta & positiva à Judaismo ad Christianismum Judæis imperatur à Petro, *Servamini ex hac perversa generatione*. Nec aliter fieri potest, si salutis nostræ consul- tum volumus; ut geminum hic scopulum æquè periculosum decline- mus, Alterum *hypocritarum*, qui corpore Babylone egrediendo, animo semper & corde ibidem manent, Alterum verò *Pseudo-*  
Ni-



*Nicodemitarum*, qui se corde secedere profitentur, licet corpore adhuc DISPUT.  
VI.  
ibi hæcant.

XXI. Et ad Secessionem cordis quod attinet, Cum nulla possit esse communio inter lucem & tenebras, Errorem & Veritatem, Templum Dei & Idola? Et Deus cor nostrum super omnia postulet; Nemo non videt, *Secessionem cordis* hîc primò requiri, ut omnem errorem & impietatem abnegantes, puro corde & fide *αὐτοπροσείτω* Deum veneremur & colamus. Aliàs quid juvaret ore tenus ad Deum accedere, si cor ab eo remotum semper manet? Quid juvaret veritatem extrinsecus profiteri, dum pestiferi & exitiales errores in mente foveantur? Quid prodesset Jerosolymæ civem se jactare, & Babylonem corpore reliquisse; si animus in eam semper conversus est, imò si Babylon cordi semper hæret infixæ? Satiùs omnino foret nunquam ex ea egressum esse, quàm ejus odium hypocriticè simulando, proum erga ipsam affectum semper habere: Unde non mirum, si tales Vertumni, Proteo quouis mutabiliores, qui Religionem propriis commodis accommodare volentes, Christum videntur amplecti, quum è re sua hoc esse vident; Iidem tamen subinde, quum sibi utilius fore judicant, ad Babylonem relabuntur, quia ex ea nunquam seriò & sincerè fuerant egressi, de quibus impletur quod ait Petrus, *Canis ad vomitum reuertitur, & sus ad volutabrum c. 2. secundæ ψ. 22.*

XXII. Sed ita Secessio cordis ante omnia requiritur; Ut necessaria 2. Pet. 2. 28.  
etiam sit *Secessio oris & corporis*. Nam ut corde creditur ad justitiam; Ita ore fit confessio ad salutem Rom. 10. 10. Et ut Christus Corporis, non minùs ac Animi Redemptor est; sic in utroque vult glorificari 1. Cor. 6. 20. non modò per internam veritatis cognitionem & amorem, sed & per externam & apertam ejus professionem; ne ullam ampliùs cum Cœtu idololatræ communionem habeamus, ut sacris ipsius interfimus, & errores amplectamur, quod esset *characterem Bestia sumere* & eam adorare Apoc. 14. 9. Nec alià de causâ veri fideles proponuntur toties in hoc Apoc. 14. 9.  
libro *obsignati in frontibus* Apoc. 7. 3. quàm ut necessitas professionis externæ innuatur, non minus ac fidei internæ, quia Christus damnat, non Apoc. 7. 3.  
modò eos qui non crediderint corde, sed etiam qui ore abnegarint Luc. Luc. 12. 9.  
12. 9. Quod Pseudo-Nicodemitarum vanum commentum jugulat, qui secessionem mentalem jactant, dum externam fugiunt, seque satisfecisse putant mandato Dei, quum Errores & abusus Papales corde auersari se fingunt, dum Babylone semper manent, & corpus idololatræ cultu polluunt, quasi Deus alterâ hominis parte contentus esset, nec cultum externum corporis, non minùs ac internum animi requireret. At divisionem istam minimè ferendam esse non semel protestatur; Nec potest pati, ut Corpus, quod ad imaginem suam condidit, quod per Christum redemit,



DISPUT. VI. redemit, quod in Templum Spiritûs S. consecravit, idolis polluat, vel spiritali scortatione contaminetur; Non potest ferre, ut Christianus, filius Dei veritatis, infamis mendacii crimine se obstringat, simulando corpore, quod animo improbat, & divortium exitiale inter linguam & cor faciendo; An Vir uxorem suam pudicam & castam dixerit, quæ cor quidem servare illibatum marito profiteatur; interim corpus adulteris nefanda libidine prostituat? Ita an Christus pro fidei Sponsa, & casta virgine habiturus est, quæ partiri voluerit inter se & mundum, & Cor quidem dare se Christo profiteatur, dum Corpus mundo & idolis prostituit?

XXIII. Neque hic reponendum; *Non statim Babylonis peccatis infici, quotquot in ea manent, cum libertas quidvis pro arbitrio credendi, modo in ejus communione externa maneat, iis qui ad eam accedere voluerint, promittatur*: Nam licet blando isto sermone non rarò uti soleant Babylonis mancipia; Non difficile tamen est dignoscere, inania tantum verba esse, & escam periculosam, quæ incautos inescare satagunt. Quid enim juvat *Libertas credendi* quod libuerit, si necessitas semper imponitur profitendi quod conscientia repugnat? Non potest, fateor, cogi conscientia, sed potest opprimi; Nam quicquid sit, si communionem externam fovemus cum illa; Si sacris ipsius intersumus, saltem corpore; Si ejus fidem externè profiteamur, Nonne characterem ejus sumimus, & Christum abnegamus? Nonne dissimulamus veritatem agnitam, & mendacium simulamus? Nonne ejus jugo collum subdimus, & peccatis ejus participamus? Taceo quòd falsò talis libertas promittitur, cum nihil minus in animo habeant, qui ita loquuntur; Et contrarium ex ipsâ praxi pateat; Quis enim nescit, neminem in communionem ejus recipi, vel in ea degere posse, qui Missatice Sacrificio interesse non debeat, id est, coram Idolo genua flectere? quique Papæ auctoritatem agnoscere non teneatur, & Decretis Ecclesiæ acquiescere? Quod unum, si nihil aliud esset, gravissimum tyrannidis jugum, cum libertate Christianâ planè ἀντίστοιχον importat; siquidem, hoc semel posito, tenebuntur omnes cæcâ obedientiâ recipere, quod Papæ libuerit ad credendum vel præstandum imponere; quod nemo non videt verum & legitimum esse positivæ Secessionis, quæ hic præscribitur, motivum & fundamentum, *Mandato præsertim divino* accedente.

XXIV. Quando autem *Mandatum* illud factum sit, nunc inquirendum; ut constet non tantum de modo Secessionis, sed etiam de *Tempore*. *Vocem* quidem cœlitus *auditam* narrat Joannes; non quòd tunc temporis efferrî debuerit, vel impleri, sed hic *auditus propheticus* designatur, ut suo tempore implenda prænunciaretur. Quamvis verò non ita proclive sit designare Temporis momentum, quò Vox ista cœlestis debuerit audiri, vel audita fuerit; Non  
obscuri



obscuri tamen sunt characteres, quibus hoc dignoscatur; Siquidem hic mentio fit Babylonis, non modò stantis, sed & ad occasum vergentis & jamjam casuræ. Unde patet, non statim natâ Ecclesiâ, Oraculum hoc locum habere debuisse, sed tantùm post revelatam Babylonem; Neque verò statim initio Tyrannidis Babylonice, sed postquam hæc Tyrannis diu duravit, & casui proxima erat; quod ad Reformationis tempus pertinere non diffitebuntur, qui rem seriò & absque præjudicio expendere voluerint: Quum Christus Angelicæ tubæ sonitu, nimirum per fideles Servos suos, qui non ratò *Angelorum* nomine veniunt, annum beneplaciti, & liberationem à captivitate tristissimâ promulgavit. Quomodo olim publicâ voce Judaïco Populo Captivitatis solutionem, & reditum in Patriam per Cyrum denunciari iussit. Nimirum qui luxuriantem castigare voluerat Ecclesiam Deus, in triste exilium pellendo, ubi inter hostes delitescere debuit; noluit tamen eam deserere, sed illi afflictæ propitius adfuit, & tempore præstituto septuaginta annis elapsis, Cyrum excitavit, qui libertatem Judæis attulit, & Edicto promulgato *Jerosolymis dixit, readificantor, & Templo, fundator* Isa. 44. 23. Esd. 1. Ita in novissimâ hâc captivitate, Israëllem secundùm Spiritum Babylone latentem & gementem non deseruit; Audivit ille captivorum gemitus, Vidit conscientiarum tyrannidem, & tristissimum Ecclesiæ in spiritûs immundi domicilium commutatæ spectaculum, nihilque jam superesse, nisi ut Christi nomen deleteretur. Suo itaque tempore suppetias illi tulit, Cyros vocavit, Imò ipse Rex Regum, Dominus Dominantium, Cyrus noster, (Solem enim Persæ Cyrum vocant, si *Plutarcho* credimus in Artaxerxe, *Κῦρον γὰρ καλεῖσιν οἱ Πέρσαι τὸ ἥλιον*) Sol ille justitiæ, luce nova tenebras discussit, & Spiritualis Libertatis solemne velut Edictum cœlitus promulgavit.

Is. 44. 23.  
Esd. 1.

XXV. Quia verò plurimum intererat hoc ab omnibus intelligi; Ideo non submissâ, sed clarâ & altâ voce, Angelicarum tubarum sonitu, qui homines veterno peccati, & vino scortationis Babylonice sepultos excitaret, denunciari hoc voluit. Unde tres sibi invicem succedentes mittit Angelos, qui præconium hoc certiùs confirmarent: Quod jam cap. 14. insinuaverat, postquam de 144. millibus *obsignatorum* egerat, id est, de veris fidelibus, qui se puros ab idololatriâ servaverant, *non se polluendo cum mulieribus* &c. v. 4. Primus ponitur v. 6. *ἐν μεσσηρανιᾱτι* volans, & *Evangelium æternum* antea sepultum incolis terræ afferens. Quod in fidelibus Dei Servis impletum, quos Deus post Antichristi revelationem subinde excitavit ad Veritatis conservationem & defensionem, ut ex *Catalogo Testium Veritatis* patet; præcipuè verò novissimis seculis, appetente jam Reformationis tempore, ut via illi paulatim pararetur. Ut factum à *Waldensibus, & Albigenis*

Apoc. 14.

v. 4.  
v. 6.



DISPUT. VI. circa duodecimum seculum, anno 1170. postea à *Wiclefo* declinante decimo quarto circa annum 1360. & à *Ioh. Hasso* & *Hiero. Pragensi* circa initium decimi quinti, confirmatum est. Secundus & tertius introducuntur *ψ. 8. & 9.* casum Babylonis describentes, & pœnas denunciantes ejus Cultoribus. Quod tum impletum est, quum magni Viri Dei potenti voce instar tubæ Angelicæ, ab initio Reformationis Papatûs fundamenta masculè subruere cœperunt, tum voce, tum scriptis, hominesque ab Idolomania Romanâ abstrahere, & ad Christi Evangelium revocare studuerunt; quod in *Luthero*, *Zwinglio*, *Oecolampadio*, *Bucero*, *Calvino*, & aliis Heroïbus observatum fuit. Quod autem cap. 14. jam attigerat Spiritus Sanctus, ulterius cap. 18. exequitur, & clariùs, tum de excidio Babylonis, non inchoato tantùm, sed consummato vaticinatur *ψ. 2. 3.* tum de necessaria fidelium à Babylone secessione. Ideo non tantùm denuntiat pœnas Bestiæ cultoribus, quod fecerat cap. 14. sed hortatur insuper pios omnes in ea degentes ad secessionem, ne contaminati illius peccatis, pœnis ejus involvantur, & ruinâ opprimantur *ψ. 4. 5.* Hoc verò eodem Evangelii præconio impletum esse, ita per se patet, ut magnâ probatione non sit opus. Quis enim ignorat eximios illos Dei Servos in id præcipuè incubuisse, ut fideles à Babylone ad Jerosolymam, à Papa ad Christum, ab Errore & superstitione, ad Veritatem & purum Dei cultum deducerent? Nec eo tempore tantùm vox ista audita est, sed exinde continuò in Orbe Christiano sonuit, & etiamnum hodie resonat, & ad fideles Babylone adhuc latentes dirigitur, ut de salute suâ etiam solliciti, maturè se Babylonis jugo & exitio subducant, ne peccatorum ejus participes, sint etiam pœnarum socii.

XXVI. Hæc quippe ratio Mandati gemina proponitur, *Ne participes peccatorum ejus ex plagis accipiatis.* Fateor vel solam Babylonis mentionem, Seccessionis istius necessitatem satis inducere; cùm impossibile sit Civem esse simul Jerosolymæ & Babylonis. Sed ut fortiùs adhuc mandati istius justitia cognoscatur, duplici hac ratione fulcire eam voluit Spiritus Sanctus, quâ justior & gravior nulla dati potuit. Cùm enim summo quisque salutis & felicitatis ducatur desiderio, ea verò sit alienissima, imò planè *αἰσχρὰ* cum duobus maximis, quæ hic notantur malis, *Culpa* scilicet & *Pœna*, Quis non videt ineluctabilem illis omnibus, qui salutis suæ sunt studiosi, imponi necessitatem eam deserendi societatem, quæ talium peccatorum & pœnarum consortio eos involvit? Atque eò magis, quòd ut peccata ista non levia sunt & minuta, quæ cum fide & salute possunt utcunque subsistere; Sed gravia & terribilia, quæ fidem Christi, & puriorem Dei cultum penitus corrumpunt: Ita pœnæ, quæ illa manent, non castigatoriæ sunt & medicinales, à quibus felix datur exitus, quales in fideles sæpe cadunt; sed



sed ultrices & horrendæ, quæ ultimum fontibus exitium sunt allaturæ, quas nemo salutis suæ cupidus fugere non tenetur.

XXVII. Atque eâ potissimum ratione moti fuerunt superiori seculo Majores nostri, quum Babylonem generosè reliquerunt, ut Jerosolymam corruptam restaurarent, & Reformationis Operi manum admovent. Quid enim aliud eos permovere potuit, ut, relictâ Patriâ, Parentibus, amicis, bonis, & rebus quibusque charissimis, quibus fruebantur, & frui poterant dulcissimè, si Babylone mansissent; de mutandis sedibus cogitarent, & de Papatu deferendo, & vexillo Evangelii sequendo consilium inirent; quod indignationem Principum, Concivium odium; totius penè mundi furorem in ipsos concitabat, & non modò bonorum jacturæ, sed & mille ærumnis & Crucibus, adeoque propriæ vitæ periculo eos exponebat? Quid, inquam, eos adeò potenter afficere potuit, nisi Conscientiæ ipsius Vox, & divini Mandati justitia, Salutisque, quæ rebus omnibus pretiosissimis, imò & vitâ hac temporali carior piis omnibus debet esse, desiderium; Nam si ullum dari potuisse credidissent pacis vel conciliationis cum Babylone medium; Næ insani & mente capti fuissent, si illud molestæ, & tristissimæ secessioni non prætulissent; Ut Superiorum favorem, Æqualium amorem, & dulcissima quæque, quibus antea gaudebant bona, retinere possent. Verum, quia se talia possidere non posse, salvâ conscientia, & Christi fide, persuasissimum habebant; maluerunt cum Paulo omnium jacturam facere ut Christum lucrarentur; & suorum odio & furori se exponere, ut amorem Christi illibatum sibi servarent.

XXVIII. Porro quæ ratio Secessionis necessitatem illis imposuit, Eadem, rebus semper sic stantibus, Syncretismi *ἀδύναμις* evincit. Nam si exire jubetur Dei populus ex Babylone, quo tandem pacto, vel in ea adhuc manere, vel ad eam redire, & quocunque demum prætextu cum ea *συζυγῆσθαι* possemus, nisi cœlesti voci rebelles, & in propriam salutem injurii? quicquid enim prætexatur, ad exitialem illam *ἐντροπήν* faciendam; quicquid dicatur ad Errores incrustandos, tegendamque ejus turpitudinem, Babylon semper est, cum qua sacrum commercium nullum nobis intercedere potest, nisi cum ea perire volumus. Quod si Lothus Sodomis non modò exire jubetur promptissimè, ne detestandæ Urbis involveretur excidio; sed & prohibetur retrorsum ad eam respicere semel egressus, Gen. 19. 14. 17. quod cum uxor ejus detrectasset, crimen gravissimâ poenâ luit, in salis statuam conversa. Si nefas erat Israëlitis ex Ægypto semel liberatos, iterum eò redire, vel peponum, & cœparum, similiumque ejus deliciarum desiderio capi, quod malè cessit Israëlitis murmurantibus Numer. 11. 3. & 14. 3. 4. Deut. 17. 16. Si Judæi ex captivi-



**Disput. VI.** ptivitate Babylonica reduces, sub pristina servitutis jugum redire sine crimine non potuerunt. Quantò gravior poena eos manere censenda est, qui suavissimæ, quâ fruuntur, libertatis obliti, vellent ferreum, quò antea tantum non opprimebantur Tyrannidis jugum sponte subire, & exitialem Babylonis amicitiam, salutaris cum Christo communionis dispendio quærere? Nam præterquàm quòd *Samaritanismus* ille, seu Religionum mixtura Deo semper fuit summè exosa, qui consortis impatiens, nec parem nec superiorem in Cultu ferre potest; ut toties hoc illis exprobrat, qui claudicare volebant in utrumque latus, & Dominum colendo, Diis etiam suis servire 1. Reg. 18. 21. & 2. Reg. 17. 33. Ut vetuerat agrum conscribi diversis seminibus, & vestem contextam ex lanâ & lino gerere, Levit. 19. 19. eo ipso mixtiones omnes in cultu divino adulterinas esse symbolicè innuens; Et Paulus periculosam illam *σύνχρασιν* non semel damnat 1. Cor. 10. 21. & 2. Cor. 6. 14. 15. 16. 1. Tim. 6. 5. Heb. 13. 13. 2, Jo. 10. Accedit etiam salutis nostræ ratio; Nam quicumque sic *ἀμύβητος* est, revera *ἑδέρετος ὅτι*, qui utramque Religionem sociare pertendit, neutram habet: Nec bene conveniunt, vel in una sede morantur, Arca Dei cum Dagone, Veritas cum Mendacio, Christus cum Belial, & Templum Dei cum Idolis. Unde magnam olim laudem consecuti sunt *Athanasius* & *Hilarius*, qui dum totus orbis ingemiscebat, & Arianum se esse mirabatur, secessionem & exilia sancto & verè generoso consilio, huic pestiferæ Unioni, & maledictæ concordie alacres prætulērunt.

**XXIX.** Ita demonstratâ *Secessionis* nostræ Necessitate à *divino Mandato*, unum superest, ut paucis respondeamus nonnullis, quæ afferri adhuc possunt, ad vim Argumenti nostri infringendam, exceptionibus. Prima petitur ex *Allegorico* loquendi *Sermone*, ex quo nihil certi posse colligi contendit *Perronius*, tum quia subobscurus esse solet, tum quòd ex Canone recepto, *Theologia Allegorica non sit Argumentativa*. Secundò, licèt daretur, inquit, Ecclesiam corruptam fuisse, non propterea ab ea recedendum fuisse, fuisse corrigendam, sed non fuisse deserendam, ne unitas ejus laceraretur. Tertiò, si quæ *Secessio* postulabatur, non statim fuisse positivam, & externam, quæ jus tribueret novas Ecclesias novumque Ministerium erigendi, quod sine peculiari vocatione nemo aggredi debet; sed suffecisse negativam, & internam. Quartò, Patres ante Reformationem Babylone manentes potuisse servari, & re ipsa servatos esse ex nostra sententia; Sic & nos eorum exemplò posse servari, etsi Babylone maneamus.

**XXX.** Facile tamen ad omnia respondetur. Ad 1. Resp. distinguendam esse Interpretationem *Allegoria*, quæ non potest aliunde confirmari, nec aliâ ratione nititur, quàm mero arbitrio Interpretis.



pretis; Ab ea quæ partim ex Scriptura apertè confirmatur, partim ex ipso eventu intelligitur: Fateor prioris Allegoriæ sermonem esse subobscurum, & hoc sensu verè dici, Theologiam Allegoricam non esse Argumentativam. Sed quoad posteriorem aliter se res habet; aliàs Apostolus, qui toties ex allegoria argumentatur, non solidè ratiocinatus fuisset: Nec Ioannes Apoc. 1. 3. beatos diceret, qui legunt & audiunt, quæ in hac prophetia proponuntur, quæ maxima ex parte allegorica sunt. Jam mandatum exeundi Babylone ita est allegoricum, ut ex ipsâ Scripturâ luculenter confirmetur, & ex ipso eventu clarissimè comprobetur, ut antea visum.

XXXI. Ad 2. R. Hoc non tam contra nos, quàm contra Spiritum Sanctum dici, qui expressè jubet exire. Fateor, si Babylon sanari potuisset vel voluisset, non fuisse deferendam, sed corrigendam: Sed quia curavimus Babylonem, & noluit ipsa curari; Imò non modò Medicum recusavit; sed in Medicos suos insurrexit, & ferro & flammâ eos persecuta est, quid supererat, quàm ut eam tanquam insanabilem & desperatam relinqueremus, & salutem saltèm nostræ prospiceremus? ut hîc verè impletum sit, quod olim de veteri Babylone Jeremias dixerat Jer. 51. 9. *Curavimus Babylone, & noluit sanari, eam deserite, & revertatur unusquisque in terram suam; Iudicium enim ejus ad Cælos usque pervenit.* Eum autem statum fuisse Romæ, eam pervicaciam & obstinationem adversus piorum monita, & vota, qui Reformationem petebant; Nemo est qui nesciat; ut non tam fugere illam debuerimus, quàm ab ipsa fugati fuimus, non tantùm Anathematum fulminibus, sed etiam cædibus & laniationibus, ut ostensum fuit Disput. 1. Thes. 26. 27. 28. Ubi plura de hoc Argumento. Frustrà regeritur, non deferendam esse Ecclesiam, *extra quam nulla est salus*, vel unitatem ejus lacerandam. Nam aliud est Ecclesiam veram deferere, extra quam non est salus; Aliud Ecclesiam Romanam, quæ hoc nomine indignam se præstitit; Aliud sanctam Unitatem Corporis Christi, quæ veritate nititur, lacerare, quod impium; Aliud Unionis falsæ, quæ in errore fundatur, vinculum abrumperè, ut veritatem & pacem Christi retineamus, quod summè laudandum.

XXXII. Ad 3. R. gratis supponi Secessionem tantùm internam & negativam requiri; cum externa etiam & positiva hîc præscribatur. 1. Quia Israëlitz non tantùm corde exire debuerunt Babylone, sed etiam externè & positivè Jerosolymam repetendo, & altare Dei & Templum instaurando. 2. Quia Deus non tantùm cultum internum, sed & externum postulat 1. Cor. 6. 20. 3. Quia Secessio non imperatur uni vel alteri, sed toti populo, id est, Coetui fidelium, qui non potest carere cultu externo & publico; aliàs sequeretur vel cultum externum & publicum non



DISPUT. VI. esse necessarium, vel cultui idololatræ saltè externè licere participare, quod utrumque vel cogitare impium. Nec hîc opponi debet defectus legitimæ vocationis; Nam præterquam quòd vocatio ordinaria plerisque non defuit; Alia est ratio *Ecclesiæ constitutæ & stantis*; Alia *restituenda & corruptæ*. In illa, fateor, Ministerium neminem suscipere debere, qui non sit ex ordine recepto vocatus: Sed in ista res aliter se habet; multa enim, quæ aliàs non licerent in ordine constituto; rebus perturbatis, & in casu necessitatis, quæ non habet legem, facile permittuntur. Quòd eo justius hîc potest locum habere, quòd radix auctoritatis, qua vocatio Pastorum nititur, non est penès Rectores Ecclesiæ: sed penès ipsam Ecclesiā; quæ proinde ipsa sibi in tali casu potest suos Pastores instituere, si aliter fieri nequit, potius quàm ut sinat oves Christi palantes sine Pastoribus & pabulo interire.

XXXIII. Ad quartam de *Patribus ante Reformationem*. R. 1. Legibus, non Exemplis vivendum esse; Nec tam nos esse debere sollicitos de eo, quod ante nos præstitum est, quàm de eo quod præstari reipsā debuit. Itaque si Patres peccassent, vel humani quid essent passi, Babylone manendo; Non statim eos sequi teneremur, si clariùs de voluntate Dei nobis jam constet. 2. Alia fuit Patrum conditio, alia nostra, ut aliud est *Captivitatis*, aliud *Libertatis* tempus. Babylone sine crimine manserunt Judæi, nondum solutâ captivitate: At gravi reatu se obstrinxerunt ii, qui sese fratribus non adjunxerunt, cùm Deus eos ab hac servitute vocavit. Dum Captivitatis durabat tempus, licuit esse captivum; Sed postquam Deus libertatem cœlesti voce promulgavit, non *Captivus*, sed *Servus* est qui manere statuit; Nec licet moramnectere, Angelo præeunte, & sonante tubâ, nisi miserè perire malumus, quàm maturè imminenti exitio nos subducere. Potuerunt ergo Patres, quos sibi Deus Babylone servabat, secedentes à superstitione, non secedere tamen à superstitionis, quia nondum videbatur captivitas soluta; Necdum Dominus exeundi rationem ipsis patefecerat, vel locum quò se reciperent præparaverat: Sed ex quo novissimis hisce temporibus Dominus Euangelii sui Signum extulit, & altâ voce proclamari jussit, *Exite Babylone Popule mi*: Ex quo viam antea clausam aperuit, & complanavit; ad Signum hoc non accurrere, huic invitationi non obtemperare, Babylone Jerosolymam non ascendere, rebellio est in Deum, manifestus gratiæ Divinæ contemptus; quia non invitos, sed cum voluptate Babylone agere se testantur, qui inde non discedunt, & non ampliùs captivi sunt, sed mancipia Babylonis, qui communionem cum ea colunt,

XXXIV. 3. In eo etiam differt conditio nostra à conditione Majorum, Quòd antea, licet graves essent errores & abusus,



sus, vel nondum erant capitales, & mortiferi, vel nondum in leges abierant, & sub Anathematis poenâ erant sanciti, ita ut cogerentur quotquot ibidem manebant eos profiteri: poterant ergo per secessionem negativam immunes se ab illis præstare, & in pabulo quod illis proponebatur, venenum à salutaris cibo secernere. Sed ex quo Errores fuerunt in *ἀρχαῖς*, non modò graves, sed lethales, contagiosi & immedicabiles; Ex quo in Leges abierunt, & sub Anathematis poenâ sunt sanciti, quod factum fuit potissimum in Conventu Tridentino; Quis, salvâ conscientia, post cognitam veritatem, ibi hæreere posset, cum nemo sine idololatriæ crimine sacris ejus interesse queat? 4. Licet non dubitemus, quotquot ex populo Dei Babylone manserunt ante Reformationem, servatos esse per Dei misericordiam: Non sequitur tamen propterea nobis liberum esse & integrum, hodie in tanta Evangelii luce, ubi datur facilis & publica Deum purè colendi ratio, ibidem morari; Quia non tentandus est Deus, vel spernenda quam nobis offert gratia. Quamvis ergo nonnulli servari potuerint in illa Communione, & reipsâ servati sint, sed ægrè & veluti per miraculum, in tanta & tam gravium errorum multitudine; perperam inde colligitur ibidem pios posse & debere semper manere sine salutis periculo, & non quærendam esse aliam communionem puriorem, in qua non modò salus obtineri aliquando possit in certis casibus, sed ubi via salutis certa sit & infallibilis, modò fidei puritati vitæ sanctitas respondeat. Sic quamvis illi, qui in aëre contagioso, & urbe, in qua pestis grassatur, manent, quia nulla illis ad secedendum via patet, possunt tamen à contagio præservari: non ideo sequitur omnibus, etiam iis, quibus exire inde licet, ibidem manendum, imò temeritatis & insanix, addo etiam propriæ mortis reus esset, qui hoc tentaret, quia se præsentissimo salutis periculo sponte exponeret. Ita dum nullus alius locus Majoribus nostris se se offerebat præter Ecclesiam Romanam variis modis corruptam: Nec ulla patebat ad exeundum via, potuerunt ibidem tantisper manere, donec porta ipsis ad secedendum aperiretur. Sed postquam Deus occasionem præbuit, sese liberandi ab erroribus capitalibus & crassissimâ idololatriâ, quibus cælum Ecclesiæ Christianæ infectum erat, & Ecclesiam puriorem, in qua salubriore licet nobis aëre frui, inveniendi, magno crimine obtringeremur, & indigni essemus tam eximiâ Dei gratiâ, si illuc quantò ocyus nos non reciperemus & pestem alibi grassantem fugeremus, salutiq; nostræ non temporali, sed æternæ consuleremus. Nec tolerantia Dei in certo tempore, potest vel debet esse regula tolerantix ejus in omnibus aliis.

XXXV. Si jam quæritur. Quid porro judicandum sit de illis, qui in Ecclesiâ Romanâ manent. &c. Nostrum non esse judicare de personis, sed tantum de fide. Nec ii sumus, qui limites ponere velimus



DISPUT. VI. velinus misericordiæ & potentia Dei, cujus manus nunquam est abbreviata, ut non possit per vias mirabiles & ἀνεξίτηλας ab errore suos liberare, & servare quotiescunque voluerit ὡς διὰ πυρὸς. Duo tantum ut indubitata firmiter teneri volumus. Primò Neminem citra grande vulnus conscientia & salutis periculum, posse, cognitâ semel veritate, vel in Papatu manere, vel ad illum deficere. Quia fieri hoc non potest sine gravissimis peccatis, quæ cum salute sunt ἀσύστατα, putâ, *Diffimulatione veritatis, Simulatione mendacii, Participatione errorum & sordium Ecclesie Romanae, Christi abnegatione, Tentatione patientia Dei, Rebellionem aperta adversus ejus mandatum, & cum Scandalo infirmorum*, aliisque id genus, quæ iram Dei in homines accersunt. Secundò Neminem formaliter Pontificium, id est, qui Papatûs errores & cultum profitetur, & retinet, & in eo statu moritur, esse in via salutis, quia ex regula Spiritûs Sancti, *Idololatra non possunt heredare Regnum Dei* 1. Cor. 6. 10. *Timidorum pars est in stagno ignis & sulphuris, quæ mors est secunda*, Apoc. 21. 8. *Et quisquis characterem bestia sumit, bibere debet ex vino ira Dei* Apoc. 14. 8. Non placet, fateor, hic sermo multis, quibus Pax cum Româ longè rebus suis conducibilior videretur: Sed nostrum non est pacem promittere, ubi Deus maledictionem interminatur, vel spem salutis conciliare, quum ipse eam præscindit. Si cui ergo chara est sua salus; Nihil antiquius habere debet, quàm Deum vocantem sine mora sequi; Non hîc cum carne & sanguine conferendum, cui nunquam hora videbitur commoda exeundi, & Templum ædificandi, cum Judæis profanis Aggæ. 1. 2. Sed Deus solus audiendus, ut, omnibus superatis obstaculis, amorem Salutis affectibus quibusque mundanis, pacem Dei paci hominum, & mandatum ejus quibusvis mundi promissioni- & illicitis generosè anteponamus. Alias quisquis patrem, matrem, filias, & filias, uxorem supra me, inquit Christus, dilexerit, imò qui non eò usque processerit ut odio etiam habeat, id est, promptè propter me relinquat, non est me dignus. Sed contra, *Quisquis reliquerit domos, aut fratres, aut sorores, aut patrem, aut matrem, aut liberos, aut agros, causâ Nominis ejus, centuplum accipiet, & vitam aeternam possidebit.* AMEN.

FINIS.

DISPUTATIO



## DISPUTATIO SEPTIMA

SIVE

## ANTICHRISTI DEMONSTRATIO.

*Respondente* MARCO WERDMYLLERO*Tigurino.*

701

I. **U**ICET Ecclesiam in terris militantem varii semper excrucierint hostes, à quibus innumera passa est mala; Alii aperti & detecti, pro hostibus Christiani nominis palam se gerentes; Alii tecti & dissimulati, Christum sub ipsius nomine oppugnantes: Nullum tamen Satan, & *Antichristo* ille salutis nostrae adversarius, per silentiorem & diuorem unquam ipso *Antichristo* excitavit, qui exterorum artes & fraudes coniungendo, Christi doctrinam & Regnum oppugnare, & infami Apostasia ab ipso deficere debuit. Hinc fit ut ex omnibus, quae inter Nos & Pontificios agitantur Controversiis, nulla maioris momenti ad Secessionis nostrae iustitiam & necessitatem compendiosissima via confirmandam, occurrat, eà, quae de Antichristo agit. Cum enim certò certius sit, Christo è diametro ipsum opponi, nec ullam cum eo communionem dari posse; si semel constiterit, Pontificem, qui Catholicae obtruditur Ecclesiae, ut omnium Controversiarum Iudex, Conciliorum Praeses, Regnorum Dispensator, Ecclesiae Sponsus, & Christi Vicarius, esse Antichristum illum magnum, quem delineat Scriptura, promptum erit cuilibet colligere, necessariò ab eo ejusque societate secedendum nobis fuisse, nullumque d.inceps dari posse cum eo Syncretismum.

II. Hoc est autem, quod probare nunc suscipimus, & quod *Quinta & ultima Demonstrationis* locum obtinebit, in eo, quod versentur argumento. Et eo diligentius hoc nobis est exequendum, quo majori studio & conatu Adversarii tenebras hinc nobis offundere, & Antichristum alienis coloribus depingere satagunt, ut longissimè abeant à Papae sui vultu. Hinc falsi characteres sunt affecti Antichristo, quibus Christiani in errorem inducantur. Ut Messiae falsas notas Iudei apponunt, ut à salutari Christi cognitione



DISPUT. VII. nos abducant. Verùm si penitiùs rem attendimus, nihil facilius est, quàm caliginem, quæ hic obducitur, excutere, & ex Verbi divini luce hoc iniquitatis Mysterium propalare. Quod ut commodius fiat, duo nobis præstanda esse censemus; Ut primò in thesi, *Qualis* debuerit esse Antichristus, quem quærimus, probemus; Secundo, *Quis* ille sit in hypothesis, intento velut digito demonstremus. Prius Characteres & notas genuinas Antichristi oculis subjiciet. Posterius earum applicationem docebit, & in quo subjecto deprehendantur. Illud ex Scriptura petendum erit; Hoc verò ex eventu & experientia.

Quotupli-  
citer sum-  
tur vox  
Antichristi.

1. Joan. 2.  
.18.

III. Antequam verò ad rem ipsam accedamus; duo de Nomine præmittenda sunt. Primò *Antichristi* vocem, modò communiter sumi, pro quovis Christi Adversario, qui quacunque ratione Christo se opponit, vel quoad unum doctrinæ caput, vel quoad plura; Et in Scripturæ usu, non tam quemlibet Christi hostem, quàm larvatum & domesticum designare, quo sensu Joannes testatur suo tempore plures jam fuisse Antichristos, 1. Joan. 2. 18. hoc nomine hæreticos illos indigitando, qui vel Divinitatem Christi, vel illius Incarnationem negabant. Modò singulariter & δεικτικῶς, ibidem pro insigni quodam Christi Adversario, cui κατ' ἔξοχην hoc debetur nomen, & in quem characteres varii concurrunt, qui sparsim tantùm reperiuntur in aliis. Et hoc sensu de eo nunc disputamus. Secundo Antichristi nomenclationem duo dicere. 1. *Hostem* & *Æmulum* Christi. 2. Ejus *Vicarium*; Utrumque enim vis præpositionis ἀντί importat, quæ in compositione nunc pro, nunc contra significat; Modò vicem & substitutionem, ut ἀντύπατος Proconsul, qui vicem Consulis gerit, ἀντιδειπνῶ apud Lucianum Conviva quasi vicarius, alterius nempe locum supplens, qui invitatus non venit, ἀντάδελφος qui est vice fratris, ἀντίψυχος, qui vice alterius mori cupit, & similia. Modò Oppositionem & contrarietatem, ut ἀντικείμενος, ἀντίδικος, ἀντίπαλος &c. Utraque significatio hic locum habere debet. In eo enim Antichristus se prodit magnum Christi Adversarium, quatenus se æquat Christo ut æmulum; & se locum Christi tenere in terris profitetur, ut Christi Vicarium. Nec alia de causa Satan pro Christi Vicario eum obtrudit, quàm ut faciliùs sub illo schemate & histrionia Christum oppugnet: Ita prior Vicariatus explicatio est fundamentum posterioris, & posterior Oppositionis, prioris finis & scopus.

IV. Hujus Antichristi propriè & ἀντονουατικῶς sic dicti adventum jam olim à Spiritu Sancto prophetice Ecclesiæ prædictum esse, utrique agnoscimus, idque tum à Paulo in 2. ad Thessal. 2. tum à Joanne in Apoc. 13. 17. 18. sub specie modò Mercurii, modò Bestiæ, imò & ab ipso Daniele jam sub Veteri Testamento,



sed sub Typo Antiochi Epiphanis, cujus in Ecclesiam Judaicam Tyrannidi, Antichristi grassatio in Ecclesiam Christianam respondere debebat. Sed in eo dissensus est maximus; quod Adversarii Pontificem suum Antichristum à Viris Dei designatum & descriptum dici posse præfractè negent. Nos verò in nullum alium ejus notas aptius competere constanter statuamus. Quod dum asserimus, non putandum hoc à nobis fieri ullo maledicendi studio, prout qui illius partes sequuntur, hæreticos nos æternum damnatos quotidie criminantur, & sexcentis impetunt calumniis; sed merà nos defendendi necessitate, ut Conscientiis, nobis id juxta Dei verbum dictantibus, satisfaciamus, & Seccessionis nostræ ab Ecclesia Romana, justitiam & necessitatem evincamus; ne frustra vel levi quadam de causa Majores nostri communionem, in qua nati & educati fuerant, reliquisse videantur; Nosque omnem ad Romam reditum, vel cum ea Syncretismum respicere censeamur.

V. Hæc est communis & constans Protestantium sententia, pluribus ipsorum Confessionibus expressa; *Helveticâ* Art. 17. *Belgicâ* Artic. 36. *Scoticavâ* in Comitibus Regni firmatâ anno 1581. cui Regia Majestas ejusque Familia, alique varii ad Dei gloriam, bonorumque omnium exemplum subscripserunt. *Bohemicâ* editâ anno 1535. art. 8. *Anglicâ* Ivelli, anno 1562. cui suffragantur *Academiæ Oxoniensis & Cantabrigienfis*, cum doctissimis Episcopis & Theologis, & qui unus potest esse instar omnium *Jacobus VI.* Rex in Apologia suâ pro Juramento Fidelitatis, & in alloquio suo ad Cæsarem, Reges, & Principes. Quid verò Ecclesiæ Gallicanæ hætenus crediderint, satis testatæ sunt in Synodo Nationali Vapincensi, anno 1604. ubi articulum huc spectantem unanimi consensu, qui Confessioni suæ adjiceretur, hisce conceptum verbis condiderunt: Cum Episcopus Romanus, erectâ sibi in Orbe Christiano Ecclesiæ Monarchiâ, sibi arroget Principatum in omnes Ecclesias & Pastores, usque adeo inflatus, ut Deum se ipse appellet, Can. satis. Dist. 96. L. 1. Sac. cærem. cap. de Bened. Ensis; velit adorari Concil. Lateran. ult. sess. 1. 3. 9. 10. ipse sibi tribuat omnem potestatem in cælo & in terra, res Ecclesiasticas ad libitum componat, condat articulos fidei, authoritatem Scriptura velit pendere à sua, eam ad libitum interpretetur, animarum mercaturam exerceat, liberos adstrictos votis & juramenti exolvat, novos Dei cultus instituat, & quod ad Civilia attinet, legitimam Magistratum auctoritatem conculcet, dans, adimens, & transferens Regna; Credimus & asserimus eum esse verum & germanum Antichristum filium perditionis 2. Thess. 2. 3. prædictum in Dei Verbo Zach. 11. 16. 17. 1. Joan. 4. 3. Apoc. 13. 11. Mærotricem purpuratam Apocal. 17. 1. insidentem septem montibus in magnâ Civitate Apoc. 17. 9. obtinentem regnum in Reges terra Apocal. 17. 18. & expectamus, donec Deus, prout promisit, & iam

Communis  
Protestan-  
tium est sen-  
tentia, Pa-  
pæ esse  
Antichri-  
stum.



**DISPUT. capit,** eum fractum & victum Spiritu oris sui, tandem deleat fulgore adventus sui 2. Thessal. 2. 8. Non diversam hinc abire *Augustanam* Confessionem patere potest, velexeo, quòd notas & signa Antichristi Papae tribuat præsertim abusu 1.2.3.5.7. Quòd Apologia illius Confessionis in iisdem Comitibus Augustanis Cæsari oblata communi nomine Confessorum, disertè Papam Antichristum profiteatur loco de Ecclesia p. 149. de Conjugio Sacerdotum p. 240. 241. de Traditionibus humanis p. 208. 209. ut solidè probatum dedit *Nicolaus Hunnius* in depulsione Accusa. Jesuit. cap. 3. Bellarminus consensum omnium Protestantium in hac sententia agnoscit lib. 3. de P. R. cap. 1. *Similia docent omnes heretici hujus temporis, ac præcipue Lutherus, Magdeburgenses, Illyricus, Musculus, Beza, Bullingerus &c.*

*Locus Antichristi communis, Templum Dei 2. Thess. 2. 4. Eph. 2. 21. Matth. 23. 16. Luc. 1. 9.*

**VI.** Ne verò gratis hoc asserere videamur, jam ostendendum Characteres omnes, quibus Antichristus in Scriptura describitur, ita Romano Pontifici convenire, ut nemo possit ad eos attendere, quin facilè in illis tanquam in speculo Papam ipsum intueatur. Licèt autem varii vulgò recenscantur, possunt tamen ad hos tres præcipuos referri, qui non seorsim, sed simul sunt spectandi: *Locum, Tempus, & Personam.* In quibusdam locis Spiritus Sanctus *Locum* seu sedem, in quà sessurus fuit designat. In aliis *Tempus*, quò exeri debuit indicat. In cæteris varias *Personæ* qualitates & actiones, quibus insignis esse debuit, describit. Et ad *Locum* quidem quod attinet, designatur duplex, *Communis & Singularis.* *Communis* dicitur esse *Templum Dei* apud Paulum 2. Thess. 2. 4. quum homo peccati dicitur sessurus in Templo Dei ut Deus. Quod non de alio, quàm de Templo mystico, id est *Eclesiâ*, quæ passim hoc nomine venit in Scriptura Ephes. 2. 21. 1. Corint. 3. 16. 2. Cor. 6. 16. 1. Tim. 3. 15. 16. intelligendum esse liquidò constat. Scio *Templum Dei* non rarò sumi pro Templo Hierosolymitano, Deo inter Judæos sacro; Matth. 23. 16. & Luc. 1. 9. Sed non potest hoc sensu hic usurpari, quicquid Pontificii, ut faveant fictio suo Antichristo è Judæis oriundo, garriant, & post eos *Grotius* in hunc locum, qui pessimâ fide verba Pauli aliò detorquere conatur, ut Pontifici Romano palpum obtrudat. Nam Paulus loquitur de illius Templi profanatione, quæ & metuenda esset Christianis & fugienda. Sed ad illos pertinebat Templi Hierosolymitani desolatio. Imò optanda erat potius Christianis, quàm formidanda, ut ita Cæremoniæ legales penitus abrogarentur, & Christi prædictio suum haberet complementum: Nec ullum mœrorem concipere poterant ex tali profanatione, utpote qui scirent & abominationem desolationis juxta Danielelem & Christum Templo inferendam, & illud brevi diruendum; imò id avidè expectabant. Atque hinc secundò patet, non posse hic Templum Hierosolymitanum intelligi, quia ex Christi vaticinio



vaticino Matt. 24. 2. à Romanis funditus fuit destruendum, ut ne lapis Disput.  
VII.  
Matt. 24. 2. quidem super lapidem esset relinquendus, sed in perpetuam solitudinem esset redigendum, nec unquam deinceps instaurandum. Quod cum Julianus Apostata in odium Religionis Christianæ tentasset cum Judæis, temeritatis & impietatis suæ poenas dederunt; Nam titanicum opus, quod nefario ausu inceperant, tetra motu, & ulticibus flammis deferere coacti sunt, ut referunt *Socrates* lib. 3. cap. 20. *Sezomenus* lib. 5. cap. ult. & alii. Tertiò licet domus Hierosolymitana in Vet. Testamento sæpius Templum Dei dicatur, tamen post mortem Christi, & Cæremoniarum impletionem & abrogationem, nec Templi Dei veritatem, nec nomen retinere potuit. Quartò Antichristus, de quo hic agi non negant Pontificii, non debuit Hierosolymis sedere, sed Romæ, ut jamjam videtur, nec inter Judæos, sed in Ecclesia Christiana, utpote qui non aperte, sed hypocritice & recte Christum oppugnaturus erat.

VII. Antichristus ergo dicitur *sessurus in Templo Dei*, quia in Ecclesia dominationem & imperium usurpaturus erat, ut *Thomas* notat, vel primam sedem arrepturus, ut *Theodoretus*. Sedere enim Dei regnare est: Ita innuit Apost. ipsum dominationem suam exerciturum, non quemadmodum Tyranni olim in Ecclesiam Dei, id est, contra eos qui fidem profitebantur, ipsi interea in infidelitate perseverantes: sed in Ecclesia regnaturum, id est, intra Ecclesiam, ut non externum sit bellum, sed intestinum potius, & quasi civile. Neque negligenda est Augustini observatio l. 20. c. 19. de Civ. Dei, qui vult dici sessurum non tantum *in Templo*, sed ut Græcè habetur *ἐν ναὶ ὁ Θεὸς ἐν Τεμένει τοῦ Θεοῦ*, tanquam ipse sit Templum Dei, quod est Ecclesia, sicut dicimus, *sedet in amicum*, id est, *velut amicus*, &c. licet enim præpositio *in* pro *in* possit aliquando poni, tamen nihil obstat, quominus genuinam & primariam ejus significationem retineamus, maximè cum agatur de Antichristi Tyrannide, quam non tantum in Ecclesia, sed & adversus Ecclesiam exerciturus erat.

VIII. Hoc autem Pontifici Romano convenire, res ipsa clamat; Nam ut Christianum se profitetur, imò suum Corpus, Ecclesiam Christianam, Catholicam & Apostolicam vocat: Ita in Templo Dei bene sedere dicitur; Tum quia in Ecclesia Christiana sedem suam fixit. Tum quia in omnem Ecclesiam Primatum sibi arrogat; Et Ecclesiæ nomen, privilegia, & auctoritatem omnem ad se trahit, quasi ipse solus cum suis esset Templum Dei, quod est Ecclesia; Reliqui autem Christiani pro hæreticis & schismaticis essent habendi. Tum denique quia ita regnat in Ecclesia, ut Ecclesiam ipsam destruat & oppugnet. Et ut Oraculo eventus respondeat, verbum ipsum *sedens* retinuerunt, ad



DISPUT.  
VII.

dominium suum designandum; *Sedere* enim in Ecclesia, proprium est Pontificum, quorum quisque tamdiu *sedisse* dicitur, quamdiu illam obtinuit dignitatem, quæ etiam antonomastice *Sancta Sedes* dicitur. Licet verò dicamus Pontificem sedere in Ecclesia Dei, non inde sequitur Ecclesiam Romanam esse veram Ecclesiam; Nam distinguendus hic est *sensus compositus & divisus, & denominatio antecedens & consequens*. Quum Antichristi sedes dicitur esse Ecclesia, hoc non intelligendum in sensu composito, quali posset simul esse Ecclesia Christi & Antichristi, quod *ἀνύστατον*: Sed in *sensu diviso*, ut innuatur eam, quæ antea fuerat Ecclesia Christi, factam fuisse sedem Antichristi. Quomodo apud Isa. cap. 1. 21. *Civitas fidelis dicitur meretrix*, quia quæ olim fuerat fidelis, facta est meretrix per suam Apostasiam. Ita *cæci videre* dicuntur, *sardi audire*, *claudi ambulare*, non quia tales in sensu composito, sed qui tales antea fuerant in sensu diviso. Sic Romana Ecclesia, quæ debuit esse sedes Antichristi, potuit esse vera antea, quum ejus fides annuntiabatur in toto mundo, & aliquot seculis deinceps, quamdiu sanam doctrinam retinebat, & hæreses oppugnabat, Et tum temporis negamus fuisse sedem Antichristi: Verum quum progressu temporis à veritate defecit, & alienam doctrinam induxit, tum delisse esse Christi Ecclesiam, & factam esse Antichristi sedem dicimus.

Locus singularis Babylon Rom.

IX. *Locus singularis* est *Babylon*, Urbis magna *ἐν τῷ αἰὶνι*, quæ tempore Joannis imperium obtinebat in Reges terræ; & quæ poculò scortationum omnes populos debuit inebriare, & ebria esse sanguine Sanctorum. Sed soli *Rome* hoc convenire Disputatione præcedente demonstratum fuit, Et quidem non Paganæ vel ad Ethnicismum relapsæ, sed Christianæ, & ad Apostasiam delapsæ, ut nihil opus sit ulterius in eo probando immorari. Unum tantum superest dubium expediendum, quod hic movetur à *Bellarmino*, *Lessio*, & aliis, Sedem scilicet Antichristi non fore Romam, sed Hierosolymam, quia in Urbis magnæ plateis corpora duorum Testium dicuntur jacere, quæ *vocatur spiritualiter Sodoma & Ægyptus, ubi & Dominus eorum crucifixus est*. Apoc. 11. 8. At non Romæ, sed Hierosolymis Christus est crucifixus. Verum gratis supponitur, per magnam illam Civitatem intelligendam esse Hierosolymam, quæ nusquam in Apocalypsi Civitas magna in sequiorem sensum dicitur: Sed hoc aptissime Civitati Romanæ convenit, quæ, ut alibi mystice vocatur *Babylon*, urbs illa magna; Ita hic spiritualiter dicitur *Sodoma*, propter nefandas sceditates ibi grassantes, & *Ægyptus*, propter cæcitatem, idolomaniam, & crudelitatem. Nec obstat, quod Dominus ibi crucifixus dicatur: Hoc enim trifariam potest intelligi. 1. *Proprie*  
de



de ipso Christo, quia in Ditione Romana & auctoritate auspiciisque Romanæ civitatis crucifixus est; sic enim civitas Romana Urbis Romæ mœnibus non includitur, sed ad Provincias omnes illius imperio subjectas extenditur. 2. *Mysticè* in membris Christi, quorum passiones suas reputat Christus. Act. 9. 4. 5. Colos. 1. 24. 3. *Spiritualiter* ratione peccatorum, quibus impii Apostata dicuntur ab Apostolo Hebr. 6. 6. *sibi crucifigere Filium Dei*, id est, quantum in se est. Jam Roma magnæ illius Apostasie caput est, ut postea dicemus; Ibi igitur imprimis Christus spiritualiter crucifigitur. Ne jam dicamus, quotidie cruci quodammodo affigi ab ipsis in Missa, dum quotidie offerri in Sacrificium propitiatorium pro peccatis viventium & mortuorum contendunt.

Act. 9. 4. 5.  
Col. 1. 24.  
Heb. 6. 6.

X. Sic inventâ Sede Antichristi, nunc *Tempus* ejus revelationis, quod in ea sessurus erat, attendendum est, Circa quod non minus acriter controvertitur. Pontificii enim *Tempus* ejus adventûs rejiciunt ad finem usque mundi: Et quemadmodum Judæi nondum exhibitum Christum esse contendunt; Ita isti venturum adhuc Antichristum somniant, & demum sub mundi finem grassaturum. Nos verò Antichristum jam ortum esse & manifestatum, non verò sub finem tantum mundi revelandum pertendimus. Quia Paulus jam suo tempore gliscere cœpisse testatur. 2. Thes. 2. 6. quum ait, *mysterium iniquitatis*, ἡδὲ ἐνεργεῖται jam operari, & 1. Joan. 2. 18. jam tunc Antichristos esse in mundo; quod dici non posset, nisi jam tum horrendæ istius Apostasie fundamenta jacta fuissent. Fateor quidem hoc clàm factum fuisse & opertè, ut non facile sit primum ortûs momentum observare, Satanâ, hujus *Mysterii* architecto, sensim per varios anteambulones, & doctrinæ corruptelas sternente fundamenta istius Tyrannidis. Ideo *Mysterium* dicitur *iniquitatis*, oppositum *pietatis Mysterio*, quod Christi ortum & revelationem docuit; Ut ortus ejus *μυστηριώδης*, atque adeò occultus & latens, non apertus & patens indicetur. Verum hoc non impedit, quominus re ipsa jam revelatus sit, ut ex eventu patet, & clarissimè ex infra dicendis constabit. Nec mirum videri debet, si quemadmodum rerum variarum initia latent, incrementa patent; ut corruptionis Rerum publicarum, scientiarum, linguarum, & similium, principia sunt exigua & operta, progressus verò & incrementa majora & aperta; Sic & corruptæ Ecclesiæ. Unde Antichristi ortus obscurior fuit, ex divina dispensatione, quia debuit esse *μυστηριώδης*, ut primò conciperetur filius perditionis, quàm nasceretur & revelaretur.

Tempus re-  
velati Anti-  
christi.

2. Thes. 2. 6.  
1. Joan. 2.  
18.

XI. *Tempus* autem istius *revelationis* Scriptura refert ad periodum sublatis à medio τῷ κατέχοντι, scilicet dissipati Imperii Romani. Sic enim Paulus 2. Thessal. 2. 7. 8. ὁ κύριος κατέχει τὸ κράτος, 2. Thess. 2. 7. 8.

2. Thess. 2.  
7. 8.



DISPUT.

VII.

quid sit

ὁ κατέχων :

Et nunc nostis quid impediatur, nam mysterium iniquitatis jam operatur, μόνον ὁ κατέχων ἀρτι ἔως ἐκ μέτρου γένηται, καὶ τότε ἀποκαλυφθήσεται ὁ ἄνθρωπος, Tantum ut qui tenet nunc, teneat, donec de medio fiat, tunc revelabitur Impius &c. Hic ergo videndum imprimis quis sit iste ὁ κατέχων, qui Antichristi manifestationem impediatur. Duobus modis exponi potest, vel quasi ὁ ἐμποδίζων & κωλύων, ille qui impedit & obstat, quomodo exponit Chrysost. & post illum Oecumenius, vel ὁ κρατῶν qui obinet Imperium sive imperat, ut vult Augustinus. Utraque significatio locum hic habet. Quippe Imperator tenendo imperium Romæ, detinuit sive impedivit revelationem Antichristi. Quomodo enim Romæ dominari potuit Antichristus, quamdiu Rerum potiebatur Imperator; Debuit ergo ὁ κατέχων sive Romanus Imperator de medio auferri, antequam revelaretur Antichristus, & ut via illi sterneretur. Hoc verò Paulus exprimit modò in genere neutro per τὸ κατέχων ψ. 6. ut notet Imperium Romanum, modò in masculino ψ. 7. μόνον ὁ κατέχων, ut designetur ipse Imperator: Nec negligenda est vis vocis μόνον, tantum qui nunc obstat, donec è medio tollatur, quasi hoc unicum esset obstaculum, quò semel sublato, Antichristus esset revelandus. Hanc autem & non aliam esse Pauli mentem, ut per τὸ κατέχοντα intelligatur Romanus Imperator, colligimus ex Apo. 17. ubi Tempus revelati Antichristi refertur ad tempus dissipati Imperii in decem Reges designatos per decem cornua, qui Regnum cum Bestia partituri erant, ψ. 12. 13. Quod ex eo confirmatur, quòd Antichristus ultimum Bestiæ Caput statuitur, quod nisi decedenti sexto Capiti scilicet Imperatorum, quod tum erat, & è medio sublato, succedere non potuit. Nec alia fuit Veterum sententia.

XII. Quamvis enim nonnulli τὸ κατέχοντα referant ad Spiritum & gratiam, quæ impedire potuit istam Apostasiam. Alii ad Decretum Dei, quod cuique sua præfixit tempora: Tamen longè plures nobis hic adstipulantur. Scholia Græca exponunt per Romanorum Thronum, Imperium nunc impediens, τῷ τέτιν ὁ Ῥωμαίων Θρόνος καὶ βασιλεία νῦν ἐμποδίζουσα, ἵνα παύσεται Θεοῖ καὶ τέλος λάβῃ, τότε ἀποκαλυφθήσεται ὁ ἄνθρωπος, τῷ τέτιν ὁ Ἀντιχρίστος. Sic Tertullian. de resurrect. carnis, cap. 24. Tantum qui nunc tenet, teneat, donec de medio fiat, Quis nisi Romanus Status, cujus abscissio in decem Reges dispersa Antichristum superducat, & tunc revelabitur iniquus. Atque eadem de causâ Apolog. capite 32. Est & alia major necessitas, inquit, orandi pro Imperatoribus, etiam pro omni statu Imperii, rebusque Romanis, quod vim maximam universo orbi imminentem, ipsamque clausulam seculi acerbitates horrendas comminantem Romani Imperii commeatu scimus retardari. Itaque nolumus experiri & dum precamur differri, Romana diuturnitati favemus. Hinc alibi testatur, fideles orare pro mora finis, non pro dilatione finis mundi, quod



quod perperam quidam voluerunt, sed pro *mora finis Imperii Romani*, cuius dissipationem secutura erat Antichristi Revelatio. Cyrillus Hierosol. Catech. 11. ἔρχεται δὲ ὁ πρὸς τὴν ἐσχάτην ἡμέραν ἄντιχρίστος ὅταν πληρωθῶσιν οἱ καιροὶ τῆς Ῥωμαίων βασιλείας. *Venit autem praedictus ille Antichristus, cum completa fuerint tempora Romani Imperii.* Chrysost. in hunc locum expressè hoc refert ad ἀρχὴν τῶν Ῥωμαίων, & vult sic obscurè Paulum loquutum fuisse, quia nollet frustra inimicitias suscipere, & inutilia pericula: Chrysostomum sequuntur in h. l. Oecumenius & Theophylactus, in ea verba, *Tantum ut qui tenet, teneat. Hoc est, inquit, Romanum Imperium tollitur è medio, tunc effecturus est ille, nempe Antichristus.* Ambrosius in 2. Thess. 2. *Et tunc revelabitur iniquus, post defectum, inquit, Regni Romani, appariturum Antichristum dicit Apostolus.* Hieron. ad Algasi. quaest. 11. ita exponit, *Tantum ut Romanum Imperium, quod nunc universas Gentes tenet, recedat, & de medio fiat, & tunc Antichristus veniet,* quod confirmat in Jer. cap. 25. Et ad Gaudentium cum intelligeret Româ raptâ, unôque, ut ipse ait, *haustâ incendio*, Imperium occidentale ad occasum vergere, qui tenebat, inquit, *de medio sit, & non intelligimus Antichristum appropinquare?* Augustinus lib. 20. de Civit. Dei cap. 16. licet fateatur se nescire quid illud sit quod detinuit, tamen verba illa, *tantum qui modo tenet, teneat, rectè exponi posse existimat de Imperio Romano, tanquam dictum sit, tantum qui modo imperat, imperet, donec de medio fiat, id est, de medio tolla ur, & tunc revelabitur iniquus, quem significare Antichristum nullus ambigit.* Sedulius in 2. Thess. 2. *Qui nunc Rex Romanorum tenet Regnum, teneat Regnum suum, donec de medio fiat, id est, donec Regnum, quod nunc tenet, de medio auferatur, priusquam Antichristus reveletur. Hoc de Imperio Romano dictum est, & propterea Paulum non id aperte scribere voluisse dicunt, ne calumniam incurreret, quod Romano Imperio malè optaverit, cum speraretur aeternum.* Idem agnoscunt Anselmus, Glossa Interlinearis, Lyranus, Thomas, & alii non pauci ex Adversariis.

XIII. Hoc verò semel posito, probandum superest, Oraculum hoc jamdiu impletum esse, hoc est, dominium Imperatorum, quod revelationem Antichristi impediēbat, è medio sublatum fuisse, atque adeò Antichristum, cō sublatō, jam inde revelatum fuisse. Quanquam probatione opus esse haudquaquam videretur, cum eventus ipse, & rerum experientia hoc, nobis etiam tacentibus, clamet. Scio reclamare hic Adversarios, & nondum sublatum esse Romanum Imperium contendere, ac proinde adhuc expectandum esse Antichristum. Verum facili negotio scrupulus tollitur, si distinguamus *Vetus Imperium & Novum*; ordinem scilicet Veterum Imperatorum, qui in Augustulo intercidit, ut jamjam videbimus, & seriem Novorum, quæ in Carolo Magno ini-



DISPUT. tium sumpsit. Fateor quidem, Imperium novum adhuc superesse quod  
 VII. nomen prioris, & qualemcunque imaginem ejus retinet, sed vetus Romanum jam diu deliit. De hoc autem Paulum loqui multa probant; Primò, quia loquitur de eo Imperio, quod tunc stabat, quòdque Revelationem Antichristi impediobat, non de eo quod futurum erat, *quod tenet*, inquit, non qui tenebit; At novi Imperatores qui nondum fuerunt, neque tunc tenere potuerunt Imperium, nec detinere Antichristum, sed Veteres, qui tum Rerum potiebantur. 2. Agit de illo Imperio, quod impedire potuit manifestationem vel dominium Antichristi; At quomodo nudus titulus & nomen Imperatoris in Germania potuit impedire dominationem & revelationem Antichristi Romæ, vel Hierosolymis, ubi Pontificii cum collocant, & ubi Imperator nihil habet Juris? 3. Imperium quod revelationem Antichristi impedire debuit, fuit sextum Caput Bestiæ seu status Romani apud Joannem: At Imperatores novi, nec sunt Capita Romani status, sed Germanici, nec possunt dici sextum Caput, sed tantum ejus imago quædam & umbra, quam secunda Bestia, id est Antichristus faciendam curat, factam animat, animatam loqui facit. 4. Imperium de quo loquitur Paulus dividendum erat in decem cornua, seu decem Reges: At novum tantum non est, ut in decem segmenta, quæ Regnadicantur, dividi queat; nec unquam expectandum est, ut ex ejus divisione decem Reges oriantur. 5. Imperatores, de quibus Apostolus, Antichristum præcesserunt, ejusque revelationem impediverunt, iisque succedit Antichristus secunda Bestia Apoc. 13. omnem eorum potestatem exercens. Novum verò Imperium imago est prioris Bestiæ sive Imperii & status Romani, quam Antichristus faciendam curat, & factam loqui facit. Ideo eò omnino debet esse antiquior, utpote ejus author. 6. Pontificii non pauci vi veritatis victi ad nos hinc accedunt; Faber Stapulensis, *ubi nunc quæso Romana Monarchia? ubi quis in ea mundi regit habenas? Cum videamus Monarchia caput ab ea deficere, & Salmero omnium clarissimè, Imperium Romanum jam diu eversum est; nam qui nunc est Imperator Romanus, levissima est umbra Imperii antiqui, usque adeò, ut ne quidem urbem Romæ possideat, & jam per multos annos Romani Imperatores defecerunt. Justinianus, Pridem Romanum Imperium in eas angustias redactum, ut vix tenuem quandam umbram Imperii teneat.* Baronius ad an. 476. parag. 1. cum videret non tantum Imperatorem esse Græcum, sed ne Consules quidem Romanos, Sic, inquit, *Occidentale Imperium, quod erat Romanum, penitus collapsum est & devolutum ad Barbaros.* Barradius in Concordiam Tom. 1. lib. 4. cap. 4. Judæis negantibus Christum venisse, quia Imperium Romanum adhuc flet. Respondetur, inquit, *non extare Romanorum Monarchiam ut est compertum.*



XIV. Cùm ergo vetus Imperium necessariò sit intelligendum, inde DISPUT.  
manifestè colligitur, eò sublato, Antichristum etiam revelandum fuisse: VII.  
Et sanè prædictioni ad amissim respondit eventus. Ex quo enim Imperium  
in Occidente labefactari cœpit, innotescere cœpit Rom. Pontificis Tyrann-  
nis, & magis ac magis retegì; Et per quos gradus descenderunt Imperato-  
res, per eos ascenderunt Pontifices Romani. Tres autem possumus præci-  
puos notare gradus sublato è medio Imperii. Primus est quum sedes Imperii  
à veteri Roma ad novam seu Constantinopolim translata est à Constantino  
A. C. 331. quia tunc sedem Pontifici vacuam reliquit, imò si ipsi Pontifi-  
ficiis fides est habenda, Urbem Pontifici concessit, *decernens in ipsa urbe*  
*utriusque Potestatis Monarchiam Romanis Pontificibus* Dist. 96. c. *Constantin.*  
Secundus, quum post divisionem Imperii in Orientale & Occidentale, non  
modò Imperatores Occidentis, relicta Româ, sedem Ravennæ, vel Me-  
diolani posuerunt, & sic è medio secesserunt, vel discesserunt, sed etiam  
è mundo sublato sunt anno Christi 475. quando, eversò per Gothos Occi-  
dentali Imperiò, ordo ipse Imperatorum, qui revelationem Antichristi  
potissimùm impedièbat, in Augustulo II. planè intercidit, qui abdicare  
se coactus est ab Odoacro Rege Herulorum; Nec ullus Romæ, vel in to-  
to Occidente Imperator postea fuit per annos 325. donec novum Impe-  
rium tanquam veteris imaginem Romanus Pontifex in Occidente erexit.  
Quamvis enim Gothi per septuaginta annos & amplius in Italia vi & ar-  
mis regnârunt, non tamen Romani Reges audiverunt, nec inter Romani  
statûs Capita, sed inter Romani potius nominis & Imperii hostes nume-  
randi sunt. Tertius, quum Græci Imperatores, qui Romam cum reliqua  
Italia Bellisarii primùm, deinde Narsetis operâ è Gothorum manibus re-  
cuperârunt, illis ex Italia expulsis anno 552. quicquid juris habuerunt in  
Italia & Roma, Paparum artibus amiserunt, A. C. 727. qui varia *ἀξιώ-  
ματα* Imperatoribus extorquendo, & titulum Oecumenici Pontificis à  
Phoca parricidâ tandem impetratum usurpando, & summum in Ecclesia  
primatum sibi arrogando, in Occidente tyrannidem suam exercuerunt,  
& auxerunt, successivè per varios gradus ad supremæ illius potestatis,  
quod etiamnum hodie obtinent, culmen grassati sunt.

XV. Nec enim Mysterium hoc simul & semel unico temporis momen-  
to vel perfici potuit, vel debuit revelari; sed paulatim & successivè, ita ut  
sub variis gradibus Antichristum hic spectare possimus; Vel ut *Conceptum*  
tantùm, jam ab Apostolorum tempore quò mysterium iniquitatis in-  
cipiebat operari; Satanâ ei præludente, tum Neronianis persecutionibus,  
tum pluribus hæresibus à falsis Doctoribus excitatis, tum contentionibus  
variis subnascentibus in Ecclesia per *ἐκδοκασίαν*, qualis erat *Dioire-  
phes* primatum ambiens 3. Joan. 9. Vel ut *Nascentem & revelatum*,  
qui



**DISPUT.** qui exeri cœpit circa an. 606. in Bonifacio III. qui à Phoca Cæsaricidâ,  
**VII.** non modò Occumenici Patriarchæ titulum, quem Mauritius Constanti-  
 nopolitano concesserat, obtinuit, sed etiam ut Sedes Romana omnium Ec-  
 clesiarum Caput esset, atque ita spirituales Monarchiam invalit; Vel ut  
*Crescentem & adultum* jam factum, à Bonifacio III. usque ad Benedictum  
 IX. vel Gregorium VII. circa seculum decimum, qui Monarchiam tem-  
 poralem sibi arrogavit; Vel ut *florentem & eu anu* in teterrimis Papatûs  
 tenebris à Gregorio VII. usque ad Lutheri Reformationem; Vel *eu pa-*  
*ganu* ut *decrecentem & cadentem* ab illo tempore, quò visa sunt ejus fun-  
 damenta paulatim subrui Evangelicæ tubæ sonitu, donec penitus conficia-  
 tur in illustri Christi adventu. Dux enim istæ periodi notatur destructio-  
 nis ejus à Spiritu S. Prior inchoata per *Spiritum oris Christi*, id est, per Ver-  
 bum Evangelii, quod à tempore Reformationis in mundo resonare debuit.  
 Posterior consummata & plena in *illustri apparitione Christi*, 2. Thessal. 2. 8.  
 sic enim per *ἐπιφάνειαν τῆς ἀπαρτίας* designatur *παρουσία ἐπιφανὴς*; illustris  
 nimirum adventus antonomasticè, qualis illustrior dari nequit eò, qui ali-  
 quando futurus est in decretorio illo die. Ut enim per varios gradus ad im-  
 pietatis suæ fastigium perventurus erat; Ita paulatim minuendus erat & at-  
 terendus, restitutâ in integrum Veritate Evangelicâ, & quasi miraculosè  
 excitatis è mortuis duobus Testibus Christi. Nec Oraculo eventus defuit:  
 Quantum enim prædicatione Verbi divini accisæ sint ultimis istis tempori-  
 bus vires Antichristi, quantam cladem Imperium Papale ex Reformatione  
 acceperit, & in dies accipiat, cuivis notum est, & de eo non semel queritur  
*Bellarmin. præf. in 1. Tom. Controv. & lib. 3. de Rom. Pont. c. 21. Ab eo,*  
*inquit, tempore, quò per vos Papa Antichristus esse cœpit, non crevit ipsius*  
*imperium, sed semper magis ac magis decrevit.*

*Persona*

*Antichristi*  
*qualis.*

*2. Thes. 2. 3.*

*1. character*  
*Apostasia.*

**XVI.** Tertiò diximus *Personam Antichristi* hîc esse attendendam,  
 ut videamus, *qualis* esse debuerit, & quibus Characteribus à Spiritu  
 Sancto describatur. Plures commemorantur, sed præcipuos & insignio-  
 res tantum notamus. Primus est *Apostasia*, quæ à Paulo ei tribuitur 2.  
 Thess. 2. 3. *ἐὰν μὴ ἔλθῃ ἡ ἀποστασία πρῶτον. Nisi venerit defectio prius,*  
*ac revelatus fuerit homo peccati;* Sive *Apostasia* notet hîc ipsum Apostatam,  
 abstracto posito pro concreto, ut scelus pro scelesto, quod volunt *Chrysost.*  
*Theodor. Occumen. Hier. & alii;* Sive in concreto sumatur, ut *August. nisi*  
*venerit refuga primum.* Nec dissentur Pontificii Bell. 1. 3. de Pont. Rom.  
 cap. 2. *Per Apostasiam,* inquit, *apud Paulum ipse Antichristus intelligi po-*  
*test;* *Hoc enim docent communi consensu Interpretes Græci & Augustin.* Sic  
*Suarez, Malvenda, & alii.* Defectio ergo hîc singularis, & insignis quædam  
 intelligitur, quæ non potest dici *Politica*, ut Pontificii vellent, ab Imperio  
 Romano; tum quia hoc nihil faceret ad negotium Religionis, de quo  
 hic



hic agitur, tum quia notatur Apostasia talis antonomasticè ἡ ἀποστασία, quæ DISPUT.  
 non de alia, quàm de defectione à Deo ejusque fide & Religione, quam se- VII.  
 mel quis professus fuerat, intelligitur. Paulus ipse se ipsum explicat 1.  
 Tim. 4. 1. *Spiritus*, inquit, *desertè dicit*, quòd posterioribus temporibus ἀ-  
 ποστασίας lives τῆς πίστεως, *deficient*, seu *Apostasiam faciens quidam à fide*.  
 Ad stipulantur nobis hic Patres plerique, Chrysost. Theophyl. Occumen. Theo-  
 dor. quorum hic ἀποστασία vocat τὴν ἀπὸ Θεοῦ ἀναχωρήσιν, *Secessionem à*  
*Deo*. Sic Aug. de Civit. Dei l. 20. cap. 19. *Primas*. in hunc loc. Cyrillus  
*Hieros.* Catech. 11. Ex Pontificiis Thomas, Lyranus, Alcazar, Suarez tom.  
 2. q. 59. art. 6. dist. 34. *Licet plerique Latini interpretentur de defectione*  
*Rom. Imperii, tamen proprius intelligitur de defectione à Christo &c.* Unde  
 colligitur hic agi à Paulo de defectione à fide antea receptà, non autem de  
 quavis; nam sic omnes hæretici, qui in uno vel altero capite deficiunt à fide,  
 sunt Apostatæ; Sed de insigni quadam quasi Catholica, cujus Caput & Prin-  
 ceptus futurus erat Antichristus, ut si non omnia, saltè quàmplurima, eaque  
 præcipua fidei capita evertantur. Ea enim vis & emphasis articuli esse vide-  
 tur, qui hic adhibetur.

XVII. Quamvis verò magna & insignis intelligatur Apostasia; non sta-  
 tim intelligenda est omnimoda defectio à fide, abnegatio publica Christia-  
 nismi, & alterius cujuscunque religionis, exceptà illà ipsà Antichristi, ut vellent  
 Pontificii, ad vim argumenti nostri retundendam, quia nulla talis sit defectio  
 in Papismo. Nam sufficit ad Apostasiam defectio à fide memorabilis, licet  
 non sit totalis ejus abnegatio, quomodo vox ἀποστασίας respondet verbo He-  
 bræo כָּרַד quod rebellare significat, quo sensu Rubenitæ & Gaditæ propter  
 erectum Altare prope ripam Jordanis dicuntur *apostatasse* vel *rebellasse ad-*  
*versus Dominum*, Josu. 24. 18. 19. non quòd absolute egerasse eos crederent Josu. 24-  
 Religionem, sed quia alibi, quàm in loco constituto à Deo, sacra facientes, se- 18. 19  
 parabant se à fratribus, & rebelles erant mandato Dei. Sic datur vera defe-  
 ctio à fide, etiam si non abnegetur absolute Christianismus, si errores capitales,  
 & idololatrici cultus maxime in eum inferuntur: Idololatria enim in Scriptu-  
 ra sæpius per apostasiam & defectionem designatur. Deinde tantum abest  
 ut Apostasia Antichristi debeat esse abnegatio totalis Christianismi, ut contra  
 sessurus dicatur in Templo Dei, id est, Ecclesià Christianà, ut in ea exerceat  
 tyrannidem suam, eoque nomine fucaturus detestandam suam Apostasiam.

XVIII. Hic autem Character, si quisquam alius, in Ponti-  
 ficem Romanum competit. Nec operosa probatione ad id opus est,  
 quando res ipsa docet Catholicæ istius Apostasiæ caput esse & Prin-  
 cipem, & defecisse eum verissime à fide Christi, partim per Errores  
 & hæreses innumeras introductas in Dogmatibus, partim per super-  
 stitiones imperatas in Cæremoniis, partim per Idololatriam stabi-  
 litam



DISPUT. VII. litam in cultu, ut antea visum Disput. I. II. III. IV. Bellarminus lib. 3. de Pontifice Romano cap. 2. hic reclamatur. *Etsi, inquit, daremus Calvino generalem Apostasiam à fide, & multis annis iam durantem esse Regnum Antichristi, non continuo sequeretur Papam esse Antichristum, nam adhuc questio tractanda esset, quinam à fide & Religione Christi defecerint, Nosne, an illi; Nos verò conditionem lubentes accipimus, ut apud quos Apostasia ista invenietur, illi ad Antichristum pertinere censeantur. Expendatur ergo seriò utrinque quinam retinuerint fidem Christi, & quinam ab ea defecerint. Nam si demonstrare possunt Adversarii, Nos Christi fidem reliquisse & apostatasse à veritate, causam non discimus, quominus hæc Antichristi nobis impingatur nota. Sed si vicissim luce meridianâ clarius ostendere possumus, istius criminis ipsos reos esse, Ecquid queruntur injuriam sibi fieri, quum hoc illis exprobratur? Hoc autem collatio doctrinæ utrinque traditæ facile evincit. Christus solam Scripturam Θεόπνευστον à nobis recipi vult in Regulam perfectam fidei & morum; Papa negat Scripturam solam esse adæquatam fidei regulam, nisi illi assuantur Traditiones ἀγράφοι, quæ pari pietatis affectu & reverentiâ cum Scriptura sint suscipiendæ & venerandæ. Christus Verbum suum vult esse ἀλόγιστον quod ab homine auctoritatem non accipiat; Papa vult Verbi auctoritatem quoad nos dependere ab Ecclesia. Christus nullum alium agnoscere vult Controversiarum Judicem summum, quàm Deum in Scriptura loquentem; Papa hoc munus sacrilegè sibi arrogat. Christus unum se à Patre datum Mediatorem docet, qui solus sit via, veritas & vita, sine quo nemo ad Patrem venire queat; Papa innumeros nobis obtrudit Mediatore, qui viam nobis in cælum aperiunt. Christus nullum aliud sacrificium quàm suum, nullum aliud meritum, nullam satisfactionem nobis remissionem peccati & salutem obtinere testatur; Papa merita & satisfactiones humanas urget, & novum sacrificium propitiatorium missaticum procudit. Christus sola fide & gratiâ salvari homines statuit; Papa etiam operibus. Christus duo tantum Sacramenta instituit; Papa septem. Christus neminem nisi Deum solum, Objectum cultûs & adorationis esse sancit; Papa etiam Creaturas. Christus unicum Ecclesiæ Caput & Sponsum se proficitur; Papa hoc etiam sibi tribuit. Christus se Magistratui subicit, & servos suos subici jubet; Papa sibi Magistratus, Principes & Imperatores subicit. Ne jam innumera alia observemus doctrinæ capita, in quibus dissentiant à nobis. An verò quicquid docent ac propugnant dogmata, possunt dici fidem Christi retinere; An non meritò defectionis & Apostasiæ rei peraguntur?*

XIX. Ad hanc Apostasiam insignem confirmandam, facit in 1. Tim. 4. 1. primis locus Apostoli 1. ad Tim. 4. 1. 2. 3. ubi loquens de Apostasia novissimorum temporum, ait, Spiritum expresse dicere, postremis



postremis temporibus quosdam à fide defecturos, attendentes spiritibus erroneis, & doctrinis Dæmoniorum, per hypocrisim falsiloquorum, cauteriatam habentium conscientiam, prohibentium inire matrimonium, & jubentium abstinere à cibis &c. Verba sunt memoratu dignissima, quibus Paulus prophetiam tradit de magna quadam Ecclesiæ Christianæ visibilis novissimis temporibus futurâ Apostasiâ, defectione à fide, seu magno Pietatis mysterio, versu ultimo capitis præcedentis descripto; Cujus primò generalem dat descriptionem, quum ait quosdam defecturos à fide, attendentes spiritibus *πλάταις* erroneis & seductoribus, vel ut alii legunt *πλάταις* erroris; Sive per spiritus intelligantur Dæmones ipsi, qui spiritus mendaces non semel vocantur 1. Reg. ult. Sive falsi Doctores & Prophetæ, à Dæmonibus seducti & impulsii, qui sic etiam designari non raro solent 1. Joan. 4. 1. & seq. Sive, quod non minùs commodum, doctrinæ ipsæ erroneæ & falsæ, quomodo vox spiritus sumitur 1. Cor. 14. 32. 1. Joan. 4. 1. 2. 3. *Ne credite cuiusvis spiritui*, id est, cuius doctrinæ, & ibidem *Spiritus Dei* & *Spiritus Antichristi* pro doctrina Dei vel Antichristi ponitur. Mox in specie designat cujus generis doctrinæ istæ sint futuræ, nimirum *διδακκαλίας δαιμονίων* doctrinæ Dæmoniorum, quibus certò certius est innui præ cæteris cultum Idololatricum, in quo scilicet essentia & anima ingentis istius Apostasiæ meritò collocatur, & quæ præcipuus est character, quò ab omnibus aliis blasphemis, sectis & hæresibus cujuscunque ætatis & temporis secernitur; Ut enim juxta Apostolum, amplecti fidem Christianam est convertere se ab Idolis ad Deum verum & vivum 1. Thess. 1. 9. Ita *desicere à fide* est convertere se ad Idola, relicto Deo vivo, & Filio ejus Jesu Christo. Unde passim in Apocalypsi Babylon mystica, sub caractere *Meretricis*, & *Matris fornicationum*, id est Idololatriarum describitur. Porro non sine ratione tales Idololatriæ vocantur *Doctrinæ Dæmoniorum*, tum *originaliter* & *active*, quia Diabolus earum est author & inventor, ab eo enim tanquam Spiritu erroris & Patre mendacii, omnes falsæ doctrinæ, idololatria imprimis, ortum ducunt; tum *objective* & *passive* pro materia & objecto harum doctrinarum, quia doctrinæ istæ versantur circa cultum Dæmonum ex mente Ethnicorum, ut non sine ratione exponit *Josephus Medus* in h. l. & post eum alii, quomodo *doctrina Domini* dicitur, id est, de Domino, & *doctrina baptismatum*, & *impositionis manuum*, id est de illis Heb. 6. 2. Sic notabitur Idololatrica Gentilium Theologia de Dæmonibus apud Christianos restituenda. Dæmones autem apud Ethnicos erant Deastri, sive Dii inferiores, & inter summos Deos & mortales homines medii, ut expressè Plato in Symposio, & Plutarchus de defectu Oraculorum notant, qui censebantur Advocati seu Mediatores hominum, sine quibus *non licet hominibus*

1. Cor. 14-  
32. 1. Jo-  
næ, & ibidem  
4. 1. 2. 3-

Act. 13.  
12. Tit. 2.  
10. Heb.  
6. 2.



DISPUT. VII. *hominibus ad deos summos accedere, ut Plato ibidem ait: qui ultro citroque porrant, hinc hominum petitiones & merita, illinc Deorum dona atque supplicias. Neque enim pro Majestate Deum caelestium fuerit hæc curare, inquit Apulejus de Dæmonio Socratis. Et rursus, Cuncta Cælestium voluntate, nomine & autoritate fiunt, sed Dæmonum obsequiò, operâ, & ministeriò. Plura de ista Theologia Gentilium vide apud Plutarchum de defectu Oraculorum, Apulejum locò citatò, Jamblichum de Mysteriis, & præcipuè Augustinum lib. 8. de C. D. Nec sine ratione doctrina illa Dæmoniorum dicitur, non modò objectivè, quia Dæmones erant objectum istius cultûs; sed etiam terminativè, quia ad Dæmonem ipsum, spiritum malum, totus ille cultus referebatur, quod Apostolus 1. Cor. 10. 20. clarè ostendit, quum ait: *Quæ immolant Gentes*, infideles scilicet in suis sacrificiis, *Dæmonibus immolare*, id est, malis spiritibus, non quidem intentionaliter, putabant enim se veros Deos colere, sed reipsa & quoad eventum: quia omnis potentia quæ se exerebat in illo cultu, sive in reddendis oraculis, sive in præstandis interdum beneficiis, exerebatur operâ Dæmonum, qui simulacris affidebant, & in iis colebantur Psal. 96. 5. Unde Paulus ibidem mentionem facit *calicis Dæmoniorum* oppositi *poculo Domini*, quod à Domino institutum in honorem Domini bibebatur, ubi contrà calix Dæmoniorum in eorûm honorem bibebatur, quò vinum idolo, & per hoc Dæmoniis consecratum erat. Hæc verò omnia quæ in Theologia Gentili locum habebant, in Sanctorum & Angelorum cultum cum aliis Idololatriæ partibus in Ecclesiâ Romanâ usitatis, apprimè quadrare, cæcus est qui non videat, ut fusè à Doctissimo Medo est demonstratum, & novissimè à Celeberrimo Theologo D. Jurieu, in complemento Prophetiarum solidissimè est confirmatum.*

XX. Sed Paulo non satis est dare descriptionem istius Apostasiæ, addit postea ad clariorem ejus cognitionem, descriptionem *personarum & mediæ*, à quibus & per quæ defectio ista erat introducenda, quum subjicit, illos qui defecturi erant à fide, & spiritibus erroneis adhaeruri, hoc facturos *ἐν ὑποκρίσει ψευδολόγων κειχυτεριασμέων τὴν ἰδίαν συνίστασιν, κωλύόντων γαμεῖν, ἀπέχεσθαι ἐρωμάτων* Per hypocrisim falsiloquorum, cauteriatam habentium conscientiam, prohibentium inire matrimonium, & jubentium abstinere à cibis, quæ verba *intransitivè* quidem solent vulgò exponi cum relatione ad personas superiore versu expressas, nimirum eas fore falsiloquas per hypocrisim, cauteriatam habituras conscientiam, prohibituras matrimonium contrahere, & præcepturas abstinentiam à cibis. Sed syntaxis repugnat, quia personæ defecturæ ψ. 1. exprimuntur in casu recto, at personæ designatæ hoc ψ in genitivo; longè commodius ergo *transitivè* sumuntur ut genitivi ille regantur à verbis *ἐν ὑποκρίσει*, ut exprimat medium sive modus, quò doctrinæ illæ Dæmoniorum in-



introducendæ erant, & quò seducere debebant homines, ut iis attenderent, nimirum *hypocrisi*, & *mendacio*, ἐν ὑποκρίσει ψευδολόγων per *hypocrisim* vel fraudem *falsiloquorum*. Cum enim mirum videri meritò posset, quâ tandem ratione Christiani non modò rationis, sed & Verbi luce præditi, possent assensum præbere doctrinis adeò fallis & exitiis, quales erant doctrinæ Dæmoniorum, ostendit Satanam duobus potissimum usurum mediis ad commendandas & persuadendas per ministros suos tales doctrinas, *hypocrisi* scilicet & *mendacio* seu fabulis; illa devotionem & pietatem præ se fert, istud miraculum, quibus duobus facile capiuntur homines. Utroque autem isto medio doctrinas istas erroneas Dæmoniorum introductas & confirmatas fuisse in Ecclesiâ Christianâ, hospitem planè esse oportet in historiâ Ecclesiasticâ qui nescit. Hinc enim ficto humilitatis & pietatis velo, cultus Idololatriæ sanctarum Reliquiarum, & Imaginum invaluit; Inde verò falsis miraculis & prodigiis mendacibus, Legendis fabulosis, Scriptis ementitis & supposititiis magis ac magis in cordibus hominum radicans est, per artes & fraudes innumeras Impostorum ψευδολόγων, qui qualemunque pietatis & humilitatis speciem per hypocrisim suam præ se laturos sunt, intus tamen nihil nimis sunt futuri, quàm quod videbantur, cauteriatam quippe conscientiam sunt habituri, id est, parum sanam, pollutam & contaminatam, & impurissimis criminum, quorum conscii sibi sunt, notis veluti quodam cauterio inustam, atque adeò duram, callosam & ἀναισθητον. Quò spectat etiam quod apponitur, de prohibitione matrimonii, & interdictione ciborum, quæ fieri debuit ab istis ψευδολόγοις, ut pressius designetur character eorum, qui tales doctrinas introducturi erant; Et ita ostendatur non modò Legem Cœlibatûs & Jejuniorum, inter eas doctrinas meritò reponi, quæ dæmonem autorem habent, & divinæ institutioni repugnant. Sed à talibus hominibus potissimum invecas esse in Ecclesiam Christianam. Ut sanè eventus vaticinio apprimè respondit. Notum quippe Idololatriam in Ecclesia ortam esse eodem tempore, quò Legem cœlibatûs & vitæ monasticæ, & iisdem authoribus, Paulo scilicet & Anthonio, Monachorum Patriarchis in quarto seculo.

XXI. Nihil autem opus est diu immorari in vaticinii istius complemento investigando, cum res ipsa clamet, quæcunque de apostasiâ istâ novissimorum temporum à Paulo dicuntur, in Ecclesia Romana deprehendi: Tam quoad defectionem à fide, spiritus erroneos, doctrinas Dæmoniorum in multiplici idolomania, quæ in ea obtinet, quàm quoad hypocrisim falsiloquorum, qui cauteriatam habent conscientiam, & qui Leges Cœlibatûs & Jejuniorum introduxerunt. Quæ omina non in alium quàm in Pontificem, & Ecclesiam Romanam quadrare certum est. Nobis sanè constat tribui non posse, qui nec à fide semel Sanctis traditâ defecimus, nec doctrinas



**DISPUT.** VII. erroneas & idololatricas induximus, nec conjugium cuiquam interdiximus, nec usum ciborum vetuimus. Sed de Adversariis quis dubitet, quos ista præstare clarum est? Nec juvat eos; quòd alii etiam Hæretici, in quos Apostasiæ istius invidiam derivare solent, putà, Tatiani, Encratitæ, Marcionitæ, & Manichæi, matrimonium & ciborum quorundam usum damnârint. Nam accusatio aliorum ipsos excusare non poterit, nisi ostendant se nec matrimonium, nec cibos vetare: præterquàm quòd Textus Pauli aliò respicit, quàm ad veteres illos Hæreticos, quia loquitur de Apostasiâ, quæ *novissimis Temporibus* demum oritura esset, non primis illis Ecclesiæ Christianæ seculis. Deinde agit de iis, qui potestatem habituri erant jubendi abstinentiam à cibis, & prohibendi matrimonium; At Hæretici isti docere quidem poterant & damnare talia; sed non poterant jubere, non cogere, quod faciunt Pontificii. Nequicquam etiam hîc opponitur, Paulum loqui tantùm de quibusdam, *τινές*, inquit, *ἀποσύνονται*. Nam præterquàm quòd Apostolus potuit respicere ad initium & primam istius Apostasiæ periodum, in qua certum paucos adhuc istis falsis doctrinis fuisse imbutos: Constat pronomen hoc non excludere multitudinem, sed tantùm universalitatem, ut innuatur non omnes absolutè & sine exceptione istius apostasiæ reos fuisse, quia Deus suos semper habet, quos ab errore immunes servat. Talem usum esse in Scripturâ istius pronominis patet ex variis locis, ubi *τινές* pro multis ponuntur, Jo. 6. 60. collato cum 64. Rom. 11. 17. colla. cum 1. Cor. 10. 7. 8. 9. collato cum Exo. 32. 3. Num. 14. 1. & 25. 4.

2. Character, Christi Adversarius.

XXII. Ex hac porrò Apostasia oriuntur duo alii Characteres Antichristi à Paulo notati: *Oppugnatio Christi*, & *Elatio*, quòd sit *ὁ ἀντικείμενος*, & *ὁ ὑπερσείμενος*, *Hostis*, & *Æmulus*. Hostis debuit esse Christi, qui ejus doctrinam oppugnaret, sed non apertus & patens, qui *γυμνῇ*, quod ajunt, *κηφαλῇ* Christum impeteret; sed dissimulatus & latens, qui dum se *ἀντίχριστος* esse profiteretur, revera *ἀντίχριστος* se proderet, & sub prætextu vicariatûs auctoritatem Domini sui usurparet, & cum de Solio deturbaret. Hinc Apostasia ista vocatur *μυστήριον τῆς ἀνομίας*, & in fronte Babylonicæ meretricis inscriptum est nomen *Mysterium* Apoc. 16. 5. quia mystica debuit esse Antichristi impietas, id est, *pietatis nomine palliata*, ut bene habet Glossa; quia per cuniculos in Ecclesiam irrepere debuit, & in ea specioso Religionis & pietatis obtentu, dominium suum stabilire. Quò spectat etiam aureum Babylonicæ meretricis poculum, quò homines superstitionibus, sub specioso prætextu pietatis, mandatis, & mysteriorum nomine commendatis dementat. Propterea proponitur veniens, *cum omni fraude injustitia, sive iniquitatis seductione*

2. Thess. 2. 2. Th. 2. 10. Tanquam *πλάγιος* *Impostor* & *Seducitor* 2. Joan. 7. qui oculis latissimis etiam possit imponere, qui incolas terræ debeat seducere. Apoc. 7. 13.



13. qui sit *ψευδόλογος ἐν ἰσχυρίσει* 1. Tim. 4. 1. Atque adeò qui callidâ pietatis simulatione & Christianismi professione faciliùs homines seduceret, & à Christo abduceret. Nam si aperto Marte Christum oppugnaret, quis non statim Christi hostem agnosceret? Quodnam hîc esset mysterium, quânam sapientia, agnoscere Antichristum? Ita Antichristus, non manifestus Christi hostis esse debuit, sed occultus & clandestinus, qui sub nomine Christiano Christum oppugnaret, & sub *cornibus Agni* Draconis blasphemias eructaret. Quomodo proditoribus & Apostatis, qualis est Antichristus, in more positum est, Regis sui nomen & auctoritatem præ se ferre, ut subditos faciliùs decipiant, Pseudoprophetis, qui lupi sunt rapaces, ovium pelles inducere, & Satanæ in Angelum lucis, & ministris ejus in ministros justitiæ se transformare.

DISPUT.  
VII.

1. Tim. 4. 1.

Apo. 13. 11.

2. Cor. 11.

14. 15.

XXIII. Pontificem autem talem esse Christi *Adversarium*, quis negare sustineat, dum mysterium hoc iniquitatis *δὲ διὰ πρῶν* oppositum mysterio pietatis, attendit. Nec opus est multis hanc oppositionem demonstrare, quæ in antecedentibus tum quoad fidem, tum quoad cultum, tum quoad regimen abundè probata est; quod ulteriùs posset ostendi ex recensione innumerorum errorum tam veterum, quàm novorum, quibus se Apostatam esse luculenter testatur. Sed sufficiat nunc observâsse, quomodo Christo adversetur quoad ejus *Officium Mediatorium*, tum in genere per alios Mediatore & Intercessores, quos illi adjungit, tum in specie quoad *Prophetiam* per Traditiones *ἀγράφως*, & auctoritatem infallibilem, quam sibi vendicat. Quoad *Sacerdotium* per Sacrificium Missaticum & Satisfactiones humanas. Quoad *Regnum* per potestatem & Imperium quod usurpat in terris. Ita autem Christo adversatur, ut non sit aperta oppugnatio, qualis est Judæorum aut Mahumetanorum; sed *μυστηριώδης* & occulta, larvâ Christianismi velata, & sub prætextu Vicariatûs. Quod diffiteri non possunt Adversarii, qui pertendunt, ideo Papam non posse Antichristum dici, eò quòd nomen & Religionem Christi, se autem ejus servum & vicarium profiteatur; Quasi non possit Christum verbis profitendo reipsa abnegare, & sub pietatis velo, impietatis venenum propinare.

XXIV. III. Antichristus debuit ita esse *ἀντικείμενος* Christum oppugnando, ut debuerit etiam esse *ὑπεραυξήμενος* ejus gloriam æmulando, & ei se conferendo, imò etiam præferendo, sic enim Paulus 2. Thessal. 2. 4. *ὁ ἀντικείμενος καὶ ὑπεραυξήμενος ὅτι πάντα λεγόμενον Θεοῦ ἢ σέβασμα ὡς ἐαυτὸν εἰς τὸ ναὸν τοῦ Θεοῦ ὡς Θεὸν κατίστασι*; *Qui est contrarius & se extollens super omnem qui dicitur Deus aut Numen, adeò ut in Templo Dei sicut Deus sedeat, præseferens se esse Deum.* Sensus est, Hominem illum peccati, Filium perditionis, eò superbiæ perventurum, ut terræ filius cùm sit, se esset super id omne, quod dicitur Deus, id est, tum super Reges & Principes,

3. Character, Æmulus Christi.  
2. Thess. 2. 4.



DISPUT. VII. qui in Scripturis Dii vocantur Psal. 82. 1. 6. Joan. 10. 34. tum supra Augustam illam *Imperatorum* Majestatem, qui σεβαστοὶ olim vocabantur, ut sæpe in Numismatibus Augusti occurrit, quare autem dictus sit σεβαστὸς, docet Dionis abbreviator; volebat, inquit, *Romulus vocari*, sed invidia declinandæ causâ, ne Regis ullius nomen afflictum videretur, maluit dici *Augustus*, ὡς πλεῖον ἢ καὶ ἀνθρώπων ὢν, πάντα γὰρ τὰ ἐντιμώτατα καὶ ἱερότατα λυγρὰ ἀποκαγερεύεται ἐξ ἡπὲρ καὶ σεβαστὸν αὐτὸν ἐλλήνίζοντες προσείπων ὡς ἐπὶ τὸν σεπτὸν, *Tanquam aliquid esset supra hominum conditionem, nam quæ in honore & cultu sunt, ea Augusta vocantur, unde qui Gracisabant σεβαστὸν vocabant, quasi sanctum Dei.* Dio. lib. 53. Nec super eos tantum Antichristus se efferre debuit, qui in terris vocantur Dii, sed & super eos, qui in cœlis divi indigitantur, *Angelos & Sanctos*, imò eo usque, ut in Templo Dei sedeat tanquam Deus, supremam, universalem, ac planè divinam in Ecclesia potestatem sibi vindicans; & ita se gerens, ac si Deus esset in terris.

XXV. Quod si à Thesi ad Hypothesim descendimus, cui aptius ista quadrant quàm Pontifici, in Primatu & Dominio tum temporali, tum spirituali, quod sibi arrogavit? Quis nescit, eum supra Reges & Principes, imò ipsos Imperatores se efferre, dum sibi jus arrogat eos instituendi, & destituendi ad libitum, absolvendi subditos illorum à Juramento fidelitatis, & ipsorum Regna ad alios transferendi? ut fusè ostensum Disp. V. Nonne se effert supra Angelos, quorum se judicem constitutum esse jactitat, qui habeat jus illis imperandi, cui subesse teneantur? *Innocentius IV.* in C. Canonum, *Conditori Canonum & Vicario Creatoris subdita est omnis creatura, ejus potestas est major omni potestate creatâ, se extendens ad cœlestia, terrestria, infernaliam, ut ei genua cuncta curvantur &c.* Anton. summ. p. 3. l. 22. c. 5. *Clemens VI.* in Bulla super Anno Jubilæo beatis Angelis mandat, ut animas eorum, qui postquam peregrinandi causâ Romam venire proposuissent, in via fortè confessi morerentur, in cœlum rectâ transferrent, *Prorsus mandamus Angelis Paradisi, quatenus animam à Purgatorio penitus absolutam in Paradisi gloriam introducant*, apud Balæum in vita Clementis VI. Nonne se effert supra Sanctos, quando eorum ἀποθέωσιν à se pendere vult, ut quos velit vel catalogo Sanctorum adscribere possit, vel ex hoc libro vitæ dispungat? atque ita Papa Deus Pontificiorum *Deificus*, ut Tertulliani verbum usurpem, pro arbitrio suo, non modò de veneratione & honore, qui Sanctis debetur, sed etiam de sanctitate & divinitate statuit, *ut nisi homini Deus placuerit, Deus non sit*, ut ait *Tertullianus* Apol. c. 5. Quod si cætera Ecclesiæ Romanæ σεβάσματα attendimus, Imagines Crucis, Reliquias Sanctorum, Altaria, Sacramentum ipsum Altaris, quod vulgò *Corpus Domini* dicitur; Nonne se super illa effert, quando eorum consecrationem



tionem & cultum à se pendere contendit? Et ita ea consecrat, ut honori suo inserviant, atque ut ita dicam famulentur: Hinc Imago Crucis in Processionibus, Pontifici, ut ejus Insigne honoris, præfertur, & ipse Deus missaticus jumento ante ipsum vehitur ex *Cærem.* lib. 1. dum ipse humeris Principum sublimis effertur.

XXVI. Verùm hæc levia sunt, præ superbia, quâ se gerit pro Deo, sedens in Templo Dei ut Deus, & ostentans se esse Deum. Licet enim vix credibile sit dari posse hominem, qui eò usque dementiæ procedat, ut se gerat pro Deo, & nomen & auctoritatem Dei atque honorem sibi arroget; Inventus tamen est, qui & nomine & re se pro Deo gerit, quatenus denominationes soli Deo proprias, & honores debitos, non tantum tribui sibi permittit, sed & imperat. Et ad *Nomina* quidem quod attinet, negari non potest, passim in Pontificiorum Scriptis *Papam Deum* vocari: ut suprâ jam visum Disput. III. Glossa Juris Canonici Extr. Joan. XXII. expressè *Papam Dominum Deum nostrum* vocat; Nicolaus Papa, ut à Gratiano citatur Dist. 69. cap. 7. *Satis evidenter ostenditur à seculari potestate, nec ligari prorsus, nec solvi posse Pontificem, cum nec Deum posse ab hominibus judicari, manifestum sit.* Stapleto. in Præfat. ad Gregor. XIII. Princip. Doctrin. *Papam optimum, maximum, & supremum Numen in Terris nominat.* P. Blond. l. 3. Romæ instauratæ, *Omnes Principes orbis terrarum, inquit, Pontificem ut Deum summum honorant & colunt.* Unde apud Canonistas passim legas voces istas impias; *Quod sententia Papa, & sententia Dei sit una sententia. Unumque tribunal inter Deum & Papam; Quod nulla possit esse ab eo ad Deum appellatio, quia una sit Curia Dei & Papæ; Quia Pontifex tanquam Deus judicat, ideo nihil contra ejus sententiam opponi possit.* Augustin. Triump. quæst. 6. 1. Tiber. Deci. vol. 3. respon. 14. num. 57. Menoch. conf. 51. num. 13. *Quod divinam habeat dignitatem. Quod, quicquid vel approbat vel reprobat, id omnes vel approbare vel reprobare debeant.* Gloss. dist. 19. *Quod nemo ei debeas dicere quid facis? Etiam si innumerabiles populos unâ secum in infernum præcipites abducat.* Dist. 40. *Quod omnes mortales sibi habeat subditos, omnisque ei subsit humana creatura.* Extra. De Major. C. Unam sanctam, & innumera id genus, quæ referre longum nimis foret. Nec ad excusandas impias istas blasphemias dici potest, esse oratorias aut panegyricas *ὑπερβολαίς*, quæ pro dogmatibus non sint sumendæ. Nam præterquàm quod istæ à Doctoribus maximè approbatae sunt profectæ, & ipsorum Conciliis, Juri Canonico, & libris usualibus insertæ, quis nescit, talia Elogia Papis tributa fuisse ab eorum adulatoribus, illis non modò non invitis & recusantibus, sed



DISPUT. VII. approbantibus, nec unquam ea curâsse tanquam blasphema & Christo contumeliosa ex libris suis deleri, cum tam seduli sint in bonis authoribus per Indices suos Expurgatorios mutilandis. Ut verò Dei nomen sibi vindicant, ita & Christi Domini titulos & attributa sibi arrogant. Nec diffitetur *Bellarminus* de Concil. Authorit. l. 2. c. 17. *Nomina omnia, inquit, quæ in Scripturis tribuuntur Christo, unde constat eum esse supra Ecclesiam, eadem omnia tribuuntur Pontifici.* Hinc si Christus dicitur *Caput, Sponsus, Fundamentum, Supremus Pastor Ecclesie, Principium fidei, Dominus Domus Dei, Leo de Tribu Juda, Radix David &c.* Apud omnes est in confesso, hæc Pontifici non minùs tribui. Frustrâ hîc opponitur, Papam nihilominus se *Servum servorum* vocitare; Quid enim juvat fictâ humilitate se *Servum Servorum* dicere, si reipsa Domini Dominorum authoritatem intolerandâ superbiâ sibi arrogat? Quò spectat *Trevirensis Præsul* querimonia de *Nicolao* apud *Aventi.* Annal. 4. *Tu Pontificis quidem personam præ te fers, at tyrannidem agitas, sub habitu Pastoris lupum sentimus. Titulus parentem mentitur, tu te factis Jovem ostentas. Cum sis Servus Servorum, Dominus Dominorum esse contendis &c.*

XXVII. Sed parum esset nomina tribui, nisi reipsa authoritatem & potestatem soli Deo & Christo propriam sibi vindicaret: Verùm quis ambigendi locus esse potest, post ea quæ præstare solet, & quæ ipsi vulgò tribuuntur? An non ille se gerit pro Deo, qui gloriatur se omnem potestatem consequutum in cælo & in terra? Qui jus habeat condendarum legum & imperandarum conscientis? Qui se infallibilem & ἀναιμάρτητον jactet, Scripturæ Sacræ Interpretem summum, & supremum Controversiarum Judicem, à quo non liceat provocare? Qui ex peccato possit facere non peccatum, & contrâ, & absolutâ potestate possit quicquid vult? An non se gerit pro Deo, qui se totius Orbis Dominum & Monarcham jactat, qui triplex Regnum obtinet, cœlestium, terrestrium, & subterraneorum, in cujus signum *Tiara Papalis* triplici Coronâ ornata est, quod *Regnum* appellatur? Qui summum habeat in Reges & Principes, & Imperatores ipsos Imperium, & in Spiritualibus & in Temporalibus, ut possit ipsos de Solio deturbare quandocunque libuerit, & Regna transferre? An non se effert etiam supra Deum, Qui Scripturæ Authoritatem omnem à sua suspendit, Qui jus sibi tribuit dispensandarum & abrogandarum Legum divinarum & humanarum, ut in juramentis & votis, in gradibus consanguinitatis, & in plerisque Legis præceptis, imò possit dispensare contra authoritatem Apostoli, quia sit major Apostolo, imò contra Vetus Testamentum, eò quòd sit major omnibus ejus authoribus? Qui mandata Christi varia abrogat, opposita illis introducit, & dispensandi de institutis Christi facul-



facultatem sibi transcribit? Qui denique peccata in se & Regimen suum DISPUT. VII. admitta majoribus poenis plectit, quàm admitta in Christum? Quid est verò pro Deo se gerere, si hoc non est?

XXVIII. Ita Pontifex verè se prodit, ἀνθρώπων ἀμαρτίας, υἱὸν ἀπωλείας & ἀνέμεν, *Hominem peccati, filium perditionis, exlegem*, quod Paulus Antichristo tribuit ψ. 3. *Homo* quidem *peccati* rectè dicitur, tum quia ipse peccator est insignis, licet *Sanctitatis* titulum usurper; nec dissimulant Pontificii Scriptores, dum gravissima Paparum scelera describunt, tum quia aliis est peccandi author. *Filius* etiam *perditionis* non modo *passivè*, quia perditioni devotus est instar Judæ, qui osculo prodidit Dominum, Joan. 17. 12. sed & *active*, quia alios in idem perditionis barathrum secum abducit, adeoque & ἡρᾶς & ἀπολλύων κατ' ἐξοχὴν Apoc. 9. 12. Denique ὁ αἰὼν & antonomastice qui *Exlegem* se ostendit, omnibus scilicet legibus solutum, qui à nemine judicandus sit, licet de omnibus judicet, qui sibi licere putat quicquid libet, ut sua illi pro lege sit voluntas, ut nec in personam, nec in facta ipsius omnino sit inquirendum; sed acta illius, qualiacunque, pro licitis, & ipse, qualiscunque, non modò pro sancto, sed etiam pro sanctissimo, imò ipsa *sanctitate* habeatur, *Papa legi non subiacer ulli*, inter casus Papales apud Hostiensem, *Habet Potestatem eminentissimam, plenissimam, absolutam & illimitatam, cui nihil resistit, per quam omnia super jus, extra jus, & contra jus potest, quia est quasi Deus in terris &c. Tiber. Deci. l. 3. resp. 14. Bertachi* repert. dictione *Papa*, Glossator Gratiani *Causa 9. Quæst. 3. Canone Nemo. Concilium non potest Papam judicare: Unde si totus mundus negotiaret in aliquo negotio contra Papam, videtur quod sententia Papæ standum esset. Quia ut in illo Canone legitur, Neque ab Augusto, neque ab omni Clero, neque à regibus, neque à Populo Index judicabitur. Unde impia illa quidlibet audendi libido. Dist. 40. Canone. Si Papa. Hujus culpas istic redarguere præsumis mortalium nullus, quia cunctos ipse judicaturus, à nemine est judicandus.*

XXIX. Ad istam Antichristi ἀρρογίαν, pertinet etiam fœda *IdololatRIA*, cujus reus esse debuit, & propter quam ejus sedes nomine *Meretricis, scortationum matris*, indigitari solet apud Joannem. Quia verò hanc sedi Romanæ justissimè impingi Disp. II. III. & IV. probavimus, non est, quòd actum agamus. Pergimus ad *Quintam* notam, quæ *Numerum* 5. Nota, & *Characterem* Bestiæ spectat, de quo Apocal. 13. 16. 17. Et facit 6. Character & numero- omnes, inquit Joannes de secunda Bestia, parvos & magnos, divites & pauperes, liberos & servos, ut det iis Characterem in manu sua dextera, aut in frontibus suis, & ne quis possit emere aut vendere, nisi qui habeat Characterem, sive nomen Bestiæ, sive numerum nominis ejus; Hic sapientia est, qui intelligentiam habet, computet numerum Bestiæ, numerus enim hominis est,



DISPUT. VII. est, & numerus ejus 666. Nolo jam penitiùs inquirere, quid per priorem Bestiam intelligendum sit, An Imperium Romanum vetus sub Imperatoribus Paganis, ut non paucis placet. An verò Imperium Antichristi, quod postea plenius describitur, ut aliis plerisque videtur. Quod Bellarminus agnoscit lib. 3. de Ponti. cap. 15. *Idem*, inquit, *Antichristus per duas bestias exprimitur, per unam, ratione regia potentia & tyrannidis, quâ coget homines violenter; per alteram, ratione magica artis, quâ callide homines seducet.* Hoc tantùm observasse sufficiet, tanquam extra controversiam positum; Posteriores Bestiam ex terrâ ascendentem Antichristum designare, non tam respectu potestatis temporalis, & ut Monarcham & Principem terrenum, quàm ratione potestatis spiritualis, & ut Pseudopphetam & Seductorem, quod notat Bellarm. loco citato, qui debuit *Characterem* imprimere in fronte & dextera suis omnibus & singulis, nullo prorsus excepto, cujuscunque fuerint gentis, conditionis, sexûs, & ætatis, quo quasi symbolo & tesserâ solenni suæ in universos potestatis, adoratores omnes suos insigniet. In quo Diabolus, ut Dei simia Christum imitatur; Ut enim Christus dicitur suos omnes signare in frontibus sigillo Dei cap. 7. ut hâc notâ à filiis seculi discernerebantur; Ita Bestia suos sectatores, aliquo etiam Characterem obsignare voluit.

XXX. Quis autem sit *Character* iste dissentiunt Interpretes, Certum est quidem Spiritum Sanctum hîc alludere ad Veterum morem, qui stigmate notabant in manu, vel qui militiæ nomen dabant, Unde apud Veget. l. 2. c. 5. *milites* dicuntur *scripti victuris in cute punctis*; Vel qui ad publicas operas destinabantur, Vel qui servitio addicti erant, quibus stigmata in fronte inurebantur, non modò ad contumeliam & pœnam, sed & ad distinctionem, ut servi dignoscerentur ex Dominorum suorum stigmate ipsis impresso, & *inscripti* vel *literati* & *signati* dicebantur. Verùm non inde sequitur quod vellent Pontificii, esse Characterem visibilem frontibus vel dexteris impressum, quod ænigmatico & Prophetico stylo parum convenit. Sufficit ut tessera aliqua detur illius communionis, sive cum *Dionysio Carthusiano* & *Alberto Magno* intelligamus *Vitæ & Doctrinæ Antichristi Conformitatem*, sive cum *Thoma* professionem *illiciti cultûs*, quâ Antichristi sequaces ab aliis distinguantur, & quâ se ei tanquam Sacramento militari & voluntariâ servitute subjiciant, ad ipsius auctoritatem subeundam & promovendam professione & opere. Eò enim refertur, quod de Characterem impresso *fronti & dextera* dicitur, *in fronte* propter professionem, *in manu* propter operationem. Ut *Augustin.* de Civit. Dei lib. 20. cap. 9. *Primasius* in Apoc. c. 13. & alii notant:

2. Tim. 2. Quomodo Christus suos obsignat; partim characterem interno, Spiritu sci-  
19. Eph. 4. licet & fide per charitatem efficaci 2. Tim. 2. 19. Ephes. 4. 30. partim  
30. externo,



externo in fronte Ezech. 9. 4. Apoc. 9. 4. per fidei *professionem*, In manu per *operationem*, ut profitentes publicè veritatem, non pudeat ipsos Evangelii Rom. 1. 16.

DISPUT.  
VII.  
Ezech. 9. 4.  
Apoc. 9. 4.

XXXI. Quo posito, non difficile est *Charactere* istum apud Pontificios invenire. Nam ut nihil dicamus de *Signo Crucis*, quò perperam Pontificii à Reformatis volunt jam dignosci, quod manu dextrà fronti solent imprimere. Nihil etiam de *Confirmationis Chrismate*, quod omnes debent ab Episcopo suscipere in fronte, & cujus tantam esse necessitatem dicunt, ut *Christianus nunquam esse possit, qui Confirmatione Episcopali non fuerit Chrimatus*, De Consec. dist. 5. A. Ut Jejun. Nihil etiam de *Sacramento Ordinis*, in quo *Character* dicitur imprimi per unctionem in capite & manu dextrà, qui vocatur *indelebilis*, absque quo nullum possideri potest Beneficium. Quis nescit neminem in communionem Rom. recipi posse, qui Papæ non subiciatur, ita ut illi subesse sit de necessitate salutis? Quò spectat professio fidei Romanæ à Pio IV. edita, quâ novum Symbolum Romanum, quò tanquam *Character*e insigniuntur Romani, & per quod solemne obsequium tenentur Papæ vovere & promittere, ex Decreto Concilii Tridentini, continetur in Bulla Pii IV. super forma Juramenti Professionis fidei, de qua supra Disp. I. *Ego N. firma fide credo & profiteor &c.* Qui ergo tali juramento se obstringit; Qui expressè profitetur subjectionem & fidem Papæ & communionem cum eo; Qui Religionis cultum observat juxta Traditiones Romanæ Sedis, quales sunt Sanctorum, Imaginum, Reliquiarum cultus, Adoratio Crucis & Eucharistiæ, frequentatio Missarum, Peregrinationes ad loca sancta &c. is *Characterem* Romanum habet. Quo sensu Author 2. lib. Maccab. cap. 4. v. 10. observationem rituum Gentilium vocat τὸν ἑλληνικὸν χαρακτῆρα, *Græcicum Characterem*, quò scil. Religio Græca seu Gentilis dignoscebatur. Ita *Professio Papismi*, ad quam suos omnes stipulatione comuni, vel juramento singulari obstringit Papa, bene *Character Latinus* dicitur.

XXXII. Quod verò dicitur Antichristus prohibiturus, *ne quis emat vel vendat, qui non habuerit characterem*, suam etiam in Regno Pontificio veritatem ita clarè obtinet, ut non tam ista prædictio rei futuræ, quàm historia jam gestæ videri possit. Testis hic nobis sit Gregorius VII. qui author Guliel. Conquestori fuit, *ne aliquem in sua potestate aliquid emere & vendere permitteres, quem Apostolica Sedes inobedientem deprehenderet*, apud Bertold. append. ad Herm. Contr. anno 1084. Alexander III. qui in Synodo Turonensi contra eos, qui se à subjectione Rom. Sedis subdlexerant, decernit, *ne ubi cogniti fuerint, receptaculum quisquam eis in terra sua præbere, aut præsidium impertiri præsumat, sed nec in Emptione, aliqua cum iis communio habeatur &c.* apud Gulielm. Neubrig. re-



DISPUT. VII. rum Anglic. l. 2. cap. 15. Item in Conc. Later. contra Albigenſes habitò, *Eos & defenſores eorum & receptores anathemati decernimus ſubiace, & ſub anathemate prohibemus, ne quis eos in domibus, vel in terra ſua tenere vel fovere, vel negotiationem cum iis exercere præſumat* Decret. Greg. l. 5. t. 7. c. 8. Martinus V. optimus huius oraculi interpres & πρᾶξις in Bulla Damnationis errorum Wicleſſi & Huſſi annexæ Actis Concilii Conſtantiſis diſtriçtè prohibet, *ne huiusmodi homines domicilia tenere, Larem fovere, contractus inire, negotiationes & mercantias quaſlibet exercere, aut humanitatis ſolatia cum Chriſti fidelibus habere permittantur.* Talis fuit Bulla Pauli III. adverſus Henricum VIII. Angliæ Regem, quòd Pontificis jugum excuſſerat, Chriſtianis omnibus interdicens, *ne cum Henrico ejuſque Subditis commercia haberent, aut contractus inirent &c.* Sic comprobata eſt etiam ad literam veritas huius Prophetiæ juxta Carthuſiani expoſitionem, *Chriſtiani, inquit in hunc locum, tunc, id eſt tempore Antichriſti, velut excommunicati vitabuntur, Et mutuò vendere ac emere non licebit aperte, niſi ſignatis Characterè Antichriſti.* Notum quinetiam hæc apud Pontificios obtinere hodie, & factis ipsis nimis comprobari cruda dogmata. *Licere hæreticum bonis ſuis ſpoliare, Cauſ. 15. quaſt. 4. Gloſſa, Patrem filium hæreticum teneri exheredare. Propter hæreſim patris filios eſſe ſui juriſ. Uxorem viro hæretico benevolentiam reddere non teneri, apud Simanchum, Subditis licere Domino hæretico negare obſequium. Non licere Chriſtianis tolerare Regem hæreticum, ſi conetur ille pertrahere ſubditos ad ſuam hæreſim.* Apud Bellar. lib. 5. de R. P. cap. 7. Hæreticus autem illis eſt, quilibet vel maximè Orthodoxus, cujus fides cum Papæ, & Eccleſiæ Rom. fide non conſpirat.

Nomen &  
Numerus  
Beſtiæ.

XXXIII. Characteri additur *Nomen, & Numerus Beſtiæ*, Quomodo-  
cunque autem intelligatur, ſive exegeticè & copulativè, ut tria iſta jungan-  
tur, tanquam tria nomina ejuſdem rei, ut poſterius ſit ἐξήγητικὸν prioris: ut  
non paucis placet, & videtur ſatis clarè inſinuari loco citato cap. 17. 13. ubi  
iſta conjunguntur, *nemo poteſt emere vel vendere, niſi qui habuerit τὸ χαρα-  
γμα, ἢ τὸ ὄνομα τῆς βελτίε, ἢ τὸ ἀριθμὸν τῆς ὀνόματος αὐτῆς, Characterem, aut no-  
men Beſtiæ, aut numerum nominis ejus, id, eſt, nomen hunc numerum ha-  
bens; Unde alibi mentio ſit ſimpliciter characteris cap. 14. 9. vel characteris  
nominis beſtiæ ὁ. 11. vel characteris & numeri nominis cap. 15. 3. Sive  
diſtinctè, quaſi res diverſæ, ut aliis magis probatur, & *Character* quidem in  
genere notet profeſſionem cultûs Antichriſtiani; *Nomen* verò propriam Be-  
ſtiæ appellationem, quâ Beſtia ab aliis beſtiis diſtinguatur, *Numerus* verò  
*Nominis* nomen tali numero expreſſum. Certe eſt rem eòdem redire, ni-  
mirum ut proponatur nota ſingularis Antichriſtianismi, prout profeſſione,  
nomine, & numero iſto designatur. *Nomen* autem hoc non proprium & per-  
ſonale*



sonale notat, sed mysticum seu Gentilitium & commune, quod non aliud est quàm nomen *Romani* seu *Latini status*, cuius ultimum Caput debuit esse Antichristus; de quo dubitari non potest, si Nomen istud numerum Bestiæ comprehendat; Numerus dicitur *numerus Nominis*, quia literæ, ex quibus nomen constat, numerum illum complectuntur, juxta Hebræos & Græcos, qui literis suis, pro numerorum notis sæpe utuntur. Dicitur etiam *numerus hominis*, vel quia ejus computatio hominibus est nota, & inter eos non rarò usitata, quam humani ingenii vis assequi possit, quomodo *mensura hominis*, Apoc. 21. 17. est quæ hominibus usitata est & obvia, & *calamus hominis* Isa. 8. 1. qui ab hominibus usurpatur & intelligitur. Vel quia hominis intellectum habentis proprium est numerare. Exprimatur autem *Nomen* hoc, & *Numerus*, vel tribus vocibus integris, *ἑξάκιστος ἑξ*, ut habet Regium exemplar *Montani*, vel tribus numerabilibus *χ, ξ, ς*, quarum *χ* Græcis notat 600. *ξ* 60. *ς* 6. ut numerus totalis sit 666. Quam computandi rationem non modò Nostri sequuntur, sed & Pontificii fere omnes, Unde *Suarez*, lib. 5. cap. 19. num. 11. *De nomine Bestiæ omnes docent tale futurum esse, ut ex literis constat, quæ ad rationem numerorum juxta Græcæ linguæ consuetudinem redacta numerum 666. continant.* Nec recens est iste computus, quando *Irenæus* ipse Polycarpi discipulus, testatur lib. 5. c. penult. eos, qui *Ioannem de facie ad faciem viderant, docuisse, quod numerus nominis Bestiæ secundum Græcorum computationem, per literas, quæ in eo sunt, sexcentos habebat & sexaginta sex.*

XXXIV. Licet autem difficile fuerit ante adventum Antichristi mysterium Numeri istius assequi, ut *Irenæus* ferebatur rem arduam esse ante Prophetiæ complementum certò statuere quod illud nomen sit, certius & sine periculo esse affirmando sustinere adimpletionem Prophetiæ, quàm suspicari & divinare nomina qualibet. Interim non obscure colligi potest ex rerum eventu, si receptam & communem computandi rationem per literas numerales sequamur. Nolumus hic immorari in recensendis & refellendis variis Interpretum sententiis, qui numeri istius mysterium conati sunt aperire. Obiter tantùm notamus parum appetitam & plane alienam videri nobis eorum sententiam, qui volunt istud nomen & numerum Bestiæ non tam in literis, quàm in doctrinis consistere, nec tam literalem computandi rationem respici, quàm res, Doctrinas & praxes Antichristianas, ex quibus Bestiæ sive Antichristi sequaces dignoscuntur, numerumque finitum poni pro indefinito, eoque magno, ut significetur errores & blasphemias Antichristi nec leves nec paucas esse. Sed longè alienius est *Grotii* commentum, qui pertendit hoc loco designati *Traianum* cupes nomen notissimum erat *Υλπιος*, ΟΥΛΠΙΟΣ, quod nomen facit numerum 666. Si in fine scribas non 2 quod valet ducentos, sed



DISPUT.  
VII.

quod pro numero senario semper ponitur. Cur enim Trajanus hic designaretur potius, quàm multi alii Cæsares, qui Trajano peiores fuerunt. & Ecclesiæ nocentiores? Rursus cur tertia potius persecutio hic notaretur, quàm alia aliqua? Tertiò ejusdem est numerus & nomen & character. At character non est Trajani, ut Grotius ipse fatetur, & res ipsa docet. Denique cur numerus hic quæritur non in nomine *Trajanus*, sed in prænomine *Ulpus*, quod multis commune erat? eoque magis quòd ΟΥΑΠΙΟΞ non valet 666. nam signa finale quocunque modo scribatur, sive Σ sive ς sive Ϸ sive C semper valet 200. Sic Ο notat 70. Υ 400. Λ 30. Π 8. Ι 10. Ο 70. C 200. quæ summam faciunt 860.

XXXV. Missis ergo istis sententiis, communiorem & vulgò receptam retinemus, quæ Pontificem & statum ac Imperium ejus rectè describi vult. Hoc verò quomodocunque computetur sive græcè sive hebraicè, ut duz sunt linguæ, quibus dedit Deus Oracula sua & Prophetias, ac Mysteria sua inclusit, res eòdem redibit. Nam si græcis literis computatio fieri debeat, quod sit valde verisimile, quia græcè scripta est Apocalypsis, & ad Græcos; non aliud convenientius occurrit, quàm nomen Λατίνος, ut conjiciebat Irenæus; Si verò Hebraicis Characteribus nomen istud numerari debuit, erit vel רומיית *Romana* scilicet *Sedes*, vel רומניש. *Romanus*, ut *Joh. Foxus* arbitratus est. Quæcunque enim de nomine illo dicuntur, istis nominibus propriè conveniunt. Nam *Romanus* vel *Latinus*, nomen est prioris Bestiæ, & tale, quod Papa, cui omnes aliæ notæ Bestiæ ibidem additæ conveniunt (nimir. quòd tota penè terra eam secuta sit mirabunda, quòd supra capita sua habeat nomen blasphemix, quòd loquatur grandia & blasphema, quòd potestatem habeat in omnem gentem & linguam &c.) omnibus imponit, quod denique continet numerum 666. ut ex sequenti schemate patet.

λ	30	τ	200	ד	200
α	1	י	6	מ	40
τ	300	מ	40	ע	70
ς	5	י	10	ב	30
ι	10	ס	10	ו	6
υ	50	ת	400	ש	300
ο	70				
ς	200		666		666
	<hr/>				
	666				

Sic optimè *Pontifex Romanus*; ejusque *Sedes* designatur. Is enim verè *Latinus* est, qui Latini Imperii Reliquias & Sedem antiquam obunet,



obtinet, Cultumque publicum, non alio sermone quàm Latino peragi patitur; nec alio Diplomata & Decreta sua emittit. Imò *Ecclesia Romana* Græcis appellatur *Latina*, & hæc distinctio adeò insignis erat, ut in Generalibus Conciliis Occidentales Patres seu Episcopi, *Latini*, reliqui verò *Græci* discriminatim appellarentur; tam accuratè eventus cum Vaticanio consentit. Sedem etiam ejus Romam esse, res est in propatulo. Ex qua interpretatione commodus oritur sensus, nihil ut opus sit recurrere ad subtile quidem & ingeniosum ac abstrusum Clarissimi *Potteri* inventum, sed nescio an æquè sit solidum, & ex mente Spiritûs Sancti, quò pertendit computum istum fieri debere & numerum inveniri posse per extractionem radicis quadratæ numeri 666. qui sit numeri 25. per se multiplicati cum fractionibus 41. quomodo numerus 144. qui numerus est Cœtus virginum & novæ Jerusalem derivatur ex radice quadrata 12. per se multiplicatâ; qui numerus passim recurrit in descriptione Jerosolymæ cœlestis, cui 12. fundamenta, 12. Portæ, 12. Angeli, 12. Tribus &c. tribuuntur in Apo. ut numerus 25. in Papatu passim obtinet. Relictâ ergo suo loco sententia ista, sufficit ad institutum nostrum, numerum Bestiæ præcisè inveniri in nominibus prædictis.

XXXVI. Frustrâ Bellarm. & alii hic reponunt, nomen *Latinus* ut significat *Romanum*, non scribi per *ii*, sed per simplex *lota*, & tunc non reddere illum numerum. Nam præterquàm quòd Irenæus, qui Græcè procul dubio melius novit, & Græcè etiam scripsit, hoc habet, *Ἀσείρον* nomen, inquit, valde verisimile est, quoniam verissimum Regnum hoc habet vocabulum, *Latini* enim sunt qui nunc regnant; jamdiu observatum est, Græcos literam *ι*. in Diphthongum *ii* convertere solitos fuisse, quum eam ante *v* producebant, ut *Ἀσείρος*, *Λαβείρος*, *Ἀσείρος*, *Antoninus*, *Sabinus*, *Latinus*, ut Celeb. Scaliger notat animadv. in Euseb. Chron. p. 106. Et notum est Veteres Romanos, pro *ι*. longo quò nunc utimur, Diphthongum *ii* usurpasse, ut *queis*, *preimus*, *capteivei*, apud Plautum, &c. sic in Ennio, *Quamprimùm Cascei*, *populei tenuere Lateinei*. Non meliori cum ratione additur, multa alia nomina dari, quæ eundem numerum exhibent, ut *Τεῖταν*, *Λαμπέτης*, *Ἐβάρτα*, *ὁ Νικητής* & sim. Nam nos non ex solo nomine Bestiæ argumentamur, sed ex nomine aliis Bestiæ notis conjuncto, quod de aliis nominibus dici non potest. Adde quòd solum hoc nomen *Latinus* vel *Romanus* est nomen prioris Bestiæ: frustrâ verò quæritur aliud quodvis nomen continens numerum 666. nisi etiam Bestiæ illius nomen sit. Denique malè pertendit etiam Bellarmin. si *Latinus* sit nomen Antichristi, debere ei esse proprium, & usitatum maxime, At neque proprium esse nomen *Papa*, sed commune, nec usitatum, quia nunquam se *Papa Latinos* vocant. Quia supponit nomen hoc esse debere proprium Antichristi, cùm sit nomen prioris Bestiæ, quæ



DISPUT. VII. Romanum statum designat, ideoque nomen gentile & commune, non proprium.

*I. I. nota*  
*Antichristi,*  
*eius effecta*  
*& Miracula.*  
*2. Thess.*  
*2. 9.*  
*Apoc. 13. 13*  
*Mat. 24. 24*  
 XXXVII. VI. Antichristi *nota* respicit ejus *effecta* & *opera*, qualia sunt imprimis *Miracula* & *Signa*, quæ illi tribuuntur, *cujus Adventus* inquit Paulus, 2. Thess. 2. 9. *erit in omni virtute, & signis & prodigiis*. Ita Apocal. 13. 13. *Et faciet Signa magna*, confirmatur ex Matth. 24. 24. *Exorientur Pseudo-Christi & Pseudo-Propheta, edentque magna signa & prodigia &c.* quod Bellarminus, Malvenda, & alii ad Antichristum referunt. Qualia autem futura sint Paulus explicat, quando ea vocat *τέρατα ψεύδος prodigia mendacii*, quod potest intelligi, ut bene observat Bellarmin. lib. 3. de Pontifice Rom. cap. 15, *Vel originaliter*, ratione efficientis, quia sunt à Satana mendacii Patre, qui nulla potest vera miracula edere, quod Paulus ibidem notat, dum ait adventum Antichristi fore cum efficacia Satana in omni virtute & signis mendacii: *Vel formaliter*, ratione naturæ, quia vel fabulosa erunt & præstigiola, vel figmenta mendacium hominum, vel portenta fallacium spirituum, unde dicuntur fieri in conspectu hominum, Apoc. 13. id est, ut apparentia & oculos hominum perstringentia, non solida & vera, ut vera miracula. Vel denique *terminative*, ratione finis, quia ad stabilendum mendacium tendunt, & sunt comparata, *ὅτι τοὺς ψεύδοι ἀγνοοῦν*. Non alia enim de causa Antichristus signa ista patraturus est, quam ut mendaciis suis fidem conciliet, & à Veritate ad Errorem homines abducatur, ut Chrysost. & August. interpretantur.

XXXVIII. Non difficile verò est complementum apud Pontificios deprehendere. Quis enim ignorat *Miraculorum* ostentationem ab aliquot seculis propriam esse Latinorum; nec ulli jam Religioni præter Papisticam competere? Judæi enim miraculis destituuntur, Turcæ religionem suam, non virtute miraculorum, sed vi & armis propagandam esse profitentur; Orthodoxi solis miraculis Christi & Apostolorum contenti, alia nulla querunt. Et quamvis nascenti Ecclesiæ necessarium fuisse usum miraculorum censeant, ut per ea infideles ad fidem converterentur; conversis tamen, & fidem in Ecclesia confirmata profitentibus, miraculis non esse opus credunt, ut qui adhuc prodigia, ut credat, inquit, magnum sit ipse prodigium, qui mundo credente non credit, ut ait Augustin. de Civit. Dei lib. 22. cap. 8. Et qui propter miracula jam facta non credit, multo minus crederet, etsi alia nova miracula illi proponerentur: ut bene Stella in Luc. 2. 29. observat. At Pontificii de miraculis suis gloriuntur, imò ea inter præcipuas Ecclesiæ notas reponere solent. Hinc nullus Sanctus apud illos habetur, qui miraculis non inclaruisse dicatur: Nullæ reliquæ, nulla insigniora simulachra ad quæ peregrinationes fieri solent, quæ miraculorum famâ



famā non celebrentur. Sed qualiacunque hic miracula obtrudantur, dicimus esse τῆς αἰτίας ὁρμή, 1. quia ad erroris & mendacii confirmationem adhibentur, ita ut vel hoc solum falsitatem ipsorum satis possit arguere, licet de cætero aliquid veri haberent, quia nos abducunt à Christi veritate ad mendacium. 2. Quia maxima ex parte meræ sunt illusiones, imposturæ & præstigiæ vel malorum spirituum, vel impiorum hominum, ad quæstum adornatæ, ut multis exemplis probari posset. 3. Quia si veri aliquid subest, hoc non superat totius naturæ vires, sed referendum est vel ad portenta Dæmonum, vel ad Prodigia Magorum, ut facillimum esset imposturas & vanitatem talium Miraculorum retegere, ut à variis factum est. Sed præstat audire Testes domesticos, qui de gravissima hac fraude conquerruntur. *Aliquando fit in Ecclesia*, inquit Lyranus in Dan. 14. *deceptio populi maxima in miraculis fictis à Sacerdotibus, vel eis adherentibus, propter lucrum temporale.* Sic Biel in Can. Miss. C. 49. dicit, *Miracula fieri hominibus ad imagines confluentibus, nonnunquam operatione Dæmonum, ad fallendum inordinatos cultores, Deo permittente, exigente talium infidelitate.* In Sacramento, inquit Alex. de Hales in 4. sent. q. 53. *apparet Caro interdum humanæ procuratione, interdum operatione diabolica.* Huc pertinet Melchioris Cani ingenua confessio, qui lib. 2. Loc. Theol. prolixè queritur, res gestas Sanctorum, falsis & commentitiis fabulis contaminari; *Nostri*, inquit, *Plerique vel affectibus inserviunt, vel de industria quoque ita multa confingunt, ut eorum non solum pudeat, sed etiam tædeat;* addit, tales rationes inventas esse, aut ad quæstum, aut ad errorem, Et post alia multa huc pertinentia subjicit de *Legenda Aurea*: *In illa*, inquit, *miraculorum menstra sæpius legas, quam vera miracula, hanc homo scripsit ferrei oris, plumbei cordis, animi certò parùm severi & prudentis.* Hujusmodi multa suppeditant libri Legendarum, Speculum Historiale Vincentii, Antonii, Conformitates Francisci &c. Eò pertinent Statuarum in Ecclesiis progressiones, stationes, risus & varii motus, Animarum etiam Lachrymæ, Suspiria, Confessiones, Christi, Mariæ, Apostolorum crebræ visiones, morborumque fictæ sanationes, & mille mendacia & ludibria hujus generis, quibus ad Regnum suum stabiliendum usus est Pontifex. Hinc enim Idololatria multiplex in Ecclesiam irrepsit; hinc Statuarum adoratio, hinc Missarum celebratio, & vota pro mortuis, Purgatorii flammæ, & Indulgentiarum nundinatio; hinc denique innumerabilium fallacium inventio manavit; Et nisi in Pontificiis implenda fuisset Prophetia Pauli, quòd *Deus missurus sit in eos efficaciam erroris, ut credant mendacio* 2. Thess. 2. 11. planè incredibile videretur homines ratione pollentes, & luce Evangelii illustratos, ita dementari potuisse, ut in errores tam fœdos, miraculis tam crassis & putidis abduci se pate-



DISPUT.  
VII.

paterentur. Huc pertinent *Impostura & fraudes*, quibus Pontifices Imperium suum promovere, & confirmare sategerunt, sive in falsandis & corrumpendis Authoribus, sive in Revelationum sigmentis, sive in Imposturis circa Sanctos & Reliquias, sive in fabulis innumeris, quibus totus Papatus nititur, ut fusè à Nostreis est probatum. *Chamicro* imprimis lib. 16. de Antichristo à cap. 9. usque ad 14. & *Celeb. Jurieu* in Præjudiciis p. 12. 13. 14. & seq.

Crudelitas  
& violentia.

Luxus &  
divitia.

Apoc. 17. 4.

XXXIX. *Fraudulentiam & Deceptionem* Antichristi in Signis & Miraculis, Excipit *Crudelitas & Violentia*, quæ se exercere debuit in Tyrannico imperio, & verorum fidelium Persecutione, secundum quam describitur per *Bestiam*, cui data est potestas bellum faciendi Sanctis, & eos vincendi Apoc. 14. per *Mulierem ebriam sanguine Martyrum* Apoc. 17. de qua dictum Disp. V. & VI. His adde *Luxum & Divitias*, quando per *Mulierem amictam purpura & cocco, & inauratam auro & margaritis* describitur Apoc. 17. 4. in qua omnes qui habebant naves in mari dicuntur facti divites ex ejus copiis 18. 16. 19. Hæc verò ubi melius impleta reperias, etiam quoad literam, quàm in Rom. Pontifice & ejus Curia? Quis potest *Petri patrimonium* attendere, quò & Petro illuditur, & toti Orbi, & *Luxum* ingentem *Aulæ & Curia Pontificiæ*, *Thesauros* omni divitiarum genere fætos, *Reditus* immensos, & alia id genus, qui non fateri cogitur, non alios melius *Mulierem* illam *purpurâ & cocco amictam*, quæ se jactat *Reginam* luctûs omnis expertem, nobis exhibere? Ne jam loquamur de venalitate *Officiorum Ecclesiasticorum*, de *Annatarum*, *Pallii Episcopalis*, *Dispensationum*, *Jubilæorum*, *Indulgentiarum* nundinationibus, de *Taxa Cancell.* ubi omnia venum exponuntur: aliisque artibus innumeris, quibus opes undiquaque per fas & nefas corrådere solet, & totum penè orbem terrarum sibi obnoxium & tributarium facit.

XL. Possent alia plura adhuc addi argumenta ad sententiæ nostræ confirmationem, imprimis quæ ex collatione *Antiochi & Antichristi* ex *Daniele* peti possunt; Sed de his alibi dicendi erit locus, & quæ hæcenus allata sunt sufficere possunt, si ritè expendantur, ad evincendum notas eas, quibus *Antichristus* ejusque *Imperium & Status* nobis à *Spiritu Sancto* describitur in *Scriptura*, non alii cuiquam melius quàm *Pontifici Romano* convenire. Qui plura voluerit, consulere potest magna ex Nostreis *Nomina*, & *Viros* undequaque doctissimos, qui *Quæstionem* hanc ex professo tractârunt, & uno ore idem pronuntiârunt; quales sunt inter ceteros *Sereniss. M. Rex Britannia Jacobus*, in *Opere suo Regio & Apologiâ ad Principes. III. Plessens* in *Historia Papatûs*, *Whitakerus*, *Junius*, *Danaus*, *Chamicros*, *Molineus*, *Vignerus*, *Porvelius*, *Downanus*, *Maresius*, *Medus*, alique non pauci, & novissimè *Eruditissimus Theologus & de Ecclesia*

Dei



Dei in bonâ causâ tuendâ optimè meritis, Frater in Christo conjunctissimus D. *Jurieu* in lib. *Prajudiciorum contra Papatum*, & in *Complemento Prophetiarum* ante annum evulgatô part. 1. ubi hoc argumentum ea accurate & soliditate exequitur, ut post ejus messem vix ulli specilegio locus detur.

XLI. Sed ut pressius urgeamus Adversarios, libet hic nonnulla ex ipsis Pontificiis in medium asserre testimonia, qui ingenuè agnoverunt Antichristum in Papa, & ejus Sedem in Sede Romana inveniri. Gregorius I. Pontifex ipse circa annum 600. non obscure hoc insinuavit adversus Joannem Constantinopolitanum, qui titulum *Oecumenici* quem Papâ proprium sibi esse voluit, usurpabat, in Epistola ad Mauritium Imperatorem lib. 4. epist. 30. *Ego autem fidenter dico, quod quisquis se Universalem Sacerdotem vocat, vel vocari desiderat, in sua elatione Antichristum præcurrit, quia superbiendo ceteris se præponit, &c.* Et epist. 36. *Rex superbiae propè est, & quod dici nefas est, Sacerdotum preparatus est ei exercitus, quia cervici militum elationis, qui ad hoc positi fuerunt, ut ducatum præberent humilitatis.* Circa finem seculi decimi luculentum extat testimonium *Arnulphi* Episcopi Aurelianensis in Synodo Rhemeni, qui miserimum Ecclesiæ sui temporis statum deflens, *O lugenda, inquit, Roma, quæ nostris Majoribus clara Patrum lumina portavisti, nostris temporibus menstrosas tenebras futuro seculo fumosas effudisti.* Et post mentionem factam variorum Pontificum corruptissimorum, quales fuerunt *Octaviani*, *Bonifacii*, aliaque id genus monstra hominum, ut vocat, qui Sedem à centum annis occupabant, concludit tandem, *Quid hunc, Reverendi Patres, in sublimi Solio residentem, veste purpureâ & aureâ radiantem, quid huuc, inquam, esse censeatis? Nimirum si charitate destituitur, solâque scientiâ inflatur & extollitur, Antichristus est in Templo Dei sedens & se ostendens tanquam sit Deus.* Hæc erant secula ferrea & plumbea, de quibus *Baronius* ad annum 900. queritur, in quibus impotentissimæ dominabantur meretrices *Theodora* & *Marozia*, & monstra in Sedem intrudebant, & *Genebr.* in lib. 5. *Chroni.* fatetur, *Per annos fere 150. Pontifices circiter quinquaginta à Joanne scilicet VIII. usque ad Leonem IX. à virtute Majorum prorsus defecisse, Apostaticos, Apostaticosque potius quam Apostolicos.* *Gregorii VII.* tempore, quò Imperium Antichristianum ad auxilium pervenit, quod contigit seculi undecimi initio, non pauci illorum temporum idem apertè testati sunt, referente *Aventino* *Annal.* lib. 5. *Plerique pro concione, inquit, Gregorio maledicunt, Hildebrando male præcantur, ipsum Antichristum esse prædicant, pietatis sub specie, inquietant, debacchatur, honestis nominibus bonum publicum simulat, Titulo Christi, negotium Antichristi agit; In Babylonia in Templo Dei*



DISPUT. VII. *Dei sedet, super omne id, quod colitur, extollitur, quasi Deus sit, se errare non posse gloriatur &c.* Fridericus II. Imperator de Pontifice non aliter loquitur seculo decimo tertio apud *Petrum de Vineis* lib. 1. Epist. ubi asserit, *Papam esse Bestiam à mari egredientem, magnum Draconem mundum seducentem, & Antichristum &c.* quod confirmat in Epistola ad Germaniæ Principes apud *Aventinum* lib. 7. Memorabile imprimis est testimonium *Eberardi* Salisburgensis Episcopi, qui in *Conventu Ratisbonensi* multis probat omnes characteres Antichristi in Papa inveniri, apud eundem lib. 7. Præfatus Christum tesseram nobis, quâ à cæteris dignoscere mur, *studium pacis reliquisse, Summo opere, inquit, admonuit quoque, uti falsos Christos, falsos Prophetas vitaremus, qui tecti pelle ovium, nimirum Christiano nomine, atque Pontificio titulo, nobis dominari atque illudere cuperent. Quos ex spinis atque operibus nimirum avaritiâ, luxu, contentione, odio, invidiâ, bellis, dominandi libidine, ambitione cognosci oportere. Quidnam apertius hisce verbis, quàm Babylonis Phariseos atque Scribas cælestis Imperator indicavit? sub Pontificis maximi titulo, Pastoris pelle lupum savissimum, nisi cæci sumus, sentimus &c.* *Hildebrandus* ante annos centum & septuaginta, primus specie Religionis Antichristi Imperii fundamenta jecit, hoc bellum nefandum primus auspicatus, quod per successores usque continuatur &c. *Qui Servus Servorum est, Dominus Dominorum, ac si Deus foret, esse cupit, sacros cætus, atque Concilia fratrum, imò Dominorum suorum aspernatur &c.* *Ingentia loquitur, quasi Deus esset, nova consilia sub pectore volutat; ut proprium sibi constituat Imperium, Leges commutat, suas sancit, contaminat, diripit, fraudat, occidit, perditus homo ille, quem Antichristum vocare solent, in cujus fronte contumelia nomen scriptum, Deus sum, Errare non possum, in Templo Dei sedet, longè latèque dominatur, & alia plura id genus habet, quæ ibidem legi possunt. Longum foret referre omnia testimonia, quæ sequentibus seculis de hac veritate prodierunt, sive apud *Petrarcham, Marsilium Patavinum* in defensore Pacis part. 2. *Nicolaum de Clemangis* de corrupto Ecclesiæ statu, *Alvarem Pelagium, Theodoricum à Niem, Mantuanum, Vesselum, Groningensem, &* alios non paucos, quæ ut ab aliis collecta jam omittimus; hoc unum nobis sufficiat hinc observasse, non novitiam, & inauditam esse Nostrorum de Antichristo sententiam, sed à multis seculis in ipsius Ecclesiæ Romanæ sinu cognitam & sæpius propositam.*

XLII. Non desinunt tamen Adversarii in contrarium niti, & nihil non moliri ad veritatem istam clarissimam obscurandam, his potissimum rationibus fulti. Primò Antichristum hominem, singularem & unicum futurum, qui sub finem mundi demum revelandus sit, post *Matt. 24. 2.* prædicationem Evangelii per totum orbem, *Matt. 24. 2.* & Imperii Ro.



Romani desolationem, & per tres annos cum dimidio sit duraturus. Secundò futurum origine Judæum, qui instauraturus sit Templum, & restitutus Circumcisionem, Sabbathum, & alias Cæremonias Legales. Tertiò Henochum & Eliam venturos, qui se ipsi opponant, qui per *duos Testes* designentur de quibus Apoc. 11. Quartò abnegaturum Christum ejusque Incarnationem 1. Joan. 2. 19. & oppugnaturum omnia Salvatoris nostri instituta. Quæ cum de Papa dici nequeant, non debere etiam ipsum Antichristum censer. Quintò Patres hîc procul à nobis abire; Et non paucos esse, qui locum Pauli de Caligula & Simone Mago, & Apocalypsim de Trajano, Apollonio, & Domitiano intelligendum censeant.

XLIII. Nam ad primum quod attinet, falsò supponitur Antichristum debuisse esse unam Personam singularem, Cum *successivè* tantum & *representativè* una, non *numericè* unica dici possit: Quomodo *ὁ καὶ ἄλλος* apud Paulum Rom. Imperatorem in communi denotat, seu statum Imperii, non unum aliquem Imperatorem in singulari. Sic *unus* aliquando significat unum certum individuum, sive unicum hominem singularem, aliquando unam in Corporis Civili vel Ecclesiastico personam nunquam morientem, quæ non est homo unicus singularis, sed singularem hominum continuata in eodem statu sibi invicem succedentium series. Quo posteriori sensu tantum non priori dicimus Antichristum esse unum. I. Quia mysterium Antichristi jam tempore Apostoli operabatur 2. Thessal. 2. quod oportuit retinere ne revelaretur, quod dici non potuisset, si unica demum futura erat persona. II. Quia debuit esse Author & Caput insignis & quasi catholice Apostasie ex 2. Thess. 2. 3. Apoc. 13. 16. quod non est opus unius hominis, aut unius seculi, sed plurium. III. Quia quæ in Scripturis sub typis Bestiarum mysticè describuntur, non sunt singularia individua, sed singuli bestialium hominum status; Sic *quatuor Bestie*, Dani. 7. sunt quatuor Regna, Assyrium, quod per Leonem, Persicum, quod per Ursum, Macedonicum, quod per pardum, & Romanum, quod per bestiam terribilem notatur. Sic c. 8. *Aries* notat Reges Medorum & Persarum. *Hircus* Reges Græcorum. IV. Septem capita Bestie septicipitis, non sunt septem Principes singulares Rom. statûs, sed totidem Principatus, seu præcipuæ Regiminis formæ quæ obtinuerunt. Antichristus verò debuit esse ultimum istius Bestie caput, non ergo unicus & singularis Princeps, sed Principatus & Imperium. V. Quia status ejus vocatur *Babylon*, & *Civitas magna*, quæ à pluribus, sibi succedentibus regi debuit, quorum gesta non cadunt in unius hominis vitam, ut Spiritus Antichristi non in uno clauditur Individuo, sed in multa extenditur 1. Joan. 2. & 4. Denique quia revelandus fuit sublato Romano Imperio, & abolendus tantum illustri adventu Christi,



DISPUT. VII. Isti, quod durationem non unius hominis, sed plurium necessario postulatur.

XLIV. Nec contrarium evincitur, Vel ex loco Joan. c. 5. 43. ubi Antichristum volunt designari per ἄλλον, qui venit nomine suo. Quia hoc notat indefinitè quemlibet, qui suo nomine, non missus à Deo, venit, utcunque missionem divinam prætendat, non unum singularem. Maldonatus *quisquis alius*, Salmero, *De quocunque potest intelligi*. Janse-  
 ninus *sapius hoc impletum fuisse* ait. Vox ἄλλος nunquam individuum certum notat, nisi addito articulo, vel ex diserta circumscriptione Mat. 5. 39. obverte illi καὶ τὴν ἄλλην, id est alteram Joan. 20. 8. ὁ ἄλλος μαθητής *alius ille discipulus* Matt. 4. 21. vidit ἄλλας δύο ἀδελφάς *alios duos fratres*. Antithesis verò nihil concludit; etsi enim ego & alius opponantur, & ego significet unam certam & individuum personam, non est necesse per alium intelligi pariter unum definitè, Joan. 21. 18. *Alius te cinget*, hic *alius* non unum definitè, sed indefinitè notat 1. Cor. 3. 10. *Ego ut peritus architectus fundamentum posui, alius vero superadificat*, id est quivis indefinitè. Unus etiam multis opponitur, Pastor bonus, furibus, lupis. Nec si Christus unicus est, unicus propterea debet esse Antichristus illi oppositus. Quia Christus Caput Ecclesiæ suæ unicus est, quia immortalis, ac proinde sacerdotium habet ἀδιάδοχον; Antichristus caput suæ Ecclesiæ, non est unicus aliquis homo immortalis, sed singulorum quorundam mortalium in eadem Sede successio. Nequicquam etiam unitas numerica & individualis Antichristi colligitur ex articulo præpositivo qui apponitur ab Apostolo 2. Thess. 2. 3. & 8. ὁ ἄνθρωπος ἀμαρτίας, ὁ ἄνομος; Quia sæpe articulus indefinito subjecto præponitur, non minùs ac definito; Matt. 12. 35. ὁ ἀγαθὸς ἄνθρωπος, ὁ πονηρὸς ἄνθρωπος indefinitè de quolibet homine bono aut malo, non definitè de unico Marc. 2. 27. ὁ ἄνθρωπος homo non est propter sabbatum, sic sæpe alibi. Rursus si articulus aliquid certi & definiti significat, non est statim unicum individuum, sed id de quo expressè & determinatè est sermo, ne aberret animus & vagetur oratio, sive sit singularis persona, sive genus quoddam aut species, quomodo ὁ κατέχων non unicum Imperatorem, sed Imperium Romanum in genere notat, & ὁ βασιλεὺς in Regno, non individuum, sed certæ alicujus regionis Regem notat. Denique articulus sæpe non tam apponitur διακριτικῶς, quàm δεικτικῶς & ἐξαιρέτως ad significandum id quod in unoquoque est magis insigne & notabile, sive in bono sive in malo, quod de eo κατ' ἐξοχήν dicitur, ut ὁ πειράζων, ὁ πονηρὸς, Diabolus vocatur, licèt homines etiam mali & tentatores dentur. Hoc sensu rectè ὁ ἄνομος & ὁ ἄνθρωπος ἀμαρτίας dicitur Antichristus.



XLV. Gratis etiam fingitur, Antichristum sub finem tantum mundi revelandum; Cum jam Pauli tempore nefandi istius mysterii tela texeretur, & eventus doceat jam impleta esse quæ de ipso prædicta fuerant. Neque hoc vel ex prædicatione Evangelii per totum orbem, de qua Matth. 24. colligi potest, quia non agitur de adventu Antichristi, sed vel de fine seculi, vel de excidio Jerosolymitano, ante quod debuit Evangelium prædicari per totum orbem, quod suo tempore jam contigisse Paulus testatur Col. 1. 5. Vel de desolatione Imperii Romani, quam jam ante multa secula contigisse supra probatum est. Vel ex eo quod *novissimis temporibus* excitandus dicitur. Quia notum est diversimodè novissima tempora in Scripturâ usurpari, aliquando pro *fine temporis*, quo sensu ἡσχάτη ἡμέρα ultima dies notat diem resurrectionis & finem mundi. Joann. 6. 39. & 11. 24. 1. Pet. 1. 5. aliquando pro tractu aliquo & *duratione temporis*, quomodo tempus Novi Testamenti à primo Christi adventu usque ad secundum solet designari per *tempora novissima* absolutè, passim in Novo Testamento Act. 2. 17. Hebr. 1. 1. 1. Pet. 1. 20. quia est ultima Dei dispensatio, post quam nulla alia expectanda est, sed sola æternitas. Sed quia duratio illa varias debuit habere periodos; ideo ultima periodus specialiter & comparatè vocatur *novissimum tempus*, id est, temporum ultimorum novissimum, quo sensu Paulus 1. Tim. 4. 1. dicit apostasiam fore *novissimis temporibus* ἐν ὑστέροις καιροῖς, & 2. Pet. 3. 3. ἐν ἡσχατῶν τῶν ἡμερῶν extremis diebus venturos irrisores. Sed ista novissima tempora non statim immediate & paucis tantum annis ultimum judicium sunt præcessura, sed designant memorabile aliquod temporis intervallum, quod finem mundi præcedere debuit: Unde licet Antichristus oriturus diceretur tantum novissimis diebus, non statim inde colligi potest, quod paucis demum annis finem mundi præcessurus sit, ut vellent Pontificii; sed tantum quod in periodo temporis ultima sit manifestandus.

XLVI. Hoc verò certius confirmabitur, cum responsum fuerit ad objectionem Adversariorum de *duratione Antichristi*, quam tribus annis cum dimidio circumscribunt ex Apo. 12. 6. ubi mulier dicitur mansura in deserto per mille ducentos & sexaginta dies, & c. 13. 5. ubi bestia dicitur data potestas bellum faciendi Sanctis per 42. menses. Sed perperam ista exponuntur, quasi historicè de diebus naturalibus ageretur secundum literam, cum certum sit ista intelligenda esse mysticè ex stylo Prophetarum de *diebus prophetiis*, qui totidem sunt anni, quo sensu 70. septimanæ Danielis ponuntur pro septimanis, non dierum, sed annorum. Nec res obscura est, si ea quæ Antichristus peragere debuit, attendantur, quæ tantillo temporis spatio perfici non potuerunt. Debuit scilicet ex sententia Pontificiorum totum orbem subigere, Christianos omnes profigare, Cultum omnem Religionis



DISPUT.  
VII.

Christianæ abolere, Jerosolimam cum Templo denuo extruere, Gog & Magog secum jungere, & alia id genus, quæ tam brevi intervallo posse peragi nemo dixerit. Et cum ex rei veritate testetur Spiritus Sanctus, quod Regna decem eodem tempore oritura sint cum bestia, 2. Populi & nationes innumeræ eam sint adoraturæ. 3. quod bellum gerere cum Sanctis debeat, & eos vincere. 4. quod omnes terræ incolæ ad sui cultum compellere debeat, non armorum vi, sed seductionis artibus. 5. quod Meretrix tam diu insidere debeat bestia, donec vinò scortationis ejus inebriatis omnibus terræ incolis cum ea scortentur Reges, & Mercatores opibus deliciarum ejus ditescant, quis non videt hæc omnia opus esse non duorum vel trium annorum, sed longè majoris spatii? quomodocunque tempus hoc intelligatur, vel indefinitè, ut quibusdam videtur, vel definitè, ut aliis placet.

XLVII. Quod ulterius affertur de *origine Antichristi*, quod sit futurus Judæus, ex Tribu Dan oriundus, merum est figmentum à nonnullis Veterum sine ulla ratione excogitatum, cui ne ipse quidem Bellarminus multum tribuit. Nam si Judæus debuit esse, quomodo diceretur per Apostasiam defecisse à fide, quam nunquam habuit, & sedere in Ecclesia, in qua nunquam fuit? Quàm autem sit futile & infirmum, quod dicitur ex Tribu Dan oriundus, quia Apo. 7. 4. non fiat mentio istius Tribûs inter 144. mille signatos, res ipsa docet; nec diffitetur Emanuel Sà, quum ait non posse dici cur omissa sit. Quod verò pertendunt Antichristum Hierosolymis sedem suam habiturum, & ibi instauraturum Templum, & restitutum Cæremonias legales; Repugnat verbis Christi, qui Templum Hierosolymitanum nunquam esse denuo ædificandum docet Mat. 23. 38. & 24. 2. Lu. 19. 44. & Scripturæ, quæ cultûs Levitici abrogati semel per Evangelium, restitutionem nulpiam tradit. Templum ergo, in quo sessurus dicitur Antichristus, non potest esse Templum Hierosolymitanum æternæ desolationi devotum, sed Ecclesia Dei, quæ passim hoc nomine venit in Scriptura, quam erat in vasurus, & sacerrimam suam sedem in illa collocaturus, ut supra probatum est.

XLVIII. Non melioris est commatis fabula de *Enochs & Elia*, qui è Paradiso in orbem redituri sint sub finem mundi ex Gen. 5. 24. & Malach. 4. 5. & publicè se opposituri Antichristo, & ab eo interficiendi, sed tri-duo post cunctis videntibus resurrecturi, & in cœlum assumendi Apoc. 11. 3. meram enim fabulam esse, velex eo constat, quod altum de eo sit in Scriptura silentium, quæ de eorum translatione in Paradisum planè tacet. De Enocho quidem dicit, quod postquam ambulavit cum Deo, id est, piè & sanctè in mundo vixit, non visus sit amplius, quia Deus eum ad se recepit, nimirum in cœlum, ne videret mortem. Nec Eccl. 4. 26. locus Ecclesiastici 4. 26. aliud docet, Vulgata quidem Versio habet, quod



quòd *translatus sit in paradisum*, ut *det Gentibus penitentiam*; sed Græ- DISPUT. VII.  
ca aliter sonant, dicitur tantum quòd μεταστῆναι ἐν παράδεισῳ μετανοίας τῶν  
γενεῶν, ut esset *exemplum penitentiae generationibus posteris*, ut hoc ex-  
emplo sapere discerent, & pari gloriâ fruerentur. Elias verò expressè  
dicitur in *Cælum translatus* 2. Reg. 11. 11. ubi mortalitate exutâ, im-  
mortalitatem induit, nec ulterius morti obnoxius esse potuit, ut vel  
neci possit tradi ab Antichristo, vel resurrectione opus habeat. Nec hoc  
commentum potest ex Apoc. 11. 3. elici, ubi mentio fit *duorum Testium* Apoc. 11. 3.  
occisorum, & postea vivificatorum: Quia Testes isti non alii sunt,  
quàm pauci illi pii Evangelicæ veritatis assertores, ante tempora Re-  
formationis divinitus excitati ad resistendum Antichristo, qui in primis Re-  
formatoribus reviviscere visi sunt. Nec *Elias* personalis, sed *mysticus*,  
apud Malachiam intelligitur, qui jamdudum venit in persona Joannis  
Baptistæ ex Christi declaratione Matt. 11.

Matt. 11.

XLIX. Ad quartum & *Abnegationem* Christi & ejus oppugnationem  
esse vel *apertam & explicitam*, quoad externam professionem, vel *im-  
plicitam & occultam*, quoad rei veritatem. Antichristus debuit abnegare  
Christum non primo, sed secundo modo, dissimulatus Christi hostis  
esse debuit, qui prætenso Christi nomine, dominaretur in Ecclesiam ip-  
sius, & Christi Personam, Officia, & Beneficia reipsa oppugnaret.  
Non ergo hic expectandum, ut Antichristus se Christi hostem profitea-  
tur, sed ut talem se reipsa exhibeat, nec ut se Christum jactet, quod  
faciebant Pseudochristi, sed ut revera quæ Christi sunt sibi vindicet,  
quod Papam facere suprâ probatum est. Quod Augustinus in hunc lo-  
cum bene observat, *Non attendamus ad linguam, sed ad facta*. Item  
*magis mendax est Antichristus, qui ore proficitur Jesum Christum, & fa-  
ctis negat*. Cum ergo Papa triplex Officium Christi ad se rapiat, ejus  
Euangelium suis Traditionibus, & ejus Redemptionem suis Indulgentiis,  
Purgatorio, Missis, Meritis pessundet, etsi ore profiteatur adhuc Je-  
sum esse Christum, tamen illum unâ cum Patre factis & operibus ne-  
gasse censendus est. Porro quod addunt Pontificii *Antichristum abolien-  
rum Sacrificium Missaticum, & baptismi abnegationem* introduciturum,  
nuspian dicitur. De Antiocho quidem prædicitur apud Daniele c. 11. Dan. 11. 31.  
31. quòd *sacrificium jube*, quod sub Lege quotidie offerebatur, esset ab-  
oliturus, quod re ipsa etiam præstitit. Cui hac in parte optimè respon-  
det Antichristus, non quidem Sacrificium Missaticum abolendo, sed per  
ejus institutionem & observationem idololatricam, tollendo jube sacrifi-  
cium Ecclesiæ, infringendo scil. vim & efficaciam sacrificii à Christo pro  
nobis semel oblatis, & spiritualem & rationalem Novi Testamenti cul-  
tum à Deo institutum evertendo, ad introducendum cultum idololatri-  
cum



DISPUT. VII. cum *Dei Maozim*, de quo Angelus loquitur apud Danielem c. 11. 38. quod ut à plerisque intelligitur respectu *Antiochi de Jove Olympio*, qui Deorum princeps & potentissimus habebatur, quem in Templo Jerosolymitano posuit, ut populum ad illius cultum cogeret 2. Macab. 6. 2. Ita respectu *Antichristi* non incommodè refertur ad Idololatriam Romæ, tum erga Deum Missaticum, qui revera ignotus erat Patribus, tum erga Angelos & Sanctos, quos tanquam Protectores & Auxiliatores, ac ὑπερασπιστὰς colunt, & honorant, auro, argento, & rebus pretiosis, id est, magnificè & cum externa pompa ac donariis amplissimis, ut solenne est apud Pontificios, quomodo vox πρῶ quæ hîc occurrit vertitur à 70. per ὑπερασπιστήν, & à Vulgato per *protectorem*, Psalm. 27. 1. & 28. 8. & 31. 3.

L. Ad quintum de *Patribus* R. non fuisse Prophetas, sed Interpretes, proposuisse tantum quid suspicabantur, non quid certò esset statuendum, ut Aug. lib. 20. de Civitate Dei cap. 19. observat: Nec mirum, si rerum eventu facem vaticiniis nondum præferente sæpe fluctuârint, & multa hîc à veritate aliena conjectârint; cùm constet omnibus, longè facilius esse impleta observare, quàm implenda prædicere, quia hoc est revelationis divinæ, quæ paucis competit, illud verò experientiæ in medio politæ. Unde si nusquam Patres in controversiis debent sedere Judices, multò minùs in hac, quàm in aliis quibusvis, quæ non illorum, sed nostrorum fuit temporum. Quòd si qui sint inter Doctos, qui loca Pauli & Joannis alio detorquere conati sint in gratiam Pontificis, quod præ cæteris *Hugo Grotius*, vir eruditione conspicuus, sed dubiæ semper in Religione fidei, novo & hæcenus inaudito commento tentavit; Præterquàm quòd ab ipsis Pontificiis non recipitur, qui loca nobiscum de Antichristo intelligunt: Talis figmenti vanitas abundè à Nostris demonstrata est, & præ cæteris solidissimè à Celeb. *Maresio*, ut non opus sit in eo refellendo nunc immorari. Cùm verò ex dictis liqueat, Nobisque sit persuasum, Papam esse Antichristum, summè necessariam fuisse nostram ab ejus communione *Secessionem*, & impossibilem planè, rebus sic stantibus, nostrum cum ea *Syncretismum* esse meritò concludimus.

F I N I S.



DISPUTATIO OCTAVA  
ET ULTIMA,

In qua Objectiones solvuntur.

*Respondente EMANUELE WURSTEMBERGERO  
Bernensi.*

I. **V**ERSATI fuimus hactenus in Examine præcipuorum Argumentorum, quibus nostræ ab Ecclesiâ Romanâ Seccessionis Necessitas, & Syncrētismi cum ea *ἀδυσπῆξα* adstruitur, & justissimas ac gravissimas causas Majores nostros habuisse ab illa exeundi; Nos verò nullas ad eam redeundi habere posse probatum dedimus. Ordo jam postulat, ut *ἀνασκευῶν* etiam instituamus Rationum præcipuarum, quibus *οἱ ἐξ ἐναντίας* contra Seccessionem & pro Syncrētismo pugnant. Nec enim defuerunt superiori seculo, vel defunt hoc nostro tam Theologi quàm Politici, qui Seccessioni nostræ temeritatis & injustitiæ crimen impingunt, quique sub specioso pacis prætextu, sed revera ut rebus suis & commodis consulant, nostrum ad Romam reditum urgere non desinunt, & honestum in speciem, sed reipsa turpissimum & exitiale Syncrētismi consilium suadere conantur.

II. Quia verò multiplici Argumentorum genere utuntur, Ea in duos ordines dispescemus. Primò expendemus illa, quibus Seccessionem nostram injustam, & temerariam, atque adeò verè Schismaticam fuisse probare contendunt. Secundò excutiemus alia, quæ Syncrētismum, ut justum & possibilem commendant. Et ut de prioribus dicamus primùm; Ex eo potissimùm Schismaticam esse Seccessionem nostram evincere satagunt. Primò, Quòd ab Ecclesiâ verà defecerimus. Si à verâ Ecclesiâ, inquiunt, nemo potest secedere sine Schismatis nota, non potuimus ab Ecclesia Romana secedere, quin in Schismatis crimen incideremus, quia vera fuit Christi Ecclesia: Veram autem fuisse probant 1. Quia retinet præcipua veræ Religionis fundamenta, quibus fides nostra superstruitur, & salus constat, putà Verbum Dei & publicam ejus prædicationem, Symbolum Apostolicum, Decalogum, Orationem Dominicam, quibus continetur summa credendorum & faciendorum. 2. Retinet Sacramentorum, & Baptismi imprimis usum,



DISPUT. qui quoad substantiam saltè integer servatur, ex nostra etiam hypothesi  
VIII.

3. Quia fuit olim vera Ecclesia, Ergo & nunc esse debet, aliàs evan-  
nuisset promissio Christi, firmitatem Ecclesiæ adversus Inferorum portas  
spondentis. 4. Si Ecclesia Romana defecisset à pristina Majorum fide  
ostendi possent Authores, & tempora ac momenta, quibus introductæ  
sunt tales corruptelæ & factæ mutationes, quod cùm fieri nequeat, non  
posse dici ullam talem factam esse mutationem.

1. *Obiectio  
de Schisma-  
te.*

III. Sed non difficile est nodos istos solvere. Primò damus libenter  
Adversariis, ab Ecclesia vera nunquam esse secedendum, & meritò in  
Schismatis crimen incurrere, qui veram Ecclesiam quocunque demum  
prætextu deserunt. Cùm enim unica sit Ecclesia, extra quam nulla est  
salus, ut nulla fuit extra Arcam, quæ illius fuit symbolum; Nec possit  
Deum habere Patrem in Cœlis, qui Matrem Ecclesiam in terris non ha-  
beat; Nemo potest ab ejus communione recedere, quin eo ipso à Com-  
munionem Dei & Christi sese separet, atque adco ab omni salutis participa-  
tione exclusus maneat. Sed negamus propterea ab Ecclesia Romana non  
fuisse secedendum, quia supponitur πρῶτον hoc ψεῦδος, quod in tota hac  
Disputatione subinde recurrit, Ecclesiam Romanam unam, esse veram  
illam Ecclesiam, quæ nunquam debet deserì. Cùm verò hoc falsissimum  
esse in præcedentibus variis rationibus sit demonstratum; Ex eo etiam li-  
quet nec injustam, nec temerariam fuisse aut schismaticam nostram ab ea  
separationem; *Schisma enim non facit separatio, sed causa*, ut bene monet  
*Cassander l. de off. viri pii*, Et ut vera Ecclesia deserì non potest sine schi-  
smate; Ita in fallâ & apostatica nemo potest manere sine crimine: Ut non  
quævis Secessio in Religionis negotio est vitiosa & culpanda, & quædam  
non modò licita est, sed & necessaria & indispensabilis. Ita non quævis  
communio Ecclesiæ est probanda, sed ea demum, quæ potest consistere  
cum communionem Christi & fundamento salutis. Si ergo nobis sit persua-  
sum, ut est persuasissimum, talem esse communionem Ecclesiæ Romanæ  
hodiernæ; Nemo non videt, necessariò nobis ab ea secedendum fuisse,  
ut salutem nostram iremus prospectum.

IV. Verùm ut faciliùs cavillationes Adversariorum, quas hoc in nego-  
tio neccere solent, discutiamus; Observandum Ecclesiam posse spectari,  
Vel respectu fidei, & quoad statum internum & invisibilem, quatenus est  
Corpus Christi mysticum, & Cœtus verorum Fidelium & Electorum, sine  
ulla hypocritarum & profanorum mixtura. Vel quoad statum externum  
& visibilem & respectu professionis, quatenus est Cœtus vocatorum,  
qui eandem Fidem & Religionem profitentur. Priori respectu certum  
est, Secessionem omnem ab Ecclesia illa, quæ est Corpus mysticum Chri-  
sti, esse injustam & illicitam, quia necessariò post se traheret Secessionem om-  
nem



inmēm à Christo, & salutis privationem. Sed posteriori damus non esse ab-  
rumpendum temerè vinculum Communionis externæ cum Cœtu aliquo  
visibili vocatorum, dum fundamentum salutis, sive quoad fidem, sive  
quoad cultum retinet. At si contingat, ut Cœtus ille quoad majorem sui  
partem, relicta puriori fide, Errores capitales foveat, & Idololatriam in cul-  
tu præcipiat; Nec modò Monitores spernat, sed ferro & flammis eos per-  
sequatur, & ad eodē errores profitendos & cultum Idololatricum præ-  
standum per vim adigat: Separatio non modò licita est, sed justa, necessaria  
& indispensabilis, quia non possemus in communionē talis Ecclesiæ Apo-  
staticæ manere, nisi nuncium remittendo Christo, & ejus veritati, quo  
nullum gravius crimen dari potest. Hunc autem fuisse statum Ecclesiæ Ro-  
manæ, è qua Majores nostri exierunt, hætenus pluribus argumentis con-  
firmavimus. Unde si ab ea facta fuit secessio, non tam fuit secessio ab Ec-  
clesia, quàm Seccessionis terminus, & ad veram Ecclesiam Christianam, imò  
antiquam illam Romanam, cujus fides toto orbe celebrabatur, à qua ho-  
dierna defecit, regressio.

V. Nec huc verissimæ sententiæ intercedere possunt, quæ pro veritate  
Ecclesiæ Romanæ afferuntur rationes. Non prima, quòd *retineat vera  
Religionis fundamenta*. Nam 1. Non statim qui retinent utcunque veræ  
Religionis fundamenta, vera sunt Ecclesia; Jeroboam non evertit omnia  
Religionis fundamenta, qui tamen Israël Defectionis fuit Author. Pha-  
risæi retinebant plurima Religionis fundamenta; nec tamen poterant dici  
vera Ecclesia. Pseudopostoli profitebantur se Christianos & se doctrinam  
Christi observare gloriabantur, qui dicuntur tamen non retinere caput  
Col. 2. 19. & excidisse à Christo Gal. 5. 3. Italicè Ecclesia Romana  
retineat varia Religionis fundamenta, non propterea veræ Ecclesiæ no-  
men potest sibi arrogare. Nec mirum, quia cornua Agni debuit re-  
tinere Antichristus, ut facilius simplicioribus imponeret. Nec Satan  
iniquitatis Mysterium concipere & edere potuisset, nisi mysterii pieta-  
tis fucò palliatum; Nec homo peccati se Apostatam & Filium Perditio-  
nis, ac verum Antichristum prodidisset, nisi in *Templo Dei*, Ecclesiâ  
scilicet Christianâ, quæ doctrinam Christi retinere se profitetur, sedem  
suam locasset. Ideo *Ecclesia Romana* sub duplici *exiō* potest spectari,  
vel quâ *Christiana*, vel quâ *Papalis*, vel quâ aliquid adhuc veri reti-  
net ex parte Christi, vel quâ recepit errores & corruptelas Antichri-  
sti. Seccessio non facta est ab ea ut Christianâ, hætenus enim cum i-  
psa sentire & credere nos profiteamur quod ex Verbo Dei retinet, sed quâ  
Papali, quia nolumus admittere errores & idololatrias veræ doctrinæ su-  
perinductas.

VI. 2. Aliud est fundamentum *retinere ore tenus* & quoad professio-  
nem.



DISPUT. VIII. *nem.* Aliud corde & quoad veritatem, Aliud retinere utcunque, Aliud purum & illibatum servare absque ulla contrarii mixtura. Aliud retinere ex parte; Aliud integrum & solum, sine ulla additione vel detractio-  
 Damus Ecclesiam Romanam retinere fundamentum priori sensu, sed ne-  
 gamus posteriori. Quid verò juvat substantiam Religionis & fundamen-  
 tum nomine tenus profiteri, si re ipsa adulteres & corrumpas erroribus  
 variis capitalibus? ut licet aurum & argentum in improba & adulterina  
 moneta remaneant; non minùs tamen illa rejicitur, quia cupro & stanno  
 miscentur. Quid juvat fundamentum habere, si illud vel alio fundamen-  
 to subvertas, aut illi idolum imponas? *Veritas fundamenti ex unitate ejus*  
*& integritate pendet, ubi unicum & totum non habetur, ibi omnino*  
 1. Cor. 1. 13. non habetur. Ut Christus non dividitur 1. Cor. 1. 13. Ita nec Evan-  
 gelium ejus, *nullum aliud fundamentum poni potest præter positum, Chri-*  
 1. Cor. 3. 11. *stum Jesum* 1. Cor. 3. 11. Unde evertitur non modò detractio-  
 ne directâ, sed & additione, maximè si additio illa sit corruptiva  
 fundamenti, tunc enim quod additur, & apponitur, opponitur, &  
 quod videtur tantum *præter*, est etiam *contra*: hinc Paulus vetat nos sa-  
 1. Cor. 4. 6. pere *παρ' ὃ γέγραπται*, *præter id quod scriptum est*, 1. Cor. 4. 6. & ana-  
 themate percutit eum, qui voluerit *euangelizare παρ' ὃ* *præter id, quod*  
 Gal. 1. 8. *euangelizatum est* Gal. 1. 8. Hoc autem in Ecclesiâ Romanâ locum ha-  
 bere quis non videt? quæ hîc peccat non modò *detractio-  
 ne*, negatâ suffi-  
 cientiâ & integritate Scripturæ, inducto secundo Decalogi præcepto, ab-  
 lato laicis calice Eucharistico &c. Sed etiam *additione*, Articulos fidei  
 multiplicando pro lubitu, & ea dogmata proponendo, quæ cum arti-  
 culis fundamentalibus planè sunt *ἀντιστά*. Sic fundamentum fidei est  
 Scriptura Sacra: sed quàm misere illam corrumpunt, sensum ejus per-  
 vertendo, Auctoritatem, Perfectionem, Perspicuitatem, Integritatem  
 &c. vellicando, & Traditiones ἀγράφει, quæ pari pietatis affectu sine  
 cum ea recipiendæ, addendo? Fundamentum est Christus, Mediator  
 noster unicus apud Deum: Sed quomodo illum retinent, qui alios Me-  
 diatores cum ipso nobis obtrudunt, aliud caput & fundamentum Ec-  
 clesiæ, alia merita, aliud sacrificium propitiatorium, aliam intercessio-  
 nem, aliud purgatorium &c. Quid est evertere fundamentum, si  
 hoc non est? Ita si de Cultu Dei agitur, licet fateantur Pontificii Deum  
 esse colendum, quia tamen huic fundamento multiplex imponunt ido-  
 lum in variis objectis cultûs religiosi, quæ hic proponuntur, meritò censentur  
 hac in parte etiam addendo illud evertere. Frustrâ etiam dicitur apud ipsos  
 remanere Symbolum Apostolicum, Oratio Dominica, & Decalogus, si verba  
 profitendo genericè, genuinum sensum tamen & veritatem specificè non  
 retinent; quod faciliè ex singularum partium inductione colligi posset, si id  
 nunc ageremus.



VII. 3. Si nomen veræ Ecclesiæ non est denegandum illi Cœtui, qui retinet veræ Religionis fundamenta, non possunt negare Adversarii, Ecclesiam nostram veram esse, utpote quæ ex ipsorum etiam confessione talia fundamenta retinet. Nihil enim à nobis creditur quod ad articulos *affirmativos*, quod ab ipsis Pontificiis non recipiatur, licet non assentiamur illis omnibus, quæ credenda nobis imponunt. Unde Controversiæ, quæ nobis cum illis de Religione intercedunt, non versantur circa ea quæ credimus, talia enim sunt, ut de illis omnes veri Christiani tum veteres tum recentiores consentiant, & quæ nobiscum unâ fide suscipiunt & consentiunt, (quod satis demonstrat, ut hoc obiter dicam, quàm falsa sit & impudens eorum accusatio, qui Religionem nostram vel novam ac recentem, vel privatam ac singularem esse criminantur) sed tantum circa alia doctrinæ capita, quæ illi statuunt, nobisque invitis credenda obtrudunt. Sic non quaeritur inter nos, An Christus Jesus sit noster apud Deum Mediator, vel, An ejus mors sit sacrificium pro peccatis nostris, quæ nostra est fides: Sed, An præter Christum dentur alii Mediatores, & præter sacrificium Crucis, detur aliud sacrificium propitiatorium incruentum, quod statuunt, Nos negamus. Non quaeritur, An Deus sit adorandus, quod agnosco: Sed An adoranda sit hostia, quod nego. Non quaeritur, An Christus sit Caput Ecclesiæ, quod utrinque est in confesso: Sed, An præter Caput istud primum, Pontifex possit esse Caput secundarium, quod sanciunt Adversarii. Ita si cetera controversiæ Capita persequimur, facile est demonstrare; Non agi de *articulis positivis & affirmativis*, quibus quid nos credamus definitum est & expositum. Sed de *articulis negativis & exclusivis*, quibus non quid credamus, sed quid non credamus explicatur, quodque ab Adversariis est additum. Cum ergo totalis nostra cum Pontificiis, non sit de ullis fidei nostræ Capitibus, quæ nobiscum omnia consentiunt, sed de ipsorum tantum placitis, quæ Nos non possumus admittere, quia cum Verbo Dei pugnare censemus: Ex eo colligitur clarissimè, Argumentum quò utuntur, ad veritatem Ecclesiæ suæ demonstrandam, non minori, sed potiori jure Nostræ veritatem suadere, atque adeò Adversarios hac in parte non posse juvare.

VIII. Quod verò de fundamentis Religionis dictum est, Idem etiam applicandum est *Sacramentorum administrationi*, quæ secunda est Adversariorum ratio. Fateor veram Ecclesiam eam esse, quæ cum purâ Verbi Dei prædicatione habet conjunctam legitimam & incorruptam Sacramentorum administrationem; Et si hoc apud Romanos obtineret, nemo negare posset ipsis veræ Ecclesiæ nomen. Sed quia Sacramenta ista miserè corrumpunt, non modò quinque spuria addendo, sed ea quæ à Christo sunt instituta,



DISPUT.  
VIII.

Baptismum, & S. Cœnam variis modis vel substantialiter vel accidentaliter adulterando: Ideo ex hoc etiam crimine defectionem eorum colligimus. Ad *Baptismum* verò quod attinet, licet plures corruptelæ in eum introductæ sint, quia tamen ejus substantia illæsa mansit in Papatu per Dei gratiam, non rebaptizamus quotquot ad nos à Pontificiis accedunt. Sed verus Baptismus non statim facit veram & puram Ecclesiam. Vera Circumcisio & sacrificia Uni Deo consecrata erant in Ecclesia decem Tribuum, non ideo erat vera. Ecclesia hæretica verum potest habere Baptismum, ut agnoscunt Patres, nec tamen minùs propterea falsa est Ecclesia. Nec hoc possunt diffiteri Pontificii, etiam ex sua hypothese, dum Baptismum nostrum agnoscunt esse verum, semel administratum non iterando, qui tamen Ecclesiæ veræ nomen nobis tribuendum esse acriter negant.

IX. Ad Tertium &c. licet Ecclesia Romana fuerit olim vera Ecclesia, quum ad eam scripsit Apostolus, & fides ejus toto celebrabatur orbe; Non sequitur eam veram esse etiamnum hodie; Quasi privilegium infallibilitatis illi competat, ut nec erraverit unquam, nec errare potuerit, quod falsissimè hîc semper supponunt. Neque hîc reponendum, sic inanes fore promissiones Ecclesiæ factas, Quòd supra petram sit ædificata, quodque portæ Inferorum adversùs ipsam non sint prævalituræ. Hæc enim & similia elogia Ecclesiæ Catholicæ & invisibili Electorum competunt, quæ nec deficit unquam, nec deficere potest totaliter. Sed malè ad Cœtum aliquem visibilem particularem applicantur, cùm nullus talis detur, qui deficere non possit, & non paucos defecisse exemplis variis probari possit, & in Veteri & in Novo Testamento. Non quòd veri fideles & electi unquam possint deficere vel totaliter vel finaliter: Sed quia Cœtus visibiles, in quibus degunt electi, possunt corrumpi eatenus, ut nec pura ampliùs obtineat Verbi prædicatio, nec legitima retineatur Sacramentorum administratio. Aliàs si ratio allata valeret, sequeretur, neque Ecclesiam Israëliticam potuisse unquam deficere, & fieri meretricem, quia fuerat antea vera Ecclesia; & Ecclesias Asiaticas, quæ olim fuerunt veræ Ecclesiæ Christi, esse etiamnum hodie tales, quod nemo non videt esse absurdissimum.

X. Verùm dices, Si aliqua hîc mutatio contigit, debent ergo designari Auctores, per quos, & temporum momenta, quibus facta est. Sed nulla est ratio quæ nos eò adigat; Quasi in infelici seculi hujus conditione, in quo quotidie omnia in pejus ruere videmus, ac retro sublapsum ferri, variæ non occurrant subinde mutationes, quarum neque tempus, neque locus, neque primi Auctores accuratè observari possunt? Quis enim ignorat Satanæ hunc esse astum, ut non interdiu sed noctu dormientibus hominibus &

non



non advertentibus Zizania sua serat? Quis nescit hanc esse Novatorum DISPUT.  
 artem, ut facilius venenum suum & errores insinuent, ut non apertè VIII.  
 & palàm, sed clàm & subdolè agant? ut difficile sit, ne dicam impossi- Matt. 13.  
 bile, prima momenta notare, quibus Corruptio aliqua cœpit, licèt tam  
 sit aperta ut negari nequeat. Verùm quid opus Auctores, vel tempora in-  
 dicare, modò de rei veritate constet? An ut probem te peste correptum  
 esse, vel aliquo alio morbo, necesse est ut doceam, quo momento exitia-  
 lis illa lues cœperit grassari? nonne sufficit ut ostendam indubitatis argu-  
 mentis, te gravi hoc & lethali morbo laborare? & nonne ludibrium debe-  
 ret, qui de principio morbi potiùs cogitaret, quàm de remedio salutari,  
 quod adhiberi debet ad ejus curationem? An ut demonstrem te senem esse,  
 opus est ut doceam, quo momento cœperint primæ apparere rugæ in facie,  
 aut vires tuæ inclinari & temperamentum corrumpi? Nonne hic satis est,  
 ut conferam corpusculum tuum jam exangue & humicernuum cum corpore  
 tuo olim vegeto & florenti, ut evincam magnam in te factam fuisse muta-  
 tionem? Licèt ergo talium corruptelarum originis momentum indicari  
 præcisè non posset, non propterea sequeretur eas nullas esse, vel falsò à no-  
 bis Ecclesiæ Romanæ tribui; quia non quæritur hic, quando talis facta  
 fuerit corruptio: Sed an revera talis deprehendatur, quod non ex historiæ  
 veteris monumentis, sed ex statûs præsentis consideratione colligi potest.  
 Nec alia fuit Christi Domini nostri in redarguendis erroribus Scribarum  
 & Phariseorum agendi ratio. An ille vel Auctores, vel locos, vel tem-  
 pora, quibus tales errores inveci erant in Ecclesiam, recenset, quo ta-  
 men nemo meliùs hoc præstare potuit, qui omnia mutationum momen-  
 ta noverat accuratissimè? Nihil minus, imò solâ Scripturâ contentus ad  
 primum principium provocat, *Ab initio non fuit sic*, Matt. 19. 8. vel *Matt. 19. 8.*  
*erratis nescientes Scripturas* Matt. 22. 29. Cur ergo ad scrupulosam istam *Matt. 22. 29*  
 temporis & cæterarum circumstantiarum notationem, quæ nihil ad rem  
 faciunt adstringeremur, sufficit nobis ut ostendamus doctrinam Aposto-  
 lorum à doctrina, quæ nunc obtinet in Papatu διὰ παλαιῶν dissidere,  
 & statum hodiernæ Ecclesiæ Romanæ multum differre ab antiqua, atque  
 adedò ab initio non fuisse sic.

XI. Regeres fortè, facilem esse istam Temporis & Auctorum muta-  
 tionum designationem, quia ejusmodi mutationes in re tanti momenti  
 fieri nequeunt sine magnis motibus; Quando agitur de mutanda veteri  
 fide, pro qua ut aris & fœcis disceptatur, & de nova & contraria intro-  
 ducenda. Sed neque hoc majoris est ponderis. Quis nescit mutationes  
 istiusmodi non semper magno cum apparatu & συνῇ τῇ κεφαλῇ, sed  
 sæpius & ordinariè paulatim & sensim fieri, ita ut vix ac ne vix quidem præ-  
 cisè singuli earum gradus distinctè observari queant, maximè quum tales  
 muta-



DISPUT.  
VIII.

mutationes non fiunt statim per veteris Doctrinæ abrogationem, quod posset hominum animos commovere; Sed per novæ nondum creditæ introductionem. Non per Errorum crassiorum, qui in sensus facile possunt incurere, propositionem; sed per occulti & à sensibus remoti dogmatis alicujus insinuationem. Non per publicam professionem inter omnes; sed per clanculariam & privatam intra paucos disseminationem. Non per cognitionem claram & distinctam; sed per cognitionem obscuram & confusam, quod hic contigisse constat: Tunc enim facile imponitur hominibus, & insensibilis potest fieri mutatio. Hic itaque distinguenda sunt *Errorum initia* & *primi gradus* ab eorum *incrementis* & *auxiliis*, tacita eorum & subdola inter paucos communicatio, & publica ac aperta eorum professio. Fateor posteriori sensu posse varios animorum motus excitare in Ecclesia, & dissidia ac contentiones parere; quod nimis contigisse omnium seculorum experientia testatur. Sed non par est ratio initii & primorum graduum eorum; Ita enim sensim ac sine sensu fieri solent, ut non possint facile observari; Satanâ hac arte subdolè utendo, ut incautos decipiat, & feliciùs ac commodiùs venenum suum exitiale instillet, & infelix lolium serat, dum homines citiùs immedicabile vulnus sentiunt, quàm ut sciant se accepisse.

II. Objectio  
petita a defectu  
Successionis &  
Vocationis.

XII. II. Contra Secessionem nostram sic pugnant. Ab ea Ecclesia sine crimine non possumus secedere, quæ perpetuam & non interruptam habet successionem, ut ad eam nos recipiamus, quæ omni destituitur Vocatione legitima: Nam si aliquam habuissent primi nostri Reformatores, vel fuisset *Ordinaria* vel *Extraordinaria*; Ordinariam non fuisse res ipsa clamat, quia nullum adhuc Ministerium inter nos erectum erat; Nec extraordinariam, quia miraculis debuissent eam confirmare, quod non fecerunt tamen; Cum E. nullam missionem habuerint, nullam etiam Ecclesiæ reformandæ authoritatem habuisse; atque adeò nullas Vocationis suæ notas dare posse, quod tenentur tamen ut audiantur; veram enim eam Ecclesiam esse non posse, quæ falsam missionem habet. Ut responsio clariùs pateat, quia duplex difficultas hic attingitur, prima de *perpetua Successione*, altera de *Reformatorum nostrorum Vocatione*, quas ad ravim usque solent nobis objicere, paulò distinctiùs de utraque nobis est agendum. Et ut de *Successione* perpetua dicamus primò. Cum multiplex possit esse *Successio*, Vel *Personarum* & *locorum*, Vel *Doctrinae* & *Rerum*, Vel *naturalis* ratione carnis, Vel *politica* ratione munerum, Vel *spiritualis* ratione fidei; Videndum quænam hæc Successio debeat obtinere. Et naturalem quidem ac politicam nemo dixerit locum hic habere debere, ut nec personalem & localem. Nam ita Judæi increduli & profani succedebant piis Patribus, dum ab ipsis oriundi erant. Scribæ & Pharisei succedebant veris Doctoribus, qui tamen seductores erant

Successio  
personalis  
vel localis  
non est ne-  
cessaria, sed  
tantum do-  
ctrinalis.



erant & veritatis hostes acerrimi. Sic Arriani succedebant Orthodoxis; sic tenebræ luci, morbus sanitati, Tyrannus pio Principi succedit. Sola ergo hic *Successio fidei & doctrinæ* attendenda est, absque qua ceteræ omnes successiones vanæ sunt & exitiales. *Cathedra successio nihil successionis præter nomen habet, sed idem sentiendi successio veritatem*, inquit Gregor. Nazianz. in Matt. 23. Illi demum in Cathedra Moysis sedent, qui doctrinam Moysis docent; Nec habent hæreditatem Petri, qui fidem ejus non tenent. Quamvis ergo Ecclesia Romana successionem vel personalem, vel localem haberet, frustra esset, nisi successionem doctrinæ & veritatis, quâ ipsam destitui pertendimus, haberet. Ne jam dicamus Successionem etiam personalem sapissimè in Papatu interruptam esse per schismata & dissidia horrenda, quibus laboravit, & per simoniacam variorum Pontificum in Sedem illam pestilentia intrusionem, quæ inanem esse ipsorum de Successione non interrupta gloriationem evincunt. Sed si apud nos Apostolica doctrina retinetur illibata; cur Successionis præjudicio gravare nos volunt, cum penès nos vera & legitima, non penès ipsos sit Successio. Quod si negare velint Adversarii, ad examen Doctrinæ veniendum erit, quod tanto molimine refugiant.

XIII. Ad *Vocationem* verò nostram quod attinet, varia sunt, quæ hic reponi debent. Primò perperam & sine ratione notæ Vocationis nostræ petuntur: Nec enim multum refert, ut populus de ea inquirat, modò illi constet de veritate Doctrinæ, quam proponimus. Sanè si fidem nostram vellemus pendere à vocatione Pastorum, necesse esset de illius veritate persuaderi; sed alia longè est mens nostra. Nec enim sic procedimus, Vocatio nostra est legitima, ergo Doctrina nostra vera est; & audiendi sumus. Sed contrà, Doctrina nostra vera est; ergo audiendi sunt, qui eam docent, ut veritas Missionis & Ecclesiæ pendeat à veritate Doctrinæ, non contrà. Nec enim falsa potest esse Ecclesia, quæ veram & salutarem Christi doctrinam retinet, licèt de cætero vocatio Pastorum aliquid minùs ordinati haberet. Et ut Ministerium est propter doctrinam, non doctrina propter ministerium; Ita inquisitionem Ministerii præcedere debet inquisitio doctrinæ. Quod non ideo à nobis dicitur, quasi quæstionem hanc planè fidelibus inutilem & non necessariam censcamus. Fatemur enim hoc non parum conducere ad boni ordinis conservationem, & legitimorum Pastorum à falsis & adulterinis discretionem. Sed tantum ut ostendamus, primariam aut præcipuam esse non debere, quæ nos sollicitos habeat; sed secundariam tantum & minùs principalem, quæ supponat semper veræ doctrinæ inquisitionem; Illa enim est tantum *Necessitas ordinis*, sine quo salus potest obtineri; sed ista est *Necessitas mediis*, sine quo non pervenimus ad



DISPUT. salutem. Secundò meritò suspecta nobis esse debet hæc agendi ratio, cum  
 VIII. auctores habeat Phariseos, qui ita cum Christo agere solebant, ut in ejus  
 Matt. 21. Vocationem non semel inquirerent. *Quâ auctoritate*, inquiunt, Matt. 21.  
 33. *facis ista, & quis tibi dedit istam auctoritatem?* Tertiò Pontificiorum

minimè omnium decebat hanc Quæstionem nobis movere, quam longè  
 potiori jure in ipsos possumus retorquere; ostendant enim & ipsi vicissim  
 Vocationis suæ veritatem, quâ auctoritate Pontifices, Cardinales, Sacer-  
 dotes &c. talia munera usurpârunt & exerceant, quorum nulla institutio,  
 nullum exemplum in Scriptura potest deprehendi?

Reformato-  
 res nostros  
 non caruisse  
 Vocatione,  
 probatur.

XIV. Sed ut præstius Quæstionem propositam attingamus, quatenus  
 primos nostros Reformatores spectat; Dicimus quartò distinguendos esse  
 Eos, qui publico in Ecclesia Romana Ministerio fungebantur, ab aliis  
 qui merè privati fuerunt. Et ad illos quidem quod attinet, ut quampluri-  
 mi fuerunt, qui ad hoc opus se accinxerunt Archiepiscopi, Episcopi, &  
 Presbyteri, in Anglia, Germania, Gallia, Helvetia, & alibi, non potest de  
 eorum Vocatione dubitari, quando ipsam ab Ecclesia Romana habuerant;  
 Aliàs fateri cogentur, vel suam Vocationem nullam esse & falsam; Vel  
 si vera est, Nostros, qui eâ instructi opus Reformationis sunt aggressi,  
 non sine vocatione hoc fecisse. Neque hîc reponendum 1. Si veram  
 vocationem habuerunt, eo ipso veram fuisse Ecclesiam, quæ illis eam  
 contulit, nec enim falsam Ecclesiam posse dare veram vocationem. Nam  
 si Baptismus verus potest esse in Ecclesia falsa & hæretica, ut suprà vi-  
 sum, quidni etiam Vocatio? Nam ubi est baptismus verus, ibi debet  
 esse legitima administrandi potestas, ubi est illa potestas, ibi est etiam  
 vera vocatio. Nemo sigilla tractare potest, nisi sigillorum Custos. Ne-  
 mo Custos, nisi vocatus; Ita nemo Sacramenta, quæ sigilla sunt fœde-  
 ris, potest administrare, nisi cui tabulæ fœderis sunt commissæ. Nec  
 semper verum, Vocationem veram, supponere Ecclesiam veram. Cer-  
 tum quidem est, ubi nulla est vocatio, ibi nullam esse veram Eccle-  
 siam; Sed non continuò sequitur, ibi esse veram Ecclesiam, ubi est  
 aliqua vocatio. Nam Ecclesia Judaica tempore Regum Idololatrarum,  
 non erat vera Ecclesia, sed non destituebatur tamen vocatione ordina-  
 riâ. Ecclesia Arriana & Nestoriana non erat vera Ecclesia, & voca-  
 tionem tamen veram habuit; Novatianis & Catharis conversis idem  
 servabatur locus, in quo fuerant antequam ad Orthodoxos accede-  
 rent. Unde Canon sextus Ecclesiæ Africanæ sancit, τὸς κληρικὸς τῶν  
 Δονατιστῶν ἐν τῷ κλήρῳ τῆς καθολικῆς ἐκκλησίας ἀναδέχεται ἢ ἐν ταῖς ἰδίαις  
 ἱματίς μένειν, *Ut recipiantur Clerici Donatista in Clero Ecclesiæ Catho-  
 lica, aut maneat in propriis dignitatibus.* Quod fusè persequitur Hie-  
 ronymus in Dialogo adversus Luciferianos. Missio ergo inter eos  
 esse



esse potest, qui tamen vera Ecclesia non sunt, sed Ecclesiarum aliquid retinent, vel Ecclesiarum serviunt; per quos ut doctrina pars, ita etiam vocationis non nihil ad eam doctrinam prædicandam derivatur. Missio non oritur ab Ecclesia ut fonte & principio, sed à Deo per homines etiam malos; Ut diplomata Regia per eum etiam feruntur, qui nihil regium in se habet. Sic ab Ecclesiarum Rom. auctoritate non pendet vocatio, etiam per manus Ecclesiarum Romanarum transmissa; Nec Ecclesiarum, sed Christo, quod in vocatione supererat boni, acceptum ferri debuit, ut aqua per canalem delata, non à tubulo, sed à fonte est derivanda.

XV. 2. Dices, Nostros quidem Vocationem habuisse ab Ecclesia Romana, sed omni illo jure excidisse, quia ab Ecclesiarum Romanarum doctrinâ, ad cujus defensionem vocati erant, defecerunt. Sed tantum abest, ut illos excidisse vocationis suæ jure dici debeat; ut contra certum sit, eos vocationem suam ad proprium & legitimum suum finem retulisse, & sic ritè officio suo defunctos fuisse. Nimirum hic distinguendus est accuratè *finis primarius Dei & Christi vocantis, & finis secundarius hominum*, quorum ministeriò Deus usus est ad vocationem illam conferendam. Fateor non fuisse finem & intensionem eorum, qui ipsos ordinaverant, ut doctrinæ receptæ se opponerent, sed potius ut eam docerent & defenderent, sed respexerunt illi, quod facere omnino tenebantur, ad finem primarium Dei vocantis, Christi institutionem, & muneris sui primariam obligationem & naturam; nimirum ut Evangelium purum prædicarent, & doctrinam à Christo & Apostolis traditam illibatam retinerent & populo traderent. Nec aliter sese gerere potuerunt, nisi hominibus potius quam Deo obedire vellet, & juramentum, quò se Deo vocanti obstrinxerant ad propugnandam & prædicandam veritatem, violarent & rescinderent, ut fidem datam hominibus de propagando mendacio servarent, quod impium est vel cogitare. Si ergo à fine ordinantium aliquo modo deflexerunt, non fuit Vocationis abusus & corruptio; sed potius correctio. Et si aliter fecissent, in Deum, in proximum, in populi Christiani salutem, atque adeò in se ipsos, officiumque suum graviter peccassent. Nec culpandi veniunt, sed laudandi, qui resectis sordibus & corruptelis ab hominibus additis, retinent bonum quod à Christo est institutum, & ad legitimum ordinem omnia revocant.

XVI. Quò verò res clarius evadat, *Vocatio iterum est distinguenda, Alia quæ suâ institutione falsa est*, ut Vocatio Judæorum, Mahumedanorum, & aliorum infidelium, quæ directè tendit ad propagationem Idololatriæ & Impietatis. Alia, quæ institutione suâ quidem sancta est & legitima, sed quæ *abusu hominum corrupta* degeneravit, qualis est Vocatio Pontificiorum. Illa penitus excindenda est & abjicienda, quia nihil



DISPUT.  
VIII.

boni in ea deprehenditur. Sed ista corrigenda & reformanda juxta intentionem primarii Auctoris, ut sublatis corruptelis sola Christi institutio & usus maneat. Quod dum facere conati sunt Nostri, non repugnâsse Vocationi, sed illi potius respondisse censendi sunt: Ita enim ad hoc tenebantur, ut nisi præstitissent, perjurii crimine adversus Deum sese obstrinxissent. Fateor quidem Vocationem istiusmodi, quæcunque tandem sit, etiam corruptissimam, si ad Dei Verbum docendum tendat, inutilem esse ad conciliandam Errori auctoritatem, vel homini in errore manenti gratiam, vel Ecclesiæ per illam prædicationem salutem; Adstringit tamen Vocatum, ut munus suum religiosè & sanctè obeat, & licet passim omnes aliò munus illud convertant; ille tamen si conscientiam suam audit, tenetur ad veritatem indagandam, agnitam amplectendam, pestem arcendam, & salutem gregis procurandam. Quia ipsa Ecclesiæ prima intentio & scopus hoc postulat, hoc ipsa rerum necessitas exigat; hoc Deus ipse, cui magis obediendum quàm hominibus, præcipit; hoc Vocationis ratio petit. Nam si omnes & singuli Christiani, quales, oblata occasione, urgente necessitatis casu, Verbum Dei fratribus annunciare tenentur; multò magis, qui ad id hominum consensu vocati sunt. Nec hujus agendi modi exempla varia desunt, sive in Repub. sive in Ecclesiâ, sive in familia. Si quis Tyranni auctoritate in Senatum cooptatur, eo procul dubio sine ut tyrannidem magis magisque confirmet & illi inserviat, Et poenitentiam postea ducitur; Nonne agnitum Tyrannum ex ratione muneris tenebitur deserere, imò etiam persequi? In Ecclesiâ Israëlita Sacerdotes Levitici, qui ad idola deflexerant, non opus habebant novâ vocatione, ut ad reformationem Ecclesiæ sese accingerent, sed legitimo tantum vocationis exercitio: Ita si qui inter Arrianos, Nestorianos, & Donatistas, Episcopi fuerant, poterant legitimè, imò tenebantur ex vi muneris errorem abjicere & veritatem profiteri. Si servi cum fure, vel Oeconomi cum Adversario colludunt ad Dominum prædandum; nonne licebit ipsis suum errorem castigare, & ad meliorem frugem redire, ut Domino suo fideliter inserviant? Sic neque censendi sunt vocatione sua excidisse, vel nova opus habere vocatione, qui ad sacrum munus vocati erant, ut mendacio obniterentur & profiterentur veritatem. Regeres, Sed obstrinxerunt se Romano Pontifici, cui fidem datam frangunt. &c. Obstrinxerunt se Pontifici, fateor, sed prius Deo, & propter Deum illi: Ita si fidem datam Pontifici deprehendunt *ἀπιστοι* esse cum fide Deo data, illam abrumpere debent, ut istam inviolatam servant. Ita Centuriones in castris fidem Regi & Duci pollicentur, sed primò Regi, dein Duci propter Regem; si verò agnoscant Ducem proditoris reum esse,

&amp; res



& res novas moliri contra Regem, eodem illo, etsi implicito juramento Ducem non tantum deferere, sed & oppugnare tenentur. In malè promissis rescindenda fides; Quæ impia sunt, nec promitti debuere, nec, si promissa sunt, sine impietatis crimine præstari queunt.

XVII. Non potest etiam eorum Vocationem irritam reddere, Vel quòd *Excommunicati fuerint*: Nam Excommunicatio injusta ut brutum fulmen, non eos ferit, nec suum illis potuit auferre Ministerium: Non magis quàm Apostolis nocuit excommunicatio Synedrii Judaici, & Athanasio aliisque Orthodoxis excommunicatio Arrianorum, quod Canones ipsi Pontificii sanciunt. *Caus. 24. Can. Ait Cælestinus*: Vel quòd *Episcopi non fuerint*, sed tantum Presbyteri, qui nullum jus vocandi habuerint: Nam præterquàm quòd non defuerunt etiam Episcopi & Archiepiscopi varii, qui Reformationi manum admoverunt; Cùm nullum sit inter Episcopum & Presbyterum ex jure Divino discrimen; non major illi potest, quàm isti competere vocandi potestas. Vel denique quòd *reordinentur* jam, qui veniunt ex Papatu, quod non fieret, si legitima eorum agnosceretur Vocatio. Nam quod potuit sufficere in Ecclesia corrupta ad eam reformandam, non sufficit in Ecclesia restituta & reformata: Vocatio eorum vera fuit & legitima quoad *substantiam*, sed diversimodè inquinata quoad *modum*, Ita repurganda est à suis sordibus, & nitori suo restituenda, ut retinendo quod superest veri & boni à Christo instituti, respuatur quicquid fallum est & Antichristianum.

XVIII. Ex quibus colligitur Reformatores nostros, qui in Papatu ordinati fuerant, non caruisse Vocatione, quum magnum hoc opus sunt aggressi. Sed quia non illi modò, sed alii non pauci, qui nullo inter Pontificios publicoungebantur munere, in eo etiam laborarunt; Videndum quo jure & qua vocatione instructi id susceperint. Hic autem ante omnia observare licet, Quòd licet Vocatio ordinaria necessaria sit in Ecclesia ad vitandam *ἀταξίαν*, ut omnia fiant in ea *ἐν ὁρθότητι & κατὰ τάξιν* 1. Cor. 14. 40. non tamen eò usque absolute & simpliciter sit necessaria, quasi non liceat privato in ullo casu, vel Verbum prædicare, vel de Ecclesia restituenda cogitare. Nam cùm vocatio generalis Christianorum, & charitatis lex hoc unicuique imponat, ut quibuscunque potest modis salutem suam & proximi promoveat: mirum videri non debet, si occasione oblata quis utatur ad hoc opus exequendum. Maximè si summæ cujusdam & ineluctabilis necessitatis ratio hoc videtur exigere. Nam necessitas multa facit, quæ remota necessitate fuissent culpanda, Ubi nulla urget necessitas, constituta Patrum inviolata servantur, inquit Gelasius. Sed in casu necessitatis, ubi aliter fieri nequit, nullam habet

*Qualis fuerit vocatio Laicorum.*



DISPUT. *Legem necessitas, & ipsa sibi Legem facit* ut habetur in Decreto Gratiani  
VIII.

Caus. 1. q. 1. cap. *Remissionem*, ubi agitur de Baptismo, quem conferri posse à Simoniacis conceditur, non autem Ordines, nimirum quia alia sunt *Sacramenta necessitatis*, alia *dignitatis*. Sic multa licent & laudantur in maximâ Reipublicæ perturbatione, quæ aliàs in statu pacato & bene ordinato non licerent, nec legitimè fierent. Si in Regno conjuratio fit adversus Principem, & si illi, quorum munus erat Conjuratoribus sese opponere, non modò non faciunt, sed ipsi vel stertunt, vel in Conjuratorum partes trahuntur; Nonne licebit bonis & fidelibus Subditis, quantumvis privatis, proditoribus resistere, de auctoritate ipsos deturbare, facere quæcunque necessaria videbuntur ad conjurationem illam dissipandam, & ceteros in obsequio Principis continendos? Sanè quod seditionis & criminis læsæ Majestatis nomine notaretur, si fieret contra Regios ministros, auctoritate sibi concessâ legitimè utentes; Si de proditione constiterit, non crimen, sed actio heroïca censeretur, & obedientiæ exemplum eò nobilius, quò minoris est auctoritatis ille, qui id exequi voluit. Ita si milites hostem in se irruere vident, Duce suo stertente vel languente ad Imperia, vel etiam urbem prodente; An non licebit ipsis Claves proditori eripere, & ad signa etiam nullo vocante convenire? Cùm res ipsa vocat, quid voces, si desunt, moramur? Imò si obedientiæ specie silent & quiescunt, immemores juramenti, perfidiæ & proditionis insimulantur; sola scelerum conscientia inquinat; illam verò nemo purgat, nisi malo pro virili obnitatur. Licet in specula non sis, nec in excubiis, si tamen incendium vides, & vigiles dormire vel silere animadvertis, si non exclamas, reus es; quisque enim incendio grassanti obviam ire pro virili tenetur. Huc referri potest P. Scipionis consilium laudatum à Valerio lib. 5. cap. 7. qui, cum ex Ærario pecuniam ad necessarios usus Reipubl. promi oporteret, idque Quæstores, quia lex prohibebat, agere recusarent, privatus claves poposcit, & legem utilitati & necessitati cedere coëgit. Pontificii ipsi in casu necessitatis potestatem baptizandi concedunt laïco & mulieri, & privato fieri posse confessionem, si desit Sacerdos. Joh. Hier. Albanus de Potestate Papæ & Concilii, Si Papa in hæresim incidat, & Prælati officium facere negligant, Laïcos de Ecclesiæ Reformatione consilium inire posse fatetur. Distinguendus ergo hîc venit duplex *Ecclesiæ status*, vel bene ordinatus & constitutus; vel confusus & perturbatus. Fateor in priori non licere privato laïco sacra tractare, neminemque sine prævia vocatione legitima Ecclesiæ clavum & regimen invadere debere. Sed alia est ratio posterioris: Nam in perturbato Ecclesiæ statu, sat juris est cuique ex vocatione generali, & charitatis lege ad rejiciendos errores, & veritatem amplectendam & profitendam. Et si, ut bene Jurisconsulti ob-

servant,



servant, *nulla datur obligatio ad illicita*; Quis dixerit fideles ad mendacium propugnandum obligatos fuisse? Quis non contrà fateatur, indispensabilem illis necessitatem fuisse impositam mendacium rejiciendi, & veritatem publicè defendendi? Hæc verò fuit temporum illorum ratio: Ita omnia erant perturbata, ut Rectores Ecclesiæ, quorum erat Erroribus grassantibus sese opponere, & lupos ab ovili Domini arcere, non modò non facerent, sed & ipsi in lupos conversi gregem Dominicum vastarent, & Christi legitimi ac unici Regis auctoritatem nefariè usurparent, & si qui de officio monere eos vellent, non tantùm non audirent, sed ferro flammisque persequerentur. Quid hic faciendum fuit Majoribus nostris, qui gravissimum hoc malum perspectum habebant? An manendum illis fuit sub jugo illo Antichristi dirissimo, ubi pereundum illis fuisset necessariò? An non licuit, postquam omnem spem Reformandæ Ecclesiæ viderunt decollatam, maturè se ab exitio præsentissimo subducere, & salutis suæ per justam secessionem prospicere? Ni hoc fecissent, summo se obstrinxissent scelere, & in Deum ingrati & injurii, certissimam in se perniciem accersivissent.

XXI. Uno verbo, si unusquisque ad profitendam veritatem necessariò obligatur, nec jus ullum habet ad mendacium retinendum & docendum, quisquis mendacium docet, nullam ad id missionem legitimam potest habere. Contrà qui Veritatem prædicat, non modò jus & vocationem habet eam proponendi, sed & ex officio indispensabili tenetur. Ita quamdiu Rectores Ecclesiæ docent veritatem quam Christus tradidit, jus habent illud præstandi, nec potest in dubium vocari eorum Vocatio. Sed si mendacium docent, impossibile est eos ad id vocari à Christo. Ut ergo agnoscat, à quorum partibus stet legitimè Vocatio & Missio, non ad formulas externas ordinationis, quæ nihil est sine veritate, attendendum est: sed respicienda est unicè Veritas, nam ut qui pro veritate militat, ex Deo est, & ad id ab ipso vocatur: Ita qui eam oppugnat, non potest à Deo esse, nec ab ipso ad id vocari. Quod non ideo dicimus, quasi vellemus liberum esse & integrum cuivis sese ingerere omni tempore & casu ad functiones Ministerii publici. Scimus Deum esse Deum ordinis non confusionis, nec ordinem, semel in Ecclesia sancitum, sine absoluta necessitate esse violandum. Sed hoc tantùm volumus, veritatem non propter ordinem datum esse, sed ordinem propter veritatem, atque ita ordinem veritati cedere debere, non veritatem ordini, quum veritas & ordo non possunt simul subsistere. Dum ergo qui ex ordine recepto vocantur ad veritatem docendam, ritè officio suo funguntur, nemini licet eos turbare, vel intrudere se in Ministerium. Sed si eo miserè abutantur, & tantùm abest ut doceant veritatem, persequuntur eos, qui eam sequuntur, & mendacium per-



DISPUT.  
VIII.

persuadere conantur; Nemo est qui jus non habeat illis resistendi, & veritatem pro virili promulgandi & amplectendi, à quocunque nobis proponatur: Nec ulla datur circumstantia locorum, temporum, personarum, quæ impediatur, quo minus obligemur ad veritatem sequendam, & quæ efficiat, ut debeamus sequi eos qui eam oppugnant, quacunque jactent se instructos esse vocatione. Alias dicendum esset, vel eos, qui ordinationem non acceperunt juxta ritus receptos, non posse veritatem unquam docere, vel veritatem non esse amplectendam, quoties ab iis proponitur, qui ordinationem non habent, quod utrumque & sanæ rationi, & experientiæ repugnare certum est. Rursus, si ex necessitate missionis pro Ecclesiâ Romanâ quis pugnaret, dicendum erit. Vel nullos ex iis, qui missionem habent posse errare: Vel licet errent, non minus sequendos tamen esse, quod utrumque etiam pietati, & rationi adversari nemo non videt. Hunc autem statum esse controversiæ inter Nos & Pontificios proclive est cuivis agnoscere. Donec ergo non demonstrant nobis, Veritatem penes se esse, & mendacium penes nos, non possunt obtendere nobis defectum Missionis, qui pertendimus, Veritatem à partibus nostris stare; & Mendacium apud Adversarios. Sic necesse est ad Examen Doctrinæ venire, ut constet quibusnam jus competat prædicandi.

XX. Verum quidem est neminem prædicare debere, nisi mittatur *Rem. 10. 15.* ex Rom. 10. Sed non semper externè & mediata ab hominibus sit missio, sed aliquando internè & immediata à Deo. Quum tolerabilis est Ecclesiæ status, nullaue urget necessitas, εὐταξίας ratio, fateor, postulat, ut ordo receptus, qui à Deo institutus est, & hominum ministeriò peragitur, seruetur. Sed in casibus summæ & ineluctabilis necessitatis, & in deplorato rerum statu, qualis iste fuit, quum nullus amplius locus ordini relictus est; Necessitatis lex, seu potius Deus ipse, qui homines in istam necessitatem compulit, non modò non vetat, sed etiam præcipit & potestatem dat ea procurandi, quæ faciunt ad salutem propriam, & proximi ædificationem, etiam cum ordinis illius neglectu, si modo ordinario & consueto haberi non possint. Sic si aliquis in remotissimas orbis terrarum plagas tempestate delatus esset, inter populos planè barbaros, apud quos nullum esset Christianæ Religionis vestigium; An sacrilego silentio premere debebit mysteria Evangelica; Nonne ex charitatis lege tenebitur Infidelibus illis convertendis operam dare, & si labori ipsius Deus eatenus benedicit, ut plures adducat ad fidem; An non licebit ipsi Coetum colligere, Ecclesiam constituere, & Pastoris ordinarii ex ipsorum voto apud ipsos fungi officio? An Patriam repetere prius tenebitur, ut juxta ritus receptos consecratur? Quid si in Patriam redeundi denegatur illi facultas, an satius esset pati potius lumen Evangelii



extingui, & gregem dissipari, quàm ut Pastoris munere fungeretur, & DISPUT.  
VIII.  
tam insigne opus defereret?

XX. Rem autem non modò ita se habere posse, sed & contigisse sapius testatur historia Apostolica & Ecclesiastica. Sic Act. 8. Fideles post mortem Protomartyris Stephani, huc illuc vento persecutionis dispersi, Evangelium prædicant, & multos ad fidem adducunt v. 4. & cap. 11. 19. 20. Act. 8. 4.  
11. 19.  
20. Apollos edoctus viam Dei per Priscillam & Aquilam, nullâ aliâ munitus vocatione, Judæos convincit per Scripturas demonstrando Jesum esse Christum cap. 18. 25. 26. Sic Theodor. lib. 1. cap. 22. refert tempore Constantini M. *Ædesium & Frumentium* fratres delatos in Indiam, & à Barbaris longâ servitute detentos, multos ex illis, & Regem præ cæteris ad fidem Christi convertisse, & ita cœpisse Cœtus cogere, Ecclesias instituere, ut istic cultui sacro vacarent. Idem cap. 24. narrat, sceminam captivam inter Iberos conversionis ipsorum fuisse causam, Reginâ primùm ad fidem Christi adductâ, & per Reginam Rege, & sic Rex *Apostolus gentis sue factus est*, inquit Rufinus lib. 10. cap. 11. Et quum Valentis tyrannide duo Macarii Ægyptius & Alexander Monachorum Patres in Insulam Paludium relegati essent, exilii necessitate in beneficii occasionem versâ, brevi effecerunt, ut Insulares baptismo consecrarentur, *Theod.* lib. 4. cap. 1. Plurima possent afferri exempla ejusmodi hominum privatorum, quorum operâ conversi sunt ad fidem Christi plurimi. An mirum ergo videri debet, si quidam ex Reformationibus nostris in eo statu constituti, tale quid fuerint aggressi, summâ id exigente necessitate, quum nulla alia apparebat vel libertatis vel salutis via? Maximè cum dona illa eximia & singularia, quibus eos instructos Deus voluit, rara eruditio, ingenii acumen maximum, judicium subactissimum, constantia & patientia invicta, zelus ferventissimus, & alii motus heroïci & planè extraordinarii, quibus Reformationem cœperunt, promoverunt, & tandem perfecerunt, adversus omnes contradicentium artes & molimina, fuerint veluti sigilla authentica divinæ eorum Vocationis: cum neminem lateat, magna illa dona nunquam à Deo conferri, nisi ad magnum & extraordinarium aliquod opus; Quibus adde successum admirabilem & planè stupendum, quem Deus eorum laboribus largitus est, in quo Providentia prorsus singularis & admirabilis ita apparet conspicua, ut neminem latere possit, nisi eos, qui fascino superstitionis & odio veritatis sunt excæcati. Denique si quid desiderari potuit in hac prima vocatione, facilè suppletum fuit, tum Ecclesiæ consensu & succedente approbatione, tum auctoritate publicâ Magistratuum & Populorum, ut hic nihil habeatur, quod carpere possint Adversarii, nisi doctrinam à Nostis traditam falsam esse & corruptam, quod in æternum nunquam sunt demonstraturi, ostendant.



DISPUT.  
VIII.

XXI. Dices fortè varias illas corruptelas, quas in Ecclesia Romana fuisse pertendimus, potuisse quidem Majoribus nostris occasionem dare eas rejiciendi, & se ab illis immunes præstandi per *Secessionem negativam*: Sed non statim jus potuisse conferre Cœtus segreges cogendi, & novum Ministerium in illis instituendi, quod sine auctoritate publica fieri non potuit; nisi velimus ἀταξίαν inducere in Ecclesiam. Verùm facile est hoc telum repellere; nam ut non dicamus hoc locum non habere in illis Ecclesiis, quæ ab Episcopis, Presbyteris, & aliis Romanæ Ecclesiæ Rectoribus reformatæ sunt; Quæ rationes Secessionis negativæ necessitatem imposuerunt fidelibus; Eadem Secessionem positivam & patientem exigunt, ut Conventus fiant publici, ubi Verbum prædicetur, & Sacramenta administrantur: Nec tantùm hoc jus censendum est, cujus usus penès ipsos positum sit, sed officium & obligatio arctissima, & quæ, nisi absoluta sit impossibilitas, est indispensabilis. Hoc natura fidei exigit, quæ ut corde retinetur, ita per confessionem apertam declaratur. Hoc pietas postulat, quæ cultum non tantùm internum cordis, sed & externum corporis complectitur. Hoc Charitas jubet, ut salutem proximorum non minùs ac nostram sedulò promoveamus. Aliàs nisi hoc liceret, quid tandem illis fidelibus præstandum foret? an perstare deberent in Communione Romana erroneâ & idololatricâ? Sed hoc conscientia ipsorum non patitur, quia ore negarent, quod corde credunt. An potiùs deberent manere sine Pastoribus & ullo cultu externo, & expectare, donec Deus alios extra ordinem excitaret, quàm ut jus sibi arrogarent congregandi Ecclesias & creandi Pastores? Scio quidem hoc satiùs visum *Auctori Prajudiciorum* cap. 7. pag. 155. sed nihil dici potuit absurdius & magis inconsideratè. Quid enim? An satiùs erit dispersos manere fideles tanquam oves palantes sine Pastoribus, & sine cultu ullo externo manere, atque ita pati lucem Evangelii, fidem & pietatem intercidere, quàm Cœtus publicos cogere, & Pastores præficere, qui illis præsent; An satiùs erit, quod præcipuum est omittere, & sine quo Ecclesiæ societas stare nequit, quàm non observare ordinem aliquem receptum, quum eò res devenit, ut observari nequeat? An satiùs erit Religionem omnem de mundo tolli, vel saltèm ex aliqua regione, quàm Verbi Præconium aliquod habere, quantumvis citra ritus consuetos, quia usurpari non possunt; Non crediderim quemquam pium & fidelem hoc apud se facillè statuere posse. Imò quivis videt gloriam Dei & salutem fidelium exigere contrarium; nullâ præsertim lege id prohibente: Et si maximè aliqua daretur, casu necessitatis exceptionem & dispensationem à Lege faciente. Neque hìc reponendum, ad Privatos & Laicos non pertinere publicam Ministerii institutionem; Ita non potuisse



potuisse vocari & mitti Pastores nisi à Pastoribus. Nam licèt hoc in Ecclesia constituta & bene ordinata obtineat; Non ideo debet semper locum habere in Ecclesia corrupta & restituenda. Et hoc eò faciliùs admitti debet, quòd certum sit & indubitatum, ut pluribus ostendi posset, si instituti nostri ratio id pateretur: Jus Vocationis Pastorum, quod à Christo datum est Apostolis, & per eos Ecclesiæ; non pertinere ad solos Pastores, seu Ecclesiam *representativam*; Sed *primariò & radicaliter* residere in societate fidelium, seu Ecclesiâ *collectivâ*, quæ illud quidem ad meliorem ordinis observationem in Pastores seu Synedrium transtulit; ita tamen ut illo se penitus non abdicârit, quin nomine & auctoritate suâ semper exerceatur, & quin possit eò uti, quando illi, quibus hoc commisit, perperam eo abutuntur ad mendacii propagationem; ut solidissimè hoc, ut cætera omnia, exequitur Celeber. *Claudius* in eximio Opere *Defensionis Reformationis*, non ita pridem edito gallicè, P. IV. cap. 3. & 4. Vide etiam quæ à nobis dicta sunt *Institu. Elenct.* P. III. Loco 18. Quæst. 24. de jure vocationis Pastorum. Licèt ergo Pastores Evangelici vocationem non habuerint ab aliis Pastoribus, (quod de quibusdam tantùm dictum volumus, plerique enim, ut diximus, à Pontificiis ordinati erant) non minùs tamen legitimè potuerunt vocari ab Ecclesia in casu extremæ necessitatis, quem ponimus.

XXII. Frustrà ergo pertendunt Pontificii, non potuisse Laicos Ministerium obire, vel alios ad Ministerium vocare, dando illis auctoritatem, quam non habebant. Pari enim ratione dici posset Populum, qui Rege destituitur, non posse unquam Regem sibi eligere, quia sic auctoritatem supremam communicaret alteri, quam non habet, vel Cardinalium collegium, quod caret Pontifice, non posse creare Pontificem, quia nemo ex ipsis auctoritatem Pontificiam obtinet. Sed ut facilè respondebitur, Et Populum & Cardinales, licèt Rege & Pontifice destituantur, habere tamen jus eligendi: Ita de Laicis dicendum est, eos, licèt Pastores non sint, habere tamen jus eos eligendi, quia quamvis Ministerium non habeant quoad usum & exercitium, habent tamen quoad jus collationis ex institutione Christi, qui Ecclesiam voluit hoc jure donare, Ut sanè auctoritas ministerialis propriè & primariò non est Pastorum, qui eam exercent, sed Corporis Ecclesiæ, ad cujus ædificationem Ministerium instituitur, & societatis fidelium, qui sunt pars potissima & essentialis Ecclesiæ, & ad quam ideo præcipuè pertinent promissiones Christi, & gratiæ, quas communicat Ecclesiæ suæ; inter quas auctoritas ministerialis locum primarium obtinet, ut quæ imprimis est necessaria ad ejus ædificationem. Hoc tamen ita intellectum volumus, ut locum demum habeat in casu summæ necessitatis, ubi Pastores legitimi desunt, & Ecclesiæ status est corruptus, vel perturbatus;



DISPUT. batus; aliàs ubi omnia sunt bene ordinata, non possunt legitime laici vel  
VIII. Ministerii partes assumere, vel alios ad illud vocare, quia hoc esset ordinem bene positum sine necessitate violare.

Qualis sit  
Vocatio Re-  
formato-  
rum, Ordi-  
naria, an  
Extraordi-  
naria.

XXIII. Atque hinc non obscure colligitur, Qualis dicenda sit illa *Vocatio*, An *Ordinaria*, An *Extraordinaria*. Nam juxta varios vocum istarum sensus potest dici, vel *Ordinaria*, vel *Extraordinaria*, vel ex utraque mixta. Si *Ordinarium* dicitur, quod ordini primitus & divinitus instituto est consentaneum; potest dici *Vocatio Ordinaria*. Sed si æquivocè proco sumitur, quod inveteratâ consuetudine, qualiscunque ea sit, publicè est receptum; *Extraordinaria* dicenda erit, quia plurimùm abfuit ab ea consuetudine & more, qui in Ecclesiâ Romanâ inoleverat. Rursus *ordinaria* potest dici quoad *to materiale*, sive functiones ordinarias Ministerii à Christo instituti, Verbi scilicet Præconium, & Sacramentorum administrationem. Sed *Extraordinaria* quoad *to formale*, seu electionem & consecrationem, atque adeò illius *exercitium* & applicationem, quatenus eos Deus extra ordinem suscitavit, & donis heroïcis & extraordinariis instruxit ad Antichristum debellandum. Tertiò *Ordinaria* quoad *ius* perpetuum & indispensabile, quod fidelibus competit, Errores & Idololatriam rejiciendi, & Veritatem profitendi; Imò quoad officium, quod tum fideles, tum Pastores ipsos spectat ex Christianismi Lege, sese ab Antichristi jugo subducendi, & Christo legitimo Domino fidem & obsequium addicendi. Sed *Extraordinaria* quoad *modum*, quia non facta est interventu Ministerii ordinarii, (loquor de Laïcis, qui manum Reformationi adhibuerunt) sed præter ordinem receptum, propter casum summæ necessitatis fieri debuit. Denique potest dici *Extraordinaria*, Non ratione *Doctrinæ*, quasi nova doctrina prædicata sit, Vel ratione *Muneris* quasi officium merè novum usurpârint, cujusmodi fuit munus Apostolicum. Sed ratione *Actûs vocandi*, quia non consueto modo factus est, non neglecto ordine, sed quia violatus erat & corruptus, non observato. Vide quæ fusiùs dicta sunt Instit. P. III. Loc. 18. Q. 23. & 25.

XXIV. Si verò Extraordinariam censemus eo sensu fuisse. Non continuò sequitur, *miraculis* eam debuisse confirmari. Nam quævis vocatio extraordinaria non habet miracula, ut in variis Prophetis, & Joanne Baptista visum, qui, licèt vocati extraordinariè, nulla tamen fecisse leguntur miracula. 2. Alia est Ecclesiæ de novo constituendæ: Alia Ecclesiæ Reformandæ & restituendæ ratio. Nam ad primam Christianismi constitutionem, ubi abrogandus fuit Dei cultus antiquus per Mosem institutus, & novus instituendus, & Gentes ab Idolis ad verum Deum convertendæ; opus fuit immediatâ & planè extraordinariâ vocatione, quæ per miracula debuit confirmari, ad fidem eò magis adstruendam prædicationi



dicationi Apostolorum; *Deo illis testimonium perhibente signis & prodigiis* &c. Heb. 2. 4. At ubi nova doctrina non proponitur, sed quæ corrupta fuit & obscurata, repurgatur tantum, & illustratur, ut in Reformatione factum; Non opus fuit miraculis novis, sed solâ Verbi prædicatione; Eadem enim miracula, quibus Christus & Apostoli suam confirmarunt doctrinam, nostram etiam, quæ eadem est, confirmant. Ne jam dicamus successum admirabilem Reformationis, & conversionem Mundi tantum esse miraculum, ut qui mundo credente, prodigia adhuc quærit, ipse sit prodigium, ut loquebatur Augustinus.

XXV. III. Objectio contra Secessionem petitur ab Exemplis variis tum Veteris tum Novi Testamenti, ex quibus patet, fideles ab Ecclesiâ corruptâ non statim secessisse. Sic in Veteri Testamento Moses & Prophetæ idololatricis temporibus nova non erigebant altaria, ut ordinaria celebrarentur sacrificia. Fideles non secedebant ab Ecclesiâ, quamvis idolotrica, ut Coetus separatos ab ea cogerent, & novum Ministerium instituerent. Tempore Christi Ecclesiâ Judaica corruptissima fuit; Nec videmus tamen Simeonem, Zachariam, Annam &c. eam deseruisse. Nicodemus, qui Discipulum Christi se profitetur, non secedit à Judæis, & noctu tantum ad Christum accedit. Paulus ipse legitur Ritus & Cæremonias Judaicas, etiam post earum abrogationem observasse, circumciso Timotheo Act. 16. nuncupato voto & suscepta purificatione Act. 21. Patres ante Reformationem potuerunt manere in Ecclesiâ Romana, & in ea salvari, quidni & nobis idem præstare liceat?

III. Obje-  
ctio ab  
Exemplis  
Veteris &  
Novi Testa-  
menti.

XXVI. Ad hoc verò in genere Respondemus, Leges hic attendendas esse, non Exempla. Nec enim, quod ab hoc vel illo fidei factitatum est, statim potest aut debet in imitationem trahi. Itaque licet nonnulli in Ecclesiâ corrupta versantes de Seccione non fuerint solliciti; Non sequitur idem à nobis sine vitio præstari potuisse. Non tam respicere debemus quid ante nos factum sit, quàm quid nobis ex officio agendum incumbat. 2. Ad Exemplum Moïsis & Prophetarum & cæterorum fidelium Veteris Testamenti, vide quæ dicta sunt Disp. II. Th. 6. 7. 8. 9. 10. Paucis observamus, Fideles tunc temporis secessisse ab Idololatriis saltè negativè, ut patet in 7000. qui genua non flexerunt Bahali. Imò non paucos etiam secessisse positivè, ut Eliam, qui in desertum secedit, ne idololatria pollueretur, Mosè & Levitas, qui ultionem sumunt de Idololatriis Exod. 32. 26. & Prophetas, quoties invehebantur in peccata populi, & idololatriam illi suam exprobrabant. Deinde, alia fuit temporis illius, alia istius ratio. In illo Deus cultum suum ita uni loco addixerat, ut nefas esset aliò convenire, vel sacra facere. Sed jam ubi vis possumus puras manus ad Deum attollere, & Deum



DISPUT. adorare in spiritu & veritate Jo. 4. 23. & 1. Tim. 2. 9. Tertiò licèt idolo-

VIII. latria obtineret inter Israëlitas, dum populus ad Regum exemplum componebatur; non tamen eatenus invaluerat, ut in legem abiret; ita ut populus per vim ad eam adigeretur. Quod etiam locum habere debet respectu Ecclesiæ Judaicæ tempore Christi, quæ utut varios abusus & corruptelas haberet, sola tamen adhuc erat Ecclesia, solum Templum, in quo ritè sacra fieri poterant; Ideo in ea poterant fideles adhuc sine crimine manere; Imò & debebant ad instar Christi cultum Mosaicum observare, & ipsos Phariseos docentes, & in Cathedra Moysis sedentes, audire; modò ab eorum fermento sibi caverent. Sed ex quo Christus cultum Mosaicum abrogavit, & Evangelicum instituit; Ex quo Ecclesiam Christianam fundavit; Christo renunciaret, qui vellet adhuc τῇ σκηνῇ λατρεύειν, Heb. 13. 10. retinendo cultum Mosaicum.

XXVII. Ad exemplum *Nicodemi* &c. Nicodemi timiditatem, quum *Joan. 3. 1.* noctu venit ad Christum Joan. 3. 1. non posse hîc favere Neutralium, & Pseudo-Nicodemitarum tepori; quia si ab initio aliquam pusillanimitatem exhibuit, quæ culpanda omnino fuit, eam tandem contemptis omnibus periculis generosè superavit, quum se junxit Josepho Arimatheensi ad Domini sepulturam Joan. 19. Hîc itaque distinguendus nobis *Nicodemus Judaizans*, & adhuc Neophytus, & *Nicodemus Christianus* & confirmatus; Ille ignorantia adhuc detentus timet, & noctu tantùm ad Christum venit: At postquam fide illuminatus fuit, palàm & interdiu confitetur, idque tempore magis formidoloso, quàm fuisset antea, in morte scilicet Christi, quum ipsi discipuli fugiebant, & omnia desperata videbantur: Tunc fidem profitetur coram omnibus, non refugit odium, probrum & infamiam non metuit, persecutiones non reformidat. Hoc scilicet est Nicodemizare, si Nicodemum Christianum aspicimus. Cur ergo isti, quod fecit Nicodemus, ignorantia suæ tempore imitari volunt, exemplum autem, quod fide jam donatus prodit, dissimulant ad se pertinere?

XXVIII. Ad *Paulum* quod attinet, Cæremonias adhuc observantem &c. discrimen esse longè maximum in Exemplis. Nam Cæremoniæ illæ Legales, quas Paulus observabat, erant à Deo institutæ: At ritus Papales sunt humanitus conficti, & in Ecclesiam introducti. Cæremoniæ illæ, licèt jam abrogatæ essent de jure per mortem Christi, nondum tamen erant de facto. Itaque tempore Apostoli indifferentes erant & mediæ, usque dum plenè abrogarentur, nec damnabantur in Evangelio, nisi quatenus cum opinione necessitatis & meriti observabantur. At ritus Papales sunt illiciti, & Verbo Dei damnati, quibus proinde nunquam licet communicare. Tria ergo hîc *Cæremoniarum* tempora distinguenda: Primum, quò *vivæ* & *necessariæ* erant ex ordine Dei. Secundum, quò factæ sunt



sunt *mortua* & *adiaphora* post mortem Christi, quæ finem umbris im-  
posuit. Tertium, quò *mortifera* sunt & exitiales, post prædicationem  
plenam Evangelii. In primo debebant retineri; In secundo poterant usur-  
pari, modò id fieret ex charitate. In tertio nefas est iis ampliùs uti. Hinc  
factum ut Apostoli in secundo hoc intervallo caeremoniis Mosaicis non-  
nunquam usi legantur per Christianam *συγκατάβασις*, ut Judæis infirmis  
se se accommodarent, & Synagogam honorificè sepelirent; quod præci-  
puè Paulum fecisse observamus, qui omnia omnibus & Judæis Judæum se  
faciebat, ut aliquos lucraretur, 1. Cor. 9. 20. Sed tum demum, quum  
res illi erat cum fratribus infirmis; Nam alibi quum agendum illi fuit cum  
Pseudo-Apostolis, constanter eas repudiat, ne ad momentum quidem  
ipsis cedit Galat. 2. 9. Unde qui voluit circumcidi Timotheum Act. 16. 3. *Gal. 2. 9.*  
noluit tamen circumcidi Titum Gal. 2. 3. Idem de Tonsura & purificatione  
Pauli Act. 18. & 21. 26. dicendum. Hæc enim usurpat ut res medias ex  
charitate, sociis suis se accommodando, ne videretur Mosis Legem velle  
pervertere. Sed quid hoc ad Idololatriam Papalem? quasi nihil differant,  
Tondere se, & Genua flectere coram Idolo. De Patribus ante Reforma-  
tionem dictum Disp. VI. th. 32. &c.

XXVIII. Non omittenda est hic objectio, quæ solet identidem  
adversus Secessionem nostram, ut schismaticam & injustissimam fieri, quæ  
petitur ex *Schismate Donatistarum*, quasi rei simus criminis, quod me-  
ritò illis impingitur. Sed quis non videt longum latumque discrimen in-  
tercedere inter nos & ipsos in hac parte? Primò quia Donatistæ non ac-  
cusabant Ecclesiam, à quâ secessionem fecerant, ullius erroris in doctri-  
na, vel depravationis in cultu. Nam quoad validitatem vel invalidita-  
tem baptismi hæreticorum, agnoscebant utrinque, non esse causam  
sufficientem separationis, nec super illam secessionem suam fundabant  
Donatistæ. ut Augustin. non semel observat cont. Cresco. lib. 2. cap. 3. &  
epist. 48. Sed tantum, quòd inter Episcopos suos retinerent *Traditores*,  
vel ordinatos à Traditoribus, id est, qui libros sacros tradiderant persecu-  
toribus comburendos. Quales erant *Cæcilianus*, qui accusabatur, quasi  
tempore persecutionis libros sacros tradidisset comburendos, quod tamen  
falsum erat; Et *Felix Aptungitanus*, qui Cæcilianum ordinaverat in *Men-  
sorii* locum. Verùm quis ignorat, nos Ecclesiæ Romanæ impingere va-  
rios errores gravissimos, & idololatrias crassissimas, quæ cum salute con-  
sistere nequeant? 2. Donatistæ sese ab Ecclesiâ segregaverant, secessio-  
ne voluntariâ, nulla ad eam vi vel persecutione adacti, Ecclesiâ ipsis  
identidem communionem suam & pacem offerente. Sed hic volun-  
taria non fuit, sed coacta Secessio nostra; Ecclesia Romana ipsa nos à se  
separavit, nos proscripsit, & anathemate feriit, quia volebamus retinere  
& pro-



DISPUT.  
VIII.

& profiteri ejus errores, & etiamnum hodie, quo præ se fert velle nos ad se revocare, oppugnat doctrinam nostram, ut hæreticam & ad ejus ejerationem cogit quotquot ad ipsam accedunt. Quis non videt duas istas differentias reddere secessionem Donatistarum schismaticam & injustam, & nostram non modò innocentem, sed & absolutè necessariam? Peccatum quod Ecclesiæ impingebatur à Donatistis; fuit factum Cæciliani, quod nec probatum à Donatistis, nec confessum ab Orthodoxis, atque adeò verum non erat; nec si verum fuisset, poterat justam secessioni causam dare, quia factum erat merè personale, cujus Ecclesia Catholica non erat rea, nec Donatistæ obligabantur ad illud probandum vel sequendum, si voluissent ad eam redire. Verum Nos, qui accusamus Ecclesiam Romanam variorum errorum, qui certò persuasi sumus esse idololatriæ ream; Nos qui accusamur ab Ecclesiâ Romana hæresis: Quomodo possumus ad eam redire sine salutis aperto discrimine, coacti quippe profiteri doctrinas, quas falsas & hæreticas credimus, cultum observare, quem scimus esse illicitum, & ejerare doctrinas, quas verissimas esse ex Dei Verbo persuasilissimum habemus.

Pro Syncretismo  
urgetur. 1. Pax  
Ecclesiæ.

XXX. Sic contra Secessionem disputant. Videndum jam quid pro Syncretismo soleat afferri. Varia enim etiam proponuntur in eam rem argumenta. Primum petitur à *Pace Ecclesiæ*, quæ toties nobis commendatur à Christo. Nam si pacem cum omnibus quærere & procurare debemus, si proximum etiam errantem diligere tenemur. Quidni Syncretismum cum eo fovere poterimus? *Speciosum quidem est nomen Pacis*, inquit Hilarius, *& pulchra opinio unitatis, sed quis ambigat eam solam unicam esse Ecclesiæ pacem, quæ Christi est?* Quòd si talis pax per Syncretismum haberi queat, ultrò largimur modis omnibus esse quærendam. Sed si sine præjudicio veritatis & pietatis obtineri non potest; Quis dixerit pacem talem optandam esse vel quærendam? Fateor, si pacificandæ Ecclesiæ vera & seria fieret mentio, nullum pium esse debere, qui libenter aures animùmque non accommodaret. Nemo enim est vel mediocri pietatis sensu præditus, quem non excruciet fœda hæc & horrenda Corporis Christi laceratio. Sed si hoc prætextu homines astuti se insinuant, ut à sincerâ Christi doctrinâ nos abducant, quis vellet pacem hominum redimere, Pacis divinæ dispendiò? Optandum sanè super omnia, ut pax cum omnibus colatur, sed *ei δύνατον*, inquit Paulus Rom. 12. si gloria Dei, si ratio Veritatis & salutis nostræ hoc patitur, si pax divina non rescinditur; quod hîc fieri non posse, rebus sic stantibus, persuasum habemus. Nec aliter de *Proximi dilectione* ratiocinari debemus. Eatenus sanè proximum diligere tenemur, ut nihil omittamus ex iis, quæ possunt facere ad promovendam ejus salutem, errantem convertendo ad veritatem, infirmum & docilem cum omni lenitate tractando,



tractando, Rom. 14. 1. Gal. 6. 1. Sed semper meminisse debemus hoc fieri debere usque ad aras, id est, ut amor Dei & obedientia illi debita non la-  
datur, quod fieret tamen, si eam extenderemus usque ad Syncretismum  
cum hostibus Christi, & cum illis, qui errant fundamentaliter, quod ex-  
pressè Paulus vetat 2. Cor. 6. 16. 17. dum *fideles cum fidelibus consociari*  
prohibet. Rom. 14. 1.  
Gal. 6. 1.  
2. Cor. 6. 16.

XXXI. Secundò Paulus docet communionem coli posse cum fratribus errantibus, quum vult fratres infirmos tolerari Rom. 14. 1. Phil. 3. 14. 15. nec abnuat etiam graviter errantes posse servari, quum ostendit eos, qui fundamento superædificant scænum, stipulam &c. posse tamen, licet ægrè, servari, *ὡς δὲ πύργος* 1. Cor. 3. 12. 13. Unde colligunt, nihil ob stare quo-  
minus communionem colamus cum Pontificiis, etiam ex nostra sententia, errantibus. R. Ut solvatur difficultas, distinguendi sunt *Errores*, ut & *Articuli fundamentales*, à *non fundamentalibus*: Ut enim non omnes veritates sunt ejusdem necessitatis: Ita nec omnia vulnera, quæ veritati infliguntur, statim sunt lethalia. Nec omnis morbus statim est fonticus. Hinc error duplex potest distingui; Alius *Capitalis & fundamentalis*, qui cor ipsum Religionis & fidei petit, & qui articulum aliquem fundamentalem oppugnat & evertit. Alius levior & *non fundamentalis*, qui veritati quidem in Verbo revelatæ repugnat, sed minus necessariæ, & qui non statim errantem salute privat. Fateor posse communionem coli cum Errantibus posteriori sensu: Sed negamus priori, de quo hic potissimum quæritur; cum Errores Pontificiorum sint capitales & fundamentales, ut supra visum. Unde loca Pauli aliena sunt, utpote quæ agunt de fratribus infirmis, qui errant in rebus levioris momenti, quales erant illi, qui tunc non satis adhuc edocti de natura libertatis Christianæ, Cæremoniarum usum nondum poterant abjicere. Tales, fateor, tolerari possunt, non ut probentur & adoptentur eorum errores; sed ut, non obstantibus illis, charitas Christiana cum illis foveatur, donec majori luce à Deo donentur ad fidei confirmationem. Quò spectant verba aurea Pauli ad Philip. 3. 14. 15. *Quotquot sumus perfecti, idem sentiamus, & si quid aliter sentitis, Deus vobis revelabit, Interim in eo ad quod pervenimus eodem incedamus Canone.* Sed malè & perperam hæc referas ad eos, qui Capitales & fundamentales foveant Errores, qui cum vera in Deum fide & salute sunt *ἀκούστοι*; quod Pontificios præstare credimus. Rom. 14. 1.  
Phil. 3. 14.  
1. Cor. 3. 12. 13.

XXXII. Non magis appositus est alter, quò utuntur, locus ex 1. Cor. 3. 13. 14. Nam certum est Paulum non loqui de illis, qui errant fundamentaliter; cum dicat eos retinere fundamentum, & salutis tandem fieri compotes. Sed de aliis, qui levius errando, & Doctorum officio non ritè defungendo, mercede speratâ, sed non statim salute multari debebant, servandi *ὡς δὲ πύργος*, id est ægrè & non sine difficultate,



DISPUT.  
VIII.

animam pro spolio habentes, ductâ scilicet loquutione ex communi apud omnes diverbio, quô is, qui ægrè servatur, dicitur *creptus quasi ex incendio*, δαλὸς σωθεὶς ἐκ πυρὸς. Nimirum Apostolus ibi agit de Doctoribus & Ministris Evangelii, quos Architectis comparat, qui debent fundamento semel ab Apostolisposito superstruere doctrinam Evangelicam ad ædificationem fidelium. Ex iis verò alii fideles & genuini Doctores sunt, qui veram, salutarem, & ipsi fundamento homogeneam & convenientem doctrinam superædificant, quæ nomine *auri, argenti, & lapidum pretiosorum* venit, allusivè ad Is. 54. 11. ubi Ecclesia dicitur fundanda *sapphis & lapidibus pretiosis*. Alii verò minùs probæ notæ, dicuntur fundamento superædificare *fœnum, lignum, & stipulam*, id est doctrinas, non quidem absolutè hæreticas & exitiales; sic enim servari non possent; Sed *vanas, curiosas, & inutiles*, heterogeneas, & parùm respondentes fundamenti præstantiæ. Bene ergo hinc concluderis, in sinu Ecclesiæ posse dari tales Doctores, qui non ritè per omnia muneris sui partes impleant; Sed malè colliges communionem coli posse cum iis, qui errant fundamentaliter.

XXXIII. Hoc tamen Tertio evincere conantur ex *Lutheranorum* Exemplo. Nam si cum illis Syncretismum inire non recusamus, qui non minùs graviter errant in articulo de Cœna, Pontificiis, quidni poterimus illum cum Pontificiis pariter inire? Licet verò de hoc Argumento quædam jam dicta sint Disp. III. th. 22. &c. Quia tamen nihil firmè est, quod toties, & tanto cum ardore à Missionariis, & aliis Pontificiæ Communionis hominibus objici soleat & urgeri, adeò ut hinc animi injusto & pertinaci in E. R. odio incensi nos infimulent; ut qui ab ea secessionem fecerimus, & in ea pertinaciter perseveremus; cùm non detrectemus Lutheranorum communionem, à quibus haud minùs tamen justas, minusque idoneas rationes secedendi habemus: æquum est ut de hoc etiam paulò plenius agamus. Primò fatemur votum hoc fuisse semper Reformationum, ut communionem colere & syncretismum inire possent cum Protestantibus, qui nomen à summo Dei Viro Lutherò ducere solent, ut infelix illud dissidium tolleretur, quò mirum quantum renascentis Evangelii propagatio est inhibita, infirmis scandalum præbitum, & hostibus veritatis insultandi, & de dissidiis nostris triumphandi data est ansa; atque in eum finem fraternitatis dextram non semel parati fuerunt porrigere iis, qui eodem pacis & charitatis studiò agerentur. Cujus insigne testimonium esse potest Decretum Synodi Carentoniensis an. 1631. de quo toties mentio fieri solet ab Adversariis. Sed ab ipso Reformationis tempore non semel hoc se optare Nostri sunt professi, & datâ occasione consilia Irenica urserunt; quod fecerunt imprimis varii Principes & Theologi Reformati, ut patuit imprimis ex Legatione, quam in eum finem instituit Henricus IV. verè magnus, tunc Rex



Navarrae, & adhuc noster, ad Principes Germaniae a. 1583. approbante Synodo Vitriacensi. Et non ita pridem ex Celeb. Viri Joh. Duraei laboribus, qui Opus hoc saluberrimum magno studio & indefessa diligentia promovere conatus est, luculenter liquet. Nec difficile esset ostendere, vulnus hoc non esse immedicabile; cum consensus iste Evangelicorum non semel fuerit initus. Ut ex Colloquio Marpurgensi inter Lutherum & Zwinglium & alios habito a. 1529. patet, in quo agnitum fuit, in ceteris omnibus capitibus consensum esse, dissensum tantum in unico articulo de Coena Domini, eoque non toto. Sic in Conventu Wittembergensi, an. 1536. Maji 21. fuit inita concordia in communi formulâ à Melanchtone scriptâ, & subscriptâ à Theologis utriusque partis, qui ibi aderant. Quibus adde quæ in Conventu Sweinfurtenli, a. 1532. Witebergensi, a. 1536. Smalcaldico, a. 1537. & inter Saxones & Helvetios acta sunt a. 1537. & 1538. ubi ipse Lutherus suis ad Helvetios datis 1. Dec. a. 1537. pacem urget & optare se summoperè testatur: *Erunt tam apud vos quàm apud nos aliqui, quibus concordia hac parum probabitur, sed suspecta erit. Si tamen nos utrinque, quibus illa cordi est, seriò sedulòque instabimus, Clementissimus Deus & Pater utique gratiam suam dabit, ut & alii paulatim mitescant, & aqua turbida confidant: & postea, Cum primis vero obnixè vos rogatos volo, ita de me existimetis, tanquam de eo, cui res tota summè sit cordi, quique quantum omnino mearum erit virum, nihil eorum sim intermisurus, quæ ad concordiam promovendam pertinebunt. Novit id Deus, quem testem invoco super animam meam &c.* Tum de capite controverso agens, *Verum tamen, si non omnino satis rectè mentem mutuò percepimus, hoc in præsens optimum sit, ut invicem amici simus, & optima quæque mutuò de nobis invicem polliceamur, donec gluma & aqua faculenta tandem subsidat.* Sic in Polonia Evangelici consensum Sendomiriæ inierunt, an. 1570. & Bohemiæ Ordines, an. 1575. exemplo Polonorum, qui Hussiticam, Bohemicam, & Augustanam Confessionem sequebantur, unanimes in communem fidei formulam convenerunt; quam Imperator Maximilianus tunc ratam habuit & securitate donavit. Ne jam loquamur de civili unione Principum & Ordinum Evangelicorum in Imperio, per quam ipsi Reformati agniti sunt *Socii Confessionis Augustana*, ut in Conventibus Monasteriensibus & Osnabrugensibus fuit declaratum. Quæ omnia, non impossibilem, sed facilem fore syncretismum, si utrinque spiritu charitatis & pacis agerentur fideles, ostendunt; Ut Theologi *Marpurgenses & Rintelenses* non ita pridem, in Colloquio *Cassellano* auctoritate Serenissimi Principis *Wilhelmi Hassiæ Landgravii* inito, agnoverunt. Cujus conclusionem hic subicere non piget. *Ex his ita ultro citroque actis, cognitis & perpensis, atque declaratis, inquit, cum constet, circa ea quæ fundamentum fidei & salutis constituunt, plenum esse*



DISPUT. VIII. *consensum, quæstiones autem controversas fundamentum istud minimè attingere, minisque multò tollere & evertere, convenit utrinque, ne altera pars alteram, propter dissensum in prædictis quæstionibus residuis traducat, convitiis proscindat, aut damnet, sed se mutuo sincerâ & fraternâ charitate complectantur, utrique parti addicti etiam ad hoc disponantur, quo se invicem pro ejusdem veræ Christi Ecclesiæ Catholicæ membris, veræque salvifica in Christum fidei consortibus, atque vitæ æternæ coheredibus agnoscant.*

XXXIV. Quamvis verò Syncretismum cum fratribus Lutheranis iniri posse censcamus; Non sequitur eundem posse iniri cum Pontificiis. Quia longum latumque discrimen intercedit inter utrosque. Isti impingunt in fundamentum multipliciter; Sed illi nobiscum in eo conveniunt. Consentunt in Protestantismo formali contra Tyrannidem, Idololatriam, & hæreses multiplices Ecclesiæ Romanæ. Nobiscum averfantur Cultum Imaginum, & Invocationem Sanctorum, Purgatorium, Satisfactiones humanas, Merita operum, Transubstantiationem, Sacrificium Missaticum, Adorationem Hostiæ, Primatum Papæ, & infallibilitatem Ecclesiæ. Eadem nobis est regula fidei & morum sola Scriptura Canonica. Idem unicus Mediator apud Deum Christus Θεανθρωπος. Eadem Justificatio per fidem ex meriti & satisfactionis Christi gratuita imputatione, & alia innumera, quibus à Pontificiis dissidemus, & quæ locum Seccessioni nostræ dederunt. Quòd si alia quædam doctrinæ Capita retinent, quæ nos veritati non satis consentanea credimus; & pauca sunt præ illis, in quibus consentimus mutuò, si Symbolica scripta, & Confessiones publicas, ex quibus de Ecclesiæ fide nobis est judicandum, respicimus: (nam *ὑποκειμένης* & singulares Doctorum privatorum opiniones attendendas non credimus) & non ejus momenti, quæ conscientiam possint inficere, & salutem ipsam evertere. Quòd si res Ecclesiæ Rom. in eo essent statu, si bonâ fide illi crederent, quod Lutherani credunt, & rejicerent quòd rejiciunt, facilè tolerantia Christiana illis à nobis non secus ac istis offerretur; Sed cum nemo non videat diversissimam esse utrorumque hac in parte sententiam; nemo etiam mirabitur, si dum illis offerre solemus syncretismum; illis tamen denegamus.

XXXV. Verùm quicquid sit, inquires, errant Lutherani graviter cum Pontificiis, vel in hoc uno artic. de *Præsentia reali Corporis Christi* in Cœna; Si ergo ab istis propterea secedendum esse nobis putamus; Cur non pariter ab illis? Vel si cum illis possumus communionem colere, quidni etiam cum istis? R. Fateor dogma hoc Lutheranorum tale esse, quod à nobis probari non possit; Sed negamus ejusdem esse momenti cum Erroribus Pontificiorum circa hoc Caput. 1. Quia Pontificii non errant solum in præsentia reali Corporis Christi; Sed in Transubstantiatione, Sacrificio Missatico, Adoratione Hostiæ, Subtractione Calicis, & aliis, quæ gravia sunt & capitalia, quæ illi



illi constanter nobiscum rejiciunt. 2. Error Lutheranorum est merè *theoreticus*: qui mentem quidem falsâ opinione imbuat, sed qui conscientiam propterea non inficit, ut aliquid in cultu admittatur, quod idololatriam sapiat: Licet enim Christum præsentem esse velint in Sacramento, tamen Adorationem Sacramenti nec ipsi agnoscunt, nec aliis imponunt, sed apertè impugnant. *Primò dicunt*, sic loquitur Chemnitius in Exam. Conc. Trident. p. 2. de Veneratione Sacramenti, de Pontificiis, *Ipsum Sacramentum Eucharistia, seu totum illud, quod à Domino ut sumatur institutum est, esse cultu latræ adorandum. Atqui Eucharistia juxta dictum Irenæi, constat duabus rebus, terrenâ & cælesti. Essent igitur etiam terrena elementa panis & vini in Eucharistia cultu latræ adoranda, quod à manifesto idololatriæ seu ὀρθολατρίας crimine excusari & defendi nullo modo posset: Et postea. Ad cavendam igitur idololatriam disertè distinguendum est. Christus Deus & Homo in divinâ & humanâ naturâ in actione præsens adoretur, substantia vero vel species elementorum panis & vini non adorentur, ne præter Creatorem etiam creaturam colamus, &c.* Sed Pontificii non hîc modò *theoreticè*, sed & *practicè* etiam errant, & quidem gravissimè, dum adorationem hostiæ & credunt ipsi & exhibent, & tanquam summè necessariam sub pœna anathematis omnibus imponunt. 3. Lutherani hic falluntur respectu *loci*, dum putant Corpus Christi ibi esse, ubi non est revera. Sed non quoad *Objectum*, ut pro Corpore Christi aliud aliquod subjectum, substantiam putà panis accipiant, quia volunt semper manere panem distinctum à Corpore Christi. Sed Pontificii non modò peccant resp. *loci*, sed & *objecti*, dum non tantùm Christi Corpus ibi esse localiter pertendunt; sed ipsum panem in Corpus Christi mutatum statuunt; atque ita dum credunt se adorare Christum, re ipsa nihil aliud quàm panem adorant, & sic meritò in ὀρθολατρίας crimen incurrunt. 4. Pontificii adorationem hostiæ non modò in usu Sacramenti sanciunt; sed etiam extra usum seu extra illam actionem imperant, putà quum panis in Processionibus circumgestatur, & in repositione includitur, ut tunc populo adorandus proponatur. Sed Lutherani licet cultum Christi in usu Sacramenti agnoscant, extra illum tamen peculiarem cultum aut adorationem ad panem circumgestatum vel repositum statui non posse sine manifesta idololatriâ profitentur. *Quid aliud possumus*, inquit ibid. Chemn. *juxta normam Verbi divini judicare, quàm talem cultum non esse χειρολατρίαν, sed ὀρθολατρίαν*. 5. Licet præsentix realis dogma varia absurda post se trahat; quia tamen Lutherani ea non agnoscunt, & ab his abhorre se profitentur, & testantur se credere præsentix istius modum esse planè ἀγνώστου & inexplicabilem, qui non obstat, quo minus Corpus Christi, saltèm quoad *actum naturæ*, ut ajunt, unicuique locum cùmque circumscriptivum occupet: quia Naturarum in Christo veritatem & distinctionem expressè nobiscum continentur. Non statim pos-





# I N D E X

## LOCORUM S. SCRIPTURÆ,

Quæ vel illustrantur & explicantur, vel  
vindicanur.

*Prior Numerus Paginam, Posterior Paragraphum notat.*

### GENESIS.

Caput V. Vers. 24. Pag. 206. §. 48.

### EXODUS.

C. XX. 4. 100. §. 20.  
v. 5. 42. §. 13.  
C. XXII. 11. 43. §. 14.  
C. XXXII. 26. 36. §. 6.

### NUMERI.

C. XXVIII. 18. 51. §. 23.

### DEUTERONOMIUM.

C. VI. 13. 43. §. 14.  
C. X. 20. 43. §. 14.  
C. XXVIII. 48. 51. §. 23.

### JOSUA.

C. XXIV. 18, 19. 181. §. 17.

### I. REGUM.

C. III. 3. 38. §. 8  
C. XII. 28. 103. §. 24  
C. XIII. 1, 2. 38. §. 7  
C. XVIII. 3, 4. 37. §. 6  
v. 27. 38. §. 7  
v. 21. 142. §. 41

### II. REGUM.

C. III. 3. 38. §. 8  
C. V. 17, 18, 19. 39. §. 9  
C. IX. 6, 9. 38. §. 7  
v. 22. 142. §. 40  
C. XI. 11. 207. §. 48  
C. XIV. 3. 38. §. 8  
C. XV. 34. 38. §. 8  
C. XVI. 11, 12. 12. §. 22

### PSALMI.

Pf. L. 12. 43. §. 14  
Pf. LXXVI. 12. 43. §. 14  
Pf.



# INDEX LOCORUM S. SCRIPTURÆ.

Pf. XCIX. 5.

108. §. 30

MALACH.

ISAIAS.

C. I. 21.

148. §. 7. &

174. §. 8

C. VIII. 1.

195. §. 33

v. 20.

91. §. 7

C. XLV. 23.

43. §. 14

C. XLVII. 2, 10.

154. §. 16

C. LII. 10.

158. §. 20

v. 11.

9, 10. §. 15. &

136. §. 32

C. LIV. 11,

234. §. 32

C. LXI. 1, 2.

110. §. 3

C. LXV. 16.

43. §. 14

JEREMIAS.

C. X. 3.

108. §. 30

C. LI. 9.

18. §. 29. &

165. §. 31

v. 34, 35.

154. §. 16

DANIEL.

C. XI. 31, 38.

207. §. 49

HOSEAS.

C. II. 2.

18. §. 29

C. IV. 11, 15.

29. §. 43

v. 15.

18. §. 30

HABACUK.

C. II. 18.

108. §. 30

SOPHON.

C. I. 5.

12. §. 22

C. IV. 5.

206. §. 48

ECCLESIASTIC.

C. XLIV. 26.

206. §. 43

MATTHÆUS.

C. IV. 10.

42. §. 13

C. VI. 24.

42. §. 12. &

51. §. 23

C. X. 2.

121. §. 16

C. XI. 5.

174. §. 8

C. XVI. 18, 19.

115. & seqq.

C. XVIII. 18.

121. §. 16

C. XIX. 8.

215. §. 10

C. XXI. 33.

218. §. 13

C. XXII. 29.

215. §. 10

C. XXIII. 38.

206. §. 47

C. XXIV. 2.

173. §. 6. &

206. §. 47

v. 24.

198. §. 37

C. XXVI. 29.

67. §. 14

LUCAS.

C. XII. 9.

159. §. 22

C. XXII. 23, 24.

114. §. 8

JOHAN.

C. II. 19.

117. §. 10

C. III. 1.

230. §. 27

C. V. 39.

91. §. 7

v. 43.

204. §. 44

C. VI. 39.

205. §. 45

v. 60, 64.

186. §. 21

C. XII. 32.

80. §. 30

C. XX. 23.

121. §. 16

C. XXI.



# INDEX LOCORUM S. SCRIPTURÆ.

C. XXI. 15. 121. §. 16  
v. 18. 204. §. 44

## ACTA APOST.

C. II. 17. 205. §. 45  
v. 40. 158. §. 20  
C. VII. 41. 103. §. 24  
C. VIII. 4. 225. §. 20  
C. XI. 19, 20. 225. §. 20  
C. XVIII. 25, 26. 225. §. 20

## EPIST. AD ROMAN.

C. X. 14. 43. §. 14  
v. 15. 224. §. 20  
C. XI. 17, 32. 186. §. 21  
C. XII. 10. 54. §. 16  
C. XIV. 1. 233. §. 31

## I. AD CORINTH.

C. I. 11. 5. §. 8  
C. III. 10. 204. §. 44  
v. 11. 21. §. 34. &  
116. §. 10. &  
212. §. 6  
v. 11, 15. 26. §. 40  
v. 13, 14. 233. §. 32  
C. IV. 1. 120. §. 16  
v. 6. 28. §. 42. &  
212. §. 6

C. VI. 20. 159. §. 22  
C. VII. 19. 104. §. 25  
C. VIII. 4. 104. §. 25  
C. IX. 20. 231. §. 27  
C. X. 4. 63. §. 15  
v. 15. 91. §. 7  
v. 20, 21. 184. §. 19  
C. XI. 26, 28. 67. §. 14  
C. XIV. 32. 183. §. 19

v. 40. 131. §. 27  
C. XV. 12. 29, 30. §. 44

## II. AD CORINTH.

C. I. 24. 114. §. 8  
C. VI. 14, 15, 16. 20. §. 32. &  
143. §. 41  
v. 16, 17. 10. §. 15. &  
158. §. 20. &  
233. §. 30

## AD GALAT.

C. I. 7. 29, 30. §. 43. 44  
v. 8. 212. §. 6  
C. II. 3. 231. §. 27  
v. 9. 121. §. 16. &  
231. §. 27  
C. IV. 8. 51. §. 23  
C. V. 3. 211. §. 5  
v. 4. 29. §. 43  
v. 13. 111. §. 4  
C. VI. 14. 80. §. 30

## AD EPHESIOS.

C. II. 20. 21. §. 32. &  
120. §. 14  
v. 21. 172. §. 6  
C. V. 5. 42. §. 12

## AD PHILIPP.

C. III. 14. 233. §. 31  
v. 15, 16. 7. §. 11

## AD COLOSS.

C. II. 14. 80. §. 30  
v. 19. 29. §. 43. &  
211. §. 5

H b

I. AD



# INDEX LOCORUM S. SCRIPTURÆ.

## I. AD THESSAL.

C. I. 2. 51. §. 23

## II. AD THESSAL.

C. II. 3. 180. §. 16. &

191. §. 28. &

204. §. 44

v. 4. 172. §. 6, 7, 8. &

187. §. 24

v. 6. 175. §. 10

v. 7, 8. 175. §. 11, 12, 13. &

204. §. 44

v. 8. 180. §. 15

v. 10. 186. §. 22

## I. AD TIMOTH.

C. IV. 1. 187. §. 22. &

205. §. 45

v. 1, 2, 3. 182. §. 19. & seqq.

C. VI. 3, 4, 5. 18. §. 30. &

28. §. 42

## II. AD TIMOTH.

C. II. 18, 19. 45. §. 7

## AD HEBRÆOS.

C. I. 1. 205. §. 45

C. VI. 6. 175. §. 9

## JACOBUS.

C. IV. 4. 42. §. 12

## I. PETRI.

C. I. 5. 205. §. 45

C. II. 4, 5. 21. §. 34. &

116. §. 10

v. 13. 111. §. 4

v. 24. 80. §. 30

C. IV. 3. 34. §. 3

C. V. 3. 114. §. 8

## II. PETRI.

C. II. 22. 159. §. 21

C. III. 3. 205. §. 45

## I. JOANNIS.

C. II. 18. 170. §. 3. &

175. §. 10

C. IV. 1. 91. §. 7

v. 1, 2, 3. 183. §. 19

## II. JOANNIS.

v. 7. 186. §. 22

## III. JOANNIS.

v. 9, 10, 11. 10. §. 15

## APOCALYPSIS.

C. III. 7. 123. §. 16

C. VII. 3. 159. §. 22

v. 4. 206. §. 47

C. XI. 3. 206. §. 43

v. 8. 174. §. 9

C. XII. 6. 20. §. 6

C. XIII.



# INDEX LOCORUM S. SCRIPTURÆ.

C. XIII. 5.	205. §. 46	v. 6, 13, 16.	152. §. 12
v. 13.	198. §. 37	v. 10.	150. §. 9
v. 16, 17.	191. §. 29, 30	v. 18.	147. §. 6
	31, 32, 33	C. XVIII. 2-5.	162. §. 25
C. XIV. 6.	161. §. 25	v. 3.	148. §. 7, 8
v. 8, 9.	162. §. 25	v. 4.	10. §. 15. &
v. 9.	19. §. 22		144. §. 1. & seqq. &
C. XVI. 5.	186. §. 22		149. §. 8
C. XVII. 1, 2, 9, 15, 18.	145. §. 3	v. 7.	154. §. 16
v. 2.	148. §. 7	v. 10, 15, 16, 17, 18.	145. §. 3
v. 4.	200. §. 39	v. 18.	150. §. 10
v. 5, 6, 7.	148. §. 7	v. 24.	151. §. 11
v. 6.	151. §. 11	C. XXI. 14.	120. §. 14
v. 9.	146. §. 5	v. 17.	195. §. 33





# INDEX RERUM

Quæ in Disputationibus istis tractantur.

## A.

**A**doratio soli Deo competit. pag. 42  
§. 13

Eam Pontificii etiam croaturis deferunt. 49. §. 20

Adoratio non potest distingui in supremam & subalternam. 49.

§. 21.

Nec in absolutam & relativam. 54.

§. 27.

Adoratio sacramenti à Pontificiis instituta. 59. §. 2. & seqq.

Modus, quo in celebratione Missæ peragitur. 61. §. 5

Refutatur ut idololatrica. 62. §. 7 & seqq.

De adoratione hypothetica quid sentiendum? 72. §. 20

Adoratio Crucis, vide Crux.

Adoratio Reliquiarum, vide Reliquiæ.

Adoratio Sanctorum, vide Sancti.

Altaria non nisi Deo sunt erigenda. 43.  
§. 14.

Angeli à Pontificiis idololatricè invocantur. 45. §. 17

Antichristi vox quotupliciter sumatur. 170. §. 3.

Antichristi nota & characteres generales competunt Papa. 172.  
§. 6. & seqq.

Tam quoad locum. 172. §. 6. & seqq.

Quam quoad revelationis tempus.

175. §. 10. & seqq.

Antichristi καὶ χρις quis? 176. §. 11.  
12. 13

Antichristi revelatio varios habet gradus. 179. §. 15

Antichristi persona qualis? 180.  
§. 16

Antichristi varii characteres. 180.  
usque ad p. 200.

Antichristus non debuit esse persona aliqua singularis. 203. §. 43. 44

Non debuit tantum sub finem Mundi revelari. 205. §. 45

Antichristi duratio. 205. §. 46

Antichristi origo. 206. §. 47

Antichristus an Enochum & Eliam sit interfectorus? 206. §. 48

Antichristus an & quomodo Christum sit abnegaturus & oppugnaturus? 207. §. 49

Apostasia Antichristi qualis esse debuerit? 180. §. 16, 17, 18.

Auctoritatis via in Ecclesia est vana, temeraria, injusta, difficilis, imò impossibilis. 90, 91. §. 7. 8

Augustini auctoritas frustra prætexitur distinctioni Cultûs divini in latrariam & duliam. 52. §. 25

## B.

Babylon Apocalypica non est multitudo impiorum. 145. §. 3

Per Babylonem intelligi Romam probatur ex Adversariis. 146.  
§. 4

Babylone designari non Romam paganam, sed Christianam, probatur. 148. 149. §. 7, 8, 9, 10.

Refutatis Pontificiorum objectionibus. 151, 152. §. 11. 12

Baby-



# INDEX RERUM.

Babylonis & Roma collatio. 153.  
154. §. 15. 16.  
 Quenam secessio e Babylone impere-  
 tur? 158. §. 20. & seqq.  
 Bestiæ character, nomen & numerus  
 quis? 191. 197

## C.

Canonizatio Sanctorum, vide Tit.  
 Sancti.  
 Caput Ecclesia non potest distingui in  
 primarium & secundarium. 114.  
§. 8.

Christus est fundamentum salutis. 21.  
§. 34.

Quod Pontificii doctrinæ praxique  
 suâ destruunt. 22. §. 36

Christi presentia in Eucharistia non  
 potest esse per mutuelav. 67. §. 14

Christus an & quomodo abnegandus  
 ab Amichristo? 207. §. 49

Communio Christianorum limitata est.  
2. §. 13.

Communio an possit coli cum fratri-  
 bus errantibus? 233. §. 31

Concilium Tridentinum iniquissimum  
 fuit & Papa mancipatum. 141.  
§. 39.

Consecratio sacramenti dubia est apud  
 Pontificios. 71. §. 19

Crucis homonymia. 76. §. 26

Cruci, ejusque imagini latria cultum  
 deferunt Pontificii. 76. & seqq.  
§. 27. 28

In ea spem & fiduciam suam collo-  
 cant. 77. §. 28

Et aras consecrant, incensa adolent,  
 preces deferunt. 78. §. 28

Crucis cultus idololatriæ est. 78. §. 29

Frivole à Pontificiis excusatur. 79.  
§. 30.

Crucis cultus an fundetur in praxi  
 Ecclesiæ veteris & primitivæ? 80.  
 & seqq. §. 32, 33, 34.

Quando demum fuerit sancitus? 83.  
§. 35

Crucis inventio quo loco sit habenda?  
82. §. 34.

Cultus civilis multiplex. 54. §. 26

Cultus religiosus est internus & ex-  
 ternus. 41. §. 12

Non potest dispesci in latriam & du-  
 liam. 50. & seqq. §. 22. 23. 24

Qualis sit distinctio cultus in absolu-  
 tum & respectivum? 105. §. 27

## D.

Dæmoniorum doctrina quanam sit  
 apud Paulum? 182. §. 19. & seqq.

Discussionis & submissionis via quo-  
 modo differant? 89. §. 5

Donatistarum secessio injusta fuit. 7.  
§. 11.

Longissimè distat à nostra. 231.  
§. 28

Dulia & latria non differunt. 50. &  
seqq. §. 22, 23, 24.

## E.

Ecclesia vocatur populus Dei. 156.  
§. 18.

Ecclesiæ pax optanda, sed quæ comi-  
 tem habeat veritatem. 2. §. 4. &  
137, 138. §. 34.

Ecclesiæ pax non facit pro incundo  
 Syncretismo inter nos & Pontifi-  
 cios. 232. §. 30

Ecclesiæ Christiana libertas in quo  
 consistat? 110. 111. §. 34

Ea destruitur à tyrannide Romana.  
 vide Tyrannis.

Ecclesiæ unio est vel interna vel ex-  
 terna. 6. §. 10

Eh 3 Ecclesiæ



# INDEX RERUM.

*Ecclesia unitas unde petenda?* ibid.  
*Ecclesia falsa quibusnam notis distinguantur?* 109. §. 1  
*Ecclesia nostra ubi fuerit ante Lutherum & Calvinum?* 157. §. 19  
*Ecclesia caput non est duplex, primum & secundarium.* 114. §. 8  
*Ecclesia Romana, vide Romana.*  
*Εἰκονολατρεία, vide Idola. Imagines.*  
*Elias & Enochus an sub finem Mundi sint in hunc orbem redituri?* 206  
 48  
*Elia exemplum non evertit necessitatem secessionis nostrae ab Ecclesia Romana.* 37. §. 7  
*Errores alii sunt fundamentales, alii non fundamentales.* 233. §. 31  
*Error fundamentalis quisnam?* 20. §. 33. & 233. §. 31.  
*Errores alii privati, alii publici.* 29, 30. §. 44.  
*Eucharistia. Ex praesentia Christi in Eucharistia non infertur adoratio Sacramenti ipsius.* 66. §. 13  
*Christus in Eucharistia per μετεξάω & corporaliter praesens esse nequit.* 67. §. 14.  
*Excelsa quid fuerint in V. T.* 38. §. 8  
 F.  
*Festa in solius Dei honorem sunt instituenda.* 43. §. 14  
*Fundamentum fidei quid sit?* 20. §. 22.  
*Ad fundamentum retinendum quanam requirantur conditiones?* 27. §. 42.  
*Fundamenti theoretici tres partes, Scriptura, Christus, Gratia.* 21. §. 34.  
*In quas Ecclesia Romana impingit.* 21. & seqq. §. 35, 36, 37.

*Fundamento quomodo quid possit addi?* 26. §. 41  
*Fundamento addit & detrahit Ecclesia Rom. pro libitu.* 212. §. 6  
*Fundamentalis error quis?* 20. §. 33. & 233. §. 31.  
 G.  
*Gratia quomodo ingrediatur fundamentum fidei?* 21. §. 34. & 23. §. 37.  
 H.  
*Hæresis differt à schismate.* 13. §. 22  
 I.  
*Idololatriæ definitio.* 41. §. 12  
*Idololatria nulla est licita.* 34. §. 3  
*Idololatria est justa causa secessionis.* 33. §. 2. & seqq.  
*Idololatria rea est Ecclesia Romana.* 41. §. 11. & seqq.  
*Ratione Objecti.* 41. §. 12. & seqq.  
*Quoad B. Mariam Virginem.* 44. §. 15, 16.  
*Quoad Angelos & Sanctos defunctos.* 45. 46. §. 17  
*Respectu Papæ ipsius.* 47, 48. §. 19  
*Respectu Sacramenti quod adorat.* 59. & seqq. §. 2-5  
*Respectu Crucis.* 76. §. 26, 27, 28  
*Respectu reliquiarum.* 83. §. 36, 37, 38  
*Ratione modi cultus.* 97. & seqq. §. 16. & seqq.  
*Idolorum cultum in Ecclesia Rom. obtinere ostenditur ex Conciliorum decretis.* 97. §. 17, 18. ex Doctorum scriptis, ipsaq; praxi. 98, 99. §. 18  
*Idolorum cultus refragatur Legi divine.* 100. §. 20  
*Idola & imagines non differunt.* 102. §. 23.

Ignorantia



# INDEX RERUM

Ignorantia alia est excusabilis, alia inexcusabilis. 70. §. 18.

Imagines & Idola sunt unum idemque. 102. §. 23

Præceptum II. de Imaginibus est morale, non positivum. 101. §. 22

Eo prohibentur Imagines quævis. 104. §. 26

Imaginum cultus Patribus vel incognitus fuit, vel aperte damnatus. 106. 107. §. 28. 29

Argumenta pro Imaginum cultu refutantur. 108. §. 30

Plura de Imaginibus, vide Tit. de Idololatria.

Inquisitionis Hispanica crudelitas. 134. 135. 136. §. 31

Institutionis S. Cæna verba explicantur. 68. §. 15. 16

Intentio Ministri nequit esse de essentia sacramenti. 71. §. 19

Invocatio soli Deo competit. 43. §. 14  
Invocatio Sanctorum, vide Sancti.

Juramenti attestatio soli Deo competit. 43. §. 14

Justificationis articulus à Pontificiis penitus deformatur. 24. §. 38

## L.

Laïcorum vocatio qualis fuerit? 221 §. 18. & seqq.

Laïcis competit jus eligendi Pastores. 227. §. 21. 22

Latinorum secessio à Græcis fuit injusta. 7. 8. §. 11

Latria & Dulia non differunt. 50. & seqq. §. 22. 23. 24

Latria non potest dispesci in respectivam & absolutam. 64. §. 10. &

105. §. 27.

Libertas Ecclesiæ Christiana in quo con-

sistat?

110. 111. §. 3. 4

Destruitur à tyrannide Pontificia, vide Tyrannis.

Lutheranorum syncretismus cum Reformatis non est impossibilis. 235. §. 33.

Fraternitas Lutheranis oblata non tollit necessitatem secessionis nostræ à Communione Romana. 73. §. 22

Nec evincit, posse inter Nos & Pontificios syncretismum iniri. 234. §. 33. 34. 35.

Lutheranorum sententia circa sacramentum & realem præsentiam corporis Christi differt quam maxime ab erroribus Pontificiorum. 73. 74. §. 22. 23. 24. & p. 236. 9. 35. M.

B. Mariæ Virginititulos cultumque divinum externum & internum tribuunt Pontificii. 44. 45. §. 15. 16

Miraculorum ostentatio soli religioni Papistica competit. 198. §. 38

Miracula Pontificiorum sunt rigata & videri. 199. §. 38

Missio Pastorum pro diverso Ecclesiæ statu est distinguenda. 221. & seqq. §. 18. N.

Naamanis Syri exemplum non facit contra necessitatem secessionis nostræ ab Ecclesiæ Romana. 39 §. 9

Nicodemi exemplum non facit contra secessionem nostram. 230. §. 27

Numerus bestia quis? 194. §. 33. competit Papa R. 195. 196. §. 34. 35. 36. P.

Papam Rom. Pontificii ut Deum adorant, ei titulos & honores divinos deferunt. 47. 48. §. 19

Papæ Rom. quantam Pontificii tribuant



# INDEX RERUM

- buant auctoritatem & potestatem? 112. & seq. §. 5. 6. 7  
 Papa potestas monarchica est tyrannica & Scriptura adversa. 114. §. 8.  
 Papa Primatus non probatur ex loco Matth. 16. & 18. 115. §. 10. 16.  
 Papa ex Primatu potestatem in Reges usurpat. 121. §. 17  
 Papa Reges exauctorat, & subditos à juramento fidelitatis liberat. 122. §. 18  
 Papa Reges deponit. 124. §. 19. 20. eos morti addicit. 125. §. 21. 24.  
 Papam esse Antichristum communis est Protestantium sententia. 171. §. 5.  
 Papa competunt omnes Antichristi nota. à 172. §. 6. & seqq. usque ad 200.  
 Papam plurimi Pontificiorum testantur esse Antichristum. 201. 202. §. 41.  
 Pauli Ap. Judaicas caerimonias observantis exemplum non facit adversus necessitatem secessionis nostra. 230. §. 28  
 Pax Ecclesiae querenda, sed qua comitem habeat veritatem. 2. §. 4. & 137. 138. §. 34.  
 Pax Ecclesiae non facit pro ineundo syncretismo inter Nos & Pontificios. 232. §. 30  
 Persecutiones fidelium ab Ecclesia Rom. excitata. 133. 134. §. 30  
 Petrus Ap. non fuit constitutus Monarcha Ecclesiae. 115. & seqq. §. 10.  
 Phrases sacramentales signo tribuunt nomen rei significata. 68. §. 15  
 Pontifex Romanus, vide Tit. Papa.  
 Pontificiorum Religio dubia est & incerta. 24. 25. §. 39  
 Pontificiorum errores sunt fundamentales. 25. §. 40. in Christi gloriam & ὑπεροχὴν injurii. 28. 29. §. 43.  
 Pontificii sunt ἀρετολατρεῖαι. 67. & seqq. §. 14.  
 Pontificia Religio est idololatrica, vide Tit. Idololatria, item Adoratio, Crux.  
 Potestas νομοθετικὴ Ecclesiae Rom. est tyrannica. 131. 132. §. 27. 29  
 Praejudicium falsum de Secessionis nostra ab Ecclesia Romana injustitia. 2. §. 2  
 Non est agendum per praejudicia in negotio Religionis. 93. 94. §. 10. 11.  
 Praejudicia, quibus Reformati à Pontificiis gravantur, aut falsa sunt, aut nullius momenti. 95. §. 12.  
 Praesentia Christi in Eucharistia non infert adorationem Sacramenti. 66. §. 13.  
 Christus non est praesens in Eucharistia per indistantiam loci & corporaliter. 67. §. 14  
 Professio fidei Ecclesiae Rom. 30. §. 45.  
 R.  
 Reformati semper optarunt Syncretismum cum Lutheranis. 234. §. 33.  
 Reformatorum & Lutheranorum syncretismus est possibilis. 235. §. 33.  
 Reformationis quanta fuerit necessitas? 19. §. 31. & 222. §. 18. 19.

Refor-



# INDEX RERUM.

Reformatores nostros non caruisse Vo-  
catione probatur. 218. §. 14

Nec excidisse vocationis jure per se-  
cessionem suam. 219. §. 15

Excommunicatio eorum vocationem  
irritam non reddidit. 221. §. 17

Vocatio eorum num fuerit ordinaria  
an extraordinaria? 226. §. 23

An miraculis debuerit confirmari?  
226. §. 24

Reges exautorandi potestatem sibi su-  
mit Papa. 122. §. 18. ut & Reges  
deponendi & moris addicendi.  
124. & seqq. §. 19. 24

Regum Hebraorum, excelsa non aufe-  
rentium exemplum, non evertit ne-  
cessitatem secessionis nostrae. 38. §. 8

Religionem veram à falsa discernendi  
qua sit via tutissima & compen-  
diosissima? 89 & seqq. §. 5. 9

In Religione non est agendum per  
præjudicia. 93. §. 10. 11

Religionis actus elicitī & imperatī.  
55. §. 28

Reliquiarum cultus divinus in Papatu  
viget. 83. & seqq. §. 36. 37. 38.  
39

Roma per Babylonem designatur, vide  
Tit. Babylon.

Romana Ecclesia alia vetus est &  
Apostolica, alia nova & Papalis.  
11. §. 19

Consideratur vel quoad rō materiale,  
vel quoad rō formale. 11. §. 20

An Ecclesia Romana competat ti-  
tulus Ecclesiae? 13. §. 23. & 173.  
174. §. 8

Aliud est discedere ab Ecclesia, aliud  
ab Ecclesia Romana. 13. §. 24. &  
165. §. 31

Romana Ecclesia quamplurimis  
Pontificiorum corrupta visa est.  
16. 17. §. 28. & 155. 156. §. 17

Ejus corruptio fuit immedicabilis.  
17. §. 29.

Romana Eccl. impingit in Verbum  
Dei. 21. §. 35 in Christum. 22. §. 36  
in Gratiam. 23. §. 37

Romana Ecclesia est idololatrica  
quoad objectum & quoad modum  
Cultūs. 41. §. 11. & seqq. 97. §. 16.  
& seqq. vide Tit. Idololatria, Ad-  
oratio, Crux, Reliquiae &c.

Romana Ecclesia Tyrannis, vide  
Tit. Tyrannis.

Syncretismus Reformatorum cum  
Ecclesia Romana, vide Tit. Syn-  
cretismus.

Quid de Patribus nostris, qui in Ec-  
clesia Romana communione ante  
Reformationem vixerunt, censен-  
dum? 166. 167. §. 23. 24

Quid judicandum de iis, qui nunc in  
Eccl. Rom. manent. 167. 168. §. 35

Romanam Ecclesiam veram esse Ec-  
clesiam falsa jactant Pontificii.  
209. & seqq. §. 2-11

Romanam sedem esse Antichristia-  
nam fatentur plurimi ex Adver-  
sariis ipsis. 201. §. 41

Romana Ecclesia an & quomodo re-  
tineat fundamentum? 212. 213.  
§. 5. 6

Romana Ecclesia non competit pri-  
vilegium infallibilitatis ex pro-  
missione Christi. 214. §. 9

Romana Eccl. errores sensim irrepse-  
runt. 214. 215. §. 10. 11

Rom. Imperium verus est i. n. a. l. i. q. u. o.  
Antichristi. 176. §. 11. & seqq.



# INDEX RERUM

- Tres gradus sublatis à medio Imperii Romani.* 179. §. 14
- S.
- Sacramentum. Intentio Ministri non est de essentia Sacramenti.* 25. §. 39.
- Sacramenti adoratio à Pontificiis est instituta.* 59. §. 2. & seqq.
- Sacramentum ipsum ejusque species adorant Pontificii.* 62. 63. §. 8. 9. vide Tit. Adoratio.
- Sacramentales phrascs.* 68. §. 15
- Sacrificii commemorativi & applicativi distinctio inutilis est.* 29. §. 43.
- Sancti honorandi sunt, non adorandi.* 44. §. 15
- Sanctis religiosum cultum deferunt Pontificii.* 46. §. 17
- Sanctos invocant tanquam causas principales, & bonorum largitores.* 56. §. 31.
- Sanctorum invocationem ut necessariam prescribunt Pontificii.* 55. §. 29.
- Sanctorum invocatio Christo est injuria.* 57. §. 32
- Sanctorum Canonizatio.* 47. §. 18
- Schisma quid sit?* 5. & seqq. §. 8, 9, 10
- Schisma ab heresi differt.* 5. §. 8
- Separatio à Pontifice Romano non infert schisma.* 5. §. 9. 10. & 210. §. 3.
- Schisma temerarium & injustum quodnam?* 7. §. 11. & 210. §. 3
- Pontificii sunt schismatici, non autem Reformati.* 88. §. 4. 95. §. 12
- Scriptura Sacra fundamentum est doctrina Christiana.* 21. §. 34
- Interdictio lectionis Scriptura Sacra est tyrannica.* 129. §. 25
- Secessio alia justa & laudabilis, alia injusta & culpabilis.* 4. §. 7
- Secessio injusta & temeraria quanam?* 7. §. 11
- Secessio quanam justa & necessaria?* 8. & seqq. §. 12. 13. 14. 15
- Secessio alia Politica, alia Ecclesiastica.* 10. §. 16. & 158. §. 20
- Secessio Ecclesiastica alia latens, alia patens.* 10. §. 17. & 158. §. 20
- alia negativa, alia positiva.* 11. §. 18. & 158. §. 20
- aliud est secedere ab Ecclesia Romana, aliud secedere ab Ecclesia.* 13. §. 24. & 165. §. 31
- Status Questionis quoad necessitatem secessionis nostra ab Ecclesia Romana proponitur.* 14. §. 26
- Secessionem nostram non esse factam temerè & sine necessitate probatur.* 15. & seqq. §. 27. & seqq.
- Secessionis justa causa est idololatria.* 33. & seqq. §. 2. & c.
- Qualis fuerit secessio piorum Veteris Testamenti ab idololatria?* 33. §. 5. & 229. §. 26.
- non debuit necessario esse positiva.* 36. §. 6. & 229. §. 26
- Exceptiones quaedam adversus necessitatem secessionis nostra, petitam ab idololatria Ecclesia Romana, discutiuntur.* 35. & seqq. §. 4-10

*Secessio*



# INDEX RERUM.

- Secessionem negativam ab Ecclesia Romana non suffecisse ostenditur.* 95. §. 13. & 165. §. 32. & 226. §. 21
- Quanam secessio à Babylone à Deo imperetur?* 158. & seqq. §. 20. 21. 22. 23
- Objectiones contra secessionem nostram allatae refutantur.* 209. & seqq. §. 2-29
- Secessio nostra à schismatis crimine vindicatur.* 210. & seqq. §. 3
- Defectus successionis & vocationis non facit adversus secessionem nostram.* 216. & seqq. §. 12. & seqq.
- Secessionis nostra necessitas non ever-  
situr Nicodemi exemplo.* 230. §. 27
- Nec Pauli, caerimonias Judaicas ob-  
servantis.* 230. §. 28
- Sedere in Templo Dei quomodo di-  
catur de Antichristo?* 173. 174. §. 7. 8
- Serpens eneus non facit pro excu-  
sando Imaginum cultu.* 108. §. 30
- Servitutis religiosa varii actus.* 43. §. 14
- Submissionis & discussionis via quo-  
modo differant?* 89. §. 5
- Submissionis via perperam urgetur  
à Pontificiis.* 89. §. 6
- Successio multiplex datur.* 216. §. 12
- Successio doctrinalis necessaria est in  
Ecclesia, personalis vel localis non  
item.* 216. §. 12
- Syncretismus Reformatorum cum Lu-  
theranis est possibilis.* 235. §. 33
- Syncretismus obtulerunt Reformati  
Lutheranis.* 234. §. 33
- Syncretismus cum Ecclesia Romana est  
impossibilis.* 96. §. 14. & 140. §. 38. & 163. §. 28. & 236. §. 34
- Syncretisticorum Consiliorum vani-  
tas demonstratur.* 138. & seqq. §. 35, 36, 37
- Hinc frustra Syncretismus cum Ro-  
ma hodie urgetur.* 137. §. 33
- Conventus Theologorum Reformato-  
rum & Pontificiorum an Syncre-  
tismi opus promovere possent?* 141. §. 39
- Argumenta Pontificiorum pro ineun-  
do cum ipsis Syncretismo refel-  
luntur.* 232. §. 30. & seqq.
- Ex Syncretismo Lutheranis oblato  
non sequitur, posse cum Pontifi-  
ciis iniri quoque Syncretismum.* 234. & seqq. §. 33. 34. 35
- T.
- Templa soli Deo consecranda.* 45. §. 14
- Thurificatio debetur soli Deo.* 44. §. 14
- Tyrannis Romana probatur ex Pri-  
matu Papae.* 112. §. 5. & seqq.
- Tyrannis Papae respectu potestatis,  
quam sibi sumit in Reges.* 121. & seqq. §. 17. 24. vide Tit. Papa, Reges.
- Tyrannis Romana in conscientias.* 129. §. 25
- Tyrannis Rom. ex potestate vopobeli-  
ni elucet.* 131. 132. §. 27. 28. 29
- Tyrannis Ecclesia Romana in Cor-  
pora.* 132. & seqq. §. 30
- Tyrannis Rom. in Inquisitione Hispa-  
nica.* 134. & seqq. §. 31



# INDEX RERUM

- V.
- Victoris secessio ab Ecclesiis Asiaticis  
fuit injusta. 7.§.11
- Unio inter Ecclesias est vel interna vel  
externa. 6.§.10
- Unio inter Symbola Sacramentalia  
& rem significatam qualis? 6§.  
§.11
- Vocatio duplex, alia suâ institutione  
falsa, alia legitima quidem, sed  
abusu hominum corrupta. 219.  
§.16
- Quanta sit necessitas quæstionis de  
Vocatione Pastorum? 217.§.13
- Reformatores nostros non caruisse  
Vocatione probatur. 218.§.14.
- An illa ordinaria fuerit, & an vero  
extraordinaria? 226.§.23
- An miraculis debueris confirmari?  
226.§.24
- Non fuit irrita reddita per fulmen  
Excommunicationis. 221.§.17
- Vocatio vera non semper supponit Ec-  
clesiam veram. 218.§.14
- Vocatio Laicorum qualis fuerit?  
221.§.18. & seqq.
- Vota soli Deo nuncupanda sunt. 43.  
§.14

F I N I S.



DECAS



D E C A S  
DISPUTATIONUM  
MISCELLANEARUM,

Variis Temporibus Habitarum,

QUARUM CATALOGUM SEQUENS

*Pagina exhibet.*



THE  
MUSEUM  
OF THE  
MUSEUM





## LECTORI S.

**S**I quas hic vides *Disputationes*, LECTOR Amice, eo consilio primum conscriptæ fuissent, ut in volumen aliquod collectæ publici juris fierent, & iusti tractatus loco esse possent, major forte in eis *anpißetæ*, majus certè ac diligentius paulo adhibitum fuisset studium, ut opus accuratius, excultiusque prodiret. Sed cùm nihil minus in animo haberem quum ab initio de illis parandis cogitavi; Et id tantum apud me statuerem, ut studiosæ Juventuti Nobis commissæ informandæ, & exercendæ pro more in Academiis vulgo recepto inservirent; Mirum tibi haudquam videri debet, si non pauca in iis jure desideres; Plura forte & ipse requiro, quæ nisi vis major obstitisset ab omni editione procuranda detertere me debuerant: Et sanè cùm in immensa illa qua ferme obruitur Orbis literatus hodie Scriptorum copia, tam rari occurrant Libri qui usquequaque Lectoribus placeant, tot contra reperiantur qui tristia experiuntur fara, sive quod novitatis lenocinio quo plerique allici solent destituantur, sive quod per summum quod ubique ferme obtinet scribendi cacoëthes cruda & indigesta à variis in publicum propellantur studia, & ea promantur quæ vel penitus premenda fuerant, vel nonum certe aut decimum in annum condenda; Quis tenuitatis suæ sibi conscius satius non judicet latère, & seriò expendere quid valeant humeri, quid ferre recusent, quàm in medium temere prodire, & Lectori negotium facessere? Ego certè hac potissimum ratione ab ista scriptione, ut ab omni alia alienum me hætenus fuisse libens profiteor, quod non ignorant qui me norunt. Accedebat & altera, quod cùm

perspe-



## P R Æ F A T I O.

perspectum esset, quamplures Viros Celeberrimos & Veteranos Theologos hoc argumentum ita solidè pertractasse, ut post eorum messem vix ulli spicilegio locus esse possit; Non ita mihi suffenus esse potui, ut arbitrarer ex Opere hoc tumultuario, & Velitationibus istis Academicis, quæ nec excultæ ingenio, nec elaboratæ sunt industria, multum utilitatis & fructus ad Ecclesiam redire posse; Verùm cum a variis non planè improbatos fuisse hosce nostros conatus intelligerem; Nec amplius mei juris essent quæ jam in publicum emissæ erant; effecerunt amicorum & eorum qui apud me plurimum possunt hortationes & desideria, ut primum hunc ingenii fœtum, & hoc quicquid est operis petenti Typographo quamvis ægrè permitterem.

Non est porro quod quæras cur hoc argumentum potius quàm quodlibet aliud selectum fuerit; Præterquam quod enim non sponte à me susceptum, sed à piis studiosis ad συζήτησιν propositum; si rem ipsam expendis, facilè mecum fateberis nullum aliud in tota Theologia nostra momentosius esse, & cujus cognitio fidelibus magis sit necessaria; Nullum sane quod majori impetu Satan hostis ille ἄσπονδος salutis nostræ evertere semper sit conatus: novissimisque imprimis hisce temporibus per pestilentissimos hæreticos, qui ut Religionem Christianam pessundarent, duo primaria ejus fundamenta *Divinitatem* Domini nostri Jesu Christi, & ejus *Satisfactionem* convellere omni ope sategerunt. Optandum equidem fuerat, ut hujusmodi monstra ab ipso ortu necarentur, nec tam infausti fœtus nanciscerentur qui obstetrices manus illis porrigerent; Sed cum nimis latè venenum hoc serpere jam satis constet, & exitialia hæc scripta plurium manibus hodie terantur; Æquum etiam fuit alexipharmaca subinde parari, quibus Juniores adversus Juem istam pestiferam præmunirentur, & animi piorum in veritate magis magisque confirmarentur. Hoc consilio Viri Doctissimi, quos Deus subinde excitavit ut Orthodoxæ Veritatis in Ecclesia essent πρόμαχοι fortissimi, in eo hætenus operam suam utilissimè collocarunt; Horum & nos prementes vestigia licet

nor



## P R Æ F A T I O.

non passibus æquis, haud abs re nos facturos sumus arbitrati, si in propugnanda ista Veritate adversus ignita Satanæ tela nostram qualemcunque explicaremus industriam.

Cùm autem Tria vulgo de SATISFACTIONE CHRISTI quæri possint. I. An *Necessaria* fuerit. II. An *Vera*. III. An *Perfecta*. De tribus istis Quæstionibus distinctè agendum Nobis esse duximus; In duabus Prioribus cum Socinianis; In Postrema cum Pontificiis manus conferendæ fuerunt. Sed ita tamen in iis sumus versati, ut primam & tertiam de *Necessitate* & *Perfectione* brevius absolverimus; Secundam verò de *Veritate* quæ ampliorem explanationem requirere videbatur, quamque majori molimine impetunt Adversarii fusius paulò sumus persecuti, & nihil quantum quidem à nobis fieri potuit ex iis omiserimus quæ tum ad Veritatis confirmationem, tum ad Erroris confutationem facere poterant, non modò objectiones contrarias solvendo; sed & argumenta orthodoxa à strophis & cavillis τῶν ἐξ ἰσχυρίας vindicando, additis etiam variis currente prælo quæ ad argumenti illustrationem pertinere videbantur. Si quid porro à Nobis hîc sit præstitum, Tuum erit, Candide Lector, iudicium; Nobis sat fuerit, nostrum hac in parte tibi in asserendo gravissimo hoc Religionis nostræ mysterio probasse studium. Hoc ergo æqui bonique consule, & conatibus nostris in posterum fave. *Vale.*



INDEX





# I N D E X

## DISPUTATIONUM MISCELLANEARUM.

DISPUTATIO I. <i>De Libro Vitæ.</i>	Pag. 1
II. <i>Quæ Prior est de Scripturæ Sacræ Auctoritate adversus Pontificios.</i>	30
III. <i>Quæ Posterior est de Scripturæ Sacræ Auctoritate.</i>	52.
IV. <i>De bonorum Operum Necessitate.</i>	73
V. <i>De Tribus Testibus Cælestibus, ex I. JOANN. 5. 7.</i>	92
VI. <i>De Spiritu, Aqua, &amp; Sanguine in Terra testantibus, ex I. JOAN. 5. 8.</i>	112
VII. <i>De Baptismo Nubis &amp; Maris, ex I. COR. 10. 1. 2.</i>	131
VIII. <i>De Manna, ex I. COR. 10. 3.</i>	148
IX. <i>De Petra Christo, ex I. COR. 10. 4.</i>	165
X. <i>De Serpente Æneo.</i>	179





EXERCITATIO THEOLOGICA  
D E  
LIBRO VITÆ.

Respondente MARCO MICHAËLE MICHAËLIO  
Genevensi.

I.



UM frequentissima *Libri Vitæ* in Scripturis occurrat mentio, & graves de eo moveri soleant quæstiones, quæ ad Electionis immutabilitatem & certitudinem illustrandam non parum faciunt, fructu suo non carituram esse apud Veritatis Studiosos operam nostram sumus arbitrati, si brevem de eo institueremus disceptationem. Quod ut commodius exequi possimus; Tria hîc potissimum expendenda venient. I. Quid per Librum vitæ intelligendum sit, & quo sensu Deo tribuatur. II. An quisquam ex eo deleri possit. III. An & Unde constare queat, nos in hoc libro esse scriptos.

II. Et ad primum quidem quod attinet; Quid sit *Liber* iste, & quomodo duplex, non convenit inter omnes. Quidam plures, quidam pauciores ejus species constituunt. *Sixtus Senensis* Biblioth. sanctæ lib. 2. cui placuit ista minutius distinguere; quintuplicem facere voluit ad instar Pentateuchi, & Volumen unum in quinque quasi Tomos distribuere. Primus illi est ספר חיים *Liber viventium*, sive prædestinatorum Catalogus, in quo quicumque ad vitam electi sunt, conscripti censentur, de quo Paulus Phil. 4. 3. & Apoc. 17. 8. & 21. 27. Secundus est *Liber mandatorum*, qui κατ' ἐξοχήν Scriptura dicitur, eo nomine rectè insignita; tum quia promissiones vitæ æternæ unâ cum præceptis ad vitam æternam consequendam necessariis continet, quo sensu passim vocatur λόγος ζωῆς *Verbum vitæ & Doctrina salutis*. Tum etiam quia Christus, qui verus Deus est & vita æterna, totius Scripturæ centrum est & finis. Tertius illi est *Liber*

Quotuplex  
Liber Deo  
tribuatur.



**DISPUT.** *Liber vita Agni*, de quo Apoc. 13. 8. *Adorabant bestiam omnes incole terra, quorum nomina non sunt scripta in libro vita Agni; &c.* Ita dictus, non quòd sit Liber ab Agno descriptus, sed quòd ipse Agnus ad normam vitæ nobis proponatur, veluti Liber quidam illustris & conspicuus, non papyro aut membranis, sed in ipsa Christi carne & membris aptatus, non atramento miniove, sed pretioso & incontaminato ejus sanguine conscriptus, in quo quilibet Christianus potest uno velut intuitu legere & ediscere, quæcunque ad piam & verè Christianam vitam necessaria, innocentiam singularem, profundam humilitatem, perfectissimam obedientiam, patientiam incredibilem, ardentissimam charitatem, & cæteras virtutes ad æternæ beatitudinis aditum maximè necessarias; ad quem librum pertinere posset, quod Christus dicitur apud Petrum primæ cap. 2. 21. reliquisse ὑποχρεαµένον ut sequamur ejus vestigia. Quartus vocatur *Liber vita præterita*, seu liber vitæ uniuscujusque, in quo scilicet singulorum dicta & facta reponuntur, ut de illis rationem reddant in die judicii, de quo vult intelligi locum Apo. 20. 12. ubi ex August. lib. 20. de Civ. Dei, cap. 14. putat legendum, non tantùm ut habetur vulgò, & *liber alius apertus est, qui est liber vita*, sed *liber alius apertus est, qui est liber vita uniuscujusque*, ut notetur vis quædam divina, cujus virtute in die judicii ita reducentur unicuique in memoriam præterita gesta sua, & ante oculos mentis ponentur, ut nulli tunc licitum futurum sit vel ignorare, vel dissimulare, vel abscondere peccata sua. Quintus & ultimus est *Liber vita æterna*, beata scilicet & æterna Christi præsentia, apud quem est fons vitæ Psalm. 36. & in cujus visione habebimus lumen vitæ, & assiduam, ut ita dicam, Libri vitæ lectionem; ita ut quidquid in primo Prædestinationis libro sancitur: In secundo Scripturæ promittitur; In tertio Agni exercetur; In quarto Judicii determinatur; In hoc ultimo tandem certissimè complendum sit & revelandum.

III. Quamvis autem non diffiteamur, quædam hîc à Senensi appositè recenseri ad librorum divinatorum evolutionem; sunt tamen non pauca, quæ meritò hîc desiderantur, dum vel sine necessitate quosdam multiplicat, vel sine ratione alios omittit. Quis enim ignorat Providentiæ librum amplissimum, cujus tamen nulla hîc apud ipsum mentio? Quis non videt iterum, perperam distingui Librum primum Prædestinationis, à Libro ultimæ gloriæ & felicitatis, qui titulo tantùm, non re ipsa differunt? Ut nihil jam dicam vel de subtili, sed parum solida Libri Agni expositione, cujus nullum in Scriptura verum occurrit fundamentum, vel de Libro vitæ præteritæ commento, quem sine ratione ex loco Apoc. exculpere conatur, contra omnium probatorum Codicum fidem, qui legunt simpliciter βιβλίον ἄλλο ἡνεώχθη, ὃ ἐστὶ τῆ ζωῆς, *qui est liber vita*, non verò τῆ ζωῆς ἐκάς *liber vita uniuscujusque*, ut contendit.



IV. Ut ergo enucleatius rem totam persequamur, quædam in genere *Disput.*  
 de *Libris Dei* præmittenda sunt, ex quibus facilius ad cognitionem *Libri*  
*vite*, de quo nunc agimus, pervenire poterimus. Librorum Dei sæpe  
 Scriptura meminit, sed non semper eodem sensu. Nos cæteris distin-  
 ctionibus missis in duos ordines eos tribuimus. Alii sunt *externi*, qui à  
 Deo quidem sunt *originaliter*, sed non in Deo *subjectivè* continentur.  
 Alii *interni*, qui & à Deo sunt, & in Deo, quorum ipse non tantum est  
 efficiens & principium, sed etiam, ut ita dicam, subjectum. Externi  
 rursus varii, sed potissimum triplices, pro triplici Dei scriptione: 1. Li-  
 ber *Mundi* seu *Creaturarum*. 2. Liber *Scripturae*. 3. Liber *Conscientiæ*.  
 Primum scripsit in Mundo per opera; Secundum scripsit in Ecclesia per  
 Verbum; Tertium exarat in corde per Spiritum.

V. Primus Liber Dei est *Liber mundi*, totius sc. hujus Universi opifi- *Libri ex-*  
 cium, in quo velut in libro amplissimo, magnis quidem & crassis, sed *terni Dei*  
 speciosissimis tamen & magnâ arte incisis characteribus ita se ipsum descri- *vatis*  
 pfit Deus, ut aperire oculos nequeant homines, quin aspicere eum cogan- *1. Liber*  
 tur. Licet enim essentia ejus sit incomprehensibilis, & humanos sensus pro- *mundi.*  
 cul effugiat, tam illustres tamen, tamque claras gloriæ suæ singulis operibus  
 suis notas insculpsit, ut sublata sit omnis quantumlibet rudibus & stupidis  
 ignorantia exculatio. Quid enim est conspicuum hujus mundi Theatrum,  
 quàm *παθευτήριον & θεογνωσίας, καὶ ψυχῶν λογικῶν διδασκαλεῖον*, ut  
 magnificè exprimit *Basilius*. Eò respicit procul dubio Paulus, quum Rom. *Rom. 1. 19.*  
 1. 19. 20. dicit *τὰ ἀόρατα αὐτῷ ἀπὸ κτίσεως κόσμου τοῖς ποιήμασι νοεῖσθαι* *20.*  
*καθορᾶσαι*, *invisibilia ejus à creatione mundi operibus conspecta videri*,  
 scil. velut in libro, qui nobis legendus proponitur. Nec abludit Scriptura,  
 quum sub *Libri* metaphora de Creaturis, & in specie de Cælo loquitur. Isa. *Is. 34. 4.*  
 34. 4. Apoc. 6. 14. Sed imprimis Ps. 19. ubi non solum *ἡ ψ* seu vox & sonus *Apoc. 6. 14.*  
 creaturis tribuitur, sed etiam *ἡ π* seu *linea*, qualis nempe duci solet in libris *Ps. 19.*  
 scribendis Is. 28. 13. Unde dicuntur cæli *כספים enarrantes* gloriam Dei, *Is. 28. 13.*  
 quia in se ipsis velut in libro, qui *כספ* dicitur, laudum divinarum materiam  
 nobis suppeditant, ut hîc revera Creaturæ sint instar librorum, quæ utut  
 mutæ videantur, in quibus nec loquela nec sermo sit, omnes tamen vocales  
 sint re ipsa, *quarum vox ubique audiat*, Ps. 19. 3. nec sursum tantum Cæli  
 gloriam Opificis prædicent, sed & deorsum Terra, in qua magnificentum ejus  
 nomen conspicitur, imò præsentem clamat quælibet herba Deum.

VI. Ita Deus in schola naturæ homines, non Verbo, sed Opere erudire *2. Liber*  
 voluit, & ut bene Tertull. *Premisit naturam magistratam, submissurus & Pro-* *Scriptura.*  
*phetiam, quo facilius credas Prophetia discipulus natura.* Verum quia li-  
 ber iste per peccatum mirum in modum obscuratus, & tantum non  
 deletus fuit, ita ut ad salutem sufficere nequeat; addidit Deus *Librum*



DISPUT. alterum *Scriptura*, in quo clarè & distinctè, non modò potentia & divinitatis lineamenta nobis expressit, sed insuper voluntatis & gratia testimonia indubitata reliquit, unde passim *Liber Dei*, *Liber Legis*, *Liber fœderis*, *Liber Domini* vocatur Exo. 24. 7. Heb. 9. 9. Is. 34. 16. Utrumque librum nobis aperit Psalter Ps. 19. ut ostendat, utràque viâ Deum se nobis patefecisse, & à creaturarum contemplatione ad Verbi lectionem esse transcendendum, ut cognitio Dei salutaris possit haberi. Fateor *Scripturam* & *Librum Dei* singulari ratione vocari posse *Tabulas illas*, in quibus propriis digitis Legem suam exarare voluit, quæ אלהים כעשה  
Exo. 32. 16. *opus Dei* & ספר אלהים *Scriptura Dei* Exo. 32. 16. vocantur; Sed hoc non obstat, quominus Verbum illud, quod speciali Dei jussu & inspiratione per Viros θεοπνεύστως scriptis consignatum est, *Liber Dei* verissimè dicatur, quia ejus solus auctor est & causa principalis, licèt usus sit hominum ministeriò in eo promulgando.

3. *Liber Conscientia*

VII. Tertius *Liber* externus est *Liber Conscientia*, in quo Deus jam ab initio cognitionem sui & Legem naturalem impressit, & quod sui juris est & nostri officii docuit; ita ut singuli, si eum audire & attentè expendere velint, facilè non tam hominem, quàm Deum ipsum loquentem animadvertant. In *statu instituto nature*, *Liber* iste integer fuit & nullâ liturâ notatus. In *destituto peccati*, corruptus quidem fuit & miris modis fœdatus, sed mansit tamen ad hominis convictionem & ἀναπολογία, *Gentes enim ostendunt opus Legis scriptum in cordibus suis, testimonium reddente conscientia ipsorum, & cogitationibus vicissim accusantibus & excusantibus*, Rom. 2. 15. In *restituto gratia* renovatur & reformatur in fidelibus per Spiritum, ad eorum sanctificationem, quippe qui Legem digito suo non in tabulis lapideis, ut olim, quæ confringi possint, sed carneis cordis inscribit, 2. Cor. 3. 4. juxta promissionem fœderi novo annexam, *Inscribam Legem meam cordibus ipsorum, & ero Deus illorum, & illi erunt mihi in populum*, Jer. 31. In *statu denique præsstituto gloria* *Liber* iste perficietur in Beatis, super quos scripturus dicitur Christus *nomen Dei sui*, ut sciant se esse ejus filios, *nomen Civitatis Dei Jerusalem cœlestis*, ut norint se esse ejus incolas & cives, & *nomen suum novum*, ut agnoscantur ejus membra. Apoc. 3. 11.

VIII. Sic fuerunt *Libri externi Dei*; Alii sunt *interni*, qui ita dicuntur, non propriè, quasi Deus, qui omnia uno intuitu in se ipso disponit & videt, opus habeat libris ad instar hominum, vel ad memoria subsidium, vel ad rerum certitudinem confirmandam, sed ἀνθροπωπαθῶς & figuratè ad denotandam rerum omnium, tum præfinitionem certissimam, tum infallibilem præscientiam. Quomodo libris utuntur homines, illisque acta aut agenda inscribunt, partim ad sublevandam memoriam, partim ad inviolatam & perpetuam rerum certitudinem. Ut hîc mens Dei æterna sit instar libri, in



in quo per decretum quæcunque futura sunt, inscribit, & per præscientiam legit & cognoscit distinctissimè, quasi in libro exarata. Licet autem unicum tantum sit decretum & unica Dei scientia, ut omnia in ipso sunt simplicissima, tamen ratione modi nostri concipiendi, & pro objectorum diversitate, multifariam distingui potest.

IX. Hinc ut triplicem diximus concipi posse Librum Dei externum, Triplicem etiam facere possumus Librum internum. Primus est *Liber Providentiæ*; Secundus *Liber Judicii*; Tertius *Liber Vitæ* seu Prædestinationis. *Liber Providentiæ* est universalis & amplissimus, qui omnes omnino creaturas complectitur. *Liber Judicii* contractior, qui ad creaturas tantum intelligentes & rationales pertinet. *Liber Vitæ* strictissimus, qui solos electos & fideles respicit. Primus Naturæ dispensationem. Secundus Legis æconomiam. Tertius supernaturalem gratiæ ordinem nobis exhibet. In illo Deus notat, quid facere decreverit in mundo per potentiam. In isto quid hominibus reddere velit per justitiam; In hoc quid fidelibus dare ex misericordia constituerit.

X. *Liber primus Providentiæ* dicitur, qui creaturarum omnium causas, actiones, cursus & effectus complectitur, in quo decreta de rebus extra Deum futuris continentur; Ubi fixus & immotus assignatur unicuique vitæ terminus, quem nemini vel accelerando vel producendo refigere licet, qui à nonnullis liber vitæ præsentis seu liber viventium dicitur. Ibi principium ortûs & interitûs cujusque notatur, Imperiorum incrementa & decrementa, totius Orbis administratio, causarum secundarum ordinata series, imò rerum etiam minimarum eventus ita præscribuntur, ut ne passeris quidem vel capilli casus hanc Dei providentiam fugiat. De hoc libro Psal. 139. 16. agitur, ubi Psaltes loquens de sui formatione in utero, *Informem massam meam*, inquit, *viderant oculi tui*, id est cum nondum in utero matris bene formatus essem, & *in libro tuo* nimirum Providentiæ & Præscientiæ *omnia scripta erant*. Ita alibi Psal. 56. 9. profitetur *Deum numerare fugas suas*, & *lachrymas suas esse in registro ipsius*, id est, Deum accuratam earum notitiam & curam habere. Unde bene inferas, omnia infallibiliter & necessariò evenire, quia ita præstituta sunt ab æterno; sed malè tamen inde colligas, libertatem hominum vel rerum contingentiam de mundo tolli, ut Sociniani perperam argutantur; quia hæc Dei scriptio non tantum versatur circa res ipsas, sed & circa earum modos, ut dum eventus certam futuritionem infert, nullam tamen rerum naturæ vim afferat, sed causas secundas ineffabili quidem & occultâ, sed tamen verissimâ ratione juxta suos modos agere sinat.

XI. *Liber* alter internus dictus nobis est *Liber Judicii*, quia in eo scribuntur, quæ ad Creaturarum rationalium gubernationem & judicium spectant, ubi adversa & prospera, bona & mala earum



**DISPUT.** notantur, ex quibus judicandæ veniunt. Ut enim nihil in rerum natura  
**I.** contingere potest, quod à Deo non sit præstitutum; Ita nec in hominum  
 societate quicquam boni vel mali potest fieri, quod ab ejus decreto vel  
 effectivo vel permissivo non pendeat, nihil quod ejus æternam præscien-  
 tiam fugiat, & quod coram ipso scriptum non sit; hinc ut peccatum dici-  
 tur scriptum stylo ferreo in corde peccatoris, Jer. 17. 1. sic scriptum pari-  
 ter perhibetur coram Deo, Is. 65. 5. *hoc scriptum est coram me*, ait Domi-  
 nus, ut significet se illud probè nosse, ejusque se perpetuò recordari.  
 Non aliter de bonis operibus est statuendum, ea scilicet omnia ita scripta  
 esse coram Deo, ut eorum nunquam obliviscatur, sed memor sit futurus  
 in judicio suo, ut rependat illis, si non propter ea, quia nullum est meri-  
 tum, at secundum ea. Quò videtur respicere ספר זכרון *Liber memoria*,  
 de quo Malac. 3. 16. qui dicitur *conscriptus coram Deo pro timentibus ipsum*,  
 ut innuatur Deum recordaturum pietatis ipsorum suo tempore, & retri-  
 buturum præmium fidei & perseverantiæ ipsorum. Ad hunc librum per-  
 tinet, quod Daniel. 7. 10. & Apoc. 20. 12. ubi de Judicio ultimo agitur,  
 dicitur libros apertos fuisse: *Et vidi*, inquit Joannes, *mortuos parvos &*  
*magno* **Apoc. 20.** *stantes coram Deo, & libri aperti sunt, & apertus est liber alter,*  
**12.** *qui est liber vite, & judicati sunt mortui ex illis, quæ scripta sunt in li-*  
*bris secundum opera ipsorum*; Sic notatur summa judicii istius æquitas ex  
 humano foro, ubi juxta leges scriptas, & cum his congruentia facta &  
 dicta, Judex justam pronuntiat sententiam. Cur autem librorum, non  
 unius libri mentionem faciat, ratio facilè reddi potest, quia præter librum  
 istum internum Dei, in quo scripta sunt omnia hominum opera, libri alii  
 duo illi respondentes aperientur. Primò *Liber Scriptura*, in quo juris Dei  
 & officii nostri regulam præscribit Deus, ad quam se componere quisque  
 tenetur, & ex qua judicandi sunt, quotquot Scripturam ducem habuerunt.  
 Secundò *Liber conscientia*, quæ de factis testimonium præbet, & quæ in-  
 star mille testium homines vel accusabit vel excusabit; nam *Deus tunc illu-*  
*straturus est res occultas tenebris, & manifesta faciet consilia cordium*,  
 1. Cor. 4. 5. 1. Cor. 4. 5. ut hic nihil absconditum & indiscussum manere queat, quod  
 summi Judicis oculis non exponatur.

**XII.** Postremus est *Liber Vita*, Æternum scil. & immutabile Dei con-  
 silium, per quod, ut quosdam ab æterno ex massa corrupta secrevit ex merâ  
 sua misericordiâ, & ad vitam æternam conscripsit, quos per Christum salva-  
 ret, cæteris omnibus in æquali miseria constitutis, ex summa & liberrima  
 sua potestate præteritis; Ita eosdem in libro isto arcanæ prædestinationis  
 conscriptos novit & servat constantissimè. Hujus sæpissimè Scriptura me-  
 minit, modò simpliciter & κατ' ἐξοχήν sub *Libri* nomine Dan. 12. 1. *Sal-*  
*uabitur omnis populus, qui inventus fuerit scriptus in libro*, modò per scriptio-  
 nem



nem cœlestem, Luc. 10. 20. *Gaudete quòd nomina vestra scripta sunt in cœ-* DISPUT.  
I.  
Luc. 10. 20.  
Apoc. 13. 8.  
& 17. 8.  
& 21. 27.  
*lis*, tum quia in cœlo electi, tum quia ad cœlum vocati; aliquando per *Li-*  
*brum vitæ Agni*, ut Apoc. 13. 8. & 17. 8. *mirabuntur omnes, quorum no-*  
*mina non sunt scripta in libro vitæ Agni*, sic Apoc. 21. 27. non tantùm quia  
per ipsum non minùs ac Patrem facta est electio, sed & quia in ipso fundatur  
Eph. 1. 4. non quidem antecedenter ut in causa meritoria, sed consequenter,  
ut in medio primario executionis; aliquando denique per *Librum vitæ sim-*  
*plici*. ut Phil. 4. 3. Apoc. 20. 15. & 22. 29. ratione finis id. vitæ æternæ, quæ Phil. 4. 3.  
Apoc. 20.  
15. & 22.  
29.  
sola præ cæteris nomen vitæ meretur, tum à priori ratione Prædestinationis,  
quia ab æterno conscriptus est ante jacta mundi fundamenta, tum à poste-  
riori ratione glorificationis, quia in æternum manere debet post consum-  
mationem sæculi. Ita Liber iste duo præcipuè designat, Decretum Dei  
prædestinantis, quod est instar scriptionis, tum præscientiam ejusdem, quæ  
est instar lectionis, quæ scripta recognoscit & legit.

XIII. Atque hinc facilè colligi potest, quo sensu Liber iste Deo tribua-  
tur, non propriè & literaliter, ut jam insinuavimus, quasi vel liber vel scriptio  
qualiscunque materialis in Deum cadere possit; sed mysticè & figuratè, tum  
ad connotandam divinæ Prædestinationis certitudinem & immutabilitatem,  
tum ad significandam præscientiæ ejus & cognitionis evidentiam & infalli-  
bilitatem. Nam ut voces & verba volant, sed litera scripta manet: Ita De-  
cretum Dei non est inane verbum, quod irritum fiat & solvi possit, sed ver-  
bum potens & efficax, quod in mente Dei scriptum mansurum est in æter-  
num, & certissimè implendum. Rursus ut ea, quæ exarata sunt, clarè & di-  
stinctè possunt cognosci oculis subjecta fidelibus; at quæ in aurem tantùm  
per verbum dilabuntur, faciliùs nobis possunt imponere, ut in iis percipien-  
dis & recolendis fallamur. Ita scientia hæc visionis, quæ rerum futuritionem  
in Decreto præfinitam videt & legit, adèò certa est & distincta, ut nec falli  
nec fallere possit. Unde Paulus 2. Tim. 2. 19. testatur, *Deum nosse qui sui sunt*,  
& Christus Jo. 10. 27. *se cognoscere oves suas, & scire quos elegerit*, Jo. 13. 18.

XIV. Si verò quæratur ulteriùs, Cur hac phrasi Spiritus S. uti voluerit Cur liber  
Deo tri-  
buatur.  
ad hoc mysterium designandum? Rationes variæ reddi possunt. Quidam  
putant metaphoram ductam esse à *Re militari*, & belli Duce, qui milites  
delectos in libro consignat; unde phrasis *conscribendi militem*; rejectitios  
verò & malè fidos vel exauthorat vel præterit. Ita Jehova exercituum,  
qui fideles suos ad sacram militiam vocat, ut sub vexillo Christi Du-  
cis sui bella Domini adversùs Diabolum, mundum & carnem decer-  
tent, dicitur in libro conscribere, quos ad tam salutare opus destinet. Alii  
volunt alludi ad societatem civilem & *album amicorum*, quemadmodum  
enim solemus nomina eorum, quos præ cæteris diligimus in album no-  
strum referre, ut memoria eorum hæreat semper animis nostris. Ita Deus  
nomina.



DISPUT. I. nomina electorum & fidelium, qui verè sunt amici Dei, ut de Abrahamo perhibet Angelus Gen. 22. & de discipulis suis Christus Jo. 13. 13. in libro suo consignata habet, ne unquam animò ejus excidant, qua de causa alibi dicitur Is. 49. 16. cunctur in manibus Dei sculpti Is. 49. 16.

XV. Sed commodiùs alii statuunt similitudinem peti ab *Uso civili*, & iis qui civitate donantur, quorum nomina in Civium catalogum & tabulas publicas referri solent, ut Jura & Privilegia civium usurpare possint, quod non in populo tantùm Romano factitatum esse, sed & in Israëlítico notum est, Ubi tabulæ genealogicæ omnium familiarum & tribuum, sed Regum & Sacerdotum imprimis accuratissimè conscribebantur & asservabantur, ne peregrini & alienigenæ immiscerentur populo Dei. Quò pertinet recensio, quæ fieri debuit ex præscripto Dei Exod. 30. 12. & Liber recensio-  
*Exo. 30. 12.* sionis, de quo Nehem. 7. 5. & imprimis βιβλος γενέσεως *Liber generationis*  
*Neh. 7. 5.* Christi, qui refertur à Matthæo & Luca, ad verum Genus Christi aperien-  
*Matt. 1. 1.* dum: Nec aliò videtur respicere Ezech. cap. 13. 9. quum de Pseudoprophetis  
*Ezech. 13.* loquens, & pœnas illis nomine Dei denunciatis. *In consilio*, inquit, *populi*  
*9.* *mei non erunt, & in descriptione seu libro Domus Israël non conscribentur, nec*  
*interram Israël venient.* Ubi tres pœnæ gradus notat, *ejectionem ex consilio*  
*publico*, cui Prophetæ interesse poterant Jer. 26. 7. *Ejectionem ex populo*, qui  
 totus descriptus, & albo publico consignatus erat, ne censeantur ampliùs ejus  
 membra, vel fruantur ejus privilegiis. *Ejectionem ex terra ipsa*, ne, quod pere-  
 grinis etiam concedebatur, in ea liceat ipsis ulterius pedem figere & morari.  
 Ad hunc ergo morem Spiritus Sanctus alludens, Electionem salvandorum  
 per Librum eleganti metaphorâ designat, ut notet eos hoc pacto fieri veros  
 Cives Jerosolymæ cœlestis, ad quos privilegia omnia, immunitates & bene-  
 ficia Beatorum pertineant, quorum idcirco nomina in hoc libro velut in re-  
 gistro quodam publico, si ita fas loqui, consignentur, non in Terra, sed in  
 Cœlo, non manu hominum & atramento, sed digito ipsius Dei, & Decreto  
 ejus æterno, non in charta aut membrana, sed in ejus mente, non ut censean-  
 tur cives Israël secundum carnem, filii Abrahæ, & hæredes Cananitidis  
 terrenæ, sed ut agnoscantur verè filii Dei, Israël secundum Spiritum, & hære-  
*Ps. 87. 5. 6.* des Canaanis cœlestis. Eò manifestè respicitur Ps. 87. 5. 6. Apoc. 22. 19. sed  
*Apoc. 22.* præcipuè Heb. 12. 23. ubi Ecclesia fidelium vocatur *Cætus Primogenitorum*,  
*19.* *quorum nomina scripta sunt in cælis*; Utenim quæcunque ibidem referun-  
*Heb. 12. 23.* tur, allusivè dicuntur ad populi Israëlitici statum, Mons Monti opponitur,  
 Civitas Civitati, Jerusalem terrena cœlesti, Sanguis victimarum, qui effun-  
 debatur in Veteri Testamento, Sanguini παντισμῆ, qui effusus est à Chri-  
 sto, Exercitus Angelorum, quorum διαταγὰς data est Lex. Gal. 3. 19.  
 Myriadibus eorum, quia ascendunt & descendunt super Filium hominis  
 Jo. 1. 51. & qui sunt Spiritus ministratorii ad salutem fidelium, Heb. 1. 14. Ita

*Primogeniti*



*Primogeniti, quorum nomina scripta sunt in calis*, manifestè relationem habent ad Israëlitarum primogenitos; quorum nomina tabulis genealogicis consignata erant; Nam ut Fideles *primogenitorum* prærogativas verè possident, tum in *dominio*, quia facti sunt Reges in Christo, qui regnare debent super terram, Apoc. 5. 10. tum in *dupla portione*, promissionibus scil. Apoc. 5. 10. vitæ præsentis & futuræ 1. Tim. 4. 8. & gratiâ & gloriâ Ps. 84. tum in *Sacerdotio*, quum facti sunt Sacerdotium regium in ipso 1. Pet. 2. 5. 9. Apoc. 1. 5. 1. Pet. 2. 5. 9. Ita in libro genealogiæ cœlestis verè conscribuntur, quum jus ad hæreditatem cœlestem, & ad domum Patris æterni, ex quo omnis familia in cœlo & in terra nominatur, Eph. 3. 15. per electionem obtinent.

XVI. Hinc patet, quid per *Librum Vitæ* intelligendum sit, & quo sensu Deo tribuatur; Patet etiam Decretum Electionis non situm esse in generali & indifferente omnium ad salutem destinatione, si credant, ut vellent Sociniani & Remonstrantes: Sed in peculiari & specifica eorum designatione, qui ex gratia Dei & credituri & salvandi sunt: Nam quisquis nomina eorum, de quibus aliquid decernit, in librum refert, cogitat de illis nominatim, seu de individuis signatis, non tantum de individuis vagis & in idea. Ut hic longè aliud sit qualitatem communem assignare, & decernere, sub qua homines queant vitam & salutem consequi. Aliud verò nomina quorundam, cæteris seclusis, libro vitæ inscribere; hæc enim scriptio ad personas ipsas spectat, non simpliciter ad qualitates, sub quibus homines possunt salutem indefinitè obtinere.

XVII. Sic fuit Prima Quæstio. Sequitur Altera, quæ ut difficilior est, ita majorem *ἀντίθεσιν* postulat; *An scilicet quidam Libro vitæ semel adscripti ex eo deleri possint?* Ratio dubitandi oritur ex variis Scripturæ locis, in quibus hoc exertè videtur asseri. 1. Ex *Voto Moysis* Exo. 32. 32. qui quum audiret Deum iratum populo Israëlítico velle eum penitus excindere, tam intenso charitatis zelo commotus est, ut non solum intercedat pro ipso, sed & optet potius deleri è libro Dei, quàm ut tota gens pereat, *Aut remitte peccatum ipsorum, aut si non vis, dele me quæso de libro tuo, quem scripsisti.* Et ne votum tantum impossibile putetur, Dominus statim addit, *Qui peccaverit, eum delebo de libro meo.* Ubi non modò rei possibilitas, sed etiam futuritio innuitur. 2. Ex *imprecatione Davidis*, qui Ps. 69. 29. de Ecclesiæ hostibus & suis loquens, petit ut *deleantur de libro viventium, & cum Justis non scribantur*, quod utique dicere non posset, nisi talis dari posset deletio. 3. Ex *comminatione prophetica* Joan. Apoc. 22. 19. *Si quis abstulerit ex verbis libri Prophetiæ hujus, auferet Deus partem ejus de libro vitæ, &c.* Quæ luce meridianâ clarius videntur probare, quosdam ex libro vitæ posse expungi. Sic Sociniani & Remonstrantes & cæteri, qui Sanctorum Apostasiam & Electionis mutabilitatem propugnant, his uti vulgò locis solent ad Erroris sui fulcimentum.



DISPUT.

I.  
Neminem  
posse ex li-  
bro vitæ  
deleri pro-  
batur.  
1. à Decre-  
torum Dei  
immutabi-  
litate.

XVIII. Sed verissima tamen est contraria Orthodoxorum sententia, quæ statuit librum hunc lituram nullam admittere, neminemque illi semel adscriptum ex eo deleri posse. Argumenta eam in rem afferri possunt varia; sed pauca tantum è multis delibamus. Primum petitur ex *Decretorum divinorum immutabilitate*. Cum enim Liber vitæ nihil aliud sit, ut jamjam diximus, quàm Decretum Electionis, quò ab æterno quosdam salvare constituit, si tale decretum firmum sit & ἀμετάθετον, invariata etiam & æternam esse necesse est talis Libri Scripturam. Hanc autem esse conditionem Decretorum divinorum in genere, & in specie decreti Prædestinationis, & natura ipsa Dei, & Scriptura apertè clamant: Et natura quidem Dei, quia ut immutabilis est & constans in se, penès quem nulla est παραλλαγή, ἢ τροπὴ ἀποσχίσμα Jac. 1. 17. Ita immutabilis debet esse in voluntate & in consilio, quod semel positum nec rescindi nec revocari queat; aliàs vel mutaretur in melius, & sic non esset sapientissimus, vel in pejus, & sic non esset optimus. Scriptura etiam idem passim confirmat luculentissimè: Nam sive Decreta in genere considerentur, *Consilium meum stabit*, inquit Dominus Isa. 46. 10. & implebo omne beneplacitum meum, & Paulus Rom. 9. 19. *voluntati ejus quis resistit?* Sive in specie de Electione agatur, quis nescit vocari στερεὸν θεμέλιον, *firmum fundamentum*, quod nullâ arte vel robore Diaboli subrui possit, 2. Tim. 2. 19. ἀμετάθετον βεβλήν *consilium immutabile*, quod Deus duabus rebus, in quibus impossibile est eum mentiri, verbò scilicet & juramentò sancivit Heb. 6. 17. 18. Et πρόθεσιν κατ' ἐκλογὴν *propositum secundum electionem*, quod firmum manet Rom. 9. 11. Ut varias alias phrasas omittamus, quibus solet describi, eandem immutabilitatem confirmantes.

XIX. Neque hîc audiendi sunt, Qui vel *Pœnitentiam* & *mutationem* Deo tribui sæpe in Scriptura causantur, Vel qui *Decreta* quædam *conditionata* illi affingunt. Nam præterquàm quòd Electio & Vocatio donis ἀμεταμελήτοις annumerandæ sunt ex Rom. 11. 32. Notum est *Pœnitentiam* Deo propriè non competere, sed ἀνθρωποπαθῶς & metonymicè, non affectivè, sed effectivè, prout *mutationem* non consiliū in Deo, sed *operis* & *facti* extra Deum, eamque ex consilio Dei profectam denotat: *Mutationes* etiam *rerum* non inferunt statim *mutationem voluntatis*, quia mutationes illæ ab ipsâ Dei volitione immutabili manente pendent. Quod ad *Decreta conditionata*; non diffitemur *res ipsas volitas* & *decretas* aliquando esse *conditionatas*, quæ non nisi hâc vel illâ positâ conditione possunt impleri: Sed volitionem ipsam seu *Decretum* posse dari *conditionatum à priori* & *antecedenter* constanter negant Orthodoxi, & sapientissimè Synodi Gallicanæ non semel repudiârunt, ut Sapientiæ, Potentiæ, & Bonitati divinæ injurium. Vult quidem & de-



& decernit Deus aliquid implendum sub hâc vel illâ conditione; sed ita ut DISPUT.  
ipsam conditionem pariter decernat vel efficere vel permittere. Verùm ut 1.  
idem velit aliquid & decernat sub conditione impossibili, & quam novit  
certissimè nunquam futuram, quamque ipse constituit non dare, qui so-  
lus dare potest, longè videtur ab ejus Sapientiâ & Potentiâ alienum.

XX. II. Argumentum suppeditat nobis *Fœderis gratia aternitas*. Nam 2. à Fœderis  
cùm fœdus istud novum non debuerit abrogari ad instar prioris, quod ta- gratia ater-  
bulis lapideis incisum fuerat, sed æternum debeat esse & immutabile, ex nitate.  
promissione celebri Jer. 32. 30. 40. Hos. 2. 19. 20. *Liber etiam vitæ*, qui Jer. 32. 30.  
*fœderis* istius *Liber* verè nuncupatur, quia fœdus in eo fundatum & con- Hos. 2. 19.  
signatum est, non potest non æternus esse & indelebilis. Neque hic repo-  
nendum, constantiam promitti in fœdere à parte Dei, sed non statim à  
parte nostri; itaque, si Deus auxilium suum nobis pollicetur, si officium  
faciamus, non continuò sequi nos officium semper facturos, atque adeò  
fœdus nunquam irritum fore. Nam huic exceptioni viam omnem præcludit  
Dominus ipse, quum in promissione fœderis, non tantum meminit amo-  
ris sui, sed & timoris nostri. Nam ut pollicetur se non recessurum à nobis,  
ita testatur se effecturum, ut non recedamus ab ipso, *pangam cum ipsis fœ-*  
*dus perpetuum, ut non avertam me à benefaciendo ipsis, & reverentiam in-*  
*dam animo ipsorum, ut non recedant à me.* Sic implet & quod suarum &  
quod nostrarum est partium, ut nihil sit quod fœdus delere queat. Nam si  
irritum aliquâ de causâ fieri posset, id potissimum fieret, vel à parte Dei,  
per mutationem amoris, si Deus à nobis recederet; vel à parte nostri per  
inconstantiam nostram, quâ Deum desereremus: Sed adversus utrumque  
periculum tutos nos præstat misericors Deus. Nam quo ad prius, testatur  
se nunquam recessurum esse à nobis; quoad posterius, affirmat se per ti-  
morem, quem nobis ingenerabit, effecturum ne unquam recedamus ab  
ipso. Ita non tantum pollicetur *finem*, sed & ipsa *media*, quæ ad eum *du-*  
*cunt*, non tantum beneficium vitæ sub conditione offert, quod sub Lege  
præstabat, sed ipsam etiam conditionem confert & implet. Ut frustra sint  
Remonstrantes, qui promissionem hîc fingunt conditionatam. Nam ut  
non dicam promissionem conditionis non posse esse conditionatam, quia  
aliàs abiretur in infinitum; Certum est nullam posse dari conditionem istius  
promissionis, quæ non coincidat cum re ipsa promissa, quod nemo non  
videt esse absurdissimum.

XXI. III. Ratio ducitur à *gratiarum divinarum*, quæ in isto 3. à gratia-  
libro continentur, *Connexione & Inseparabilitate*; Nam quod rum divi-  
Ethnici de Gratiis suis malè ita dictis perhibebant, eas connexas narum con-  
semper esse, & vinculo quodam indissolubili inter se junctas; Id nexione.  
longè potiori jure in gratiis divinis locum habere censendum est,



**DISPUT.** ut nunquam à se invicem divelli queant, & qui semel unam habuerit, is  
 1. necessariò omnium tandem sit particeps futurus. Hoc verò non modò ex  
 amoris divini æternitate colligitur, qui ab æterno in æternum extenditur,  
 ab æterno ratione Prædestinationis à priori, in æternum ratione Glorifica-  
 tionis à posteriori: Sed præcipuè ex effectis istius amoris, quæ Deus fide-  
 bus suis communicat, quæ Apostolus in admirabili illâ & verè aureâ salutis  
 Rom. 8. 29. catenâ recenset, Rom. 8. 29. 30. ubi partes omnes salutis complectitur, *Prin-*  
 30. *cipia* in Præcognitione & Prædestinatione, *Media* in Vocatione & Justifi-  
 catione, *Finem* denique in Glorificatione: isti enim quinque annuli ita  
 connectuntur inter se, ut qui unum habet, omnes habere debeat, & cui  
 unus deest, omnes pariter in eo desiderentur; *Quos præcognovit eos præde-*  
*stinavit, quos prædestinavit eos vocavit, quos vocavit eos justificavit, &*  
*quos justificavit glorificavit;* Unde ut nemo potest glorificari, quin justi-  
 ficatus, vocatus, prædestinatus, & præcognitus fuerit; Nemo pariter  
 præcognosci potest & prædestinari, qui non sit certissimè glorificandus.  
 Sed si, quod pertendunt Adversarii, quidam ex Libro vitæ expungi pos-  
 sent, malè ista beneficia ita connecteret Paulus, ut Prædestinationem Vo-  
 catio, Vocationem Justificatio, Justificationem Glorificatio necessariò  
 consequatur, quando fieret ut quidam prædestinati, vel non vocarentur,  
 vel vocati non glorificarentur. Perperam etiam alibi Paulus principium  
 cum fine conjungendo diceret, *Electiõnem assecutam esse*, id est, electos obti-  
 nuisse salutem, *Ceteros vero occalluisse* Rom. 11. 7. Sic nec Deus propositum  
 Prædestinationis assequeretur; Nec sua constaret dicto Apostoli veritas;  
 Nec fideles in hoc beneficio gloriandi & exultandi materiam haberent, quod  
 nec dici sine absurditate, nec sine impietate cogitari potest.

XXII. Sed ne diutius in Electionis certitudine demonstranda im-  
 moremur, quod variis quidem fieri posset argumentis aliis, sed quæ  
 longius nos à scopo abducerent; Videamus paulò pressius, an ex Scri-  
 ptura confirmatio æternitatis Libri vitæ possit haberi. Hoc verò non unâ  
 Luc. 10. 20. ratione colligi potest. Primò ex eo, quòd Christus Luc. 10. 20. jubet  
 discipulos gaudere, non quòd daemones ipsis subjiciantur, sed quòd *no-*  
*mina ipsorum scripta sint in cælis.* Cur autem non vult eos gaudere de  
 donis illis extraordinariis, sed tantùm de Electione, nisi quia dona illa  
 miraculosa & temporaria erant, quæ poterant auferri & cessare, &  
 ministerialia tantùm, quæ in reprobos etiam cadere poterant: sed  
 Electionis beneficium, quod per scriptionem istam denotatur, æternum  
 est & salutare, quod nec in reprobum cadere, nec à fidei potest au-  
 ferri? At si, quod censent Adversarii, potuissent deleri ex isto  
 libro, frustra & sine ratione ad gaudium eos hortaretur. Quænam e-  
 nim causa lætitiæ discipulis esse poterat, si in continuo discrimine ver-  
 saban-



labantur beneficium istud amittendi; quodnam gaudium percipere poterant, si illis constitisset firmitatem istius consilii ex tenui liberi arbitrii filio pendere, quò nihil labilius & inconstantius? solidum illud deinum est gaudium, quod æternum est, quodque nemo nobis eripere queat, alias plus doloris saepe ex jactura boni oritur, quàm lætitiæ ex ejus brevi & momentanea possessione percipiebatur. Nec nodum solvit *Volkelius* tom. 5. cap. 17. quum ait sufficiens esse gaudii argumentum, *certissimam salutis viam ingressum esse, & in eo versari statu, in quo possis constanter perseverare & si perseveres, sempiternam felicitatem omnino sis consecuturus.* Nam præterquam quòd falsò supponit scriptum nomen habere in cælo importare tantum facultatem perseverandi, si volueris; cum infallibilitatem perseverantiæ & salutis consequendæ certitudinem etiam inferat, nec rei tantum possibilitatem, sed & futuritionem dicat; Perperam etiam contendit verum & solidum gaudium in mutabili & incerto bono collocari, quod singulis momentis vel tentationes Diaboli excutere valeant, vel propriâ infirmitate & inconstantia deperdere quis possit. Huc etiam facere potest, quòd ut Cælum, & quæ ad illud pertinent, stabilia sunt & immota; Terra verò & terrena omnia fluxa & caduca, unde Regnum Christi, quod æternum est & ἀσάλευτον Heb. 12. 28. vocatur *Regnum cælorum*: Ita Scriptio quæ sit in cælis, non modò hæreditatis cælestis possessionem, sed & Decreti divini constantiam & æternitatem notat: Ut reprobi dicuntur *scribi in Terra* Jer. 17. 13. non modò quia portio eorum est in terra, non in cælo, sed etiam ut eorum interitus & exitium notetur; ut facili negotio delentur, quæ in terra seu in pulvere scribuntur.

XXIII. Secundò idem etiam non obscurè colligitur ex Apoc. 21. ubi Joannes testatur neminem ingressurum in Civitatem cælestem, præter scriptos in libro vitæ, *non ingreditur in ipsam quicquam immundum, & faciens abominationem*, *εἰμὴ οἱ ἁγιογράμμενοι ἐν τῷ βιβλίῳ τῆς ζωῆς*, sed tantum qui scripti sunt in libro vitæ, ubi particula *εἰμὴ* non est exceptiva, quasi scripti in libro vitæ exciperentur ex numero immundorum, qui ingressuri non sunt, quod absurdissimum esse res ipsa clamat; sed est *adversativa*, quæ excludit non includit electos ab illo numero, quo sensu usurpari non rarò in Scriptura clarum est Luc. 4. 26. ubi Joannes testatur neminem ingressurum in Civitatem cælestem, præter scriptos in libro vitæ, *non ingreditur in ipsam quicquam immundum, & faciens abominationem*, *εἰμὴ οἱ ἁγιογράμμενοι ἐν τῷ βιβλίῳ τῆς ζωῆς*, sed tantum qui scripti sunt in libro vitæ, ubi particula *εἰμὴ* non est exceptiva, quasi scripti in libro vitæ exciperentur ex numero immundorum, qui ingressuri non sunt, quod absurdissimum esse res ipsa clamat; sed est *adversativa*, quæ excludit non includit electos ab illo numero, quo sensu usurpari non rarò in Scriptura clarum est Luc. 4. 26. ubi Joannes testatur neminem ingressurum in Civitatem cælestem, præter scriptos in libro vitæ, *non ingreditur in ipsam quicquam immundum, & faciens abominationem*, *εἰμὴ οἱ ἁγιογράμμενοι ἐν τῷ βιβλίῳ τῆς ζωῆς*, sed tantum qui scripti sunt in libro vitæ, ubi particula *εἰμὴ* non est exceptiva, quasi scripti in libro vitæ exciperentur ex numero immundorum, qui ingressuri non sunt, quod absurdissimum esse res ipsa clamat; sed est *adversativa*, quæ excludit non includit electos ab illo numero, quo sensu usurpari non rarò in Scriptura clarum est Luc. 4. 26.



DISPUT. su Joannes dicit neminem ingressurum in civitatem, nisi scriptos in libro vitæ: Ubi duo ista necessariò supponuntur, & *solos* scriptos in hoc libro eò ingredi, & *omnes* & singulos recipi, ut nemo ex non scriptis ingrediatur, & nemo ex scriptis excludatur; hoc autem dici nequaquam posset, si, quod pertendunt Adversarii, quidam ex hoc libro deleri possent, & vitæ ac salute per consequens excidere.

XXIV. Confirmatur id ipsum Tertiò ex promissione, quam Christus dat Victori Apoc. 3. 5. *se non deleturum nomen ejus ex libro vite*. Nam cum omnes electi & fideles sint victores in Christo Rom. 8. 38. & 1. Cor. 15. 57. ex eo satis constat, neminem ex hoc libro deletum iri. Dices, negationem istam deletionis non potuisse proponi, ut beneficium aliquod eximium & privilegium singulare, quod sit tamen à Christo, si impossibile foret aliter fieri. Sed facilis est responsio, Christum non ideo deletionem istam in aliis possibilem supponere, sed tantum æternitatem & constantiam istius beneficii velle designare; eodem modo quò 7. 12. ejusdem capitis pollicetur Victori, quòd futurus sit ut *columna in Templo Dei, nec foras amplius sit egressurus*, non quòd aliquis re ipsa egredi possit, sed ut ex ea negatione perpetuitas gloriæ indicetur: Sic Christus ad solatium fidelium suorum, qui perseveraverint in fide & pietate, perseverantiam amoris & benevolentiae divinæ pollicetur. Atque ita antithesim vult instituere inter statum Ecclesiæ militantis, in qua multi semper latent hypocritæ, qui ex canone charitatis videntur in libro vitæ scripti, & ultimo demum die detegendi sunt, & à Sanctis secernendi; Et statum Ecclesiæ triumphantis, quæ nullos nisi veros & genuinos cives, qui in æternam communionem Dei fruuntur, admissura est.

XXV. Denique si quis deleri posset ex Libro vitæ, id fieret; Vel quia Deus non potuit distinguere veros cives à falsis; Vel quia non valeret conferre ipsis præordinatam gratiam. At neutrum dici potest, quia illud summæ Dei sapientiæ & constantiæ repugnat, quasi aliquid ei ex improvviso eveniret, propter quod deberet à priori suo consilio resilire, vel quod illi semel placuit postea displiceret. Istud verò potentiae ejus infinitæ derogat, ac si non posset perficere, quod semel constituit. Dicere hic *scriptionem* istam esse *conditionatam*, ut vult *Volkelius*, quia nemo in libro vitæ scriptus absque ulla conditione ac prorsus immutabiliter vitæ sit destinatus, quamdiu adhuc vivit & nondum penitus ex omni parte vicit; est petere principium & supponere quod est in questione. Nam licet non negemus possessionem salutis per inscriptionem istam nobis destinatam, esse conditionatam, quia non sine mediis ad finem perducimur, & qui destinat ad finem destinat etiam ad media eò ducentia: Negamus tamen, ipsam inscriptionem posse dici condi-

tiona-



tionatam, ita ut conditio quædam illi præcurrat, ex qua, ut dubia & Disput.  
 potestativa suspendatur; non modò quia, uti antea diximus, decreta Dei I.  
 à nulla conditione extra Deum suspendi possunt; sed & quia ipsa conditio,  
 quæcunque tandem illa sit, debet in libro vitæ nobis destinari, nisi in castra  
 Pelagii velimus transire. Ratum ergo maneat & fixum, quod antea proban-  
 dum susceperamus, neminem è Libro vitæ deleri posse: Ut hîc longè po-  
 tiori jure Deo tribui possit, quod iniquissimus Judex Pilatus de se ipso di-  
 cebat, *Quod scripsi, scripsi.* Quò pertinent ista Augustini in Ps. 68. nobis  
 69. in hæc verba, *deleantur de libro viventium. Fraïres, nō sic accipere de-*  
*bemus, quod quemquam Deus scribat in libro vitæ & deleat illum, si homo*  
*dixit, quod scripsi, scripti, Deus quemquam scribit & delet? Præsciū est,*  
*Prædestinavit omnes ante constitutionem mundi regnatos cum Filio suo in*  
*vitâ aternâ; hos quos conscripsit continet liber vitæ &c.*

XXVI. Sed quia hanc salutis nostræ anchoram labefactare videntur  
 loca jamjam allata, videamus paucis quid illis respondendum sit. Pri-  
 mus locus petitur ex Exod. 32. 32. ubi agitur de *Voto Moïsis*, qui quia Exo. 32. 32.  
 cæteris difficilior, paulò accuratius de eo est agendum. Exercuit non pa-  
 rum Interpretes hæc difficultas, quam ut tollerent varia varii commenti  
 sunt, quæ ut parum ad rem facientia commemorare nihil attinet. Quidam  
 ut *Solomo Jarchi* inter Judæos, & ex Pontificiis *Cajetanus* per Librum  
 hunc, non Librum vitæ, sed *Librum Legis*, Vocationis, sive Principi-  
 patûs intelligendum esse contendunt, ex quo nomen suum deleri petierit  
 Moïses, malens memoriam rerum à se gestarum perpetuâ tolli oblivio-  
 ne, quàm totum perdi populum; ac si sensus esset, Si tu non vis parcere,  
 ô Deus, populo propter peccatum, quòd in Legem tuam admisit, Ego  
 nolo amplius in hac Lege nominari, quasi ego hujus promulgationis au-  
 ctor fuerim, vel saltèm occasionem dederim, cur totus populus deleatur.  
 Alii ut *Augustinus* quæst. 147. in Exod. & *Gregorius de Valentia* volunt,  
 Moïsem ex ingenti familiaritatis divinæ securitate tali Deum ratiocinatione  
 interpellasse. *Aut dimitte eis hanc noxam, aut dele me de libro tuo; sed*  
*non delebis me de libro tuo, in quo me indelebili charactere conscripsisti,*  
*Dimitte igitur eis hanc noxam.* Alii referunt ad *Librum fæderis*, seu  
 Catalogum Sanctorum & Ecclesiæ in hunc sensum; *Expunge me potius*  
*ex albo populi tui, & ex eorum numero, quibus promissiones vitæ fecisti,*  
*quàm ut videam totum istum populum exterminari.* Sunt qui velint Mo-  
 ñsem hoc turbatum dixisse, non ex ratione, sed ex impetu humana affe-  
 ctionis, infirmitate & impatientia, ut *Hugo de Sancto Victore*. Sed neque  
 ista omnia nodum possunt solvere, & dilutiora videntur, quàm quæ tam  
 flagranti charitati & heroico affectui competant.

XXVII. Bisariam ergò commodius responderi posse cense-  
 mus,



**DISPUT.** mus, 1. Ut verba Moſis non referantur ad Librum vitæ æternæ, ſeu electionis Decretum, quaſi æterno exitio ſe devovere voluerit, ſed ad *Librum vite præſentis*, qui liber eſt Providentiæ, ut citiùs obire voluerit, quam totius populi interitum videre, vel ut hac morte ſua ſuorum popularium ſalutem redimere voluerit, quaſi diceret; *Satiùs eſt me mori, quàm totum iſtum populum in fœdus tuum adſcriptum, & tot miraculis ex Ægypto liberatum, cum perpetua nominis tui ignominia in hoc deſerto perire*; hæc fuit Hieronymi ſententia Qu. 9. ad Algaſiam, dum ait Moſem & Paulum ex charitate erga populum voluiſſe perire non in perpetuum, ſed in præſentiarum, non in ſpiritu, ſed in carne, hoc eſt per mortem corpoream. Ad quem accedit *Euthymius* in Pl. 68. & *Gregorius* in l. 10. mora. cap. 7. Et confirmari poteſt 1. quia Moſes loquitur in genere de *Libro Dei*, non de Libro vitæ, *Dele me, inquit, de libro tuo*. 2. quia votum Moſis debet reſpondere comminationi adverſus populum, cum pœnam ipſi infligendam in ſe transferri cupiat: At comminatio & pœna non alia fuit, quàm eorum interfectio & mors corporea; ut conſtat ex *ſ. 10. Dimitte me ut irascatur furor meus & deleam eos, faciãque te in gentem magnam*, ubi per deletionem, ſtragem ejusnotari repentinam & univerſalem nemo negare poteſt; & ratio evincit, cum enim in populo non pauci eſſent electi, nemo dixerit Deum mortem æternam illis comminatum fuiſſe; Confirmatur ex *ſ. 34. ubi pœna ipſa inflicta populo proponitur*; Unde Moſes de eodem genere mortis loquens, *dele me, Num. 11. 15* inquit, *de libro tuo*. 3. Huc facit imprimis, quod ipſe Moſes Num. 11. 15. in ſimili fermè occasione, & ad eandem mentem ad concupiſcentiæ ſepulchra repetit, *ſi ſic mecum agis, obſecro ut interficias me*, mortem corpoream optans, imò mortem immaturam & violentam, ex ardenti in populum charitate, ut ipſius exitium ſuo interitu redimeret.

**XXVIII.** Verùm licet librum iſtum de Libro vitæ intelligeremus; non continuò ſequeretur, quod pertendunt Adverſarii, poſſe quemquam ex eo libro deleri. Quia in precibus & votis non ſemper ea quæ fieri poſſunt, ſed interdum etiam *ἀδύατα* optantur, ut David dum optat mori pro Abſalomo 2. Sam. 18. Chriſtus tranſire calicem Matth. 26. & Paulus fieri anathema pro fratribus Rom. 9. 2. Nec tamen perperam & temerè, quia hoc non fit abſolutè, ſed hypotheticè, ſub aliqua vel tacita, vel expreſſa conditione voluntatis Dei & poſſibilitatis rei. Nec mirum videri debet, ita enim pro obſectorum ratione variè ſolent affici Sancti, & aliter loqui, quum ſalutem ſuam aut aliorum, Deive gloriam ſpectant; aliter verò quum Dei Decretum & beneplacitum intuentur. Chriſtus quum attendit ad Judæorum incredulitatem & charitatem ſuam, lachrymatur, & eorum ruinam ſeriò deplorat Luc. 19. 41. *O utinam attenderes ad ea, quæ pacem tuam ſpectant*. At idem quum Patris decretum juſtiſſimum cogitat,



gitat, in eo acquiescens exultat spiritu & gratias illi agit Matt. 11. 22. Sic **DISPUT.**  
 quum tempore passionis iræ divinæ sibi imminentis pondus gravissimum  
 I. perpendit, & mortem dirissimam, quæ illi impendebat, horrore quodam,  
 sed naturali & ἀδιαβλήτω correptus, illam deprecatur; *Transseat à me ca-*  
*lix iste*: At quum rursus oculos attollit ad Patris sapientissimum decretum,  
 in eo submisit acquiescit, *sed non sicut ego volo, sed sicut tu vis, ó Pater.*  
 Ita quum Paulus ad Dei consilium æternum de Electione & Reprobatione  
 hominum respicit, agnoscit ita esse immutabile, ut nec populum, quem  
 præscivit & elegit, rejicere possit, nec quos rejecit, vitâ donare; sed idem  
 tamen dum rejectionem fratrum suorum, & gravem illam πῶροςιν, quæ  
 Israël accidebat, attendit, non potest sibi temperare, quin intenso chari-  
 tatis ardore optet fieri anathema pro fratribus, & ab ipso Christo quadante-  
 nus separari: Idem in Mose observamus; Sanè non ignorabat Moyses, ir-  
 revocabile esse Dei consilium, & fieri non posse ut vel electus periret, vel  
 reprobus salvaretur; sciebat alienum esse ab ipsius justitia insontes cum  
 fontibus perdere: Sed quia omnes ejus sensus devinctos quasi tenebat cura  
 populi, cujus sciebat curam sibi esse demandatam, nihil aliud ipsi venit in  
 mentem eo momento, quàm ut salvus esset populus, & gloria Dei non  
 obscuraretur in illius interitu; quæ verò tantæ sollicitudini repugnabant  
 tunc non attendit. Nec mirum ita fuisse perplexum, putabat scilicet in-  
 teritu electi populi aboleri Dei fidem, & gloriam ejus in hac rejectione mi-  
 rum in modum periclitari, putabat fœdus cum ipso initum convelli, &  
 grandem Ægyptiis blasphemandi adversus Deum occasionem dari; Quod  
 tam ægrè & impatienter fert, ut se ipsum exitio potius devovere velit,  
 quàm ut tiliis blasphemandi ansa hostibus concedatur: Sed ita hæc sunt in-  
 telligenda, ut conditio tacita in tali voto & similibus semper sit includenda,  
 nimirum si hoc fieri possit, & si ad gloriam Dei conducatur: si quo modo,  
 citra culpam ullam, posset utile esse medium ad veniam populo ob:inen-  
 dam. Unde petitio non infert statim *facti possibilitatem*, sed *petentis* expri-  
 mit *zelum* & charitatem, & ardorem quendam heroicum & extraordina-  
 rium, qui quovis periculo, imò proprio exitio, si fieri posset, redimere  
 vellet Dei gloriam & fratrum salutem. Talia autem desideria & vota, licet  
 sint per se inefficacia ad agendum, maximæ tamen solent esse virtutis ad im-  
 petrandum; solent enim amici similibus precibus vim quodammodo ami-  
 cis facere, & quod volunt extorquere: Ut si filius patri præ cæteris charus  
 culpam fratris immorigeri à patre hoc modo deprecetur, & iram ejus pla-  
 care tentet, vel ignosce illi, vel me occide, aut exhereda; scit enim pa-  
 rentem quidvis potius, quàm istud facturum.

XXIX. Quia verò non facilè concipi potest, quomodo Mo-  
 ses & Paulus potuerint optare æternum suum exitium & separatio-  
 nem



DISPUT. nem à summo Bono, quod videtur pietati & charitati imprimis adversari; Non incommode distinguunt hic Nostri amicitiam Christi & ejus fructum, seu inter *sanctitatem*, quæ in bono Ethico, & *felicitem*, quæ in physico versatur: Ut enim in Deo duo hæc præcipuè attendimus, sanctitatem & felicitatem, quæ creaturæ, quam ad se vocat, pro modulo communicantur; Ita in Dei amissione duo sunt, *carentia sanctitatis*, per quam Deo adhæremus, & *carentia felicitatis*, in qua ipso fruimur, quæ etsi in reprobis conjungantur, in aliis tamen possunt separari, ut sit privatio felicitatis sine privatione sanctitatis; Ut Christus derelictus dicitur à Deo quoad prius, nimirum gloriæ communicationem & gaudii influxum; licet nunquam ab eo separatus sit quoad sanctitatis participationem & virtutis influxum, quoad *affectionem commodi*, sed non *affectionem justitiæ*. Idem de Mose & Paulo dicere possumus, eos non optasse sanctitatis privationem, vel amicitiae suæ cum Deo dissolutionem, quia hoc optare, non tam Deo esset ingratum, quam petentibus impium; sed eos potius loqui de amicitiae istius fructibus & felicitatis sensu, ut significant se libentiùs carituros Dei conspectu, gaudio ac suavitate, quæ inde oritur, quam ut totus populus periret; Non optant esse Dei ocores, sed vindictæ objecta; Volunt perire, non ut Dei inimici, sed ut fratrum Servatores, si modò id ex rei natura, & per Dei consilium fieri posset, cui se Sancti in precibus & votis suis semper subicere debent cum Christo. Ut hinc similes enunciationes conditionatè & hypotheticè semper, non absolutè sint intelligendæ.

XXX. Sed hinc regeret statim aliquis: Licet conditio in voto Mosis subintelligeretur, non tolli tamen difficultatem; Quia Deus Mosis respondens absolutè loquitur, & non tantum rem posse fieri; sed revera futuram denunciat. *Exo. 32. 33. Eum qui mihi peccaverit, delebo nomen ejus de Libro quem scripsi.* R. 1. Si de morte corporea locum intelligamus, sublata erit omnis difficultas, quia nemo negat multos sæpe è vivis tolli, & de numero viventium deleri justo Dei judicio. 2. Sed si de æterna loquimur, non magis astringitur rei possibilitas; quia ut Mosis votum fuerat conditionatum, si per impossibile id fieri posset; ita Deus respondet sub eadem tacita conditione, quod si fieri res posset, Moses tamen non foret delendus, repugnante non modò constantiâ, sed etiam justitiâ divinâ, quæ non pateretur eum deleri, qui foret extra noxam, sed postularet reum ipsum plecti; loquitur ergo Deus de eo quod ex jure debuisset fieri, non verò de eo quod facturus esset re ipsa, aliàs delendi fuissent quotquot peccaverant, tam reprobi, quam electi, quod non factum tamen. Unde bene colligas, Justitiam Dei requirere, ut nocens plectatur non insons, sed non statim rem erga singulos executioni mandari; Ita Dominus corrigit votum Mosis, non irascendo ipsi pro talibus



talibus precibus, quas utut præcipitantiùs paulò effusas, noverat tamen ex DISPUT.  
 charitatis quodam excessu proficisci, sed benignè cum reprimi, & iudicii I.  
 sui æquitatem commendat, quod tamen non excludit misericordiæ verita-  
 tem, quam in venia populo concessa luculenter demonstravit.

XXXI. Quamvis ergo votum hoc Mosis impleri non potuerit, non pu-  
 tandum tamen inane fuisse, quia non tam attenditur rei eventus, quàm de-  
 monstratio hyperboles seu excessus charitatis, qui solet ferri ad impossibilia,  
 quia in iis quæ fieri possunt nihil satisfacit. Unde locutio hyperbolica ad-  
 hibetur, in quâ non tam quod dicitur, quàm quod intelligitur spectandum  
 est; nec tam quod reipsa fieri potest, quàm ut quæ sub eo sunt maximè ar-  
 dua, sed possibilia tamen, universa intelligantur. Ut ergo Moses ostendat  
 nihil se posse gravius ac intolerabilius experiri calamitate populi sui,  
 rem sibi durissimam adducit, quæ fieri non poterat, non ut illam, sed per  
 illam quicquid in rerum natura dici vel cogitari poterat maximè horrendum,  
 designaret. Unde non magis vexandum est quod optat Moses, vel Pau-  
 lus, quàm quod Paulus ipse dicit de Galatis cap. 4. *Eruissetis oculos vestros,*  
 non quasi putasset erui posse oculos, sed ut innuat tantum, nihil sibi esse  
 adeò charum, cujus jacturam ultro non fecissent illius gratiâ. Sic Moses  
 optat deleri nomen suum de libro Vitæ, & Paulus anathema fieri à Christo,  
 non quòd hoc propriè vellent, quod fieri neutiquam posse non ignora-  
 bant; sed ut ostendant nihil se recusare, quò Deus placeretur populo suo,  
 & nihil sibi magis esse in votis quàm populi salutem. Cæterum si quæra-  
 tur cur Moses hac locutione mentem suam expresse, potiùs quàm aliâ  
 quapiam, responderi potest loquutum esse ex occasione, & pro re nata,  
 respectu habito ad ea quæ præcesserant, Dominus dixerat Mosi, *Dimitte*  
*me, ut accensâ irâ consumam eos, & delebo nomen eorum sub cælis* Deut. 9.  
 14. Ideo Moses ad ea verba alludendo respondet, & petit in populi salu-  
 tem, non modò deleri nomen suum sub cælis, sed etiam de libro quem in  
 cælis scripserat. Idem de Pauli voto dici potest, dixerat sub finem capi-  
 tis 8. nihil esse vel in cælo, vel in terrâ, vel in inferis, quod ipsum ab amore  
 Dei in Christo *separare* posset. Jam ut excessum amoris sui erga Judæos  
 fratres suos secundum carnem, & intimum dolorem, quò afficiebatur  
 ob eorum exitium, testetur, profiteretur se optare fieri anathema à Christo,  
 id est, *separari* ab ipso, si tamen fieri posset, & ita se animatum esse, ut eo-  
 rum salutem exitio suo redemptam vellet, & ne separarentur à Christo, se  
 ab ipso separari.

XXXII. Secundus qui objicitur locus, petitur ex Ps. 69. 29. Ps. 69. 29.  
 Ubi Psaltes inter alia, quæ hostibus Ecclesiæ & suis imprecatur,  
 hoc etiam addit. *Deleantur de libro viventium, & cum justis non*  
*scribantur.* quod utique dicere non potuisset, nisi agnovisset quosdam



DISPUT.  
I.

ex tali libro deleri posse. R. Posset hoc quidem commodè referri cum quibusdam ad exitium temporale & mortem corpoream, ut per librum viventium intelligatur liber vitæ præsentis, & per librum Catalogus fidelium, qui profitentes Dei nomen, censebantur ex canone charitatis mortui in gratia Dei; Verùm licet hæc oratio ulterius extenderetur usque ad exitium æternum, ne sic quidem quicquam faceret pro Adversariis; Duplex enim *deletio* distinguenda, alia *positiva & realis*, alia verò *negativa tantum & apprens.* Illa, quæ re ipsa expunguntur, qui antea scripti fuerant; Ista, quæ declaratur aliquem nunquam inscriptum fuisse, & quæ habetur eo loco ac si del. tus esset, quum patefit ipso eventu non esse inscriptum. Prior est absolute impossibilis; Posterior sæpe datur respectu hypocritarum & *προνειγών*, quando Deus larvam illis detrahit, & è Corpore externo Ecclesiæ abdicat; sic enim detrahendo illis signacula vocationis, & prærogativas fœderis externi quibus gloriabantur, ostendit nunquam verè fuisse electos, nec ad Ecclesiæ Corpus mysticum pertinere, etsi ad tempus locum inter fideles occupaverint, & tales vel secundum gloriationem suam, vel juxta opinionem aliorum habiti sint. Ita David hic spiritu prophetico actus, non tam preces concipit adversus Ecclesiæ hostes, quàm oracula fundit de eorum interitu, dum vult ut tales, qui se jaçtabant Ecclesiæ membra, & videbantur albo fidelium inscripti, detracta larvâ ex Ecclesia ejiciantur & rescentur, ut appareat eos, licet domesticis permixti fuerint, re ipsa tamen extraneos fuisse & nunquam fidelium albo verè inscriptos; Hanc autem esse mentem Psalmis probari potest 1. ex verbis sequentibus, quæ exegeticè adduntur; *Et cum justis non scribamur*; nam ut in Psalmis passim occurrit, ut posterior pars versûs sit prioris exegesis, & idem aliis terminis dicatur, idem hic observatur; quod figuratè & tropicè dixerat Ps. de deletionem, jam propriâ locutione explicat, quum dicit, non scribantur, ut innuat deleri nihil aliud esse, quàm *non scribi*. 2. ex loco parallelo antea citato Ezech. 13. 9. Ubi eandem pœnam Pseudoprophetis denunciâns, eam negativè effert, *non scribantur in catalogo domûs Israël*, &c. 3. ex oraculi istius complemento, quod in N. Testamento partim ad Judam proditorem Act. 1. 20. partim ad obstinatos Christi hostes refertur Rom. 11. 8. 9. cum enim constet ex ipsius Christi declaratione, eos fuisse reprobos & filios perditionis, jam olim æterno exitio devotos, ex eo facillè patet non posse dici verè inscriptos unquam fuisse, nisi scribi ad damnationem, & scribi ad vitam, unum idemque esse dicere velimus, quod *ἀγράφον*.

Act. 1. 20.  
Rom. 11.  
8. 9.

XXXIII. Sic exponit August. in h. l. *Deleantur de libro viventium, & cum justis non scribantur*, fratres non sic accipere debemus, quod quemquam Deus scribat in libro vitæ & deleas illum, si homo dixit, quod scripsi, scripsi, de titulo ubi scriptum erat Rex Judæo.



*Judaorum; Deus quemquam scribit & delet? Præsciusest, prædestinavit* DISPUT.  
*omnes ante constitutionem mundi regnatos cum Filio suo in viâ aternâ,* 1.  
*hos quos conscripsit, ipsos continet liber vitæ; Et paulò post, Isti ergo quomo-*  
*do inde delentur, ubi nunquam scripti sunt? Hoc dictum est secundum spem*  
*ipsorum, quia ibi se scriptos putabant. Quid est deleantur de libro vitæ?*  
*Ut ipsis constet non illos ibi esse &c. Nam versus qui sequitur exponit quod di-*  
*ctum est, Et cum iustis non scribantur. Dixit ergo deleantur secundum spem*  
*ipsorum, secundum autem equitatem tuam quid dico? non scribantur, &c.*  
 Ex quibus constat deletionem ipsi nihil aliud esse, quàm manifestationem  
 non inscriptionis, seu negationem scriptionis. Si quæras, Cur Scriptura  
 hoc verbo delendi utatur, si nunquam scripti fuerunt? R. hoc ideo fieri,  
 quia non semper ex rei veritate, sed ad hominem *κατὰ δόξαν* loquitur  
 juxta vanam hypocritarum præsumptionem, vel aliorum opinionem,  
 quomodo *Matt. 9. 12.* Pharisei vocantur *sani*, qui non egent medicò, non *Matt. 9. 12.*  
 quòd tales essent, sed quòd tales se jactarent *Luc. 18. 9.* Ita *Matt. 13. 12.* *Luc. 18. 9.*  
*Illi qui nihil habet, etiam quod habet ab eo auferetur,* quomodo si nihil *Matt. 13. 12*  
 habet? id est, interprete *Lucâ c. 8. 18.* *Etiâ quod videtur habere.* Sic *Luc. 8. 18.*  
 deleri dicuntur, quia vel sibi vel aliis inscripti videbantur. Atque hîc  
 observandum, quòd ut Ecclesia distingui solet juxta duplicem *χρῆσις*, vel  
 ut est *visibilis* Vocatorum, vel *invisibilis* Prædestinatorum; Ita duplex  
 potest dici Liber, cui homines inscribuntur, *Liber vocationis externæ*,  
 in quo conscribuntur quotquot externè vocantur, & in Ecclesiam visi-  
 bilem recipiuntur, & *Liber Prædestinationis aternæ*, in quo Deus inscri-  
 bit qui sunt; Illius scriptio est *externa & apparens*, quæ fit coram ho-  
 minibus quoad professionem externam & ex judicio charitatis. Istius verò  
*interna & realis* in Dei decreto ex rei veritate; Huic duplici inscriptioni  
 duplex opponitur delitio. Alia vera & realis aternæ inscriptionis: Alia  
 externa tantùm fucata & temporaria; Ista potest dari & sæpe datur; Illa  
 verò nunquam; pari planè pacto, quò Christus *Joan. 15. 2.* ait *omnem pal-* *Jo. 15. 2.*  
*mitem in se non ferentem fructus tollere*, non quòd verè unquam talis  
 Christo insitus fuerit, sed quia ita videbatur: Nimirum ut duplex potest  
 esse *insitio*, alia *externæ professionis*, qualis est hypocritarum & tempora-  
 riorum, alia *internæ communionis*, qualis est verorum fidelium: Ita du-  
 plex datur refectio, alia ab internâ communionem Corporis mystici Chri-  
 sti, quæ est impossibilis, alia ab externâ possessione, quæ quotidie fieri  
 solet ab iis, qui vel sponte recedunt ab Ecclesiâ, & naufragium fidei  
 faciunt, vel qui justo Dei judicio ex eâ ejiciuntur.

XXXIV. Ex quibus facilè colligitur quid respondendum sit ad  
 tertium locum ductum ex comminatione Prophetica *Apocal. 22. 19.* *Si* *Apoc. 22. 19*  
*quis auferet ex verbis hujus Prophetiæ, Deus auferet partem ejus ex Libro*  
*vita.*



**DISPUT. I.** *vita.* Præterquàm quòd enim propositio est conditionalis, non absoluta *si quis abstulerit*; Conditio autem illa non cadat in scriptos per gratiam electionis 1. Joan. 3. 9. Certum est deletionem non esse intelligendam *positivam*, quæ supponit præcedentem inscriptionem, sed *negativam*, quæ negat omnem scriptionem, ut deleri sit notum facere quòd nunquam scripti fuerint, nec ullam partem proinde sint habituri in istâ vitâ; & hoc non obscure patet à pari, quum dicitur *pars auferenda ex sanctâ Cruce*, non quam habuerant vel habituri erant, sed ne ullam habeant. Ita Deus ut æquitatem iudicii sui commendet, docet, quomodo pœna respondere debeat peccato, ut alibi non semel fieri solet; Nam falsariis & corruptoribus, qui librum hunc adulterare voluerint per *additionem*, Deus *addet* & superimponet plagas omnes istius libri: Aliis verò impostoribus, qui per *detractionem* librum hunc mutilaverint, *detrahet* partem e libro vitæ, *Si quis adjecerit ad verba Prophetiæ hujus, imponet ei plagas omnes hujus libri, si quis verò abstulerit ex verbis libri hujus Prophetiæ, auferet Deus partem ejus ex Libro vitæ, &c.* Non quam re ipsâ habebat, sed quam putabat, vel gloriabatur se habere, & quam alii ex professione ejus externa iudicio charitatis ad ipsum pertinere existimabant.

*An & unde constare possit nos esse libro vitæ inscriptos?*

**XXXV.** Superest Tertia & postrema Quæstio breviter expedienda, *An & Unde nobis constet, nos Libro vitæ esse inscriptos?* Ad quam, ut duo sunt ejus membra, distinctè etiam respondendum est; Ad prius, ratio dubitandi ex eo oritur; Quòd cum electio, quæ per Librum vitæ designatur, penès Deum maneat abscondita instar libri septem sigillis obsegnati, vel non possit nisi eventu ipso certò cognosci, non secus ac cætera Dei Decreta; non videtur de ea cuiquam mortalium constare posse. Hinc Pontificii & alii, qui certitudinem gratiæ subjectivam non minùs ac objectivam impugnant, negant quemquam sine speciali revelatione posse aut debere certum esse, certitudine fidei divinæ, cui non possit subesse falsum, sibi remissa esse peccata, & se esse in gratiâ Dei, & si quæ certitudo habetur, esse tantùm moralem & conjecturalem, quæ non sit absque dubitatione & hæsitantiâ. Vide *Bell. lib. 3. de Justif. c. 2.*

*Apoc. 5. 5.*

**XXXVI.** Verùm longè alia mens est Orthodoxorum, qui Scripturam ducem hîc sequuntur; Quamvis enim non diffiteantur Librum hunc septem sigillis obsegnatum à nemine vel Angelorum vel hominum aperiri posse; sciunt tamen repertum esse Leonem de Tribu Juda, Agnum Dei, qui vicit, ad aperiendum Librum, Christum scilicet *θεων ὁ γεινόμενος*, qui ut plenissimam ejus notitiam habet; Ita Jus & munus obtinuit suis illum, quantum necesse est, revelandi. Apocal. 5. 5. Licet etiam concedant cognitionem illam non semper haberi; vel eodem gradu & tenore in Actum exire; Agnoscunt tamen haberi posse citra specialem revelationem,



tionem, ita ut fidelis possit aliquando, & debeat certò statuere, se ad vi- DISPUT.  
 tam æternam esse electum & in gratia constitutum. Nec rationes variæ de- I.  
 sunt, quibus hæc sententia confirmetur. 1. Quia ea est indoles gratiæ Dei,  
 ut non tantum bona nobis largiri velit; sed & sensum & notitiam eorum  
 nobis imprimere, alias nec de iis gratias agere, nec iis cum solatio frui  
 possemus, quod utrumque tamen facere tenemur, hinc Paulus 1. Cor. 2. 1. Cor. 2. 12.  
 12. testatur nos Spiritum à Deo accepisse, ut cognoscamus ea quæ nobis data  
 sunt à Deo. 2. Quia fideles possunt scire se esse filios Dei, Ergo & electos  
 & libro vitæ adscriptos; Nemo adoptionem hanc obtinere potest nisi ex  
 electione; Idem Spiritus testatur cum spiritu nostro, nos esse Filios Dei,  
 Rom. 8. 16. 3. Quia possunt scire se habere vitam æternam, Hæc scripsi Rom. 8. 16.  
 vobis credentibus in nomen Filii Dei, ut sciatis vos habere vitam æternam,  
 & ut credatis in nomen Filii Dei, inquit Joan. 1æ. c. 5. v. 13. Unde au- 1. Jo. 5. 13.  
 tem vita æterna nisi ex Libro vitæ? 4. Quia possunt scire se credere, dum  
 fides actu reflexo fertur in suam apprehensionem, Novi cui crediderim, in-  
 quit Paulus 2. Tim. 1. 12. Nos credidimus & novimus te esse Christum Filium 2. Tim. 1. 12  
 Dei, inquit discipuli Joan. 6. 59. Et Joan. cap. 2. 1æ. v. 5. Joan. 6. 59.  
 ἵνα ἴδωμεν αὐτὸν ἐν ᾧ ἔσμεν, cognoscimus quod novimus ipsum. At fides est ex voca- 1. Joan. 2. 5.  
 tione, vocatio ex Prædestinatione, unde qui novit se credere, nosse  
 etiam debet se esse electum.

XXXVII. 5. Huc facit imprimis calculus ille albus, quem se daturum  
 Victori pollicetur Christus, in quo nomen novum inscribendum est, quod  
 nemo novit nisi qui accepit, Apoc. 2. 17. Nam siue calculus albus respiciat ad Apoc. 2. 17.  
 judiciorum morem, in quibus calculo albo reus absolvebatur, atro verò  
 & nigro condemnabatur, quò pertinent illa Ovid. Metamorphos. 15.

*Mos erat Antiquis, niveis atrisque Capillis,  
 His damnare reos, illis absolvere culpa.*

Unde mos notandi felices dies albo lapillo videtur manasse; Et ita fide-  
 lium absolutio coram Deo designatur, de qua Christus Joan. 5. 24. Sive  
 alludat ad Comitæ Veterum, in quibus, ut observat Erasmus, nomen  
 ejus, cui favebatur, calculo inscribebatur, ut ita dignitas filiorum Dei  
 indicetur, qui Reges & Sacerdotes Deo fiunt, Apoc. 1. 5. Sive deni-  
 que ad Certamina solemnia Græcorum respiciat, in quibus, si Arethæ  
 credendum est, Vincentibus calculus albus in signum victoriæ dabatur,  
 ut hac ratione gloria & triumphus fidei victricis adumbretur. Certum  
 est quocunque modo sumatur Nomen illud novum, quod isti calculo  
 inscribendum dicitur, (quod non aliud potest esse, quàm nomen gloriosum If. 56. 5.  
 filii Dei & regni cælorum hæredis, quod If. 56. 5. dicitur nomen me- 1. Jo. 3. 1.  
 ius quàm filiorum & filiarum, de quo 1. Joan. cap. 3. 1. Apocal. 22. Apo. 22. 45.  
3. 12.



DISPUT. 45. & 3. 12.) cognitum esse recipienti, licet alios lateat: Sed hoc perpetuum & falsò diceretur, si nec adoptio nec electio cuiquam fidelium cognita esse posset. Quamvis enim non diffiteamur perfectum istius promissionis complementum futuræ vitæ reservari, in qua absoluto cursu nostro & decerto bono certamine, absolvendi sumus à Christo, & regni cælorum hæreditatem & coronam vitæ, ut victoriæ nostræ *βραβεϊον*, accepturi; Non negandum tamen est in hac vita, in qua fideles per gratiam Dei non modò incipiunt vincere, sed etiam *ὑπερνικῶσι*, Rom. 8. 34. ad eorum solatium jam inchoari, quum intimatur in cordibus ipsorum sententia Christi absolute, & adoptio in iis per Spiritum obsignatur, Rom. 8. 16. Gal 4. 6.

XXXVIII. 6. Idem etiam evincunt *πληροφορία*, *παραϊούησις*, *καύχησις*, *εἰρήνη*, *χαρὰ ἀνεκλάλητος* & similia, quæ fidelibus passim tribuuntur, Quo pacto enim pacem habere possent apud Deum, vel gloriari in ipso, vel exultare gaudio ineffabili & glorioso; Quâ ratione fiducia illa & plena certioratio, per quam ad thronum gratiæ *μετὰ παρρησίας* accedunt, in ipsis daretur, si perpetuo metu & dubitatione agitantur; nec nisi conjecturalem & incertam opinionem gratiæ Dei possent consequi? Ad specialem revelationem hîc confugere, quasi persuasio illa paucorum quorundam & supra communem fidelium sortem electorum privilegium fuerit, non verò omnium; Est vim Spiritus & naturam veræ fidei ignorare, quæ eadem effecta in omnibus, licet in dispari gradu producere debet, unde dotes illæ, non ut quibusdam propriæ, sed ut omnibus communes, proponuntur, quarum fundamenta & principia communia sibi cum fidelibus aliis testatur Apostolus Rom. 8. 31. 32. 33. 34. nimirum, Dei electionem, vocationem, & justificationem, Christi mortem, resurrectionem, & intercessionem, &c.

XXXIX. Quamvis autem certitudinem illam haberi posse credamus, non existimamus tamen eam semper & ubique in actum exire, vel exire eodem gradu. Principium quidem istius certitudinis in fidei esse semper non dubitamus, sed non pariter actum. Nam per incursum tentationum gravissimè concussa fides hunc effectum edere nequit: Ita si in grave aliquod peccatum prolapsus sit fidelis, & in eo hæreat; tantum abest ut protunc hunc actum elicere queat, ut potius succedat actualis metus contrarii, & videatur nubes imò abyssus interjecta inter Deum & hominem, quæ irradiationem Spiritûs intercipit, & sensum gratiæ tollit. Hinc tristes illæ fidelium querelæ, ut Pauli, *Miser ego, quis me liberabit ab hoc corpore mortis?* Rom. 7. 23. & Davidis qui queritur dextram Excelsi esse mutatam, Psalm. 77. 11. Id verò præsertim in gravioribus sceleribus contingit, dum enim in iis voluntatur peccator, Spiritu auferente divinæ consolationis lumen, actualis ista persuasio videtur planè tolli, solatium omne spirituale intercludi, &



divini vultus lumen abscondi; maximè si surgant altiùs tentationum fluctus, & conscientiam onere suo pressam etiam vulnerent ignita Diaboli tela; tunc enim non modò suavis hæc persuasio exulat; sed contraria prorsus videtur succedere, quâ fideles turbati Deum ut iratum sibi apprehendunt, & ad ipsas Orci portas delati sibi videntur, hinc illa Davidis Psal. 31. *Pf. 31. 32. dixi in excessu mentis mea, projectus sum à facie oculorum tuorum, &c.* Ut ergo persuasio illa in actum exire queat, necessariò in fideli adesse debet sanctitatis studium, & usus mediorum omnium à Deo decretorum ad salutem consequendam; Quia in illa tantùm via ambulantibus, & media instituta sequentibus, promissiones suas dedit; ibi sunt *γυμνάσια* & argumenta indubitata electionis & justificationis. Unde Apostolus non modò pronunciat nullam esse condemnationem iis, qui sunt in Christo, sed ut verus eorum character designetur, addit, *qui non ambulant secundum carnem, sed secundum Spiritum*, quò pertinent etiam illa 1. Joan. cap. 2. v. 5. *Ex eo 1. Joan. 2. 5. cognoscimus, quod ipsum novimus, si mandata ejus servamus.* Hinc patet sine sanctificationis studio nullam dari posse actualem vel de gratia vel de gloria persuasionem: Tantùm abest ut verus hujusce fiduciæ actus possit stare cum actuali & directo peccandi proposito, quod profani vellent, securitati & licentiæ vela temerè laxando.

XL. Hinc etiam non obscurè colligitur, Persuasionem istam non semper eodem gradu eodemque tenore in fidelibus omnibus, imò & in eodem fideli in actum exire; Nam cùm sanctificationem semper comitem habeat, imò ex ea quodammodo oriatur & in ea fundetur, pro minore vel majore mensura sanctificationis, major vel minor esse debet, & vel crescere, vel minui. Hinc modò sentitur fortis & vivida, modò tenuis & languida, prout vel fides & pietas in nobis vel augentur vel debilitantur & languent, vel prout tentationum fluctus hanc fidei ancoram plus vel minus impetunt. Ut hic imprimis distinguendus veniat duplex fidelis status, *Vel Tentationis & luctæ, Vel Victoriæ & Triumphi.* Prior in quo pugnat & manus cum hoste conferit; Posterior quo cluctatur ex Tentatione, & de hoste victo triumphat; Nam in illo fidelis timet & percellitur, In isto confidit & roboratur; In illo David mœstus exclamat: *Deus mi Deus mi, quare me dereliquisti? & projectus sum à facie tua.* In isto Idem latus & de exitu securus triumphat: *Posui Dominum ante oculos, Quia est à dextris meis ideo non movebor. Ideo cor gavisum est, & gloria mea exultat Ps. 16. 8. 9. Pf. 16. 8. 9.* In illo Paulus queritur se carnalem & venundatum esse sub peccato; In isto se Victorem agnoscit, & Deo liberatori suo gratias agit Rom. 7. *Rom. 7. 24. 25. 1. Cor. 15. 55. 57.* Non ergo ii sumus, ut Adversarii perperam nobis affingunt, qui velimus persuasionem istam eum habere certitudinis gradum, qui omnem contrarii formidinem perpetuò excludat, sed qui

cam



**DISPUT.** I. eam tandem superet & vincat. Nam licet ad tempus actus iste possit in fidelibus intercipi, & sensus electionis præteritæ tum gloriæ futuræ sopiri, non potest tamen penitus vel amitti vel extinguere, ita ut ad semper ab iis auferatur; Eluctatur enim tandem certò ex illa tentationum abyssu anima fidelis ex Dei eligentis & erigentis gratiâ, & gaudium salutis amissum restitui sibi petit, & de restituto lætatur, ut exultent ossa antè contrita.

**Pf. 51. 10. 14.** Sic fidelis procellis & tempestate jactatus suavius in portu salutis quietem gustat & percipit, & confirmatior ac lætior à tentatione redit. Unde concludimus, etsi cognitio illa & persuasio non semper possit esse in omnibus, neminem tamen verum fidelem esse, qui illius sensu tandem, vel citius, vel tardius, non perfundatur ad Dei gloriam & proprium solatium.

**XLI.** Hoc ergo semel posito, inquirendum superest, Unde cognitio illa haberi queat, Quod eò difficilius videtur, quòd cum Liber iste vitæ penes Deum clausus maneat & obsignatus 2. Timot. 2. 19. nec plenè aperiendus sit ante ultimum diem Apoc. 20. 12. non videtur facilè dici posse, quâ ratione in ejus cognitionem devenire possimus; Quid enim, an cœlos ipsos conscendere necesse erit, ut Librum istum evolvamus, & nomina nostra illi inscripta legamus? An scrutanda nobis erunt Dei arcana, quæ Deus sibi soli servavit, Deut. 29. & quæ venerabundos submissè admirari decet, non curiosâ & sacrilegâ temeritate rimari? An postulanda vel expectanda erit cœlitus extraordinaria quædam revelatio, quæ hoc mysterium nobis pandat, quæque de Electione nostra certos nos & securos reddat? Frustrâ sanè essemus, si tale quid vel cogitare vellemus, vel aggredi. *Quis enim novit mentem Domini, aut quis fuit ei à consiliis? nonne inscrutabilia sunt ejus judicia & impervestigabiles viæ?* Ut ad oram istius abyssi exclamare debeamus cum Paulo, ὁ βᾶθος πλάτης τῆ σοφίας καὶ τῆ γνώσεως τῆ θεῶν Rom. 11. 33. 34. nota sunt illi ab ævo opera sua Act. 15. 18. quia ea videt & legit in decreto, sed quis mortalium hanc sibi notitiam arrogare præsumat, quam soli sibi servavit? Novit ille qui sui sint 2. Tim. 2. 19. sed quis præter Deum, nisi ipso revelante eò assurgere valeat?

**XLII.** Hoc tamen non obstat, quominus dicamus cognitionem illam haberi posse, non quidem à priori & antecedenter, sed à posteriori & consequenter, Non in causas Electionis inquirendo, quod impium, sed in effecta & signa animadvertendo, quod concessum; Non in cœlum assurgendo, sed in nos descendendo; Non Librum vitæ evolvendo, qui omnes præter Deum solum latet, sed Librum Evangelii, cum Libro conscientie legendo, qui cuivis fidelium seriò attendenti patent; Non mentis divinæ sacrarium temerando; sed regenerationem cordis sedulò observando:



do: Nimirum ut in negotio salutis diximus nolle Deum bona sua nobis esse DISPUT.  
 ignota, ideo non vult præcipuum omnium bonorum fundamentum, à quo L  
 solatium omne nostrum pendet, electionem scilicet, nos latere. Hinc  
 fit ut quemadmodum Pater vicem sustinet summi Judicis, pro tribunali  
 sententiam absolutoriam de nobis ferentis. Filius Vadis & Sponsoris, qui  
 pro nobis satisfacit; Ita Spiritus Sanctus sit velut Cancellarius cœlestis, si  
 fas ita loqui, qui in nobis Electionis & Justificationis apographum exscri-  
 bit & insinuat; Adeò ut conscientia sit instar speculi vel cœli cujusdam, in  
 quo exarata videmus & descripta legere possumus, quæcunque à Patre in  
 nostri gratiam decreta sunt; Non secus ac in conscientia impiorum scribi-  
 tur Legis sententia terribilis, quæ eos accusat & damnat. Sic optimè libri  
 isti duo sibi invicem respondent *Liber Vitæ*, & *Liber Conscientiæ*. In illo  
 sententia absolutoria scribitur per decretum; In isto eadem exscribitur per  
 Spiritus Sancti impressionem.

XLIII. Si verò quæritur ulterius, Quomodo Spiritus Sanctus apo-  
 graphum illud in cordibus nostris exscribat? æ. duplici scripturâ uti,  
 alterâ quæ *remissionem peccatorum* obsignet, alterâ quæ *renovationem*  
 cordis imprimat: Cùm enim fœdus gratiæ, quod ex Libro Vitæ pendet  
 duabus partibus absolvatur, promissione beneficii à parte Dei, & stipu-  
 latione officii à parte nostri; Ut Deus non recordetur peccatorum no-  
 strorum amplius, & Legem inscribat in cordibus nostris Jer. 31. Ad  
 utrumque duplici operatione Spiritus opus fuit, 1. *Consolatione*, 2. *San-*  
*ctificatione*, quæ & promissionem gratiæ in nobis obsignaret, & Le-  
 gem scribendo in nobis, fidelitatem obedientiæ nobis ingeneraret.  
 Hinc vocatur *Spiritus gratiæ & precum* Zach. 12. 10. *gratiæ* à parte Zach. 12.  
 Dei, quia eam obsignat, *precum* à parte nostri, quia ad eas nos exci- 10.  
 tat; & Rom. 8. 15. 16. Idem Spiritus, qui *testatur nos esse filios Dei*, Rom. 8.  
 per promissionum divinarum applicationem in cor nostrum descenden- 15. 16.  
 do, *facit ut clamemus Abba Pater*, ascendendo ad Deum per gemitus  
 ineffabiles: Sed eò præcipuè respicit eximius locus Pauli 2. Tim. 2. 19. 2. Tim. 2.  
 ubi dicit fundamentum Dei, quod electionem necessariò includit, du- 19.  
 plici veluti sigillo munitum & obsignatum esse, inde à parte Dei  
 amore & custodia ejus, quia *Deus novit qui sui sunt*, hinc verò stu-  
 dio pietatis & sanctificationis à parte nostri, *Recedat ab iniquitate qui*  
*invocat nomen Christi*, Isthis enim duobus argumentis & caracte-  
 ribus Spiritus Sanctus in nobis electionis nostræ certitudinem impr-  
 mit; Tum nos solando recordatione amoris & benevolentiae Dei pa-  
 ternæ, quæ nunquam nos deserit; Tum nos sanctificando per reces-  
 sum ab iniquitate & pietatis studium: Ubicunque enim adest, tum  
 sensus amoris divini, & pax & gaudium inde efflorescens, tum



DISPUT. bonorum operum studium; ibi indubitata electionis & justificationis occurrunt γνῶσιματά; Nihil enim tale in reprobo unquam esse potest. Atque cō respicit quod Apoc. 13. 8. omnes incolæ terræ dicuntur adoraturi bestiam, præter inscriptos in Libro Vitæ, quod argumento est, tales non consensuros in hoc peccatum, & sancta hac apostasia, vitæque puræ & intaminatæ studio tanquam indubitato testimonio agnoscendos.

1. Pet. 2. 10. XLIV. Huc facit quod Petrus cap. 1. 2. v. 10. jubet fideles *Vocationem & Electionem suam firmare*, scilicet per bona opera, non respectu sui & à parte rei, siquidem utraque ἀμεταμελητος est, & immutabilis; sed ratione sensus & à parte nostri. Mirum enim quantum bona opera ad id conferunt, sive ut effecta, quæ causam arguunt, sive ut fructus, qui arborem indicant, sive ut sigilla & characteres, qui imaginem Patris cœlestis, à quo vocamur, exprimunt, sive ut media, quæ ad salutem, ad quam destinamur, infallibiliter nos ducunt. Quatuor enim hisce modis bona opera hanc certitudinem confirmare possunt, vel ut *Electiois effecta*, quia ab ea pendent & ordinantur, Act. 13. 48. Rom. 8. 30. Eph. 1. 4. 1. Pet. 1. 1. vel ut *Vocationis sigilla*, quibus ea in nobis obsignatur 2. Cor. 1. 21. 22. 1. Pet. 1. 13. & 2. 9. vel ut *fidei & Justificationis fructus*, qui ex ea oriuntur, Rom. 5. 1. Gal. 5. 6. Rom. 6. 1. 2. vel ut *salutis media*, quæ ad eam tendunt Eph. 2. 10. Matt. 5. 8. Heb. 12. 14. Nam si effectum causam suam necessariò prodit, & fructus arborem, si medium cum fine est connexum, & character prototypi sui refert imaginem, Quis dubitare queat, si hæc in seipso verè deprehendat fidelis, quin & se jam electum, vocatum & justificatum fuisse, & tandem certissimè salvandum colligat?

XLV. Sed nullum certius & magis indubitatum potest esse istius veritatis argumentum & τεκμήριον, quàm ipsa *conformitas* & similitudo, quæ nobis cum Deo intercedit. Nam cum Electio & Vocatio non aliò tendant, quàm ad nostri cum Deo communionem, & ex ea similitudinem & transformationem 1. Joan. 3. 2. Col. 3. 4. 2. Cor. 1. 2. 18. Ps. 17. 15. non aliunde clariùs utraque poterit demonstrari, quàm si conformitatis istius radios & characteres in nobis deprehendere valeamus, ut id ipsum erga Deum præstemus, quod Deus erga nos. Sic ergo scire cupis, An Deus te elegerit ab æterno? Respice An tu in tempore Deum seriò eligas in Deum tuum, ut deinceps solus ille sit hæreditas, pars tua & summum bonum, quotquot enim eligit Deus in suos, illi vicissim Deum eligunt, & illi constanter adhærent. Vis nosse, An te vocaverit? Attende, an illum ex animo invoces; nam voci divinæ, quæ te ut filium vocat; vocem humanam respondere necesse est, quæ ad illum ut Patrem confugiat Rom. 8. 15. Hose. 2. 20. Quæris, An Deus te præcognoverit & dilexerit in consilio? Vide an cum cognoscas & diligas in animo



animo; Amor enim amorem parit, & flamma flammam accendit 1. Joan. DISPUT.  
 4. 10. 11. Petis an misericordiam sis consecutus & remissionem peccato-  
 rum? Inquire an ipse misericordiæ visceribus sis indutus, & aliis condo-  
 nare paratus sis, quicquid in te peccaverint; nam si characterem istius vir-  
 tutis possides, & ipsum effectum consecutum te esse certò statuere debes  
 Col. 3. 10. Uno verbo si vis certò cognoscere, an nomen tuum in Libro Col. 3. 10.  
 Vitæ scriptum sit; Expende an nomen Dei & Lex ejus in corde tuo sit in-  
 sculpta ad eum colendum & amandum; hæc enim talia sunt, ut se necessa-  
 riò comitentur, nec à se invicem divelli unquam possint aut debeant.

XLVI. Tantum abest ergo, ut hæc certitudo securitatis sit mater, vel  
 obstetrix licentiæ, quod falsissimè nobis opponunt Adversarii; Ut nullum  
 fortius dari possit ad pietatem & sanctimoniam incentivum, quàm sensus  
 vividus amoris Dei, & eorum quæ nobis gratificatus est; Quando seriò  
 reputat anima fidelis, non esse divellenda, quæ Deus conjunxit, *promissa*  
 & *præcepta*, *beneficia Dei* & *officia nostra*, *finem* & *usum mediorum* ad  
 eum; nec ullum dari locum illis nisi cum istis. Quisquis itaque securitati  
 vela laxat vel licentiæ, quia dividit conjungenda, & conjungit dividenda,  
 in eo fiducia nulla vera gratiæ locum habere potest, sed sensus iræ & maledi-  
 ctionis, quæ manet impios & impenitentes. Qui verò hanc spem & per-  
 suasionem habent, non possunt, si sunt verè quod præ se ferunt, non se  
 ipsos sedulò purificare 1. Jo. 3. 3. operari salutem suam cum timore & tre-  
 more Phil. 2. 13. ambulare in via bonorum operum Eph. 2. 10. vigilare,  
 orare, pugnare & esse fideles usque ad mortem Eph. 6. Apoc. 2. 10. ut qui  
 sciant talia opera esse effecta electionis, & media salutis, sine quibus nec  
 illa cognosci, nec ista unquam obtineri poterit.

XLVII. Cum ergo certum sit, *solis* & *omnibus* fidelibus hoc bene-  
 ficium reservari, nec Agnum pro suis quemquam agniturum, quorum in  
 librum suum nomina non retulerit, ut ex conscriptis neminem excludet;  
 nam ut nihil inquinatum intrabit in Civitatem, sed ii tantum qui scripti  
 fuerint in Libro Vitæ Agni Apocal. 21. 27. Ita si quis non inventus fuerit Apo. 21. 27.  
 scriptus, dejectus est in stagnum ignis Apoc. 20. 21. Maximi nostra Eccl. 20. 21.  
 refert hunc Librum Agni sæpe consulere, ne quos *conscriptos* putamus  
 ad sacram hanc militiam, *proscriptos* tandem magno nostro damno ex-  
 periamur. Nam ut refert Nehemias cap. 7. 64. eos tantum ad sacer- Neh. 7. 64  
 dotium admissos fuisse; qui genus & familiam in tabulis publicis demon-  
 strare potuerunt. Ita nulli ad vitam & regale sacerdotium admitti po-  
 terunt, quorum nomina non scripta fuerint in Catalogo Jerololymæ  
 cœlestis. Si verò semel in eum censum relati fuerint, fieri nequit ut  
 inde moveantur, quicquid tandem adversus eos diabolus & mundus mo-  
 liantur; Tales enim profitetur Deus ipse ex nomine novisse, & ha-  
 bere



DISPUT. bere sub signaculo: Isti ut columnæ in domo Dei immoti perstant in ejus conspectu; Inter equos, tubas, phialas, tonitrua, & terræ motus nunquam statione dejiciuntur; Non datur ad vindictam accinctis terram vel mare lædere, priusquàm isti ad certam salutem obsignentur Apocal. 7. 3. Gaudeamus ergo & exultemus, quòd nomina nostra scripta sunt in cœlis: Sed ne nos inani & e mentitæ fidei professione decipiamus, studeamus electionem & vocationem nostram in dies confirmare bonis operibus, ut ita magis magisque proficientes in fide & pietate, hoc signaculo gratiam Dei in nobis obsignemus, & tandem, quum Libri aperientur in ultimo illo & decretorio die, inveniamur scripti in Libro Vitæ Agni, ut cum eo vitam, quam proprio sanguine acquisivit, in æternum possideamus. *Amen.*

F I N I S.



## DISPUTATIO THEOLOGICA

D E

# SCRIPTURÆ SACRÆ

Authoritate adversus Pontificios,

PARS PRIOR.

*Respondente* MICHAELE TURRETINO  
*Genevensi.*

I.



IRUM equidem videri hoc debet, & meritò dolendum, quòd cùm *ex Scripturis* olim disputaretur; Jam eò res redierit ut *de Scripturis* ipsis, quarum tamen apud Christianos sacrosancta debuit esse Majestas, disputetur. Hic scilicet fuit Pontificiorum astus, qui dum in Scripturà satis præsidii non inveniunt, ad Exceptiones contra Scripturam sese receperunt, & ut plausibiliori cum prætextu ejus Tribunal declinarent, & ad Ecclesiam, hoc est Doctores suos ac Pontificem, provocarent, ipsique in causà suà Testes & Judices sederent, auctoritatem ejus & dignitatem, si non penitus evertere, mirum in modum saltem concutere & labefactare sunt conati. Atque hinc factum, ut quamvis Controversiæ de



de Scripturâ non soleant inter *Primarias*, sed *Secundarias*, quæ nobis DISPUT.  
cum Pontificiis intercedunt, quia non inde primùm disputari cœptum 11.  
est; non minùs tamen graves & momentosæ videri debeant; Imò eò  
magis necessariæ jam factæ sînt, quòd instar basis & fundamenti cæteris  
præstruendæ veniant. Cùm enim Scriptura sit Principium & Regula  
fidei nostræ, nutabit semper ista & anceps hærebit, nisi illius *Authori-*  
*tas* asserta semel fuerit & demonstrata.

II. Cùm verò Quæstio de *Authoritate Scripturae* duplex adversùs duo Quæstio de  
hominum genera possit institui. Primò, Adversùs Atheos & Epicureos, Authori-  
qui à religione penitus alieni, nullam Verbi istius *Authoritatem* & *Divi-*  
*nitatem* agnoscunt. Secundò, contra Pontificios, qui licèt eam credere se te Scriptura  
& amplecti profiteantur, ita tamen suspendunt ab *Authoritate Ecclesiæ*, duplex.  
ejusque Testimonio, ut absque eo si non esse in se, saltèm quoad nos non 1. contra  
possit innotescere. Nos priori missâ nunc quidem, quæ aliàs commodiùs Atheos.  
poterit tractari, posteriorem aggredimur, probandùmque adeò suscipi- 2. contra  
mus cum bono Deo, Scripturam S. ita per se *αὐτόπιστον* esse & Divinam, Pontificios  
ut nec in se, nec quoad nos *Authoritatem* obtineat ab Ecclesiâ. quæ hic  
trahatur.

III. Hic autem ne in limine impingamus, Primò aperienda est u-  
triusque partis sententia, ut faciliùs deprehendi possit, in quo versetur  
vexatissimæ istius Controversiæ Cardo. Et ad Orthodoxos quidem quod  
attinet, sic illi statuunt, Scripturam Sacram omnem suam *Authoritatem* à  
Deo, à quo profecta est, mutuari, & ita ex se ipsâ esse Authenticam, ut  
à Testimonio qualiscunque Ecclesiæ, multò minùs Sedis Romanæ suspendi  
ejus *αὐθεντία* nec possit nec debeat. Non quòd suum non sit pondus veræ &  
purioris Ecclesiæ Testimonio, sed quòd nec solum sit nec præcipuum, sed  
secundarium tantùm & ministeriale, absque quo etiam sua constat  
huic Verbo Divino *αὐτεπιστία*, nisi Deo loquenti obloqui, & Te-  
stimonium, Divinâ *authoritate* firmatum, in dubium revocare volu-  
mus.

IV. Porrò ad pleniorẽ sententiæ istius declarationem observandum Tria  
est, Tria ad persuadendam nobis Scripturæ Divinitatem concurrere posse, Triariam  
*Scripturam* scilicet, vel Deum in Scripturâ loquentem; *Spiritum* in cor- spectatur,  
de reflantem, & *Ecclesiam* Scripturam nobis tradentem: Ut enim tri- vel resp.  
plex dari potest causa, quæ ad alicujus rei persuasionem concurrat, Vel Scriptura,  
*objectiva*, quæ complectitur argumentum seu motivum propter quod vel Spiritus,  
credo; Vel *efficiens principalis*, quæ principium notat cujus virtute cre- vel Ecclesia.  
do; Vel *instrumentalis*, quæ medium & organum designat per quod  
credo: Quomodo ad visionem corpoream tria requiruntur necessariò, ob-  
jectum visibile, facultas visiva, & medium diaphanum, quod species vel  
radios utrinque transmittit. Ita *Scriptura* se habet ad modum fundamenti



DISPUT.  
11.

& argumenti propter quod credo, *Spiritus Sanctus* ad modum principii & causæ efficientis, cuius vi & efficaciam credo, & *Ecclesia* ad modum instrumenti per quod credo. Hinc si quæritur, Unde probetur, vel innotescat nobis Scripturæ Authoritas, pro triplici sensu Quæstionis trifariam etiam respondendum censemus. Vel enim quæritur; Quo argumento seu Cur & propter quid credatur, & tunc respondetur propter Scripturam solam & *κεῖται* ipsi insita, non propter aliud quid extra se Scripturam cognosci & credi Divinam. Vel quæritur, quo instrumento & medio, seu per quid eam ut talem agnoscamus; Atque hic respondetur per Ecclesiæ ministerium ordinariè nos eam notitiam consequi, cui *λόγια* sua committere Deus voluit. Vel denique quæstio est, A quo principio, seu ex quâ causâ efficiente fides illa, quæ agnoscit Divinitatem Scripturæ, oriatur; Ad hoc verò respondetur, optimè hoc fieri à Spiritu Sancto intuitu operante, solo salvificæ fidei authore.

Quale sit  
Scriptura  
testimo-  
nium.

V. Quando loquimur autem de Testimonio ipsius Scripturæ, nolumus intelligi duntaxat *argumentum inartificiale*, quasi Scriptura simpliciter fidei sibi adhiberi vellet, quia se Divinam dicit; sed *artificiale & ratiocinativum*, quatenus Deus illi notas & criteria ejusmodi impressit, quæ in scriptum humanum cadere non possunt; qualia sunt divina verbi Veritas, admiranda Mysteriorum sublimitas, Candor & *παρρησία* Scriptorum, Consensio partium invicem, Doctrinæ sanctitas & efficacia, & alia id genus, in quibus inimitabiles singularis, tum Majestatis tum Sapientiæ characteres deprehenduntur, & talis gravitatis simul & simplicitatis contemperatio, quæ occulta quadam virtute in animum pii lectoris illabitur, cumque subigit & expugnat: Ex illorum quippe intuitu facilè colligimus Scripturam Sacram, non esse librum humanâ industriâ elaboratum, sed speciali Spiritûs Sancti ductu concinnatum, adeoque verè divinum & *αὐτόπιστον*. Atque hic distinguendum putamus inter *Objectum* seu *Fundamentum* fidei, & ejusdem *Argumentum* seu *Motivum*. Nam fundamentum aliud non potest esse, quàm divina Revelatio, seu Verbum Divinitus revelatum. Sed argumentum istius fidei nostræ suppellicant Notæ illæ, quas in divinâ hâc revelatione deprehendimus, & quæ veluti totidem radii divinitatis ejus splendorem arguunt. Ita ut *Verbum* seu divina Revelatio sit veluti *materiale*, quod fides amplectitur, & per quod respondetur ad quæstionem, *Quid credis*. *Nota* verò *formale* seu motivum, quò fides nostra nititur, & per quod respondetur ad quæstionem, *Propter quid credis*. Unde oritur *certitudo*, non mere *probabilis* & moralis, aliàs fides nostra non certior esset quolibet assensu historico, qui scriptis humanis adhibetur. Sed *Theologica* & infallibilis, quæ hominem fidelem & Spiritu Sancto illustratum decipere non potest, quia non nititur verbo hominum,

qui



qui & falli & fallere possunt, sed Verbo Dei, qui & falli & fallere est ne-  
scius.

VI. Ad Testimonium Scripturæ quod *κυρίον* est & primarium, Accedit *qualis sit*  
*λεϊτουργικόν* & *ministeriale Ecclesiæ*, quod etiam alicujus momenti hic esse *Testimo-*  
non diffitemur. Licet enim absolutè non sit necessaria ullius hominis ope- *nium Ec-*  
ra ad Scripturæ Divinitatem cognoscendam, siquidem Deus potest imme- *clesiæ.*  
diatè Verbum suum quibus libuerit revelare, ut factum respectu sui testatur  
Apostolus Galat. 1. 12, quum profiteatur, *se Evangelium ab homine non ac-*  
*cepisse, nec edoctum fuisse, sed per revelationem Jesu Christi.* Tamen quia  
in via ordinaria providentiæ, Deo visum est uti hominum opera in homini-  
bus ad fidem adducendis; Ideo Ecclesiæ suæ Oracula committere voluit ut  
fidelibus traderentur; unde non parum ponderis sæpe habet ad animos ho-  
minum commovendos, & ad Scripturæ reverentiam excitandos. Atque  
hinc multiplex Ecclesiæ circa Scripturam officium exurgit. Primò *Custodis*,  
qui Testamentum hoc divinum summa fide Tabellionis instar conservare  
debet, quo sensu Paulus toties hortatur Timotheum, ut *servet depositum*  
1. Timoth. 6. 20. & 2. 1. 14. Secundò *Indicis*, qui indicare nobis debet *2. Ti m. 6.*  
libros sacros & ad illos manuducere, quomodo Joannes Judæis Christum *20.*  
indicabat, Joan. 1. 29. *Ecce Agnus Dei*, & Samaritana indicat Messiam *Joan. 1. 45.*  
concivibus suis Joan. 4. Tertiò *Vindicis*, qui tuetur & vindicat libros ge-  
nuinos ab adulterinis & supposititiis secernendo, ne verbum humanum  
pro divino obtrudatur, & æs pro auro supponatur; quò pertinet illustre  
encomium Pauli, quum *ἰσχυρίσθη τῆς ἀληθείας* illam vocat 1. Tim. 3. 15.  
Quartò *Interpretis* cujus est verum & genuinum sensum aperire, & Ver-  
bum ex analogia fidei & ipsa Scriptura *ὁρῶσθε* Rom. 12. 6. & Eph. 4. 2.  
Quintò *Præconis & Nuncii*, qui proponit & promulget Verbum illud tan-  
quam Edictum & Legem summi Principis nomine, ut ad fidei obsequium  
homines adducat, quo sensu Ministri vocantur Legati, Præcones, Nuncii,  
Rom. 10. 15. 2. Cor. 5. 19. 20. Isa. 40. 5. eorumque ministerium *Præ-*  
*conium.*

VII. Licet autem multiplex officium Ecclesiæ circa Scripturam compe-  
tat, id omne tamen *ministerium* importat, non *magisterium*. Quemad-  
modum nec Custos, aut Vindex, nec Præco, aut Interpretes auctoritatem  
ullam conferunt rebus sibi commissis, sed tantum organicè & ministeriali-  
ter circa eas occupantur: Ita quicquid agat Ecclesia circa Verbum, non  
ulteriùs extenditur, quàm ad ministerium, ut *per eam* quidem credere dica-  
mur, non vero *propterea*, quomodo per Joannem credere debebant Ju-  
dæi Joan. 1. 7. & per Samaritanam Concives ejus. Idem enim, quod *Joan. 1. 7.*  
mulier illa Concivibus suis, præstat nobis officium; ut enim illa deduce-  
bat ad Christum, & aditum præbebat Samaritanis ad eum cognoscendum,  
quo



DISPUT. quo cognito longè certius illum amplectebantur propter se ipsum, *Jam non credimus*, inquit, *propter sermonem tuum, ipsi enim audivimus*, Joan. 4. 42. & scimus quòd hic est verè Servator mundi Joan. 4. 42. Ita Ecclesia medium est *εἰσαγωγικόν*, quia nos ad Scripturam ducit, eamque in manus tradit. Sed quamdiu hic subsistimus, fides tantum humana est non divina, sive gradus ad fidem potius quàm fides ipsa, donec ad Scripturam deveniamus, eamque propter se amplectamur. Unde non rejicimus Ecclesiæ Testimonium, sed in suo ordine collocamus; non negligimus ministerium, sed magisterium recusamus; respicimus eam ut instrumentum per quod, non ut argumentum propter quod credimus; ut manu ductionem ad fidem, non ut primum motivum quod eam suadet; ut Testimonium omni alio humano majus; sed Deo in Scriptura loquenti inferius, utpote à quo suam totam, quanta quanta est, mutuatur auctoritatem.

VIII. Quia verò Ecclesia potest considerari, vel ut *collectiva* respectu fidelium, vel ut *representativa* respectu Pastorum, de ista potissimum hic quaestio est, non de illa. Quæ rursus juxta varias temporis circumstantias potest Testimonium aliud alio certius reddere. Nam si de antiqua & Apostolica loquimur, ejus Testimonium æquiparandum est Testimonio Divino, cum Apostoli *θεσπρευσεσι* adhuc in ea versarentur. Testimonium Ecclesiæ, quæ excepit tempora Apostolorum, minus fuit Testimonio Apostolico, quia non fuit infallibile; sed adhuc certius Testimonio hodierno, quia & proximè sequebatur ætatem Apostolorum, & variis miraculis & signis adhuc erat insigne. Sed Testimonium hodiernæ Ecclesiæ inferius est cæteris, adeoque longè minoris momenti, de quo tamen præcipuè hic quaeritur. Quinimò Pontificii non cujuslibet Ecclesiæ Testimonium audiri volunt, sed suæ, quam veram esse supponunt, non probant, quod tamen præcipuè probatum oportuit, cum frustra veræ Ecclesiæ auctoritas asseratur in thesi, nisi in hypothesi demonstretur Romanam talem esse.

Quale sit  
Testimo-  
nium Spi-  
ritus.

IX. Quamvis verò Scriptura & Ecclesia hic loquerentur, frustra tamen esset vox utriusque, nisi accederet tertio *Spiritus Sancti* intus agentis operatio. Unde diximus necessariò requiri tertium hoc Testimonium ad plenam Divinitatis Scripturæ persuasionem habendam. Testimonium autem quum dicimus, non debemus hic fingere vocem aliquam Spiritus intus loquentis, & aliquid seorsim à Verbo nobis persuadentis, quod Enthusiastæ & Fanatici volunt, à quibus immane quantum distamus. Sed nihil aliud intelligimus, quàm vim & efficaciam Spiritus intus agentis, & oculos mentis aperientis ad dignoscendos divinæ veritatis radios in Verbo micantes, atque ita fidem animis nostris ingenerantis. Unde duplex venit distinguenda operatio Spiritus, alia in Verbo, quæ vocatur Testimonium externum, alia in Corde, quæ est Testimonium internum. Idem enim qui



qui loquitur in Verbo ad doctrinæ cœlestis explicationem, loquitur etiam **Disput.**  
in corde ad ejusdem applicationem, & ut testatur in Verbo *objectivè* per **II.**  
modum *argumenti*, testatur etiam in Corde per modum *principii*, quo  
sensu Joan. cap. 5. 1<sup>a</sup>. Spiritum inter testes Veritatis, Evangelii & Divini- **1. Jo. 5. 6.**  
tatis Christi recenset, & 5. 6. *Spiritus testatur quod Spiritus est veritas*, Spi-  
ritus in corde testatur, quod Spiritus in Verbo seu doctrina à Spiritu tradi-  
ta, sit Veritas. Necessitatem autem Spiritus evincit, non modò mentium  
nostrarum cæcitas, quæ non capiunt ea quæ sunt Dei; sed & Mysteriorum  
cœlestium sublimitas, quæ humanâ ratiocinatione quantumvis rectâ, nun-  
quam potuissent, vel excogitari vel apprehendi. Et ut in visione non tan-  
tum requiritur lux in objecto videndo, sed etiam in subjecto vidente, nam  
frustrâ Sol cæco luceret: Ita Spiritus, qui luxit in Verbo ad veritatis reve-  
lationem, debet lucere in corde ad oculorum mentis illustrationem. Unde  
oritur assensus fidei, & firma illa cordis *παρηγορία*, quæ Scripturæ Divi-  
nitatem agnoscit & amplectitur.

X. Ne autem in ista Spiritus Sancti operatione dignoscenda aberremus,  
Observandum I. Quod Spiritus hic intus testans nunquam separetur à Ver-  
bo, quod in Scriptura continetur: nec aliò tendat ejus operatio, quam ad  
obsignandam in animis nostris divinam istius veritatem. Verbum est instar  
seminis in terram projecti, Spiritus instar virtutis vivificæ, quâ in nobis  
radicatur & germinat. Verbum est objectum, quod facultati proponitur,  
Spiritus est vis, quæ disponit facultatem ut illud amplectatur. Quò re-  
spiciunt illa **II. 59. 21.** *Verbum, quod posui in ore tuo, & Spiritus qui est* **15. 59. 21.**  
*in te, non recedent* &c. & quod Christus ait Joan. 16. 14. *Accipiet de* **Jo. 16. 14.**  
*meo, & annuntiabit vobis.* Unde patet alienissimum esse à Spiritu Ana-  
baptistico, qui & Scripturam contemnit, & privatis ac extraordinariis re-  
velationibus indulget. II. Testimonium hoc facit quidem ad propriam sin-  
gulorum fidelium confirmationem, in quibus Spiritus habitat & operatur,  
sed non potest adhiberi ad aliorum convictionem, vel conversionem. Cum  
enim soli fideli cognitus sit & perspectus **Apoc. 2. 17.** Testimonium ejus so- **Apoc. 2. 17.**  
lum fidelem cui redditur, persuadere potest, nec aliis prodest, nisi ratione ef-  
fectorum, quæ extrinsecus videntur **2. Cor. 4. 13.** Unde ludibrium meritò de- **2. Cor. 4. 13.**  
berem, si alteri persuadere vellem Scripturam esse divinam, quia Spiritus S.  
hoc in me testatur. III. Spiritus privatus potest dici ratione *subjecti*, quia est  
in unoquoque fideli, sed non ratione *principii*, & originaliter, quia commu-  
nis est toti Ecclesiæ **2. Cor. 4. 13.** ut Sol totum mundum lustrans, & unum-  
quemque illustrans, privata fax non est cuique accensa. Sic Spiritus, qui luce  
sua cor fidele permeat, privatus dici nequit, quia idem Spiritus, qui in Ec-  
clesia semper spiravit, quique Verbum Prophetis & Apostolis inspiravit,  
mentem veri fidelis commovet & excitat, eandemque doctrinæ lucem,  
**E** quam



DISPUT. II. quam in Sacrario Verbi accendit, in Sacrarium cordis infert. Unde patet quàm injustè Pontificii *privatum Spiritum* nobis objiciant, quem communem esse fidelibus omnibus statuimus. IV. Spiritus non testatur in omnibus Verbi Auditoribus, sed tantùm in Electis, non tamen æquali claritatis vel certitudinis gradu. Non testari in omnibus liquet, non modò ex parabola de semine Matt. 13. sed ex eo quòd Spiritus non sit omnium, Joan. 14. 16. ut nec fides 2. Thessal. 3. 2. Sed tantùm Electorum, quibus Deus peculiari gratiâ revelare dignatur mysteria sua Mat. 11. 25. 26. ut mirum non sit multos de Scripturarum veritate dubitare, imò & ab earum fide deficere Joan. 6. 64. 66. Testari verò in omnibus fidelibus constat, quia in eum finem datur ipsis, ut testetur de iis quæ nobis data sunt 1. Cor. 2. 12. & nisi quis habeat Spiritum Christi, non est ejus Rom. 8. 9. Sed ut dispari mensurâ communicatur fidelibus, prout gradus sunt in sanctificatione, per quos fit ut alii aliis sint & in fide & in charitate provectiores 1. Cor. 2. 6. Heb. 5. 13. 14. Ita major est vel minor certitudo & perspicuitas testimonii quod in ipsis exhibet. Atque hinc factum ut non omnes libri Sacri ab omnibus ex æquo pro Canonici semper sint habiti, sed quidam rejecti fuerint ab his, qui ab illis fuerant recepti. V. Ut Testimonium divinum Spiritûs dignoscatur à contrario Spiritûs fanatici Testimonio, nullum aliud *κρίτειον* certius potest adhiberi, quàm Scriptura Sacra, ut examinetur juxta Sacræ Scripturæ normam, tum quia regula hæc nobis ponitur Deut. 13. 1. 2. II. 8. 20. 1. Jo. 4. 5. 1. 2. 3. 8. 9. tum quia Spiritus est veritatis, sibi semper constans & conformis, nec aliter testatur in corde, quàm testatus est in Verbo. Perperam tamen hinc Circulum nobis impingunt Pontificii, (cujus ipsi manifestè rei tenentur) cùm Scriptura probet Spiritum *objectivè*, Spiritus verò probet Scripturam *efficienter*, quod peculiari disputatione de *Circulo* alibi est à nobis demonstratum.

XI. Ex hisce verò ita positis, facilè colligitur quænam sit in gravissima hac quæstione Orthodoxorum sententia: Nimirum ad internam persuasionem Divinitatis Scripturæ necessariam absolutè Spiritûs Sancti in cordibus nostris esse operationem. Sed argumentum seu motivum, quò utitur ad ingenerandam istam fidem, non esse Testimonium Ecclesiæ, licèt possit etiam hac in parte alicujus esse momenti: Sed solas notas in Verbo fulgentes, quæ tanto splendore radiant, ut Scripturæ propter se ipsam, & non propter aliud credamus; Unde si resolutio fidei quæritur, statuunt bifariam posse eam spectari, vel ratione *fundamenti*, sive *objecti æterni*, & hanc fidem ultimò resolvi in solam divinam Revelationem in Scriptura expressam; Vel ratione *subjecti* seu *principii interni*, & tunc resolvi in Spiritum in corde testantem.



XII. Sed Pontificii hinc in alia planè abeunt, licèt perplexè admodum loquantur, nec sibi semper constant. Primò certum est alios duris, alios mitius loquutos fuisse; Nam illi, qui primitus Patrum nostrorum memorià Papissimum acerrimè propugnârunt, remotis ambagibus, asserere non dubitabant, omnem authoritatem Scripturæ ab Ecclesiâ pendere, nec majori fide dignam esse, seposito Ecclesiæ Testimonio, quàm Alcoranum, Titum Livium, & Æsopi fabulas. Hinc blasphemæ illæ voces, quas nemo pius sine horrore legere potest, *Pro sensu dici posse Scripturas tantum valere, quantum Æsopi fabulas, si destituantur Ecclesiæ Authoritate*, quod Hosius Cardinalis habet lib. 3. contra Brentium; & quod Baylius Jesuita Tract. 1. Catech. q. 12. apertè profitetur *se sine authoritate Ecclesiæ, non plus fidei adhibiturum Matthæo, quàm Tito Livio*. Quod Andradius l. 2. defens. Concil. Trid. *Nihil inesse ait Divinitatis in iis libris, quibus sacra Mysteria conscripta sunt, nec inveniri in iis, quod nos religione cogat & constringat ad credendum, quæ in illis continentur. Sed Ecclesiæ tantam esse vim & amplitudinem, ut nemo sine maxima impietatis nota repugnare illi possit, & alia plura ejusmodi, quæ apud Eckium in Enchir. cap. 1. Pighium lib. 1. de Hierarchia Ecclesiæ cap. 2. Bellarminum lib. 4. de Verbo Dei c. 4. & alios leguntur.*

XIII. Quia verò hæc tanquam nimis crudè & crassè dicta Recentiores animadverterunt; Ideo cautius loquuti sunt, ita mentem suam explicantes, ut Scripturam quidem *absolute & in se*, etiam absque Ecclesiæ Testimonio Divinam esse concedant; Sed *relate & quoad nos* velint istam Authoritatem non obtinere, nisi per Ecclesiæ Testimonium, cujus beneficiò ut Divina nobis innotescat & à nobis suscipiatur. Ita Ecclesiam non facere quidem ut Scriptura vera sit, hoc enim habere à Deo Authore suo, sed tantum ut pro vera agnoscatur & credatur. Unde nata distinctio vulgata *Authoritatis quoad se, & quoad nos*, quæ in hoc argumento utuntur, & queruntur sibi à Nostis injuriam fieri, & Quæstionis statum perverti, quum ita instituitur; An Authoritas Scripturæ pendeat ab Ecclesiâ, quasi Ecclesia faceret Scripturam Authenticam, & illi aliquam authoritatem, quam ex se non haberet, conciliaret; cum id tantum quoad nos intelligendum sit, quia nobis non innotesceret nisi propter Ecclesiæ Testimonium. Ut quæstio sit, non, An Scriptura S. vera sit, & unde illud habeat, hoc enim habere à Deo ejus Authore; Sed quæ ratione & Unde nobis constet esse veram & Divinam, quod ab Ecclesiâ pendere censent: pari planè pacto, quò celebre Salomonis Judicium non fecit, ut infans de quo quærebatur, esset veræ matris filius, sed patefecit tantum cujus filius esset.

XIV. Sed quocunque modo hoc suum dogma incrustare conentur, si penitiùs rem expendimus, patebit ad fucum faciendum



DISPUT.  
II.

& declinandam invidiam potius, quàm ad explicandam veritatem, distinctionem hanc excogitatam fuisse, & mutata quidem fuisse verba, sed eandem mentem illis semper esse. Primò quia nulla potest dari autoritas quoad se, quæ non sit etiam quoad nos, non modò quia est ἐκ τῶν πρὸς τὸν ex relatorum natura, quæ necessariò respectum ad aliud includunt; sed etiam quia quod facit ut Scriptura sit Divina & authentica in se, debet etiam facere ut talis sit quoad nos; Quippe argumenta & criteria, quæ fundant ejus auctoritatem in se, eandem quoque debent fundare respectu nostri, ut nihil possit dici fundamentum *simpliciter*, quod non sit etiam *quoad nos*. Etenim si quid nos ad assentiendum principaliter movet aut movere potest, est fundamentum fidei simpliciter, nec quoad nos tantum, & si non movet nec movere potest ad assentiendum, nec est fundamentum *simpliciter*, nec *quoad nos*. Unde licet centies Ecclesia diceret Scripturam pro Divina esse habendam, non possem tamen nec deberem assentiri, si divina in se non esset; Et quamvis negaret Ecclesia recipiendam esse eam ut Divinam, recipienda tamen esset, eo ipso quo statuitur esse in se vera & Divina. Deinde quum Adversarii volunt quæri inter Nos, non Unde sit Scripturæ Autoritas; sed unde nobis innotescat; Vel intelligunt rationem & motivum propter quod ut talem novimus & credimus; Vel simpliciter medium & instrumentum, quò ad eam cognoscendam adducimur. Si posterius volunt, mutant quæstionis statum, nec nos habent dissentientes: Nec enim, ut antea dictum, negamus Ecclesiam concurrere ad indicandam nobis Scripturam. Sed si prius intelligatur, ut intelligere necesse est eos, si hypothesein tueri volunt, & sententiæ suæ consentanea loqui, frustrà assertur distinctio ista; Nam si Ecclesiæ Testimonium est præcipua ratio, propter quam credo Scripturam esse Divinam, debebit etiam ipsi conciliare auctoritatem in se, atque ita ab Ecclesiâ semper pendebit. Quod priores, qui magis rotundè loquebantur, volebant. Neque juvare eos potest judicium Salomonis, imò pro nobis facit; nam non fuit fundamentum seu ratio propter quam cognita fuit vera mater, sed tantum medium quò innotuit, siquidem hujus interventu viscerum maternorum facta est commotio, quæ propria fuit istius cognitionis causa. Ita quum Ecclesia nos adducit ad Scripturam, & radios Divinitatis in illa fulgentes ostendit, est quidem medium quò credimus esse Divinam, sed non ipsum fundamentum seu formalis ratio, propter quam credimus.

XV. Cæterum non dissimulandum Pontificios videri sanius & sentire & loqui, dum negant Ecclesiam esse fundamentum principale, seu formalem rationem propter quam fide Divina credimus Scripturam esse verè Verbum Dei, sed tantum vel *conditionem* necessariò requisitam ad illum actum fidei eliciendum, ut loquitur *Valentia* Tom. 3. disp. 1. quæst. 1. &

Gres



*Gretserus* in tractatu de agnoscendis Scripturis Canonicis cap. 7. Vel Disput.  
II.  
causam acceptionis fidei, ut *Becanus* de Circulo Calvinistico. Si verò quærat, quo fundamento ergo nitatur fides Divina, qua creditur divina Scripturæ Authoritas, vel quæ sit formalis ratio propter quam fide divina credimus hoc Verbum Dei, Respondent esse *Revelationem Divinam*, seu se hoc credere propter Dei revelantis Authoritatem, ut iidem *Gretserus* & *Becanus* prolixè probant. Sed non difficile est larvam hanc detegere, quâ simplicioribus imponere conantur, & ostendere, eos vel ἀόριστα loqui, vel insigni prævaricatione, quod unâ manu dare videntur, alterâ auferre. Nam Revelationem quidem divinam esse fundamentum seu rationem formalem fidei verè ab illis asseritur; Sed si porrò quærat, ubi sit illa revelatio propter quam credimus Scripturam esse Verbum Dei, & quæ omnium sit prima & notissima, quæ per se & propter se à nobis recipi debet, non verò propter ullam aliam, hic aquam ipsi haurere necesse est; Vel enim dicent esse Scripturam ipsam, atque ita ad nos accedent, qui nihil aliud volumus, quàm Scripturæ propter Scripturam ipsam credi; Vel traditionem aliquam non scriptam, sed eadem quæstio movebitur de illa Traditione, Unde constet eam esse Divinam; Vel esse ipsius Ecclesiæ vocem, in qua & per quam Deus loquatur, quod tamen videri volebant negare.

XVI. Et sanè hanc esse genuinam eorum mentem colligitur ex ipsorum verbis: Nam per Ecclesiæ testificationem ordinariè respondent ad quæstionem, *Cur credis hoc Verbum esse Dei Verbum*; Imò nullam aliam responsionem commodè posse asserri censent, *Bellarminus* lib. 3. de Verbo Dei cap. 10. resp. ad argum. 13. *Certum est nos non certo scire quod Deus revelavit, nisi ex Ecclesiæ Testimonio*, & lib. 6. de Lib. Arbitr. cap. 3. *Credunt Catholici id quod credunt, quia Deus revelavit, Deum autem revelasse credunt, quia Ecclesiam ita dicentem & declarantem audiunt.* Stapleto. lib. 1. de Authoritate Ecclesiæ contra Whitak. cap. 8. *Nunc ergo supremum externum Testimonium in terris est Ecclesiæ vox*, & cap. 9. *Deus per Ecclesiam loquens non aliter loquitur, quam si immediate per visiones & somnia, aut quovis alio supernaturali revelandi modo nobis loqueretur*, & cap. 14. S. 12. *Tota formalis ratio fidei nostræ est Deus per Ecclesiam revelans.* *Gretser.* de agnos. Scrip. Canon. c. 7. *Solum Testimonium Ecclesiæ apte redditur ad quæstionem, Unde scis Scripturam esse Divinitus revelatam.* Ita non negant Scripturam esse Verbum Dei, sed pertendunt, non posse ut talem nobis innotescere, nisi propter aliam revelationem, quæ in Ecclesia demum quærenda sit, utpote per quam Deus loquatur hodie, tanquam per organum infallibile, ut olim loquutus est per Prophetas & Apostolos.



DISPUT.

II.

Status

Quæstio-

nis.

XVII. Ex quibus jam facile Controversiæ statum colligere possumus. Quisve consensus sit vel dissensus inter Nos & Adversarios. Primo patet hic non quæri de *Principio*, vel de *Causa efficiente* fidei, per quam Scripturæ divinitatem credimus, An Spiritus Sanctus sit necessarius ad fidem istam ingenerandam; hoc enim non possunt diffiteri Adversarii, & sæpe professi sunt, se necessitatem istius principii agnoscere, Stapleton. adversus Whitak. non semel queritur, gravem sibi fieri injuriam, quum contrarium illis adscribitur: *Arcanum*: inquit, *Divini Spiritus Testimonium prorsus necessarium est, ut quis Ecclesiæ Testimonio ac Judicio circa Scripturæ approbationem credat, neque absque hoc interno Spiritus Divini Testimonio, etiamsi millies Ecclesia attestetur, commendet, promulget & approbet Scripturas, fides consequetur, aut audienti populo persuadebitur.* Triplicat. ad. Whitak. cap. 9. Sic *Canus* loco. Theol. lib. 12. cap. 8. Respond. ad 4. argumen. & alii. Sed quæritur de *argumento* seu motivo præcipuo, quò Spiritus Sanctus utitur in persuadenda nobis ista veritate. An sit argumentum inartificiale Testimonii Ecclesiæ, quod volunt Pontificii; An vero artificiale petatum ex notis ipsius Scripturæ? quod nos statuimus. Quæ duo eo accuratius distinguenda sunt, quod aliàs ingentes huic disputationi tenebras offundere possunt: Atque hinc factum, ut varii non satis feliciter versati videantur in hac contra Adversarios expedienda Controversia, quasi hoc tantum quæreretur; An ex interna potius persuasione Spiritûs pendeat Scripturæ Authoritas, quàm ex Ecclesiæ Testimonio. Nam ut modo diximus, non negant Pontificii necessitatem Spiritûs ad persuadendam nobis hanc Authoritatem, Et si quæ hâc in parte occurreret difficultas, ea ad quæstionem de Libero Arbitrio, non de Scripturâ pertineret. Aliud enim est quærere, *Unde* aut *per quid*, & *quo instrumento* divina cognoscatur Scriptura. Aliud *Cur*, *propter quid*, & *quo argumento* talis credatur: Quoad prius enim hætenus consensus est inter partes, fieri hoc per fidem mediante virtute Spiritus. Sed in posteriori gravis est disceptatio. Illi enim Nos propter Ecclesiam credere Scripturæ dicunt; Nos vero Ecclesiam propter Scripturam audiendam esse. Illi credendum Scripturæ, quatenus ab Ecclesia Testimonium accipit. Nos contra Ecclesiæ, quatenus Scripturæ consentanea loquitur.

XVIII. II. Liquet etiam non disputari simpliciter de Testimonio Ecclesiæ, An ulla sit ejus ratio habenda; Sed de ejus pondere & Authoritate; An primarium sit & præcipuum quò utitur Spiritus Sanctus. Non negamus enim suas esse hâc in parte Ecclesiæ partes, ut antea observavimus, dum fungitur officiò Custodis, Præconis, Vindicis, & Interpretis; Sed quicquid hîc faciat, concurrere dicimus tantum ministerialiter & organicè, ut sit medium



ἀντιπροσώπων & ἰσαγωγικὸν, quò utitur Spiritus Sanctus, non κύριον & DISPUT. II.  
 principale, ut conservet quidem veritatem, sed non fundet; proponat,  
 sed non constituat, indicet & vindicet, sed non ἀποκαταστατικῶς judicet.  
 Quemadmodum Edicta Principum & Magistratum à Præconibus & Mini-  
 stris Regiis authoritatem suam non mutuuntur, licet per eos populo inno-  
 tescant; Ut Aurifex staterâ aut lapide aurum à cupro aliisve metallis dijudi-  
 cans, aurum non facit, sed tantum verum esse indicat; & ut Interpretes fi-  
 dus nihil de suo comminisci & inferre debet, sed sensum latentem diligenti  
 examine tantum efferre & elicere: Sed illi cum quibus agimus, non mini-  
 sterium duntaxat volunt, sed magisterium; non ut per Ecclesiam tantum  
 credamus, sed etiam propter eam. Imò censorium sibi jus in Deum ipsum  
 arrogant, nec tantum fidem nostram ab arbitrato suo suspendunt, & suam  
 à se ipsis, sed & ipsius Dei vocem, priscum Senatûs Romani fastum imi-  
 tantes, apud quem *de humano arbitrato divinitas pensabatur*, ut loqui-  
 tur Tertull. Apol. cap. 5. Idem quippe sibi jus arrogant in Scripturâ Sacrà.  
 Unde blasphema Nicolai Papæ audacia, qui distinct. 19. *Can. Si Rom. Pontif.*  
*statuere non erubuit, Id tantum probandum, quod Romanorum Pontificum*  
*calculo probatum vel improbatum, & ideo demum Verus & No-*  
*vum Testamentum recipiendum, quia Innocentius Pontifex autoritate &*  
*sententiâ suâ recipiendum esse sanxerit.* III. Non quæritur An Testimo-  
 nium publicum Ecclesiæ præferendum sit privato cujuslibet fidelis Testi-  
 monio, ut quidam perperam statum quæstionis formant: Nam præter-  
 quàm quòd falsò supponitur, Spiritum in nobis testantem esse proprium,  
 cum sit communis Ecclesiæ, ut antea visum, Spiritus in fidei testans non  
 se habet ad modum objecti vel argumenti, sed ad modum principii; Atque  
 ita non potest legitima institui oppositio inter Ecclesiæ & Spiritûs Testimo-  
 nium. Sed quæritur, An Testimonium Ecclesiæ præferendum sit Testi-  
 monio seu Notis ipsius Scripturæ, ut potius propter illud credamus Scriptu-  
 ræ, quàm propter istas; Pontificii prius volunt; Nos posterius.

XIX. IV. Non quæritur etiam, An sint Notæ quædam & criteria  
 in Scriptura, ex quibus Divinitas ejus ostendi possit & suaderi, hoc enim  
 non differuntur Pontificii, & Nobiscum ex iis Scripturæ Divinitatem pro-  
 bant; Imò agnoscunt non rarò (tanta est vis Scripturæ, ut ab hostibus suis  
 verum quandoque testimonium exprimat) *nihil esse notius, nihil certius, ut*  
*stultissimum esse necesse sit, qui illi fidem neget habendam*, ut loquitur Bellarm.  
 lib. 1. de Verbo Dei cap. 2. sic & *Valentia* lib. 1. de Analyfi fidei; Sed an  
 notæ illæ per se sufficiant ad fundandam in animis nostris Divinitatis fidem?  
 seu, An sit præcipuum illud motivum, propter quod adducimur ad cre-  
 dendum, & quò nititur fides; Quod statuimus; Illi verò negant, cri-  
 pientes unâ manu, quod alterâ dederant.



XX. V. Non quæritur, An Revelatio divina sit fidei nostræ ratio formalis simpliciter & absolutè, seu id propter quod aliquid credimus fide divinâ; Hoc enim Adversarii nobiscum agnoscunt, vel se agnoscere saltem profitentur: Sed quænam sit illa Revelatio respectu nostri, prima & notissima, quæ per se & propter se, non verò propter aliam ullam à nobis credi debet, An sit in Scriptura quærenda, An verò in Ecclesia? Nos Scripturâ Sacra contineri arbitramur, quæ prima est & perfectissima Regula, nec extra illam quæri posse vel debere: Pontificii verò in Ecclesiæ voce & testimonio seu cerebro Pontificis, in quem omnia tandem resolvuntur, quærendam esse. Hinc Quæstio tandem ad hos redigitur terminos, *Unde, sive propter quid, quoque argumento præcipuo Spiritus Sanctus utatur ad nobis probandam Scripturæ Authoritatem, An Testimonio Ecclesiæ, an vero ipsius Scripturæ, seu argumentis & criteriis ipsi insitis*; Prius asserunt Pontificii, Nos verò posterius statuimus, & demonstrandum suscipimus.

XXI. Bifariam autem Sententiæ nostræ probationem instituere possumus, 1. κατ' ἀρσιν, ostendendo Authoritatem Scripturæ non pendere ab Ecclesiâ. 2. κατὰ θέσιν, evincendo totam fundari in Scripturâ ipsâ. Et ad prius quidem quod attinet, satis superque vel ex hoc uno colligitur argumento: Ecclesiæ autoritas tota pendet à Scripturâ. Ergo non potest ullam nec quoad se, nec quoad nos Scripturæ authoritatem conciliare. Ratio consequentiæ per se patet; Quia impossibile est idem respectu ejusdem habere rationem causæ & effectus, principii & principiati, sic enim se ipso esset prius & posterius, notius & ignotius. Antecedens verò multiplici ratione confirmatur. 1. Quia Ecclesia fundatur in Scripturâ, & ab eâ esse suum specificum obtinet; nulla enim Ecclesia sine vocatione, nulla vocationi nisi à Verbo, hinc dicitur superstrui fundamento Prophetarum & Apostolorum, Eph. 2. 20. Unde ut ne esse quidem potest ulla domus, nisi subtrato prius fundamento, sic nec Ecclesia nisi positâ Scripturâ. 2. Quia nulla haberi potest certa Ecclesiæ cognitio nisi ex Verbo: Nam antequam Ecclesiæ vocem audiamus, necesse est ut primò nobis constet de Ecclesia, An sit? Quid sit? & ubi sit? Quæ cum nec sensu nec ratione percipi possint, sequitur ut omnis hæc notitia sit à Scriptura, quæ non modò docet aliquam esse Ecclesiam, sed & iis notis & characteribus eam describit, quæ eam nobis ignorare non sinunt. Si ergo ex Scriptura cognoscitur Ecclesia, jam notior erit ipsâ, nec Authoritas illius quoad nos ab ista pendeat. 3. Quia fundamentum Authoritatis Ecclesiæ non aliunde peti potest, quàm à Scripturâ; Unde enim nobis constare poterit talem obtinere Authoritatem; Nunquid existimabimus id fieri Ecclesiæ ipsius Authoritate? At hoc ipsum est de quo quæritur. Non potest etiam esse κοινὴ quædam ἔννοια, quando de ea tam



acriter disceptatur. Ergo sequitur ut id ex Verbo perspectum habeamus, atque ita prius obtinuit apud nos Verbum authoritatem. Nec id diffiteri possunt Adversarii; nam cum à Nostreis urgentur; Unde cognoscant Ecclesiam hanc authoritatem habere in consignando Scripturæ Canone, Respondent statim hoc ideo fieri, quia regitur à Spiritu Sancto. Quòd si ulterius instes, unde constet ita regi? Reponunt illico varia Scripturæ Testimonia, quibus evincere conantur Christum hoc illi promississe ut Matt. 18. 20. & 28. 20. Joan. 15. 26. & 16. 13. &c. Ita ex Scriptura suas omnes probationes eliciunt; Quomodo verò ritè hoc fieret, nisi prius & Scriptura cognosceretur, & divina esse crederetur? Sic suo se gladio jugulant, Ecclesiæque dignitatem Scripturæ authoritate firmantes, suam deserunt, & nostram vel imprudentes vel inviti confirmant sententiam.

XXII. Ad hoc argumentum Excipiunt Neg. Conseq. Si Ecclesiæ Authoritas quoad nos ex Scripturæ Authoritate pendet, non pendere Scripturæ Authoritatem ab Ecclesia; Utrumque enim simul verum esse posse, Ecclesiam mutuari suam authoritatem à Scriptura, & Scripturam itidem suam ab Ecclesiâ: Et ne sine ratione videantur hoc asserere, exemplis id evincere conantur; Joannes Baptista, inquit, Christo Testimonium perhibuit, & Christus Joanni, Epistolæ Pauli ejus authoritatem magnificè commendant, quæ tamen ab Authore suo authoritatem accipiunt. Symbolum fidei non habemus ab ulla authoritate externa, nisi ab Ecclesia, in quo tamen ipsa Ecclesia credenda proponitur. Ita nihil esse absurdi, si & Ecclesia à Scripturâ, & vicissim Scriptura ab Ecclesia pendeat. Atque eò certius hoc posse dici, quia eadem Scriptura, quæ authoritatem Ecclesiæ stabilire dicitur, affirmat expressè eam esse *σύλον καὶ ἐδραϊσµα τῆς ἀληθείας* 1. Tim. 3. 15. quod verè dici non posset, nisi Veritati in Scriptura contentæ Testimonio suo Authoritatem vicissim conciliaret; Unde Bell. 1. Tim. 3. 15. lib. 6. de Eccl. c. 14. *Si Ecclesia est columna & firmamentum veritatis, E. veritas fidei quoad nos, nititur Ecclesia Authoritate, & verum est quicquid Ecclesia probat, falsum quicquid improbat.*

XXIII. Sed frustra vim Argumenti conantur eludere; Primo gratis supponunt utrumque verum esse, Ecclesiam dare Authoritatem Scripturæ, & rursus eam sumere à Scripturâ: Nam licet in diverso genere causæ possit locum aliquando id obtinere, ut causa probatur ab effectu à posteriori, quæ probat ipsum effectum à priori; tamen in eodem genere est *ἀσύστατον*, nisi velimus rem esse se ipsâ notioiem & ignotioiem, notioiem, quia assumitur ad alterius probationem, ignotioiem vero, quia ipsa per aliam probatur. Ita non negamus Ecclesiæ Testimonium posse probare Scripturam à posteriori, per modum instrumenti, vel medii, sed vim argumenti & mo-



tivi præcipui habere pernegamus. Secundò, In exemplis allatis peccatur fallaciâ parium, Aliud est *Testimonium perhibere Christo*, Aliud *Authoritatem illi conciliare*, prius de Joanne Baptista rectè dicitur, sed posterius non item. Unde Christus ipse Joan. 5. 34. negat se *Testimonium accipere ab hominibus*, ut scilicet eò nitatur, sed *habere se Testimonium majus Testimonio Joannis*, scil. tum Opera sua, tum Patris vocem, tum Scripturas ipsas. Nihil obstat ergo, Testimonium esse perhibitum Christo à Joanne, & vicissim Christum testatum esse de Joanne, quia diversa fuit testandi ratio: Joannes ut minister de Domino testabatur; At Christus ut Dominus de Servo. Joannes, ut tanquam index ad Christum manuduceret, eum veluti digito ostendendo; sed Christus ut tanquam Rex præconium servi sui autoritate sua confirmaret. Ut ergo per Joannem, sed non propter Joannem credebant Christo, *Venit enim, ut testaretur de luce, ut omnes crederent di autem per ipsum*, non *di autem propter ipsum*; Ita per Ecclesiam, non propterea Verbo credimus; Testatur de Verbo, quum illud indicat & proponit. Sed Verbum testatur de Ecclesia, quum eam fundat & instituit. Epistolæ Pauli majestatem Authoris commendant à posteriori, ut opus laudat opificem; sed Paulus ut vir Dei θεόπρεπτος confert illis quicquid habent autoritatis à priori. 3. Perperam asseritur Symbolum nullam autoritatem habere nisi ab Ecclesia, cum totam habeat à Scripturâ, à qua si non αὐτολεξει & quoad voces, saltem quoad res ipsas desumptum est. Itaque si probat Ecclesiam, tota vis argumenti à Scriptura ipsa, in quâ fundatur, pendet, nec Ecclesia ullam potuit Symbolo autoritatem dare, sed hoc tanquam Summam credendorum ex Scriptura petitam fidelibus tradidit.

XXIV. Ad locum verò 1. Tim. 3. 15. quod attinet, ut vexatissimus est, & subinde tanquam Achilleum argumentum nobis objicitur, paulò fusiùs de eo est dicendum. Scio nonnullis Viris doctis in mentem venisse, mutare loci hujus interpunctionem, ut *Ecclesia Dei vivi* periodum absolvat, *Columna vero & firmamentum veritatis*, non ad Ecclesiam, sed ad Mysterium pietatis, de quo sequenti commate, referatur; tum quia non soleat Paulus à particula καὶ sententiam suam ordiri; tum quia usitatissima sit hæc loquendi ratio apud Judæos, ut vocent præcipuos fidei suæ articulos, יסודות & עקרין *fundamenta, & radices*, nec non ראשי האככה *capita fidei*; & quoties de doctrinis suis differere aggrediuntur, יסוד יסוד *fundamentum fundamentorum*, vel יסוד חכמה *fundamentum Sapientie* in limine præscribant, quod ex Maimonide patet, qui librum suum de fundamento Legis ita orditur, יסוד היסודות ועמיר החאמות *Fundamentum fundamentorum, & Columna Sapientie est cognoscere esse primum Ens. Ve-*



rùm quamvis ingeniosum sit commentum, quò difficultas omnis planè tolleretur, nescio an sit æquè solidum; cum verba ipsa legenti pateat, nonnihil coacti esse in hac interpretatione, quæ dividenda conjungit, & conjuncta dividit: Unde Versiones omnes, Syriaca, Arabica, Latina, receptam lectionem sequuntur, & ad Ecclesiam referunt, ad quas accedunt & Patres. Et sanè quamvis nihil sollicitetur locus; non minùs tamen sensus erit aptus, imò ratiocinatio Pauli optimè inter se cohererebit. Duo enim argumenta proponit Apostolus, ut Timotheum ad majorem reverentiam & studium sanctitatis excitet. Primum petium ab Ecclesiæ, cui ministrabat, dignitate, quæ talis est ut sanctum quendam horrorem incutere debeat omnibus ad sacram hanc λειτουργίαν se accingentibus, *Ut scias quomodo versandum sit in Domo Dei, quæ est Ecclesia Dei vivi, columna & firmamentum veritatis.* Alterum à Mysterii, cujus præconium illi demandatum erat, sublimitate & excellentiâ, quod est magnum pietatis Mysterium; unde addit, *καὶ ὁμολογούμεως μέγα ἐστὶ τὸ τῆς εὐσεβείας μυστήριον &c.* Deinde longè aliud est *fundamentum Sapientia* Rabbini, Aliud *firmamentum veritatis* Apostolo. Nam Maimonidi הלכות Halacot & fundamentum Sapientia, sunt initia fidei & primaria Religionis capita, quæ teneri debent ab omnibus, & supponi reliquæ doctrinæ, qualis est Dei existentia &c. quo sensu Apostolus Heb. 6. 1. θεμέλιον vocat principia & rudimenta Religionis Christianæ: Verùm hoc loco Paulus non agit de Elementis Christianismi, sed de Mysterio magno, quod capita difficiliora & sublimiora complectitur, quod alibi vocat *Sapientiam inter perfectos* 1. Cor. 2. 6.

XXV. Quamvis verò retineatur lectio vulgata, ut eam retinendam censemus, nihil tamen inde accedet Pontificiorum sententiæ, vel decedet nostræ. 1. Quia si Ecclesia dicitur columna & firmamentum veritatis, hoc non potest absolutè & simpliciter intelligi, sed tantum *secundum quid*: Nam absolutè Veritas est columna & fundamentum Ecclesiæ, quâ ita firmatur & sustentatur, ut stante eâ stet, & ruente vel remotâ cadat; nulla enim esset Ecclesia, si semel exularet veritas ab ea: Sed longè aliter se res habet respectu Ecclesiæ: Licet enim nulla foret Ecclesia in terris, non periret tamen Veritas, maneret semper in Deo, in Angelis, in Beatis, & in ipsa Scriptura; Ergo longè dispari sensu Ecclesia dicitur columna Veritatis, & Veritas columna Ecclesiæ, mutuam sibi præstant operam, sed diversimodè. Veritas est columna Ecclesiæ *proprie & principaliter*, Ecclesia columna Veritatis, *ministerialiter & improprie*; Veritas columna Ecclesiæ, eam realiter fundans & efficaciter sustinens. Ecclesia columna Veritatis, eam prædicans & mundo exhibens. Veritas dat esse Ecclesiæ,



sed Ecclesia veritatem custodit & tuetur adversus Satanæ & mundi calumnias. Veritas est columna Ecclesiæ *sensu architectonico*, uti loquuntur, sed Ecclesia columna Veritatis *sensu politico*. Atque hinc Chrysost. in h. l. sententiam invertendo dicit, *Veritatem esse σύλον τῆς Ἐκκλησίας*; Irenæ lib. 3. cap. 11. *Columna & firmamentum Ecclesiæ est Evangelium & Spiritus vite*. Et eò referri potest quod Theodoretus non malè columnam Veritatis sumi vult, non *active*, quia veritatem sustinet, sed *passive*, quia à veritate sustinetur, ut Veritas notet causam, Columna verò effectum. Quo sensu Dionysius Episcopus Alexandrinus apud Euseb. lib. 6. hist. cap. 41. vocat Martyres *firmas & beatas columnas Domini*, non quæ Dominum confirmârint; Absit, sed quæ à Christo ita firmatæ sint, ut constanter restiterint usque ad sanguinem, & vitam potius, quàm fidem abjicere maluerint, sic *fundamentum Dei* 2. Tim. 2. 19. dicitur, non quò Deus fundatur, sed quod Deus fundavit & posuit. Ita *πλήρωμα τῆ θεῆς* Eph. 3. 19. non quod Deum complet, sed quod à Deo completur. Unde Contarenus in h. l. *Non dicitur Columna, quod Ecclesia firmet & sustineat veritatem, sed quia firmatur à veritate*.

XXVI. *Secundo*, Aliud est esse *σύλον καὶ ἐδραῖωμα τῆ ἀληθείας*, Aliud verò *θεμέλιον* seu *fundamentum*. Ecclesia quidem prius dicitur, sed non posterius, quia non sustentat veritatem, sed ipsa à Veritate tanquam fundamento sustentatur, hinc Paulus 1. Cor. 3. 11. *Fundamentum aliud nemo ponere potest, præter id quod positum est, quod est Christus Jesus*; & alibi vocatur lapis vivus & angularis, cui Ecclesiæ membra velut totidem lapides vivi debent superstrui, 1. Pet. 2. 7. Eph. 2. 20. Unde Irenæ. lib. 3. c. 1. *Scripta Apostolorum fundamentum & columnam fidei* vocat. Et Beda lib. 1. in Joh. c. 12. *Fundamentum, inquit, Ecclesiæ est in soliditate fidei Apostolorum & Prophetarum*. Tertiò, Elogium *columna & firmamenti veritatis*, non semper importat infallibilitatem vel authoritatem illius, cui tribuitur; sic apud Euseb. hist. lib. 5. c. 1. Fideles Lugdunenses dicunt de Attalo Martyre, quòd fuerit *columna & firmamentum Ecclesiarum*, sic Basilii in ep. 70. Primarios Episcopos orthodoxos, qui Arianam hæresim oppugnabant, columnas & stabilimentum veritatis vocat; *οἱ σύλοι καὶ τὸ ἐδραῖωμα τῆς ἀληθείας ἐν διασπορᾷ*, & Gregorius Nazianz. eodem nomine insignit Athanasium, Basilium, & Eusebium to. 1. p. 389. Nemo tamen dixerit, eos talem authoritatem conciliasse veritati Evangelicæ, ut ab eorum testimonio pependerit; Sed hoc tantùm voluerunt Scriptores prisce, eximios Dei Servos fuisse, qui Evangelii doctrinam, non tantùm ore, sed & sanguine ipso constanter prædicârunt. Nec alio sensu Victori Christus pollicetur Apoc. 3. 12. quòd futurus sit *σύλος* in Domo Dei, cui inscribendum sit nomen Dei, Christi, & Civitatis Dei, ad immutabilitatem & con-



constantiam felicitatis designandam, quæ sic respondeat constantiæ & si- DISPUT.  
delitari ipsorum; Ut enim ipsi firmæ fuerant columnæ in terra, ad tuen- II.  
dam veritatem contra omnia tentationum genera; Ita columnæ futuræ  
sunt in cælis stabiles & immotæ ad fruitionem felicitatis. Ita Gal. 2. 9. Gal. 2. 9.  
Petrus & Jacobus vocantur *σύλοι*, quia primaria Ecclesiæ columina vide-  
bantur: Imò & apud τὰς ἑξῆς eadem similitudo non rarò occurrit; Sic in  
Republica integri & incorrupti Judices vocantur *columina & firmamenta*  
justitiæ, Viri pietate insignes, *columnæ & lux mundi* dicuntur, & apud  
Euripidem *παῖδες ἀρετῆς* vocantur *οἰκων σύλοι*, *Columnæ familiarum*.  
Unde patet, licet Ecclesia dicatur columna & firmamentum Veritatis,  
non statim ex eo inferri, Veritatis auctoritatem ab ea suspendi.

XXVII. *Quartò*. Ex eo etiam id clarissimè evincitur, quòd certum sit  
verba hæc ab Apostolo usurpari de Ecclesiâ particulari nimirum Ephesinâ,  
in qua Timotheus tum versabatur; loquitur enim de Domo Dei, in qua de-  
gebat. At nulli particulari Ecclesiæ privilegium infallibilitatis tribui posse  
agnoscunt ipsi Pontificii; Et hæc ipsa Ecclesia Ephesina jam pridem erravit,  
imò interiit ex Christi ipsius interminatione Apoc. 2. 4. *Quintò*, licet hoc  
referretur ad Ecclesiam Catholicam, non magis faveret Adversariis; Tum  
quia constat hoc intelligendum de Ecclesiâ collectivâ seu fidelium congrega-  
tione, cui præesse debuit Timotheus, non de repræsentativa Præpositorum,  
cui hoc privilegium proprium esse volunt. Tum quia hoc elogium, ut ple-  
raque alia, attribuitur Ecclesiæ, non promiscuè ratione fidelium & hypo-  
citarum, qui in externa ejus communione versantur; quo sensu Pontificii  
Ecclesiam intelligunt externam, ex bonis & malis pariter conflata; sed  
tantum ratione piorum, qui propriè Ecclesiam constituunt, & quibus so-  
lis proprium est; Unde Hieron. in Job. cap. 26. *Ecclesia*, inquit, *quæ*  
*est Sanctorum omnium congregatio, pro æterna sua in Domino stabilitate*  
*columna, & firmamentum veritatis dicitur*. At impii, qui sunt ἀνί-  
στοι, nec veritatem firmiter amant & retinent, non pertinent ad hanc Co-  
lumnâ, ut nec ad Domum Dei, cujus hic fit mentio, utpote in quibus  
nec Deus habitat, nec veritas sedem fixam habet.

XXVIII. *Sextò*. Quicquid hîc tribuatur Ecclesiæ pertinet ad munus  
illi demandatum, nec tam attenditur, quid Ecclesia semper faciat, quàm  
quid facere teneatur ad conservandam & propugnandam veritatem, quomo-  
do apud Mala. cap. 2. 7. *Labia Sacerdotis* dicuntur *custodire scientiam*, Mal. 2. 7.  
quia id facere tenetur ex officio, licet non semper præstet de facto, ut o-  
stendit y. 8. Nam Ecclesia Ephesina, de qua peculiariter hîc agit Apo-  
stolus, ab eo declinavit, ut jam dictum; Itaque subjectum propositionis  
non sine aliqua limitatione accipiendum est, nimir. ut illa Ecclesia tan-  
tùm dicatur columna & firmamentum veritatis, quatenus est Domus Dei



vivi, & in ea habitat per Verbum & Spiritum, quatenus veritatem excoli & supra se extollit, quatenus retinet fundamentum Prophetarum & Apostolorum, cui superstrui debet Eph. 2. 20. Aliàs si ab eo recedit, ut Cœtum externum ab eo nonnunquam recedere certum, non amplius columna & firmamentum veritatis, sed potius columna mendacii, & sedes erroris vocari debet; Sic enim perdit officium nomenque suum, nec propriè amplius Ecclesia, sed *ὑμνημας*, imò *ψευδανύμας*, si loco Mysterii pietatis, *μυστήριον ἀνομιᾶς* præ se fert, & in alia omnia eat, quàm quò veritas aurigatur. Atque hinc solidè demonstramus, Romanam Ecclesiam minùs ceteris hoc elogium sibi vindicare posse, utpote quæ non amplius Domus Dei vivi cenleri possit, sed sacellum Antichristi, nec veritas pura & intermerata illic amplius audiatur, sed putidissimum mendacium, & innumerabiles errores periculosissimi, quo nomine jampridem *mater hæresium* & *Schola erroris* ab alumnis suis, ut Petrarcha, Mantuano, & aliis meritò dicta est. Imò tantum abest, ut Pontificii quicquam præsidii in isto loco inveniant, ut contrà invictè adversus ipsos, ex ipsorum hypothese argumentemur. Nam eo ipso, quo verbis istis utuntur ad probandam Ecclesiæ auctoritatem, satis ostendunt, nobis authenticam esse debere Scripturam ante omnem Ecclesiæ testificationem; aliàs nugatoria erit ipsorum argumentatio, & in circulum abibit, ex quo in æternum se extricare non poterunt.

XXIX. Atque ex his satis jam liquet, nisi fallor, Adversarios perperam magnum causæ suæ præsidium in hoc Apostoli Oraculo collocare; Sed quia nondum constat de genuino ejus sensu, videamus paucis quid sibi voluerit Paulus, & quò præcipuè alluserit. Ut autem figuratâ & metaphoricâ locutione hic utitur, ita indubium est eum ad columnarum usum aliquem respexisse. Quia verò multiplex potest esse, vel *architectonicus*, ad ædificii sustentationem, vel *Politicus* ad promulgationem & custodiam Legum & Edictorum, quæ ibi appenduntur, Paulus ad primum non potuit respicere; non modò quia hoc sensu Veritas sustentat Ecclesiam, non firmatur ab ipsâ; sed etiam quia jamjam eam vocaverat *Domum Dei*, quæ proinde egebat Veritate ut fundamentò & columnâ, quâ niteretur, nedum ut posset eam sustentare. Itaque ad alterum necessariò alludere debuit, secundùm quem frequentissimè ad id inserviebant, ut ante Curias & Prætoria, Leges & Decreta Magistratus publicâ authoritate appenderentur, & Programmata sive Edicta affigerentur, ut omnibus innotescerent, de quo videndus Demosthenes oratione adversus Leptinem, & Plinius histor. natur. lib. 6. cap. 29. Ita Ecclesia commodissimè dicitur columna & firmamentum veritatis, duplici de causa, tum ratione *Promulgationis* & *Praconii*; Quia Decreta Dei & Leges interiori consilio sancitas promulgare tenetur, quâ de causâ illi *λογία τῶ Θεοῦ ἐπισυνέβησαν* & cele-



stis Veritas illi veluti appensa hominibus innotescit; tum ratione *tutela* & *custodia*, quia eam non modò proponere debet, sed etiam vindicare & ab omni corruptela tutari; Qua de causa non modò *τύλος*, sed & *ἑδραίωμα* & *ἀληθείας* vocatur, quia est veritatis hospitium, & veluti thronus & sedes fixa cui insidet. Phavorinus *ἑδραίωμα στήριγμα* interpretatur, scilicet aliquid cui aliud non minùs quàm columnæ innititur & insistit. Quod ipsum vocis etymon aperit, *ἑδραίωμα* enim ἀπὸ τῆς *ἑδραίν*, quod firmum, & *σάβηρον* notot; *ἑδραίν* verò ἀπὸ τῆς *ἑδρας* quæ *sedem*, *sellam*, & *thronum* designat, in quo simulachra Deorum sedentia exhibebantur, *ἵόπος ἐν ᾧ εἰδρωλον ἑδραία*, unde quia in columnis Imagines Deorum collocabantur, ut postea dicemus, conjunguntur sæpè *κίονες* & *θεόοι* apud *Pausaniam* Corinthiacis & Eliacis. Imò *κίονες θεόοι* sustinere dicuntur, ut hic Paulus sociat *τύλον καὶ ἑδραίωμα*. Quemadmodum verò neque Deorum imagines, neque Leges & Edicta suam mutuabantur auctoritatem à Columnis, quibus appendebantur; utpote quorum dignitas tota ab Authore pendebat; Ita nec Veritas ab Ecclesia, licet columna & firmamentum ejus dicatur. Hæc fuit mens Hieronymi, *Ecclesia*, inquit, *est columna & firmamentum veritatis, quia in ea sola stat veritas firmata, qua sola sustinet ædificium Ecclesiæ*. Sic Cagera. In h. l. *Veritas mysteriorum Divinorum velut excelsè sustentatur in Ecclesia, dum super omnia asseritur, & colitur, & in ipsa Ecclesia ita fundata est, ut extra eam non inveniat*.

XXX. Sed quia non videtur Apostolus ad generalem illum columnarum usum duntaxat respexisse; Verum ad quid specialius alluisse, quum mentionem facit Domûs Dei: videamus quodnam potuerit esse locutionis istius fundamentum; Et t. nihil dicamus de duabus columnis, alterâ lateritiâ, lapideâ alterâ, quas homines ante diluvium erexerunt, ut in iis inscriberent inventa sua, de quibus Josephus lib. 1. Antiq. Jud. c. 3. Nihil etiam de columna nubis & ignis, quam populo Israëlítico, ut *ὁδηγόν* exhibitam refert Moses, & in qua Deus habitasse dicitur. Certum est in Templo Hierosolymitano, quod peculiari ratione Domus Dei vocabatur, varias columnas fuisse, ad quas digitum potuit Paulus intendere; ut Ecclesiam vocaverat *Domum Dei* ad Templum respiciens; ita potuit eandem Ecclesiam sub alia *σχέσει* vocare columnam, alludendo vel ad duas illas columnas æreas, quarum una כִּי, altera יְהוָה dicebatur, de quibus mentio fit 1. Reg. 7. 21. quæ appositè firmam Ecclesiæ constantiam, & robur invictum designabant. Vel ad columnam illam æream memorabilem, quam excitasse dicitur Salomon in atrio Templi, de qua fit mentio 2. Reg. 11. 14. & 2. Chron. 6. 13. quæ modò כִּי יְהוָה, modo יְהוָה כִּי *basis area & suggestus* dicitur, quod non malè respondet nostro *ἑδραίωμα*, quæ ita columnæ figuram habebat, ut esset etiam suggestus & solium Regium,

1 Reg. 7. 21.



Regium, in quo sedere solebant Reges quoties vel inaugurabantur, ut de Joasô dicitur, cùm Rex in locum Achaziæ cooptaretur 2. Reg. 11. 14. vel fœdus cum Deo pangerent, & cultum Dei reformandum in melius curarent, ut de Josia narratur 2. Reg. 23. 3. quòd *stans ad columnam pepigerit fœdus cum Jehova* &c. vel quoties solenne aliquid præstarent, ut Salomon illi innixus dicitur in dedicatione Templi 2. Chron. 6. 12. quæ ideo Regia Judæis columna dicebatur. Sic Apostolus eleganti allusione nobis exhibebit Veritatem instar Reginae, Ecclesiæ tanquam columnæ & solio insistentem; Ut verò columna illa & suggestus Regem quidem sustinebat, & in altum tollebat, ut à populo conspiceretur; sed ipsi auctoritatem non conciliabat. Ita Ecclesia veritatem proponit, conservat & ostentat, ut ab hominibus conspiciatur, sed nullam tamen illi vel auctoritatem vel pondus affert. Atque eò referri potest, quod Chrysostomus & post eum Theophyl. volunt antichesim institui cum Ecclesiâ Judaica, & cum umbris legalibus; ut iis opponatur Veritas Evangelica, quæ clarissimè nunc ob oculos ponit mysteria, quæ obscuriùs sub umbris Mosaïcis proponebantur, quo sensu Veritas sumitur Joan. 1. 17. Atque ita sciat Timotheus, qualis sanctitas deceat hanc Domum Dei, non jam legalis & umbratica, sed vera & realis.

XXXI. Licèt autem facilè adducamur ad credendum, Apostolum eò respexisse, Quia tamen non est insolitum, Scriptores Sacros ad majorem argumenti quod tractant illustrationem ad varia sæpe alludere in eadem locutione, rejiciendam non putamus Virorum doctorum conjecturam, qui ad Gentilium Tempia hîc Paulum etiam alluisse volunt: Certum quippe ex Veterum monumentis, illa variis columnis passim exornata fuisse, quarum variæ species erant & multiplex usus, non modò ad ædificii fulcrumentum, sed & ad majestatem & splendorem. Hinc sæpe in earum fastigiis Deorum Imagines vel effigies Principum imponebantur, ut observat *Pausan. Corinth. pag. 59. & Eliac. pag. 174. ἐπιτέταται ἐπὶ κίονος ἀγάλματα*; Aliis arma, clypei, aliaque victoriæ trophæa appensa erant, Aliis quædam inscribebantur ut Elogia, fœdera, narrationes historicæ rerum gestarum, ut monumentum essent posteris, quod de aurea columna in Jovis Triphylîi fano posita ab ipso inet Jove ex Euhemero narrat *Lactantius lib. 1. cap. 11. Leges item & Decreta, morum præcepta, inò & Oracula teste Pausan. in Bæoti. Sic Athenæus lib. 4. notat in Delubro Herculis, quod Cynosargis dicebatur, ad columnam quandam appensum fuisse νόμιμα seu decretum quoddam Alcibiadis, & Demosthen. orat. in Neæram in antiquissimo Bacchi Templo, quod Limnis erat, prope aram, lapideam columnam fuisse observat, in qua Lex perscripta erat de uxore à Rege cive virgineque ducenda; Quod ipsum variis exemplis possemus comprobare si instituti nostri ratio id ferret: Verùm ex his mens Apostoli*

non



non obscure colligi potest; Nimirum ut jam opposuerat Domum Dei DISPUT.  
 non modò Templo Hierosolymitano, sed & Delubris profanis Ethnico- III.  
 rum: Ita aliam antithesim instituit inter cultum & ornatum utrorumque;  
 Quia si in illis columnæ miro artificio elaboratæ visebantur; Nihil aliud  
 erant quàm columnæ mendacii & erroris, ubi nihil aliud quàm meræ  
 fabulæ, & *μῦθοι ἄθεοι* & falsorum Deorum imagines proponebantur:  
 At in Templo isto mystico columnam ait esse longè diversissimam, non  
 mendacii, sed veritatis, & in qua non exhibeantur falsorum Deorum  
 simulachra, sed viva & expressissima veri Dei in Carne manifestati ima-  
 go, qui ipse *εἰκὼν τῆ Θεοῦ ἀοράτου* Col. 1. 15. non proponantur *μῦθοι σε-  
 σοφισμένοι*, quales prostabant in columnis Gentilium, sed *σοφία ἐν μυ-  
 στήρι*, imò magnum pietatis Mysterium 1. Tim. 3. 16. 1. Cor. 2. 7. de-  
 nique non legantur oracula flexiloqua Apollinis cujusdam *λογίᾱ*, sed  
 certissima veri & æterni Dei *λόγια*; Ecclesiam quippe nihil aliud præ-  
 conio suo, quàm Veritatem Dei sacrosanctam & Oracula ejus atque le-  
 ges & fœdera, omnium oculis spectanda & sequenda ingerere, & ad  
 posteros transmittere.

XXXI. Atque ex his, ne ulterius jam in loci istius enodatione ver-  
 semur, constat quidem Apostolum dignitatem & officium Ecclesiæ com-  
 mendare hîc voluisse in proponendâ & asserendâ veritate: Sed nullis fidicu-  
 lis poterunt exsculpere Adversarii, ejus Authoritatem & infallibilitatem  
 hîc confirmari. Neque audiendus hîc Bellarminus, qui pertendit, si nihil  
 aliud tribuitur Ecclesiæ quàm custodia veritatis, idem dici posse de Libra-  
 riorum officinis, & de capsis, vel thecis, quæ Scripturas custodiunt.  
 Quis enim discrimen longè maximum non videat, inter materiale & lo-  
 calem Scripturæ asservationem, quæ fit in Capsis & Bibliothecis impio-  
 rum, & moralem & formalem veritatis custodiam, prædicationem, &  
 propugnationem, quæ competit cuilibet Ecclesiæ, quamdiu ritè officio  
 suo defungitur? Ita si Ecclesia dicitur Custos, non est mutus & *ἄλογος*,  
 sed vivus & rationalis, qui ita custodit, ut etiam prædicet & præconio suo  
 commendet rem sibi commissam, quod de Bibliothecis nemo dixerit.

XXXII. Frustrà etiam addit Bellarm. Apostolum non meminisse Scri-  
 pturarum, sed tantum Veritatis; Nam si ad Scripturam non respicit, quare  
 ergo v. præcedenti dicit se hæc scribere, ut Timotheus sciat, quomodo  
 versari in Domo Dei debeat? Quare alibi testatur Scripturas posse ipsum  
*σοφίσαι* ad salutem? Imò eo ipso quo Veritatis meminit, meminit & Scri-  
 pturarum, quandoquidem nuspiam Veritas ista, de qua loquitur Aposto-  
 lus (nimir. salutaris & Evangelica quæ καὶ ἐξέχεν hoc nomine insignitur,  
 quia omnium est perfectissima, ut vita æterna ἐξέχως vocatur vita) inveniri  
 potest quàm in Scripturis. Unde quum Verbi Dei studium nobis commen-



datur, non aliò quàm ad Scripturam amandamur Isa. 8. 20. Joan 5. 39. & 17. 17. 1. Joan. 2. 20. 2. Pet. 1. 19. quia Scriptura sola est perfectissima Veritatis cœlestis norma, quam Ecclesia columnæ instar ministerio suo conservat; Et si quid Apostoli præconiaverunt verbo, id postea in Scripturas redegerunt, ut bene observat Irenæus l. 3. c. 1. Atque hinc solvitur quod Staplet. excipit ad Eph. 2. 20. per *fundamentum Prophetarum & Apostolorum* intelligi Doctrinam prædicatam; Nam cum Verbum sive scriptum sive prædicatum idem sit *ῥησιδῶς*, & differat tantum ratione modi revelationis; si Verbum prædicatum est fundamentum Ecclesiæ, id ipsum de Scriptura necesse erit concedi; hinc Paulus, qui testatur se omne consilium Dei discipulis suis proposuisse, affirmat tamen se extra Mosem & Prophetas nihil docuisse Act. 20. 27. & 26. 22. Et de his quidem hæcenus. Cætera quæ huc pertinent proximâ Disputatione *τὸν θῆν* expendentur.

F I N I S.

## DISPUTATIO THEOLOGICA

D E

## SCRIPTURÆ SACRÆ

Autoritate adversus Pontificios,

P A R S P O S T E R I O R.

Respondente J O A N N E J E G E R Bernensi.

I. **A**GGRESSI sumus novissimè gravem & momentosam, quæ nobis cum Pontificiis intercedit *de Scriptura Authoritate* Controversiam, & vidimus quæ faciebant ad statûs Quæstionis illustrationem, ut clarè constaret quis consensus vel dissensus esset inter partes: Nonnulla etiam iam proposuimus, & vindicavimus argumenta ad Sententiæ Orthodoxæ confirmationem; Ad alia nunc transeundum est, quibus eadem veritas demonstretur, & Scripturæ *αὐθεντία* ab Ecclesia independens asseratur.



II. Sic ergo Scripturæ Authoritatem nec quoad senec quoad nos ab Ecclesiæ Testimonio pendere iterum demonstramus. Si Testimonium humanum & fallibile fidem divinam & infallibilem fundare non potest, Ecclesiæ Testimonium non poterit ullam Scripturæ Authoritatem conciliare. At verum prius, Ergo & posterius. Minor per se patet; Cum enim nihil det quod non habeat, quod humanum est & incertum, certitudinis divinæ non potest esse causa & fundamentum. Consequentia verò ex eo colligitur: quòd quaecunque sit Ecclesiæ Testimonium; non aliud sit quàm humanum, utpote hominum sive conjunctim, sive seorsim testantium, ideoque fallibile & dubium. Quod ulteriùs confirmatur ex eo, quòd Christus agens de Testimonio Joannis Joan. 5. 34. profiteatur *se non accipere testimonium ab homine*, ut doceat, quamvis eo utatur ut se Judæis accommodet: qui Joannem tanquam Virum divinitus missum magno in pretio habebant, adeoque testimonium ejus respuere non audebant; non tamen illud captare vel quærere, quasi eo indigeat ad authoritatem sibi conciliandam; habere enim se longè majus Testimonium, quò certius innotescat, propria scilicet Opera, Patris ipsius Oraculum cœlitus auditum, tum Scripturis consignatum v. 36. Unde Chrysostomus in h. l. *ἐγὼ μὲν ἐν ἰδιόμην ἡ ἑαυτοῦ μαρτυρίας θεὸς ὡν ἀνθρώπων ἐστίν.* *Ego quidem Deus cum sim, non indigebam ejus testimonio quod humanum est*, innuens scilicet absurdum esse, Deum humano egere testimonio, quasi Dominus à servo, Creator à creatura, Deus ab homine, & prima & infallibilis Veritas à verbo incerto & fallibili mortalium pendere possit: Cum verò Scriptura sit Verbum Christi, eadem debet esse utriusque ratio, & quod de Christi Persona dicitur, dici etiam debet de Doctrina. Quòd tamen non eo animo dicitur, quasi Testimonium Ecclesiæ penitus hinc remotum vellemus, suas enim habere partes in hoc negotio antea evicimus; sed tantum ut ostendamus non esse absolutè necessarium, nec posse ulteriùs nos deducere, quàm ad fidem humanam, pro ratione principii à quo profiscitur.

III. Scio regerere hîc Adversarios falsum supponi, Testimonium scilicet Ecclesiæ esse merè humanum, & per consequens dubium & fallibile; Nec enim verbum Ecclesiæ, id est, Concilii vel Pontificis docentis ex Cathedra esse omnino verbum hominis, errori obnoxium, sed aliquomodo Verbum Dei, prolatum quippe assistente & gubernante Spiritu Sancto. Ita cum Deus per Ecclesiam loquatur, ab eo non ab hominibus certitudinem testimonii pendere. Atque ex eo clarè id confirmari putant, quòd Spiritus qui promittitur Ecclesiæ, eam deducere debeat in omnem veritatem Joan. 16. 14. *ἔγωγε.* Verum non difficile est hunc Adversariorum impetum retundere. I. καὶ τὸ βλάτον, cum Pontificii suam Ecclesiæ in-

DISPUT.

III.

II. Argu-  
ment. quo  
probat  
Scripturæ  
authorita-  
tem non  
pendere ab  
Ecclesiæ  
Testimonio,  
quia est fal-  
libile.  
Joan. 5. 34.

Joan. 16.

14.



fallibilitatem non aliunde quàm ex ipsa Scriptura arcessant, vel nugatoria erit & absurda eorum argumentatio, vel necesse est ut ipsis Scripturæ authoritas antecederet ad omnem Ecclesiæ testificationem innotuerit & asserta sit. 2. peccatur falsa hypothesis, quasi Deus per Ecclesiam loquens eam statim reddat infallibilem; Duplex enim *inspiratio* distinguenda venit, alia *specialis* & extraordinaria, quæ contigit Prophetis & Apostolis, quando *ἐκπνεύοντες τὸ ἅγιον πνεῦμα* loquuti sunt, ut ait Pet. 2. 1. 2. quæ revera *ἀνταπιστά* & *ἀναμαρτυρίαν* ipsis conciliavit. Alia *communis* & ordinaria, quæ Pastoribus & Doctoribus ritè suo officio defungentibus promittitur, imò & singulis fidelibus 1. Cor. 2. 12. quibus datur Spiritus sapientiæ & revelationis, quæ licèt vera sit in suo ordine, non tamen constituit servos Dei extra omne erroris periculum; quia non ita perfundit mentes luminis sui splendore, quin reliquias ignorantiae & erroris in illis relinquat, quæ obstant quominus Testimonium ipsorum divinum sit & infallibile; cùm illud divinum tantùm dicatur, quod à Deo ipso immediatè pendet & ab iis quos *θεοπνεύμετος* esse voluit, quod cùm nemini post Prophetas & Apostolos concessum sit, frustrà Ecclesia hodierna hoc sibi vindicaret.

IV. Neque hinc reponendum, eandem esse Verbi Divini veritatem à quocunque pronuncietur: Nam præterquàm quòd supponitur, & non probatur Deum semper per Ecclesiam istam loqui, cùm certum sit nimis sæpe propria commenta & visiones cordis sui homines loco vocis divinæ obtrudere. Accedit etiam quòd nullorum Doctorum authoritas comparari possit cum Scriptoribus Canonicis, utpote quorum verbum ad istorum trutinam semper sit expendendum, ut nihil admittatur, quod illis non sit consentaneum. Hinc Augustinus libr. 2. contra Faustum Manichæum cap. 5. *In aliorum scriptis, inquit, etiamsi inveniantur eadem veritas, tamen impar est authoritas, quia non certo constat eandem semper esse veritatem.* Sic ad Hieronymum Ep. 19. *Ego solis, inquit, iis Scriptoribus, qui jam Canonici appellantur, didici hunc timorem honoremque deferre, ut nullum eorum errasse in scribendo audeam credere.*

V. Frustrà verò hoc suum commentum ex loco Joannis probare satagunt, quia certum est primariò & præcipuè Apostolos hinc respici, qui ut Ecclesiæ Fundatores & Architecti donum infallibilitatis necessariò habere debuerunt, & revera obtinuerunt extraordinariâ Spiritûs Sancti effusione in die Pentecostes, quod agnoverunt, *Toletus, Fansenius,* & alii ex Pontificiis. Nec obstat quod Bellarminus hinc affert ex Joan. 14. 16. *Spiritum hunc dici mansurum in æternum cum ipsis*, quod cùm de Apostolis dici nequeat, qui perpetuò non vixerunt, necessariò ad Successores ipsorum sit referendum. Nam nemo nescit, æternita-



tem non semper absolutè sumi, sed sæpe κατὰ τὴν, ut notetur duratio  
 memorabilis, quæ ad totam vitam eorum, de quibus agitur, extendatur; DISPUT.  
III.  
 Sic Spiritus dicitur mansurus cum Apostolis in æternum, quatenus nun-  
 quam erat eos derelicturus per totam vitam. Ita Lucas Brugenſis, *In*  
*æternum*, inquit, *id est, non ad tresquatuorve annos, sed quamdiu vi-*  
*xeritis in hoc seculo, non enim temporaria erit ejus consuetudo vobiscum,*  
*ut mea*, ut Theophylactus notat. Sic 1. Timot. 6. 14. Paulus monet Ti- 1. Tim. 6.  
 motheum, ut servet mandatum usque ad illustrem adventum Domini 14.  
 Nostri Jesu Christi; non quòd Timotheus tam diu victurus esset, sed ut  
 ejus observationi perpetuò incumberet, & ex hypothesi si vivere eous-  
 que possit, tantisper sibi mandatum servandum statueret. Licet verò  
 non negemus, promissionem Christi posse analogicè accommodari omni-  
 bus & singulis fidei Pastoribus; imò & singulis Fidelibus, & in iis se-  
 cundariò impleri, quatenus gubernantur à Spiritu, à quo ita in omnem  
 veritatem salutarem deducuntur, ut nunquam finaliter vel totaliter ex-  
 cidant à fide: Nemo tamen dixerit donum hoc in eodem gradu cum  
 Apostolis ipsis convenire, vel propterea infallibiles reddi, quomodo  
*Unctio* dicitur *docere omnia* fideles 1. Joan. 2. 20. quamvis certum sit, 1. Joan. 2.  
20.  
 nec fideles omnia omnino scire, sed tantùm necessaria ad salutem, nec  
 ita doceri, ut absolutè non amplius errare possint: Ita promissio Christi  
 intelligenda est cum hac limitatione, ut Spiritus deducturus sit Ecclesiam  
 in omnem veritatem *mediate* per Scripturam sacram, quatenus deducturus  
 erat ipsos ad Verbum Dei, quod perfectissima est omnis veritatis norma,  
 quam dum sequuturi sunt, nunquam sint aberraturi; Et Christus ipse  
 hoc satis innuit dum addit, *Spiritum hunc non à se ipso loquuturum, sed*  
*annuntiaturum quicquid audivit* &c. ne quis putet nova dogmata ipsum  
 propositurum, sed eandem quæ à Christo prædicata erat, doctrinam  
 confirmaturum; atque ita non aliter deducturum in omnem veritatem,  
 quàm aperiendo mentes ad intelligendas Scripturas, Rursus licet con-  
 cedamus Spiritum Sanctum semper adesse veræ Ecclesiæ, eamque rege-  
 re & docere, ne a fide deficiat, ex eo tamen non potest inferri statim  
 eos omnes, qui Ecclesiæ titulum sibi arrogant, & Spiritum hunc ja-  
 ctant, errare non posse, quia non alligatus est ad Episcoporum succes-  
 sionem; vel ad Pontificis Sedem, aut ad externum Ecclesiæ cujuscunque  
 Ministerium, quod ut corrumpi, ita a vero sæpe potest aberrare; sed ad  
 internam verorum fidelium institutionem respicit, per quam sit, ut nun-  
 quam penitus a veritate deficiant. Denique si ad Successores Apostolorum  
 donum hoc pertinet, vel intelligendi erunt scorsim & distributivè singuli,  
 vel omnes in Concilio congregati: Sed neutrum dici potest; Non prius,  
 quia ipso Bellarmino teste lib. 2. de Conciliis cap. 2. Spiritus non deducit



Episcopos scorsim existentes in omnem veritatem, cum errare possint. Non posterius, nam si singuli errare possunt, quare simul omnes essent infallibiles? Superest ergo, ut Apostolis quidem promittatur Spiritus, quoad dona extraordinaria, aliis verò quoad ordinaria.

VI. Secundò, Si ab Ecclesiâ penderet quoad nos Scripturæ Authoritas, Vel id fieret ab Ecclesiâ collectivâ, id est, Universitate fidelium, Vel à repræsentativâ seu Rectoribus eorum, iisque vel singulis scorsim, vel simul in Concilio congregatis, Vel denique à singulari aliquo Pastore, penes quem posita sit omnis potestas, qualem Pontificem suum esse volunt Adversarii. Sed nihil ex his omnibus dici potest. Nam ad prius quidem quod attinet, agnoscunt ipsi Pontificii Ecclesiam collectivam hoc juris non habere. Secundum non magis locum habere potest; nam cum Pastores, sive sigillatim considerentur, sive conjunctim, sint errori obnoxii, quo pacto tandem testimonium certum & indubitatum perhibere poterunt? Nec negare hoc possunt Pontificii, qui fatentur Concilia posse errare, non tantum particularia, sed etiam generalia & œcumenica, licet legitimè congregata ab ipso Pontifice Romano, ut patet ex Bellarmino lib. 1. de Conciliis cap. 6. & 7. & lib. 2. cap. 8. & 11. Adde, quòd si agitur de Pastoribus in Concilio congregatis, quæstio recurrit qua autoritate congregentur; Vel enim id fiet proprio arbitratu, & peculiari aliquo Spiritûs impulsu, Vel ex Autoritate scripta: At particulares ἐκθεσιασµὸς nunquam probavit Ecclesia, & damnavit in Montanistis, aliisque hæreticis. Quòd si ex Scriptura, ut necesse est eò tandem devolvi; Ergo sua illi constet autoritas oportet antequam congregentur. Deinde quæritur etiam, unde constet nobis, Concilium in Testimonio suo non errasse? Vel enim id ab Ecclesiæ ipsius voce orietur; At ista Ecclesia est ipsum Concilium, de cujus autoritate disputatur, Vel à Scripturæ ipsius voce, sed quâ fidem facere poterit, nisi autoritas ejus antecedenter sit cognita? Rursus cum Concilium, testibus ipsis Adversariis, non faciat, sed declaret tantum & pronunciet Scripturam esse divinam; Quæro quo fundamento nitatur ejus judicium, & quibus rationibus eò adduci potuerit, ut talem declararet? Vel enim id fecit proprio arbitrio & non alia ratione, quàm quia ita libuit; sed quis hoc sibi persuaserit, ut hoc ἀλόγως fecerit, & sibi propter se ipsum credi postulet? Vel id fecit autoritate Conciliorum antecedentium, & juxta Ecclesiæ veteris testimonium; sed ne sic quidem sublata erit difficultas; nam ad primam tandem deveniendum erit, nisi in infinitum abire volumus; Vel id fecit Spiritus Sancti impulsu; sed præterquam quod non potest nobis constare de divinitate istius Spiritus nisi ex Scriptura, cum nunquam à Verbo separetur; si Concilium impulit ad declarandam Scripturæ Authoritatem, non illâ id ratione fecit, quàm radios divinitatis in Verbo fulgentes demon-

strando



strando, ex quorum intuitu ritè pronuntiavit Concilium, Verbum esse DISPUT.  
verè divinum; Jam verò si testimonium Concilii de Verbo in ipso Verbo III.  
fundatur, quomodo illius auctoritatem apud nos fundare poterit?

VII. Sed libet Adversarios adhuc pressius urgere: Nam si fides no- 2. Argum.  
stra de Divinitate Scripturæ resolvitur in auctoritatem Concilii generalis,  
necesse est ut eâdem fide divinâ credatur Concilii auctoritas, quâ cre-  
duntur alii fidei Articuli propter auctoritatem Concilii, & quia Conci-  
lium non habet auctoritatem, nisi sit legitimum, necesse est ut fide pa-  
riter divinâ cognoscatur hoc aut illud Concilium esse legitimum. At id  
fieri nequit, quandoquidem humano testimonio tantum probari potest,  
imò ne probari quidem certò potest; ut enim sciam legitimum esse Con-  
cilium, perspectum mihi esse debet; An omnes quorum interest legiti-  
mè fuerint vocati, & Concilio interfuerint? An legitimi fuerint Epi-  
scopi, & ritè ordinati? An libera fuerint suffragia, & cætera id genus,  
quæ cum dubia sint & incerta, incertam etiam necesse est Concilii au-  
thoritatem esse. Rursus si Concilium auctoritatem Scripturæ debet con-  
ciliare, prius illam quoad nos obtineat oportet: At quo tandem pacto  
poterit eam obtinere, si nondum definitum sit an Concilium sit supra  
Papam, an Papa supra Concilium, quamdiu enim nihil certi eâ de re  
sancitum est, adhuc sub Iudice lis est, & neutra pars pro certâ & indu-  
bitatâ haberi debet. Jam nemo nescit inter Pontificios, quæstionem  
hanc, & jam olim magno animorum æstu agitatam fuisse, & etiamnum  
hodie agitari, & indecisam manere, ipso teste Bellarmino lib. 2. de Con-  
ciliis cap. 13. aliis supra Pontificem Concilio, aliis Pontifici supra Con-  
cilium auctoritatem hanc vindicantibus. Si ergo hætenus indefinitum  
manet, utri summa illa auctoritas tribuenda sit, & si liberum est & in-  
tegrum cuique dubitare, penès quem sit infallibile illud iudicium, fides  
nostra anceps semper hærebit, si nullo alio tibicine nititur, & quidquid  
Concilium, vel Pontifex de Scripturâ judicaverint, semper erit dubium,  
utpote à dubio & incerto principio pendens.

VIII. Verùm demus etiam Pontificem id juris obtinere, quæ sen-  
tentia est Jesuitarum & Sedis Romanæ assentatorum, ut Testimonium Ec-  
clesiæ non aliud sit quàm Papæ iudicium; ne sic quidem rebus suis me-  
lius consulent, vel fidem nostram magis firmabunt. Primò, quia  
semper est incertum, quis verus ac genuinus sit Papa: nam cum ex Ad-  
versariorum hypothese, necessaria sit absolutè intentio Ministri ad Sacra-  
mentum conficiendum, absque qua nec Baptismus, nec Ordinatio ritè  
fieri possit, & nemo certus esse possit de alterius hominis intentione, quis  
non videt nemini constare posse, utrùm hic vel ille Papa verè baptizatus fue-  
rit, & ritè ordinatus, atque adeò totam Religionem Pontificiam, quæ  
Ponti-



**DISPUT.** Pontificum autoritate nititur, incertam esse & dubiam? Accedit etiam  
**III.** quòd quaestio eadem semper recurret. Unde nobis constet Pontificem jus hoc obtinere, & in iudicio suo non errare; Velenim id perspectum habebimus ex ipsa Scriptura, quæ hanc Pontifici datam esse à Christo potestatem pronunciavit; Sed quænam testimonii istius vis esse poterit, siquidem de Scriptura adhuc dubitamus? Vel à Traditione Veterum; Sed eadem recurret de veritate istius Traditionis difficultas; Vel à Testimonio præsentis Ecclesiæ; Sed cum Ecclesia tota ex ipsorum mente ad unum tandem referatur Papam, sequitur de se ipso testimonium perhibere, atque adeò ipsi credendum esse simpliciter, quia αὐτὸς ἔφα, quod nemo non videt absurdissimum esse. Rursus cum sua debeat constare Pontifici iudicii sui ratio, vel ea pendeat unicè à mero hominis iudicantis arbitrio, ut sit pro ratione voluntas, & sic credendum pronunciari quia ita libet; sed si hoc foret, à quonam fidem impetrare poterit? & cur voluntas illius potius quàm mea mihi credendi erit regula? Vel iudicii fundamentum ab ipsa Scriptura petendum erit, ut divinam esse pronunciet, quia talem esse re ipsa ex divinis ejus notis sedulo adhibito studio deprehendit; At sic Scriptura suam auctoritatem semper apud ipsum habebit antecedenter ad ejus iudicium, quod volumus.

**IX.** Atque hoc fortius ex eo confirmatur, quòd cum una sit omnium fides, ut Scriptura disertè testatur Eph. 4. 5. idem etiam debeat esse fidei principium & prima credendi ratio, tam in singulis fidelibus, quàm in iis qui Præpositorum munere funguntur, & Ecclesiæ repræsentativæ nomine veniunt. Cum ergo Ecclesia non possit ipsa sibi primum esse principium credendi, ut propter se ipsam credat Scripturæ, sed necessariò aliquod extra se fundamentum fidei suæ in Scriptura habere debeat; non potest etiam nec debet obtrudi plebi Christianæ tanquam prima credendi ratio, ut ἀβασανίσως excipiat quicquid Ecclesia pronunciat, & fidem suam ultimè in illam refundat; sed quæ fuit ratio credendi Ecclesiæ, eadem debet esse singulis fidelibus, ut credant quidem per ejus ministerium, sed non propter ejus auctoritatem, sed tantum propter Deum in Scriptura loquentem, quò Ecclesiæ iudicium niti necesse est, & ad quem testimonio suo nos manuducit.

**3. Argum.**

**X.** Tertiò. Quæ fuit Verbi autoritas, antequam scripto traderetur, eadem debet esse postquam scripto consignatum est, quippe tantum abest ut scriptione minuatur Verbi autoritas, ut potius magis stabiliatur; unde Sermo Propheticus, qui non alius est à Scriptura Veteris Testamenti, dicitur à Petro cap. 1. 2æ. v. 19. λόγος βεβαιώτερος, scilicet respectu nostri, non solum quolibet hominum in terra loquentium testimonio, sed etiam ipsius Dei cœlitus loquentis voce. At Verbum antequam scripto mandaretur,

erat



erat Authenticum per se iis ad quos perferebatur, nec ad aliud externum Disput.  
III. testimonium exigebatur; nullum enim erat Tribunal externum quod consulerent fideles, quibus Verbum prædicabatur, nullâ revelationem illam commendabat Ecclesiæ autoritas, sed propria autoritate recipiebatur. Unde enim quæso veteres Patriarchæ Verbum sibi revelatum agnoverunt esse Dei Verbum? nunquid hic Ecclesiæ alicujus autoritas intercessit vel iudicium? An Verbum a Prophetis traditum pro divino haberi non potuit a fidelibus, nili ad supremum aliquod Ecclesiæ tribunal confugiendo, cum videamus, sæpe invitis ipsis Ecclesiæ Rectoribus, Verbum Domini populo exposuisse, quod Jeremias de se testatur Jerem. 8. 8. & 28. & 36. Ita si de Apostolis loquimur; Unde factum ut Euangelium ab ipsis prædicatum suam apud Auditores obtinuerit autoritatem? An aliquo Ecclesiæ Judaicæ Testimonio; sed tantum abest ut calculo suo hoc approbaverit, ut contra omni ope illud suppressere conata sit, & ejus Præcones igne & ferro persecuta sit. An propriam hic autoritatem obtinent Apostoli? Sed hoc quis non videt perridiculum futurum fuisse apud eos, quibus vel planè ignotierant, ut apud Gentiles, vel quibus invisi & suspecti, ut apud Judæos, quibus quantò notiores erant, tantò erant despiciatiores. Itaque superest, ut non aliunde quam a sublimitate, gravitate, & excellentiâ ipsius doctrinæ suam apud fideles autoritatem Verbum ipsorum obtinuerit. Et sanè Thessalonicenses audito tantum Paulo, sine testimonio alicujus Ecclesiæ, doctrinam ejus amplexi sunt ut Dei Sermonem 1. Thes. 2. 13. Galatæ 1. Thes. 2.  
13.  
Gal. 4. 14.  
Act. 17. 2. ipsum receperunt ut Angelum Dei, imò ut Christum Jesum Gal. 4. 14. nullius Ecclesiæ commendatione; Et Beroënenses Act. 17. 2. Verbum ejus non exigebant ad Ecclesiæ alicujus iudicium, sed tantum ad unius Scripturæ amussim.

XI. Rursus, Si aliquod Ecclesiæ decretum seu testimonium intercedere 4. Argum. debuit ad Scripturæ divinitatem demonstrandam, vel particulare fuit, vel universale; Prius absurdum est & inutile; quia agitur de omnium, qui ubique sunt, Christianorum fide; Posterius falsum est; nullum enim proferri potest, a quo Scripturæ suam quoad nos autoritatem habuerint. Nam Concilium Hierosolymitanum quæstionem hanc ne attigit quidem: Et Vetus Testamentum jam suum Canonem habuit authenticum, non tantum apud Judæos, sed & apud Christianos, qui dictis Prophetis ab ipso statim initio fidem suam confirmabant. Post Concilium Hierosolymitanum nullum fuit Ecclesiæ iudicium universale usque ad Nicænum, id est 325. post Christum annis. Scio afferri Concilium Laodicenum & Carthaginense tertium; sed præterquam quòd fuerunt Provincialia tantum, adeoque particularia, non universalis & œcumenica; Certum est non constituere Canonem, sed factum jam supponere; & dicit, inquit Laodicenum Canon. 59. *ιδιωτικὸς καλ-  
μῆς*



μὲν λέγεσθαι ἐν τῇ Ἐκκλησίᾳ ἡ δὲ ἀκανόνισα βιβλία, ἀλλὰ μόνον τὰ κα-  
 νονικὰ ἢ καὶ παλαιὰς διαθήκας. *Non oportet Psalmos privatos in Ec-  
 clesiis dici, neque libros qui sunt extra Canonem legere, nisi solos Canonicos  
 Veteris & Novi Testamenti.* Sic Carthaginense tertium; *Quia à Patribus  
 ista accepimus legenda.* Ergo jam tum constitutus erat Canon, & nullus  
 potest ex Patribus proferri, qui non testetur jam ante sua tempora consti-  
 tutum fuisse. Certè clarè hoc colligitur ex ipso Concilio Nicæno, ubi  
 Arius ex Scripturis non potuisset damnari, prout Athanasius apud Euse-  
 bium testatur factum, ἐξ ἐγγράφων μὲν εὐσεβείας ἐνισχυμένων λίξεων ἐν  
*verbis Scripturæ piè intellectis, nisi jam Canon Scripturarum constitutus  
 fuisset & agnitus.* Sed quid opus multis, cùm aurea Constantini Impe-  
 ratoris ad Patres Concilii verba, quæ apud Theodoretum habentur hist. i.  
 cap. 7. scrupulum omnem eximant. *Evangelici, inquit, & Apostolici  
 Libri, nec non antiquorum Prophetarum Oracula nos docent, quid de re  
 divina sentiendum sit, proinde posita discordiâ sumamus ex verbis divinitus  
 inspiratis solutionem quæstionis.* Si ergo receptæ sunt à Patribus Scripturæ  
 & pro Canonicis habitæ, sine ullo Ecclesiæ vel particularis vel universalis  
 decreto; Quis non videt malè suspendi earum authoritatem ab Ecclesiæ Te-  
 stimonio?

XII. Et sanè tam procul fuere Veteres à suspendenda authoritate Scri-  
 pturarum ab Ecclesiâ; Ut contrà censuerint ipsam Ecclesiam non alibi  
 quàm in Scripturis quærendam esse, & ex illis cognoscendam: Instar  
 omnium nobis nunc sit unus Augustinus, qui passim hoc inculcat contra  
 Donatistas, sed nuspiam clariùs hoc testatur quàm lib. de unitate Ecclesiæ  
 cap. 2. *Inter nos & Donatistas est quæstio ubi sit Ecclesia; Quid ergo facturi  
 sumus; in verbis nostris eam quæsituri, an in verbis Capitis sui? Puta quod  
 in illius potius verbis eam quærere debeamus, qui Veritas est & optime novit  
 Corpus suum.* Sic cap. 3. *Non audiamus hæc dico, hæc dicis, sed audia-  
 mus hæc dicit Dominus, sunt Libri Dominici, quorum authoritati utri-  
 que consentimus, utrique credimus, utrique servimus, ibi quæramus Eccle-  
 siam, ibi discutiamus causam nostram.* Et paulò post, *Anferamur illa,  
 quæ adversus nos invicem, non ex divinis Canonicis libris, sed aliunde recita-  
 mus, quia nolo ex humanis documentis, sed divinis Oraculis Sanctam Eccle-  
 siam demonstrari.* Et cap. 16. *utrum ipsi, scilicet Donatistæ, Ecclesiam  
 teneant, non nisi Divinarum Scripturarum Canonicis libris ostendant, quia  
 nec nos propterea dicimus nobis credi oportere, quod in Ecclesia Christi si-  
 mus, quia ipsam quam tenemus Ecclesiam Optatus, vel Ambrosius, vel  
 alii innumerabiles nostra Communionis Episcopi tenuerunt, aut quia  
 tanta sunt in eo mirabilia; Quacunque talia in Catholica Ecclesia sunt,  
 ided sunt approbanda, quia in Catholica sunt, non ideo ipsa manife-*  
 stantur



*Statum Catholicam, quia hac in ea fiunt. Ipse Dominus Jesus cum resurrexisset à mortuis, & discipulorum oculis videndum manibusque tangendum corpus suum offerret, ne quid fallacia se pati arbitrarentur, magis eos testimonio Legis & Prophetarum confirmandos esse judicavit. Hac sunt causæ nostræ documenta, hæc firmamenta &c. Quæ verba luce meridiana clariùs probant, Ecclesiam à Scripturâ demonstrandam esse ex sententiâ Augustini.*

XIII. Sed quia decantatus ex ejus libro *contra Epistolam Fundamenti* cap. 5. solet identidem nobis objici locus ubi ait; *Ego vero Evangelio non crederem, nisi me Catholica Ecclesia commoveret Authoritas*, antequam ad alia transeamus; videamus paucis an alicujus sit momenti ad sententiam Adversariorum confirmandam, facile autem demonstrari potest, perperam locum hunc adversus nos adduci. Nam ut non dicamus, fidem nostram nec exemplo nec testimonio humano niti, adeoque qualiscunque fuerit mens Augustini, non posse urgeri adversus nos, qui Domino nostro tantum ejusque Oraculis stamus & cadimus; multa sunt quæ hic reponi possunt, ex quibus luculenter patet, sensum, quem verbis istis affingunt Adversarii, tum à veritate, tum à mente Augustini alienissimum esse. Primò multi ex Pontificiis non infimæ notæ docent, id intelligendum non de Ecclesiâ præsentî, pro cujus Authoritate hic pugnatur, sed vel de Ecclesiâ primitivâ, quæ ut loquitur Gerson tractatu de vitâ Spirituali animæ Lect. 2. *Est eorum fidelium congregatio, qui Christum viderunt, audierunt, & testes existerunt*. Atque in eâ sententiâ sunt Gerson, Driedo, Durandus; Vel volunt Augustinum non loqui de principali fundamento, propter quod creditur Scripturæ authoritas, sed de medio per quod homines infideles & in fide novitii primò perducuntur ad Sacræ Scripturæ cognitionem. Quæ mens est Petri de Alliaco Cardinalis Cameracensis, qui quæst. 1. in 1. Sententiam Art. 3. sic de Testimonio Augustini disserit. *Per Authoritatem Augustini, inquit, non habetur quod ipse crediderit Evangelio per authoritatem Ecclesiæ tanquam per principium Theologicum, ex quo Evangelium Theologicè probetur esse verum, sed solum tanquam ex causâ movente ipsum ad fidem Evangelii, ac si ipse aut alius dixisset. Non crederem Evangelio nisi me Ecclesiæ Sanctitas aut Christi miracula commoverent, in quo dictolice fidei Evangelii causa aliqua assignatur, non tamen aliquod principium prius, cujus fides causa sit ut Evangelio credatur*. Sic & Canus lib. 2. Loco. the. c. 8. *Non docet fundatam esse Ecclesiæ fidem in Ecclesiæ authoritate, sed simpliciter nullam esse certam viam, quâ sive infideles, sive in fide novitii ad sacros libros ingrediantur, nisi Ecclesiæ Catholice unum & eundem consensum*: At utrumvis illorum sensuum sequamur, nihil inde accedet Pontificiorum sententiæ.

XIV. Secundò, certum est Augustinum hic de se loqui, non  
H 2 qualis



DISPUT.  
III.

qualis erat tunc Catholicus, sed vel ut olim fuerat Manichæus, vel in persona Catechumeni; Licet ergo agnoscat se Ecclesiæ autoritate adductum fuisse ad credendum Evangelio; non inde sequitur fidem ab ejus Autoritate pendere, quia alia est ratio incipientium; alia proficientium seu perfectiorum. Ecclesia potest quidem respectu priorum esse manu ductio ad fidem Scripturæ, ut antea diximus, sed non potest statim esse motivum *αἰγιον* & primum respectu fidelium. Ne verò quis regerat, Augustinum videri de se loqui jam Catholico, ex eo quòd in imperfecto dicit *commoveret*, *crederem*, non in plusquam perfecto *credidissem*, *commovisset*; proclive est respondere, phrasim hanc ipsi esse familiarem ex Africanorum more. Sic Tom. 1. de vita beata. *Sic exarsi*, inquit, *ut omnes illas anchoras rumpere vellem*, nisi me nonnullorum hominum existimatio *commoveret*, hic *vellem* & *commoveret* ponitur pro *voluissem* & *commovisset*. Sic lib. 2. Confess. c. 8. *Si tunc amarem poma illa, quæ furatus sum, & frui cuperem, possem etiam solus*, pro *amavissem*, *cupivissem*, *potuissem*. Ita Retract. lib. 1. cap. 3. *Nec tamen nomine isto uteremur, si jam satis essemus litteris Ecclesiasticis eruditi*, pro *usi fuissimus* & *fuissimus*. Ita Optatus lib. 1. *Pax si ut data erat, sic integra inviolataque permansisset, nec ab Authoribus Schismatis turbaretur*; pro *turbata fuisset*. Innumera istiusmodi afferri possent ad loquutionis istius frequentem usum apud Augustinum evincendum. Sed licet eò non deveniamus, optimè sensus constabit, modò notemus Augustinum ibi alienam personam inducere, hominis putà novitii & Catechumeni ad fidem adducendi. Patet ex scopo & verborum serie; Negotium illi erat cum Manichæis, qui absque controversia credi sibi volebant, quum veritatem se habere pollicerentur, non ostenderent; quia verò, ut Manichæo suo fidem adstruerent, Evangelium obtendebant, rogat quidnam facturi sint, si in hominem incidant, qui ne Evangelio quidem credat; ut in suam sententiam eum adducant; *Si invenires aliquem, qui Evangelio non crederet, quid faceres dicenti tibi, non credo*; statim ipse suscipiens non credentis personam, subjicit; *Ego verò Evangelio non crederem* &c. quasi dicat pone ob oculos aliquem, qui nondum credit, v. g. finge me non credere, certè Evangelio non crederem, nisi me Ecclesiæ commoveret autoritas. Confirmatur ex cap. 3. ubi priusquam ad rem accedat, statuit se personam Novitii agere. *Nemo nostrum dicat jam se invenisse Veritatem, sic eam queramus, quasi ab utrisque nesciatur, ita diligenter & concorditer queri poterit, si nulla temeraria presumptione inventa & cognita esse credatur. Aut si & hoc à vobis impetrare non possumus, saltem illud concedite, ut vos tanquam incognitos nunc primum audiam, nunc primum discutiam* &c. Nec obstat quod Stapleton. reponit eum vocare Ecclesiam Catholicam, quod videatur tacere non potuisse, si fuisset adhuc alienus ab ea. Quidni enim Catholi-



eam potuit dicere *διακριτικῶς*, vel quia sic vulgò audiebat, quòd tum DISPUT.  
III.  
temporis is usus invaluerat, ut hoc Catholicæ nomine distingueretur vera Ecclesia ab omnibus sectis, quæ sibi & Ecclesiæ & Christianæ nomen audebant arrogare; vel quia revera talis erat etiam tum, cum pro tali ab ipso non haberetur, & quæ pro tali nunc ab ipso cognoscebatur. Sic Confess. lib. 3. cap. 10. *Irridebam illos Sanctos Servos & Prophetas tuos.* Non quòd agnosceret ut Prophetas, tunc cum irridebat, quomodo enim irrisset? sed quia tales revera erant, & ab ipso quum scribebat habebantur.

XV. Tertiò, Augustinus agit de *motivo externo* ad fidem, eoque ministeriali & humano, non de *infallibili credendi principio*. Licet enim fateatur Ecclesiæ auctoritatem posse esse inter motiva ad fidem respectu incipientium, ut nondum credentes ad fidem Evangelii præparentur, quod ipse appellat *opportunitatem quærendi exordium* lib. de utilit. cred. cap. 7. Agnosceat tamen non esse solum vel præcipuum; sed Veritatem ipsam Scripturis contentam longè illi præferendam; patet ex cap. 4. Postquam varia adduxit, quibus in Ecclesia Catholica tenebatur, addit, *Apud vos autem, scilicet Manichæos, uti nihil eorum est quod me invitet & teneat, sola personæ veritatis pollicitatio, quæ quidem, si tam perfectè monstratur, ut in dubium revocari non possit, præferenda est iis omnibus, quibus in Catholica teneor, si autem tantummodo promittitur, non exhibetur, nemo me movebit ab ea fide, quæ animum meum tot & tantis nexibus Christiana Religioni adstrinxit.* Ita cap. 13. *Eos sequamur qui nos invitant prius credere, quum nondum valeamus intueri* (hic primus gradus est & introductio ad fidem) *ut ipsâ fide valentiores facti, quod credimus intelligere mereamur,* (id est obtineamus, ex usu illius seculi) *non jam hominibus, sed ipso Deo intrinsecus mentem nostram firmante & illuminante.* Ex quibus cuius colligere promptum est, non hanc sancto Viro fuisse mentem, ut fidem quam Scripturis habemus, ab arbitrio Ecclesiæ suspenderet, sed tantum ut indicaret, quod nos quoque verum fateamur, eos qui nondum sunt illuminati, Ecclesiæ reverentia ad docilitatem induci, ut Christi fidem ex Evangelio discere sustineant, atque hoc modo Ecclesiæ auctoritatem esse velut isagogem, quâ ad fidem Evangelii præparamur. Unde rectè Vessellus Groningensis lib. de potestate Ecclesiæ, dicit esse *Verbum originis de credendo, non comparisonis & præferentia.* Atque huc potest non incommodè referri, quod Augustinus utitur voce *commovendi*, non *persuadendi*, vel alio quopiam vocabulo, ut innuat Ecclesiam concurrere ad fidem non principaliter & primario, sed initialiter & organicè, & quidem tanquam causam adjuvantem, non ut causam essentialem & primariam.

XVI. Quartò *Authoritas*, de quâ loquitur Augustinus, non est *juris & imperii*, qualem hîc fingunt Adversarii, quasi credendum fuerit simpliciter, quia Ecclesia id dicebat, sed *Authoritas dignitatis*,



DISPUT. quæ scilicet petebatur ex magnis & illustribus in Ecclesiâ Providentiæ  
 III. divinæ documentis, in quibus Dei digitum agnoscebat, qualia erant mi-  
 racula, populorum consensus, vetustas, successio, & id genus alia, sic  
 cap. 4. *Ut hanc omniam Sapienciam, quam in Ecclesiâ Catholicâ esse non  
 creditis, multa sunt alia, quæ in ejus gremio me iustissimè teneant, Tene  
 consensus populorum atque gentium, Tenet Authoritas miraculis inchoata,  
 spe nutrita, charitate aucta, vetustate firmata.* Sic contra Faultum Ma-  
 nichrum lib. 2. cap. 2. explicans, unde cognoscantur genuina Scripta Apo-  
 stolorum, ait, *Vides hæc in re quid Ecclesiæ Catholice valeat Authori-  
 tas, quæ ab ipsis fundatissimis Sedibus Apostolorum usque ad hodiernam  
 diem succedentium sibimet Episcoporum serie & tot populorum consensione  
 firmatur.* Hoc sensu non negamus Authoritatem istam Ecclesiæ posse  
 fidem adjuvare in convertendis, eamque in convertis confirmare, sed  
 nunquam eò pertinebit, ut ejus sit primarium fundamentum, quod ex-  
 tra veritatem ipsam Scripturâ contentam quærendum non est.

Scripturam  
 per se ipsam  
 probari o-  
 stenditur.

1. A natura  
 primorum  
 principio-  
 rum.

XVII. Atque ex his satis superque evicimus, Scripturam ab Eccle-  
 siâ authoritatem suam non mutuari, nec quoad se, nec quoad nos, quod  
 primum fuit nostræ probationis caput: Ad secundum nunc pergimus,  
 ut demonstremus non aliunde, quàm à se ipsa Scripturam probari, &  
 propter se divinam credi. Hoc verò non unâ ratione demonstrari po-  
 test: Primò à naturâ summorum generum & primorum principiorum.  
 Nam si summa rerum genera, & prima principia in ordine rerum na-  
 turalium hoc habent peculiare, ut sint nota se ipsis, nec aliunde de-  
 monstrari possint, alioqui res in infinitum abiret; Utique Scriptura,  
 quæ primum est principium in ordine Revelationis supernaturalis, à quo  
 cætera pendent, à se ipsâ authoritatem habere debet, & non aliunde  
 ascitam. Hoc autem esse de ratione primorum principiorum Philosophus  
 1. Topic. notat. ἀληθὴ μὲν καὶ πρῶτα τὰ μὴ δι' ἐτέρων, ἀλλὰ δι' αὐτῶν  
 ἔχοντα τὴν πίσιν, ὅ δεῖ γὰρ ἐν ταῖς ἐπιστημονικαῖς ἀρχαῖς ἐπιζητεῖσθαι τὸ  
 δ. ὅτι, ἀλλ' ἐκάστη τῶν ἀρχῶν αὐτὴν καθ' ἑαυτὴν εἶναι πιστὴν. *Vera & prima  
 illa sunt, quæ non ab aliis, sed à se ipsis fidem habent, non enim oportet in  
 scientificis principiis quærere quare, sed unum quodque ipsum per se esse cer-  
 tum.* Quò pertinent ista Basilii in Ps. 115. ἀνάγκη ἐκάστης μαθήσεως ἀνέξε-  
 ταί τις εἶναι τὰς ἀρχὰς τοῖς μαθητέσιν. *Necesse est singularum disciplinarum  
 ejusmodi esse principia ut in ea non inquirent.* Si ergo scientiarum aliarum  
 principia authoritatem suam aliunde non mutantur, sed ab iis qui naturali  
 lumine pollent per se innotescunt: Quis dixerit Scripturam, quæ primum est  
 fidei principium, adventitio quodam lumine indigere, ut innotescat iis, qui  
 oculos mentis illustratos habent? hinc Lyrannus Prologo in Biblia. *Sicut in  
 Philosophia veritas cognoscitur per reductionem ad prima principia per se nota,*



ita & in Scripturis à Sanctis Doctoribus traditis veritas cognoscitur quantum ad ea, quae sunt fide tenenda per reductionem ad Scripturas Canonicas. Nec hilum proficit Stapletonus, imò pro nobis facit, quum excipit, principia quidem in se non probari & esse indemonstrabilia in *l<sup>o</sup> dicti*, sed propter nostram tarditatem nobis interdum explicari quoad *l<sup>o</sup> dicti*, sic Scripturas demonstrari per Ecclesiam, non quid sint in se, sed quid sint quoad nos, ut à nobis acceptentur: Nunc enim non quarimus, quo medio nobis possit innotescere Scriptura quoad nos, sed quo argumento vel propter quid divina à nobis habeatur. Illud est *l<sup>o</sup> dicti*, hoc verò *l<sup>o</sup> dicti*, si ergo Stapletonus concedit, Scripturam non posse aliunde probari quoad *l<sup>o</sup> dicti*, sed tantum quoad *l<sup>o</sup> dicti*, ad nos accedit & largitur ultro quod volumus, fate-mur enim Scripturam à posteriori posse probari per notas suas, sed aliunde à priori negamus.

XVIII. Secundò à Comparatis, Ut objecta sensuum à natura sunt ita comparata, ut à facultatibus suis bene dispositis statim ut iis applicata sunt, dijudicentur absque ullo alio argumento externo, utpote imbuta iis qualitatibus, quarum appulsu facile dignoscuntur, propter arcanam scilicet proportionem & consensionem facultatis ad objectum, ut materiae ad formam. V. G. Sol propriis radiis & innato splendore videtur, cibus propria dulcedine cognoscitur, odor propria fragrantia percipitur: Ita ut nemine etiam testante, facile lucem Solis, cibi suavitatem, & odoris fragrantiam per se ipsas cognoscant & ab aliis discernant. Id ipsum in gratia & hoc praesertim in negotio occurrit. Scriptura Sacra, quae proponitur nobis respectu novi hominis & sensuum ejus spiritualium Heb. 5. 14. modò sub imagine Solis & admirandae lucis Psalm. 119. 105. 2. Petr. 1. 19. modò cibi suavissimi & mellis dulcissimi Psalm. 19. 10. & 119. 102. 103. Isa. 55. 1. 2. 3. 2. Petr. 2. 23. modò odoris fragrantissimi Cantic. 1. 3. modò vocis jucundissimae Joan. 10. 27. 1. Joan. 1. 1. modò gladii acuti & ignis penetrantissimi Heb. 4. 12. Jerem. 23. 29. per se ipsam à novi hominis sensibus facile dignoscitur, & propria luce, suavitate, fragrantia, & efficacia cognoscendam se praebet, nihil ut opus sit argumenta aliunde conquirere. Hinc Sol justitiae non citius exoritur, & micantes in Verbo radios diffundit, quin fidelis divino fidei oculo illico eum intueatur, & ad ejus lucem exultet Malach. 4. 2. Joan. 1. 35. Vox amabilis Christi non citius auribus nostris insonat, quin eam exaudiamus & internoscamus, ut oves ejus Joan. 10. 29. Cant. 2. 8. Panis vitae, & mel divinarum consolationum non statim ipsi apponitur, quin confestim illum deglutiat, & gustet bonum hoc Dei Verbum 1. Petri 2. 3. Heb. 6. 5. Cant. 2. 3. & fructum palato suavem experiat. Christi Satisfactio & Justitia evan-  
geliz. Eph. 5. 2. non potest illi proponi, quin currat in odorem unguen-  
torum



DISPUT. III. torum ejus Cant. 1. 3. & instar Aquilæ cœlestis in divinum istud πρῶμα illico advolet Matt. 24. 28. denique cœlestis Veritatis ignis & gladius non potest exeri & ad moveri, quin illico animam inflammet, & ad intimos cordis recessus penetret Luc. 24. 32. quin vivus & efficax iste Dei Sermo se acutiorem & penetrantiorē quovis gladio ancipiti exhibeat, & per-tingat usque ad divisionem ossium & spiritûs, compagumque & medulla- rum, dijudicetque cogitationes, & conceptiones cordis Heb. 4. 12. Cum ego Scriptura se Lucem, Cibus, Vocem, Odorem, Ignem & Gladium vocet, eo ipso insitam ingenitamque vim sibi esse testatur, quæ luculentum sui argumentum præbet iis omnibus, qui sensus exercitatos habent ad discretionem veri & falsi, boni & mali. Unde si quis ro- get, quâ ratione persuadeamur a Deo fluxisse nisi ad Ecclesiam confu- giamus, perinde est ac si quis petat, Unde discamus lucem discernere a tenebris, album a nigro, dulce ab amaro: Non enim obscuriorem ve- ritatis suæ sensum ultro Scriptura præ se fert, quam coloris sui res albæ & nigræ, & saporis dulces ac amaræ. Hinc optimè Lactantius lib. 3. Insti. cap. 1. *Tanta est potentia veritatis, ut se ipsam quamvis in rebus exiguis suâ claritate defendat.*

XIX. Hoc ipsum verò ulteriùs confirmari potest a simili. Nam si in rerum natura nullum est effectum, quod causæ suæ notas & characteres quosdam non referat, sive in naturalibus, sive in voluntariis; Si singula Dei opera admirabiles Opificis virtutes conspiciendas nobis præbent, cum- que ita repræsentant, ut ex iis non obscurè cognoscatur: Quis crediderit Scripturam, quæ magnum est Dei opus, nulla Authoris sui κριτήρια præ se ferre? Imo eo luculentius debuit se in illa nobis contemplandum exhibere, quòd in eum finem eam tradere voluit, ut speculum esset splendidissimum Divinitatis, & fidei atque morum norma indeclinabilis; Alias dicendum erit, Deum vel non potuisse, vel noluisse se in illa exprimere. Quod utrumque non minus impium quam absurdum est, & Bonitati, Sapientiæ & Potentiæ Dei ex æquo repugnat.

3. A Scri-  
ptura natu-  
ra.

XX. Tertio id ipsum colligimus ex *Scriptura ipsius natura*: Nam quæ ratio est Legis ad Subditos, Testamenti ad Custodem, cui commissum est, Regulæ & Normæ ad Artificem qui ea utitur; Ea debet esse Scripturæ ad Ecclesiam. Nam illa & Lex est summi Principis, & Testamentum Patris cœlestis, & Regula atque Canon fidei & morum certissimus. At neque Lex suam a Subditis, quibus fertur, vel Præconibus, quibus promulganda datur, mutuatur authoritatem, sed illam unicè habet a Principe qui eam sancit; Neque Testamentum pondus suum obtinet quoad nos ab eo cui concedi- tum est, sed a voluntate Testatoris, nec Gnōmonis & Regulæ virtus ab ar- tificis instrumenta illa tractantis ingenio & solertia pendet; sed ab interna

& essen-



& essentiali ejus proprietate, quam illi ordinis & veritatis author Deus DISPUT.  
dedit: Ita licet Ecclesia Legem istam æternam Regis Regum accipiat ut III.  
Subdita, & promulget ut Præco, licet Testamentum Patris cœlestis cu-  
stodiat ut Tabellio, & Regulam hanc infallibilem applicet: normaque  
utatur instar periti artificis ad ædificium fidei; nemo tamen dixerit autho-  
ritatem Scripturæ conciliare, quando tota ab ipsius naturâ & essentiali pro-  
prietate, quæ ipsi à Patre Luminum ejus autoritate indita est, pendet.  
Unde fidele quidem relinquitur Ecclesiæ ministerium, sed nulla authori-  
tas; & si quid addat aut detrahat mandatis, quæ à Domino accepit, in  
idem crimen incurrit, in quod Notarius tabulas Testamenti corrumpens,  
aut Præco commentitium Edictum promulgans, & Regium Chirographum  
ementiens; Imò tantò atrocius est scelus, quantò Divina humanis, & æ-  
terna caducis præstant.

XXI. Neque hic omittendum, quòd Pontificii ipsi Scripturas respec-  
tu Ecclesiæ volunt esse instar *Litterarum Credentia* sic eas vocabat *Perronius*  
*Cardinalis*) quæ fidem illi adstruant in ministerio suo; quamvis enim malè  
inde elicere velit *Cardinalis* Scripturarum insufficientiam ex eo, quòd in  
Literis credentialibus non omnia contineantur, quæ in mandatis data sunt  
Legato; Quia non sunt tantùm Literæ credentiæ, sed etiam Edictum &  
Lex Principis, quæ omnia credenda & facienda sancit, ut vetitum sit quid-  
quam illi addere vel detrudere; Nihilominus ad hominem eo possumus uti  
argumento, ad sententiæ quam tuemur confirmationem. Quemadmodum  
enim Literæ credentiæ suam non habent à Legato Principis apud eos autho-  
ritatem, ad quos mittitur; sed duntaxat à se ipsis & sigillo Principis appo-  
sito: Ita Scriptura licet per Legatos Dei ad nos deferatur, nunquam tamen  
ab ipsis pondus & autoritatem suam recipere potest, sed demum à se ipsa &  
characteribus ipsi insitis, qui sunt veluti totidem summi Principis sigilla,  
quibus ea divina & infallibilis per se certissimè agnoscitur.

XXII. Denique ne plura congeramus argumenta. Si Scriptura est 4. Ab au-  
thentia  
Scriptura  
propria.  
per se, & quoad se authentica, ut videri volunt hoc fateri Adversarii, non  
potest non esse pariter authentica quoad nos. Quicquid enim Scripturæ au-  
thoritatem in se tribuit, & facit ut Divina sit & æt. æt. & id ipsum etiam  
necessariò eam conciliare debet illi respectu nostri. Cùm enim Scripturæ  
authoritas nihil aliud sit, quàm dignitas ejus & præstantia divina, per quam  
fit ut fidem & obsequium apud homines mereatur. Quid obstat quominus  
quod eam talem reddit in se, præstet etiam quoad nos? Et sanè si Scri-  
ptura est in se Divina propter admirandam mysteriorum, quæ in ea tra-  
duntur, sublimitatem, propter perfectam partium omnium inter se  
consensionem, propter cœlestem ubique & nihil terrenum redolentem  
doctrinam, propter summam tum dogmatum tum præceptorum sanctita-  
tem



DISPUT. III. tem & puritatem, propter maximam Verbi efficaciam, quæ in intimo cordis recessus quovis gladio ancipiti potentiùs penetrat, & propter aliiusmodi insita *ὑπερβολή*. Quare eadem argumenta oculis mentis exposita fidem ejus in nobis non ingenerarent? Vel enim id fiet, quia non sunt per se sufficientia ad *ἀποδείξιον* ejus constituendam, vel ad eandem nobis demonstrandam. Sed nec prius dici potest, quia, fatentibus ipsis Adversariis, Scriptura est in se authentica; nec posterius, quia est natura qualitatium, quibus subiectum aliquod ut tale constituitur, ut per easdem nobis innotescat, si modò ad eas animum appellere volumus, ut calor, quò ignis constituitur in esse calidi, est etiam apud nos ejus notificativus, sapor quò cibus constituitur in esse sapidi, subiectum summi declarat iis, qui gustu aliquo pollent: Character seu stylus libri alicujus nos ad cognitionem Authoris deducit, etiam sine ullo alio testimonio, ut qui exercitatus est in lectione Aristotelis, vel Ciceronis, facilè ex stylo & dicendi charactere genuina scripta eorum à supposititiis discernere poterit, etsi nullus de illis testetur: Quidni etiam divini Scripturæ Characteres, qui ejus Majestatem & auctoritatem constituunt, eandem etiam nobis declararent, si modò oculum fidei aperire volumus, ut eorum cognitioni incumbamus? Non diffiteor equidem posse operam Ecclesiæ intercedere, ut ejus interventu nobis innotescat; sed aliud est ministerium, per quod ad eam fidem adducimur, aliud fundamentum & motivum præcipuum, quò fides nostra nititur. Neque hoc diffiteri potest Bellarminus, cum eadem utatur methodo. Nam disputans contra Libertinos, Scripturæ Divinitatem probat ex Characteribus ipsi insitis, lib. 1. de Verbo Dei c. 2. Vel E. solidè probavit Scripturam ex notis suis; & sic Scriptura per Scripturam probari potest; Vel non, & sic in se ipsum incurrit, quia ibidem aperte profitetur, *Sacris Scripturis, quæ Prophetis & Apostolicis literis continentur, nihil esse notius, nihil certius, ut stultissimum esse necesse sit, qui fidem illis habendam neget.* In eadem etiam sunt sententia plurimi ex Pontificiis, qui vi veritatis victi ultro agnoverunt, Scripturam per se ipsam probari, quorum testimonia nunc brevitate studiò omittimus; Videatur Canus l. 2. lo. Theo. c. 8. Grego. de Valentia lib. 1. de Analyti fidei c. 15. Petrus à Soto c. 7. Defens. Catho. Valdensis doctr. fid. l. 2. c. 20. & 21. Scotus q. 2. prologi in lib. sentent. &c. Atque ex his, ne ulteriùs progrediamur, concludimus Scripturam ita per se ipsam *αὐτόματον* esse, ut neque quoad se nec quoad nos ab Ecclesiæ testimonio ejus auctoritas pendeat, quod demonstrandum fuit.

XXIII. Plures moventur hîc objectiones ab Adversariis, sed quia varix jam in præcedentibus sunt discussæ; unam hic tantum addimus, quæ identidem solet nobis opponi tanquam nodus insolubilis. Petitur à necessitate auctoritatis alicujus infallibilis in Ecclesiâ



Ecclesiâ loquentis & visibilis, ad persuadendam nobis Scripturæ auctoritatem, & Articulorum fidei veritatem; Cum enim, ut pertendunt, via Scripturæ, seu Examinis ejus sit non modò difficilis, sed penè infinita & impossibilis, necessariè ad viam auctoritatis Ecclesiæ confugiendum esse, nisi velimus Deum hac in parte, quæ tanti est fidelibus momenti, defuisse. Viam autem istam examinis Scripturæ esse tot difficultatibus involutam, ut non modò fidelibus idiotis, & simplicioribus, sed & doctissimis quibusque sit inaccessa & impervia. Hic enim requiri primò, ut expendatur quæstio intricata de libris Canonicis, ut cognoscatur an locus, de quo agitur, sit verè authenticus. 2. An versio qua utimur sit conformis originali, ad quod cognitio linguarum originalium requiritur. 3. An non sint in locis allatis varix lectiones, quæ argumenti robur infirment. 4. Ut seriò expendatur sensus loci qui assertur, an non loca vel parallela, vel contraria occurrant, quæ cogant alium illi dare sensum, & alia id genus, quæ sine magno labore obtineri non possunt, nec sine erroris periculo. Unde concludunt aliam viam breviorē & tutiorem sequendam esse, nimir. viam Ecclesiæ auctoritatis, in qua fideles facile & sine discrimine acquiescere possint, quod commentum non ita pridem renovatur à novitiis Ecclesiæ Romanæ defensoribus, *Episcopo Meldensi, Arnaldo, Nicole*, & aliis, qui in eo mirè sibi plaudere solent, & Nostri tanquam Achilleum & invictum argumentum obtrudere.

XXIV. Verùm non difficile est hunc impetum Adversariorum retundere. 1. Per retorsionem, quia quicquid contra Scripturam assertur, in Ecclesiam ipsam recidit; Cum enim auctoritas Ecclesiæ infallibilis sit ex rebus, quæ in controversiam maxime veniunt, non potest nec debet admitti, nisi prius probata fuerit; Unde verò probari poterit; Vel ex revelatione immediata, sed ea ex consensione Adversariorum non datur hodie. Vel ex Scriptura, sed neque hoc dici potest, tum quia supponitur pendere ex Ecclesiæ auctoritate, tum quia via Scripturæ ex hypothesi Adversariorum longa est & mille obstaculis impedita. Vel ex Traditione; Sed ea semel difficultates recurrunt, accuratè enim hic distinguenda est vera Traditio à falsa, consulenda erunt originalia, & varix lectiones expendendæ, & genuinus sensus inquirendus, & cætera quæ circa Scripturæ loca debent fieri, longè majori studio debent expendi, quo majus est corruptionis & seductionis periculum, quæ omnia cum non sint ex capto vulgi, impossibilem etiam hanc viam reddunt. Dicent fortè hanc notitiam haberi posse ex characteribus divinitatis & infallibilitatis, qui deprehenduntur in Ecclesia. Sed neque hoc potest satisfacere. 1. Quia tales notæ & characteres maxima ex parte conveniunt falsis societatibus & Ecclesiis schismaticis, quæ non modo non sunt infallibiles, sed quæ actu in errore versantur. 2. Quia varix ex istis notis vel falso



DISPUT.  
III.

& illusoriè tribuuntur Ecclesiæ Romanæ, vel nihil minus concludunt quàm quod intenditur. 3. Quia in Ecclesia Romana sunt characteres contrarii plures, ex quibus constat non modò eam esse fallibilem, sed reipsâ errasse. Denique non minor labor in investigandâ veritate istarum notarum respectu Ecclesiæ Romanæ requiritur. Uno verbo via authoritatis, quæ hic obtenditur, supponit necessariò examen aliquod præcedens, primò ut sciamus an detur talis quædam authoritas infallibilis in Ecclesia visibilis & loquens, de quo meritò controversitur, & constanter negatur à Reformatis. Secundò ubinam sit illa authoritas, in qua Ecclesia, & in qua persona aut sede. 3. An habeat certas & evidentes notas & characteres, quibus cognoscatur; ex quibus colligitur in Ecclesiam rectè retorqueri, quæcunque in Scripturam intorquentur ad ejus auctoritatem elevandam.

XXV. Secundò directè respondemus, gratis supponi viam Examinis postulare discussionem plenam & accuratam omnium quæstionum, quæ vel circa libros Canonicos, vel circa loci alicujus versionem vel sensum moveri possunt, quod linguarum peritiam & magnum eruditionis apparatus exigeret: Rectè quippe observandum est, Scripturam posse esse fidei regulam duobus modis, vel ad producendam fidem in eo gradu perfectionis & plenitudinis, cujus homo capax esse potest in hac vita; Vel tantum in gradu simplicis sufficientiæ ad salutem. Priori respectu certum est requiri multum studii & laboris in expendendis omnibus iis, quæ in Scripturâ continentur, in excutiendis terminis & stylo, in conferendis versionibus cum fontibus, in attendenda serie orationis, materiâ de quâ agitur, scopo loquentis, & aliis circumstantiis sigillatim pensitandis, quæ omnia in simplicem populum & rusticos aut fœminas non cadunt. Sed posteriori, ubi agitur de gradu fidei quoad simplicem sufficientiam ad salutem, quæ oritur ex Doctrinis essentialibus, non opus est tali & tantâ discussione, quia tales doctrinæ satis clarè proponuntur in Scripturâ, non in uno loco; sed in pluribus, & satis per se ipsas à fidelibus gratiâ efficaci præditis ut divinæ agnoscuntur & veluti sentiuntur, ut nec varietas lectionum, nec versionum diversitas aut imperfectio, obstare queant, quominus ab iis apprehendi possint; licet nec quæstionem de libris Canonicis excusserint, nec linguas originales didicerint.

XXVI. Quod non ideo dicimus, quasi censeamus fideles sine ullo examine posse cognoscere Scripturæ divinitatem, vel genuinum loci alicujus sensum; Sic enim fides esset cæca & implicita, quod in Ecclesiâ Romanâ damnamus, quæ vult sibi credi *ἀνεξέταστος*, quia se infallibilem jactat: Sed distinguendum est duplex *Examen*: Aliud *discussionis plenariæ* omnium difficultatum, quæ vel circa notas Scripturæ, vel circa loci alicujus sensum occurrere possunt: Aliud *discussionis partialis*, seu *attentionis & applica-*  
*tionis*



*tionis* mentis ad veritatem credendam. Prius doctiorum esse tantum agnos- DISPUT.  
scimus, ejusque viam & longum & difficilem esse non diffitemur, quæ ma- III.  
gnum laborem & studium postulat, & amplam eruditionis mensuram re-  
quirit. Sed posterius ad simpliciores etiam pertinere contendimus, qui  
in eo cum fructu versari possunt, si modò cum rectâ ratione, Spiritûs San-  
cti lumine dirigantur, quò oculi mentis illustrati mysteria sensui & rationi  
aliàs impervia & inaccessa credunt & amplectuntur. Hoc est examen &  
judicium, ad quod Apostoli sæpe hortantur fideles, quum volunt ut explo-  
rent Spiritus, ut judicent ipsi de illis quæ dicebant, quod Beroënses in  
proxim deducebant, dum conferebant verba Pauli cum Scriptura, cujus  
interventu fides Euangelii in nobis firmatur per appulsum veritatis, tan-  
quam lucis supernaturalis, quæ à mente gratiâ efficaci imbuta recipitur,  
eodem modo, quò lux corporea ab oculo bene disposito recipitur per im-  
pressionem corporis lucidi.

XXVII. Atque hinc non obscure percipitur, quomodo gradum certitu-  
dinis sufficientem habere possit ad veram persuasionem animo ingeneran-  
dam: nimirum ut lux externa per se ipsam sine ullo alio medio videndam se  
nobis certò præbet; Ut objecta sensuum per se ipsa sensus nostros afficiunt,  
ut antea dictum, ut nulla alia opus sit causa ad id, ut persuadeamur nos ve-  
rè videre lucem, verè gustare cibos, & alias id genus operationes sensitivas  
edere: Ita Veritas cœlestis, quæ per objecta sensuum solet in Scriptura desi-  
gnari, sensus nostros spirituales ita afficit immediatè per propriam lucem vel  
suavitatem, ut non sinat se ignorari; sed *certitudinem* in ea ingeneret suffi-  
cientem ad *πληροφoρίαν* *πίστεως*, non quidem *evidentia*, & scientificæ demon-  
strationis, sed *sensus* & *experientia*, quæ sufficit ad eximendos dubitationum  
scrupulos, & tranquillandam conscientiam, & spem salutis ingenerandam,  
quatenus talia objecta plenè satisfacere possunt legitimis & naturalibus ani-  
mæ desideriis ad perfectam felicitatem obtinendam, ita se animis nostris  
insinuando, ut tanquam divina & vera recipiantur ab omnibus tam infir-  
mis & simplicibus, quàm doctis & provecioribus. Unde sensus ille con-  
scientiæ sufficit ad discernendum verum à malo, & doctrinas erroneas &  
exitiales rejiciendas, utpote quæ cum veritatibus essentialibus & fundamen-  
talibus Religionis, quibus singuli fideles imbuti sunt, subsistere nequeant.  
Verbi gratia, Principium adorationis unius Dei, quod primum est Reli-  
gionis fundamentum, sufficit in simplicioribus ad rejiciendum Cultum Crea-  
turarum, etsi quæstionem quæ circa hoc caput cum Ecclesia Romana nobis  
intercedit, nunquam viderint. Principium unici Sacrificii Christi sufficit  
ad rejiciendas satisfactiones humanas, Purgatorium, & Indulgentias Papa-  
les. Principium veritatis humanæ Naturæ Christi, nobis in omnibus simi-  
lis, excepto peccato, sufficit ad rejiciendam præsentiam realem, Transub-

stantia-



DISPUT. Istantiationem, Sacrificium Missaticum, & Hostiæ adorationem, quod in aliis  
III. pariter locum habet.

XXVIII. Scio Adversarios hîc regerere, ex sententiâ nostrâ de certitudine veritatis inventæ per examen prædictum, sequi, privatos quoslibet a nobis constitui infallibiles: quia nemo potest certò persuaderi de inventâ veritate per viam examinis, quin se infallibilem credat. Sed multa sunt, quæ huic figmento reponi possunt. 1. Gratis supponitur nullam veritatem posse inveniri per viam examinis sine infallibilitate, aliàs nihil certi in scientiis & artibus inveniri unquam posset, quia nullus est mortalium qui sit infallibilis. Ergo aliud est persuaderi, se esse absolutè infallibilem & nunquam posse errare, aliud persuaderi, se non errasse in hoc vel illo capite. Licet nemo sit absolutè infallibilis; Non sequitur neminem unquam dari posse, qui certus sit se non errasse. Quia dantur certæ veritates tam evidentes & sensibiles tam in naturâ quàm in gratiâ, ut certitudinem sui animis imprimant, ut suprâ visum. Nec reponi debet, sic hæreticos posse etiam jactare certam persuasionem quam habeant de erroribus suis. Nam inanis & vana persuasio illorum, quæ illusionibus & falsis præjudiciis nititur, non debet evandam reddere veram certitudinem fidelium, quæ indubitatis fundamentis & criteriis nititur. Nec si characteres, qui falsas persuasiones à veris distinguunt, non facile agnoscere possumus, sequitur minùs esse veros & reales. Ex quibus ita politis liquet, Deum non defuisse in rebus necessariis fidelibus, licet auctoritatem infallibilem, ac visibilem non reliquerit in Ecclesia ad componendas omnes controversias. Quia sola Scriptura tanquam norma infallibilis potest ipsis sufficere; si cum studio in ea meditanda ope Spiritûs Sancti versentur. Nec ideo dicendum, Ecclesiam peiori loco constitutam, quàm alias omnes societates, quia exponatur hæreticorum & schismaticorum factionibus. Quia Paulus docet necesse esse hæreses esse 1. Cor. 11. 29. Et res ipsa hoc evincit. Nam si tale remedium infallibile à Christo institutum esset, cur ergo effectum suum non obtinuit, cur & temporibus Apostolorum, & in sequentibus seculis hæreses & schismata non sunt repressa? Cur Ecclesia Græca & Latina variis dissidiis laceratæ sunt & quotidie lacerantur? Remedium sanè ineptum esse oportet, quod effectum, quem producere dicitur, nunquam produxit. Et de his quidem hæcenus

FINIS.

DISPUTATIO



# BONORUM OPERUM NECESSITATE.

Respondente DANIELE BARBALDO Retensi.



ICET Quæstio de *Bonorum Operum Necessitate* minus necessaria videatur, in tanta præsertim Evangelii luce, quod nihil aliud magis sollicitè quàm Sanctificationis & bonorum Operum studium commendare solet; necessariam tamen eam reddit, Tum *Epicureorum & Libertinorum*, quorum seculum hodiernum nimis ferax est, licentia, quæ gratiam Dei in *ἀκαταγείαν* convertentes, putant se impunè peccare

*Necessitas  
Quæstionis.*

posse, ut gratia abundet. Tum *Antinomorum* insania, qui negant Legis in fideles, postquam semel fuit abrogata, ullum esse jus. Tum denique *Pontificiorum* intemperies, qui Operum necessitatem ulterius quàm par est protendentes, eam ad Justificationis & salutis meritum perperam referunt; Nobisque gravem propterea, sed falsissimam & injustissimam dicam scribunt, quasi eorum necessitatem absolutè negaremus, doctrinæque nostræ sub prætextu gratiæ pietatem extingueret, & habenas quibuslibet peccatis laxaret.

II. Ut ergo sciamus, quid hac in parte nobis tenendum sit, Observandum est ante omnia, peccatum jam olim hic fuisse, & peccari etiamnum hodie bifariam, & in *Excessu*, & in *Defectu*, duosque hic scopulos æquè periculosos occurrere, *Epicureismum & Pharisaismum*: Alter est eorum, qui nullam Operum necessitatem agnoscunt: Alter verò eorum, qui nimiam urgent: In primum impegerunt olim *Epicurei & Simoniani* à Simone Mago dicti, qui bonorum Operum necessitatem prorsus negabant, docentes, fideles non debere attendere ad Legem Divinam, nec curare quæ ibi præcepta vel vetita fuerint, sed liberè posse agere quæ vellent, & sic morum turpitudinem, & quidlibet agendi effrænem licentiam invehebant; ut observat *Augustinus de hæresibus* ad hæ. 1. & *Theod.* lib. 1. hæret. de Simone. Quem erro-

*In ea peccatu-  
est in  
Excessu &  
Defectu.*

rem



DISPUT.  
IV.

rem ab Orco revocârunt novissimis temporibus, licet alium in finem, *Libertini & Antinomi*, qui bona Opera non necessaria, sed *ἀδιάφορα* statuebant, & propositionem de necessitate bonorum Operum ignominiosè exagitabant, ut refert *Sleid. Hist.* lib. 9. In alium verò scopulum incurrunt post Phariseos jam Apostolorum tempore Pseudapostoli, qui exitialem mixturam facere conantes, Mosis cum Christo, Legis cum Evangelio, & Operum cum Fide in negotio Justificationis, Legis & Circumcisionis imprimis observationem urgebant, adeoque necessaria pertendebant esse bona Opera ad salutem promerendam, ut refert Lucas Act. 15. 1. Quorum vestigia hodierno die premunt Pontificii, qui ut Opera meritoria faciunt; ita necessitatem eorum ad salutem promerendam, & ex merito conservandam urgent & exigunt. Ita Diabolus, quod in aliis pluribus doctrinæ Capitibus facere solet, duplici via primarium hoc Salutis Caput corrumpere conatus est, conjungendo dividenda, & dividendo conjungenda; Nam in Justificationis negotio Fidem & Opera conjungere satagit, quæ Deus separavit, & in Sanctificatione Opera à Fide divellere molitur, quæ Deus conjunxit.

Orthodoxo-  
rum sen-  
tentia.

III. Inter duo hæc Extrema medium tenent Orthodoxi, qui necessitatem quidem bonorum Operum urgent adversus Antinomos & Libertinos, sed meritum constanter negant adversus Pontificios; Contendunt necessaria esse ad salutem obtinendam, quia sine sanctitate nemo visurus est Deum, Heb. 12. 14. sed nolunt agnoscere necessaria esse ad eam acquirendam, quia salvamur gratiâ & non ex operibus Eph. 2. 8. Fatentur Opera multiplicem habere *χρῆσιν* & relationem ad vitam, ut *medii* ad finem, *via* ad metam, *pugna* ad victoriam, *victoria* ad coronam, & *laboris* debiti ad mercedem gratuitam. Sed non possunt admittere cum Adversariis habere relationem meriti & causalitatis; quia statuunt cum Bernardo esse *viam regni*, non *causam regnandi*. Fatendum tamen etiam inter ipsos Evangelicos dari aliquod sententiarum divortium circa bonorum Operum necessitatem ad salutem, An scilicet *bona opera dici possint ad salutem necessaria*. Cùm enim superiori seculo Pontificii in Germania viderent doctrinam de Justificatione per solam fidem non posse simul & semel everti, insidiosè urgere cœperunt hanc propositionem, *Bona opera ad salutem esse necessaria*, in formula Interimistica (quam sub specie Conciliationis & Pacis Ecclesiasticæ obtrudere satagebant Protestantibus, sed re ipsa ad puriorem Religionem corrumpendam, ut faciunt hodierni Syncretistæ,) & quidem præclaro sub hoc prætextu, ne Epicuræismus introduceretur in Ecclesiam; revera autem ut Justificationis doctrina paulatim convelleretur; Quam fraudem cùm multi non statim animadverterent, propositionem admiserunt, & inter eos etiam *Melancthon*, qui tamen phrasim illam postea rejecit, tanquam minùs commodam, imò & periculosa,



sum, ut patet ex Actis Colloquii Wormatiensis habiti anno 1557. Mota postea fuit eadem lis inter Theologos Witembergenses & Jenenses, diuque & diversimodè in utramque partem agitata, illis propositionem admittendam esse statuentibus, istis verò rejicientibus, donec tandem in libro Concordiæ composita est, Et in hoc conventum, *Novam obedientiam seu bona opera interna & externa credentibus & conversis ad Deum esse necessaria.* Inter Reformatos sunt qui simpliciter dici nolunt & sine aliqua cautione, bona Opera esse ad salutem necessaria, ne quis phrasim illam sensu Pontificio interpretetur; quasi scilicet bona opera dicerentur necessaria ad salutem efficiendam aut procurandam, ut *Pareus* in *Bellarminum* l. 4. de Justificatione c. 1. & *Joannes Davenantius* de Justificatione cap. 31. Alii verò simpliciter propositionem retineri posse censent, nec in ea ullam dari materiam scandali, modò rectè explicetur; multùm verò periculi & offendiculi esse, si quis id neget aut dicere reformidet; ad quos etiam facile accedimus. Qualiscunque verò sit iste dissensus, in verbis potius & phrasi situm esse quàm in re ipsa, facile est colligere, apud utrosque enim hoc est in confesso, Opera ita esse nobis necessaria, ut nemo sine ipsis salvari possit, licet nihil conferant ad salutem vel efficiendam vel acquirendam, quod jam demonstrandum nobis est.

IV. Ut verò clarius Sententiæ Orthodoxæ veritas teneatur, præmittendæ sunt distinctiones nonnullæ *Necessitatis*, quæ hîc sedulò sunt attendendæ. Alia quippe est *Necessitas presentie*, secundum quam bona Opera ita dicuntur necessaria, ut sine illis salus obtineri nequeat; Alia verò *Necessitas efficientie*, secundum quam non tantùm esse debent in fidei servando, sed & operari & efficere salutem; Alia est *Necessitas medii*, per quam bona opera statuuntur esse media necessaria ad possidendam salutem; Alia verò *Necessitas meriti*, per quam vis etiam meritoria illis tribuitur ad eam acquirendam; Alia *Necessitas connexionis* & dependentiæ, quâ bona Opera dicuntur antecedere necessariò, & connecti ac post se trahere vitam & salutem; Alia verò *Necessitas causalitatis*, juxta quam opera habent rationem causæ ad salutem, quæ eam vel promereantur vel producant. Statuimus contra Libertinos bona Opera necessaria esse priori sensu, sed negamus posteriori contra Pontificios, Et de priori nunc distinctè agendum suscipimus.

V. Cùm verò *Necessitas* vulgò duplex statuatur, pro naturâ rerum quæ præstandæ sunt, Alia quæ dicitur *præcepti*, quæ voluntate præcipientis nititur, quomodo necessaria fuit observatio Cæremoniarum sub Veteri Testamento, & necessarius est usus Baptismi in Novo Testamento; Alia verò *medii*, quæ non pendet tantùm à voluntate Legislatoris, sed quæ fundatur etiam in rerum ipsarum natura, & mutua inter se invicem relatione & connexionione, quomodo

Status  
Quæstio-  
nis.

Bona Opera sunt necessaria.  
Necessitate præcepti.



fides dicitur esse necessaria ad salutem, non tantum quia ita Deus præcepit, sed etiam quia tam arcta est inter fidem & salutem connexio, ut salutem sine fide obtinere sit impossibile. Bona Opera utroque modo fidelibus omnibus ad salutem necessaria esse pertendimus; Tum necessitate præcepti, quia à Deo mandata sunt, & ab homine debentur; Tum necessitate medii, quia indivulso cum salute nexu cohærent. Et ut de *necessitate præcepti* dicamus primum, Scriptura passim illam adstruit, dum Bonorum Operum praxim & Sanctificationis studium fidelibus præcipit, *hac est voluntas Dei*, inquit Paulus 1. ad Thess. c. 4. v. 3. *sanctificatio vestra, ut quisque vas suum possideat in sanctitate & honore*. Sic Christus Matt. 5. 10. *Luceat Lux vestra coram hominibus*. & Joan. 15. 34. *Mandatum novum do vobis, ut vos invicem diligatis*. & 1. Joan. 4. 21. *Hoc est mandatum quod nobis dedit, ut credamus in nomen Filii sui, & diligamus invicem*. Nec aliò respiciunt tot Prophetarum & Apostolorum potentissimæ ad pietatem & sanctitatem hortationes, quàm ut doceant non suo arbitrato vivendi licentiam cuique à Deo concedi, sed bonorum Operum exercitium ut iustissimum & summe salutare præscribi. Quò pertinet etiam vox *Debiti*, quæ fidelibus tribuitur, quum *Debitor* vocantur Rom. 8. 12. & 13. 7. Luc. 17. 10. Nec enim Debitorum possent dici, nisi quia obediendi necessitas ipsis ex Dei præscripto imposita est.

VI. Porro *Debitum* hîc duplex distinguendum est. Aliud *Legale*, Aliud *Euangelicum*; *Legale* rursus duplex, Vel *perfecta obedientia* in Lege requisita ad vitæ acquisitionem, quo sensu Paulus vocat *Legem Chirographum* Col. 2. 14. quia in ea obedientia Deo debita, & propter quam obstricti sumus ipsi, sancitur; Ita debitor erat Adamus, & quotquot manent sub fœdere Operum Galat. 5. 3. *qui vult circumcidi, debitor est totius Legis servanda*; Vel *Pœna*, ratione scilicet maledictionis, quam ferre debent Legis transgressores; hinc Peccatores, qui rei sunt coram Deo, vocantur *ὀφειλέται* Matt. 18. 34. & peccata *debita* dicuntur in Oratione Dominica Matt. 6. Non quòd ea debeamus Deo, nihil enim minus debemus; quæ ratio est cur peccata mortis verè sint meritoria, quia sunt planè indebita; sed ratione pœnæ consequentis, quia ad illam tenetur peccator ex ordine iustitiæ, nec potest elabi, quin debitum illud seriùs ociùs exsolverit. Ab utroque hoc debito liberati sunt fideles per Christum, qui Legem implendo pro ipsis, & quoad obedientiam, & quoad pœnam, à reatu mortis illis impendente eos liberavit, & jus ad vitam ipsis acquisivit, Rom. 8. 1. 3. Galat. 4. 13. Sed præter hoc debitum legale, datur *Debitum Euangelicum*, à quo fideles nunquam possunt liberari; Debitum scilicet *novæ obedientiæ*, cui obstringuntur omnes renati ex Lege Christi Rom. 8. 12.

VII. Verum non ea tantum de causa urgenda sunt bona Opera,



Opera, quia Necessitatem habent præcepti, cum habent etiam multipli- Disu  
IV.  
cem *Necessitatem Medii*, & vinculum, quò illis homo obstringitur, adeò sit arctum, ut ubivis & semper ad ea obligetur, nec in ullo statu vel naturæ, vel peccati, vel gratiæ, ab eo exsolvi possit: Et sanè si nullum aliud jus Deo in hominem competeret, quàm *Creatoris & Conservatoris*, quis non agnosceret justissimum & summè necessarium esse obsequium & cultum, quem Domino suo reddere tenetur; ut quemadmodum omnia habet à Deo, ita omnia ad ipsum referat; Et, si dependet ab ipso in genere *Entis* necessariò & indispensabiliter quoad productionem & conservationem vitæ, dependere etiam debeat ab ipso in genere *Moris* quoad obedientiam, & vitæ sanctitatem? Verùm fortius multò adstringitur hoc vinculum; si *Redemptionis* χρίστου spectemus; Utenim per ipsam longè plura & majora beneficia est consequutus Fidelis; ita longè arctius Liberatori suo obstringitur, nisi in teterrimum ingratitudinis vitium incurrere velit.

VIII. Unde multiplex exurgit Operum necessitas; Tum respectu *Ratione*  
*Dei* ad ejus gloriam illustrandam Matt. 5. 16. Tum respectu *Proximi* ad *Dei, proximi  
& nostri.*  
ejus ædificationem procurandam 1. Pet. 3. 1. Phil. 2. 15. Tit. 2. 7. Tum respectu *Fidelis* ipsius, ad salutem suam procurandam Phil. 2. 13. & Vocationem & Electionem suam confirmandam 2. Pet. 1. 10. Ad hæc enim tria officia totam vitam Christianam refert Paulus Tit. 2. 12. ut vivamus *Tit. 2. 12.*  
σοφρόνως, δίκαιως, καὶ ἐνσωβῶς, sobriè & temperanter respectu *Nostri*, justè respectu *Proximi*, & piè respectu *Dei*. Verùm ut Necessitatis istius ratio distinctius percipiatur, expendendæ sunt varix χρίστου & relationes, sub quibus Fidelis spectari potest. Quocunque enim se convertat, innumera deprehendit ad Sanctitatem incentiva; sive respiciat ad *Fædus gratiæ*, in quod receptus est; Sive ad *Deum*, cui in Baptismo nomen dedit; sive ad *Evangelium*, quod illi credendum proponitur; sive ad *Fidem*, quam profitetur; sive ad *Gratiam*, quâ jam fruitur; sive ad *Gloriam*, quam adhuc sperat; nihil est quod ad bonorum Operum necessitatem multis modis non inducat.

IX. Primò *Fædus gratiæ* eam evincit clarissimè; Notum enim duas *Fædus gra-  
tia postulat  
bona opera.*  
illud partes necessariò continere, *Promissionem* à parte Dei, & *Officii stipulationem* à parte hominis. Quippe ut in eo Deus pollicetur se fore Deum nostrum, vult etiam vicissim ut simus ejus populus; Ut spondet favorem & protectionem omnimodam; ita omnimodum cultum & obsequium postulat; Ut se nihil nobis denegaturum, quod faciat ad salutem nostram, etiam juramento adhibito sanctè declarat, sic exigit pariter, ut nihil ipsi recusemus, sed totos nos ad ejus gloriam impendamus, in præceptis ejus ambulando. *Ero illis in Deum, & ipsi erunt mihi in populum* Levit. 26. 12. Jerem. *Jer. 31. 33*  
31. 33. Fateor quidem tantam esse Dei benignitatem, ut non tantum exigat *hæc*



hæc à nobis officia tanquam debita; sed etiam promittat tanquam beneficia; Quod est privilegium novi Fœderis, in quo Deus non tantum agit quod suarum est partium, sed etiam nostrarum, & ita postulat fidem, ut eam etiam nobis indat Phil. 1. 29. Ita exigit timorem sui & reverentiam, ut illam etiam cordibus nostris ingeneret, ut nunquam recedamus ab ipso Jerem. 32. 40. Verum hoc non obstat, quominus ad executionem officii debiti obstringatur Fidelis; imò tam arctè & indissolubili ista inter se conjuncta sunt vinculo, ut nihil promittatur à parte Dei, nisi homo conditionem propositam impleat à parte sui; nec quisquam nisi falsò sibi polliceri unquam poterit gratiam Dei, qui fidem & poenitentiam quam exigit, in se non deprehenderit. Licet ergo in Verbo & Sacramentis, Fœderis promissionem Deus nobis exhibeat, & verissimè ac sincerissimè demonstret quid sibi gratum sit, & quid penès se constitutum sit, nimirum dare gratiam Credentibus & resipiscentibus, cum tamen promissio hæc semper sit conditionata, utcunque indiscriminatum proponatur & offeratur hominibus, non alios tamen respicere censenda est ex Dei consilio; quam eos qui conditionem, sub qua proponitur, re ipsa habuerint, & quibus ipse eam dare constituit, qui solus dare potest, nimir. Electos & Fideles. Unde sequitur *Fædus gratiæ* nullum locum habere posse erga hominem, nisi Deo vocanti pareat, & officium quod ab ipso Deus postulat, in bonorum Operum praxi, & poenitentiae exercitio implere satagat.

X. Porro ut Obedientia, quæ in Fœdere gratiæ exigitur, Deum Trinum respicit, Patrem, Filium, & Spiritum Sanctum; Ita hoc etiam respectu Fidelis tenetur bonis Operibus incumbere; Nam ut singulæ Trinitatis Personæ peculiarem *χέσιν* induunt in Oeconomia Salutis, Prima *Patris*, qui nos eligit ab æterno, & in familiam suam adsciscit. Secunda *Redemptoris*, qui nos redimit in tempore, & in Populum peculiarem & membra Corporis sui mystici cooptat. Tertia *Paracleti*, qui nos sanctificat, & in Templum consecrat, Gratiam à Patre nobis destinatam, & à Filio acquisitam, applicando: Ita ad tres Personas Cultus noster terminari debet, ut *Patrem* veneremur & colamus ut *Filii* 1. Pet. 1. 15. 16. Ephes. 5. 1. Malac. 1. 4. Ut vestigia Redemptoris sequamur 1. Pet. 2. 24. Et nos verè præstemus populum *περιέσιν* ζηλωτὴν καλῶν ἔργων Tit. 2. 14. Ut Paracletum in nobis habitantem sedulò colamus, nec unquam contristemur Eph. 4. 30. vel Templum ejus ullis sordibus infici patiamur 1. Cor. 6. 16. Uno verbo ut vivamus dignè Filiis Dei, Fratribus & Membris Christi, & Templis Spiritûs Sancti. Aliàs quomodo Deum Patrem inclamare poterimus, si nolumus filialem obedientiam illi præstare Mala. 1. 4. ? Vel Christi discipulos nos profiteri, si mandata ejus non observemus, & vitam Christi non degamus Jo. 14. 15. 1. Jo. 3. Rom. 8. 9. ? Vel Spiritûs S. Sacramenta dici, si ut Spiritu vivimus, ita secundum



dum Spiritum non ambulemus Gal. 5. 24. ? Hoc verò præsertim exigit *Disput.*  
*Communio*, quæ nobis intercedit cum Christo Capite nostro, quæ verita- *IV.*  
 tem suam obtinere nequit, nisi per *conformitatem* nostri cum ipso, ad quam  
 propterea prædestinati sumus Rom. 8. 30. Ut non nomine tantum & profes-  
 sione, sed vitâ & moribus simus Christiani, ambulando sicut ipse ambu-  
 lavit 1. Joh. 2. 6. & ut Christus ipse in nobis vivat Gal. 2. 20. Triplicisque  
 Muneris, ad quod nos Unctione suâ cœlesti consecravit, similitudinem  
 & effecta in nobis producat, *Prophetas* instituendo, qui nomen & virtutes  
 ejus prædicent 1. Pet. 2. 9. *Sacerdotes*, qui corpora sua in victimam viven-  
 tem & sanctam illi offerant Rom. 12. 1. Et *Reges*, qui imperium exercent  
 in mundum & proprias cupiditates Apoc. 1. 6. & 5. 10.

XI. Tertiò hoc ipsum ex *Euangelii*, quod nobis proponitur, indole *Euange-*  
 luculentius confirmatur. Cum enim *doctrina* sit non *Theoretica* tantum, *lium.*  
 quæ inani speculatione mentem pascit, sed *Practica*, quæ voluntatem  
 corrigit, & ad praxim boni impellit, quæque ideo *Veritas secundum pie-*  
*tatem*, & *Mysterium pietatis* dicitur 1. Tim. 3. 16. Quis non videt nemi- *1. Tim. 3. 16*  
 nem posse seriò illud amplecti, qui non teneatur dignè ipso ambulare? ut  
 cum Fide Charitatem, cum Cognitione Cultum, & cum Sapientia quæ  
 doctos nos reddit, Religionem quæ bonos & pios, indivulso nexu conjun-  
 gamus, ut potentes simus *ἀγαπᾷ καὶ ἐγγῶ*, nec tantum sciamus credenda,  
 sed & impleamus facienda. *Si hac scitis, Beati estis, si hac facitis* Joan. 13. *Jo. 13. 17.*  
 17. Quò pertinent aurea *Lactantii* verba lib. 1. cap. 1. qui scientiæ salutaris,  
 quam Euangelium nobis exhibet, summam sic describit, *Ut neque Religio*  
*ulla sine sapientia suscipienda sit, nec ulla sine religione probanda sapientia.*  
*Et lib. 7. cap. 4. non potest nec religio à sapientia separari, nec sapientia à*  
*religione secerni, quia idem Deus est, qui & intelligi debet quod est sa-*  
*piëntia, & honorari quod est religionis.* Quippe ut Deus in Christo, quod  
 est objectum Euangelii, est *primum Verum & summum Bonum*; Ita debet  
 per fidem apprehendi & cognosci ut primum Verum, & per Charitatem  
 coli & diligere ut summum Bonum: Atque ea de causa *Euangelium* toties  
 nomine *Legis* indigitatur, quoties *Lex fidei* Rom. 3. 24. *Lex Spiritus &*  
*vite* Rom. 8. 2. *Lex regia libertatis* Jac. 1. 25. *Lex Christi* 1. Cor. 9. 21. *Rom. 3. 24.*  
 dicitur; Non tantum per *μίμνειν* alludendo ad mentem Judæorum, quia *& 8. 2.*  
 Euangelium verè & perfectè præstat nobis, quod perperam & falsò quære- *Jac. 1. 25.*  
 bant in Lege Judæi, puta justificationem & salutem, ut non insolitum *1. Cor. 9. 21.*  
 est Spiritui Sancto, nomina rerum quibus efficaciam, pretiùmque ma-  
 gnum homines attribuunt falsò, illis tribuere quæ verè efficaces sunt  
 & pretiosæ: Sed etiam propriè, quia Euangelium suam etiam habet Le-  
 gem, suaviorem quidem illam Lege rigidâ & inexorabili Mosis; Sed Le-  
 gem tamen, quæ ad obsequium hominem obligat, Jugum Christi leve est,



sed jugum tamen, quod suscipere tenemur Matt. 11. 29. Hinc Paulus Gal. 2. 20. *Per Legem Legi mortuus sum*, per Legem Christi, Legi Mosis, & per Euangelium, Legi, & Rom. 8. 2. *Lex Spiritus vitæ* dicitur nos liberare à *Lege peccati & mortis*, quia Euangelium, quod est ministerium Spiritus, & Verbum vitæ, nos liberat à Lege Mosis, quæ peccatum irritando & augendo, mortem peccatoribus intentat. Quamvis ergo à Lege liberati simus per Christum, nec amplius simus sub Lege, sed sub gratia; Non ideo exleges vivere debemus, sed subesse Legi Christi; *Ut liberi*, inquit Petrus 1. 2. 13. *sed ut servi Dei*, quia liberati à peccato servi facti sumus justitiæ, Rom. 6. 18. ut servitus non sublata penitus, sed mutata tantum fuerit, servitus peccati in servitutem gratiæ, & jugum ferreum Diaboli in jugum suave Christi.

XII. Quartò *Fidei* natura eandem Operum necessitatem post se trahit; Cum enim Spiritus Sanctus testetur eam indissolubili cum Charitate conjunctam esse vinculo, & non posse veram esse nisi per charitatem sit *ἐν ἐργασίᾳ* Gal. 5. 6. imò Jacobus eam mortuam esse sine Operibus expressè asserat: Quo tandem pacto de fide gloriari quis poterit, si illa bonis Operibus non sit stipata? Arbor est quæ fructibus carere non debet, & fons manualis qui rivos ex se non potest non fundere. Fateor quidem fidem & opera in *negotio Justificationis* ita sibi ex diametro opponi, ut sint planè ἀντίθετα; unde toties urgetur ab Apostolo fidei & Operum antithesis; Sed hoc non impedit, quominus in *Persona justificati* inter se conveniant, & ad promovendam & perficiendam ejus sanctificationem suavissimè conspirent? Ut temerè & falsò fidelem se prædicet, qui solâ fidei professione contentus de operibus haudquaquam est sollicitus, quod faciebant Libertini Jacobi tempore, qui perperam intellectis verbis Pauli, qui solam fidem urgebat ad justificationem, Sanctimoniam & bonorum Operum studium negligebant; quod non fecissent, si observassent eandem fidem, quæ est *instrumentum* Justificationis, esse etiam *principium* & radicem Sanctificationis, quâ corda purgari debent Act. 15. 9.

XIII. Denique eò tendunt *omnia Dei beneficia*, sive præterita, quæ nobis jam collata sunt, sive futura, quæ sunt adhuc conferenda, sive gratia quâ fruimur, sive gloria quam speramus. Quorsum enim nobis vel conferuntur, vel promittuntur, nisi ut Sanctificationis opus in nobis promoveant, & sint totidem motiva efficacissima obedientiæ nostræ erga Deum? Et sanè ut geminam *χέρι* Opera nostra possunt induere, tum respectu *præteriti*, tum respectu *futuri*; priori sunt *sigilla* & *pignora* gratiæ antecedentis, Ephes. 4. 30. 2. Tim. 2. 19. Posteriori sunt *arrhabones* & *primitiæ* gloriæ consequentis, Ephes. 1. 14. Rom. 8. 23. Sunt *fructus Electionis*, quæ præcessit ab æterno Ephes. 1. 4. quibus à posteriori



innotescit & confirmatur in nobis 2. Pet. 1. 10. Et *semina glorificationis*, DISPUT.  
IV. quæ sequetur in æternum Galat. 6. 3. 6. Et ut bene *Bernar. de grat. & lib. arbi. sunt Spei Seminaria, Charitatis incentiva, occulta Prædestinationis indicia, futura felicitatis præsagia, via regni, sed non causa regnandi.* Nec obscurum hoc erit singula Dei beneficia perpendenti: Ad quid enim respicit æterna Dei *Electio*, quâ à communi hominum peccatorum massa secreti, ad salutem destinati sumus ab ipso, nisi ad sanctificationem? *Elegit nos in Christo*, inquit Paulus Ephes. 1. 4. *ut simus sancti* 2. Thess. 2. 14. *Elegit nos Deus ab initio in sanctificationem spiritus & fidem veritatis.* Ad quid *Redemptio Christi*? Nisi ad hoc ipsum, ut *liberati ab inimicis nostris, colamus ipsum & discamus in sanctitate & iustitia omnibus diebus vite nostre* Luc. 1. 74. Et ut redempti pretio ipsum glorificemus & corpore & animo Ephes. 1. 4.  
2. Thes. 2.  
14. 1. Cor. 6. 20. Ad quid *Vocatio*? Nisi ut simus sancti, ut qui vocat nos sanctus est 1. Petr. 1. 18. & virtutes illius prædicemus, qui à tenebris nos Luc. 1. 74.  
1. Petr. 1. 18. vocavit in admirabilem lucem suam 1. Pet. 2. 9. Ad quid *Justificatio*? Nisi 1. Pet. 2. 9. ut à reatu peccati liberati, illi in posterum nuntium penitus remittamus. *Apud te est venia ut colaris* Psal. 130. 3. *Loquetur pacem populo suo, ne redeat ad stultitiam suam.* Psal. 85. 9. Hinc duo ista beneficia ita sunt con- Psal. 130. 3.  
Psal. 85. 9. nexa, ut neutrum habeat, qui utrumque non servat, Nemoque justificetur, qui non continuo sanctificetur, ut *Christus qui iustitia nobis factus est, est etiam sanctificatio* 1. Cor. 1. 30. *Venit cum sanguine & aqua* 1. Joan. 5. 5. 1. Joan. 5. Cum sanguine ad expiandum, cum aqua ad purgandum, quæ duo sub Ve- 5. teri Testamento erant propitiationis & purgationis media; Quò allusum fuit in Cruce, dum sanguis & aqua ex ipsius latere fluxerunt Joan. 19. 34. ad designanda duo præcipua ejus beneficia, justificationem in sanguine, & sanctificationem in aqua. Ad quid denique tendit *Regeneratio*? Nisi ut *Creaturæ novæ, facti, in Christo novo homine* 2. Cor. 5. 17. *Non amplius in vetustate litteræ, sed in novitate spiritus ambulemus* Rom. 7. 6. & Rom. 6. 14. Uno Verbo, *Gratia*, quæ nobis apparuit, non in eum finem datur, ut eâ abutamur in peccandi licentia, & abundare faciamus peccatum, ut ipsa superabundet, sed ut *abnegata impietate & mundanis cupiditatibus, vivamus in hoc seculo sobrie, iuste, & pie* Tit. 2. 14.

XIV. Id ipsum de *Gloria & Salute*, quæ nobis in cœlis adhuc est reposita, non minùs certò dicitur. Cùm enim bona Opera ratione illius sese habeant instar *Mediorum* ad *Finem*, Joan. 3. 5. Luc. 13. 3. Matt. 5. 8. *Via* ad *Metam*, Ephes. 2. 10. Phil. 3. 14. *Pugna* ad *Victoriam*, 1. Timot. 6. 12. Tim. 2. 3. 5. *Laboris* ad *Mercedem*, Matt. 20. 1. 2. *Sementis* ad *Messum* Galat. 6. 7. 8. & *Primitiarum* ad *Massam*, Rom. 8. 22. Quomodo vel *Finis* ob-  
tineri.



DISPUT. III. tineri posset sine Mediis, Vel Meta attingi, si viam eò ducentem non sequimur; Vel Victoria & Corona reportari, nisi bonum certamen decertemus; Vel merces gratuita recipi, nisi in agro & vinea Domini laboremus; Vel Messis colligi in cœlis, nisi sementem fecerimus in terris, Vel massa possideri, si primitias non habuerimus? Hinc toties Scriptura bonorum Operum necessitatem urget ad Salutem, non quidem acquirendam de jure, quod solus Christus fecit, sed adeundam & possidendam de facto, quum sine sanctimonia neminem visurum Deum declarat Heb. 12. 14. nihilque immundum & inquinatum in sanctam Civitatem ingredi posse Apoc. 21. 27. *Foras esse canes, idololatrias, & mendaces* Apoc. 22. 6. Denique, cum Sanctitas sit pars potissima felicitatis, quemadmodum in Deo τὸ ἅγιον καὶ τὸ μακάριον conjunguntur strictissimè; Et salus hinc inchoari debeat per gratiam, antequam consummetur per gloriam; Imò gratia nihil aliud sit quàm gloria inchoata, & gloria, gratia consummata; Quis non videt eas se invicem excipere; Neminemque adeò Salutis complementum & coronam posse obtinere in cœlo per glorificationem, qui ejus fundamentum non jecerit in terra per Sanctificationem, & Pietatis studium?

XV. Frustrà verò hinc Antinomi, ut bonorum Operum necessitatem elevent, Loca varia congerunt, quibus non amplius esse sub Lege dicimur, sed sub gratia Rom. 6. 14. & 7. 4. Aliud enim est non esse *sub Lege*, ut *sub Fœdere* ad vitam ex ea acquirendam, ut erat Adamus. Aliud verò esse *sub Lege*, ut *sub Viæ regulâ* ad mores piè & sanctè componendos. Aliud est esse *sub Lege*, quatenus opponitur Euangelio, quoad rigidam perfectæ obedientiæ exactionem, & terribilem quam intentat peccatoribus maledictionem: Aliud verò esse *sub Lege*, quatenus illi subordinatur, quoad suavem directionem: Priori sensu non sumus amplius *sub Lege*, utpote à cujus imperio & jugo Christus nos liberavit, Sed posteriori illi adhuc obstringimur; Eadem enim Lex, quæ officium & obedientiam præscribebat Adamo in veteri Fœdere, manet adhuc *sub novo*, nec potest unquam abrogari, licet diversus sit utriusque finis: In illo quippe hoc facere debebat homo *ut viveret* ad Juris acquisitionem: In isto *quia vivit* ad ejus possessionem, & grati animi testimonium.

1. Tim. 1. 9. XVI. Nec aliò spectant verba Pauli 1. Tim. 1. 9. quum ait, *nullo Legem non esse positam*. Nec enim hoc simpliciter & absolutè est intelligendum, quasi fidelis sub gratia esset penitus exlex, alias frustra Apostolus alibi Legem fidei & charitatis nobis præscriberet, & perperam hoc in loco finem mandati dixisset esse charitatem ex corde puro & bona conscientia & fide ἀνυποκρίτως & ὦ. S. *Legem bonam esse si eâ bene utaris*: Sed hoc secundum quid dicitur ratione scilicet



scilicet *rigoris, minarum & maledictionis*, quas intentat contumacibus & *ἀνυποτάκτοις*, qui cum nulla iusti curâ tangantur, coercentur saltem aliquâ DISPUT.  
IV. pœnarum formidine, dum terribiles ejus sanctiones audiunt: At fideles, qui Spiritum servitutis non habent amplius ad timorem, sed Spiritum adoptionis & libertatis, quique ut populus voluntarius Psal. 110. 3. virtutis amore & sponte ad officium feruntur, non formidine pœnæ; Non amplius subsunt duræ illi & inexorabili Dominæ, sed Legem regiam libertatis sequuntur, vitamque suam juxta ejus regulam componunt.

XVII. Perperam etiam hîc ad *Libertatem Christianam* provocatur, quasi ea excludat bonorum Operum necessitatem; Alia enim est *Libertas Spiritus*, Alia verò *Carnis Licentia*. Ista quidem cum bonis Operibus est *ἀνυπακούσιμος*; Sed illa nequaquam, cum vera libertas in praxi pietatis & cultu Dei posita sit, *servire enim Deo, regnare est*. Itaque solvit nos quidem Libertas Christi à iugo Legis maledicentis, à Tyrannide Diaboli, à Servitute peccati; Sed non eximit à necessitate obedientiæ Deo præstandæ, imò vinculum nostri obsequii eò fortius astringit, quò magis Deo obstricti sumus; Ut libertas à peccato inferat necessariò servitutem gratiæ, quomodo servitus peccati antea trahebat post se libertatem à gratia: *Liberati à peccato, servi facti estis justitiæ* Rom. 6. 18. Unde alibi Paulus tam sollicitè Rom. 6. 18. libertatem Christianam distinguere solet ab effræni carnis licentiâ Galat. 5. 13. *Vos in libertatem vocati estis, tantum ne libertatem in occasionem detis carni*, & Pet. 1. cap. 2. 16. *Quasi liberi, sed non quasi velamen habentes malitiæ libertatem, sed sicut servi Dei*.

XVIII. Ex quibus ita discussis sponte jam fluit quod probandum suscepimus, bona Opera fidelibus omnibus esse ad salutem necessaria. Verum quia Adversarii clamitare solent, Nos quod una manu damus, altera auferre, ea statuentes, quæ necessitatem istam elevent & evertant, diluenda est paucis ista calumnia, & crassissimum mendacium. *Bellarminus* varia calumniæ fundamenta congerere conatur lib. 4. de Justifi. cap. 4. 5. 6. Primum petit à communi dogmate quod tuemur; Quòd *omnia opera Justorum sint natura sua peccata mortalia*, Unde sic colligit; Si Opera Justorum sunt peccata mortalia, Ergo non sunt necessaria ad salutem, imò fugienda sunt ut prohibita. Verum facilè solvitur sophisima distinctione adhibitâ inter *peccatum per se*, & *per accidens*. Fateor sanè, si Opera justorum essent peccata per se, & sua natura; fore à nobis fugienda, adeoque non modò non necessaria fore, sed etiam ut prohibita & noxia, fore rejicienda. Sed aliud est longè, si dicuntur tantum peccata per accidens, & secundum quid, Non ratione actûs vel substantiæ Operis, sed ratione imperfectionis illi adhærentis, ob carnis reliquias in nobis manentes. Sic enim corrigenda quidem sunt pro virili, & re-



DISPUT.

IV.

purgandæ sordes illis adhærentes, sed non ideo sunt fugienda ut illicita, vel neganda eorum necessitas, quæ non pendet ab eorum perfectione, sed à Dei præcepto, quod irritum esse non potest, licet sint exiguæ vires nostræ. Hanc autem esse mentem nostram, quum peccata ea vocamus, ut non sint per se talia, sed tantum per accidens ratione vitiositatis adhærentis, nemo est qui nesciat, Et Spiritum Sanctum sequimur, qui ita loquitur non semel 1. Cor. 13. 12. 1. Joan. 1. 8. Unde bene concludas, Opera non mereri salutem, nec ad eam sufficere; Sed perperam cum Adversariis ex hac hypothese colligas, non exigi, & non necessaria esse.

XIX. Alterum calumniæ fundamentum est *Justificatio per solam fidem*. Si sola, inquit, fides sufficit ad salutem. E. reliqua Opera sunt supervacanea: solam autem sufficere ad salutem sine operibus, ex eo colligit secundum nos, quia sine Operibus ad justificationem sufficit: Id quippe quod ad justificationem sufficit, sufficere etiam ad salutem; cum semel justificatus damnari non possit. Sed non meliori jure hoc obtruditur præcedenti; perperam enim hic confunditur Justificatio cum integra salute, quasi quod sufficit ad Justificationem, sufficiat ad salutem. Atqui multò plura requiruntur ad salutem, quàm ad Justificationem; Ut aliud est Jus ad vitam habere, aliud verò de facto illam possidere. Ita Opera effecta sunt, quæ sequuntur justificationem, sed media quæ salutem antecedunt. Deinde licet Opera non sint necessaria in actu Justificationis, quia per solam justitiam Christi fide apprehensam obtinetur; necessaria tamen sunt in eo qui justificatur, qui illis carere non potest sine salutis dispendio, non præcedunt Justificandum, sed sequuntur Justificatum, ut ait August. Tertiò quum fides sola dicitur justificare, hoc ita intelligendum, quòd sola conferat ad actum Justificationis, quia sola inter ceteras virtutes potest cum gratia consistere Rom. 4. 16. utpote quæ sola habet vim receptivam & applicativam justitiæ Christi, quæ justificatio nostra nititur, Jo. 1. 13. Rom. 5. 17. Sed non propterea sola censenda est, id est solitaria & separata ab aliis virtutibus, ut oculus solus videt, sed non solitarius, id est revulsus à cæteris membris; Nec enim fides quæ justificat est unquam sine Operibus, licet quæ justificat nihil cum Operibus commune habeat, Fidem ergo comitantur Opera, non ut efficiant Justificationem; Sed ut coexistant in Justificato, non ut salutem acquirant, ut merita, sed ut nos ad eam ducant ut media.

XX. Tertiò hoc evincere satagunt, Ex Gratia, cui totam salutem nostram acceptam ferre solemus, consideratione; Quasi vel fræna laxaret peccato, quia ubi abundat delictum, ibi superabundat Gratia Rom. 5. 20. Vel Operum necessitatem tolleret, quia ipsa operatur in nobis velle & perficere Phil. 2. 13. Sed primum est quòd nos ex eo solemur, quòd eadem, quæ nobis impinguntur hodie



die calumniæ, affectæ jam olim fuerint Paulo ejusque doctrinæ Rom. 7. 31. Diss.  
IV.  
& 6. 15. quod argumentum est certissimum nos eandem cum Paulo doctrinam amplecti, utpote quæ iisdem absurdis urgetur. Ut verò Apostolus talem calumniam fortissimè à se repellit; & falsissimè doctrinæ suæ impingi ostendit: Ita & nos iisdem uti armis par est ad tela ista retundenda, *Permanebimusne in peccato ut gratia abundet? Absit, Nos qui mortui sumus peccato, quomodo in eo adhuc vivemus?* Quippe licet Gratia utramque paginam faciat in opere regenerationis, nihilque absque ea vel cogitare vel exequi possimus; hoc non obstat tamen, quominus studium nostrum illi adjungere teneamur; imò ita arctè semper inter se connectuntur *Gratia Dei & Officium hominis*, ut nunquam divelli à se invicem possint aut debeant, *Qui creavit te sine te*, inquit August. *non te servabis sine te*. Fateor in primo conversionis momento, peccatorem mere passivè se habere, & nihil aliud posse quàm gratiæ vim vivificam recipere; sed in progressu ex mortuo vivens factus debet membra sua sistere arma justitiæ Deo, & ambulare in novitate vitæ Rom. 6. si Deus in eo operatur, debet cum eo & sub eo operari ut ejus *συνεργός* 2. Cor. 6. 1. si trahitur à Spiritu, debet currere per obedientiam Cant. 1. 9. si vocatur per Verbum, respondere debet per fidem: Quod Paulus citato loco Phil. 2. 13. clarissimè demonstrat, *Studium hominis cum efficacia Gratiae conjungens*, dum ita commendat necessitatem bonorum Operum adversus profanam Libertinorum securitatem, ut Gratiae virtutem adversus sacrilegam Phariseorum superbiam potenter asserat; Ne putarent Gratiâ Dei eos pigros & otiosos reddere debere, jubet operari salutem suam cum timore & tremore; Sed ne studium suum aliquam gloriandi in se ipsis materiam dare crederent, vult meminisse, nihil posse se sine ipso, Deum esse qui in ipsis operatur velle & perficere, ut si quid operantur, non sibi sed Deo insolidum acceptum ferant, & cum Paulo dicant 1. Cor. 15. 10. *Non ego, sed gratia Dei quæ mecum est*. Componi ergo ista debent ut subordinata, non opponi ut contraria. Atque hinc fit ut quæ Sanctificationem nostram describunt locutiones, illæ & gratiam Dei & officium nostrum exprimant, *Opus est quod debemus perficere* Phil. 2. 13. *Talentum* quod tenemur excolere Matt. 25. *Semen* quod fructificare debet Gal. 6. *Vita* quæ se in operationibus exerere tenetur Gal. 5. 24. Rom. 6. *Curriculum* quod absolvendum est Heb. 12. 1. & *Lumen* quod non extinguui, sed accendi magis ac magis, & prælucere debet Matt. 5. 10.

XXI. Quartò affertur Doctrina de *Electiōis immutabilitate & Salutis certitudine*, quasi iter ad Epicureismum & effrænem peccandi licentiam: Nam si immutabilis est Dei Electio, & certa fidelium salus, ut nunquam ab ea excidere queant; facilè videntur induci posse homi-



DISPUT.  
IV.

nes ad laxandas habenas carni, & genio indulgendum, hac spe freti, nihil ipsos, quicquid egerint, à gratia Dei separare posse, cum immutabilis sit Dei Electio. Sic *Remonstrantes* in Collat. Hagi. & in Actis & Scriptis Synodalibus Dordracenis conantur Orthodoxorum sententiam infamare, Pontificiorum hac in parte vestigia prementes. Sed non solum à Nostris responsum, falsissimam esse, quæ ex verissimo hoc dogmate elicitur consequentiam. Licet enim non diffiteamur, Profanos posse saluari istâ doctrinâ impiè abuti ad propriam suam perniciem; Negamus tamen veros fideles, quibus Mysterii istius natura perspecta est, in impiam istam cogitationem unquam devenire posse. Quippe sciunt diabolicum esse Sophisma, in quo opponuntur componenda, & perperam finis à mediis, & media à fine divelluntur; Certitudo nimir. Salutis, à Sanctificationis studio, quasi illa istud everteret vel relaxaret. Cum contra sit certissimum, *Finis infallibilitatem* & certitudinem non tollere, sed stabilire potius *Necessitatem & usum Mediorum*, & Deum qui nos ad salutem elegit, ut ad finem elegisse etiam ad fidem & sanctitatem, ut ad media Ephes. 1. 4. 2. Thess. 2. 13. 1. Pet. 1. 2. Ita ut qui media neglexerit, finem assequi non valeat: Unde iidem Sancti, qui certissime sibi spondent & constantiam in via, & fruitionem in patria, simul norunt hoc non præstari sine intermediis sanctimoniarum officiis, & oppositorum fugâ; Ideoque mediis illis non valedicunt, sed sedulò incumbunt. Quis Paulò certior unquam de salute fuit? Rom. 8. 37. 38. 2. Tim. 1. 12. & 4. 7. 8. Quis tamen eò diligentius sanctificationi incubuit, currendo, pugnando, & corpus macerando, ne dum aliis prædicat, ipse *adversarius* inveniat? 1. Cor. 19. 27. Phil. 3. 14. Ita fidelis, qui novit salutem sibi paratam esse & promissam, novit etiam non sine pietatis & bonorum operum praxi esse promissam; Ideo non separat quæ Deus conjunxit, & media sollicitè sequitur, quibus finem assequatur. Hic ergo distinguenda *securitas carnis*, quæ feriatur, & otio segni vitam amat fallere & *fiducia spiritus*, quæ studium pietatis nutrit & fovet; Ut in urbe alia est securitas hominum stupidorum, qui somno & vino sepulti stertunt, & incauti capiuntur: Alia vigilantium & excitatorum, qui excubias agunt, ne ex improvviso ab hoste expugnentur. Sic Spiritus certitudinem generat non otiosam, sed efficacem, quæ extra studium sanctitatis, & usum mediorum à Deo constitutorum non potest exire in actum. Unde qui *metum diffidentiae & desperationis* passim prohibet, ne dubitemus de certitudine salutis promissæ Luc. 12. 32. Isa. 43. 1. 2. Rom. 8. 15. Idem *timorem cautionis & sollicitudinis* seriò commendat, ne negligamus media à Deo nobis præscripta, Phil. 2. 12. Rom. 11. 20. Prov. 28. 14.

XXII. Atque hinc manum de tabula poneremus, nisi remoram  
nobis



nobis injiceret Author *Tractatus Gallici*, qui novissimè in lucem emissus DISPUT.  
IV. est Parisiis in 4. sub hoc Titulo, *Subversio Doctrinae moralis Christi ab Erroribus Calvinistarum circa Justificationem*; Ubi quia eandem calumniam magno molimine renovare satagit; Non erit, ut opinor, à propediè-  
ven ad maiorem veritatis elucidationem, paucis quæ hæc pertinent examini subicere. Scopus Authoris est Doctrinam nostram de *Perseverantiâ* & *inamissibilitate Justificationis* traducere, tanquam Pietati & Sanctificationi noxiam, & quæ quibuscumque peccatis & sceleribus viam aperiatur; Eoque potissimum nomine, quod statuamus maxima & turpissima scelera non obstat, quominus fideles, qui ea perpetrant, Filii Dei & Iusti semper maneant; Et cum in finem varia corradit, & detorquet Nostrorum loca, quibus intentum probet: Longum esset singula persequi, nec nostri nunc est instituti; sed ea tantum attingere animus est, quæ faciunt ad argumentum nostrum, quæ habentur lib. 11. cap. 8. & 9. Ubi suscipit probandum, dogma hoc nostrum enervare penitus studium pietatis, & necessitatem bonorum Operum tollere.

XXIII. Hoc verò ut probet, duo assumit à nobis recepta Dogmata; Prius de inseparabili nexu Fidei & Charitatis ac bonorum Operum. Posterius de Perseverantia Fidei, Virtutumque Christianarum, cum gravissimis sceleribus. Unde putat ideam Virtutis & Vitii ita confundi, ut utriusque ratio nulla amplius habenda sit, & sic Vitium Virtutis, & Virtus Vitii nomen obtineat, quod hac ratione conatur evincere pag. 187. *Fides vera*, inquit, *secundum Calvinistas est inseparabilis à virtutibus Christianis, & per consequens à Castitate, Patientiâ &c. At non raro contingit, ut fideles in adulteria varia & homicidia incidant, non amissa tamen fide: Ergo non amittunt etiam castitatem & patientiam adulteria & homicidia patrando; Atque ita sunt casti adulteri, & patientes homicide.* Quod ita horrendum ipsi videtur, ut vel propter hoc unum doctrina nostra ipsi, piisque omnibus meritò detestanda videatur. Verùm hæc omnia, quæ speciose, & magno verborum apparatu proponuntur, facile solvuntur, si sincerè & remotâ calumniâ Sententia Orthodoxa attenditur: Ex qua quippe constabit, verissimè ex Scriptura utrumque dogma asseri; Nec tamen nisi falsissimè, quam inde nectant consequentiam posse elici.

XXIV. Atque hic ante omnia observare licet, iniquissimè Nobiscum ab Authore agi. Quamvis enim istæ, quas ex doctrinâ nostrâ elicit consequentiæ, aliquâ cum veri specie possent ex eâ colligi, ut ipse arbitratur; Cum tamen non ignoret eas à Nobis, non modò non agnosci, sed constantissimè rejici tanquam impias & falsissimas, imò anathema illis denunciari, qui pestifera ejusmodi dogmata in Ecclesiam inducere sustinent: Cum etiam constet, nihil non à Nobis fieri ad commendandam modis



omnibus Sanctificationem, & in ipsa Praxi, non minus, imò longè majus deprehendatur Pietatis, & vitæ, prout fert humana fragilitas, inculpatæ Studium in Ecclesiis nostris, quàm apud eos, qui suam à libero Arbitrio suspendunt Perseverantiam, & continuæ trepidationi mentes subjiciunt; Quò tandem jure pertendit, Doctrinam nostram propterea, tanquam erroneam & pietati noxiam traduci posse? Quis nescit eum, qui dogma aliquod tuetur, non statim adoptare consequentias omnes, quæ ex eo vel verè vel falsò colligi possunt, nec nisi injustè posse illi tribui; maximè quum protestatur, se eas toto pectore averfari, & alienissimas esse à mente sua, sive ab ea quam profitetur fide? Ita si nihil aliud occurreret, ex hoc uno injustitia criminationis Adversarii jam satis pateret. Quòd si liberet recriminari, quàm potiori jure possemus Adversario reponere Theologiam Moralem, quæ apud Pontificios obtinet, quâ Pietatis & Sanctitatis Studium, non per consequentias, sed per ipsa dogmata, non tam relaxatur quadantenus, quàm penitus enervatur, & corrumpitur in variis Capitibus, & peccata etiam gravissima, non tam extenuantur, quàm approbantur, & licita redduntur, quod nemo sine horrore legere potest apud *Amadeum Guimenium*, *Apologiam Casuistarum*, & *Theologiam Moralem Jesuitarum*, & alia id genus Scripta, quæ vel Ecclesiæ totius sententiam referunt, vel præcipuorum ejus Doctorum, qui non modò in ejus sinu vivunt & tolerantur, sed & publicè & voce & scriptis, sub oculis ipsius Pontificis, eoque non improbante, pestifera ista dogmata docent & tuentur.

XXV. Verùm longè clariùs calumnia patebit, postquam visum fuerit, falsissimam esse, quam nectunt ex Sententiâ hâc nostrâ consequentiam, quæ nullis fidiculis ex eâ deduci possit. Credimus sanè fidelem semel justificatum, & in filiorum Dei numerum receptum, gratiâque regenerationis donatum, nunquam posse vel totaliter vel finaliter excidere à gratiâ, ut fiat mancipium Diaboli, qui antea fuit filius Dei, & exhæredetur in æternum, qui semel hæres Dei, & cohæres Christi factus est: Et quidni credamus, cum Scriptura tot invicta hujus Veritatis argumenta, & immota fidei fulcra suppeditet? Quid enim aliud clamant, Vel *Electionis immutabilitas* 2. Tim. 2.19. Matth. 24.24. Rom. 9.7. Vel *Meriti & Intercessionis Christi virtus* Joan. 17.20. Luc. 22.31. Rom. 8.32. Vel *Spiritûs Sancti nos obfignantis efficacia* Eph. 1.13. & 4.30. 2. Cor. 1.21. Vel *Fæderis gratiæ aternitas* Jer. 32.42. Isa. 59.21. Vel *Promissionum divinarum fidelitas* Joan. 10.28. 1. Cor. 1.8.9. & 10.13. Vel *Donorum salutarium immutabilitas*, quæ ut ἀμετάμελητα Rom. 11.29. non possunt à nobis auferri? Unde modò per *semen incorruptibile* 1. Pet. 1.23. quod semper manet in nobis 1. Joan. 3.9. modò per *vitam æternam*, quæ deficere non potest 1. Joan. 5.13. modò per *Aquam salientem*



*salientem in vitam eternam* Joan. 4. 14. modò per *Arborem*, quæ non mar-  
cescit Plal. 1. & 92. Jer. 17. modo per *Domum*, quæ non dejicitur Matt. 7.  
25. aliisque istiusmodi similitudinibus abumbrantur, quæ perpetuitatem  
eorum designant.

DISPUT.  
VI.

XXVI. Licet autem Fides justificans, & Gratia regenerans, per quas  
Fideles ex statu reatûs & mortis in adoptionis & salutis statum transferun-  
tur, sint inamissibiles; Non tamen statim ἀναμάρτητοι secum trahunt, ut  
omni peccato carere debeant, qui eas sunt consequuti: Imo, cum Opus  
regenerationis semper hîc sit imperfectum, & Carnem cum Spiritu collu-  
ctantem fideles perpetim sentiant; fit ut non modo in leviora peccata sub-  
reptionis, infirmitatis, & ignorantiz quotidie incidant; sed in atrociora pec-  
cata quandoque etiam prolabantur, quibus indignationem Dei paternam  
possunt incurrere Ps. 89. 31. reatum mortis contrahere Rom. 8. 13. & præ-  
sentem ad regnum cœlorum aptitudinem amittere Apoc. 21. 27. Nec ta-  
men propterea continuo, vel Jus ad Regnum Cœlorum semel datum re  
ipsa tollitur, Vel Adoptio abrogatur; Vel Semen regenerationis aufertur:  
Unde, quamvis fidelis eo modo peccans, si consideretur in se & in sensu  
diviso quæ *Peccator*, suo merito rectè dicatur damnandus; tamen in sensu  
composito, & quæ *Fidelis* & *Electus*, ex Dei Electione, & propter Chri-  
sti meritum est absolvendus: Ut verissimè dici possit impossibile esse v. g. ut  
David electus pereat; & impossibile esse pariter, ut David adulter & ho-  
micida, quo sensu fuit *Vir mortis*, id est reus mortis, si illum mors op-  
presserit impœnitentem, salvetur & non pereat; Interim quæ inter se aric-  
tare videntur, facilè sapientiâ Dei admirabili, & gratiosâ ipsius miseri-  
cordiâ conciliantur; dum salutem fidelium ita prospicit, ut nemo Electorum  
in eo statu moriatur, in quo à gloria cœlesti excludendus esset, sed per pœ-  
nitentiâ & fidei actum renovatum redintegretur, ut redeat prius in viam,  
quàm ad metam perducatur.

XXVII. Sivero quæras, Quomodo hæc inter se possint consistere;  
Ut justî reputentur coram Deo, qui in se ipsis æternæ mortis reatum  
contraxerunt, Et membra Christi maneant, qui fiunt membra Scotti.  
Facile est respondere, hæc κατ' ἄλλο καὶ ἄλλο optimè de eodem dici  
posse; Nam quid obstat, quominus ille, qui, in se spectatus, quoad pro-  
prium demeritum, reatum mortis peccando contraxit, & dignus est qui  
gratiâ Dei & salute privetur; Idem tamen in Christo consideratus & propter  
meritum ejus ipsi imputatum ex Dei consilio, justus reputetur apud  
Deum, & Jus ad vitam æternam semper obtineat? Reatus enim hujus  
vel illius peccati non statim abrogat statum personæ, Deo per Chri-  
stum reconciliare tantum facit eo loco esse, ut tolli possit, & nisi maturè  
subveniat, tollendus sit; potest quidem effectum, & sensum justificationis à  
fide



DISPUT. IV. fidei ad tempus auferre, ne pace fruatur apud Deum; Sed non potest justificationis statum dissolvere, vel actum æterni beneplaciti, quò nos in Christo gratos habuit, refigere, vel Jus ad Regnum cœleste semel collatum revocare, & rescindere; Quia non actionibus nostris, sed gratuita Patris dilectione, & nostrâ cum Christo conjunctione nititur; quæ cum sit immutabilis & æterna, æternum etiam & innotum necesse est illud esse: Sic peccare quidem possunt & graviter filii Dei, ut in indignationem paternam incurrant, minimè tamen ita eos peccare patietur Dei providentia & misericordia, ut orbentur patriâ, & Patre cœlesti: Pater quoties filio prodigo irascitur, toties illum non expungit ex filiorum numero, nec quum incipit severè castigare, desinit tamen sincerè amare Ps. 89. 31. Heb. 12. 6. Idem de nostrâ cum Christo unione dicere licet; Fideles quum peccant, se ipsos quantum in se est abscindunt à Christo, & desinunt esse demeritoriè membra Christi; Sed Christus tamen jus suum, quod tam magno pretio mercatus est, non amittit, vel vinculum spiritualis matrimonii patitur actu abrumpi. Possunt ergo jure ac proprietate manere membra Christi, qui ex abusu & tantum de facto fiunt membra meretricis.

XXVIII. Quod autem de Justificatione & Adoptione dicimus; Id ipsum etiam in Regeneratione locum habet, quæ non statim per quolibet hominis etiam grave peccatum deletur. Quia idem Spiritus, qui semen regenerationis cordibus renatorum infundit, illud perpetuò fovet & custodit, illique vim cœlestem & incorruptibilem imprimit ne deficiat. Unde inter dona ἀμεταμέλητα reponitur, & semper manere dicitur in fide-  
 1. Joan. 3. 8. li 1. Joann. 3. 8. Non nego quidem, posse semen hoc ad tempus in terrâ retineri, ne foras exeat, & folia fructusque producat, durante hyeme tentationis; sed vita semper latet in radice; Actus fidei poterit intermitteri, sed non habitus ipse excuti, ut ignis sub cineribus latens, qui etsi flammam non emittat, calorem tamen intus servat. Et ut vitæ hujus animalis idem non semper est tenor & vigor; sed sua nonnunquam patitur deliquia, quibus licet vis & sensus vitæ ad tempus intercludatur, ipsa tamen non statim extinguatur: Ita vita spiritualis in gravibus Sanctorum lapsibus sua habet deliquia, in quibus languet & præfocari videtur, sed non planè suffocatur tamen, vel extinguatur; sed per actus subsequentes fidei & pœnitentiæ instauratur, quotiescunque peccator ex tentatione eluctatur. Atque hic accuratè distinguenda sunt ista duo, *In Carne vivere, & secundum Carnem ambulare*; Peccare, & Peccatum facere, labi in peccatum, & in illud toto impetu se agere præcipitem; Ut aliud est labi in lutum, aliud, se in lutum projicere, & ibi cum voluptate volutari, quorum in altero consilium  
 vitæ,



vitæ, in altero casus; In hoc dura per fragilitatem nostram peccandi necessitas, in illo certa & destinata voluntas est. Prius bene de fidelibus dicitur; sed non posterius: Si enim peccant, nunquam pleno consensu & deliberata voluntate ac delectatione peccant, ut voluntas tota non nisi peccato addicta sit, ut sit in iis qui artem peccandi exercent, & qui cum voluptate totos se carni tradunt, & *על ידי רמה elatâ manu* peccare dicuntur, qui in Scriptura ideo *peccatores* καὶ ἑσχατοὶ vocantur; Sed semper reluctantia quardam & dolor vel præcedit, vel sequitur, ut vel non sine renisu committant lugenda, vel si tentationum æstu abrepti ad peccatum feruntur nimio cum impetu, lugeant postea commissa, & serio de illis dolore afficiantur.

DISPUT.  
IV.

XXIX. Atque hinc non difficulter colligitur, quo pacto Fides cum peccatis gravibus subsistere queat; scil. Quomodo *Contraria* in eodem subiecto stare possunt, sed in *gradu remisso*: Licet enim actus peccaminosi, dum sese exerunt in nobis, tollant revera actus justitiæ & fidei oppositos & habitus etiam ipsos non parum debilitent, non possunt tamen eos penitus evertere; vel impedire quominus in momentis subsequen- tibus per Spiritûs eum excitantis gratiam in actum exeant, quemadmodum in continua inter Carnem & Spiritum pugna: dum Spiritus prævalet in peculiari aliquo actu; Non statim propterea Caro penitus destruitur: Sic dum Caro victrix manet in aliqua tentatione, non illico Spiritum ejusque dona extinguit vel excutit. Possunt ergo Fides & Charitas manere in fidelibus etiam peccantibus; Sed quoad actum primum, non secundum; Quoad semen & radicem, non quoad fructum; Quoad habitum, non quoad operationes & exercitium. Nec propterea, quod Author falsò pertendit, dici debet fidelis adulterium vel homicidium patrans castus adulter, vel mitis homicida; quia gemini isti effectus geminum supponunt à quo oriuntur principium, Spiritum à quo opera fidei & charitatis manant; Et Carnem à qua peccata; Unde si adulterium vel homicidium patrat, non hoc operatur, quâ Spiritualis, sed quâ Carnalis: Hoc tantum bene poterit inde colligi, donum castitatis & mansuetudinis, quod per regenerationem obtinuit fidelis, non ita perfectum esse, ut excludat penitus vitia opposita, atque adco, eo non obstante, manere semper in eo cum Carne fomitem concupiscentiæ, qui sese non rarò variis in actibus exerit, tum quoad *ἡδονὰς*, tum quoad *ἐπιθυμίας*; licet nec penitus habitus & dona Spiritûs extinguat, nec finaliter illa excutiat, quia tandem fidelis, per Spiritum facta corporis paulatim mortificando, & de his & de aliis peccatis id genus plenam victoriam reportat & *ὑπερνικᾷ* Roman. 8. 37. Plura possent addi ad veritatis istius confirmationem; sed hæc hæcenus sufficere possunt ad demonstrandum quod intendimus,



DISPUT. mus, in Doctrina nostra nihil esse quod Operum necessitatem, & studium Pictatis tollat vel relaxet; Nihil esse contra, quod illud efficacissimè non commendet.

IV.

F I N I S.

DISPUT.  
V.

DISPUTATIO THEOLOGICA

D E

# TRIBUS TESTIBUS COELESTIBUS.

Ex I. JOAN. 5. 7.

Respondente BENEDICTO PICTETO Genevensi.

I.



UM hac sit fides Catholica, teste Athanasio, ut unum Deum in Trinitate, & Trinitatem in Unitate veneremur, & augustum hoc Mysterium rationi inaccessum, & multorum hæreticorum veterum & recentiorum blasphemias impetum, præcipuum Religionis Christianæ constituat fundamentum; In id potissimum mens pia debet incumbere, ut de Veritate ejus in Verbo proposita magis ac magis persuadeatur; & si τὸ πᾶν non potest assequi, quod Creaturis negatum est, τὸ ὅτι tamen firmiter & inconcussè teneat.

II. Cùm verò ex omnibus, quæ hoc docent mysterium Scripturæ Oraculis, nullum luculentius sit & illustrius celebri Joannis loco, ubi tres Testes Cœlestes testantes inducit, quem propterea Orthodoxi semper tanquam palmarium hæreticis opposuerunt, & in cujus detorsione etiam Adversarii omnem suam industriam & ingenii acumen collocarunt, ut ejus vim quacunquē tandem ratione eluderent: Non ingrati & inutiles Studiosis nos facturos rem sumus arbitrati, si paulò accuratius hac Academicæ velitatione in ejus sensum inquiramus, & veritatem Sacrosancti illius Myserii adversus impias impurorum hæreticorum strophas vindicemus.

III. Verba Joannis sunt 1. Ep. Cap. 5. v. 7. τῶν τρεῶν μαρτύρων



ειμαρτυροῦντες ἐν ἑαυτοῖς, ὁ Πατήρ, ὁ Λόγος, καὶ τὸ Πνεῦμα ἅγιον, καὶ οἱ τρεῖς ἐν εἰσι, *Tres enim sunt qui testantur in Cælo, Pater, Sermo, & Spiritus S. Et hi tres unum sunt.* Scopus Apostoli est confirmare fidem Evangelii de Divinitate Christi, & Officio ejus Mediatorio. Cujus à principio Capitis salutares fructus & effectus notaverat, quales sunt 1. *Spirituallis regeneratio & Dei ac proximi dilectio* ψ. 1. *Omnis qui credit quod Jesus est Christus, ex Deo genitus est, & omnis qui diligit eum qui genuit, diligit etiam eum qui genitus est ab eo.* 2. *Mandatorum divinatorum observatio.* ψ. 2. 3. *Victoria de mundo* ψ. 4. 5. *Quoniam quicquid natum est ex Deo vincit mundum, & hac est victoria que vicit mundum, nempe fides nostra. Quis est qui vincit mundum, nisi qui credit Jesum esse Dei Filium?* Quia vero plurimum intererat ejus certitudinem in animis nostris confirmare, ostendit fidem istam fulcrum habere innotum in multiplici testimonio, quod Deus illi perhiberi voluit, tum in Cælo, tum in Terra, quod invictè persuadere nos debet, Christum Dominum esse verum & æternum Dei Filium à Patre genitum, Redemptorem nostrum. Hoc autem Testimonium ita tractat, ut primo in genere de eo agat ψ. 6. quum ait *Spiritus testari, quod Spiritus est veritas*, id. Spiritum in cordibus nostris obsignare, quod *Spiritus* id. doctrina Evangelii de Christo ejusque beneficiis, quæ nomine *Spiritus* venit 2. Cor. 3. 6. sit verissima. Deinde in specie & distinctè de utrisque loquatur, & primo de cœlestibus ψ. 7. postea de terrestribus ψ. 8. atque ita fidem nostram tutissimè in Christo solo quiescere doceat, cui non duo tantum, ut in Lege requirebatur ad rei alicui fidem faciendam, sed longè plures omni exceptione majores, Tres putà in cælo, & Tres in terra testimonium reddunt.

IV. Quia vero Adversarii, ut facilius se ab Argumento, quod hinc necimus ad probationem Trinitatis, expediant, solent obijcere, locum esse supposititium & adulterinum, qui à Nostreis sit insertus, nequaquam vero à Joanne perscriptus; Unde Socinus Cominen. in h. l. expressè innuit verba ista adulterina esse & ab hominibus, qui suum dogma de Trino & Uno Deo quacunque ratione defendere ac propagare voluerunt, in hunc locum infarta: Cui succinunt Eusebius in explicatione locorum, Smalzius contra Schopperum de Trini. Volkell. & alii. Canonica Oraculi istius autoritas est primo asserenda; Eo vel magis quod nonnulli etiam ex Pontificiis ut Cajetanus, Erasmus, & alii de loco isto ut dubio & suspecto loquantur, idque quia in variis Græcis Codicibus non invenitur, & in quamplurimis Latinis desideratur; Nec habetur in Textu Syriaco, Arabico, Æthiopico, illiusque Patres varii, Augustinus, Hilarius, Chrysostomus, Cyrillus, Nazianzenus, quum maximè illis adversus Arianos usui esse poterat, non meminerunt. Verum multa sunt, quæ loci istius auctoritas evincunt.



DISPUT.  
V.

V. Primo *fides probatissimorum & antiquissimorum Exemplarium*, quæ hîc pro nobis apertè militant. *Hieronymus*, qui ex testimonio Augustini fuit Vir doctissimus, & trium linguarum peritissimus, qui & omnia ferè ante illum Scripta Ecclesiastica legit, in prologo in Epist. Cano. ad Eusebium, refert, Codices omnes græcos suo tempore versum hunc habuisse, & hunc de Unitate Trinitatis locum ab infidelibus Latinis Interpretibus omis- sum queritur. Erasmus fatetur extare in Codice Britannico vetustissimo, qui tantæ fuit apud ipsum authoritatis, ut versiculum istum in prioribus Editionibus omissum, in posterioribus accuratissimâ curâ, ut ipse scribit recognitis, restitueret. Laudatissimæ Editiones Complutensis, Regia Antverpiensis, Ariæ Montani, Rob. Stephani, Eliæ Hutteri, Valtoni, quæ probatissimis & vetustissimis Codicibus usæ sunt, retinent. Unde si in quibusdam desideratur, hoc fraudi & dolo malo Arianorum adscriben- dum est, qui textum hunc eraserunt, quia punctum transfigebat eorum hæ- resim, ut Hieronymus testatur. Secundò *Textus ipsius connexio*, nam nisi admittatur hic versus, nullus erit sensus verborum sequentium; Et *tres sunt qui testificantur in terra*, quæ manifestè supponunt, Tres alios Te- stes præcessisse, qui non erant ex Terra, quod confirmatur ex v. 9. ubi divini & humani testimonii fit mentio, *Si testimonium hominum accipi- mus, Testimonium Dei maius est*; An non verò hæc collatio supponit Dei testimonium æquè ac hominum? Tertiò *Patres* versum hunc retinent & laudant, *Cyprianus* lib. de Unit. Eccles. dicit, *Dominus, Ego & Pater unum sumus, & iterum de Patre & Filio & Spiritu S. scriptum est, Et hi tres unum sunt*. Athana. Disputatione contra Arium in Synodo Nicæna privatim habita, & lib. 1. ad Theophil. *Idacius* adversus Varimandum, *Fulgentius* in responsione ad objecta Arianorum &c. Quartò *fidei analo- gia & locorum parallelorum* collatio, quæ confirmant quod hîc dicitur, tum de testimonio, tum de unitate trium istorum Testium Joan. 5. 36. 37. & 8. 17. 18. & 10. 36. 37. & 15. 26. 27. & 16. 13. 14. 15. Quintò, cum hic versus vel ab Arianis sublatus fuerit, vel ab Orthodoxis additus, prius illud multò probabilius est, siue enim *casui* hoc est adscribendum, pro- clivius fuit in describendo aliquid omittere, quàm integram pericopen textui inserere, siue *dolo*, credibile est, hujus reos fuisse Arianos potius quàm Orthodoxos, tum quia sæpius hac in parte patefacta est fraus hæreti- corum, & Arianorum imprimis, qui alia Scripturæ loca mutilârunt, ut no- tat Ambrosius de fide 5. 7. & de Spiritu Sancto 3. 11. Tum quia è re ipsorum magis erat locum hunc eradere, quàm Orthodoxis illum addere, quia si ge- nuinus fuit, ex eo illorum hæresis prorsus evertebatur; Si verò suppositicius, non inde periclitabatur doctrina Orthodoxorum circa Trinitatem, quæ ex alijs Scripturæ locis luculenter probatur. Unde omnino verisimile est hoc



hoc ab Arianis factum; ut Socrates observat histo. Eccles. lib. 7. cap. 32. & Tripar. 12 veteres interpretes significasse, quosdam fuisse, qui Epistolam hanc primam Joan. depravarunt, quò in Christo hominem à Deo separarent. Nec hoc difficile fuit Arianis, dum Imperatores erant Ariani, & Episcopi, pullis Orthodoxis, totum penè orbem occupabant.

VI. Hic verò nec *Codicum varietas* opponi debet, quia longè plures & probatiores retinent, quàm omittunt: Nec *Versionum* Syriacæ, Arabicæ, Æthiopicæ *authoritas*, quia fontibus æquiparari non debent, & satis constat eas esse recentiores. Nec *pratermissa Veterum citatio*, quia hoc potest tantum innuere in Codicibus Græcis & Latinis, quibus usi sunt, locum defuisse; sed nulla veritatis specie potest colligi esse ὑποβελιμῶν, cùm vel Librariorum negligentia omitti, vel Arianorum malitia eradi potuerit. Nec *Contextus ipsius series*, qui Testium quidem terrestrium, aquæ, sanguinis, & Spiritus, de quibus loquutus fuerat v. 6. descriptionem postulabat, non verò cœlestium qui huc non pertinebant; Nam ex copula quæ v. 8. additur, οὐχ ἑνὶ ad Testes cœlestes jam probavimus. Et cùm ageretur de confirmatione primarii fundamenti Religionis Christianæ, imò totius Evangelii, non potuit nec debuit omitti summum illud & irrefragabile Testimonium, quod singulæ Trinitatis Personæ ad fidei nostræ fulcimentum protulerunt.

VII. Asserta verò loci istius Authoritate Canonica, Verborum sensus jam venit enucleandus, ubi tria expendenda sunt, *Testium* istorum *Natura*, *Operatio*, & *Unitas*. *Natura* quoniam sint ostendet, *Pater* scilicet *Sermo* & *Spiritus S.* *Operatio* quid faciant docebit, nimir. quòd *testentur* in cœlo, & *Unitas* consensum ἐμυσείας probabit, quòd *sint unum*. Quoad prius; ut in Testimonio non tantum *quid* dicatur, sed etiam vel maxime *quis* dicat, attendi solet & debet. Ita Joannes designat eos nomine *Patris*, *Sermonis*, & *Spiritus Sancti*. quibus Tres Personas Sacrosanctæ Trinitatis intelligendas esse omnes Orthodoxi unanimi consensu fatentur, quæ subsistendi quidem modis distinctæ, sed essentia ratione unus sint & æternus verus Deus. *Pater*, qui primam personam notat, non sumitur ὡς ἰσθὺς relatè ad Creaturas, quo sensu ad totam Trinitatem pertinet, & sæpe usurpatur in Scriptura. quando Deus dicitur Pater omnium Creaturarum tum rationalium tum irrationalium Job. 38. 28. Mal. 2. 10. Sed ὡς ἀγαπῶν pro prima Trinitatis Personâ, quæ ex se Filium suum ab æterno ineffabili ratione genuit sibi coæternum & coessentialem; De qua, quia nulla lis nobis movetur ab Adversariis, plura non addimus, ut de secunda Persona, quæ hic per Ἀγίον describitur, & de qua controversitur inter nos & ipsos, dicamus.

VIII. Vox Ἀγίον peculiari ratione à Joanne videtur selecta ad,  
designan-



designandum Filium Dei; unde sæpius eam usurpat potissimum in ipso Evangelii initio c. 1. 1. 2. *ἐν ἀρχῇ ἦν ὁ Λόγος.* *In principio erat Sermo &c.* Et v. 14. *Et Sermo caro factus est.* Sic c. 1. v. 1. Epist. 1. *Quod erat à principio, quod audivimus, quod vidimus* *πῆρ' ἡμῶν ὁ Λόγος τῆς ζωῆς de Verbo vi-* Et Apoc. 19. 13. dicit nomen Filii Dei, qui ipsi apparuerat esse, *ὁ Λόγος* *τῆς Θεῆς. Sermo Dei.* Nec apud Joannem solum vox ista occurrit, sed & apud alios quamvis rariùs, eò enim omnino respicit Lucas cap. 1. 2. *quem-* *admodum tradiderunt nobis, qui à principio spectatores & Ministri facti sunt* *τῷ Λόγῳ.* Paulus non obscurè eò alludere videtur Act. 20. 32. quum commendat Pastores Ephesinos *Deo & Sermoni gratia ipsius*, quod de Evangelio minus commodè diceretur; At de Dei Filio commodissimè; Et Hebr. 4. 12. ubi *vivum esse Sermonem Dei* docet, & *penetrantiorē quovis gladio* *incipiti*, &c. quamvis enim hoc vulgò nec malè de Verbo Dei externo intelligi possit; tamen quæ adduntur v. 13. *nullam Creaturam esse, quæ con-* *spiciat non sit coram eo*, ostendunt in Christo demum perfectè impleri, ad cuius descriptionem postea v. seq. descendit. Nec in Novo Testamento demum hæc appellatio locum habuit; sed jam sub V. T. obtinuit, à quo Apostoli potuerunt illam haurire, hinc Plal. 33. 6. *Verbo Jehova Celi di-* *cuntur facti*, non tantum externo & *πρὸς τὸν κόσμον* mandati, sed Verbo essentiali & personali, quò omnia condita esse Joannes testatur; & Hag. 2. 5. *Ego sum vobiscum, inquit Jehova, Verbum, quod pepigi vobiscum, & Spiri-* *tus meus stat in medio vestri, ne timeatis;* ubi tres Personæ notantur: Prima, quæ nomine Jehovæ designatur, Secunda, quæ per Verbum, per quod Deus fœdus cum populo pepigit, & alibi Angelus fœderis vocatur, Et Tertia per Spiritum, qui in ipsis habitabat. Atque hinc factum, ut Chaldeus Paraphrastes multis in locis, quæ de Messia loquuntur, pro Jehovæ nomine *מֵשִׁיחַ* id. *λόγος* substituerit, ut observat Galatinus lib. 3. c. 4. & 5. Ut valdè verisimile sit Joannem eò respexisse, & voluisse Filium Dei designare ab ipso initio Evangelii nomine *Λόγος*, respondente usitatæ illi voci Chaldaicæ *מֵשִׁיחַ*, quæ Deus designabatur, ut jam eo ipso demonstraret contra Ebionem & Cerinthum verum esse & æternum cum Patre Deum.

IX Si jam de ratione nominis istius quærat, variae sunt Doctorum sententiæ, quas persequi nostri non est instituti; convenientissima videatur ea, quæ petitur ex usu vocis *λόγος*; *λόγος* enim propriè *sermo* est seu oratio, quæ ore profertur, & vocari solet sermo *προφορικὸς*, & per metaphoram ad animum refertur, & modò *cogitationem* notat, quæ est tacita quasi mentis oratio, & dicitur *λόγος ἐνδιωμένος*; modò ipsam *rationem* seu cogitandi facultatem, quo sensu Aristoteles distinguit inter τὸν ἔξω & τὸν ἔσω λόγον. Ut verò in Deo Verbum duplex possumus distinguere, Aliud *ὑσιώδης*, seu *essentiale*, aliud *ἐπυσώδης*, seu *accidentale*, quod concipitur ad modum qualita-



tis in Deo: De utroque significatio gemina τὸ λόγος potest commodè usurpari. Nam si de verbo accidentali loquimur, aliud est *internum mentis*, quod nihil aliud est quàm ipsius *Decretum*, quod sæpe per λόγος exprimitur; aliud *externum oris*, quod est ipsius decreti seu voluntatis Divinæ declaratio in Verbo proposita. Sic *Verbum essentielle*, Filius Dei duplici de causa potest dici λόγος, 1. ratione *Personæ* & modi subsistendi, quia est Sapientia Patris æterna, 2. ratione *Officii*, quia est Internuncius Patris, voluntatem ejus nobis declarans, quod utrumque Joannes innuit. Prius, quando dicit λόγος fuisse apud Deum, & fuisse Deum ψ. 1. Posterior, quum addit eum Deum nobis revelasse ψ. 18. Dico *ratione Personæ*, λόγος internus & mentalis est, qui genitus est ab æterno à Patre, & illi est simillimus, ut ratio à mente emanat, & illam refert, quod Nazianz. Orat. 2. de Filio, quæ est 4. de Theol. observat. *Videtur mihi λόγος dici, quia se ita habet ad Patrem λόγος, ut sermo ad mentem, non modo propter generationem passionis expertem, sed etiam propter conjunctionem & vim enuntiandi, quia est imago & character Patris qui genuit, qui totum in se ipso Patrem exhibet, ut sermo mentis cogitationem totam repræsentat &c.* Atque ita Filius κατὰ τὸ εἶδος dicitur λόγος 1. *ratione principii*, propter Filii à Patre generationem, ut sermo à mente gignitur. 2. *ratione modi* propter æternam sine passione & alteratione à Patre emanationem, ut sermo à mente naturâ emanat. 3. *ratione representationis*, quia perfectissimè exhibet nobis Patrem, ut sermo mentem. 4. *ratione conjunctionis*, quia ut mens non est sine verbo; Ita nec Pater sine Filio; Quamvis fatendum sit hæc longissimè subsistere infra tanti mysterii Majestatem.

X. Secundò dicitur λόγος κατὰ τὸ ἔξω, *ratione Officii & proprietatis personalis* in operando. Quia ut Pater operatur per modum Consilii & Decreti interni, Spiritus S. per modum Virtutis exequentis. Ita Filius per modum Sapientiæ & Verbi declarantis, tum in ordine naturæ per Providentiam generalem, tum præcipuè in ordine gratiæ ratione Officii Mediatorii, in quo quemadmodum sermo mentem & cogitationem internam repræsentat; Ita Christus est Interpres voluntatis Patris, qui nobis Patrem declarat Jo. 1. 18. & per quem Pater nos alloquitur Heb. 1. 1. Atque ea de causa non ita propriè λόγος redderetur per Rationem seu cogitationem simpliciter; Vel per Orationem tantum, quia in istis vocibus una tantum χεῖρα exprimitur, sed longè commodius per *Verbum* seu per *Sermonem*, (Nam verbum & sermonem hic non differre censem, quicquid Bellarm. & alii sentiant) quia uterque respectus includitur, nam *Verbum internum & mentale* refertur ad Personam, *Verbum verò externum & orale* ad Officiū.

XI. Quamvis verò duæ istæ χεῖρες in λόγος nomenclatione concurrant, fatendum tamen secundariam tantum & minis præcipuam esse eam,



eam, quæ petitur à *Munere Christi*, primariam verò desumi ab ipsius *Λόγῳ* personalitate & generatione. Quod observandum contra Socinum ejusque asseclas impios, qui volunt *Λόγον* dici tantum ratione *muneris* *Prophetici*, quia Christus homo is fuit, per quem primum Deus perfectissimam voluntatem suam nobis declaravit, ut habet *Volkellius* lib. 3. cap. 3. & lib. 5. cap. 10. Nam si Christus ideo tantum diceretur *Λόγος*, quia fuit voluntatis divinæ apud homines Interpres, posset idem nomen etiam Mosis & aliis Prophetis suo modo tribui, quorum opera Deus usus est ad voluntatem suam hominibus revelandam, quod tamen nusquam fieri videmus: Imò nomen hoc velut proprium & incommunicabile cæteris semper ipsi tribuitur. Deinde cum juxta Socinum munere hoc Prophetico Christus non cœperit defungi nisi post nativitatem suam, imò & post baptismum; Nomen hoc illi tantumtribuendum esset ab eo tempore; Cum tamen Joannes jam ab ipso mundi principio *Λόγος* fuisse declaret Joan. 1. 1. *In principio erat Sermo*. Nam quod hæreticus hoc ad Principium Evangelii, & novam Creationem referre vult, pluribus rationibus gravissimis refelli potest, 1. Quia vox *principii* absolute posita in Scriptura sine ulla limitatione, quoties de tempore agitur, initium temporis seu mundi notat, nisi sit aliquid quod indicet eam *κατὰ τὸ* intelligendam esse, quod hic non occurrit. 2. Creatio illa hic intelligitur, per quam omnia sine exceptione facta sunt, & ipse mundus, qui Christum non cognovit *ψ.* 3. & 10. quod de prima tantum, non de secunda Creatione dici potest. 3. Manifestum est Joannem hic alludere ad historiam Creationis à Mose relatam Gen. 1. Itaque Sermo de quo loquitur, non alius est, quàm ille ipse per quem Deus dicitur omnia condidisse; Aliàs si alium aliquem sermonem designare voluisset, cur Sermonis voce uti voluit, & nihil addidit ad tollendam æquivocationem, quæ in errorem manifestum potuit inducere Lectorem, ut crederet Hominem Jesum, qui dicitur Sermo, jam fuisse in principio mundi, & omnia condidisse? 4. Quoties Scriptura de nova Creatione agit, toties aliquam restrictionem adhibet, ex qua facile colligitur, ut 2. Cor. 5. 17. *nova Creatura* dicitur, & Eph. 2. 10. *creari* dicimur *in Christo*; At hic nihil tale. 5. Si Joanni propositum fuisset agere de Christo Homine, debuisset statim ab initio referre ejus nativitatem, de qua agit tantum *ψ.* 14. quum ait *Sermonem hunc Carnem factum esse*: Sed clarum est scopum Joannis fuisse describere Personam Christi, partim ab eo quod per Incarnationem factus est; Unde quod ad prius usurpat Verbum substantivum *ἦν* *Erat*, quod existentiam præcedentem notat: At quoad posterius utitur verbo *ἐγένετο*. Quare verò Joannes quum de Sermonem loquitur, verbum *ἦν* octies usurpavit, *ἐγένετο* nunquam; At quum de Incarnatione loquitur,



quitur non dicit *ἦν*, sed *ἔγενετο*? Nimirum quia Caro est res facta, Sermo *DISPUT.*  
non item; Sermo est Deus, Lux, Vita; &c. naturâ suâ & semper: At *V.*  
Caro factus est tantum in plenitudine temporum. Ex quibus ne plura jam ad-  
damus, quæ nos ab instituto longius abducerent, patet Christum Sermo-  
nem dici, non ratione muneris tantum Prophetici, quod vellet Soci-  
nus, sed etiam & quidem præcipuè ratione Personæ & generationis  
æternæ.

XII. Tertius Testis est *Spiritus S.* Tertia nimirum Sacrosanctæ Tri- *3. Testis*  
nitatis Persona, Cui nomen *Spiritus* tribuitur non *ἐκείδως* & absolute, *Spiritus*  
quomodo Deus dicitur Spiritus Joan. 4. quia est essentia spiritualis & in- *Sanctus.*  
corporea; sed *ὑποστατικῶς* & relatè ad Patrem & Filium, ratione *modi*  
*subsistendi*, quia à Patre & Filio per spirationem procedit; qui peculiari  
ratione, partim expressâ, *Spiritus Dei* Gen. 1. 2. & *Spiritus Sanctus*  
*Dei* Ps. 51. 12. Eph. 4. 20. partim suppressâ, *Spiritus* Johan. 3. 5. 6. &  
*Spiritus Sanctus* dicitur Matth. 1. 18. *Sanctus* non modò in se formaliter  
sanctissimus, sed & efficienter in nobis, quia omnis Sanctitatis est author,  
cui singulariter & per appropriationem opus *Sanctificationis* tribuitur in  
Oeconomia salutis, ut Patri Electio, & Filio Redemptio vindicatur. Fa-  
teor aliquando Spiritum pro donis ejus sumi; sed quia hîc in eodem ordine  
cum Patre & Verbo locatur, non accidentaliter & qualitativè, sed *persona-*  
*liter* debet intelligi.

XIII. Ut verò Tres istæ Personæ triplicem obtinent in negotio salutis  
operationis modum; Ita peculiari ratione Triplex Testimonium illis assi-  
gnatur *τρεῖς εἰσὶν οἱ μαρτυροῦντες ἐν οὐρανῷ*, *Tres sunt qui testantur in Cælo*,  
*Pater, Sermo, & Spiritus Sanctus.* Deus qui se nunquam *ἀμαρτυροῦν* reli-  
quit in natura Act. 14. 17. multò minùs in gratia *ἀμαρτυροῦν* esse voluit. *Act. 14. 17.*  
Et licet Verbum ejus per se *αὐτεπίσταν* nullâ egeat in se confirmatione, ut  
tamen infirmitati nostræ & fragilitati se accommodaret, illi voluit fidem  
indubitata facere Testimonio multiplici; ut si ex Lege in ore duorum  
vel trium Testium omne verbum confirmatur; De veritate Evangelii,  
cui tot Testes divini omni exceptione majores fidem faciunt, nullus du-  
bitandi locus superesse possit aut debeat. Dicuntur *testari in Cælo*, tum  
ut innuatur, eos non terrenos, sed cœlestes esse, tum ut indicetur cœ-  
litus hoc testimonium ab ipsis perhiberi. Testimonium autem illud cœ-  
leste potest spectari, vel conjunctim, vel seorsim. Aliquando Pater,  
Sermo, & Spiritus S. simul testantur; Ut in Christi Baptismo, ubi Pa-  
ter de cœlo loquitur, Filius è Jordane ascendit baptizatus, & Spiritus  
S. de cœlo descendit, & super Filium quiescit, Pater auditur in  
voce, Filius manifestatur in homine, Spiritus S. cognoscitur in co-  
lumba, quod testimonium tanti fecit *Augustinus*, ut negantes Trinita-  
tem,



DISPUT.  
V.

tem, ad Christi baptismum solet ablegare, *Abi Ariane, ad Jordanem, & videbis Trinitatem*, Ita in Transfiguratione Tres isti Testes Christo testimonium perhibent, *Pater* voce cœlitus edita, *hic est Filius meus dilectus, in quo mihi complacitum est, hunc audite*, quam vocem cœlitus emissam fuisse à magnifica gloria testatur Petrus cap. 1. 2. v. 17. *Filius* per transfigurationem, in qua divinam Majestatem exhibuit, cuius *æquales* fuerunt Apostoli ibid. v. 16. Et *Spiritus S.* loquens in Mose & Eliâ de ejus morte. Eo etiam pertinet baptismus fidelium à Christo institutum, in quo Pater, Filius, & Spiritus S. in quorum nomine baptizamur, eandem veritatem confirmant; Ideo enim Sacramentum hoc in Nomine S. Trinitatis administratur, ut mysteria Evangelica, & gratia salutaris in Christo nobis obfignentur.

XIV. Veritas autem Triplicis istius Testimonii pendet ex Triplicis operationis ad Redemptionem nostram necessitate, quæ tribus S. S. Trinitatis Personis competere distinctè debuit. Nam ut salus primo debuit destinari, Secundo destinata acquiri, Tertio acquisita applicari. Ita *Destinatio* ejus, ut primus actus Redemptionis, *Patri*, qui prima est Persona, tribuitur, *Acquisitio*, qui secundus fuit, pertinuit ad *Christum* Mediatorem, qui secunda, Et  *Applicatio*, qui postremus est, ad tertiam Personam, *Spiritum* scilicet sanctificantem. Pater *de nobis* statuendo, Filius *pro nobis* satisfaciendo, Et Spiritus *in nobis* operando. Hinc triplici illa operatione testantur tres illi Testes, Pater *missione Filii* in Mundum pro nobis, Filius *incarnatione* sua & passione moriendo pro nobis, & Spiritus S. *vocatione efficaci & regeneratione* operando in nobis, Pater mittendo Filium testatur se illum dedisse in Redemptorem nostrum, qui peccata nostra deleret & nos sibi reconciliaret. Filius carnem nostram assumendo, testatur se esse Vadem & Caput nostrum, qui factus est nobis similis, ut esset *homo* noster, & pacem per sanguinem faceret. Et Spiritus S. gratiam Patris & meritum Filii nobis applicando, testatur de utriusque veritate & certitudine, ut dubitare non possimus, quin salus à tribus istis divinis Personis nobis dispensata, confirmatissima sit & absoluta omnibus numeris. Hic porro trium istorum divinorum Testium concursus eo pertinet, ut sibi invicem respondeant, tum in testando, tum in operando, nec latior sit peripheria operationis unius præ alio in salutis negotio; sed idem objectum sibi proponant, & eundem scopum respiciant, ut nemini destinetur à Patre salus, cui non acquiratur à Filio, neminique acquiratur à Filio, cui non applicetur à Spiritu S. & vicissim quoscunque sanctificat Spiritus, ii & à Christo sint redempti, & à Patre electi.

XV. Verum ut distinctè de triplici isto Testimonio dicamus, Primo videndum *quid* Testentur. Secundo *quomodo*? Et ad Testimonii substantiam quod attinet, Joannes satis apertè eam designavit

Quid &  
Quomodo  
Pater teste-  
tur.



vit in versibus præcedentibus 5. & 6. & clariùs adhuc describet in sequen- Disput.  
 tibus 7. 10. & 11. quum illud refert, partim ad *Mysterium Divinitatis* V.  
 Christi, ut credamus illum esse Filium Dei verum, & æternum cum Pa-  
 tre Deum, 7. 5. *Quis vincit mundum, nisi qui credit Jesum esse Filium Dei?*  
 partim ad *Mysterium Redemptionis*, ut persuasum habeamus illum esse ve-  
 rum Messiam prædictum in V. T. qui debuit servare populum suum à pec-  
 catis suis; Utrumque enim ab hæreticis, quos hic oppugnat Joannes, ne-  
 gabatur. Ideo dicit 7. 6. *Hunc esse qui venit per aquam & sanguinem*, nim.  
 ad plenam purgationem peccatorum faciendam, *per sanguinem* ad reatus  
 ablationem, *per aquam* ad maculæ abluionem, per meritum sanguinis ad  
 justificationem, & per efficaciam Spiritus ad sanctificationem. Nec aliò  
 respicit quod addit 7. 11. *Hoc esse testimonium Dei, quod Deus dederit nobis*  
*vitam, & quod hæc vita sit in Filio ejus.* Nimirum ut doceat Dei charita-  
 tem erga nos in eo patefactam esse, quod nobis, electis scil. & fidelibus,  
 nec enim aliis vitam largitur, vitam dare voluerit, & non alibi quàm in  
 Christo vitam istam locaverit, ut sic re ipsa agnoscat unicus & perfectus  
 Ecclesiæ Redemptor, extra quem nulla vel sperari, vel haberi potest salus.  
 Hæc est lumina Evangelii, quæ nobis credenda proponitur, & cui, ad  
 plenè firmandam fidem nostram, ne ulla dubitandi causa supersit, tam irre-  
 fragabile testimonium perhiberi voluit & in cælo & in terra. Quomodo au-  
 tem Testimonium istud Christo à Testibus istis cœlestibus sit redditum, si  
 quæritur, Non difficile est respondere, factum id bifariam, & *verbo* &  
*opere*. Et ad Patrem quidem quod spectat, non semel inducitur testans de  
 Christo Jo. 5. 37. *Qui misit me Pater, ipse de me testimonium perhibuit*, & Jo. 7. 5. 37.  
 8. 10. *Testimonium perhibet de me qui misit me Pater, quod fecit, Tum Verbo, & 8. 18.*  
 partim immediatè, voce cœlitus audità non semel Matth. 3. 17. & 17. 5. Jo.  
 12. 28. partim *mediate* per Oracula Prophetarum, & V. T. scripta quæ de  
 Christo testabantur Jo. 5. 46. Act. 10. 43. & per Joan. Baptistæ testimonium,  
 Jo. 1. 6. 7. *Fuit homo missus à Deo, cui nomen Johannes, Hic venit ut testi-*  
*monium perhiberet de lumine &c.* Tum *Opere* per opera illa varia, quæ in  
 gratiam Christi fecit, imò quæ per Christum ipsum & in Christo præstitit  
 Jo. 14. 10. *Pater in me manens ipse facit opera*; Cur enim virtutem suam & Jo. 14. 10.  
 gloriam Christo dedisset ad patranda tot tantaque miracula, nisi ut divini-  
 tatem vocationis ejus confirmaret, & quodam veluti sigillo appposito obli-  
 gnaret Jo. 6. 30. Sed magnum & admirabile opus Patris, quo de Christo &  
 ejus Evangelio testatus est, fuit procul dubio *Nissio* ejus in mundum, quæ  
 nobis luculenter summam ejus erga nos Charitatem, & divinam salutis  
 dispensationem exhibuit.

XVI. Secundus Testis *Λόγος* est, qui non semel hoc nomine de- Quomodo  
 signatur in V. T. Isa. 55. 4. *En Testem nationum confisus sum, & in* Λόγος: teste-  
tur. Is. 55. 4.  
 Novo



Novo tum hîc, tum Jo. 3. 11. & Apo. 3. 14. *Testis fidelis & verax, qui in id genitus est & venit in mundum, ut Testimonium redderet veritati,* ut profiteretur coram Pilato Jo. 18. 37. Testatus est autem Christus λέγων καὶ ἔργων, dictis & factis; Et dictis primò, quando Euangelium suum ex sinu æterni Patris nobis attulit, & voluntatis ejus fuit Interpres, per quem Pater nos est alloquutus Jo. 1. 18. Heb. 1. 1. Hinc ipse testatur, se quod vidit & audivit testari Jo. 3. 11. 31. & Pater ipsum audiendum esse coelitus denunciat Matth. 17. 5. *Hunc audite.* Testatus est secundò verbo, quum toties se Dei Filium, Christum Domini, à Patre missum & Sanctificatum ad opus Redemptionis significat, Lucem mundi, Panem vitæ, Messiam, qui expectabatur, viam, veritatem & vitam, &c. Jo. 3. & 4. & 5. & 8. & 10. 30. 35. 36. & 14. 3. 4. Neque hîc opponendum, Testimonium hoc Christi esse de se ipso, atque adeò non admittendum, ut ipse fatetur Jo. 5. 31. *Si testor de me ipso, Testimonium meum verum non est;* hoc enim non absolutè & simpliciter, sed κατὰ τὴν tantum intelligendum esse, docet locus alter Jo. 8. 44. *Esi testor de me ipso, testimonium meum verum est,* cum quo apertè pugnaret, si præcisè & ad literam urgeretur. Itaque ad hominem argumentatur Christus, & per concessionem, juxta mentem eorum cum quibus agebat, qui eum φίλον ἀνθρώπων existimabant. Si testor, inquit, de me ipso, eo quo creditis modo, quasi homo merus, proprio arbitrio, & sine mandato Patris; fateor testimonium meum non fore verum. Sed Jo. 8. loquitur ex rei veritate, dicitque testimonium suum fide dignum esse, quia ipse verax sit, nec à se ipso venerit, sed à Patre qui secum testetur. Hoc verò Christi Testimonium de se ipso tantæ fuit evidentiae & certitudinis, ut nullâ sophisticâ eludi potuerit. Nam si Christus non fuisset verus Dei Filius, qualem se profitebatur, omnium qui vixerunt, absit blasphemia, Impostor maximus, & Deo contumeliosissimus fuisset, qui toties ea de Deo, de se, de nobis quæ falsissima sunt assereret. At in confesso est, fatentibus ipsis Judæis, Ethnicis, Mahumetanis, summam vitæ puritatem conjunctam cum constanti animi integritate in eo refulsisse, quæ arcens omnem ejusmodi suspicionem. Si Christi testimonium non fuisset verum & αὐτέπιστα, An credibile est Deum, qui gloriæ suæ vindex est acerrimus, tam impudenti mendacio calculum suum appositurum fuisse, & virtutem suam & auctoritatem gloriæ suæ raptori & usurpatori commodaturum fuisse? An non potius vel per Prophetas olim prædixisset, vel Prophetis excitatis rearguisset, vel in tantum scelus gravissimo aliquo supplicio animadvertisset; ut olim Angelum de affectata Dei æqualitate tam graviter punivit? Cum contrà pateat seculorum decursu doctrinam ejus crevisse, & totum terrarum orbem replevisse, ut è fonte profiliens aqua rivis confluentibus, quæ ad tantos petingebat, ad genua, pectus, & caput ipsum attollitur. Si Jesus non fuisset



fuiſſet à Deo, quomodo nomen ejus & dignitas emergere potuiſſet in-  
ter tot Reges & Principes, qui perdere iplum enitebantur? Quomodo  
ſuffocata non fuiſſet & extincta ejus doctrina ingenti perſecutionum æſtu?  
At fides ut aurum igne excoquitur, & non conſumitur, in graviſſima-  
rum tentationum fornace conſtituta permansiſit, & evaſit victrix & trium-  
phatrix; Toties cribrata & excocta, tot experimentis probata,

*Ceu duris Ilex tonſa bipennibus,  
Ab ipſo duxit opes animumque ferro.*

Quæ omnia luculenter evincunt, Teſtimonium Chriſti, quod per Ver-  
bum ſuum nobis reddidit, indubitatum eſſe & divinum. Huic porro  
Orali teſtimonio, addi poſſunt variæ Chriſti apparitiones, quibus ſe  
videndum & audiendum præbuit ad confirmationem Euangelii ſui, ut  
quum viſus eſt Stephano Protomartyri Act. 7. Paulo quum eum convertit  
Act. 9. 1. Cor. 15. & Joanni Theologo ſapius in Inſula Pathmos Apoc. 1. 2.

XVII. Sed Chriſtus non tantum verbo, ſed opere potiffimum te-  
ſtatus eſt, *Opera quæ facio teſtantur de me, quod Pater me miſerit*  
Joan. 5. 36. *Si non vultis credere mihi, credite operibus* Joan. 8. 37. 38. Jo. 5. 36.  
*Credite quod Ego ſum in Patre & Pater in me, ſin minus credite operi-* & 8. 37. 38.  
*bus* Joan. 14. 11. Ut enim ſanguis Abelis clamat Heb. 12. 24. & opera Jo. 14. 11.  
Dei gloriam Creatoris enarrant Psalm. 19. 1. Ita opera divina Chriſti  
luculentum illi perhibent teſtimonium, imò diſcrtiora ſunt quavis con-  
cione. Hinc factum ut Chriſtus hoc unum teſtimonium de ſe ipſo tan-  
quam argumentum certiffimum Joannis Baptiſtæ propoſuerit Matt. 11. Matt. 11.  
quum diſcipulos à Joanne miſſos, ut inquirerent an eſſet Meſſias, an 3. 4.  
alius quis expectandus eſſet, eum hoc reſponſo remittit, *Renunciate*  
*Joanni quæ videtis, & auditis, cæci viſum recipiunt, claudi ambu-*  
*lant, leproſi mundantur, ſurdi audiunt, mortui ſuſcitantur & Euange-*  
*lium annunciatuſ pauperibus.* Cum enim prophetica Oracula Meſſiam  
hiſce notis & characteribus, ut *Σαυματρυγὸν* non ſemel deſcripſiſſent  
Iſ. 35. & 61. Chriſtus non potuit certiori argumento ſe Meſſiam eſſe  
comprobare, quàm talia opera præſtando, quæ in ipſo compleri oracula  
illa demonſtrabant clariffimè. Nam qui tot, tantaque miracula præſtat,  
Ille vel potentia ſummâ præditus eſt ſupra naturam omnem, vel poten-  
tiâ divinâ utitur liberè: Qui *αὐτόθεος* eſt opere, Idem debet eſſe  
*αὐτόπης* & verbo. Qui facit quicquid vult, Idem quicquid dicit, ve-  
rum eſſe re ipſa & actu probat; nec enim ſummam potentiam menda-  
cium decet. Cum ergo Chriſtus tot taliaque miracula præſtiterit ſuo nomi-  
ne & authoritate, Deusque ſuam operam & virtutem ad eorum produ-



tionem impenderit, quis dubitandi locus superesse potest? Quid enim cum aliqua veri specie opponi posset? An mirabilia fuisse, non vera miracula? Sed quid verum miraculum, nisi quod totius naturæ creatæ vires superat, ut cæco nato visum, & mortuo vitam restituere, & omne genus morborum sanare? An præstigias fuisse? Sed cur non detegabant Judæi præstigiatores? Cur tot Exorcistæ; qui eo tempore vivebant, fraudem non ostendebant? Præstigiatores ergo & Discipuli, qui eo mortuo pergunt ejus nomine, sed quo fine, & cui bono? ut morti tradantur, ut ipsi fame, laqueo, gladio & Cruce pereant: At præstigiatores pecuniam, gloriolam, & famam spectant, nihil verum efficiunt, sed oculis fucum faciunt; An tale quid in Christo vel Apostolis visum? An virtute magica hæc omnia peracta esse? Sed cur Legis mucronem in eum non exerebant? Cur in ejus accusatione de hoc crimine silent? Cur non deglutiuntur à virgâ Mosaicâ, sed supersunt hæc adhuc hodie ac vigent? Deinde, an tam insanus vetus ille Draco, ut suum laniet pectus, ipse volens & lubens, & imperium destruat Mat. 13. An Diabolus & Pietatis & Sanctitatis Magister, an fiduciam in Deum, & obedientiam commendat? Totus Christus in eo est, ut fides, spes & amor in Deum recumberet, & regnum ejus stabiliretur. Hoccine verò Dæmon quærere potuit & suadere? Denique quodnam hoc magiæ genus, quod fugit latebras & in apertum prodire gestit, nil secretum nisi hominum conscientias petens, quas convincit & adigit ad confessionem, nedum ut fugiat; & *ἡγουμένη τῶν αἰχμῶν* quærat?

XVIII. Inter omnia autem Christi Opera, quibus sibi testimonium perhibuit, nullum illustrius & luculentius occurrit ipsâ Christi *Resurrectione*, quæ Inviictum fuit & Divinitatis ejus, & Mediationis argumentum, per quam & Filius Dei agnitus est ab hostibus Matth. 26. & creditus à fidelibus, & approbatus à Deo, hostes potentiam senserunt victtricem, fideles veritatem promissionum experti sunt, & Deus justitiæ ac satisfactionis perfectionem declaravit. Nisi enim à Deo missus fuisset Christus, nisi verè fuisset Dei Filius, qualem se profitebatur, sed impostor & usurpator, quo tandem pacto Deus in eo suscitando potentiam suam adeò gloriôsè exeruisset? An credibile est Deum passurum fuisse, ut fides ejus resurrectionis latè extenderetur, & tot tamque admirabiles in mundo convertendo effectus ederet? Hinc Paulus Rom. 1. 4. dicit eum, qui ex semine Davidis fuit secundum carnem, *ἐξ ἁγίου πνεύματος* declaratum fuisse solenni veluti decreto, *Filium Dei secundum Spiritum sanctificationis per resurrectionem à mortuis*, & libi 1. Tim. 3. 16. *Justificatum Spiritu* adversus omnes calumnias adversariorum per gloriosam Resurrectionem, quæ per Spiritum eundem æternum, per quem se obtulerat Heb. 9. 14. i. e. Divinitatem contigit. Et Christus non aliud



aliud signum illustrius, & argumentum certius Divinitatis, & vocationis suæ cœlestis affert, quàm Resurrectionem, *Solvite templum hoc*, inquit Jo. 2. 19. Judæis quærentibus, quodnam signum faceret, ut crederent, *Jo. 2. 19.* & tertio die erigam ipsum, & Matt. 12. 39. *Natio ista adultera signum querit, sed signum aliud non dabitur ipsi, nisi signum Jone &c.* quia nisi Christo resurgenti credidissent, nullum aliud argumentum fuit, quod ad fidem potuit eos compellere.

XIX. Testimonium *Αἷμα* excipit Testimonium *Spiritus*, qui hic etiam bifariam; & verbis & factis de Christo testatus est. Sic enim Christus ipse hoc innuit Jo. 15. 26. *Cum venerit Paracletus, testabitur de me*, &c. 16. 13. *Non loquetur à semet ipso, sed quacunque audierit, loquetur, & quæ ventura sunt annuntiabit, Ille me glorificabit &c.* Hinc Paulus Rom. 8. 16. dicit, *Spiritus qui testatur cum Spiritu nostro, Quod simus filii Dei.* Testatus est autem, non modò mediatè per Apostolorum præconium, qui à Spiritu Sancto acti, ut & cæteri Viri Dei loquuti sunt: Sed & immediate per visibilem sui super Apostolos effusionem: Quum enim in solenni Pentecostes die, specie visibili, mirabili ratione in Apostolos descendit, tunc publicum Innocentiæ, Veritati, & Exaltationi Christi Testimonium est perhibitum, *Innocentiæ*, quia patuit injustè condemnatum esse eum, in cuius nomine Pater cœleste hoc donum effundebat. *Veritatis*, quia sic Christus implendo promissiones sæpius datis de Spiritus missione, veracem se esse factò ipso demonstravit, & toti doctrinæ suæ divinam autoritatem conciliavit. *Exaltationi*, quia nisi Christus post passiones & mortem resurrexisset, & ad dextram Dei exaltatus fuisset, non potuisset Spiritum mittere, *Nisi abivero Paracletus non veniet, sed si abivero mittam illum vobis.* Jo. 16. 7. unde Petrus Spiritus missionem tanquam effectum exaltationis notat Act. 2. 33. Secundo testatus est per efficacem Apostolorum immutationem, Quum enim adeo potenter mentes, & corda ipsorum affecit, ut qui prius rudes erant & idiotæ, plenâ mysteriorum cœlestium notitiâ essent instructi, qui timidi & meticulosi ad minimam ancillæ vocem trepidabant, animosi & imperterriti coram Regibus & Principibus sint redditi, qui elingues, disertissimi, qui nihil nisi terrenum sapiebant, jam magnalia Dei loquantur; Quis non agnoscat luculentum Christo, à quo mittebatur, perhibitum fuisse à Spiritu testimonium?

XX. Tertio testatus est per miraculorum in Apostolis & per Apostolos patratiōem; Nam dum ad vocem Apostolorum videbantur dæmones è corporibus egredi, ægri sanari, cæci illuminari, mortui suscitari; Quando ad eorum præconium Idola ceciderunt, Oracula obmutuerunt, Eloquentia Oratorum, subtilitas Philosophorum, Majestas Regum & Principum dejecta fuit & confusa, quis præsen-



DISPUT.  
V.  
Heb. 2. 4. 5.

præsentissimum Dei digitum hic non animadvertat? Quò spectant verba  
Pauli Heb. 2. 4. 5. dum ait, *Deum testimonium perhibuisse verbo suo, signis  
& prodigiis, & variis virtutibus & Spiritus Sancti distributionibus.* Quar-  
tò denique testatur per *Piorum Conversionem, & Impiorum convictionem.*  
Nam ut pios intus persuadet de salute per Christum acquisita; Ita impios  
convincit de veritate Evangelii quod oppugnant, & de divinitate Chri-  
sti, quem in membris suis persequuntur, ut volentes, nolentes Christo  
cedere cogantur, & sic in conscientiis reddantur ἀπολόγητοι: Quo  
pertinet illustris locus Joan. 16. 8. 9. ubi de testimonio Spiritus loquens ait,  
Spiritus ἐλέγξει arguet mundum peccati, justitiæ, & judicii, id est, cla-  
rissimè demonstrabit Fidelibus, quo sensu fides dicitur ἐλεγχος Heb. 11. 1.  
& potenter convincet impios de hisce tribus. Tria autem ista sunt, in qui-  
bus præcipuè versatur Spiritus Testimonium, tum erga Pios, ut illos con-  
vincendo persuadeat, tum erga Impios, ut illos convincendo damnet.  
*Peccatum, Justitia, & Judicium.* Peccatum admissum, Justitia am-  
plectenda, Judicium fugiendum. Peccatum mundi, cujus omnes sunt  
rei, Justitia Christi, qui omnes sunt destituti; Judicium Dei, quod omni-  
bus certissimè imminet, cujus & exemplum in Diabolo habent. Peccati  
gravitatem ostendit in incredulitate; Justitiæ plenitudinem & certitudi-  
nem in Christi ascensione, qui justitiam seculorum adduxit; Judicii veri-  
tatem & infallibilitatem in pœna Diaboli, qui morte Christi vinci & con-  
fundi debuit Col. 2. 14. Heb. 2. 14.

Unitas  
Testium  
qualis.

XXI. Sic exposito Testium istorum testimonio, Jam *Unitas* eorum est  
expendenda, καὶ οἱ τρεῖς ἐν εἰς inquit Joannes, *hi tres unum sunt.* Nam  
quia de pluribus agit, ut eorum pondus & autoritas major sit, consensum  
eorum innuit, & ut consensum perfectum doceat, ad unitatem essentiae  
ascendit, quæ unitatis voluntatis sit fundamentum. Reclamat hic Socinus,  
qui ut eludat vim argumenti, quod hinc petimus pro ὁμοσεΐᾳ Personarum,  
pertendit hanc unitatem referendam esse ad *unitatem tantum consensus & te-  
stimonii*, & hoc evincere satagit, tum ex scopo Joannis, qui est unita-  
tem Testimonii probare, tum ex variis Scripturæ locis parallelis, in qui-  
bus eadem vox non alio sensu sumi potest, tum ex nonnullorum Orthodo-  
xorum sententiâ, qui unitatem consensus hic respiciendam esse censent. Nos  
verò, non negamus quidem Apostolum unitatem consensus & testimonii  
attendere, sed quòd agat tantum de ea, exclusa unitate essentiae, pernega-  
mus. Imò contendimus unitatem essentiae hic statui, tanquam fundamen-  
tum unitatis voluntatis. Rationes quibus adducimur ad hoc credendum  
sunt gravissimæ. 1. loquendi modus, qui usurpatur à Joanne in describen-  
da Testium Cœlestium & Terrestrium unitate; Nam de terrestribus quidem  
dicit esse eis τὸ ἐν, esse *in unum*, vel *ad unum*; sed de cœlestibus dici sim-  
pliciter



pliciter esse *unum*, τὸ ἓν εἰς. Jam verò si eadem utrobique unitas intelligenda esset, nimirum unitas consensus, quænam posset esse diversæ locutionis ratio, quare non prævertit gravissimum, quod ex isto sermone fidelibus imminabat periculum, ne in errorem inducerentur, unitatem essentia in Testibus istis fingendo, quæ nulla tamen erat? quare non dicit de utrisque, vel τὸ ἓν, vel εἰς τὸ ἓν εἰς? Sanè nulla potest discriminis istius ratio genuina afferri, nisi unitatis diversitatem aliquam agnoscamus, ut testes quidem terrestres unitatem consensus habere dicantur, quia in unum conspirant. Sed testes cœlestes præter unitatem testimonii, etiam unitatem essentia. Nec opponi debet ab hæretico Editio Complutensis, quæ de testibus cœlestibus dicit esse εἰς τὸ ἓν: Nam unius Codicis autoritas non potest abrogare fidem reliquorum omnium probatissimorum, quos Rob. Stephanus, & alii magnâ curâ collegerunt, qui constanter lectionem nostram retinent.

XXII. Secundò, scopus Apostoli hoc evincit. Nam ut ipsi propositum est demonstrare indubitata fidem Evangelii ex unitate Testium, qui illi Testimonium perhibent: Ita non potuit certius istam unitatem & identitatem consensus probare, quàm ex unitate & identitate essentia: Nam ubi est perfecta *εὐελία*, ibi debet etiam esse perfecta *ἑμουνία*. Tertiò hoc ipsum docet *Testium istorum appellatio*, cùm enim vocentur *Testes in cælo*, non modò voluit Joannes indicare, eos cœlestes esse, & cœlitus testimonium Christo perhibere; aliàs non tres tantum, sed longè plures possent dici, siquidem & Angeli hac ratione Testes in cælo etiam possent vocari; Sed & *natura divinos*, quomodo cœlum in Scriptura sæpe pro Deo usurpatur, unde *ψ. 9.* vocat hoc Testimonium Dei, quod opponit Testimonio hominum. Jam si tres isti Testes sunt divini, debent esse unum essentia unitate, quia unus tantum est numero Deus, & nihil est in Deo, quod non sit ipse Deus. Confirmatur Quartò id ipsum *ex Testium istorum conjunctione*: Nam Qui testes simul conjunguntur, & eodem modo unum dicuntur, eorum etiam in unitate similis est ratio. At Pater, Verbum & Spiritus conjunguntur, & eodem modo unum dicuntur, ergo eorum in unitate similis debet esse ratio: Jam Pater & Spiritus Sanctus ex mente Adversariorum unum sunt, non tantum consensu, sed & essentia. Ergo Pater & Verbum cum Spiritu erunt unum essentialiter. Quintò, Eadem unitas debet intelligi, quam Christus alibi sibi & Patri tribuit Joan. 10. 30. *Ego & Pater unum sumus*, At non est unitas tantum consensus, sed etiam unitas essentia. 1. quia Judæi hoc ita intelligunt, quando eum blasphemiam propterea arcessunt, eo quòd, homo cùm esset, se faceret Deum *ψ. 37. 2.* Christus hoc non negat, sed confirmat ex identitate operum suorum & Patris *ψ. 37.* *Si non facio opera Patris mei, non credite mihi, sed si facio, credite operibus; ut cognoscatis* & cre-

Jo. 10. 30.



DISPUT. V. *& credatis Patrem esse in me, & me in Patre.* At si falsò hoc impingitur ipsi à Judæis; Cur vanitatem criminationis non repellit, ostendendo eos perperam mentem suam interpretari, cùm non de unitate essentia, prout illi arbitrabantur, sed de unitate tantum voluntatis & consensûs loquutus esset? Cùm E. nihil tale præstet, imò confirmet ulterius quod dixerat, patet hanc revera ejus mentem fuisse, quæ à Judæis illi adscribitur.

XXIV. Non dissimulandum tamen varia hîc excipere Hæreticos ad vim istius Argumenti cludendam. Primò non posse magis unitatem essentia colligi, quando tres Testes unum esse dicuntur, quàm quum *Paulus*

1. Cor. 3. 8. *& Apollos dicuntur esse unum* 1. Cor. 3. 8. quum Christus orat Joan. 17.

Jo. 17. 21. *ut Credentes unum sint, sicut Pater in ipso, & ipse in Patre, ut & ipsi in illis unum sint*, quod ad unitatem essentia referendum esse nemo

1. Cor. 6. 17. dixerit, vel quum Paulus 1. Cor. 6. 17. *eum qui adheret Domino, unum Spiritum esse* dicit. 2. Sed quis non videt, hîc hæreticos pro more

peccare fallacia parium, & longè dissimilia conferre? Quamvis enim eadem verba usurpentur, non sequitur tamen statim eodem sensu sumenda esse; verba enim debent intelligi pro subjecta materia. Paulus

& Apollos bene *unum* dicuntur, tum resp. officii, quia idem munus sustinent, tum resp. infirmitatis, quia nihil sunt per se, & nihil possunt

absque Christo; sed patet non posse dici unum *naturâ*, quia distinctæ sunt personæ, quæ distinctam numero essentiam habent. At in divinis

aliter se res habet, ubi distinctæ Personæ eandem numero essentiam participant, & hoc ideo fit, quòd cùm in humanis tres personæ faciant

tres homines, quia persona quælibet humana habet peculiarem essentiam ab aliis numero distinctam; in divinis tamen tres Personæ non fa-

ciant tres Deos, quia Personarum divinarum unica est & individua essentia. 2. Eadem ratione solvitur locus alter ex Joan. 17. 21. petitus, quia

malè argumentum ducitur *ab unitate spirituali & mystica*, quæ in communione Spiritûs consistit, ad *unitatem ineffabilem* Personarum Trinitatis. Nec particula *καὶ* hoc potest evincere, notum enim eam non semper

æqualitatem, vel identitatem, sed sæpius aliqualem tantùm similitudinem indicare, ut quum jubet nos Deus *ut simus sancti sicut ipse san-*

Lev. 11. 24. *ctus est* Lev. 11. 14. & Christus *ut simus perfecti & misericordes, sicut Pater*

Matth. 5. 48. *cælestis est perfectus & misericors* Matth. 5. 48. & Paulus

Eph. 5. 2. *ut ambulemus in charitate sicut Christus nos dilexit* Eph. 5. 2. clarum est hîc aliquam tantum analogiam connotari, non plenam & absolutam

æqualitatem. 3. Quod additur ex 1. Cor. 6. 17. non magis urget: Nam Paulus non dicit fideles esse unum cum Deo, sed esse *unum Spiritum*,

id est, esse *unum Spiritu*, quia unum eundemque Spiritum participant, qui à Capite diffunditur in omnia membra, idemque in membris opera-

tur,



tur, quod operatus est in Capite, putà vitam, lucem, sanctitatem, gaudium, DISPUT.  
V.  
& gloriam.

XXV. Addunt hæretici, Doctores nostros primarios, *Calvinum, Be-  
zam* non aliter exposuisse, quàm de unitate consensûs, Perperam ergo  
nos aliò velle referre. R. 1. Licet Calvinus & Beza ita locum istum expo-  
suis-  
sissent, non teneremur in eorum verba jurare, quia fides nostra non ho-  
minibus, sed Deo solo ejusque Verbo nititur. 2. Si verba ipsorum expen-  
dimus, facilè patebit eos non absolute & simpliciter negasse agi de unitate  
essentiæ, sed tantùm comparatè, ut potiùs consensus innuatur, quàm ef-  
fentia, sic enim Calvinus ad hunc locum, *Quod dicit Tres esse unum, ad  
essentiam non refertur, sed ad consensum potiùs, ac si diceret Patrem, &  
aternum ejus Sermonem, ac Spiritum Sanctum symphoniâ quadam Chri-  
stum pariter approbare &c.* Quis non agnoscit eum non disjunctè simplici-  
ter, sed comparatè loqui, & hanc ejus esse mentem, Patrem, Verbum &  
Spiritus esse quidem unum essentiâ, trinum Personis Deum, unde paulò  
antè dixerat, *fidem in una Deitatis essentia tres Personas agnoscere*, sed hîc  
produci propriè & primariò non ut testem unum essentiæ, sed ut testes tres  
personis distinctos, unum tamen idemque testificantes de Christo? ut  
habet glossa interlinearis, *Hi tres unum sunt, id est unus Deus de eadem re  
testantes.* Nec si addit utrosque Testes unum dici eodem sensu, hoc intel-  
ligit absolute & simpliciter; sed relatè ad institutum Joannis, quod est har-  
moniam Testium cœlestium & terrenorum de Messia exhibito ostendere.  
Unde patet quàm præposterè & malà fide summus ille Vir Dei traducatur  
à nonnullis, quasi Arianis favens: Nam licet humani aliquid esset pas-  
sus, nec satis affecutus esset mentem Spiritûs Sancti in uno vel altero loco,  
ideo sequitur eum tanti Mysterii fidem, quod alibi solidissimè & tot invi-  
ctis argumentis, & in hoc ipso loco confirmat, subruere voluisse; Non  
alia mens *Beze*, qui ita unitatem consensus asseri vult à Joanne, ut unita-  
tem essentiæ non neget, sed supponat potiùs, *Unum sunt*, inquit, *id est  
prorsus consentiunt, ac si unus testis essent, & revera unum sunt, si & oia  
spectes, sed de ea, ut mihi quidem videtur, non agitur hoc loco:* Quid hîc  
est, quod hæreticis faveat, quid non potiùs eorum pestilentissimum erro-  
rem jugulat?

XXVI. Ex his ita discussis sponte fluunt varia, quæ ex hoc  
Oraculo ad augusti Mysterii, de quo agimus, confirmationem per-  
tinent, argumenta. Hinc enim I. Patet *Trinitatis* vocem non esse  
planè ἀγράφον, prout veteres Antitrinitarii & recentiores clamitant,  
licet enim αὐτολεξεί vel in abstracto non legatur, extare tamen in  
concreto, & æquivalenter, locus hic noster clarissimè evincit. Quid  
enim est Trinitas, quàm Trium istorum unitas? II. *Personarum*



DISPUT. *Trinitas* luculenter colligitur, cum enim nec plures nec pauciores in cœlo  
 V. Testes, quàm Tres Apostolus numeret, qui non tantum consensu & voluntate, sed etiam naturâ sint unum, tot etiam & non plures Personas divinas necesse est esse. Unde impurissimi & pestilentissimi *Serveti* blasphemia retunditur, qui unam tantum Personam vult esse, quæ tribus nominibus designetur, & propter diversos testificandi modos tres testes dicatur. Quis enim de uno eodemque homine, qui de aliqua re testificatur, & suum testimonium scripto & sigillis confirmat, bene diceret tres esse testes, propter triplicem testificandi modum? Ergo præter Patrem, duo alii in Cœlo Testes statuendi sunt, tanquam distinctæ personæ, quæ pro parte sua testificentur. Neque hic reponendum, testis officium statim personalitatem non dicere, cum statuuntur Tres in Terra Testes, qui tamen non distinguuntur personaliter: Nam licet ex testimonio I estium terrestrium personalis eorum subsistentia inferri nequeat, sed realis tantum distinctio; Non sequitur pariter se rem habere, quum de Testibus cœlestibus mentio fit; quia hic vox ista non improprie, sed proprie accipienda est, quo pacto personæ tantum competit. Nam quomodo accipitur nomen Testis, quando Patri & Filio adscribitur, eodem etiam modo debet accipi, quando tribus in cœlo Testibus hic vindicatur. At Patri & Filio tribui proprie non negant Adversarii, & clarissimum est ex Jo. 5. 32. & 8. 16. Ergo etiam proprie accipitur, quando tribus in cœlo Testibus tribuitur: Quod confirmari posset, tum ex Baptismo Christi, tum ex Baptismo nostro, ubi trium distinctarum Personarum, in quarum nomine baptismus administratur, mentio injicitur, si id nunc ageremus.

XXVII. Ut verò Personarum Trinitas ex hoc loco elicitur evidenter, ita non minùs clarè confirmatur *illarum Personarum ὁμοούσιæ*, cum non tantum Testes cœlestes vocentur, qui testimonium Dei nobis perhibent, sed *unum* esse dicantur, quod non ad unitatem consensûs & voluntatis, sed essentiae & naturæ pertinere suprâ demonstravimus: Nec mysterio caret, quòd *Unum* dicantur, non *Unus*, istud enim Personam notaret, illud verò Naturam; nam in Trinitate est quidem ἅλλο καὶ ἅλλο, sed non ἄλλο καὶ ἄλλο, alia Persona, non verò alia Natura: Ut ex opposito in Incarnatione est ἅλλο καὶ ἅλλο, sed non ἅλλο καὶ ἅλλο, quia duæ sunt naturæ, sed una persona. Hinc *Gregor. Nazianz.* homiliâ de Baptismo unitatem istam Trinitatis, & Trinitatem unitatis appositè designabat admirabundus, ὃ φθάνω τὸ ἐν νοῆσαι, καὶ τοῖς τρισὶν περιλάμπωμαι. ὃ φθάνω τὰ τρία διελεῖν, καὶ εἰς τὸ ἐν ἀναφέρωμαι.

XXVIII. Quartò *Spiritus Sancti personalitas* invictè probatur, quia duobus in cœlo Testibus, Patri & Verbo, tanquam tertius Testis adjungitur: ut ergo Pater & Verbum Personæ sunt distinctæ, quæ testimonium perso-



personale Christo perhibent. Ita necesse est Spiritum, qui in eodem ordine locatur, quoque Personam esse, non rem tantum quæ Testimonium reale reddat. Huc accedit, quòd cum per Spiritum hic, nec donum Spiritûs possit intelligi, quod pertinet ad classem Testium terrestrium, nec virtus & potentia Patris, quia sic non posset ab eo tanquam tertius Testis distingui; cum essentia & virtutis sit una eademque testificatio; necessariò tertia quædam Persona à Patre & Verbo distincta, & cum iisdem testans intelligenda veniat, cui non possent tot actiones personales *testandi, consolandi, mittendi, scrutandi* &c. tribui, nisi vera & propriè dicta esset Persona.

XXIX. Denique *Necessitas fidei* istius Mysterii ad salutem non obscure evincitur. Cum enim tres istæ Personæ testantes inducantur de Christo; nemo potest in Christum credere, qui earum testimonium non recipiat, atque adeò eas non confiteatur. Et sanè cum fides Deum, qualem se in Verbo nobis patefecit, colere teneatur; Nec Patrem habere possit, qui Filium negat 1. Joann. 2. 23. Nemo non videt Articulum hunc verè fundamentalem esse, quem licet *scrutari sit temeritatis, credere tamen pietatis est, & nosse vita aeterna*, ut scitè olim Bernardus. Unde quamvis longè clariùs sub Novo Testamento Mysterium hoc patefactum sit; in Veteri tamen non ignotum fuisse, sed sufficienter ad piorum solatium revelatum, dubitare non licet. Quid superest ergo, nisi ut tanti Mysterii fidem constanter semper retineamus, & cum tres istæ Personæ irrefragabile perhibeant Christo Testimonium; Caveamus ne illud incredulitate nostrâ unquam respuamus: Imò plena fidei *πληροφεία* in illo acquiescentes, credamus Jesum esse Christum Filium Dei, ut credentes vitam habeamus in Nomine ejus Joan. 20. 31. *Amen.*

F I N I S.





DISPUTATIO TEXTUALIS  
DE  
SPIRITU, AQUA,  
ET SANGUINE,  
IN TERRA TESTANTIBUS.

EX I. JOAN. 5. v. 8.

Respondente JOANNE SARRACENO  
Lugdunensi.

DISPUT. I.  
VI.



NECHOATA fuit non ita pridem à Nobis Dissertatio de Senario Testium numero, quem Joannes in medium affert ad demonstrationem Veritatis Evangelicæ de Jesu Christo Filio Dei, Redemptore nostro; Et vidimus hætenus quæ pertinebant ad cognitionem Testium Cœlestium, tum quoad *Naturam*, tum quoad *Officium*, tum quoad *Unitatem* ipsorum, quæ tria commemorantur à Joanne; Sequitur ut de Testibus in terra testantibus agamus, & eodem ordine ac methodo utentes expendamus, Quinam sint naturâ, Quales officio, & quomodo inter se conjuncti sint consensu.

II. Verba Joannis sunt v. 8. cap. 5. καὶ τρεῖς εἰσὶν οἱ μαρτυροῦντες ἐν τῇ γῇ, τὸ Πνεῦμα, καὶ τὸ ὕδωρ, καὶ τὸ Αἷμα, καὶ οἱ τρεῖς εἰς τὸ ἓν εἰσὶν. *Et Tres sunt qui testantur in terra, Spiritus, Aqua, & Sanguis, & hi Tres in unum sunt.* In quibus particula copulativa καὶ, quæ occurrit in principio, ostendit ista pendere à præcedentibus; & satis, si nulla alia ratio suppeteret, demonstrare posset versum septimum de Testibus Cœlestibus non esse adulterinum & supposititium, ut Sociniani argutantur, sed verum & genuinum; aliàs hiatus quidam foret in oratione Joannis; nec satis appositè mentionem faceret Testium Terrestrium, nisi ante de Cœlestibus loquutus fuisset, quod copula utrumque versum connectens evincit; Sed hæc ipsa conjunctio aliud quid *μυστικώτερον* videtur insinuare, unionem scilicet & *συμφωνίαν* mirabilem Cœli & Terræ in testimonio Christo perhibendo,



hibendo; Ut enim Christus Mediatione suâ Terram Cœlo conciliavit, DISPUT.  
 quæ antea per peccatum hominis erant sibi invicem averſa; Ita Cœlum VI.  
 & Terra nunc amicabili consensu concurrunt ad veritatis istius in cordi-  
 bus nostris confirmationem, Cœlum respondet Terræ, & Terra respon-  
 det Cœlo.

III. Unde patet non sine gravibus causis duos istos Testium ordines à Joanne proponi. Licet enim Testes Cœlestes omni exceptione essent maiores, voluit tamen Spiritus Sanctus infirmitatis nostræ rationem habere; Illi quippe ut gloriosa Majestate sunt conspicui, poterant ita oculos nostros perstringere, ut minùs dispositi essemus ad eorum testimonium recipiendum; Id ò alios addere voluit, qui ut nobis propiores, & conjunctiores, facilius sese in animos nostros insinuare poterant, & in rei veritatem nos deducere. Deinde cum in testimonio dicendo ratio habeatur numeri Testium, ut in ore duorum vel trium testimonium ratum sit omne verbum; Consentaneum fuit utrinque tres testes producere, qui eò fortius Myſterium hoc confirmarent. Rursus cum in omni testimonio spectetur vulgò vel testis autoritas, vel rei ipsius evidentia, ne quid testimonio huic divino deesset, utrumque conjungi placuit: nam priorum trium Testium tanta est autoritas, quanta potest esse maxima, putà Naturæ Divinæ, quæ per se est *αὐτῶν* & : Et posteriorum tanta est evidentia in fidelium cordibus & intimo conscientiæ sensu, ut nihil ad fidem faciendam luculentius esse possit. Denique ut jam olim Propheta commotum iri Cœlum & Terram adventu Christi prædixerat Aggæ. 2. Ita Christus undiquaque sibi testimonium perhiberi voluit, ne ulli dubitationi locus superesse posset, ut, sive in cœlum sive in terram oculos conjiceremus, ubique luculenta & expressa deprehenderemus istius veritatis argumenta, atque ita nihil excusationis habere possint, qui Christum respuunt, cum satis firmis & luculentis testimoniis se illum esse probaverit, qui olim promissus fuerat.

IV. Ut ergo ad examen Testium istorum descendamus, non opus est ut anxie quæramus, Cur tres numero recenseantur, & quare numerum ternarium, potius quàm binarium aut quaternarium Joannes selegerit; quamvis enim superfluum ferè videatur rationem illius quærere, quod à mero Spiritûs Sancti pendet arbitrio, in quo acquiescere tutò possumus; non abs re tamen numerus iste præ cæteris ab Apostolo selectus videtur, non tantum quia perfectio quædam isto numero vulgò solet designari; sed potissimum quia respondet ternario Testium Cœlestium numero, & quia convenit apprimè, & rebus ipsis de quibus agitur, & veritati, quæ probanda proponitur, ut jam sumus explicaturi.

V. Quia autem mira est in Testibus istis explicandis sententiarum diversitas, ut facilius certio rem deprehendere possimus. Primò *κατὰ*  
*ἀγῶν*



DISPUT.  
VI.

ἀπορίν removebimus eas, quæ veritati parùm consentaneæ videbuntur; deinde κατὰ θεόν aperiemus & confirmabimus eam, quæ præ cæteris nobis probatur. Quidam conjiciunt tres Testes Cœlestes adductos fuisse à Joanne ad Deitatis Christi confirmationem; nunc verò totidem adduci humanitatis illius Testes, nempe Spiritum humanum, quem Christus moriens in manus Patris tradidit Luc. 23. 46. & Aquam & Sanguinem, quæ ex mortui latere profluxerant, tanquam certa humanæ Naturæ Christi argumenta. Verùm si scopum Joannis expendimus, patebit non alium esse, quàm probare Jesum esse Christum Filium Dei Redemptorem nostrum; unde supervacanea omnino videtur illa quæ proponitur humanitatis demonstratio: Atque eò vel maximè, quòd de ea neutiquam controvertebatur; agnoscebant enim Adversarii Christum fuisse verum hominem, neque hoc diffiteri poterant, qui vitam ejus & mortem viderant, sed negabant tantum esse Dei Filium & verum Messiam, quod adversus ipsos probandum fuit, non illud verò quod ἐξαγώνιον erat & in confesso.

VI. Alii per tres Testes designari volunt tria Oraculorum genera de Christo, quæ Jesus dum adhuc esset in terris, ostendit in se completa, ut *Aqua* Evangelium, *Sanguis* Mortem, & *Spiritus* vim Spiritûs & miracula denotet; Christum quippe juxta Oracula vetera venisse 1. ut Prophetam per Aquam; id est per Doctrinam Evangelii, quæ aquæ non rarò confertur Isa. 11. 9. & Ezech. 36. quam Christus attulit, & per mundum sparsit, 2. ut Sacerdotem per Sanguinem, quo sacrificium pro nobis obtulit, 3. ut Regem per Spiritum, talia edendo miracula, quibus & populum suum liberavit, & de hostibus triumphavit, quæ nomine Spiritûs etiam exprimuntur 1. Tim. 3. 16. 1. Pet. 3. 18. Verùm neque ista expositio absolutè admitti potest; nam præterquam quod minus commodè per Aquam denotatur Evangelium, quæcunque hic referuntur pertinent potius ad Testimonium Cœleste Verbi & Spiritûs, de quo dictum est y. præced. quàm ad Testimonium terrestræ.

VII. Nonnulli per *Aquam* & *Sanguinem* intelligi volunt legales Ablutiones, & Sacrificia expiatoria, quibus Deus in Veteri Testamento testatus est Christum venturum cum aqua & sanguine, id est ad expianda & purganda peccata nostra; Cui testimonio desumpto à Veteri Testamento adjungatur aliud, quod est Novum Testamentum, nimirum Evangelium, quod vocetur *Spiritus*. Verùm quamvis suus locus possit esse huic sententiæ, ut postea videbimus; Non videtur tamen Joannes id directè intendisse, quia agit, non de tempore præterito, in quo Christus sub variis figuris adumbratus fuit, sed de præsentī, in quo venisse dicitur per aquam & sanguinem. Alii per *Aquam* intelligunt Joannis Baptistæ Testimonium, qui apud aquam testificatus est Jesum esse Agnum Dei, per *Sanguinem*



rem testimonium Centurionis, qui ex latere Christi vidit profluere sanguinem & aquam, & per *Spiritum* testimonium Apostolorum, qui in die Pentecostes loquebantur variis linguis; Sed hæc alieniora sunt à mente Joannis, quàm ut recipi debeant.

Disput.  
VI.

VIII. Sunt qui propius accedentes ad rei veritatem, per *Spiritum* dona ejus tum extraordinaria, tum ordinaria, per *Aquam* vitæ puritatem & innocentiam, per *Sanguinem* Apostolorum & fidelium pro Christo eadem, quæ Martyrium propterea dicitur, innui pertendunt. Communior tamen sententia est eorum, qui per *Spiritum* Evangelium intelligunt, per *Aquam*, & *Sanguinem* duo ordinaria Novi Testamenti Sacramenta, Baptismum à signo, Cœnam verò à re significata, quia ut Evangelium testatur Jesum esse Filium Dei Joan. 20. 31. Sic etiam Sacramenta, tanquam Evangelii sigilla, idem in terris nobis perpetuò testantur. Quid verò sentiendum sit in hac opinionum varietate non facile est colligere, si tamen verum fateri volumus, nulla ex istis omnibus videtur plenè satisfacere: vel enim alieniores sunt à scopo Joannis, vel angustæ nimis, quàm ut rem de quâ quæritur, plenè & accuratè possint explicare.

IX. Ut ergo mentem nostram aperiamus, salvo Doctiorum judicio, arbitramur hæc non ita sibi invicem opponi, quin facile conciliari possint, si pleræque ex istis sententiis non seorsim, sed conjunctim considerentur: Cum enim ea sit vis Scripturæ Sacræ, ut plures res contineat, quàm verba, & sæpe sub uno eodemque vocabulo varia mysteria sibi invicem subordinata designet; mirum videri non debet, si variæ *exègeses* in ejus explicatione subinde conjungendæ veniant, ut integer habeatur sensus à Spiritu Sancto intentus; Hinc quia Testimonium istud potest sub gemina *exègesi* spectari, vel prout externè proponitur in Ecclesia ad *conversionem* hominum, vel prout internè obsignatur in corde ad *consolationem* fidelium, juxta duplicem hunc respectum bifariam etiam posse spectari censemus tres istos Testes, vel ut externè, vel ut internè testantes: Ita per *Spiritum* designari arbitramur Spiritus Sancti vim & efficaciam, tum extrinsecus se exerentem in Verbo, tum intrinsecus operantem in corde; Per *Aquam* Sacramentum Baptismi, qui administratur in Ecclesia sub aquæ symbolo, & ejusdem veritatem, quæ per regenerationis beneficium obtinetur in corde; Per *Sanguinem* Sacramentum Eucharistiæ, quæ est communio Sanguinis Christi 1. Cor. 10. 16. & beneficium Justificationis, seu remissionis peccatorum in Sanguine Christi, quæ hoc Sacramento obsignatur. Atque ita sex veluti partes istius testimonii notari possunt, non quæ toto genere differant; sed quæ sibi invicem respondeant & subordinentur; nam externæ sunt symbola internarum, & internæ sunt veritas & res significata, quæ per externas repræsentatur.

X. Non incommode autem hæc ita distribui patebit ex peculiari



DISPUT. VI. culiari Testium istorum examine, sive illi conjunctim, sive scorsim considerentur: Nam si conjunctim spectentur, mirabilis hic relatio deprehenditur ad varia Mysteria, 1. ad Personas SS. Trinitatis, 2. ad Officia Christi, 3. ad remedia peccati, 4. ad media salutis, 5. denique ad figuras Veteris Testamenti. Et 1. ad Personas Divinas, Ut enim tres illas testante immediate in cœlo induxerat; Ita consentaneum erat ut triplex istud testimonium, quod in terra Christo perhibetur à Spiritu, Aqua, & Sanguine, triplici testimonio Cœlesti responderet, & singulis Personis appropriaretur, quatenus per operationes peculiare concurrunt ad confirmationem fidei nostræ: hinc Gratia, quæ Patri tribuitur, per Aquam designabitur, Redemptio, quæ Filio propria est, per Sanguinem, & Illuminatio ac Conversio, quæ à Spiritu Sancto pendet, per Spiritum: Vel ut alii, Spiritus referetur ad Patrem, qui per Euangelium nos ad se vocat; Sanguis ad Filium, qui per sanguinem nos justificat, & Aqua ad Spiritum Sanctum, qui per aquam nos sanctificat. Quò pertinent illa Augustini lib. 3. cont. Maximi. cap. 22. *Si verò ea quæ his significata sunt, nimirum Spiritu, Aqua & Sanguine, de quibus loquebatur, velimus inquirere, non absurde occurrit ipsa Trinitas, quæ unus, solus, verus, summus est Deus, Pater, & Filius, & Spiritus S. De quibus verissime dici potuit, Tres sunt testes & tres unum sunt, ut nomine Spiritus significatum accipiamus Deum Patrem, de ipso quippe adorando loquebatur Dominus, ubi ait, Spiritus est Deus: Nomine autem sanguinis Filium, quia Verbum caro factum est, & nomine Aquæ Spiritum Sanctum, cum enim de aqua loqueretur Iesus, quam daturus erat sitientibus, ait Evangelista, Hoc autem dixit de Spiritu, quem accepturi erant Credentes.*

XI. Secundò, Tria Officia Christi non obscure hoc triplici testimonio designantur, *Propheticum* in Spiritu, cujus impulsu, ut cæteri Prophetæ loqui debuerunt 2. Pet. 1. 21. Ita Christus Princeps Prophetarum docuit 1. Pet. 3. 18. unde dicitur *Doctor veritatis* Joan. 16. *Sacerdotale* in sanguine, quem Christus ut Sacerdos & Victima fundere pro nobis debuit ad expiationem peccatorum Heb. 1. 3. *Regium* in aqua, quæ virtute sua nos regenerando vitam & salutem nobis re ipsa confert Joan. 3. 5. Spiritus dat lumen doctrinæ, Sanguis pretium mortis, Aqua efficaciam vitæ.

XII. Tertio, Tres isti Testes triplex remedium nobis suppeditant triplici malo curando, quod per peccatum invecum est, *Ignorantia* scilicet, *Corruptioni*, & *Reatui*. Ignorantia quippe tollitur per lumen fidei, quod Spiritus per Verbum Evangelii in nobis accendit; Corruptio per sanctitatem sanatur, quam aqua externa Baptismi obsignat, & intus operatur aqua spiritualis & mystica gratiæ; Reatus per aspersionem sanguinis Christi meliora loquentis sanguine Abelis, cujus symbolum in Eucharistia proponitur, & veri-



& veritas in corde per participationem internam fidei, quod remissio peccatorum nobis intimatur, & perficitur, Spiritus illuminat, Aqua purificat, Sanguis redimit. Hoc voluit *Ambros.* lib. 3. de Spiritu S. c. 21. *Tres sunt testes, Spiritus, Aqua, & Sanguis, & hi tres unum sunt in Christo Jesu: Audi quomodo testes, Spiritus mentem renovat, aqua proficit ad lavacrum, sanguis spectat ad pretium; Spiritus enim nos per adoptionem Filios Dei fecit, sacri fontis unda nos abluit, sanguis Domini nos redemit; Alterum igitur invisibile, alterum visibile testimonium Sacramento consequimur spirituali, quia Spiritus testimonium reddit spiritui nostro &c.* DISPUT. VI.

XIII. Quartò, *Media salutis* hic etiam continentur; Cum enim tria præcipuè ad salutem requirantur ut fiamus ejus compotes, *Revelatio, Acquisitio & Applicatio*; frustra enim quæreretur salus nisi revelaretur, frustra revelaretur, nisi acquisita esset, & frustra acquisita esset, nisi applicaretur; Tria hæc in tribus istis Testibus nanciscimur; Spiritus eam revelat in Evangelio, Sanguis acquirit in Cruce, & Aqua applicat in corde: Rursus cum *media* quibus nos Deus ad salutis Communionem vocat, vel sint *externa*, vel *interna*, & tria utrobique occurrant, *Externa* Verbum scilicet cum duobus Sacramentis Baptismo & S. Cœnâ, *Interna* Vocatio, Justificatio, & Sanctificatio, seu Fides, Spes, Charitas; Utraque locum hic obtinent: Nam Spiritus Verbum Evangelii, & fidem, quæ effectus est Vocationis efficacis, designat; Aqua regenerationis beneficium cum Sacramento Baptismi bene connotat, qui ideo *lavacrum regenerationis* vocatur Tit. 3. 5. & Sanguis Justificationem & remissionem peccatorum nobis in Cœna obsignatam cum spe vitæ æternæ includit: Ut enim sanguis qui nobis bibendus proponitur in Cœna, effusus est in remissionem peccatorum; Ita commemoratio mortis Christi jubetur fieri in spem vitæ æternæ, donec veniat Dominus salutem nostram consummaturus. Huc videtur respexisse Tertull. lib. de Baptis. cap. 16. *Venerat Christus per aquam & sanguinem, ut aquâ tingeretur & sanguine glorificaretur, proinde ut nos faceret aquâ vocatos, sanguine electos, hos duos Baptismos de vulnere per fossilateris emisit, quia qui in sanguinem ejus crederent, aquâ lavarentur, qui aquâ lavissent, etiam sanguinem potarent. Nec aliter Beda in hunc locum. Venit per aquam & sanguinem, aquam videlicet lavacri, & sanguinem passionis suæ; Non solum baptizari propter nostram abluitionem dignatus est, ut nobis Baptismi Sacramentum consecraret & traderet, verum etiam sanguinem suum dedit pro nobis, sua nos passione redimens, cujus Sacramentis semper refecti nutritemur ad salutem, quod Glossa interlin. repetit.*

XIV. Denique hic etiam relatio occurrit ad *figuras* Veteris Testamenti. Tria enim præ cæteris sub Lege memorabilia fuere, quibus absoluebantur, quæcunque ad caerimonias pertinebant. 1. Spiritus Prophetiæ



DISPUT. quò agebantur Viri Dei ad revelanda salutis mysteria. 2. Aqua, quâ ablutiones omnes & lustrationes caeremoniales peragebantur. 3. Sanguis victimarum, quò peccata expiabantur. Jam ne quid in N. T. desideretur, tria voluit Deus fidelibus, sed longè excellentiora, dare. 1. Spiritum Veritatis Doctorem, qui effundi debuit non in paucos, sed indiscriminatim in omnem  
 VI. Joël. 2. 18. carnem, quò prophetaturi erant fideles, & visiones visuri, Joël. 2. 18. id est amplâ & luculenta Dei notitiâ fruituri, sic enim Mysteria Evangelica terminis legalibus non rarò solent exprimi. 2. Aquam, quæ in Baptismi sacro fonte nobis affunditur ad sordium nostrarum ablutionem, & 3. Sanguinem, non ἀλογον & mortuum brutorum, sed vivum & λογικόν illius, qui per Spiritum æternum se inculpatum Deo obtulit Heb. 9. 13.

X V. Quibus ita prælibatis de Testibus istis simul sumptis, distinctè jam de singulis agendum, & eorum testimonio. Primus occurrit Spiritus, qui hic non πνεῦμα, vel ὑποστατικῶς pro Natura Divina, vel pro Persona Spiritûs S. intelligendus est, quæ jam in numero Testium Cœlestium reposita fuerat; sed ἐνεργητικῶς, & effectivè respectu donorum, non quidem quoad dona miraculosa & extraordinaria, per hæc enim Spiritum testatum fuisse cœlitus diximus; Sed quoad dona ordinaria singulis fidelibus communia, quæ tum extrinsecus patent in Evangelii Verbo, tum intrinsecus latent in dono fidei, & illuminationis gratiâ. Hoc enim testimonium designari verba sequentia ψ. 10. docent, *Qui credit in Filium Dei, habet testimonium in se ipso*, & ψ. 11. *Hoc est Testimonium, quod vitam æternam dedit nobis Deus, & vita hæc est in Filio*. Ex quibus constat testimonium hoc consistere partim in Verbo Evangelii, quò docemur vitam æternam à Deo nobis promitti & dari in Filio, partim in corde, quod per fidem veritatem istam apprehendit & amplectitur.

X VI. Nec novum videri debet, quòd vox *Spiritus* eo sensu usurpetur, cum non semel hæc significatio occurrat: nam quoad Evangelium, notum est doctrinam istam salutarem sæpe eo nomine venire, quia Spiritûs efficacitatem ex vi novi Fœderis comitem habet, unde vocatur *Spiritus* 2. 2. Cor. 3. 6. per antithesin ad Legem, quæ *litera* dicitur, *litera occidit, Spiritus autem vivificat*; Per *literam* enim Legem intelligi res ipsa & scopus Apostoli evincit, non modò quia in tabulis lapideis scripta est, sed præcipuè quia instar literæ nihil aliud potest quàm proponere nobis officium nostrum, nullis additis ad illud exequendum viribus; *Spiritus* verò notat Evangelii doctrinam, quæ non tantum agit objectivè & imperativè instar Legis, sed efficaciter & operativè, cum præceptione officii vires etiam largiendo ad ejus impletionem. Ratio utriusque pendet ex discrimine fœderis Legalis & Evangelici; Nam legale, quod hominis obedientia nitebatur, bene *litera* dicitur, quia Deus in eo officium



cium quidem ab homine postulabat, sed ulterius non progrediebatur ad DISPUT.  
flectendum cor hominis ad obedientiam, unde Lex facta fuit infirma in VI.  
carne Rom. 8. 3. Sed fœdus Evangelicum, quia totum à gratia pendet &  
non imperat tantum, sed operatur, Legem in tabulis cordis carneis inscri-  
bendo vivifica Spiritûs S. virtute, & nos ad obsequium flectendo, optimè  
*Spiritus*, vel ministerium Spiritûs vocatur. Sed ne longius abeamus, hanc  
Spiritûs notionem Joannes satis apertè connotat v. 6. dum ait *Christum ve-*  
*nisse cum aqua & sanguine, & Spiritum testari, quod Spiritus est veritas,*  
ita enim videtur insinuare Spiritum S. in corde loquentem id singulis fide-  
libus persuadere, quòd Spiritus sit veritas, nimirum quod Doctrina illa  
de Christi adventu in aqua & sanguine in Verbo proposita, sit verissima  
& indubitata fidei; unde patet Evangelium appositè nomine Spiritûs de-  
signari, quia est efficacissimum instrumentum, quò in cordibus operatur.

XVII. Sed non minus certum est Spiritum etiam sæpissimè sumi pro  
donis internis Spiritûs, quæ conferuntur fidelibus in fœdere gratiæ, ma-  
ximè pro Spiritu Adoptionis & dono fidei, quò in vocatione efficaci do-  
namur, unde vocatur *Spiritus fidei* 2. Cor. 4. 13. & *Spiritus Sapientia* & 2. Cor. 4. 13.  
*Revelationis* Eph. 1. 18. qui proponitur ut peculiare donum N. T. Joel. 2. & Eph. 1. 18.  
Joan. 14. 16. quia majori copia debebat effundi quàm antea, adeò ut mi-  
nimus in Regno Cœlorum major deberet esse Joanne Baptista, qui & ipse  
maximus erat inter natos mulierum, scilicet quoad mysteriorum cognitio-  
nem; hinc Luc. 12. 12. Christus vetat discipulos sollicitos esse de illis, quæ Luc. 12. 12.  
dicturi essent coram Magistratibus & Synedriis, quia Spiritus docturus es-  
set tunc temporis quid dicendum haberent, & Paulus 1. Thess. 1. 5. dicit, 1. Thess. 1. 5.  
*Verbum Evangelii non fuisse apud ipsos tantum in sermone, sed in virtute*  
*& Spiritu Sancto & magna certitudine &c.* quia frustra pulsarentur aures  
corporis, nisi Deus cor aperiret, & frustra semen jaceretur, nisi Spiri-  
tus illud in mentibus radicaret.

XVIII. Hunc autem Spiritum, tum in Verbo, tum in corde ope-  
rantem de Christo testari palam est. Nam ad Evangelium quod attinet, ne-  
mo ignorat eum in finem potissimùm nobis proponi, ut testimonium red-  
dat Christo, tum quoad Personam & Naturas, tum quoad Officia & benefi-  
cia Jo. 20. 31. *Hac scripta sunt ut credatis Christum esse Filium Dei, & ut* Jo. 20. 31.  
*credentes vitam habeatis in ejus nomine;* unde passim vocatur Testimonium  
Christi 2. Tim. 1. 8. *Ne te pudeat testimonii Christi,* & Apoc. 1. 2. 9. Ver- 2. Tim. 1. 8.  
bum Dei & Testimonium Jesu Christi conjunguntur tanquam *ἰσχυρά*, Apo. 1. 2. 9.  
quia Verbum testimonium Christo perhibet, & Apostoli vocantur *Te-*  
*stes*, qui veniunt ad testandum Joan. 1. 7. 8. Joan. 19. 35. *Discipulus*  
*qui vidit, testatur, & Testimonium ejus est fide dignum &c.* 21. 24. Hic  
est Discipulus, qui testatur de istis; & scimus testimonium ejus esse fide  
dignum,



*dignum*; Si verò Spiritum agentem in corde, respicimus, non minus testari dicitur, non sanè per modum *objecti*, quasi testimonium aliquod seorsum à Verbo per Enthusiasmos & per arcanas inspirationes nobis suggerat, prout veilent Fanatici, quia Spiritus nunquam sejungendus est à Verbo Isa. 59. 21. sed per modum *principii*, quia fidem ingenerando in animis nostris de veritate Euangelii nos persuadet: Hinc Christus pollicetur Spiritum testaturum de se Joan. 15. 27. *Spiritus iste testabitur de me, & vos etiam testabimini*; Quomodo verò testabitur? quia *capiet de meo & annuntiabit vobis* Joan. 16. 14. id est Doctrinam meam in cordibus vestris imprimet. Sic Paulus Rom. 8. 16. ait, Spiritum Dei testari cum Spiritu nostro quòd simus filii Dei: quia Spiritus adoptionis, qui nobis confertur, argumentum est certissimum filiationis nostræ, tum consequenter & à posteriori, quia adoptionem nostram apud Deum factam confirmat, tum à priori & antecedenter, quia nos ad imaginem Dei renovat, & filios Dei facit per Regenerationem, ita Act. 5. 31. Spiritus dicitur testari de Christo, *Hunc Jesum, ajunt Apostoli, Principem & Salvatorem dextrâ suâ Deus exaltavit ad dandam poenitentiam Israël & remissionem peccatorum, & nos Testes sumus horum verborum, & Spiritus Sanctus quem Deus dedit obedientibus ipsi.*

XIX. Ex quibus liquet quid per Spiritum, quem primo loco proponit Joannes, intelligere voluerit. Videndum jam quid per *Aquam & Sanguinem*, quæ in secundo & tertio ordine recensentur, significaverit. Hoc verò & jam antè insinuavimus, & luculentius constare poterit ex verbis præcedentibus v. 6. quum ait, *Christum venisse cum Aqua & Sanguine*, eò enim jam Apostolum respicere vix dubitari potest; Ergo si semel intelligamus, quid sibi velint ista Joannis verba, facile percipiemus quid per Aquam & Sanguinem testantes innuat. Quid verò Joannes per Aquam & Sanguinem, in quibus Christus dicitur venisse, sibi voluerit, non una est omnium sententia. Alii per *Aquam* designari volunt *Christi Baptismum*, per *Sanguinem* verò *mortem*, quia in utroque luculenta testimonia data sunt, quibus declaratum est eum esse Filium Dei; Sed hoc alienius videtur à verbis & scopo Joannis. Alii referunt ad *Aquam & Sanguinem*, quæ ex Christi latere perfosso effluerunt. Verùm quamvis non dubitemus Joannem eò respexisse; non putamus tamen in eo sistere voluisse, sed sublimius aliquod mysterium hîc designasse. Tutius ergo & verius loqui existimamus eos, qui duo præcipua Christi beneficia connotari hîc pertendunt, quæ duobus N. T. Sacramentis obsignantur; *Expiationem* scilicet peccati & *Justificationem*, quæ fit in Sanguine Christi, & *Regenerationem*, quæ fit per Spiritum: Nimirum ut duo mala peccatum post se trahit, reatum & maculam, duo etiam remedia à Christo utrique malo curando adhibenda fuerunt, *Justificatio*, quæ reatum tolleret coram Deo vi-



sanguinis seu satisfactionis à Christo præstitæ, & *Sanctificatio*, quæ labem DISPUT.  
& maculam in nobis purgaret per efficaciam Spiritus, qui sæpissimè sub VI.  
nomine aquæ venit in Scriptura: ita bene dicitur Christus venisse per A-  
quam & Sanguinem, quia duplex beneficium nobis attulit adventu suo;  
Justificationem in Sanguine, & Sanctificationem in Aqua, dum factus est  
nobis & Justitia & Sanctificatio 1. Cor. 1. 30. Venit ergo in sanguine expia- 1. Cor. 1. 30.  
tionis, in aqua purgationis, in sanguine, qui liberet à reatu, in aqua,  
quæ purget à sordibus; in sanguine qui redimat pretio infinito justitiæ,  
in aqua, quæ sanctificet per efficaciam gratiæ.

XX. Hoc verò sub Veteri Testamento jam adumbratum fuerat clarissi-  
mè duobus symbolis, quibus pleræque Cæremoniæ constabant, & qui-  
bus absolvebatur hominum καθαρισμός, Aquâ scilicet & Sanguine; licet  
enim plures essent earum species, tamen sub his duabus tota Sanctitatis  
& Justitiæ ratio continebatur, aquâ abluebantur sordes, ut non nisi puri  
& mundi homines ad Deum accederent; in sanguine verò erat expiatio  
& reconciliationis cum Deo pignus. Præcipuè verò Paulus docet pa-  
ctiōem Veteris Fœderis fuisse in sanguine & aqua Heb. 9. 19. *Moses ac-* Heb. 9. 19.  
*cepit sanguinem vitulorum & hædorum cum aqua*; licet enim apud Mo-  
sem in solemni illa fœderis pactiōe ad quam Apostolus respicit, quæ  
describitur Exod. 24. 7. 8. nulla facta sit mentio expressa aquæ, potuit Exod. 24.  
tamen Paulus illud habere, vel ex traditione, quam Spiritus Sanctus in- 7. 8.  
dendo illius animo sanctificavit & extra dubium collocavit, vel colligere  
ex analogia, quia alibi sanguis cum aqua conjungebatur, ut in curatione  
leprosi sanguis avis mactatæ cum aqua miscebatur Levit. 14. 6. 51. Ut Lev. 14. 6. 51  
ergo vetus Fœdus pactum fuit sanguine & aquâ; voluit pariter novum,  
quod est antitypus & veritas Veteris, sanguine & aquâ dedicari, ut ita  
constaret in Christo solo veritatem & complementum omnium figura-  
rum legalium & ipsius veteris fœderis deprehendi: Atque ideo verum  
esse Messiam promissum Patribus & expectatum à fidelibus, qui pleni-  
tudinem habet gratiæ & virtutis ad salutem hominum, & qui solidè,  
& verè præstitit, quæ ad Justificationem & Sanctificationem nostram  
pertinebant, & quæ externis symbolis absolutionum & expiationum le-  
galium tantum erant adumbrata.

XXI. Atque eò procul dubio respexisse arbitramur memorabilem il-  
lam passionis Christi circumstantiam, in qua refert Joannes ex latere Chri-  
sti perfosso effluxisse sanguinem & aquam Joan. 19. 34. licet enim non inso- Jo. 19. 34  
litum planè & præter naturæ ordinem videri hoc debeat, cum constet in  
membrana præcordiis vicina seu pericardio aquam contineri, quâ ingens  
cordis æstus refrigeretur, quæ cum sanguine ex corde confosso exire potuit;  
tamen mysterium sapuit potius hoc effluvium, quàm naturam, & si præterna-  
turale



DISPUT. VI. turale quid in eo non fuisset & miraculosum, vix credibile est Evangelistam triplicatam illam asseverationem de veritate rei adhibere voluisse, & qui *viam testatur*: liquor enim ille pericardii nec colore, qui flavus est; nec sapore qui amarus, aquam refert; Hoc vero ita contigisse ad comprobendam Christi mortem dubium esse non potest, nisi enim hoc accidisset, potuissent pertinaces Judæi veritatem resurrectionis in dubium vocare, quasi semivivus adhuc ex cruce detractus fuisset; Verum post hunc casum nulla talis cavillandi ansa potuit superesse, siquidem certum est laeso vel aperto pericardio mortem necessario sequi.

XXII. Verum *μυστικώτερον* quid adumbratum fuisse dubitare non poterit, qui Joannem ipsum in hac Epistola audiverit ad ista verba alludentem, *Iste est*, inquit, *qui venit cum aqua & sanguine*, ubi clarum est divinum Theologum ad casum hunc respicere, & hoc tanquam singulare aliquod beneficium & certum veritatis Evangelicæ argumentum proponere. Quid verò hoc facto significatum fuerit, non una est apud Patres sententia. Quidam putant voluisse latus suum aperiri, ut sic fidelibus suis panderet ostium vitæ, & aditum pararet usque ad cordis Divini sacrarium. Alii volunt hîc impletum fuisse typum Adami & Evæ; Quemadmodum enim ex latere Adami dormientis exempta fuit costa, ex qua ædificata est illi Sponsa, quam Adam expergefactus sic alloquitur, *hec est caro de carne mea, & os de ossibus meis*: Ita dum Christus secundus Adamus obdormivit in cruce, ex ipsius latere profluxerunt aqua & sanguis, principia Regenerationis Ecclesiæ, quæ est ejus Sponsa mystica. August. Tr. 120. in Joan. & lib. 3. de C.D. c. 26. observat sic significata fuisse duo Novi Testamenti Sacramenta, per aquam Baptismum, qui est lavacrum regenerationis, & per sanguinem Sacram Cœnam, quia remissio peccatorum per sanguinem Christi in ea nobis exhibetur: licet verò hæc non sine fructu afferri possint, præcipuè tamen videntur sub hisce duobus duo primaria connotari Christi beneficia, Justificatio & Sanctificatio, quæ sub aqua & sanguine legali adumbrata jam fuerant. Quò respiciunt illa Ambrosii lib. 5. de Sacramentis, cap. 1. *Quare aqua, Quare sanguis? Aqua, ut emundaret, Sanguis ut redimeret, Quare de latere? quia unde culpa, inde gratia, culpa per fæminam ex latere Adæ formatam, gratia vero per Dominum Jesum Christum*, & in cap. 23. Luc. *Ex Christi corpore defuncto omnium vita manavit, aqua enim & sanguis exivit, illa quæ diluat, iste qui redimat, bibamus ergo pretium nostrum, ut bibendo redimamur*. Aug. tr. 120. in Joannem. *O mors unde mortui reviviscunt! Quid isto sanguine mundius? Quid isto vulnere salubrius?*

XXIII. Ne verò mirum videatur & insolitum, quòd duo ista Beneficia Christi, aquæ & sanguinis voce significari diximus, facile



facile ostendi potest non Joannem solum, sed Prophetas ipsos & Apostolos, adeoque Christum ipsum non raro iisdem phrasibus usos fuisse: Et ad Prophetas quidem quod attinet, nihil frequentius occurrit, quam gratiæ Dei salutaris descriptio sub symbolo aquarum, quia instar aquæ nos mundat à sordibus nostris, nos recreat & refrigerat in æstu conscientia, ignem iræ Divinæ extinguit, sitim animæ nostræ sedat, & fœcundos nos reddit in bonis operibus. Ita jam loquutus fuerat David Psal. 42. 1. & 63. 2. & passim Prophetæ Isa. 12. 3. & 44. 3. Ezech. 36. & 47. Zach. 13. 1. ubi gratia Dei aquis confertur. Nec aliter loquuti sunt de altero Christi beneficio, quando mortem Christi, & oblationem ejus in sacrificium pro peccato prædixerunt; sanguinem enim effundendum esse necessario supponebant, ut Is. 53. 6. 7. 8. 10. Ps. 16. 10. & 22. 17. imò expressa sit mentio *sanguinis Fœderis*, quò educti erant captivi ex fovea, ubi non est aqua apud Zachar. 9. 11. id est non modò liberati fuerant Judæi ex captivitate Babylonica, sed & liberandi fuerunt fideles ex inferno. Ita Apostoli subinde sanguinis Christi meminerunt ad Redemptionem, & lavacri aquæ ad sanctificationem, Paulus Eph. 5. 25. Heb. 9. 11. 12. 1. Cor. 6. 11. & 10. 19. 22. & 12. 24. 1. Pet. 1. 1. 22. Sed Christus ipse non raro hoc duplici symbolo usus legitur, tum aquâ Joan. 3. 5. & 4. 14. & 7. 39. tum sanguine Luc. 22. 20. hinc mirum videri non debet, si Joannes, stylum Christi & Prophetarum ac Apostolorum imitatus, dicat Christum venisse cum aqua & sanguine, ut duplex beneficium ex Christi adventu ad nos dimanans designet.

XXIV. Sed ulterius videndum superest, cur Joannes addat, *non venisse tantum in aquâ, sed in aqua & sanguine*; hoc vero addidisse videtur duabus potissimum de causis. 1. ut ostenderet Beneficia ista esse inseparabilia, & indivulso nexu inter se conjuncta. 2. ut doceret, licet separari non debeant, non debere tamen confundi, sed tanquam distincta semper spectari. Et conjunctio quidem insinuari debuit, ne quis alterutrum ex istis beneficiis sufficere posse ad salutem arbitraretur. Nam ut frustra satisfactio justitiæ Dei esset exhibita ad remissionem peccati & justificationem peccatoris, nisi continuo eam exciperet sanctificatio ad purgandas peccati sordes, & renovandum peccatorem; Ita renovatio fieri non posset nisi suppositâ prius satisfactione: Nimirum ut duo obstacula erant, quæ nos à communione cum Deo, in qua felicitas nostra sita est, arcebant; *In Deo Justitia*, quæ non patiebatur gratiam ullam peccatori communicari, nisi prius satisfactum esset pro peccato; *In nobis vero injustitia* & labes, per quam fiebat, ut ab ejus communione procul arceremur: quandoquidem nulla potest esse sanctitatis perfectissimæ cum impuritate communio; Ita duo remedia adhibenda fuerunt duplici isti obstaculo removendo; 1. quod Justitiam Dei placaret, alter-



DISPUT.  
VI.

rum quod injustitiam nostram purgaret; 1. occurrit in Christi sanguine, qui expiationem peccati fecit; alterum in aqua, quæ nos abluit ab ejus sordibus; Unde necessarius & indissolubilis nexus duorum istorum beneficiorum patet; qui porro confirmari posset ulterius variis argumentis. Tum ab *Electione*, quæ tendit ad Vocationem & Justificationem Rom. 8. 30. ad sanctificationem Spiritûs, & obedientiam fidei, & asperisionem sanguinis Christi 1. Pet. 1. 1. Tum à *promissionibus* fœderis gratiæ, quæ inscriptionem Legis in cordibus cum remissione peccatorum conjungunt Jer. 31. 33. Tum à *Christo* ipso, qui ut nobis datus est in Vadem & Caput; Ita fit nobis Justitia & Sanctificatio 1. Cor. 1. 30. non solum ut redimat nos ab omni iniquitate, sed etiam ut purificet sibi ipsi in populum peculiarem studiosum bonorum operum Tit. 2. 14. Tum à *Spiritu*, qui Spiritus sanctitatis & consolationis dicitur; Tum ab *Euangelio*, quod fidem & charitatem præcipit; Tum à *Sacramentis*, quæ remissionem peccatorum cum sanctificatione nobis obsignant. Nam ut baptizamur in remissionem peccatorum, ita Baptismus est lavacrum regenerationis Tit. 3. 5. & communionis cum Christo symbolum Rom. 6. 3. 4. Et in Cœna sanguis nobis exhibetur ut effusus in remissionem peccatorum Matt. 26. 28. & ut alimentum vitæ spiritualis, quæ in sanctificatione consistit.

XXV. Ut verò conjunctio istorum Beneficiorum in verbis Joannis indicatur; Ita & eorum *distinctio*: Nam frustra dixisset venisse Christum in aquâ & sanguine, si unicum tantum Beneficium insinuare voluisset, ut Pontificii perperam confundunt Justificationem cum Sanctificatione; cum tamen distinctissima esse bona, non modò Scriptura clarissimè doceat 1. Cor. 1. 30. & 6. 11. sed res ipsa necessariò evincat: Nam Justificatio est actus forensis, qui fit coram Deo; Sanctificatio actus moralis, qui in nobis; Illa nos à reatu liberat, Hæc à macula; Illa in imputatione justitiæ alienæ consistit, Hæc in infusione inhærentis; Illa unico actu peragitur, Hæc verò successivè; Optimè ergo Joannes aquam à sanguine distinxit, ut Sanctificationem à Justificatione distinguendam semper & non confundendam ostenderet.

XXVI. Porro quia gemini istius Beneficii symbolum & sigillum dare voluit in duobus Novi Testamenti Sacramentis, Baptismo & S. Cœnâ; hinc factum est, ut utrumque etiam sub aquâ & sanguine secundariò intelligeretur. Et de *Baptismo* quidem non obscurum est illum per aquam designari, cum & hoc voluerit esse ejus signum Christus, & sæpe Scriptura hac notatione illum exprimat Eph. 5. 25. Tit. 3. 5. De *Cœna* etiam licet rariùs occurrat, facilè tamen colligitur, cum enim sit Communio Corporis & Sanguinis Christi 1. Cor. 10. 13. quæ instituitur in commemorationem mortis Christi, non abs re sub nomine sanguinis designatur phrasi sacramentali

Eph. 5. 25.  
Tit. 3. 5.

1. Cor. 10.  
13.

mentali



mentali & metonymicâ, quâ nomen signati datur signo, & nomen signi vicissim signato: quomodo *Calix* dicitur esse *Novum Testamentum* in *Sanguine Christi* Matt. 26. DISPUT. VI.

XXVII. Quibus ita positis proclive est intelligere, quomodo duo isti testes aqua & sanguis concurrant ad testimonium Christo perhibendum: Nam si illos referamus ad Sacramenta, quis non videt ista, utpote Novi Fœderis sigilla, non alium in finem esse instituta, quàm ad confirmandas & obsignandas in Ecclesia promissiones gratiæ, & Verbum Euangelii de Jesu Christo Filio Dei Redemptore nostro? si ad beneficia Sacramentis illis obsignata, clarum est eidem veritati luculentum testimonium perhiberi; Cum enim ad plenam peccatorum remissionem obtinendam Justitia & Ἀντίποινα pretii infiniti requireretur, utique Christum verum fuisse Deum Redemptorem nostrum oportuit qui eam nobis attulit, & sanguine suo acquisivit, quam nec Sacra omnia Gentilium, nec Victimæ omnes Legales conferre potuerunt, quia impossibile fuit sanguinem taurorum & hircorum tollere peccatum. Rursus cum ad hominem corruptum renovandum & sanctificandum virtus quædam planè divina necessaria esset, quæ cum in peccatis mortuum suscitaret & novam creaturam faceret; Quis diffiteri potest Christum, qui gratiâ suâ efficaci tale ac tantum opus exequitur, esse verè Dei Filium & Messiam promissum; Quis enim nisi Deus efficere potuit, ut homo, qui naturâ suâ ad amorem sui propensissimus est, sibi ipsi renunciaret & rebus quibusque vitæ carissimis polthabitis doctrinam rationi & affectibus planè adversam, quæ nihil nisi crucem & miseras omnigenas denunciat, amplexetur cum gaudio? Quis nisi Deus hominem cæcum illuminare, lapideum emollire, mortuum suscitare, & mirâ quadam Metamorphosi in novam Creaturam transformare potuit? Cum ergo gratia Christi hoc subinde in fidelibus operetur miraculum, satis superque Divina ejus virtus exinde asseritur & testata fit.

XXVIII. Cæterum quia diximus per sanguinem à nonnullis intelligi constantiam & fidem Martyrum, qui moriendo Christo testimonium perhibuerunt, quò pertinet ipsa *Martyris* & *Martyrii* nomenclatio: Videndum an non hæc etiam *σπίς*, à Joanne indicari potuerit. Hoc autem non difficile est colligere ex prima sanguinis significatione; Nam si per sanguinem innuitur beneficium Justificationis, quod consequimur in sanguine Christi, nihil absurdi est si dicamus sanguinem istum Christi, quò expiantur peccata, non modò testari in conscientia cujusque fidelis per sensum remissionis peccatorum & reconciliationis nostræ cum Deo; sed vel imprimis in constantia mirabili Martyrum in mediis tormentis, quæ non aliunde oritur, quàm ex efficacia sanguinis Christi,



DISPUT.  
VI.

quò persuasi de expiatione peccatorum suorum, tormenta quævis non modò patienter, sed & cum gaudio sustinent; ut sic sanguine suo Christi Doctrinam obsignent. Ita tria designabuntur, quibus officium Christiani absolvitur, & quibus veluti totidem argumentis veritas Christiana comprobatur, *credere, facere, & pati*, seu fides, spes, charitas, veritas fidei, quæ per Spiritum, innocentia vitæ, & charitas quæ per aquam, & spes seu constantia in afflictionibus & morte ipsa ex sensu remissionis peccatorum in sanguine Christi, quæ per sanguinem adumbratur.

XXIX. Porro isti Testes dicuntur testari *ἐν τῇ γῆ in terra*, per antithesin ad Cœlestes, qui dicti fuerant testari in Cœlo; quia licet vis eorum non terrestris sit, sed cœlestis & divina, tamen nec videntur nec audiuntur aut sentiuntur in sublimi, ut superiores, sed se exerunt in Ecclesia, & in animis hominum potissimum qui in terris versantur; Nam si per Spiritum intelligamus doctrinam Evangelii in Ecclesia resonantem, aut donum fidei in corde fidelis impressum, si per aquam & sanguinem referamus ad duo Sacramenta Novi Testamenti, si per duo Christi beneficia, quæ illis obsignantur; certum est ista omnia in terris vim suam exercere, & Christo testimonium dicere, ut non opus sit operosâ eorum inquisitione; cum expositi sint in Ecclesia, & in singulis fidelibus operentur.

XXX. Sic vidimus quinam sint tres isti Testes, & quale ipsorum Testimonium; Superest ut aliquid addamus de eorum *unitate & consensu* quem Joannes innuit, quum addit *ἐν τῷ ἑνί*. Licet autem Complutensis Editio hæc non habeat, retinenda tamen esse non modò probatioris Codices evincunt, sed & rei ipsius natura, ut sciremus Testes istos omnes in idem prorsus consentire, & ad unum eundemque scopum tendere: Hic autem ante omnia observandum discrimen Unitatis Testium Cœlestium & Terrestrium; nam de illis dixerat Joannes *ἐν ἑνί unum sunt*, sed de istis *ἐν τῷ ἑνί ad unum vel in unum sunt*, quod sanè non alia de causa factum putandum est, nisi ut significetur diversitas quædam memorabilis, quæ inter Testes istos occurrit, ne idem de utrisque censeretur, sed in illis quidem *unitas essentie* agnosceretur, in istis verò *unitas tantum consensûs*, quæ inter res longè diversas potest occurrere: cum enim Testes isti quomodocunque spectentur, vel externè vel internè, diversæ sint naturæ, quæ aliter coalescere non possunt, quàm consensione ad unum idemque Testimonium de Christo perhibendum, dicuntur *ἐν τῷ ἑνί in unum veluti tendere, & eò simul concurrere, ut idem de Christo testificentur*. Hoc autem memorandum fuit, ne ob naturæ discrepantiam res illæ aliò spectare & in diversas partes animos hominum trahere putarentur; quippe non est semper de Testibus, qui ad aliquid confirmandum adhibentur, eadem testi-

monii



monii dictio, sed sæpenumero diversa, imò contraria proferunt, prout DISPUT.  
VI. majori vel minori rei, de qua testantur, notitià sunt instructi, vel contrariis affectibus ducuntur: Ne ergo tale quid de istis existimaremus, quod dubiam & incertam plane reddidisset fidem nostram, Joannes dicit in unum esse, id est plane inter se concordare & in idem consentire.

XX. I. Quomodo autem in idem consentiant non difficile est ad intelligendum. Nam quomodocunque spectentur, certum est omnes collimare ad demonstrationem Divinitatis Christi & Redemptionis ab ipso factæ, Evangelium certè non aliò tendit, quàm ut *creamus Jesum esse Filium Dei, & ut credentes vitam habeamus per ipsum* Joan. 20. 31. Nec aliud Sacramentorum finis, quæ sunt fœderis sigilla, quàm ut easdem promissiones in cordibus fidelium obliquent: non aliò respiciunt dona interna, quæ in Testibus istis includi diximus; Quorsum enim Spiritus fidem in animis nostris ingeneraret, nisi ut credamus Evangelio Dei de Jesu Christo Redemptore nostro? Quorsum vel remissio peccatorum & Justificatio in ejus sanguine nobis applicatur, vel regenerationis opus in nobis inchoatur & promovetur in dies per efficaciam gratiæ, nisi ut agnoscamus divinam virtutem Christi in nobis operantis, & salutem inchoatam in dies perficientis?

XXXII. Fundamentum autem istius unitatis, non aliunde petendum est, quàm ab indissolubili gratiarum divinarum & Beneficiorum Christi inter se nexu: quemadmodum enim arctissime inter se colligata sunt, ut uno posito, cætera necessariò sequantur, quod Apostolus in aurea salutis catena Rom. 8. 29. clarissimè demonstravit; Ita in testimonio dicendo non possunt non amicè conspirare, & in unum consentire: Nec conveniunt tantum in eo, quod unum idemque objectum respiciant, cui testimonium perhibent, verùm etiam in eo quòd sibi mutuam præstent operam, & alter alterum confirmet: Nam ut testes cœlestes mutuo sibi testimonium dicunt, Pater testatur de Filii merito, Filius testatur de gratia Patris, & Spiritus Sanctus applicat nobis & obliquit gratiam Patris, & meritum Filii. Ita in testibus istis res se habet; ut enim Evangelium Sacramenta illustrat, sic Sacramenta Evangelium confirmant; Ut fides probatur per sanctitatem & bona opera; Ita sanctitas pendet à fide, & eam semper comitatur, & per consolationem & pacem conscientiæ magis ac magis in nobis confirmatur.

XXXIII. Ut verò ista à Deo in opere salutis conjuncta sunt; Ita à nobis nunquam sunt divellenda, quod Deus conjunxit, homo non separet: Unde patet nec Verbum à Sacramentis, nec Sacramenta à Verbo esse separanda, si fructum utrorumque percipere volumus; Nec fidem à charitate divelli debere, nec Justificationem sine Sanctificatione obtineri posse;



Talis enim est ac tanta Beneficiorum istorum omnium simul ad salutem necessitas, ut qui alterutrum tantum retinere vult, utrumque perdat, & qui utrumque non habet, neutrum possideat; Quid juvaret enim fides sine charitate? vel Justificatio sine Sanctificatione? vel quomodo persuadere nos possent de veritate Evangelica, & certitudine salutis nostræ nisi partes omnes salutis post se traherent?

XXXIV. His verò ita discussis, superest ut quibusdam scrupulis satisfaciamus, qui ex dictis oriri possunt. Primò quæritur cur Joannes præmittat aquam sanguini, si per aquam Regeneratio, per sanguinem Justificatio est intelligenda; cum certum sit Justificationem præcedere Sanctificationem, & neminem à Deo per Spiritum regenerari posse, nisi prius Deus erga ipsum sanguine Filii placatus peccatorum remissionem concesserit. Verùm facile respondetur hoc ita recenseri à Joanne, non modò ratione mediorum externorum Baptismi putà & S. Cœnæ, in quibus constat Baptismum tanquam Sacramentum aquæ cœlestis, id est Initiationis & regenerationis nostræ præcedere, Cœnam verò, quæ est Sacramentum mortis & sanguinis Christi, adeoque nostræ per ipsum nutritionis, sequi; Sed etiam ratione mediorum internorum seu Beneficiorum Christi, quatenus spectantur, non *in se* & *à parte Dei*, sed *quoad sensum* & *à parte nostri*; Nam *in se* & *à parte Dei* præcedit sanguis aquam, quia prius placatur nobis Deus, antequam nos regeneret; sed *à parte nostri*, & *quoad sensum* præcedit aqua sanguinem, quia non posset esse cognita nostra justificatio, nisi posita regeneratione; Nec *Consolatio* quæ per *sanguinem* designatur, posset percipi, nisi posita *renovatione*, quæ per *aquam*, ut *renovationi* locus in nobis non esset, nisi data *illuminatione* & dono fidei, quæ per *Spiritum* innuitur.

XXXV. Secundò quæritur, An ex eo quòd per sanguinem S. Cœnam intelligimus, sequatur præsentia realis & substantialis sanguinis Christi in Cœna, ut pertendunt nonnulli ex Lutheranis, & inter eos Gerhardus, qui inter alia porismata vult inde colligi, realem, veram, & substantialem sanguinis Christi in Cœna præsentiam, hoc argumento; Si voce sanguinis Cœna intelligitur, necesse est sanguinem esse sub vel cum visibilibus elementis re ipsa præsentem in Cœna, quemadmodum aqua quæ conjungitur in Baptismo, At verum prius, Ergo & posterius; nec enim posset eo nomine designari, nisi sanguis ibi præsens esset. Sed quis non videt consequentiam vacillare? Nec enim si voce sanguinis significatur Cœna, sequitur sanguinem debere esse præsentem substantialiter sub elementis, quia sic appellatur non propriè, sed figuratè per metonymiam sacramentalem, quia est signum & sigillum sanguinis Christi, ut liquet ex phrasologia sacramentali, per quam ut sepe non nisi signatur signato; ita nomen signati signo; Eadem phrasi *panis* dicitur *Corpus Christi*



*Christi, & Calix Novum Testamentum in sanguine Christi;* non propriè, DISPUT.  
VI. quia disparatum de disparato propriè prædicari non potest, sed tantum tropicè; quicquid hic Pontificii pro *ἱερωσὶ* adstruendo moliantur. Nec ratio petita ab aqua, quæ sanguini conjungitur, & quæ in baptismo videtur, hoc evincit: Nam si Baptismus per eam designatur, patet denominationem istam sumi à signo & elemento, quod præsens debet esse localiter, non à re significata, quæ talem præsentiam non potest admittere.

XXXVI. Atque hinc colligitur quænam præsentia Sanguinis & Corporis Christi in Cœna sit intelligenda; non *localis* per indistantiam, quasi sanguis semel in cruce effusus quærendus adhuc esset in terris, & in os ingerendus, & in venas transfundendus; hæc enim & veritati Corporis Christi, & ascensioni ejus locali in cœlum, & Sacramenti istius naturæ, quod institutum est in memoriam Christi absentis, apertè repugnat. Sed partim *sacramentalis* & *symbolica* in signis quæ illa repræsentant, & ex ordine Dei obliquant, partim *spiritualis* & *mystica* fidei dignè participantium, quatenus verà fide amplectendo Christum pro se mortuum, fiunt participes carnis & sanguinis ejus, id est perfectissimi meriti & virtutis vivificæ mortis ejus, atque ita in unum corpus cum ipso coalescunt. Unde *Unio* nostra cum Christo *substantialis* sequitur ratione *personarum*, & *Communio realis*, sed *mystica* ratione *beneficiorum*.

XXXVII. Tertiò quæritur, An, quia Spiritus dicitur testari in nobis, faveat hoc Enthusiastarum delirio, qui Spiritum privatum jactant, & arcanæ ejus revelationes? R. Neg. quia, ut visum antea, Spiritus iste testans in corde, nunquam divellendus est ab eodem in Verbo testante, nec testimonium perhibere censendus est *objectivè*, per privatas revelationes seorsim à Verbo, sed *efficienter*, per demonstrationem & applicationem veritatis in Verbo propositæ, atque ita duo ista non opponenda sunt, sed componenda, ut nec Verbum sine Spiritu operetur, nec Spiritus sine Verbo. Quod alienissimum est à mente Fanaticorum, qui sub prætextu privatarum revelationum, Scripturam tanquam literam mortuam & occidentem susque deque habent. Nec talis Spiritus potest dici privatus, licet enim possit utcumque eo nomine designari *subjectivè*, quia est in singulis fidelibus, non potest tamen talis censeri *originaliter*, quia idem est Spiritus in omnibus qui omnia operatur 1. Cor. 12. 3.

XXXVIII. Porro ex triplici isto Testimonio tum cœlesti, tum terrestri, invicta formatur veritatis Evangelicæ demonstratio; Nam quod divinis testimoniis & in cœlo & in terra *παναρμοניה*, inter se consentientibus evidentissimè confirmatur, tanquam extra omnem dubitationis aleam positum, citra *ἄλλῃ* firmissimè credendum est, nisi Deum volumus facere mendacem, quod omnium criminum longè teterrimum. Jam Jesum Nazarenum  
esse.



DISPUT.  
VI.

esse æternum Dei Filium, qui in carne venit, verum Messiam & Redemptorem nostrum, in cuius solius nomine vita æterna Credentibus offertur & confertur, quæ summa est & compendium Euangelii, unanimi cœli & terræ consensu comprobatur, nec aliud clamant, vel Personæ divinæ in cœlis, vel earum beneficia in terris, E. hoc tanquam certissimum & æternæ veritatis Oraculum, fidei nostræ fulcrum ἀσάλευτον, & Religionis Christianæ immotum fundamentum retineri semper debet, ut planè sic ἀναπολόγητος, qui tam admirabilium Testium nubi incredulitate sua adhuc refragari audeat.

XXXIX. Ut vero in eo summam & ineffabilem Dei erga nos bonitatem mirari decet, qui certitudini fidei nostræ hoc modo prospectum voluit; Ita æquum est nos huic divino testimonio sic acquiescere, ut ad testimonium humanum in confirmanda Verbi divini authoritate, & cœlestium Mysteriorum veritate confugere non liceat: quod Pontificii perperam vellent, Scripturæ authoritatem ab Ecclesiæ testimonio suspendentes, quasi Deus ab homine, & æterna atque infallibilis Creatoris veritas, à fallibili & incerta Creaturarum voce penderet. Absit verò ut tanti criminis reatum in nos accersamus, Quin potius devotâ mente, Dei de se ipso testimonium irrefragabile suspicientes, æternæ veritatis & αὐτοπιστίας laudem illi tribuamus. Et si Testes istos divinos utrobique testantes audimus, & verbo & opere, illis etiam pro virili respondere satagamus, si Spiritus clamat, fide credamus; si Sacramentis Dominicis initiati & confirmati sumus, Caveamus ne impietate nostrâ vim eorum irritam reddamus, & sigilla tanti fœderis perfidè abrumpamus: Imò aquâ semel loti, & sanguine tincti, justificationis beneficium & regenerationis gratiam per fidem & sanctitatis studium ita in animis nostris confirmemus, ut nulla in posterum de his dubitandi detur occasio; donec ad unitatem fidei & consummationem felicitatis omnes perveniamus, ubi in rem præsentem deducti, & ab omni peccati labe & reatu immunes, nullis amplius testibus vel symbolis externis opus habebimus, quia non amplius visuri sumus δι' ἑσόπτρου ἐν αἰνίγματι, sed πρόσωπον πρὸς πρόσωπον: & ipse Deus futurus est πάντα ἐν πάνσι. Amen.

F I N I S.




## DISPUTATIO THEOLOGICA

D E

BAPTISMO NUBIS  
ET MARIS.

EX I. COR. 10. 1. 2.

*Respondente JOANNE SARTORIO Genevensi.*

I.  NTER varia Miracula, quæ Deus olim in gratiam populi Israëlitici edidit, nullum videtur illustrius, nullum certe DISPUT. VII.  
 μυσικώτερον fuit, insigni illâ *Columnâ Nubis*, qua illum tex-  
 it, & mirabili *per mare rubrum transitu*. Ideo Spiritus  
 Sanctus non semel ad utrumque respicit, non modò ut in rei admirabilita-  
 te providentiam Dei paternam erga populum suspiceremus, sed etiam  
 ut mysteria ibidem latentia attentè scrutaremur. Quod cùm Paulus exi-  
 miè & divinè more suo exequatur in celebri, quem ventilandum suscipi-  
 mus, loco, fructu non carituram operam nostram sumus arbitrati, si paulò  
 penitiùs in ejus genuinum sensum inquiramus.

II. Extat ille primæ ad Cor. 10. 1. 2. ubi Paulus agens de variis benefi-  
 ciis populo Dei olim collatis, quæ Sacramentis nostris analogicè respon-  
 dent, sic ait, ὃ θέλω ὑμᾶς ἀγνοεῖν, ἀδελφοί, ὅτι πάντες οἱ πατέρες ἡμῶν  
 ὑπὸ τὴν νεφέλην ἦσαν, καὶ πάντες διὰ τὴ θάλασσης διήλθον, καὶ πάντες  
 εἰς τὸν Μωσὴν ἐβαπτίσαντο, καὶ ἐν τῇ νεφέλῃ, καὶ ἐν τῇ θαλάσσῃ: *Nolo*  
*vos ignorare, fratres, quòd Patres omnes nostri fuerunt sub nube, & per*  
*mare transverunt, & omnes in Mosem baptizati sunt, in nube, & in mari.*  
 Ubi duo expendenda veniunt. 1. Miraculum ipsum historicè & in litera. 2.  
 Mysterium sub historia & litera latens. Prius innuitur ab Apostolo versu  
 primo, quando ait *Patres fuisse sub nube, & transivisse per mare*. Poste-  
 rius describitur secundo, quum addit, *Baptizatos fuisse in Mosem, in*  
*nube & in mari.*

III. Scopus Apostoli est dehortari Corinthios ab idolola-  
 tria, scortatione, & similibus peccatis, quæ justa Dei judicia in  
 ipsos



DISPUT.  
VII.

iplos certissimè accersitura erant, exemplo petito ab Israëlitis in deserto, qui talibus peccatis impliciti, gravissimas pœnas effugere non potuerunt, quod persequitur v. 7. 8. 9. 10. Ne verò exciperent Corinthii, aliam esse rationem Christianorum, qui majoribus beneficiis donati sunt, & qui gaudent imprimis Baptismi & S. Cœnæ Sacramentis, quàm Israëlitarum, qui illis destituebantur; Paulus ostendit non disparem esse hac in parte utroque conditionem, quia ejusdem fœderis nobiscum participes, suum etiam Baptismum in Nube & Mari, & suam Eucharistiam in Manna & in Petra, obtinuerunt. Unde colligit, Deum non parciturum Christianis peccantibus, licèt eximia beneficia à Deo acceperint, quemadmodum non pepercit Judæis idololatriis & scortatoribus, licèt sub eodem fœdere similibus privilegiis donati fuerint. *Nolo vos ignorare, fratres, &c.*

Exod. 13.

IV. Utergo ad primum Miraculum, *Columnam* scilicet *nubis*, accedamus, Historia ejus refertur à Mose Exod. 13. Dum ait, postquam Israëlita profecti sunt è Succoth, ut iter suum persequerentur, *Dominum præcessisse eos ad ostendendam viam per diem, in columna nubis, & per noctem in columna ignis, ut dux esset itineris utroque tempore, nunquam defuisse columnam nubis per diem, & columnam ignis per noctem coram populo.* Sic capite 14. norat Historicus sacer, Angelum, qui præcedebat castra Israëlitarum, abiisse post eos, & cum eo pariter columnam nubis, & stetisse inter castra Israëlitis & Ægyptiorum, & istis quidem fuisse nubem tenebrosam, illis verò lucidam. Nolumus multis inquirere, vel in materiam, vel in figuram, vel in motum istius Nubis. Nam quoad *materiam*, certum est fuisse corpus quoddam aëreum in similitudine nubis, sed quod miraculosè & extra ordinem à Deo formatum erat ad usum peculiarem populi; quippe materia nubium talis non est, quæ possit tam diu durare, & vices illas constantes habere. *Figura* colligitur ex eo, quòd dicitur fuisse in speciem *columna*, sed ita in altum evecta erat, ut à toto populo facillè conspici posset, & noctu quidem debuit assurgere in figuram pyramidalem igneam, interdium verò paulò latius expandi ad modum nubis, aliàs non potuisset populum ab æstu Solis tueri, cumque obumbrare. *Motus* etiam non fuit ordinarius, sed planè extraordinarius ad impulsum Angeli, qui, quoties movenda erant castra, movebat nubem, ut viam populo præmonstraret, quoties verò castra metanda erant, nubem immotam firmabat: quomodo verò tam constans fuisset motus & quies istius nubis sine peculiari Angeli impulsu, cum nubes aliæ & figuram subinde mutent, & ventis huc illuc propellantur?

V. Si quaratur porrò, An columna nubis & ignis una, eademque fuerit, an diversæ? Sunt qui duplicem statuunt, unam *nubis*, *ignis* alteram, ut *Procopius* ἡμέρας μὲν ἐν σύλῳ νεφέλης, τὴν δὲ νύκτα ἐν



ἐν αὐτῷ πυρὸς δι' ἀμφοτέρων δὲ ἐτυπᾶτο Χρῆς. Satius tamen est cum *Ju-* DISPUT.  
VII.  
stino unam & eandem nubis & ignis columnam statuere, cujus duplex  
φάσις esset & duplex usus, quæ pro diversis vicibus nunc nubis, quæ  
interdiu magis esset conspicua, & umbraculi loco esse poterat, nunc verò  
ignis, qui noctu colluceret, quò exercitus totus collustraretur, speciem  
referret. Quò respiciunt illa *Salviani* de Provid. l. I. c. 29. *Victrix ingre-*  
*ditur cremum sine bello gens Hebraorum, agit iter sine itinere, viatrix sine*  
*via, prævio Deo sequens mobilem columnam, nubilam die, igneam nocte,*  
*congruas colorum diversitates pro tempore sumentem, scilicet ut diei lumen*  
*lutea obscuritate distingueret, & caliginem noctis flammeo splendore cla-*  
*rutatis irradiaret.* Moyses non obscure hoc innuere videtur *Exod. 14. 20.* Exo. 14. 20.  
quando ait, columnam unam eandemque caliginis instar habuisse ex al-  
tera parte, quâ *Ægyptios* respiciebat, ex altera verò quâ *Hebræos* specta-  
bat, lucem claram præbuisse, & mox *Deum* e columna nubis atque ignis,  
utpote quæ una eademque fuerit, prospectasse v. 24.

VI. Quorsum autem Deus columnam illam in populo crexerit, rationes  
variæ reddi possunt, quæ totidem usus ejus designant. 1. Ut esset *Præsentie*  
*divina symbolum*, hoc enim signo testabatur Deus se adesse populo suo, &  
quem semel ex hostium manibus eripuerat, nolle deserere, licet verò po-  
tuisset invisibili suâ providentiâ illum comitari, voluit tamen symbolum  
externum adhibere, ut ruditati populi sese accommodaret, qui cùm rebus  
spiritualibus & invisibilibus minus esset assuetus, opus habuit signo aliquo  
externo, ne se omni Numine destitutum putaret, sed ut fide Dei ductoris  
& protectoris aleretur. *Nubem* autem non sine causa selegit ad id ipsum,  
tum quia conveniens erat modus iste revelationis humanæ imbecillitati,  
tum temporis illius dispensationi. Nam cùm Deus sit lux inaccessa & ignis  
consumens, nemo splendorem gloriæ ejus ferre posset, nisi radii isti qua-  
dantenus temperarentur, adeoque per miram *συγκαταβῆαι* se nobis ac-  
commodaret, & ignem illum devorantem nubis umbraculo mitigaret. Ac-  
cedit etiam temporum illorum ratio, cùm enim obscurior esset adhuc reve-  
latio præ *Novi Testamenti* luce, ideo in nube & caligine exhiberi voluit,  
quæ doceret tempus fuisse infantie & obscuritatis, præ splendore *Euan-*  
*gelii*, in quo non amplius Deus in caligine & nube obscura se nobis viden-  
dum præbet, sed resectâ facie in speculo *Evangeli*i clarè contemplandum  
sistit *2. Cor. 3. 18.*

VII II. *Directionis medium*, ut populum suum dirigeret in itinere  
suscepto, tum *viam monstrando*, per vastas illas & invias solitudines,  
ubi nulla viarum apparebant vestigia, quem in finem viatores etiamnum  
hodie uti coguntur instrumentis quibusdam, quasi pixilibus nauticis ad  
indicandas mundi plagas, & dirigendas profectiones. Tum *tenebras noctis*



DISPUT. *discutiendo*, quæ iter alioqui cognitum remorari potuissent, unde Ps. 78. 14. VII. *Deduxerat eos nube interdiu, & tota nocte lucente igne.* III. *Protectionis organum*, tum adversus hostium insultus, quia intercedens columna ista separabat Israëlitas ab Ægyptiis, nec patiebatur istos ad illos accedere, tum adversus Solis æstum, qui in locis illis calidioribus solet esse intensissimus, unde Ps. 105. 39. *Expandit nubem in protectionem eorum.* IV. *Vindictæ divinæ adversus Ægyptios argumentum*; Namquæ nubes lucida erat à parte Israelitarum, tenebrosa erat Ægyptiis, quæ caliginem ipsis inducebat, non modò ut eos determinaret ab Israëlitis, sed etiam ut horrorem itineris in transitu maris tollendo, facilius Israëlitas insequerentur, & undis maris obruerentur. Quum ergo Paulus dicit, *Patres fuisse sub nube*, non obscurum est voluisse notare Dei erga ipsos beneficium. Sane sub cælo omnes sumus, & nubibus tegimur, & si nihil aliud voluisset Apostolus, hoc tanquam peculiarem Dei gratiam prædicare non potuisset; Sed nubem illam intelligit singularem, quæ præsentis, directionis, & protectionis fuit symbolum, ut corda fidelium evcheret ad extraordinarii istius miraculi contemplationem.

VIII. Sed non minoris est momenti alterum quod additur, *Transitus scilicet per mare*, cujus historia narratur Exod. 14. cùm enim Ægyptii persequerentur Israëlitas, Deo indurante cor Pharaonis, ut in ejus exitio potentiam suam & justitiam demonstraret Rom. 9. 17. & Israelitæ constricti undiquaque essent, à tergo, Pharaonis exercitu, à fronte, maris gurgitibus, à latere verò, montibus inaccessis, & ita omnis salutis via præcepta videretur, Moses jussu Dei mare virgâ suâ scindit, & viam aperit Israëlitis, qui per medium sicco pede transeuntes, aquis hinc inde instar murorum in aggerem congestis, in littus oppositum salvi & incolumes evadunt; Ægyptii verò cæco impetu eos persequentes, aquis absorpti miserè omnes pereunt, quod versibus optimè expressit Sedulius:

*Pervia divisi patuerunt cæcula ponti  
In geminum revoluta latus, nudataque tellus  
Cognatis spoliatur aquis, ac turba pedestris  
Intrat in absentis Pelagi mare, perque profundum  
Sicca peregrinas metuerunt marmora plantas,  
Mutavit natura viam &c.*

Quod opus tam admirabile visum est, & tanti momenti ad institutionem fidelium Scriptoribus sacris, ut sæpissime ejus mentionem facere & eò respicere voluerint, ut Ps. 78. 13. & 114. 3. 5. & 136. 13. Isa. 43. 2. 16. & alibi non semel.

IX. Non nos latet equidem, Atheos & Libertinos cavillis suis fidem isti miraculo quocunque modo conari detrahare; Hinc quidam ex schola



Porphyrîi ut miraculum elevarent, confinxerunt Mosem peritissimum naturæ obserâsse æstum Erythræi maris, & ressuente illo suos tradaxisse, Pharaonem autem & Ægyptios id ignorantes, cùm ipsum sequi conarentur, fluctu maris obrutos periisse; Alii ventum vehementem potuisse sine miraculo scissuram hanc facere; Alii denique, magiæ Mosem insimulant, qui prastigiis, mendacibus prodigiis populo imposuerit, ut viderentur sibi transire sicco pede mare rubrum, quod non fecerint tamen, vel mannâ pasci, & aquis ex rupe potari, cùm tamen nihil re ipsa tale contigerit. Verùm vanitas talium figmentorum facile dignosci potest: Nam quoad prius, quid absurdius quàm tribuere æstui maris, vel vento naturali scissionem istam, quâ aquæ hinc inde instar muri constituerint, ut in medio via pateret? fateor quidem æstum in recessu facere, ut littus maris aliquando aquis destituatur, & ventum posse ad quædam momenta cursum alicujus fluvii sistere, ut visum non ita pridem in Rhodano nostro. Verùm ubi unquam visus est scindere ipsum mare latitudine quatuor circiter leucarum, prout hic scissum dicitur, ut media parte siccum apparuerit, hinc verò & inde aquæ consisterent, non ad momenta, sed ad plures horas? Deinde si Moses talem æstum observasset, an verisimile est Ægyptios, qui ad mare habitabant, hoc ignorâsse, & præsentissimo periculo se exponere voluisse? Ad alterum verò de impostura Moë, mendacium est mendacissimum, quod circumstantiæ omnes arguunt: Nam si impostor fuit Moë, qui Israelitas decipere voluerit, id factum procul dubio, quia speravit se id Israelitis persuasurum; Sed quo tandem pacto potuit hoc in animum inducere suum, cum ad eos scriberet, qui vel auriti vel oculati testes rerum gestarum fuerunt, cum de iis scriberet, non quæ ante multa sæcula gesta erant, sed hoc ipso tempore, non clam & in angulo, vel noctu & coram paucis testibus; qui facile corrumpi potuissent, sed palam & sub oculis sexcentorum millium hominum, qui poterant ejus mendacia arguere? An potuit sperare nullum repertum iri in populo, qui de istis dubitaret, vel qui ab Ægyptiis rerum gestarum veritatem non requireret? Rursus quomodo fascinare potuit oculos tantæ multitudinis, ut crederent se transire sicco pede mare rubrum, quod non fecerint tamen, vel mannâ sustentari, quod non gustaverint, vel aquis potari, quas non viderint? Denique si impostorem egit Moë, cur hoc illi nunquam exprobrant Israelitæ? qui sæpius murmurantes adversus ipsum, non reticuisissent omnino, si quid tale de ipso credidissent?

X. Non inutile autem est quærere, An rectâ Israelitæ transierint per mare rubrum ex littore Ægypti usque in littus Arabicum illi oppositum; An verò via semicirculari in medio mari factâ, ex Ægypti littore profecti in idem littus reversi fuerint? Certum quidem in ista esse sententia plures ex Judæis, qui volunt populum ideo tantum mare ingressum, ut suffocarentur Ægyptii, adeoque aliquò usque progressum per modum



semicirculi rediisse ad idem littus; quæ videtur firmari, tum ex eo quod Israëlita viderunt cadavera Ægyptiorum in littore, scilicet Ægyptiaco, quod erat propinquius, non Arabico, tum ex eo quod Num. 33. 8. dicuntur iter fecisse per desertum Ethan, quod situm est ad littus maris occidentale desertum spectans, ubi ante ingressum jam erant: Accedit etiam maris latitudo, quæ cum sit juxta Ptolemæum quindecim circiter milliarium Germanicorum, non sit verisimile populum tam numerosum per integrum triduum iter fecisse per mare, vel unius noctis spatio hoc emetiri potuisse. Longè tamen verius est, Hebræos ab uno littore ad aliud oppositum profectos totam illam maris latitudinem, quæ eò loci quatuor circiter leucarum erat, pertransisse; hoc enim non modò facit ad magnitudinem miraculi extollendam, sed verbis Scripturæ apprimè convenit, quæ transitus expressè meminit passum, διήλθον δια τῆ θαλάσσης, & Heb. 11. 29 *Per fidem transierunt mare rubrum.* Sic Nehem. 9. 11. *Mare dirixisti ante eos, transiverunt per medium maris in sicco, persecutores autem eorum projecti in profundum, quasi lapidem in aquas validas,* quod dici non posset, si fuisset tantum circuitus; *Josephus* hoc confirmat lib. 2. *Antiquit.* dum ait, Hebræos in adversum littus transivisse. Nec obstat quòd viderint Ægyptios in littore, qui potuerunt Ægyptii submergi in vicinia littoris Arabici, non Ægyptiaci, nimirum furenter persequentes Israëlitas, potuerunt pervenire ad littoris adversi, quò illi jam emerferant, viciniam, ibique divinà accedente operatione per subitam tempestatem aquis recurrentibus & Israëlitis videntibus submergi, ut sequenti statim die cadavera mortuorum fluitantia efferrentur ad illud littus, in quo Israëlita substiterant, non tantum ad majorem ipsorum exultationem, sed etiam ut hostibus devictis spolia detraherent, iisque se ditare & armare possent ad sequentia bella. Quod additur de *deserto Ethan* non magis stringit, quia desertum fuit vastissimum, & tota illa regio usque ad montem Sina tam intra quàm extra extremitates maris rubri hoc nomine intelligitur, ut non mirum sit, si ante & post transitum in eodem deserto fuerint. Denique quoad maris latitudinem, licèt in medio possit esse quindecim leucarum, cum tamen longè strictius sit in extremitate, seu parte superiori, ubi transierunt Israëlita, ut observant Geographi, latitudo ejus non potuit extendi ultra quatuor leucas, ut Hebræi in suo transitu impendere potuerint quinque vel sex horas, id est à media nocte ad auroram. Interim certum, tot hominum & animalium myriades non transivisse purè naturaliter, sed & miraculosè, Deo iter istud insolitum maturante & accelerante.

X I. Quia verò Paulus Hebræor. 11. 29. Transitum istum fidei  
 Israëlita-



Israëliitarum tribuit, *per fidem*, inquit, *transierunt mare rubrum*, viden- DISPUT.  
 dum quid hic fides contulerit. Certum equidem hoc opus fuisse propriè VII.  
 omnipotentia Dei, cui ut nihil est impossibile & impervium, *quia facit*  
*quicquid lubet in caelo & in terrâ*, Plal. 115. 3. non modò cum mediis &  
 juxta consuetum naturæ ordinem, sed & sine mediis, & supra media, &  
 contra naturæ ipsius legis ordinariis. Ita facilè potuit & mare iptum scin-  
 dere, & viam populo suo aperire. Nec si Moyses virgâ suâ utitur ad hoc  
 exequendum, propterea laus illius operis ipsi debetur, fuit enim tantum  
 instrumentum morale, ad cuius præsentiam Deus ipse operabatur: Quia  
 tamen fides conditio fuit necessaria à parte populi ad beneficii istius conse-  
 cutionem, hinc fit ut fidei ipsi miraculum tribuatur, non propriè & in se,  
 ratione virtutis ejus, sed relatè ad objectum quod amplectebatur, putà  
 promissionem Dei & omnipotentiam ejus, quomodo Paulus tribuit fidei  
 ibidem expugnationem murorum Jericuntinorum, extinctionem ignis  
*&c.* & alibi justificatio nostra & salus fidei adscribitur non meritoriè vel  
 dispositivè, sed organicè tantum & objectivè. Et sanè ut Christus miracula  
 volebat præstare propter incredulitatem hominum Matt. 13. 58. Ita nec  
 Deus voluisset hoc opus exequi in gratiam Israëliitarum, nisi per fidem illud  
 sibi persuasissent; Nec obstat quòd multi increduli fuerint in populo, Do-  
 minus enim paucorum fidei hoc concedit, ut sicco pede tota multitudo per  
 mare transiret, ut fides Rahabæ cognitionem liberavit, & fides Noachi fa-  
 miliam servavit.

XII. Cæterum fidei hoc optimè acceptum fertur, quia sola fides potuit  
 Israëlitis persuadere hoc miraculum, cum rationi & sensui contraria omnia  
 viderentur. Quis enim si naturam consulisset, potuisset in animum suum  
 inducere, elementum hoc fluidum ita firmari posse, ut ad modum muri hinc  
 inde consisteret, & transitum facilem in medio sinu suo & per aridam con-  
 cederet? hoc sanè sola fides, quæ omnipotenti Dei Verbo nititur & supra  
 rationem assurgit, credere potuit. Quod luculentum est fidei virtutis ar-  
 gumentum, cui omnia sunt possibilia Marc. 9. 23. Marc. 9. 23. Illa viam in locis inviis  
 invenit, omnia illi cedunt, abyssus, montes, valles. Illa Jonæ aperit ven-  
 trem ceti, Paulo & Petro portas carceris, Danieli claudit ora leonum. Illa  
 Solem sistit, ignem reprimit, panem ex nubibus, aquas ex petra elicit. Unde  
 maximum fidei oritur solatium; in quocunque enim discrimine vertetur,  
 licet ad incitas videatur redactus, ut nulla salutis & liberationis pateat via,  
 fides desperare eum vetat, imò sub spe contra spem credere jubet, Rom. 4. 18. Rom. 4. 18.  
 sub spe divina contra spem humanam, sub spe gratiæ contra spem naturæ,  
 quem in memoriam illi revocat eum, qui in mari viam invenit, & qui per  
 abyssos horribiles populum tutò deduxit, felicem ex gravissimis quibusque  
 angustiis exitum facilè largiri posse, quò pertinent illa Isa. 43. 16. Is. 43. 16.



DISPUT.  
VII.

XIII. Rursus præter Omnipotentia divinae testimonium, occurrit etiam hic duplex memorabile Providentia ejus optima & justissima argumentum. Primò in eo quod in isto opere justitiam & misericordiam exercere voluerit, Istam quidem erga populum suum, cujus saluti in transitu isto prospexit; Illam verò in Ægyptios, quos hac ipsa ratione perdere voluit; Nam ubi alii transitum, alii sepulchrum inveniunt, eadem media quæ illis salutem, istis exitum afferunt, transeunt Israëlita, absorbentur Ægyptii. Sic aquæ diluvii, quæ sustinent & extollunt Arcam & Noachum servant, perdunt & inundant superba Regum palatia, & impios miserè suffocant. Ita afflictiones, quæ salutare sunt piis, impiis sunt exitiales; Mors quæ fidei transitus est ad vitam, infidei est ultima linea, & gurgis, quo absorbetur sine ulla spe salutis. Secundò hinc etiam patet, impiorum poenam justissimo Dei judicio sæpe respondere peccatis, & quod ait Sapiens c. 11. 17. *per quæ quis peccat, per eadem cruciari*; Ægyptii barbarie nefandâ masculos Israëlitarum aquis fluvii mergentes, sub aquis maris merguntur. Ita Adonibezec, qui amputaverat summitates manuum & pedum 70. Regibus, talia & ipse patitur Judic. 1. 6. *sicut feci, ita mihi reddidit Deus*, inquit. Eò pertinet quòd Deus fusionem sanguinis fusione sanguinis vult plecti Gen. 9. 6. *qui sanguinem fuderit, sanguis ejus fundetur*, & Christus Matt. 26. 52. *qui gladium acceperit, gladio peribit*, Isa. 30. 1. *Vae tibi qui prædaris, an non prædam patieris? cum consummaveris devastationem, devastaberis*.

Sapien. 11.  
17.

Judic. 1. 6.

Gen. 9. 6.

Matt. 26.

52.

Is. 30. 1.

XIV. Quæri verò hic potest, Cur Deus, qui poterat eos longè breviori via in Canaan per terram Philistæorum deducere, in qua nec montes superandi, nec mare transeundum erat, voluerit eos per viam deserti circumducere, longè asperiores & laboriosiores, in qua hærendum illis fuit per quadraginta annos. R. hoc non sine gravibus causis à sapientia Dei sic dispensatum fuisse 1. ne scilicet in ipso peregrinationis initio hostibus ferocibus & bellicosis, quales erant Philistæi, expositi, & periculoso impliciti bello, de reditu in Ægyptum cogitarent, quod Moses notat Exod. 13. 17. 18. *Non eos duxit per viam terra Philistæorum quæ vicina est, nam Deus dixit ne forte pænitet eum, si videret prælum; & revertatur in Ægyptum*. 2. Noluit eos statim ab initio ducere in terram promissam, quia voluit eos probare in deserto per plures annos, atque ita dare symbolum dispensationis, quâ utitur erga fideles; ex quo enim redempti sunt Christo, non vult statim eos recipere in cælum, sed per desertum mundi eos circumducit, & peregrinationem Canaanem cœlestem versùs vult instituire, ut fides eorum & constantia exploretur. 3. Voluit hac ratione expectare donec Cananæorum mensura impleretur. 4. Denique sic voluit locum dari illustri miraculo, quo pertinaciam & indurationem

Exod. 13.

17. 18.

Pharaonis



VII.

XV. His ita præstructis ad historicam miraculorum istorum cognitionem. Jam mysterium sub illo cortice latens scrutandum est penitius. Hæc enim omnia aliò respexisse, si non doceret Apostolus, satis tamen ipsa rei natura demonstraret. Cum enim hæc fuerint beneficia fœderis gratuiti, quibus Deus se illorum Deum testabatur, eoque tanquam peculium & λαὸν περιέσειον sibi consecrabat? dubium non est, Deum, qui non tam corpora, quàm animas, nec tam terrenam & temporalem liberationem, quàm æternam & cœlestem salutem respicit, altius mentes ipsorum evehere voluisse, ut hæc omnia non tantum essent liberationis corporeæ organa & media, sed potissimum pignora & symbola gratiæ & redemptionis spiritualis in Christo, & beneficiorum spiritualium postea exhibendorum typi. Et sanè ut liberatio populi typus fuit Redemptionis nostræ, Pharaò Diaboli, Ægyptus Mundi, Agnus Paschalis Christi, Canaan Cœli, & iter per desertum perigrinationis nostræ in terra. Ita dubium non est, quin & columna nubis & transitus per mare aliquid μυηριώδες habuerint, ut præter χέσιν historicam in illis χέσις σηµαντικὴ, & σφραγιστικὴ seu esse sacramentale & mysticum sit necessariò attendendum. Scio quidem ad hoc probandum à variis laudari verba Apostoli ψ. 6. istius capituli, quum ait, Ταῦτα δὲ τύποι ἡµῶν ἐγενήθησαν ista typi nobis fuerunt, & ψ. 11. in eundem sensum, Ταῦτα δὲ πάντα τύποι συνέβαινον ἐκείνοις, Hæc omnia contingebant ipsis in exemplum. Verùm, si accuratè verba ejus & seriem orationis attendimus, minus rectè; Nam ταῦτα πάντα de quibus ψ. 6. & 11. non ad nubem, 1. Cor. 10. 6. 11. mare, escam, & aquam referuntur; Sed ad judicia & supplicia ante commemorata respiciunt, quæ iis ipsis, qui beneficiorum illorum participes extiterant in deserto, divinitus fuerant inflicta, quod Apostolus disertè docet, quum verbis proximis subjungit ψ. 6. εἰς τὸ μὴ εἶναι βλαθυµητοὺς κακῶν, ne simus concupiscentes malorum. Si enim quærat, quinam isti sint typi, aut quo sine nobis ob oculos propositi, respondet, ut ne rerum malarum concupiscentes simus, quod ad symbolica ista neutiquam pertinet, quod confirmat ψ. 11. quum ait, talia scripta esse ad nostri admonitionem, ut scilicet edoceremur de officio nostro. Itaque τύπος hic non sumitur, ut alibi, ad designandum σύµβολον ἱερὸν καὶ, αὐ. ηριώδες ἰς, aut etiam ut ὑπογραµµὸν καὶ σκιαγραφικὸν τι, sed pro exemplo & monumento, quod rei alicujus utilis documento esse possit, quomodo usurpatur Philipp. 3. 17. 1. Thess. 1. 7. Tit. 2. 7. verùm hic non est exemplum imitationis, sed commonitionis, vel cautionis, ut Gellius lib. 6. cap. 14. παραδείγμα usurpat pro punitione in exemplum adhibitâ, unde Latinis exemplum sæpe pro supplicio sumitur, quod aliis documento sit, exemplum in aliquem



DISPUT. *statuere*, est eum punire: Sensus ergo Pauli est; Talia judicia infligisse Israëlitis, quæ exemplo & documento nobis esse debeant, ne pariter peccantes, pariter plectamur.

VII. XVI. Sed Paulus clavem mysteriorum istius nobis tradit in verbis, quæ per manibus habemus; nec enim potuisset dicere *baptizatos fuisse Patres in Moysen, in nube, & mari*, nisi columna nubis & transitus per mare habuissent aliquid symbolicum, quod responderet Sacramento nostro baptismi, & beneficia spiritualia isto obsignata adumbraret; quod Isai. c. 4 jam docuerat, quum loquens de protectione & benedictione per Christum Ecclesiæ exhibenda ait *ψ. 5. 6. Creabit Deus super omnem locum montis Sion nubem per diem, & splendorem ignis per noctem, & protectio erit super omnem gloriam &c.* Ut verò rem totam possimus distinctius percipere, & cur Apostolus baptismi nomen columnæ & transitui maris det; Observandum Paulo in more positum esse, Christianis Judaica, & Judæis Christiana Sacramenta attribuire; Si habebant illi Circumcisionem, Ita & Nos, *Nos sumus circumcisio* Philip. 3. 3. id est circumcisi, *Circumcisi circumcisione non manu facta, circumcisione scilicet Christi, cui in baptismo sumus consepulti* Col. 2. 11. 12. Si habebant illi Pascha suum, & Nos nostrum habemus 1. Cor. 5. 7. *Pascha nostrum pro nobis immolatum est.* Ita vicissim nostra Sacramenta illis tribuit; Si habemus Epulum mysticum, in quo pane spirituali & potu spirituali pascimur & potamur; habebant & illi *βρῶμα & πόμα πνευματικόν escam & potum spiritualem*, id est manna cœlitus demissum, & aquam ex petra profluentem. Si habemus Baptismum; habebant & illi, *nam in nube & mari baptizati sunt.* Ideo autem Paulus commutationem istam instituit, non ut communionem specificam signorum inter Nos & Veteres inducat, quasi eadem nobis cum illis, & illis nobiscum signa & sacramenta data fuerint; discrimen enim inter ea nemo non videt; sed duplici de causa potissimum, tum ad denotandam correspondentiam & similitudinem signorum inter se, quia fuerunt symbola & signa similia ejusdem gratiæ, tum ad designandam communionem eorundem beneficiorum spiritualium; quia enim habemus veritatem Circumcisionis & Paschatis in mysterio, ideo dicimur habere Circumcisionem & Pascha, & quia illi habuerunt veritatem Baptismi nostri & Eucharistiæ, ideo dicuntur baptizari & cibari nobiscum.

XVII. Hoc verò ut certius teneamus, refellenda est Bellarmini sententia, qui lib. 1. de Sacram. cap. 9. & lib. 2. cap. 4. & 17. vult ista omnia non tam *Sacramenta*, quàm *Sacramentorum figuras* fuisse. Nec potest negari, ex priscis non deesse, qui ejusmodi aliquid insinuare videantur: Sic Cyprian. Epist. 76. *mare illud Sacramentum baptismi fuisse declarat Paulus. Chrysost. Tom. 5 Orat. 51. ἡ διαβάσις ἐκείνη τῆς μελλούσης βαπτισμοῦ ἢ τῆς* Sic Ambrosius in Apolog. David. cap. 8. & de Sacram.



cram. l. 1. c. 6. *August.* in Joan. Tracta. 11. Verum notum est Patres in istis liberius quandoque rhetoricatos, & baptismi Christiani dum præconia celebrant, multa congerere, ut ejusdem typos & figuras, quæ ad eum revera nihil faciunt. Deinde constat, eos Sacramentis sæpe tribuere, deque eis prædicare, quæ revera non sunt signi ritusve externi, sed rei spiritualis sive cœlestis, quæ signo illo designatur, quomodo & ipsi Apostoli de Baptismo sæpe ea enunciant, quæ ad baptismum internum Spiritus pertineant, non ad externum aquæ ut quæ Paulus habet Rom. 6. 3. 4. Gal. 3. 27. 28. Col. 2. 11. 12. Tit. 3. 5. & Petrus primæ c. 3. 21. Nam quod per-  
tendit Bellarm. non fuisse tam Sacramenta, quàm Sacramentorum figuras, absurdum est; siquidem Sacramentum cum sit res externa, & quidem quæ figura est rei cujusdam internæ & spiritualis, non opus habet ullâ aliâ figurâ quâ repræsentetur: possunt quidem dari duæ figuræ similes & sibi correspondentes unius ejusdemque veritatis, & hætenus Sacramenta vetera fuerunt ἀντίτυπα nostrorum, id est figuræ analogæ & correspondentes, quomodo Arca cum aquis diluvii dicitur ἀντίτυπον baptismi nostri 1. Pet. 3. 21. sed una figura non debet ab alia figura adumbrari, sed utraque ad unius veritatis repræsentationem adhibetur. Ita Circumcisio, non Baptismus, sed gratiam regenerationis, quæ pariter baptismo obsignatur, adumbravit, Agnus Paschalis, non Cœnam, sed Christum ipsum in Cœna exhibitum repræsentavit; & Baptismus iste Veterum in nube & mari, Sacramentum fuit non baptismi nostri, sed rei per baptismum significatæ, quomodo petra & aqua ex ea profluens, non Cœnam, sed Christum ipsum significavit, ut Paulus in sequentibus exponit.

XVIII. Dices, Miracula ista beneficia tantum temporalia contulisse populo; Non posse ergo signa esse & sigilla remissionis peccatorum, & gratiæ spiritualis, quæ in Sacramentis nostris adumbratur. Deinde non adfuisse hic Verbum cum elemento, ut fieri debet in Sacramentis. Postremò nullo argumento posse colligi Patres hoc intellexisse. Ad primum, fatemur quidem ista beneficia esse corporea, sed quæ nucleum spiritualium beneficiorum continebant, & quæ manducebant ad Christum promissionum omnium fundamentum 2. Cor. 1. 20. ut liberatio à servitute Ægyptiaca typus fuit redemptionis spiritualis; imò quia sunt corporea bona, optimè adhibentur ad significanda bona spiritualia; nam ista non possunt adumbrari nisi rebus externis & sensibilibus. Ad secundum, Verbum hic non defuit, tum in mandato de scindendo mari, tum in promissione addita salutis hoc medio conferendæ, *Stare & videre salutem, quam Jehovah facturum est nobis hodie*, quod Paulus bene ad mysterium Redemptionis refert, quia noverat omnes liberationes temporales in ea fundari, & ejus esse figuras. Ad tertium, damus quidem multos ex populo, qui terrenis istis bonis inhærebant, non intellexisse



DISPUT.  
VII.

ista mysteria; sed veri fideles Spiritu Dei illustrati potuerunt eò penetrare & sufficit nobis Paulum id nobis pandere, ut credamus rem à Deo fuisse ita dispensatam.

XIX. Ut verò clariùs mysterii istius sensum assequamur, tria, quæ hâc ab Apostolo notantur, distinctè sunt pensitanda, quod dicit. *Patres baptizatos fuisse in Mosem, in nube, & in mari.* Primo quod ait *baptizatos esse in Mosem* variè exponitur. Quidam eis τὸν Μωσὴν dictum volunt, quasi τὸν Μωσῆν unà cum Mose, sive αὐτῷ ἡγεμονεύοντος ipso duce & auspice, quæ sententia est Græcorum, Chrysostomi, Theophylacti, Occumenii, ὡς περ πρωτοβάτης γέγονε Μωσῆς; ὃ καὶ στευσε κιόζοντο καὶ συνεπέζοντο διαίρεθείσης τῆ θαλάσσης. Quasi antesignanus eis Moses fuit, quum & nube pariter obumbrabatur, & per mare divisum pedites transferunt, quam sententiam sequuntur Junius & Grotius, à qua non longè recedit Heinssii mens, qui eis Μωσὴν pro eo quod est ἕως Μωσέως usque ad Mosem πάντες eis τὸν Μωσὴν omnes cum Mose, id est ne excepto quidem Mose, ut verba ita disponantur, non πάντες ἐβαπτίσαντο, sed πάντες eis Μωσὴν. Verùm coarctior videtur hæc expositio, & non facilè assensum obtinere potest. Meliùs alii qui eis pro ἐν positum esse volunt, ut nihil aliud significetur, quàm hoc factum auspiciis & ministerio Moïsis, ut ei respondeat ἡ Hebræorum, quod Syrus & Arabs reddunt *בְּמַנְהַג מֹשֶׁה* per manum Moïsis, id est ejus ministerio, quod August. confirmat *Traët. 26. in Joann. per Mosem baptizati sunt.* Sed non usquequaque videtur congruere; Nam præterquàm quod præpositio eis rarò admodum ad ministerium alicujus significandum adhibetur; Accedit quòd frigidiuscula videtur locutio, in Ecclesia quippe quotidie ministerio Pastorum baptizantur infantes, imò & si occasio ferat, adulti, nemo tamen dixerit infantes aut adultos baptizari in eos, quorum ministerio baptizantur. Putamus ergo longè convenientiùs loqui eos, qui censent *Moïsem* hic metonymicè designare doctrinam & dispensationem Mosaicam, quomodo fieri sæpe solet in Scriptura Luc. 16. 29. *habent Moïsem & Prophetas* & Act. 15. 21. *Moses habet qui prædicent ipsum*, & Jo. 5. 45. *Moses ipse vos accusabit*; ut Christus non rarò pro doctrina Christi sumitur Eph. 4. 21. Ita baptizari in Moïsem nihil aliud erit, quàm baptizari doctrinam & legem Moïsis, initiari in fœdus ab illo traditum, in pædagogia Mosaicâ sive cultûs & religionis per Moïsem traditæ professionem tingendi ritu solemniter consecrari. Utenim Deus symbolis illis gratiam suam & benevolentiam testabatur populo; Ita populum magis magisque sibi devinciebat & consecrabat. Sic Act. 19. 3. 4. *baptizari in baptisma Joannis*, est baptismo Joannis consecrari in fidem doctrinæ, quam Joannes prædicabat, ut enim Sacramenta sunt sigilla Verbi, ita sunt tesserae & symbola fidei nostræ.

XX. Atque hinc solvitur exceptio Socini, qua conatur eludere vim argu-



argumenti, quo utimur ad probandam divinitatem Christi, ex eo quòd dicamur *baptizari in Christi nomine* Matth. 28. 19. quia Israëlita dicuntur baptizari in Mosem, qui fuit *ψιλὸς ἀνθρώπος*. Nam quis non videt dissimilitudinem esse duarum istarum phrasium rationem, *In Mosem baptizari, & In nomine Filii?* Illud de Creatura dici potest, hoc non item, unde Paulus postterius negat de se dici posse 1. Cor. 1. 13. *An in nomen Pauli baptizati estis?* qui prius affirmat de Mose. 2. *In nomine alicujus baptizari* duo importat, quæ de creatura dici nequeunt, Primò ejus autoritate & mandato baptizari; At solus Deus est Sacramentorum author, qui & Verbi. Deinde in ejus fidem & cultum obstringi; Ut enim Deus suam hic gratiam pollicetur, nos recipiendo in communionem fœderis: Ita vicissim eadem ratione fidem & obsequium à fœderatis debitum postulat. 3. Eodem modo baptizamur in nomine Filii, quo in nomine Patris; At baptizamur in nomine Patris ut veri Dei, non ut Creaturæ. E. id ipsum in Filio locum habere debet. Eodem sensu dicuntur Apostoli baptizasse *εἰς τὸ ὄνομα Χριστοῦ in nomen Christi* Act. 8. 16. non quòd diversa sit formula ista re ipsa à præcedenti, nam ut bene observat *Basil. de Spiritu Sancto*, baptismus in nomen Christi includit tres Personas, *ἡ τῆ Χριστοῦ προσηγορία τῆ πάντος ἐστὶν ἰμολογία, δηλοῖ γὰρ τὸ χρίσαντα θεόν, καὶ χρισθέντα υἱόν, καὶ τὸ χρίσμα τὸ πνεῦμα*. Denique *baptizari in Mosem* refertur ad doctrinam, non ad personam; Sed baptizari in nomine Christi personam notat primariò, & non simpliciter doctrinam. Fateor aliquando fideles dici baptizatos Rom. 6. 3. *in mortem Christi*, id est in oblationem beneficiorum morte Christi nobis partorum. Sed hoc nihil ad Mosis baptismum pertinet. Eodem sensu dicuntur *credidisse Israëlita Mosi* Exod. 14. non ratione personæ, nam *maledictus vir qui fiduciam habet in homine* Jer. 17. 5. sed ratione doctrinæ, ut exponitur Ps. 106. 12. *crediderunt verbis ejus*. DISPUT. VII. Mat. 28. 19. 1. Cor. 1. 13. Act. 8. 16. Jer. 17. 5. Ps. 106. 12.

XXI. Licet verò ex dictis utcumque constet, quomodo baptizati dicantur Israëlita in Mosem, nondum tamen liquidò pater, in quo positus sit ille Baptismus. Certum equidem Judæos de *Baptismo Mosis* sæpe loqui, & velle ab ipso toti populo administratum esse in Sacramentum initiationis, & confirmationem fœderis priùs initi, quum ante receptam Legem jussit populum *sanctificari, & lavare vestimenta sua* Exod. 19. 14. Per tria, inquit Maimoni. *Illure Biah. c. 13. In fœdus missus est Israël, per Circumcisionem, Baptismum, & Sacrificium, Circumcisio fuit in Ægypto, sicut dicitur, nullus non circumcissus comedet de Paschate, Baptismus fuit in deserto ante datam Legem, sicut dicitur sanctificabis eos hodie & cras, & lavent vestimenta sua*. Quò pertinet mos solemnis usitatus apud ipsos à proselytis, ut reciperentur in Religionem Judaicam, tria exigendi *Circumcisionem, Baptismum, & Oblationem*, quibus veluti initiabantur, de quo idem eximius Juris Judaici Interpres l. c. *Quandocumque*



quis Ethnicus ad fœdus Israëliticum se vult recipere ac sociari, & sub alis divinae Majestatis se recipere, jugumque Legis in se suscipere, Circumcisio, Baptismus atque Oblatio voluntaria requiruntur. Unde tritum axioma  
 אין נר ער שיכול ויטבל *Non est quis proselytus usque dum circumcidatur, & baptizetur.* Quod rationem luculentam nobis suppeditat, quare & Joannes & Christus Baptismi Sacramentum instituerint, & cur nemini mirum hoc visum sit ex Judæis, quia nihil notius & usitatus erat inter ipsos: Posset ergo non sine aliqua veri specie dici, populum baptizatum fuisse in Mo-  
 sem, quia solemniori ritu Moses ante promulgatam Legem illum baptizavit.

XXII. Verùm licet non diffitear, Judæos de Baptismo isto Mosis sæpe mentionem injicere; non fit verisimile tamen hoc loco Paulum eò respexisse; tum quia dicendum fuisset baptizatos fuisse *per Mosem*, non *in Mo-  
 sem*, tum quia manifestum est, ipsum ad Columnam nubis & transitum per mare digitum intendere, non verò ad sanctificationem populi ante promulgationem Legis, ut in sequentibus de manna & de petra duobus aliis miraculis Eucharistiæ correspondentibus loquitur. Accedit quòd cùm Apostolus ista tria de uno baptismo efferat, non de pluribus, dum ait *baptizatos esse in Mosem, in nube & in mari*, ut innuat tunc verè baptizatos fuisse in Mo-  
 sem, id est initiatos in ejus doctrinam, quando fuerunt sub nube & in mari; ostendi facilè non possit, quomodo baptismus ille sive lustratio Mosai-  
 ca dicatur facta in nube & in mari; quod non obscurum est de mora sub nube, & transitu per mare. Nimirum ut in baptismo nostro tria occurrunt, Gratia cœlestis, Verbum, Aqua; *Gratia*, in quam initiamur, *Verbum*, quò instituimur, *Aqua*, quâ tingimur; Ita tria in baptismo Mosai-  
 co occurrunt, *Nubes*, *Moses*, & *Mare*; *Nubes* symbolum fuit gratiæ & protectionis cœlestis in quam initiabantur, *Moses* repræsentabat doctrinam legalem, & promissiones gratuitas Verbi, quarum confirmatio Sacramento obsignabatur; *Mare* refert aquam baptismi quâ abluimur, quò tendunt ista Theodo-  
 reti in Exo. quæst. 20. *Typum habuit baptisterii mare, Spiritus nubes, Christi Servatoris Moses, Crucis baculus, Diaboli Pharo, Daemonum Aegyptii, Manna pabuli divini, petra aqua sanguinis salutiferi.*

XXIII. Videndum ergo superest, Quomodo mora illa sub nube, & transitus per mare baptismi nomine designentur, cùm nec maris undis immergi, nec nubis aspergine vel levissimâ tacti legantur. Quidam volunt Israelitas dici baptizatos in nube & mari, non quòd mari vel nube essent ab-  
 luti, quod fit in nostro baptismo, sed quia Corinthiis de baptismo gloriaban-  
 tur, ideo nomen baptismi Apostolum indidisse iis rebus, de quibus a quæ-  
 sicuisset Israelitis gloriari, ac Corinthiis de baptismo. Verùm leviuscula videtur hæc nominis relationis ratio, nec satis mentem Pauli assequitur, qui de industria videtur selegisse ista miracula, propter analogiam, quæ ipsis intercedebat cum  
 Sacramen-



Sacramentis nostris. Unde hac de causa Circumcisionis non meminit, quod tamen Sacramentum fuit ordinarium V. T. quia non tam aperta videbatur cum aqua baptismi similitudo. Si quæratur jam in quo analogia illa sita sit. plura afferri possunt, sive materiam, sive finem & effecta utriusque Miraculi attendamus. Nam quoad Nubem, ut paululum distat ab aqua, ita dum sub aquosa nube fuerunt, quidni aquâ ex illâ decidente aspersi dici possunt? vel quæ guttatim deflueret, vel per pluviam etiam copiosam, quæ potuit à Deo immitti ad populi refrigerium & refectiorem, quod videtur insinuari Psal. 68. 7. 8. 9. ubi Psalter iter illud describens mentionem facit pluvie largissimæ, *ô Deus, cum procederes coram populo tuo, cum per eremum gradereris, terra movebatur, cæli etiam distillabant à facie Dei, Sinai à facie Dei, pluviam largissimam stillabas Deus, quâ hereditatem tuam defessam restaurabas.* Sed hoc luculentius patet ex usu & fine istius Columnæ, qui apprimè respondet baptismi nostri finibus. Nam ut baptismus est consecratio & initiatio in disciplinam Christi: Ita nubes & mare fuerunt consecratio populi in dispensationem Moysi. Ut populus liberatus à servitute Ægyptiaca sanguine agni, per nubem & transitum maris initiatus est Deo, ut populus esset ejus peculiaris: Ita fideles, qui sanguine Agni immaculati à tyrannide Diaboli & servitute peccati liberati sunt, per baptismum consecrantur Domino. Ut nubes quæ continebat Israëlitas sub sinu suo, separabat eos ab Ægyptiis: Ita baptismus, qui symbolum est nostræ cum Christo communionis, est etiam separationis nostræ à Mundo tessera, & symbolum gratiæ Dei, quæ sola separat Ecclesiam à Mundo, *Quis se discernit?* 1. Cor. 4. 7. Ut nubes symbolum fuit favoris & protectionis divinæ, tum adversus æstum, tum contra Ægyptios: Ita baptismus, quò Deo consecramur, est gratiæ & protectionis divinæ Sacramentum, in quo Deus testatur se in familiam suam nos recipere, ut sit Deus noster, id est Doctor, Ductor, & Custos, qui gratiâ suâ adversus iræ suæ æstum nos tueatur, & virtute suâ contra hostes nos protegat. Ut nubes viam præmonstrabat Israëlitis, ut iter facere tutò possent, nec ad avia declinarent: Ita Verbum gratiæ, quod in Baptismo obli-gnatur, *Lampas est pedibus, & lux semitis nostris* Psal. 119. 105. quod nos dirigit in cursu vocationis nostræ, & iter facientibus in deserto hujus mundi, & nocte hujus seculi ad Canaanem cœlestem tendentibus viam ostendit, ne ad avia deflectamus, quæ perniciem certam nobis afferrent, sed ut motum columnæ istius mysticæ, in qua se nobis ductorem exhibet, semper sequamur. Unde baptismus Veteribus dictus *φωτισμός*, *illuminatio*. Rursus ut nubes, quæ lucida erat Israëlitis, fuit Ægyptiis caliginosa: Sic gratia & Verbum Christi, quod aliis est sapientia & potentia, & odor vitæ ad vitam, aliis est scandalum & stultitia, & odor mortis ad mortem 1. Cor. 1. 23. & 1. Cor. 1. 23 2. Cor.



2. Cor. 2. 16. Idem Euangelium quod fideles illuminat, impios excat, Joan. 12. 40. & 2. Cor. 4. 4. idem Christus est lapis fundamenti & scandali 1. Pet. 2. 4. qui positus est in resurrectionem & casum multorum Luc. 2. 34. Ut eadem columna nubila fuit & ignea, quæ umbraculi loco interdiu, noctu verò facis & luminis vicem præstare potuit: Ita gratia salutaris Christi, quæ in baptismo nobis obsignatur, umbraculum nobis præbet & refrigerium adversus æstum iræ divinæ & ardores conscientiae, & lucem gratam exhibet ad discutiendas tenebras hujus seculi, & præmonstrandam ad cælum viam. Hinc Scriptura sub hoc duplici symbolo, plenam & absolutam omnibus numeris felicitatem solet designare, quæ in liberatione ab omnibus malis, & in bonorum omnium fruitione consistit, quæ per Christum nobis obtingit. Unde Deus nobis dicitur esse *Sol & Clypeus* Psal. 84. 12. *Lux & Vita* Psal. 36. 10. & Christus *Sol Justitiae* Malac. 4. 4. *Et umbra nostra* Psal. 121. 4. Sol qui illuminat in tenebris, Clypeus qui protegit in bello, Umbraculum quod tegit & recreat in æstu. Denique ut in Ægypto nulla apparuit columna, In Canaan verò desit populum comitari. Ita dum in Ægypto mundi versamur, salutarem Verbi columnam, quæ in Ecclesia demum erigitur, habere non possumus; In Cælis desinit, quia in patria constituti, procul ab omni periculo & caligine Deum facie ad faciem contemplantes, non ambulantes amplius per fidem 2. Cor. 5. 7. Verbi luce non amplius indigebimus; sed in deserto tantum hujus seculi & peregrinatione nostra nos comitatur, doceat ad Canaanem cœlestem pervenerimus.

XXIV. Non absimili ratione *Transitus per mare* mirificè cum baptismo nostro convenit, & gratiam ejus adumbrat. Nam ut in baptismo, prout olim peragebatur per immersionem & emersionem, in aquas descendendo, & ex illis rursus exeundo, dabatur descensus & ascensus, cujus exemplum extat in Eunuchio Act. 8. 38. 39. Quinimò ut per illum ritum, quum immergerentur aquis obruti & quasi sepulti, & Christo ipsi quodammodo consepulti, rursusque quum emergerent; è sepulchro excitari videbantur, & cum Christo resurgere dicebantur, Rom. 6. 4. 5. Col. 2. 12. Ita in baptismo Mosaïco habemus immersionem & emersionem, illam, dum in maris profundum descendebant, istam verò, dum egrederentur & ad lictus oppositum evaderent, illa mortis, hæc resurrectionis fuit imago; transcentes enim per maris fundum, quid aberant à morte, evadentes verò in lictus oppositum, nonne erant quasi ex mortuis redivivi? Rursus ut in transitu maris Israëlitarum salvantur, Ægyptii verò pereunt; idem mare, quod liberationis fuit medium illis, istis sit mortis & exitii causa. Hoc ipsum in baptismo observare licet, idem baptismus qui nos salvat, veterem hominem, quasi alterum Pharaonem cum toto vitiorum exercitu in mari rubro Sanguinis Christi



Christi extinguit & mortificat, *vetus noster homo cum Christo crucifixus est* DISPUT. VII.  
 Rom. 6. 3. 6. dum in mortem Christi baptizamur, Idem sanguis qui nos  
 redimit, & viam ad cælum nobis aperit Heb. 10. 19. Diabolum & pecca-  
 tum perdit, *per mortem destruxit eum qui habebat imperium mortis* Heb. 2. Heb. 2. 14.  
 14. & in cruce triumphavit de Principatibus & Potestatibus Coloss. 2. 14. Col. 2. 14.  
 Unde Chrysost. appositè in 1. Cor. 10. tom. 5. serm. 51. *Transitus ille Ju-*  
*daorum futuri baptismi typus erat, nam ibi aqua & hic aqua, Lavacrum*  
*hic, & ibi pelagus, omnes hic in aquam ingreditur, & ibi omnes. Ibi*  
*quidem liberati sunt ex Aegypto, hic autem ab Idololatria, ibi quidem*  
*Pharao submersus, hic autem Diabolus, ibi Aegyptii interierunt, hic au-*  
*tem vetus homo cum peccatis defoditur.* Nec aliter Ambrosius de iis qui  
 initiantur mysteriis cap. 3. *Advertis quod in illo Hebraorum transitu tunc*  
*sacri Baptismatis figura praecefferit, in quo Aegyptius perit, & Hebraeus*  
*evasis, quid enim aliud quotidie in hoc Sacramento docemur, nisi quod cul-*  
*pa mergitur, & error aboletur, pietas autem & innocentia tota perman-*  
*sit.* Ut nulla alia via Israëlitis tunc suppetebat elabendi ex manibus ho-  
 stium nisi per mare; Ita baptismus nos salvat 1. Pet. 3. 21. & sola janua est,  
 per quam in Ecclesiam ingredimur, & in communionem Sanctorum re-  
 cipimur.

XXV. Rursus ut Israël nihil contulit ad sui liberationem, sed fuit tan-  
 tum spectator & testis miraculi, *State & videte, inquit Moyses, salutem*  
*quam Deus hodie vobis daturus est, nam ipse pugnabit pro vobis &c.* Exod. 13. 13.  
 13. Ita Redemptio, quam in Christo consequimur, opus est merè divinum,  
 ad quod nihil viribus nostris contulimus, sed quod totum virtuti & gratiæ  
 Christi acceptum serendum est: Cum enim undiquaque mortis præsentissi-  
 ma facies appareret, nec ulla salutis in nobis spes esset, Ille solus in abditis  
 Sapientiæ thesauris viam invenit per mare istud, quod nobis erat imper-  
 vium. Porro ut *triplex transitus* ad plenam salutem fidei necessarius est,  
 primus à *reatu* & condemnatione ad *Justitiam*; Alter à *servitute* peccati  
 ad *libertatem* gratiæ; Tertius à *miseria* & *morte* ad *felicitatem* & *vitam*,  
 Ille qui fit per justificationem, in quâ Deus transire facit peccatum no-  
 strum à nobis Mich. 7. 18. ut à statu reatûs transcamus ad statum gra- Mich. 7. 18.  
 tiæ, Ille per regenerationem, in qua transimus à servitute ad libertatem  
 filiorum Dei Rom. 6. 17. 18. Hic verò in morte per glorificationem, Rom. 6.  
 in qua transitum facimus de morte ad vitam. Ita triplex iste transitus 17. 18.  
 in baptismo nostro obsignatur, qui sigillum est remissionis peccatorum,  
 & sanctificationis sanguine Christi, & pignus æternæ glorificationis, ut  
 in eo bene transire dicamur à reatu ad justitiam, à servitute ad liber-  
 tatem, à morte ad vitam, unde Joann. 5. 24. *qui credit in me, inquit* Jo. 5. 24.  
*Christus, transivit à morte ad vitam.* Hæc vero omnia beneficia per

T

transitum



DISPUT.  
VII.

transitum maris appositè adumbrantur, quia non alio modo nobis conferuntur, quàm per mare rubrum Sanguinis Christi, qui ut justificationis nostræ est fundamentum, quia *remissionem peccatorum habemus in ejus sanguine* Eph. 1. 7. Et sanctificationis principium, dum *purgat nos ab operibus nostris, ut serviamus Deo vero & vivo.* Heb. 9. 14. Ita viam nobis aperit ad gloriam, redemptionem æternam nobis acquirens, & cœlum, quod erat antea ἀβυσσος, nobis referans, qui propterea ἐδὸς πρόσδωκεν ἡμεῖς vocatur à Paulo Heb. 10. 19. Denique ut Israëlitarum postquam mare feliciter transiverunt, & hostes submersos viderunt, Carmen Eucharisticum Liberatori suo altâ voce cecinerunt Exod. 15. Ita æquissimum est, ut eluctati ex peccati & mortis gurgite, devictis & submersis in æternum Diabolo, Mundo & Carne, quando *mors erit absorpta in victoriam* 1. Cor. 15. 54. Redemptori & Sospitatori nostro Carmen hoc triumphale canamus, *Ubi ô mors victoria tua, ubi ô sepulchrum aculeus, Gratia Deo, qui nobis victoriam dedis per Jesum Christum Dominum nostrum.* AMEN.

1. Cor. 15.  
54.

F I N I S.

---

## DISPUTATIO THEOLOGICA DE M A N N A.

EX 1. COR. X. 3.

*Respondente* PETRO FRANCISCO OLIVERIO  
*Helvetio-Sarratensi.*

DISPUT.  
VIII.

I.



*U*M quaecunque antè scripta sunt, ad nostram institutionem scripta sint, ut per patientiam & consolationem Scripturarum spem habeamus, ut Divinus Gentium Doctor sanctè monet Rom. 15. 4. nihil studio suo dignius esse, nihil ad salutem fide-  
lium conducibilius Scriptores θεόπνευστοι Novi Testamenti existimarunt, quàm si instar peritorum Scribarum, edoctorum in regno Cœlorum, *educerent ex Thesauris suis vetera & nova* Matt. 13. 52. ut Vetus Testamentum subinde cum Novo, Typus cum Veritate, & Oracula cum Complemento conferentes



ferentes, utriusque Divinitatem fortius assererent; & ad Ecclesiam Israëliticam sæpe oculos reflectendo, & exempla præterita, cum promissis & minis Patribus recolendo, in illa, tanquam in speculo, Christianæ imaginem nobis exhiberent, sive quoad *Dei beneficia*, & *officia nostra*, sive *quoad præmia*, & *pœnas* bonis & malis repositas.

II. Hoc verò Paulus ipse præ cæteris non semel præstitisse legitur ad fidelium institutionem in Epistolis suis; sed præcipuè id executus est initio Capituli decimi primæ ad Corinthios, ubi advocaturus ipsos à variis peccatis gravibus, quibus implicabantur, maximè in idolothytorum escu, ad populi Israëlitici in deserto peregrinantis considerationem eos revocat, & recensione factâ variorum ipsis collatorum bonorum, non absimilium gratiis, quibus gloriabantur Christiani, tum peccatorum ab ipsis admissorum, & pœnarum propterea ipsis à Deo inflictarum, eos seriò à similibus peccatis dehortatur, ne in similes pœnas incidant. Tria verò potissimum insignia præ cæteris Dei beneficia commemorat, quæ Sacramentorum extraordinariorum ipsis loco fuerunt, *Baptismum nubes & maris*, *Cibum spiritualem seu Manna*, & *Aquam ex Petra*, quorum prius Baptismo nostro, duo posteriora Eucharistiæ Christianorum apprimè respondent. Et de illo quidem præcedenti Disputatione jam actum est; De duobus aliis jam συν Θείῳ agendum est, & primò de Manna, quod ab Apostolo priori loco recensetur.

III. Verba ejus extant 1. 3. cap. 10. Καὶ πάντες αὐτὸ τὸ βρώμα πνευματικὸν ἔφαγον, & omnes eundem cibum spiritualem manducârunt. Sco- 1. Cor. 10.  
pus Apostoli, ut jam insinuat, est avertere Corinthios à profanis gulæ illecebris, & idolorum epulis, ad quæ ab Ethnicis alliciebantur; argumento ducto à Veterum Israëlitarum exemplo, qui istorum peccatorum rei, Judicium Divinum effugere non potuerant. Quia verò in exemplis discrimen si quod occurrit, vim comparisonis evertit, Corinthii autem poterant excipere, longè potiorem esse suam conditionem præ statu Israëlitarum, se baptizatos esse, & Sacræ Cœnæ factos esse participes, aliasque plures prærogativas in Novo Testamento consecutos esse, quæ Veteribus haudquaquam concessæ fuerint; unde non statim ab illis ad se argumentum posse legitimè duci. Paulus ut inanem illam gloriationem ipsis auferret, quâ putabant se meliori loco esse apud Deum, quàm Veteres, ostendit paritatem statûs Israëlitarum cum Christianis: Apud illos fuisse Dei fœdus & Ecclesiam, non minus ac apud istos, iisdem beneficiis affectos fuisse, & eadem Sacramenta habuisse, quæ testimonia illis forent gratiæ Dei. Unde si pœnas effugere non potuerant bonis suis abutendo, nec Christianos illas declinatu- 3. 4.  
ros, si eorundem peccatorum cum illis rei fuerint. Istam verò paritatem probat imprimis ex identitate Sacramentorum,



DISPUT. quæ utrobique obtinuerunt, si non ratione signorum, saltem ratione  
VIII. significationis; Jam respectu Cœnæ demonstrat, & quidem quoad utrum-  
que symbolum, tam quoad cibum, quàm quoad potum.

IV. Et de *Cibo* quidem, de quo præsens instituitur Disputatio, dicitur  
*Omnes*, scilicet Israëlitas, *manducasse eundem cibum spiritualem*, respec-  
ciendo ad *Manna*, quò Deus eos cibare voluit olim in deserto; de quo  
duo jam expendenda veniunt, 1. *Historia*, 2. *Mysterium*; sub gemina enim  
ista *συνεσι* spectari potest & debet, ratione *usus communis*, quatenus fuit  
cibus materialis & corporeus, qui faciebat ad nutritionem populi, &  
ratione *usus sacri*, quæ fuit spiritualis & mysticus, qui Christum signi-  
ficabat & obsignabat.

Exod. 16.

V. Historia refertur cap. 16. Exodi, Cùm jam farina subacta, quam  
ex Ægypto tulerant, deficeret, & ob annonæ penuriam murmuraret po-  
pulus adversus Mosem, eò usque ut mortem etiam expeterent inflictam  
manu Jehovæ, *Utinam*, inquiunt, *mortui essemus per manum Jehovæ  
in terra Ægypti!* Deus licet ingratum populum posset plectere, mirâ  
tamen bonitate prospicit ejus necessitati, sed modo planè extraordina-  
rio, mittendo cœlitus quotidie Man, quod sufficeret tantæ cibandæ  
multitudini, atque ita per totos quadraginta annos, dum populus in de-  
serto versatus est, cum sustentârit, donec perveniret in Canaan, quo  
tempore cessasse dicitur Man v. 35. Hunc verò cibum 1. *colligere* debuerunt  
Isrælitæ, manè ante exortum Solis Exod. 16. 21. idque pro ratione cibi  
sui v. 16. 18. in singulos dies tantum v. 4. quia nihil ex eo reliquum in  
crastinum faciendum erat v. 19. 20. excepto die sexto, quo colligen-  
dum fuit in biduum, quia die septimo, id est Sabbatho, non cadebat  
v. 23. 26. 2. collectum *distribuere*, ut unicuique unum Homer, quod  
erat decima pars Ephæ, & juxta *Waserum* ad novem libras Romanas  
ascendebat, quod illi assignatum erat, suppeteret, nec plus nec minus  
cuiquam habere licuerit, v. 16. 17. 18. 3. *preparare* in cibum, quod  
fiebat, tum moliturâ, tum coctione, tum elixatione: nam man mo-  
lebant vel terebant, & postea coquebant vel elixabant, & conficiebant

Num. 11. 8.

ex eo placentas subcinericeas v. 23. Numer. 11. 8. Describitur autem  
Man quoad *substantiam*, quod fuerit exiguum & tenuissimum, sicut  
pruina super terram vers. 21. quoad *figuram*, rotundum quasi semen  
coriandri vers. 31. quoad *colorem*, album vers. 3. ut color bdellii Ara-  
bici, quod est pellucidum Num. 11. 7. quoad *saporem*, dulcissimum  
& suavissimum, veluti sapor similæ cum melle, vel ut sapor liquoris  
præstantissimi ex oleo Num. 11. 8. adeoque cibus præstantissimus &  
saluberrimus. Non tamen propterea facile adiniferimus, quod Au-

Sup. 16. 20. thor libri Sapientiæ cap. 16. 20. de Manna loquens, fuisse cibum *πρὸς*

*πείνην*



πᾶσαν ἡδονὴν ἔχοντα, καὶ πρὸς πᾶσαν ἀμυνόμενον γεῦσιν, *omni pollentem* DISPUT. VIII.  
*voluptate & unicuique gustui accommodatum*, licet hoc avidè à quibus-  
 dam Patribus, qui allegoriis delectantur, arreptum sit; Nam præter-  
 quam quod Moyses specialem ejus saporem expressè memorat: Si cujusli-  
 bet gustui se accommodabat, cur ergo illud recusassent in deserto? *ni-*  
*hil oculi nostri vident præter man*, & cur carnes & cibos Ægyptiacos  
 adhuc desiderassent?

VI. Miraculi autem istius historia variarum quæstionum occasionem  
 præbere potest, quas paucis tantum attingimus. 1. Cur Deus hac ra-  
 tione prospicere voluerit populi necessitati? R. Licet sola voluntas Dei  
 nobis instar summæ rationis esse debeat, dubium tamen non est, quin  
 singulare hoc illi dare voluerit paternæ Providentiæ testimonium, ut  
 doceret se piis laborantibus nunquam deesse, sed illis tempestivè sem-  
 per prospicere, & media etiam extraordinaria adhibere, ubi ordinaria  
 deficiunt: atque ita hominem non ex solo pane vivere, sed ex eo om-  
 ni quod prodit ex ore Dei, quod Moyses insinuat Deut. 8. 3. *Deus te* Deut. 8. 3.  
*afflixit & fecit ut esurires, sed te cibavit etiam Manna, quod nec tu,*  
*nec Majores tui cognoverant, ut notum faceret tibi, non ex solo pane vi-*  
*vere hominem, sed ex eo omni quod procedit ex ore Dei.* Et ut consta-  
 ret Dei favorem dimidiatum & imperfectum non esse, per totos qua-  
 draginta annos, quibus in deserto versati sunt, hoc pane eos cibavit,  
 supplendo per cæli favorem, quod soli sterilitas negabat, donec vene-  
 runt in Canaan, ibique ex fructibus terræ comedere cœperunt Exo. 16. Ex. 16. 35.  
 35. Josu. 5. 12. quia ubi media ordinaria suppetunt, extraordinaria mi- Josu. 5. 12.  
 raculosa expeti non debent vel expectari; *Cessant extraordinaria*, ajunt  
 JC. *ubi ordinariis locus est*, Tum etiam ne cœleste donum fastidio esset  
 ingratis hominibus, quod ne in ipsa quidem necessitate satis grato ani-  
 mo habebant. Atque in eum finem voluit portionem unam Mannæ in  
 urna aurea juxta Arcam per omnes ætates asservari, Exod. 16. 32. 33. Exod. 16.  
 ut esset illustrissimum tum omnipotentis, tum bonitatis erga Israëlitas 32. 33.  
 testimonium, quod à posteris celebraretur.

VII. Secundo, Quoad *nomen* quæritur, Cur cibus iste *Man* dictus  
 sit, ita enim ab Israëlitis quumprimum è cœlo fuit delapsus, & ab iis  
 visus, vocatum fuisse Moyses testatur Exod. 16. 15. *Et videntes illud filii* Ex. 16. 15.  
*Israël dixerunt quisque ad fratrem suum* מַן הֵן מַן *est, quia nescie-*  
*runt quid esset, & vers. 31. Et vocârunt filii Israël ejus man.* Duæ sunt  
 circa nominis istius rationem Doctorum sententiæ. Prima eorum, qui  
 verba vers. 18. interrogativè interpretantur, & volunt idem esse מַן,  
 quod Hebriacè מַה, *quid*, quasi Divinum istum panem videntes, &  
 rei insolentiâ perculsi Israëlitis, & admiratione moti in hæc verba



cruperint, Quid hoc est? & postea nomen hoc manserit, & in appellativum transierit. Sic LXX. reddunt, τί ἐστὶ τῆτο, Sic *Chaldaus Paraphrastes*, *Vetus Versio*, *Iosephus Antiquit.* lib. 3. cap. 1. καλεῖσι δὲ ἐβραϊστὶ τὸ βρώμα τῆτο μάνα, τὸ γὰρ μᾶν ἐπερώτησις κατὰ τὴν ἡμετέραν διάλεκτον. *Hebraei cibum istum vocant manna, nam man est interrogativum secundum nostram dialectum*, quid hoc est significans. Ita *Hieronymus*, & plures ex Veteribus. Quæ sententia videtur firmari ex responsione Moïsis, qui ad interrogationem populi respondens dixit illis, *Hic est panis ille, quem dedit vobis Jehova ad comedendum*. Tum etiam ex eo quod in lingua Ægyptiaca τῶ idem est quod מן in lingua Hebræorum, ut observat *Drusius* ex R. *Hiskuni*. Nec mirum videri deberet, si Israëlita, qui tot annos vivebant in Ægypto, usi fuissent particulâ hujus linguæ.

VIII. Secunda sententia eorum est, qui verba illa sumunt *indicativè*, ut designetur proprium nomen quod derivetur à radice מן quæ significat *ordinare, constituere, preparare*, ut מן resectâ ultimâ radicali idem sit quod מנה, *pars, portio, donum* scilicet à Deo datum, vel cibus à Deo ordinatus & dispositus ac paratus sine ipsorum labore, in cujus usum Israëlita nec serere deberent nec metere. Sic sentiunt hodierni Hebræi Rabbi Salomo, מן *preparatio cibi est à verbo מנה* quia nesciverunt quid esset, id est *nesciverunt nominare nomine suo*. Sic *Aben Ezra* מן *derivatur à verbo מנה*, unde Dan. 1. מנה, *constituit ordinariè escam vestram*, idem sentit R. D. K. R. Bechai, & alii. Licet verò non multum referat utramvis sententiam sequamur, quæ suis rationibus non destituitur, posterior tamen ad rei veritatem propius videtur accedere.

IX. Tertiò. Quæri potest, An istud Manna fuerit naturale, An verò miraculosum? Certum est dari manna naturale, quod inter meteora aquea à Philosophis reponitur, quod gignitur ex rore temperatissimi loci & cœli, qui in arborum & fruticum folia decidit, illisque adhærescit donec colligatur. Quod fit præcipuè in tribus regionibus, Syria, Germaniâ, & Italiâ, unde ex regionum differentia, Syriacum, Germanicum, & Calabricum appellatur, quod postremum præ cæteris commendatur in medicina ad lenem sine flatibus bilis & pituitæ purgationem, de quo Medicorum filii consulendi. Hoc tantum de Calabrico memorandum referre non pigebit ex *Fonstano* in *Thaumatogr.* cap. 10. cum locum quendam Oenotriæ, in quem singulis æstatibus descendebat, & ab omnibus excerpcebatur, Reges Neapolitani olim occlusissent, ne quis sine vectigali assumeret, occluso loco descivisse nec descendisse, eo vero recluso, & vectigali remoto, iterum descendere cœpisse, quod cum semel iterumque contigisset, Reges postea locum liberum reliquisse, & omnibus colligere permisisse: Idem

scribi.



scribit *Cælius Rhodiginus* l. 9. cap. 12. de Tragaseo sale in Epiro, cui cum vectigal imposuisset *Lydimachus*, evanuit, mox dempto, succrevit. Datur etiam Manna Polonicum non ita pridem repertum, de quo *Keckermannus*, libro 6. Syltem. Physici, capite 10. & *Cornelius à Lapide* in Exod. 16. quod mense Junio & Julio nocte depluit, & herbis instar roris incumbit, quod butyro saccharoque modico decoctum cum Italorum delicatissimis ferculis dicitur certare posse. An verò manna Israëliticum ejusdem fuerit naturæ cum manna naturali, non sine ratione disquiritur. Affirmant alii, ut *Conimbricenses* in libro Meteor. Aristot. tom. 7. cap. 11. & Fr. *Vallesius* de Philosophia sacra cap. 57. quod ex colore, sapore, & aliis circumstantiis conantur demonstrare. Alii verò negant, & volunt rem fuisse prorsus novam, à Deo pro certo tempore creatam, suoque tempore prorsus ablatam, quam sententiam plerique Hebræorum sequuntur, ut *Aben Esra*, & *Abarbanel*, qui variis rationibus eam confirmare nititur.

X. Quamvis verò nostram litem hanc nolimus facere, quæ propiùs spectat Physicos & Hippocratis filios, paucis tamen observamus, veriore eorum sententiam nobis videri, quicquid magnam affinitatem esse censeant inter utrumque Manna quoad formam, colorem, & saporem, non putant tamen posse dici ejusdem generis; Sed manna Israëliticum miraculosum fuisse & extraordinarium. Primò, quia si fuisset naturale, non potuisset dici planè ignotum Israëlitis, cum tamen testetur *Moses*, neque eos, neque Patres ipsorum hoc cognovisse, Deut. 8. 3. Secundò, nihil opus fuisset illud reponi in urnam auream juxta Arcam ad miraculi monumentum, si res naturalis fuit. Tertiò, manna medicinale non cadit per totum annum, sed tantùm in maximâ aëris & cæli temperie, putà tempore verno, mense Martio & Aprili. At manna hoc cadebat æqualiter omnibus anni mensibus, nec ulla aëris mutatio ob stare potuit, quominus per totos quadraginta annos æqualiter stillaret. Quartò, illud semper eodem modo & tempore cadit; Sed divinum die septimo omnino non cadebat; & die sexto duplicabatur ejus copia, ut alterum *Homer* in cibum Sabbathi reponerent. Quinto, Manna medicinale per se non est alimentum, quod habeat vim nutriendi, sed pharmacum seu medicamentum, quod habet vim purgativam. Sed Manna Divinum fuit cibus suavissimus & temperatissimus, qui facilis fuit digestionis, nec ut alii cibi corpus gravabat; sed non medicamentum, aliàs fieri non potuisset, ut illo vescerentur, quin luxatis & solutis corporibus periissent; nisi quis dicat cum *Vallesio*, potuisse cibum hunc vim habere purgamenti, ad expurgandam cacochymiam, quam contraxerant in *Ægypto* usu peponum, cucumerum, & porrorum, sed postea ipsis in gratum cibum per consuetudinem abiisse. Sextò, manna naturale noctu non putrescit,

DISPUT.  
VIII.



putrescit, nec vermes producit, non liquefcit ad Solem, nec est durum, ut contundi debeat, ut ex eo placentæ confici possint, sicut fuit Divinum. Septimo, Manna Divinum cadebat ubicunque castra metabantur, & quocunque perfecti sunt comitata est eos hæc Dei benedictio; cùm vicinæ gentes frumento verscerentur, & tantùm in castris Israëlitarum man esset cognitum, quod statim atque ingressi sunt terram fructuosam & frumenti feracem, cessavit. Ita sive proprietates cœlestis istius doni attendamus, sive locum in quo dabatur, sive tempus, sive quantitatem, sive continuationem, non obscurè liquet extraordinarium fuisse Dei beneficium, Populo Israëlítico ad tempus per miraculum concessum.

XI. Plura de Mannæ quantitate, formâ, colore, & sapore quæri possent, ut & circa ejus collectionem, & distributionem. Sed quia ista aliena sunt ab instituto nostro; Satiùs est ut ad *usum* ejus *sacrum* veniamus, & mysterium sub isto cortice latens scrutemur. Ad quod Paulus nos ducit, quando vocat illud *βρῶμα πνευματικόν*, *cibum spiritualem*. Ita vero vocatur, non naturâ, sic enim erat corporeus & materialis, sed tum *origine*, tum *significatione*. Primo *Origine*, quia non humanâ operâ, sed præter naturam miraculosè suppeditabatur à Deo, qui καὶ ἐξοχὴν *Spiritus* dicitur, vel quia *Spirituum*, id est Angelorum ministerio parabatur: Unde dicitur *panis Angelorum* seu *fortium* Psalm. 78. 24. non quod eo vescerentur Angeli, qui, ut Spiritus αἰσώματοι cibo corporeo non egent, sed quod ab Angelis subministraretur populo ad Dei nutum: Cùm enim res fuerit extraordinaria & miraculosa, ut dictum, dubium non est, quin Deus hic usus fuerit ministerio Angelorum, tum ad materiam illi generationi idoneam undique convehendam, & ad illam Soli exponendam, ut faciliùs excoqui, & decidere posset.

XII. Secundo, *spiritualis* vocatur *significatione*, quia mysticam & spiritualem significationem habuit, nimirum ut Christum verum panem vitæ adumbraret: Quamvis enim primo datum esset à Deo manna in cibum corporeum populo, ut famem ejus sedaret, nec aliud in eo spectarent homines crassi & profani, Deus tamen altius mysterium intendebat, & fideles, qui ad opera Dei attentiores erant, sublimius mysterium in hoc miraculo oculo fidei cernebant, & Christi animæ cibi typum eximium in manna agnoscebant: planè quomodo panis & vinum, quæ natura sua & per se interserviunt ad nutriendum corpus, gratia Dei tamen destinantur ad usum spiritualem & sacrum, ut sint symbola Corporis & Sanguinis Christi, quibus animæ sustentantur, non physica, sed morali tantùm & sacramentali mutatione. Nec de eo dubitare nos finit Christus, qui Joannis 6. totius mysterii istius clavem nobis aperit, dum se mannæ conferendo & præferendo, corpus illius typi, & veritatem illius figuræ



figuræ se apertè fuisse docet: Quò etiam non obscurè respicit Apoc. 2. 17. DISPUT.  
VIII.  
Apo. 2. 17.  
dum *Victori* pollicetur, se daturum ex manna abscondito, lui nimir. communionem salutiferam tam in gratia, quàm in gloria, hoc symbolo designans.

XIII. Nec obstat huic expositioni, quòd Christus Joan. 6. loquitur de *Joan. 6. 49.*  
Manna, tanquam de cibo corruptibili & materiali, qui non potuit Patres à morte immunes præstare, *Patres vestri*, inquit vers. 49. *manna manducaverunt in deserto, & mortui sunt.* Quia Sacramenta spectari possunt, vel quoad *materiale*, seu quoad *naturam*. Vel quoad *re formale*, seu quoad *significationem*. Priori sensu manna erat verè cibus corporeus alendis corporibus destinatus: Sed posteriori bene dicitur *spiritualis*, quia spirituale aliquid significabat. Deinde aliud est loqui de re aliqua ad hominem, id est ex hypothese sententiæ, & pro capto eorum cum quibus agimus. Aliud verò ex rei veritate. Sic Paulus de Circumcisione non semper eodem modo loquitur; Nam cum Dei institutionem in ipsa considerat, dicit magnam esse ejus prærogativam & utilitatem Rom. 3. 1. eo quòd esset sigillum Rom. 3. 1.  
Rom. 4. 1. obsignandæ justitiæ fidei Rom. 4. 11. quum autem disputat adversus eos, qui signo externo & nudo gloriabantur, & in ea perversam salutis fiduciam collocabant, dicit *nihil esse* Galat. 6. 15. imò maledictionis symbolum Gal. 6. 15. esse testatur, quia homines illi se obligant ad servandam totam Legem Gal. 5. 3. Eodem modo Christus se comparat agens cum Judæis; Cum enim carnalis multitudo Mosem longè præferret Christo, quòd populum per 40. annos in deserto miraculosè aluisset, nec aliud in manna spectaret; quàm cibus corporis, ut nec aliud quærebat: Christus in sua responsione non explicat quid man significaverit, sed, aliis omnibus omissis, Auditorum sensui sermonem suum accomodat, quasi diceret, Moses Vobis est in summo pretio, quia Patrum vestrorum ventres saginavit in deserto; hoc enim unum mihi objicitis; Ego vobis pro nihilo sum, quia non suppedito ventris alimenta: At si tanti facitis cibus corruptibilem, quid de pane vivifico sentiendum, quò animæ in vitam æternam aluntur? Sic Christus non tam rei veritatem attendit, quàm ex hypothese Auditorum loquitur. Paulus verò dum cibus spiritualem vocat, non impiorum abusum, sed Dei ordinem & veram Sacramenti institutionem respicit.

XIV. Hanc autem nomenclationis istius rationem non semel observant Veteres, *Aug. in Ps. 77. omnes quidem eundem cibum spiritualem manducaverunt, & eundem potum spiritualem biberunt, id est spirituale aliquid significantem, & tr. 26. in Joh. Manna & altare sacramenta fuerunt in signis diversa, sed in re, quæ significatur, paria, diversa specie visibili, paria virtute spirituali, Patres enim eandem escam spiritualem comederunt, quam & nos. Sic Anselmus in hunc locum, Eandem escam corporis Christi, quam nunc in pane mandu-*  
camus,



camus, *Patres nostri manducaverunt in Manna, & eundem potum sanguinis Christi, quem nos ex calice bibimus, biberunt ex Petra: & ideo spirituales manducaverunt eandem, quàm nos; corporalem vero alteram, quia visibilem escam spiritualiter intellexerunt, spiritualiter esuriverunt, spiritualiter gustarunt, ut spiritualiter satiarentur, nam & nos accipimus visibilem cibum, &c.* Sic Apo. 11. 8. magna Civitas vocatur spiritualiter Sodomam & Ægyptus.

XV. Atque hinc facilè solvitur scrupulus, qui moveri potest, Quomodo omnes Israëlitaë dicantur manducasse istum cibum spirituales; cum certum sit, ex historiæ serie, & ex verbis ipsis Apostoli, nonnullos ex ipsis profanos & impios fuisse, qui Deo probari non potuerunt, sed quos severe propter crimina sua in deserto punivit versu 5. Nam licet non manducaverint cibum istum *quà Spiritualem*, id est, non tantum ore corporis ad pascendum ventrem, sed etiam fide recipiendo, ut Christi *σημαντικόν* & *σφραγιστικόν*, quia hoc ad solos fideles pertinet, potuerunt tamen dici manducasse cibum illum, *qui spiritualis & sacramentalis est*, licet talem ipsi non apprehenderent.

XVI. Ut vero certiùs capiamus, quare cibus iste spiritualis dicatur propter significationis mysterium, rationes propiùs sunt expendendæ. Non diffitendum in genere posse *Manna* conferri cum Dei *Verbo*, quod est animarum nostrarum, quaindiu in deserto mundi peregrinamur, pabulum cœleste, suavissimum, & saluberrimum, ut non semel sub eo symbolo Spiritus Sanctus illud nobis exhibet Ps. 19. 11. Joan. 4. 32. 34. Hebr. 5. 13. 14. cui nec porri aut cœpæ, & alia sapientiæ Ægyptiacæ, nec siliquæ traditionum humanarum unquam præferri debent, in quo longè veriùs impletur, quod de Manna dicit Syracides, quod omni gustui se accommodet, quia unusquisque pro varietate statuum & casuum invenit, quo se sustentet, quod Origenes Homilia 7. in Exod. non malè explicat, *Si Verbum Dei, quod in Ecclesia pradicatur, totâ fide, totâ devotione suscipias, fiet tibi ipsum Verbum quodcumque desideras, v. g. si tristaris, consolatur te, dicens, cor contritum & humiliatum Deus non spernit: Si letaris pro spe futura, cumulat tibi gaudia, dicens, Latamini in gaudio, exultate justi, si iracundus es, mitigat te, dicens, desine ab ira & derelinque indignationem; sic ergo manna Verbi Dei reddit in ore suo saporem quemcunque volueris, hoc tamen si quis infideliter suscipiat & non comedat, vermes ex eo ebullient, & Dominus, qui in manna fidelibus dulcedo mellis est, infidelibus vermis efficitur.*

XVII. Sed certum est in specie peculiariter ad Christum respexisse, ejusque eximium symbolum fuisse, & quidem in hisce tribus potissimum. 1. in origine & causa. 2. in natura & proprietatibus. 3. in usibus & effectis. 1. Quoad originem. Nam è cœlo descende-



debat, & à Deo ex indebita gratia & liberalitate dabatur nullo labore, DISPUT.  
nulla hominum industriâ nec ullo merito partum. Unde Moses ait Israël- VIII.  
litis, *hic est panis ille, quem dat nobis Jehovah ad comedendum*, Exod. Ex. 16. 15.  
16. 15. Ita Christus è cœlo revera descendisse dicitur, tanquam Dei  
Patris donum, Joan. 3. 16. & 6. 33. plane gratuitum, nullo nostro la- Jo. 3. 16.  
bore vel merito acquisitum, ne quid hîc Pharisaicum & Papisticum & 6. 33.  
somniaemus, sed sola Dei misericordiâ concessum. Man non naturali-  
ter, sed supernaturaliter & miraculosè cadebat. Ita Christus non vi  
naturæ, sed gratiæ per miraculum nobis à Deo datur, ut hîc sit revera  
magnum pietatis *Mysterium*. Manna datum fuit cum rore cœli Exod.  
16. 14. & Christus rori confertur Hos. 14. 5. *Ero sicut ros*, inquit, *Hos. 14. 5.*  
*Israëli*, qui arida nostra corda humectat, & adustos iræ Dei sensu re-  
creat & refocillat, unde Cant. 5. 1. dicit Sponsæ, *Aperi mihi soror Cant. 5. 1.*  
*mea, amica mea, columba mea, nam caput meum oppletum est rore,*  
*capilli mei aspersioibus nocturnis.* Denique Man, non in Ægypto,  
sed in deserto datum est, postquam ex durissima servitutē, potenti Dei  
manu liberati, mare rubrum pertransiverunt. Ita Christus, quos ex Ægy-  
pto mundi liberavit, & sanguine suo redemit, lacte Verbi & pane Cor-  
poris alit, & potat.

XVIII. Secundò, Quoad *naturam & qualitates*, Manna fuit coloris  
albicantis, & gustus dulcissimi; Christus *candidus* dicitur à Sponsa Cant. *Cant. 5. 9.*  
5. 9. ob vitæ innocentiam, quia *sanctus est, innocens, separatus à pecca-*  
*toribus* Heb. 7. 26. qui peccatum non novit 2 Cor. 5. 21. in cujus ore  
dolus non fuit inventus 1. Pet. 2. 22. cujus bonitas & gratia suavissimi est  
gustus peccatoribus, *gustate & videte quàm bonus sit Jehovah Psal. 34. 9. & Ps. 34. 9.*  
Sponsa ideo cum *malo* assimilat, cujus *fructus dulces palato suo esse as-*  
*serit Cant. 2. 3.* Et ut manna fuit præstantissimus & temperantissimus cor- Cant. 2. 3.  
poris cibus, quò sustentatus est populus in deserto; Ita Christus divinus  
est animæ cibus, verus panis Dei, panis vivificus, qui dat vitam Mundo,  
quò pascimur in deserto mundi, qui, quod gratis de manna perhibetur,  
perfectè in se exhibet, ut omnem saporem habeat, quia à Patre nobis fa-  
ctus est omnia, lux, cibus, vestis, medicamentum, omnia Col. 3. 11. Col. 3. 11.

XIX. Tertiò, Quoad *usum & effecta*, Man colligi debuit à populo ut  
eo cibaretur: Christus à fidelibus per fidem recipi debet, ut nos nutriat. Col-  
lectum æqualiter distribuebatur singulis, Christus cibus vitæ pro mensura  
fidei distribuitur Ephes. 4. 7. ita ut totus ex æquo ad omnes pertineat, tam ad  
pauperes quàm ad divites, parvos & magnos, mares & fœminas, servos & li-  
beros; *Nam in Christo nec Judæus, nec Græcus, nec servus, nec liber, nec mas,*  
*nec fœmina sed Christus omnia in omnibus* Col. 3. 11. Manna in cibum præ-  
parabatur tusione molæ, & coctione ad focum; Christus per afflictiones



consecratus est Heb. 2. 10. cruce & tribulatione attritus propter nostra iniquitates Esaia 53. 8. 12. ut fieret cibus salutaris animæ, Manna fastidiebant Israëlita, licet cibus esset dulcissimus: Ita Christum fastidiunt & rejiciunt homines carnales & profani, quibus videtur scandalum & stultitia 1. Cor. 1. 23. Manna debuit asservari in urna aurea coram Arca in aditu Sanctuarii, ad perpetuam rei memoriam. Ita Christus in urna aurea cordis fidelis reponi debet, quod est Sacrarium Dei, ad tanti beneficii memoriam perpetuam gratitudine recolendam.

XX. Eò pertinet quod Apocal. 2. 17. dicitur *de Manna abscondito*, quod Christus Victori se daturum pollicetur, ut illud opponat epulis Balaitarum & Nicolaitarum, quibus ad idolothytorum esum Christianos alliciebant, & doceat ipsos agrè ferre non debere, quod talia convivia idololatrica ipsis interdicat; cum longe lautius & salubrius Victoribus sit daturus, spirituale scilicet epulum gratiæ & gloriæ, & delicias immortales Paradisi in sui communione, quæ quovis convivio lautissimo longè præstant. Alludit autem ad ea quæ Victoribus dabantur. Certum enim *Hieronicas* seu Victores in quatuor Græciæ certaminibus solennibus, variis affectos fuisse præmiis. Inter alia dabatur illis *προεδρία* in Agonibus, & vacatio, & victus è publico, ut Athenis de Rep. bene meritis in Prytaneo, quod inde nomen habebat, quia ibi annona publica asservabatur in granariis abscondita q. d. *πυρὸς ταμείον*. Et Hellanodica candido calculo suffragabantur, & victores pronunciabant. Promittit ergo Agonotheta cœlestis vincentibus Nicolaitarum illecebras, pro eo quod idolothyta spreverint, non *mazam* in Prytaneo, sed *manna cœleste*, non repositum in Arca fœderis, sed absconditum penes Deum, ubi corrumpi nequit. Se ergo cum beneficiis suis vocat *manna absconditum*, respiciendo ad manna, quod in urna aurea reponi debuit, ut asservaretur in Sacratio coram Jehova, idque quadrifariam. 1. *in Verbo*, quia *Christus absconditus est naturaliter hominibus*, qui ad ejus notitiam pervenire nequeunt sine revelatione, *homo enim animalis non capit ea quæ sunt Dei* 1. Cor. 2. 14. & *caro & sanguis non revelat nobis Christi mysterium*, sed solus Pater cœlestis Matth. 16. 17. & 11. 25. 26. & 13. 11. quod ideo dicitur *absconditum mysterium gentibus* Rom. 16. 26. quia continet res *quas oculus non vidit, nec auris audivit, & quæ in cor hominis non ascenderunt* 1. Cor. 2. 9. Rursus *absconditus* dicitur respectu reproborum, quibus non datum est nosse mysteria regni Cœlorum Matth. 11. 26. & 13. 11. & quibus Evangelium tectum est 2. Cor. 4. 3. Absconditus denique *ipsis fidelibus*, qui nunquam perfectè eum cognoscere in hac vita possunt, sed sub velo tantum & in ænigmate intuentur 1. Cor. 13. 12. quia per fidem, non per aspectum ambulant 2. Cor. 5. 7. 2. *in Sacramentis*, quia ibi Christus occultatur sub symbolis externis, non physicè, sed moraliter, & se offert non



non sensibus, sed menti, per fidem apprehendendum. 3. *in corde*, quia Christus habitat in cordibus nostris per fidem Ephes. 3. 17. ubi non videtur ab aliis, sed sentitur ab anima fidei per solatium incredibile, quò perfunditur, & per novum illud nomen filii Dei, quò nos insignit, quod nemo novit, nisi qui recepit Apoc. 2. 17. 4. *in cælo*, quia Christus in cælum receptus oculis nostris subductus est, & veluti absconditus manet in Sacrario Dei, donec ultimo die per novissimum adventum reveletur: hinc *vita nostra dicitur esse abscondita cum Christo in Deo*, Col. 3. 3.

DISPUT.  
VIII.

Ephes. 3. 17.

Apoc. 2. 17.

Col. 3. 3.

XXI. Qualiscunque verò sit Mannæ cum Christo similitudo; Certum est tamen, ut veritas & corpus longè perfectius est ipsâ figurâ, maximum intercedere, etiam in his tribus inter utrumque discrimen. Nam si *Origo* attenditur, Manna è cælo quidem, sed infimo & aëreo tantùm descende-  
bat: Sed Christus è cælo Empyreo & supremo, non descensu reali per mutationem loci, sed æconomico & morali, per carnis nostræ assumptionem. Unde Christus Jo. 6. 32. *Moses non dedit vobis panem è cælo, sed Pater meus dat vobis verum panem è cælo*, non è nubibus tantùm, sed è sinu Patris. Manna obtinuerunt Israëlitz à Deo, ministerio Angelorum, & Moïsis precibus: Sed Christus nobis datur, immediatè & unicè à Deo, Joan. 6. 32. unde *παρ' ἐξοχῆς* vocatur panis Dei. 2. *quoad naturam*, Manna fuit cibus materialis & corporeus quoad substantiam, licèt esset spiritalis quoad significationem; vitæ terrenæ & corporeæ sustentandæ primò destinatus: Sed Christus est cibus non corporis sed animi, quò in spem vitæ æternæ alimur, non premendo ore, sed credendo corde, panis non tantùm vivus, sed & vivificus, qui non modò nutrit viventes, sed etiam vivificat mortuos, non tantùm alit sanos, sed sanat ægros, non ad tempus, sed in æternum, qui non convertitur in nostram substantiam, sed qui convertit nos & mutat in suam, panis non tantùm Dei, sed & ipse Deus. 3. *quoad effectum*, Manna corpoream vitam sustentabat, sed ad tempus tantùm, nec à morte servabat: Sed cibus hic non tantùm vitam sustentat, sed amissam reddit, & datam conservat in æternum, non corpoream & terrenam, sed divinam & immortalem, quod Christus notat Joan. 6. 49. 50. 51. *Patres vestri manducârunt manna in deserto & mortui sunt, hic est panis qui de cælo descendit, ut si quis ex eo comedit non moriatur.*

Joan 6. 32

Joan. 6. 49-

50. 51. *Patres vestri manducârunt manna in deserto & mortui sunt, 50. 51.*

XXII. Unde facilè colligitur non sine ratione Manna ab Apostolo cibum spirituale fuisse dictum propter significationis mysterium. An autem quemadmodum Christi fuit symbolum, etiam figura Eucharistiæ fuerit, inter Nos & Pontificios quæritur. Et illi quidem hoc pertendunt, eam esse differentiam statuentes inter manna, quod Corporis Christi figura fuit, & panem Eucharisticum, quòd Manna significaverit tantùm & repræsentaverit Corpus



Christi; Eucharistia verò sit ipsum Corpus Christi, in quod substantia panis conversa est, ut *Bellar.* lib. 1. de Euch. c. 3. notat. Nos verò figuras quidem similes & sibi invicem respondentes, eandemque rem significantes & repræsentantes fuisse non negamus, & hæcenus conferri ab Apostolo non ut figuras cum figurato, sed ut sacramentum alteri simile, & analogum. Sed negamus manna posse dici figuram Eucharistiæ, quæ ideo sit à Deo instituta, ut eam significaret, quia ut præcedenti Disputatione jam monuimus, absurdum est dari figuram figuræ, cum illa rei internæ & spiritualis imaginem gerere debeat, non verò externæ & materialis, quæ in sensu incurrit. Nam quod Adversarii volunt, Eucharistiam esse ipsissimum Christi Corpus, in quod panis substantia conversa est, *ἡ αὐτὴ* est *ἡ εὐχάριστος*, quod nec probare potuerunt hæcenus, nec in æternum probaturi sunt.

XXIII. Frustrà *Bellarminus* excipit l. c. quod nisi hæc statuatur differentia inter Manna, & Eucharistiam, quod Manna fuit figura tantum, Eucharistia autem res ipsa, non plus veritatis significatæ habebimus, quàm ipsi Judæi, imo longe minus, quia Manna longe clarius repræsentabat Christi Corpus, quam aridus panis, & multo præstantius erat, utpote quod plueret è cælo, & fieret manibus Angelorum, panis verò noster è furno exeat, & fiat manibus hominum. *R.* Sed gratis hoc dicitur, quia Sacramenta non sunt spectanda *materialiter*, & quoad *substantiam*, sed *formaliter* quoad *institutionem*, ex qua eorum præstantia vel significationis evidentia pendet; Cum autem verbum institutionis in Eucharistia longe sit clarius institutione Mannæ, patet Eucharistiam quoad modum recipiendi fuisse præstantiorem, licet quoad rem significatam eadem veritas utrobique fuerit, Christus scil. cum suis beneficiis. Præstantia ergo Sacramentorum Novi Testamenti supra Vetera, non intelligenda est ratione *rei ipsius significatæ*, quod illa rem ipsam in se contineat; hæc autem tantum significaverint, utraque enim sunt signa significantia & obsignantia gratiam Christi; sed ratione *modi significationis*, quia *efficacius* rem repræsentant, non tantum ut futuram, sed ut factam & impletam, *diutius*, quia manere debent usque ad finem seculi, *latius*, quia ad omnes populos indiscriminatim pertinent.

XXIV. Hisce ita discussis superest videndum, quo sensu dicat Apostolus, *Israëlitas omnes eundem cibum spirituales manducasse*, An scilicet loquatur de Israëlitis inter se, An de iisdem nobiscum. Pontificii quidem Transubstantiationis figmento patrocinatori, cum *Socino* hoc ad Israëlitas referunt, ut dicantur eandem escam spirituales comedisce *inter se*, quia omnes indiscriminatim, tam boni, quàm mali, eâ usi sunt, ad quos etiam accedunt *Lutherani* Consubstantiationis sententiam confirmaturi. Sed utrique aberrant a scopo Apostoli, qui non est tantum identitatem istorum Sacramentorum



rum inter Israëlitas asserere, sed præcipuè cum Christianis, ut ostendat Sacramentorum nostrorum usurpationem nobis non profuturam, citra fidei & sanctitatis studium, cum similia habuerint in deserto Israëlita, quæ non obstiterunt quominus suæ rebellionis & idololatriæ pœnas Deo penderet; Nam qui paria à Deo acceperunt beneficia, si pariter peccent, pariter puniuntur; At Patres nobiscum paria à Deo gratiæ signa acceperunt; Ergo pariter peccantes pariter puniemur; quæ vis argumentationis Paulinæ periret omnino, si non intelligeretur idem cibus & potus nobiscum, sed tantum inter se. Deinde quorsum Apostolus mentionem fecisset baptismi Patribus indulti, si eos quoad Sacramenta nobis æquare non voluit? Sed quod Apostolus addit sub finem versus, omnem difficultatem tollit, quum addit, *Patres bibisse de Petra spirituali, quæ eos sequebatur, Petram autem istam fuisse Christum.* Quomodo enim potest vocari Christus illa Petra, si non eundem potum habuerunt nobiscum, qui Christo participamus? Hoc vidit Aug. loco citato, tract. 26. in Joh. quem sequitur *Beriramus* lib. de Corpore & Sanguine Christi, eandem escam spirituales bibisse Patres Paulus asseverat, *queris fortasse quam eandem? nimirum ipsam eandem, quam hodie populus Credentium manducat & bibit, non enim diversa licet intelligi, cum unus idemque Christus sit, qui & populum in deserto, in nube & in mari baptisatum sua Carne pavit, suo Sanguine tunc potavit, & in Ecclesia verè Credentium populum sui Corporis pane, Sanguinis undâ pascit & potat.*

XXV. Nec juvat hinc excipere; Vel Paulum debuisse adjicere particulam *nobiscum*, si ea fuisset ejus mens, Quia satis ex ἀλλήλων sermonis colligitur, ut jamjam dictum. Vel nos non posse dici comedisse manna; Quia licet non comederimus illud *physicè & materialiter*, possumus tamen dici manducare *moraliter & sacramentaliter*, quoties S. Cœnæ communicamus, quia Eucharistia & Manna in eo conveniunt, quod sint Christus sacramentaliter. Vel quod increduli non possint dici manducasse escam spirituales nobiscum, quia Christi non potuerunt fieri participes. Quia, ut supra jam dictum, manna comedendo, cibum, qui spiritualis erat ex ordine Dei, & qui Christum adumbrabat, bene dicebantur manducare. Vel quod dicantur *typi nostri fuisse*: Nam eo ipso, quo typi nostri fuerunt, nobiscum comparari debuerunt, typi enim & antitypi comparatè se habent, & sunt ἐκ τῶν πρὸς τῷ.

XXVI. Hinc vero sponte fluunt tria gravissimi momenti Porismata. Primum, Pro *Manducatione spirituali Christi*, adversus oralis & carnalis manducationis Christi commentum. Nam cum idem Christus omnibus fidelibus, tam Veteris quam N. T. proponatur manducandus, eadem debet esse *manducationis* apud utrosque ratio. At constat manducationem oralem locum non potuisse habere sub Veteris Testa-



Testamento, quo nondum fuit incarnatus Christus, sed tantum spiritua-  
lem per fidem, quo sensu dicuntur edisse escam spiritualem, & bibisse de  
Petra spirituali, quæ eos sequebatur. Ergo non alia nunc nobis est ur-  
genda, quia sola salutaris est & necessaria. Si enim Patres manducando  
Christum spiritualiter per fidem, salutis facti sunt compotes, quidni ei  
contenti essemus, aliâ missâ & rejectâ, quæ & Scripturæ, & rationi, &  
analogiæ fidei, & Christi ipsius dignitati repugnat, & innumeris absurdi-  
tibus urgetur?

XXVII. Alterum de *Identitate Fœderis gratiæ*, tam in Veteri quàm in  
Novo Testamento; Cùm enim Sacramenta sint sigilla fœderis, ex identi-  
tate eorum, identitatem fœderis bene colligi nemo negare potest. Jam  
eadem fuisse Sacramenta Patribus nobiscum Paulus clarissimè testatur, si non  
signis, saltem quoad significationis mysterium, *in signis diversis, eadem fides*  
*est*, inquit August. tr. 46. in Joann. *In signis diversa, sed in re, quæ signifi-*  
*catur, paria, diversa specie visibili, paria virtute spiritali*, tr. 26. discrepan-  
tia fuit in signis quæ illi habuerunt, & in modo significandi, quatenus illa  
Christum venturum, nostra verò Christum exhibitum significant; illa  
obscuriùs, ista clariùs & efficacius fidem nostram confirmant, & salutem  
obsignant. Interim & illa & ista eandem rem significatam respexerunt,  
nimirum Christum qui idem fuit heri, hodie, & in sæcula Heb. 13. 8.  
Et ut nos hodie in Cœna per fidem Christum sub symbolo panis & vini re-  
cipimus, & participes sumus Corporis & Sanguinis ejus 1. Cor. 10. 16.  
Ita fideles olim in Manna Christo volvebantur ad salutem, & cum ipso Sa-  
cramento visibili, rem & virtutem Sacramenti percipiebant, Christi scili-  
cet justitiâ & merito cibabantur.

XXVIII. Tertium De *Cognitione Christi sub. Vet. Testamento*; Nam si  
Patres ad communionem Christi vocati sunt, necesse est, ut ejus notitiâ &  
fide priùs fuerint imbuti, cùm ignoti nulla sit cupido, nec frui possimus eo  
quem non novimus: Et hoc ex eo certius adhuc colligitur, quòd ipsi Chri-  
sti manducatio quæ hic proponitur, tota per fidem fieri debeat, quæ practi-  
cam Christi notitiam, & intimam ejus apprehensionem necessariò postulat.  
Unde patet quantum discedant à veritate, & quàm perniciosè errent qui sub  
Veteri Test. Personæ Christi diviniæ notitiam non extitisse pertendant, nec  
*γνωρίσματα*, quæ cognitionem Christi pro peccatis morituri ingenerarent, ut  
licet Veteres sine Christo servati non sint, potuerint tamen sine ejus cogni-  
tione salutem consequi. Nec difficile foret, si id nunc ageremus, impium  
istum errorem variis rationibus confundere. Nam si Christus ignotus fuit  
Patribus, quomodo Abraham dicitur gestivisse diem ejus videre, cumque  
vidisse & gravisus esse Jo. 8. 56? Vel Moses prætulisse narratur opprobrium  
Christi gazis Ægyptiacis Heb. 11. 26? Vel *Patres in fide mortui* memorantur



ab Apostolo Heb. 11. quæ non aliud potest habere fundamentum, quàm Disput. VIII.  
Christum ut sit salutaris? Vel Israelitæ possunt dici edisse & bibisse Chri-  
stum in deserto, dum edebant & bibebant cibum & potum spirituales, qui  
eum significabat?

XXIX. Rursus, Si ignotus fuit Christus sub Veteri Testamento; Vel  
inde fit, quòd nihil de eo Patribus revelatum fuerit, Vel quòd revelationem  
sibi factam nullo modo intellexerint. Prius dici non potest, cum infinita ex-  
tent in Veteri Testamento testimonia de Persona Christi Θεανθρώπου, de  
ejus Naturis, Officiis, & Beneficiis, de duplici statu, humiliationis & exal-  
tationis, passionis & gloriæ. Alias nec Christus, nec Apostoli potuissent  
probare mysteria Evangelica ex Mose & Prophetis, quod tamen passim ab  
ipsis factum legimus Luc. 24. 26. 27. 44. Joan. 5. 39. 45. Act. 18. 18. & 26.  
22. 23. 1. Pet. 1. 11. Heb. 10. 5. 6. 7. & alibi in Novo Testamento: Cujus 1. Pet. 1. 11.  
omnis autoritas perit, si quæ in illo ex Vet. Test. proferuntur ad probandam  
Divinitatem Messia, & ejus Satisfactionem, frustrà & falsò allegantur. Non  
etiam posterius, quia sequeretur inde, omnem illam revelationem illis peni-  
tus inutilem fuisse, & frustrà Christum amandasse Judæos ad Scripturas le-  
gendas & scrutandas; Quid enim opus fuit talia ipsis mysteria revelari, si hæc  
ad ipsos non pertinebant? Quid opus fuit sanctis Dei Viris sedulò inquisi-  
visse intempus rerum futurarum, quæ nullo modo ad se pertinerent? An non  
singulorum piorum Veteris Testamenti erat inquirere in rationem salutis  
obtinendæ & declinandæ poenæ æternæ? Nec hic dicendum ex Petro capite  
1. 1. v. 11. ea ipsos administrasse *non sibi, sed nobis*: Quia notum est Petrum 1. Pet. 1. 11.  
non loqui de *cognitione* rerum revelatarum, quasi ad eos non spectârit, sed  
de earum *complemento & executione*, quo temporis articulo scilicet Spiritus  
Propheticus Christi, qui in ipsis erat, declararet eventuras Christo perpes-  
siones & gloriam illas consequuturam: Non ergo inquisiverunt in rem ipsam  
ceu dubiam & incertam, nimirum salutem hominibus obventuram per  
Christi perpeffiones & gloriam, sed tantum in tempus quò Christus erat pas-  
surus & glorificandus; Sed hoc tantum abest, ut ipsis deneget cognitionem  
aliquam rerum istarum revelatarum, ut necessario illam supponat, saltem  
quoad substantiam, licet non quoad gradum & circumstantias, quæ nobis  
clarè patefiunt: reservabatur quidem earum exhibitio in sæcula longè disti-  
ta: fructus tamen inde secuturi æquè ad ipsos, ac ad nos, pertinebant.

XXX. Hoc verò ulterius ex eo invictè colligitur. Quòd si  
Christus Patribus cognitus non fuit, nec Justificatio nec salus po-  
tuit illis obtingere, quia utraque sine cognitione Christi haberi ne-  
quit, *Justificabit multos*, inquit Isai. 53. 11. *sui notitia*, & Christus Is. 53. 11.  
manifestis verbis Joan. 17. 3. *Vitam æternam in cognitione Dei Pa-* Joan. 17. 3.  
*tris & Jesu Christi, quem misit, positam esse asserit*: Nec quisquam



sanæ mentis crudum effatum illorum admiserit, qui volunt fideles potuisse per Christum servari, etiamsi cognitus non fuerit; Quasi salus possit obtineri sine fide, vel fides possit dari sine objecti cognitione, atque ita melius per *ignorantiam*, quàm per *notitiam* definiatur, quod est figmentum Pontificiorum. Nec hic ad infantium exemplum recurrendum, quibus applicatur meritum & fructus mortis Christi ad eorum salutem æternam, absque ullo suo actu personali, vel notitiæ vel fidei. Quia nemo non videt, longum latumque discrimen esse inter infantes, qui per ætatem actum fidei non possunt exercere, & adultos, à quibus fides actualis ad salutem obtinendam exigitur. Utergo *Christus idem est heri, hodie, & in secula* Heb. 13.8. Ita nec aliter Servator, nec aliter servat hodie quàm heri, Hinc ut *hodie* sub Novo Testamento adultus nemo servatur absque omni notitia & fide Christi: Ita *heri* sub Veteri Testamento aliqua fides & notitia Christi semper fuit necessaria ad salutem, obscurior quidem & tenuior quoad *gradus*, præ fide Novi Testamenti, juxta mensuram revelationis & naturam illius œconomix; Sed quæ eadem effet cum nostra quoad substantiam, & quæ sufficeret ad obtinendam justificationem & salutem Patribus.

XXXI. Perperam hic objicitur, *Veterem œconomiam mille typis & velis fuisse testam*; Unde non mirum esse, si Patres ad mysteria Novi Testamenti penetrare non potuerint. Quia qualiscunque fuerit obscuritas illius dispensationis, non desinebant tamen sub illis velis & typis radii veritatum Evangelicarum micare, & oculo fidei piorum sese ingerere ad eorum solatium, aliàs Deus populum suum inanibus umbris, quarum Christus corpus non fuerit, ludificatus esset, & nuspiam docuisset illis typis mysticam inesse significationem rerum spiritualium & cœlestium: Cum contrà certum sit Deum non uno loco testari, circumcisionem cordis significari circumcisione carnis, & hanc absque illa fore inutilem: Et in Sacrificiis non tam spectandum quid essent, quàm quid significarent, absque quo non modò ingrata, sed & exosa sibi esse. Et sanè cum typi & signa in suo formali sint relata, & involvant respectum aliquem ad rem signatam, non *velandi* tantùm, sed & *revelandi* suo modo usum habere debuerunt. Nec ita carnalia erant & materialia quæ proponebantur, quin pii per ista *αισθητά* & sensibilia ad *τα νοητά* intelligibilia & spiritualia ascenderent: alioqui fieri non potuisset, quin crassissimè errassent, v.g. si de Sacrificiis ageretur, cum non possent sine piaculo credere, Dei justitiam placari posse brutorum sanguine, eo ipso debuerunt altius assurgere & respicere ad aliquod aliud sacrificium longè præstantius, quò peccata omnia expiarentur, ad Christum scilicet, qui animam suam esset positurus in sacrificium pro reatu, Is. 53. 10. Psal. 40. 5. 6. & cujus excisione obsignanda erat visio & prophetia, expiandum peccatum, & justitia seculorum adducenda



adducenda Dan. 9. 24. 25. Ita pii qui cibo & potu isto spirituali, qui à Deo suppeditabatur in deserto, utebantur, non potuissent Christo spiritualiter in eo vesci, quod de illis Apostolus testatur, nisi ulterius ad mysterium hoc symbolo adumbratum respexissent. Unde invictè concluditur, Christum jam olim adumbratum & promissum in Oraculis & typis, à fidelibus cognitum, & per fidem receptum fuisse.

F I N I S.

## DISPUTATIO THEOLOGICA

DISPUT.  
IX.


D E

## PETRA CHRISTO.

EX I. CORINT. 10. 4.

ἡ δὲ Πέτρα ἦν ὁ Χριστός.

*Respondente* PAULO CHRISTIANO HEILMANNO  
*Longo-Dibacensi.*

I. UM in tota peregrinationis Populi Israëlitici per desertum, historiâ, vix quicquam illustrius & mirabilius occurrat, nihil sane sit μυσικώτερον, & quod Christum, salutariaque ejus beneficia significantius adumbret, insigni Petræ, & aquarum ex ea fluentium, quibus Deus Israëlitæ potavit, Miraculô. Non parum confert ad institutionem & solatium fidelium, accurata ejus disquisitio. Quam ut facilius possimus exequi; Duobus Capitibus Disputationem nostram absolvemus. Primum dabit enarrationem historix quoad literam. Alterum Mysterii sub ea latentis expositionem.

II. Verba Pauli extant cap. 10. 1. ad Cor. 5. 4. καὶ πάντες τὸ αὐτὸ πό- I. Cor. 10. 4. μα πνευματικὸν ἔπιον, ἔπινον γὰρ ἐκ πνευματικῆς ἀπολαβῆς Πέτρας, ἡ δὲ πέτρα ἦν ὁ Χριστός. *Et omnes eundem potum spiritualem biberunt, bibeant enim ex Petra spirituali eos sequente; Petra autem erat Christus.* Scopus



Apostoli, ut alibi à nobis ostensum, non alius est, quàm identitatem Sacramentorum Veterum cum nostris, si non quoad signum, at quoad rem significatam ostendere; Ne Corinthii prætextu Sacramentorum præstantiorum impunitatem sibi pollicerentur in peccatis suis, idololatria imprimis, à qua vult eos avertere. Ideo ostendit, Patres hac in parte nobis non inferiores fuisse, sed eadem nobiscum, aut illis analogà Sacramenta habuisse, quæ Baptismo, & S. Cœnæ responderent. Et Baptismi quidem similitudinem probat in Columna Nubis, & Maris transitu. Cœnæ verò, respectu duorum ejus symbolorum, tum *Panis* in *Manna*, tum *Potus* in *Petra*, & aquis ex ea scaturientibus; De qua jam disputamus.

III. Clarum est respicere Apostolum ad historiam, quæ refertur Exod. 17. ubi narrat Moses Populum, vix sedatâ propter cibi penuriam seditione, de qua c. præced. rursus occasionem murmurandi contra Mosem & cum ipso rixandi sumpsisse ex defectu aquarum, v. 3. *Quare nos eduxisti ex Ægypto, ut unâ cum liberis & pecoribus siti periremus?* Deum verò ut motum illum componeret, & populi, licet ingrati & rebellis, necessitati succurreret, jussisse Mosem virgâ suâ Rupem & Petram certam in Horeb percutere, ex qua aquæ affatim ad sedandam populi sitim effluxuræ essent. Quò factò tantam exiliisse statim aquarum copiam, quæ non solum abundè suffecerit levandæ siti præsentis ipsorum, sed & in futurum, aquis illis populum per desertum sequentibus & comitantibus. Quò respiciens Psalter Ps. 78. 15. dicit, *Deum rupisse petras in deserto, & potum eis dedisse in voraginibus magnis. Eduxisse rivum ex petra, & descendere fecisse tanquam flumina per aquas.* Et Ps. 105. 41. *Aperuit petram, inquit, & inde fluxerunt aquæ, fluentes currerunt per loca arida.* Et Ps. 114. *Mutavit rupem in stagnum aquarum, & saxum adamantinum in fontem aquarum.* Nec aliò pertinent, quæ toties apud Isaiam, & alios Prophetas dicuntur de aquis scaturientibus in deserto, ut Is. 41. 18. & 44. 3.

IV. Quia verò bis mentio occurrit Petræ percussæ à Mose, non modò Exod. 17. sed & Num. 20. Quæritur, An eadem sit historia? An duæ? Quidam idem esse miraculum censent bis memoratum à Mose, brevius in Exodo, fusiùs vero in Numeris; quia idem videtur esse locus deserti *Sin*, cui idem nomen *Massa* & *Meriba* impositum sit. Nec verisimile sit duo loca à murmure populi ita fuisse denominata, vel populum bis in idem peccatum incidisse. Verùm alii rectius arbitrantur, similem quidem, sed non eandem describi historiam. Licet enim utrobique murmuraverit populus præ siti, & dederit Deus aquam ex Petra, si circumstantiæ locorum, temporum, & personarum attendantur, facile patet inter se discrepare. 1. Loca sunt diversa, nam prior contigit in Rephidim, in ea scilicet deserti *Sin* parte, quæ contermina erat Ægypto; At posterior in Cadesbarne, quæ vicina erat regio Palestinæ meridiem versus, locus ille vocatur deser;



desertum in Sin, sed iste cum Thadeus. In illo mansio fuit populi undeci- DISPUT.  
ma; sed in isto trigesima tertia. 2. Tempus etiam variat, nam prima mur- IX.  
murationis, & instante jam anno quadragesimo, & post mortem Mariæ.  
3. In illa nulla fit mentio incredulitatis Moïsis & Aaronis, in ista notatur.  
4. Petra in monte Horeb percussa vocatur צור, hæc vocatur מלך. 5. Ibi mi-  
raculum patraturus Moïses jubetur ipse secum sumere aliquot de Senioribus  
Israelis; Hic jubetur Moïses & Aaron congregare totum cœtum filiorum  
Israelis ad Petram; Illic jubetur Moïses Petram percutere; Hic verò eam  
alloqui. Illic Petra semel tantum fuit percussa, Hic bis. Illic locus dictus  
est Massa & Meriba, Hic verò tantum מַיִם מֵרִיבָה *aqua iurgii*.

V. Si quaeratur porro, ad quam historiam respiciat Paulus? Responderi  
quidem potest non incommode, ad utramque respexisse, cum utraque ty-  
pus fuerit istius mysterii. Sed præsertim ad primam mentem intendisse col-  
ligi potest, tum ex pœna, quæ murmuracionem istam secuta dicitur v. se-  
quenti, & aliam antecessit, tum ex eo, quod Petra dicitur eos secuta, quod  
appositè congruit aquis in itinere per desertum populum comitantibus.

VI. Quæritur porro, Quænam fuerit Petra illa, ex qua biberunt? &  
quare *spiritualis* dicatur? Quidam volunt sic designari κατὰ τὸ πῆλόν, &  
proprie, Petram mysticam, nimirum *Christum* ipsum, unde salutem hau-  
riunt omnes Credentes, qui per divinitatem tunc ipsis aderat, & nusquam  
aberat, quique in toto itinere varia beneficia præstando eos comitabatur.  
Vel Deum ipsum, qui Petra & Rupes sæpe dicitur in Scriptura, cujus be-  
neficio hunc potum consecuti sunt, ut præpositio ἐκ, non causam materia-  
lem notet, sed efficientem, ut alibi non semel; Sic ἐκ Πέτρης, id est à *Pe-  
tra*, vel Deo, vel Christo eorum ductore in deserto, & aquæ istius authore.  
Sed minus appositè hoc dicitur, quia sic petra præcedens potius diceretur,  
quàm sequens, siquidem Christus præibat ut dux, non sequebatur ut co-  
mes Num. 9. 17. Deinde sic omnes verà fide Christi fuissent facti participes,  
cùm omnes ex Petra ista biberint, quod dici nequit; Siquidem Deus in va-  
riis dicitur non complacuisse. Multo rectius ergo per Petram intelligitur  
Rupes materialis Deserti Horeb, quæ aquas fudit percussâ virgâ Moïsis, ex  
qua populus dicitur bibisse, quia bibit ex fluentis ex ea exilientibus, quo-  
modo bibere quis dicitur de dolio, ex quo vinum depromitur, metonymiâ  
causæ efficientis, vel subiecti. *Spiritualis* autem dicitur, non naturâ, vel  
usu, sed *significatione*, ut antea *cibus* & *potus*, quia symbolum erat Christi  
veræ rupis, ex qua fluxerunt aquæ salutes gratiæ.

VII. Petra autem dicitur ἀκολουθῶσα, *sequens*, non quod saxum ipsum  
loco motum eos sequutum sit, quod absurde quidam finxerunt Rabbini. Sed,  
vel quia obsequebatur Israëlitarum desiderio, potum illis subministrando,



ut vult Photius, vel quia comitabatur eos peregrinantes in deserto, non quidem per se, sed in effectis, rivis scilicet ex petra manantibus. Et eò pertinet quod dicitur Psal. 78. 15. *Rupit petras in deserto, & potum dedit eis quasi ex abyssis magnis, & eduxit fluentia de Petra, & descendere fecit aquas tanquam flumina, & percussit Petram, & aqua fluxerunt, & torrentes inundaverunt.* Uude Abarbanel, *Nullum est dubium, quintanta copia aquæ eruperint, ut inde derivata fuerint flumina, & torrentes aquarum &c.* Ita recte dicitur Petra eos secuta, quia rivi aquarum fluentium è rupe eos insequiebantur, & in stagna fuerunt collecti, ubicunque sunt castrametati. Unde toties Prophetæ, loquentes de effusione Spiritûs S. & gratiarum ejus sub aquarum symbolo, dicunt Deum daturum *stagna aquarum in eremo* eò alludentes Is. 35. 6. & 44. 3. Licet autem rivi isti ex Petra manantes secuti eos fuerint, nonnunquam Deus passus est eos exsiccare, sive ad castigandam ingratitude populi, sive ad exercendam ejus fidem, & locum dandum novo miraculo, quod facere decreverat, prius beneficium ad tempus substractum, renovando.

VIII. Porro quia in posteriori miraculo mentio fit peccati Moïsis & Aaronis v. 12. propter quod exclusi sunt ab ingressu Canaan, Quæri potest, quodnam illud fuerit, cum de eo pauca tradat Spiritus S. & talis ac tanta pœna infligi non potuerit, nisi magnam aliquam ob causam? Quæstio hæc non parum exercuit Interpretum ingenia, tam Hebræorum, quàm Christianorum, qui in varias sententias divisi fuerunt. Quidam ex recentioribus volunt, Moïsem prorsus non peccasse, & si quæ Scripturæ loca extent, quæ videantur docere illum peccasse, alia vicissim esse, quæ doceant illum non propter peccatum suum punitum esse ut Deut. 3. 26. *Iratus autem fuerat Dominus contra me propter vos,* & Psal. 106. 32. *Irritaverant etiam eum juxta aquas Meriba, & malum fuit ipsi Moïsi propter eos.* Et si peccatum ipsi tribuitur, quando dicitur *Rebellastis, pravaricati estis, non credidistis, non me sanctificastis,* id simile esse ei quod dicitur Jos. 7. 1. de peccato Achanis, quod toti genti tribuitur, licet illius solius fuerit, *Et pravaricati sunt filii Israël pravaricationem in anathemate.* Sed Textus ipse sacer repugnat, qui toties & tam expresse peccatum hoc Moïsi & Aaroni tribuit in particulari, distincte à populo, Num. 20. 12. *Non credidistis mihi ad me sanctificandum coram populo,* Sic c. 27. 14. dicuntur *rebellasse,* & Deut. 32. 51. & Psal. 106. 33. *Exacerbârunt spiritum Moïsis, ideo distinxit labiis suis,* id. dubius omnino hæsitavit per diffidentiam, vel loquutus est in exacerbatione sua, id. parum convenienter officio suo. Quamvis vero occasio pœnæ Moïsis fuerit contentio populi, ex qua dicitur Deus iratus fuisse Moïsi propter ipsum; hoc non obstat quominus propter proprium peccatum punitus fuerit.



IX. Non melius alii, ut *Abarbanel*, pertendunt quidem Moſem & Aaronem punitos fuiſſe propter peccata ſua, ſed Aaronem quidem ob peccatum vituli, Moſem verò propter negotium exploratorum terræ Canaan, quia Moſes illos emittendo, de ſuo addidit, quæ nec Iſraëlitæ petierant, nec Deus mandaverat, *Ut conſiderarent populum, qui in terra habitabat, utrum fortis eſſet: an debilis, paucus an multus, & quales urbes in quibus habitabant &c.* Num. 13. 3. 19. 20. Quia hoc eſt apertè obloqui Spiritui Sancto, qui quoties agitur de iſta pœna, peccatum Moſis & Aaronis expreſſè refert ad aquas jurgii, ut innuat commiſſum eſſe hâc occasione, non aliâ quavis Num. 20. 12. & 27. Deut. 1. 37. & 3. 26. & 32. 51. Alii minùs rectè peccatum in eo collocant, vel quòd percufferint Petram, non verò tantùm ad eam loquuti ſint, ut juſſerat Dominus; Quia non alia de cauſa dixerat Moſi, accipe virgam, niſi ut alloquendo percuteret. Vel quòd non ex ſe ipsis, & ſponte edixerint Petræ, ut daret aquas ſuas. Nam cùm hoc ipſum ex mandato Dei fecerint, quomodo illis imputaretur in peccatum? Imò peccaſſent graviter, ſi hoc citra mandatum tentaſſent.

X. Rectius ergo peccatum hoc refertur ad *incredulitatem & diffidentiam*, quam animo conceptam, exteriùs ſigno aliquo, vel vultu, vel geſtu, aut ſermone prodiderint. Non quòd tam dubitârint de potentiâ divinâ, quàm de voluntate & affectu. An Deus vellet tam rebelli populo aquas dare; Cùm tamen Deus certò & abſolutè, non conditionatè hoc promiſiſſet. Diffidentia verò iſta indicatur tum dictis, tum factis, dictis quidem, quum ait v. 10. *Audite ô rebelles, Num de Petra hac educemus vobis aquam?* quæ verba ſunt dubitantis, cum abſolutè & ſimpliciter dicere debuiffet, *Petra, da aquas.* Ideo Pf. 106. 34. dicitur *diſtinxiffe labiis ſuis*, id eſt, aliter protuliſſe verba Dei, quàm proferenda erant, dubitando de eo, quod ſecurè aſſeri debuit tanquam à Deo promiſſum. Deinde factis in iterata Petræ percuffione, quod hæſitationem Moſis teſtabatur, & fortè Deus ad fidem eorum explorandam non ſtatim aquas dederat ad primam percuffionem. Quicquid ſit, certum eſt Moſem gloriam Deo non dediſſe, non modò linguâ & opere, ſed præcipuè corde, in quo latentem incredulitatem Deum reſpexiſſe dubitari nequit. Atque ita dicuntur non ſanctificaſſe Dominum coram filiis Iſraël, id. populo dediſſe cauſam dubitandi de ejus potentia & veritate; cum revocando illi in memoriâ præterita miracula debuiffent potius eos confirmare in fide tanti miraculi. Licèt autem Aaron nihil hîc dixiſſe, vel feciſſe perhibeatur, in peccati conſortium tamen venit cum fratre, quia tacuit, nec ipſum peccantem crexit & redarguit.

XI. Sed ut ad myſterium pergamus, quod præcipuè hîc attendere nos vult Spiritus S. Inquirendum jam eſt, Quodnam ſub hoc cortice latuerit. Hîc enim aliquid fuiſſe *μυστηρίου*, ſi Paulus expreſſè



ISPU. I X. pressè non doceret, satis tamen ipsa rerum eventuumque natura demonstrat. Nam si nihil aliud Deus hic sibi proposuisset, quam populum suum salubri potu reficere, non ne poterat vel aquas cœlitus immittere, vel illum in locum fontibus & aquis irriguum deducere? Quid opus erat, vel Petram peculiariter ad hoc seligere, vel virgâ uti ad eam percutiendam, ut aquæ ex ea exilirent? 2. Quid quod id ipsum, quod Moysi pollicetur se supra Petram constitutum, usque dum miraculum peractum esset, satis clarè ostendit, non alium quàm Dei Filium, qui Dux erat populi, hoc opus totum peregrisse, nec ad alium, quàm ad ipsum hæc omnia respexisse. 3. Accedit, quod cum ex ipsa Judæorum sententiâ Christus sit finis & scopus totius Scripturæ, in quo Promissiones omnes, & Typi suam obtinent veritatem, non verisimile est hoc opus miraculosum, & tam eximium beneficium populo collatum, nullam ad Christum *σχέσιν* habuisse, cùm cætera omnia mystica fuerint, exitus ex Ægypto, transitus per mare, desertum, manna, columna nubis, & cætera, quæ populo contigerunt, quæ sanè Judæos convincere possunt, memorabile aliquod hic mysterium latuisse. Sed Christianis post Apostoli testimonium de eo adhuc dubitare est nefas.

XII. Ut verò mysterium hoc aperiatur, 1. vis locutionis, quæ hic usurpatur, est expendenda. 2. ejus significatio per collationem typi & τῷ τυπώ-  
*γεντος* erit demonstranda. Quoad prius quidem, adeò est perspicua in se phrasis Apostoli, quum ait ἡ δὲ πέτρα ἣν ὁ Χριστός, ut explicatione vix egeret, nisi importunitas Adversariorum hic aliquantulum immorari nos co-geret, qui, ut vim argumenti, quod ex hoc Oraculo elicimus pro genuino sensu verborum sacramentalium, declinent, magno molimine propositionis istius veritatem obscurare conantur, subjectum in prædicatum convertendo, & prædicatum in subjectum; quasi non legendum sit ἡ δὲ πέτρα ἣν ὁ Χριστός, ut sita sunt verba Pauli, sed ὁ δὲ Χριστός ἣν ἡ πέτρα, ut sensus sit, non *Petra autem erat Christus*, ut naturalis dispositio verborum importat, sed *Christus autem erat Petra*, id. res per Petram significata, ut innuant, Petram, ex qua bibebant Israëlītæ, non fuisse Petram illam Horeb, ex qua aquæ exiliebant, sed mysticam & invisibilem, quæ eos comitabatur, illisque in omnibus necessitatibus succurrebat, Christum scilicet, qui tunc temporis aderat populo, tanquam dux itineris: Sic Bellar. lib. 1. Euchar. c. 11. Perron. de Euchar. Estius, Justinianus & alii non pauci.

XIII. Sed sensus hic convenire nequit, vel cum scopo Apostoli, vel cum serie sermonis, vel cum verbis ipsis de quibus agimus. Nam 1. Scopus Apostoli est deterrere Corinthios ab idololatria, fornicatione, & aliis similibus peccatis, exemplo veteris populi, propter similia peccata graviter puniti. Et ne sibi impunitatem pollicerentur, propter privilegia in Novo Testamento concessa, præ-  
 ferim



sertim propter salutaria dilectionis Dei pignora, Baptismum scilicet, & S. Cœnam, docet hac in parte etiam non inferiores esse ipsis Veteres, qui etiam habuerint suum Baptismum & suam Cœnam, quibus tamen Deus non pepercerit peccantibus. Aut ergo argumentum Apostoli non procedit, aut necesse est ut per cibum & potum, Petramque spiritua-

DISPUT.  
IX.

lem, intelligantur signa aliqua Veteribus data, panem quem frangimus, & poculo cui benedicimus, correspondentia in genere sacramenti seu signi sacri. 2. Eadem debet esse ratio Petræ, quæ aliorum signorum suprâ memoratorum, puta, maris, nubis, mannæ. At ista materialiter esse intelligenda consentiunt omnes. Ergo pariter Petra ex qua bibisse dicuntur.

3. De ea Petra loquitur, de qua biberant omnes Israëlitarum. At bibere de Christo, non potuit esse beneficium commune tam bonis quam malis. Nam non poterat bibi Christus sub V. T. nisi per fidem, quam mali non habent. Nec juvaret respondere, quod facit Gerhardus, id intelligendum hoc discrimine, quod impii in typo duntaxat, pii verò in typo & fide simul biberint. Nam quid est *in typo bibere*, nisi *typum ipsum bibere*?

Ergo Apostolus loquitur de Petra illa, quæ typus fuit, & quidem de illa sola, quandoquidem unius tantum non duplicis Petræ meminit. 4. Verba ipsa Apostoli satis docent, sine inversione, & prout disposita sunt, esse intelligenda, articulus enim ἀναφορὰς ἣ δὲ πέτρα ostendit clarè, non aliam Petram innui, quàm eam cujus proximè mentionem fecerat, ex qua Israëlitarum in deserto biberant. 5. Ipsi Adversarii fateri coguntur, Petram illam materiale[m] fuisse figuram Christi, & aquam inde manantem figuram sanguinis ejus. *Non negamus*, inquit Bellarm. l. c. *quin Petra illa materialis figura fuerit Christi, & aqua ex illa manans figura sanguinis ejus, ut non negamus species panis & vini esse signa Corporis & Sanguinis Christi, sed negamus per ista verba, Petra erat Christus, hanc designari figuram.* Sed cum nullus alius sit Scripturæ locus unde id probari queat, vel pro libitu fingitur, vel ex hoc loco necessariò colligitur.

XIV. Nec hîc nos movere debent rationes duæ, quæ afferuntur ab Adversariis ad confirmationem sententiæ suæ, tum quod vocetur *spiritualis*, tum quod dicatur *secuta Israëlitas*, quod competere nequeat Petræ materiali. Nam jam insinuavimus, Petram istam spirituale[m] dici eodem sensu, quò manna *cibus spiritualis*, non *substantia*, sed *significatione*, propter intelligibile[m] utriusque significationem, ut loquitur August. tr. 26. & 45. in Jo. Et si secuta dicitur Israëlitas, hoc non debet intelligi de ipsa Petra, quasi componere sequeretur, aut portatilis esset in sinu Mariæ, ut somniârunt quidam Rabbinî, sed respectu rivorum, quos fundebat, qui castra illorum comitabantur, ut sic haberent *Petræ aquatile[m] sequelam*, ut ait Tertull. de Patientia.

XV. Assertâ verò Propositionis istius veritate, videndum est ulterius,



Quomodo Petra ista fuerit Christus. Hoc autem non intelligi *literaliter* per conversionem aut transmutationem, sed *sacramentaliter & metonymicè*, per meram significationem & obsignationem relativam, non propriâ locutione, sed tropicâ & figuratâ, res ipsa clamat: cum disparatum de disparato, qualia sunt Christus & Petra, de se invicem propriè prædicari non possint, fatentibus ipsis Adversariis. Ergo nihil aliud est, *Petra erat Christus*, quàm significabat Christum, vel erat signum Christi, perinde enim est sive in copula, sive in prædicato tropus ponatur, & res eodem reddit, ut per metonymiam signo detur nomen rei significatæ, tum propter analogiam, tum propter unionem ex ordine Dei in usu legitimo. Nec aliter intellexerunt Veteres, Tertull. lib. de Patientia, *Petra illa erat Christus*, hoc est, *significabat Christum*. August. sæpius hoc repetit quæstio. in Levit. q. 57. *Petra erat Christus, non per substantiam, sed per significationem*. Et Epist. 102. *Petra erat Christus, quia significabat Christum*. Sic lib. 18. de C. D. c. 42. cont. Adver. Leg. c. 6. tr. 63. in Joan. & alibi non semel. Hoc agnoverunt Basilus de Sp. S. cap. 14. Ambrosius in Psal. 38. Theodoretus, in Exod. 9. 28. Primasius in 1. Cor. 10. & alii non pauci. Imò saniores ex Adversariis hoc non dissentunt, Lyranus, *Petra erat Christus, scilicet figurative, eo modo loquendi, quo imago Herculis Hercules nominatur*. Glossa Interlinearis spirituales Petram interpretatur, qua Christum significat, & Marginalis, *Petra autem, solet res qua significat, nomine rei quam significat, nominari, Petra Christus*. Aug. in signis diversis eadem fides, ibi *Petra Christus, nobis quod in altari ponitur est Christus; si speciem visibilem attendas, aliud est, si intelligibilem significationem eundem potum biberunt*. Thomas non per essentiam, sed per significationem. Carthus. non essentialiter, sed figurativè. Gagnæus Christum significabat. Justin. in h. l. *Petra erat Christus significatione & symbolo*. Nec alio modo ipse Lutherus ad Waldenses, *Hic fides me cogit, ut verbum est interpreter significat, hoc modo, Christus est significatus per corpoream Petram Moysis*.

XVI. Hunc autem genuinum esse locutionis istius sensum, ex aliis compluribus ejusdem generis locutionibus, quæ non alium sensum possunt admittere, perspicuè colligitur. Nihil usitatius est in Scriptura, quàm ut verbum est, ponatur pro significat, ut *septem candelabra sunt septem Ecclesie* Apocal. 1. *Ager est mundus, semen est Verbum* Matt. 13. *septem vacca sunt septem anni* Gen. 41. *ossa sunt domus Israël* Ezech. 37. & passim in parabolis & similitudinibus. Sed præcipue quoties de Sacramentis agitur, quæ in significatione consistunt, non aliter loqui amat Spiritus Sanctus, nec melius & convenientius loqui posset, quàm tropicè. Sic *Circumcisio dicitur fœdus* Gen. 17. 10. i. e., signum fœderis. Deo ipso interprete y. 11. & Rom. 4. 11. *Agnus transitus* Exod. 12. 11. id est, ejus memoriale Exod. 13. 9.

*Baptismus*



*Baptismus lavacrum regenerationis*, Tit. 3. *Calix N. Testamentum* Luc. 22. DISPUT.  
IX.  
& sim. quæ vel nullum sensum habent, vel figuratum & tropicum postulant.

XVII. Atque hinc invictè ostenditur, quis debeat esse sensus verborum sacramentalium vexatissimorum, *Hoc est Corpus meum*. Ut enim Petra dicitur Christus per significationem; Ita & pariter *Panis*, qui per pronomen *hoc* designatur, nec ovum ovo similis est, quàm duæ istæ locutiones inter se conveniunt. Scio hic *Cornelium à Lapide* cum *Bellarmino*, & *Tirinum*, qui eos sequitur, discrimen aliquod afferre, quod revera Petra non possit dici de Christo nisi typicè & significativè, quia sint disparata, quæ non possint propriè de se prædicari; sed in ista propositione non dicat Christus, panis est Corpus meum, sed *Hoc est Corpus meum*, usurpando pronomen demonstrativum *Hoc*, quod non sit quid repugnans aut disparatum à Corpore Christi, cum designet indeterminatè id quod latet sub speciebus panis, quod potest esse divinâ virtute, tam Corpus Christi, quàm substantia panis; Unde potest, imò debet Corpus Christi propriè accipi, quando, affirmante Christo, de hoc prædicatur. Sed quàm bene statuunt disparatum de disparato non posse prædicari, Tam certò sententiam nostram confirmant; Cum hoc de alia re intelligi non possit, quàm de pane. 1. quia non aliud per *hoc* intelligi potest, quàm id quod Christus ceperat in manus suas, cui benedixerat, quod fregerat, & quod tradiderat discipulis suis; At id panis erat, & non aliud quid. Unde Paulus 1. Cor. 10. 26. *Panis quem frangimus*, & c. 11. 28. 1. Cor. 10.  
26. & 11.  
28. vult quemque se probare, quoties panem istum edit & c. 2. idem probatur ex analogia aliorum Sacramentorum, ubi commutatio fit sæpe nominum; ut nomen signati signo, & vice versa nomen signi signato tribuatur, ut jam visum. 3. Status Apostolorum non alium sensum postulat, videbant Christum mensæ accumbentem, & panem præ manibus habentem, tanquam duo subjecta realiter diversa, quorum unum proinde non poterat propriè esse alterum; audiverant similes plures locutiones tropicas à Christo usurpatas, *Ego sum vitis, janua*, & c. quas in parabolis subinde repetierat; Jamjam celebraverant Pascha, ubi multiplex locutio figurata occurrebat in Agno, & in azymis; Quid præclivius ergo fuit, quàm in simili planè negotio perasim istam eodem modo intelligere?

XVIII. 4. Non potest intelligi per *Hoc*, Corpus Christi, Nam, præterquàm quòd sic dedebit concipi Corpus Christi latere sub speciebus panis ante prolationem verborum, quibus demum sit transubstantiatio, contra eorum hypothèsim, sensus propositionis erit absurdus, resolvendæ scil. in istam, *Hoc*, id est, *Corpus meum*, est Corpus meum. Deinde verba ipsa erunt speculativa & demonstrativa, non practica & operativa, ut volunt. 5. Non potest indeterminatè



minatè significare id quod latet sub speciebus panis, nam ut in enunciatione vera attributum conveniat subjecto, ipsum subjectum debet determinatè exprimi, vel designari. Deinde cùm nihil hìc occurrat nisi vel panis, vel Corpus Christi, nam species, quæ sunt mera accidentia, non posse constituere subjectum enunciationis, nemo ut opinor diffitebitur; Nec possit esse Corpus, ut jam dictum, necessariò panis est intelligendus. Nam quod ad *individuum vagum*, quod hìc nonnulli somniant, tam est absurdum, ut vix refutatione indigeat. Nam non posset designari pronomine demonstrativo, *Hoc*, quod necessariò certum aliquod & determinatum individuum indicat; Et licèt individuum vagum aliquando sit respectu nostri, nunquam tamen tale potest esse respectu sui, quia debet esse substantia quædam certa & determinata. Ea verò cùm non possit esse Corpus Christi, debet esse alia substantia, quæ cùm non sit realiter Corpus Christi, non potest nisi figuratè & tropicè dici Corpus Christi, ut Petra non dicitur Christus nisi significativè.

XIX. Ad pleniorè verò istius veritatis illustrationem, non parum juvabit consideratio *Regularum* variarum, ex quibus sensus literalis à metaphorico, & metaphoricus à literalì potest discerni, quod quanti sit usùs in variis quæstionibus Theologicis, & præsertim in doctrina de Sacramentis, neminem latere potest: Nam ut non sine magno periculo locutiones propriæ & literales mutantur in metaphoricas & figuratas; Ita non minus est periculum, locutiones metaphoricas mutare in proprias & literales, quod visum in Anthropomorphitis, verba Scripturæ de membris humanis Deo attributis ad literam sumentibus, cùm tamen ἀνθρωποπαθεῖς dicta, deberent θεοπεπεπωῖς intelligi, & in Judæis propriè & literaliter accipientibus de Regno terreno & temporali Messia, quæ mysticè & figuratè erant intelligenda. Ad scopulum hunc declinandum faciunt sequentes Regulæ. Prima, *Quo ius proprietatis literæ contradictionem vel impossibilitatem evidentem inducit, verba figuratè sunt intelligenda*; Quia cùm mens humana non possit concipere eodem tempore rem esse & non esse, nec conciliare ea quæ sibi invicem opponuntur, ad figuram confugere tenetur, juxta quam sensum convenientem verbis assignare potest. Ex hac regula verba sacramentalia figurata esse constat; Cùm enim ad literam sumpta contradictionem manifestam involvant, nimirum illud quod panis est, esse Corpus Christi, & illud quod est petra, esse Christum, quia intellectus noster nequit ex duabus istis ideis panis & Corporis, petrae & Christi unicam efformare, cogitur ad figuram recurrere, ut sensus commodus & rationalis habeatur.

XX. Secunda Regula est Augustini lib. 3. de Doct. Christ. c. 16. *Qualocutio flagitium vel facinus videtur præcipere, figurata est*, quam verbis sacramentalibus applicando, Christus dixit, inquit, *nisi manducaveritis Carnem*



*nem Filii hominis, & nisi biberitis ejus sanguinem, non habebitis vitam in vobis, videtur jubere flagitium, Est ergo figurata.* Cùm ergo in literali sensu aliquid occurrit, quod vel præceptis Dei adversum est, vel Majestati Dei & Christi injurium, necessariò ad figuram recurrendum, quia Verbum Dei nihil habere potest, quod non conveniat sanctitati ejus, & quod non deceat ejus majestatem & gloriam. Jam in hoc argumento, dicere panem esse literaliter Corpus Christi, & Petram Christum, idea parum conveniens & sanctitati & majestati Christi in mentibus nostris formatur; id enim dicitur esse Christus, quod est insensibile & inanimatum, & Corpus Christi, quod indiscriminatim tam à bonis quàm à malis comeditur, & innumeris accidentibus exponitur, quæ Filii Dei gloriâ penitus sunt indigna. Tertia, *Quando subjectum, de quo agitur, non modo potest figuram admittere, sed eam necessario postulat;* quia conceptus & verba sequi debent rerum naturam, & ad eam delinquantem usurpantur. Ita quum signo datur nomen rei quam significat, pignori nomen rei ad cujus confirmationem datur, & medio nomen rei, quam nobis communicat; nemo dubitat locutiones istas esse figuratas, quod non semel Augustinus observat Epist. 102. *Res qua significat, nomen accipit rei quam significat; sic Spiritus Sanctus vocatur columba, & petra Christus.* Jam notum, sacramentum Eucharistiæ non modò esse signum, quod repræsentat Corpus Christi, pignus externum & visibile, quod ejus possessionem invisibilem & spirituales confirmat, non modò medium, quod illum nobis communicat, & quò vis ejus in nobis exercitur; sed omnes istas *σχέσεις* signi, pignoris, & medii conjungere, in similitudine quam habet cum Corpore Christi, unde dubium esse non potest, quin Corpus Christi figuratè tantum propter rei significationem dicatur.

XXI. Quarta, *Quum videmus figuratam locutionem usurpari in subjectis similibus illi de quo questio est, certo colligere licet, figuratam in eo occurrere locutionem;* quia de simili simile judicium, nec dubitari potest, quin homines eodem modo loquendi utantur circa res easdem. Ita quum Circumcisio vocatur fœdus Dei, quia ejus erat signum, & Agnus Pascha seu transitus, quia erat ejus memoriale; quum audimus Judæos loquentes de pane, quem comdebant in Paschate, in cujus locum substituit S. Cœnam, *hic est panis miserie, quem Patres vestri manducaverunt in deserto.* An mirum videbitur Christum dixisse, panem esse Corpus suum, & Paulus Petram esse Christum? Sic Augustinus contra Adimantum c. 12. ad inveniendum verum sensum istius locutionis Moïsis, *Sanguis est anima,* recurrit ad exempla locutionum figuratarum, in quibus signa sumunt nomina rerum quas significant, & dat isti locutioni sensum metaphoricum, scilicet quòd sanguis sit signum animæ, quia Paulus dixit quòd *Petra est Christus,* quia illum significabat, *Et Christus*



non dubitavit dicere, hoc est Corpus meum, quum dabat signum Corpori sui.

XXII. Quinta est Chrysostomi, qui homil. in hæc verba *Pater si possibile est* &c. tradit non esse hærendum in terminis, sed respiciendum esse locum loquentis, causam & occasionem sermonis ejus, & querendum sensum latentem, quibus addimus conditionem & statum Auditorum ad quos fit sermo; Nam si ista omnia nos ad figuram ducunt, dubium non est quin figurata sit locutio. Jam si expendamus verba sacramentalia quoad istas circumstantias, deprehendemus scopum & intentionem loquentis, causam & occasionem sermonis, & dispositionem ac statum Auditorum figuram exigere: Christus enim non alium sibi scopum proponit, quam Sacramentum dare Ecclesiæ communionis suæ cum fidelibus, ad quod requiritur quidem præsentia quædam objecti, non tantum contemplationi, sed etiam conscientiæ expoliti, ut recipiatur, sed non præsentia corporalis quoad substantiam, quatenus caro & sanguis principia sunt salutis, pacis & vitæ, non in genere causæ physicæ, quæ agit per contactum & indistantiam loci, sed in genere causæ meritorie & moralis, quæ operatur non modo quum adest, sed etiam quum abest, imò quum nondum extat in rerum natura. Occasio etiam sermonis fuit institutio S. Cœnæ in locum Paschatis, ubi locutiones figuratæ occurrebant variæ. Denique status discipulorum talis erat, ut non possent aliter exponere verba Christi, ut alibi est à nobis ostensum in Institut. Elenct. P. III. Loc. XIX. Q. XXVI.

XXIII. Atque ex his satis superque patet sensus Enunciationis Paulinæ, & identitas ejus cum verbis sacramentalibus. Nunc paucis ratio significationis, & mysterii in ista Petra latentis est aperienda. Primò mirum videri non debet Christum in Petra adumbrari; nam etiam extra Sacramenti rationem Deus sæpissimè sub hoc symbolo designatur, non modò respectu sui, propter naturæ suæ æternam firmitatem & durationem, sed & ratione nostri, quia est arx & locus munitus adversus hostes Psal. 18. 3. & 31. 3. & invictum & immobile Ecclesiæ fundamentum, quod illi dat τὸ θεμελίον αὐτοῦ αὐτὸς αὐτοῦ Isa. 28. 16. Rom. 9. 33. 1. Pet. 2. 6. ita ut portæ inferorum non possint prævalere adversus Ecclesiam huic Petræ inædificatam Mat. 16. 18. Hinc Paulo Christus vocatur *fundamentum* 1. Corint. 3. 11. & Ps. 118. 22. *lapis angularis*, quod Bernardus explicat eximè Sermon. 61. in Cantu. *Quid non boni*, inquit, *in hac Petra? In Petra exaltatus, in Petra securus, in Petra firmiter sto, securus ab hoste, fortis à casu, Et revera ubi tanta firmitas, ubi tanta securitas, nisi in vulneribus Salvatoris? Tanto illic securior est habitatio, quanto ille potentior est ad salvandum, fremit mundus, perit corpus, Diabolus insidiatur, non cado, firmatus sum enim super firmam Petram.*

XXIV. Sed quia Paulus peculiariter seligit Petram istam, ex qua



qua aquæ fluxerunt, analogiæ ratio cum ea hîc unicè attendenda, quæ DISPUT.  
IX. multiplex esse potest. Nam ut Petra potissimum à Deo eligitur ad aquas populo suppeditandas, quæ non modo in se aquas non continet, sed cui nihil magis repugnat in speciem, quàm aquas dare, nam ex aliis quidem corporibus aquæ elici possunt, sed ex lapide vel petra nequaquam. Ita nihil absurdius videbatur carni, quàm ex Crucifixo salutem petere, id est ex morte vitam, ex miseria felicitatem, ex maledictione benedictionem. Unde Christus dicitur scandalum Judæis, stultitia Græcis, sed Vocatis sapientia & potentia Dei. 2. Rursus ut ex Petra aquæ fluxerunt. Ita Christus fit suis fons saliens in vitam æternam, qui ex se aquas gratiæ & salutis fundit copiosissime. Unde toties apud Prophetas sub symbolo aquarum beneficia salutaria Christi, & dona Spiritus Sancti adumbrantur If. 42. & 44.  
Ezech. 36.  
Zach. 13. 1.  
Joan. 7. 3. Isa. 42. & 44. Ezech. 36. Zach. 13. 1. Joann. 4. & 7. 3. Sed ut Petra non dedit aquam nisi percussa. Et ex illa percussa exilierunt aquæ affatim, quibus reficiebantur Israëlita. Ita ex Christi crucifixi latere manavit sanguis & aqua, quibus reficiuntur Credentes in deserto mundi, tendentes ad terram promissionis, id est cælum. Cum enim Deus nihil peccatori indulgere posset, nisi placatus satisfactione Filii, prius eum percuti oportuit & affligi, ut castigatio pacis nostræ super eum poneretur, & ex ejus vibicibus salutem consequeremur. 4. Sed ut Petra percussa fuit virgâ Moïsis. Ita Christus non modò percussus fuit à Judæis, quorum figuram gessit Moïses, sed præcipuè à virgâ Legis, cujus ille Minister fuit, id. maledictione & pœnis à Lege denunciatis If. 53. 4. 5.  
Gal. 3. 13. If. 53. 4. 5. Gal. 3. 13. 5. Petra percussa magnam copiam aquarum fudit, quæ abunde suffecit populo. Ita Christus qui fons est inexhaustus salutis, in quo plenitudo est omnis gratiæ, copiosissime aquas istas salutes id. dona Spiritus ex se fundit, quæ non uni vel alteri, sed toti Ecclesiæ abunde sufficiant Joan. 1. 16.  
1. Cor. 1. 30. & esse omnia in omnibus Col. 3. 11.  
1. Cor. 4. 14.  
1. Cor. 7. 37. Jo. 1. 16. & 4. 14. & 7. 37. Hinc dicitur factus nobis à Patre sapientia, justitia, &c. 1. Cor. 1. 30. & esse omnia in omnibus Col. 3. 11. 6. Ut nihil suavius potuit esse Israëlitis in deserto, & locis illis calidis, quàm fontes aquarum, quibus possent dulci salientis aquæ sitim restinguere rivo. Ita nihil salubrius, nihil gratius fidelibus in deserto mundi arido & æstuoso, quàm fontem aquæ salientis peres se habere, quò reficiantur in æstu suo.

XXV. 7. Ut Petra aquas fudit non ad momentum, quæ postea arescerent, sed perpetuò, quamdiu populus in deserto peregrinatus est, unde dicitur secuta populum, in rivis scilicet ex illa manantibus. Ita Christi sanguis, & dona gratiæ omnia tempora & loca permeant, nec unquam arescunt & deficiunt, sed perpetuò fideles comitantur in deserto hujus mundi ad eos sustentandos. Nec modò adest fidelibus suis per dona, quæ illis affatim suppeditat, sed ipse præsentia suâ eos dignatur, nec tam sequitur, quam comitatur & præit, ne quicquam ipsis desit in via, quæ



quæ ipsis emetienda est. Ut hic duo maxima fidelium privilegia designentur, *Perseverantia gratia*, & donorum Dei perpetuitas, & *Christi ipsius presentia*, juxta quam se pollicetur fore nobiscum usque ad consummationem seculorum Matt. 28. 28. Licet verò patiatur aliquando ad castigandam ingratitude, & exercendam suorum fidem, aquas istas salutes subtrahi utcunque ad tempus, ut in deserto; nunquam tamen absolutè illas ipsis denegat, sed vult ut precibus nostris eum veluti percutiendo fidei & poenitentiae studiò eas eliciamus.

XXVI. Caterum in hac collatione multiplex discrimen etiam observari potest. Petra Mosis fuit inanima & ὄλεος: Sed Christus est Petra viva, & vivifica ac rationalis. Illa in sinu suo aquas non habuit: Sed Christus est fons vitæ, ex cujus plenitudine haurimus omnes gratiam pro gratia Joann. 1. 17. Illa sitim corpoream sedare potuit ad tempus, sed non in perpetuum: Sed Christus ita nos potat aquâ salutari suâ, ut qui semel ex eo bibit, non sitiat amplius, sed fiat in eo fons saliens in vitam æternam Jo. 4. 14. Illa sequi non potuit Israëlitas; Sed Christus perpetuò illos comitatur, ut Author & Consummator fidei, qui eos redemptos ex Ægypto spirituali, & per mare rubrum sanguinis sui traductos, lampade Verbi in deserto mundi deducit, mannâ cœlesti nutrit, aquis salutaribus potat & reficit, donec ad Canaanem cœlestem perveniant, ubi qui est super thronum obumbrabit illos, non esurient, nec sitient amplius, nec Sol occidet unquam supra eos, quia Agnus, qui est in medio throni, pascet eos, & deducet, non ad rivos, sed ad vivos & perennes fontes aquarum, & absterget omnem lachrymam ab oculis ipsorum Apoc. 7. 16. 17. Γένοιτο.

F I N I S.




DISSER.



D E

## SERPENTE ÆNEO.

I.  T inter illustres Veteris Testamenti Typos, quibus mors Christi & ejusdem beneficia nobis adumbrata sunt, meritò reponitur Serpens æneus, cujus historiam Moses proponit Numer. 21. & mysterium nobis aperit Christus Jo. 3. Ita sedula ejus contemplatio non potest non maximi esse usûs, cum ad variorum mysteriorum Euangelicorum cognitionem, tum ad piorum omnium institutionem & solatium. Hæc ratio nos movit, ut Exercitationibus præcedentibus de tribus Miraculis, in gratiam populi Israëliti in deserto patris, *Baptismo scilicet Nubis & Maris, Manna, & Petra*, brevem hanc de *Serpente æneo*, in quo non minus Dei gratiæ & virtutis miraculum occurrit, Dissertationem adderemus, quam ad duo Capita revocabimus; In primo historiæ veritatem in typo, in altero ejusdem mysterium in antitypo, cum bono Deo, expensuri sumus. In utroque malum peccati & pœnæ erit attendendum cum remedio miraculoso à Deo exhibito.

II. Historia refertur à Mose Numer. 21. ubi recenset populum post *Num. 21.* suppeditatam aquam è petra in Kades, cum inde ad montem Hor proficisceretur, & non rectâ viâ, sed per tardiosas circuitiones terræ Idumæorum pergendum sibi videret in terram Canaan, atque ita diutius in deserto oberrandum, ex impatientia in duras & graves contra Deum & Mosem voces denuò erupisse. Undè irâ commotus Deus serpentes venenatos & noxios in eos immisit, quorum moribus lethiferis magnâ populi multitudo concidit. Verùm cum peccatum suum agnoscerent & confiterentur Israëlita, atque apud Mosem deprecarentur, Deus ad Mo- sis preces motus, salutis remedium illis præbuit, dum jussit Mosem serpentem æneum conflare, & eundem publicè in eminenti loco erigere, additâ hac promissione; fore ut omnes morfi eum adspicientes, sanarentur; Quod eventus comprobavit, siquidem, Mose mandato divino obsequente, quotquot serpentem hunc æneum adspexerunt, sanati sunt.

Z

III.



DISPUT. III. Ubi primò occurrit consideratio peccati Israëlitarum, postmo-  
 X. dum verò pœnæ à Deo illis propterea infligitur. Peccatum consistit in  
 peccatum murmurē, quò in Deum & Mosē insurrexerunt, sive propter itineris  
 Israëlitar. incommoda & prolixitatem populo defatigato & fatiscēte, sive propter  
 aquæ & cibi penuriam manna fastidiente, & sitim ac famem sibi adnexas  
 prætexente, licet abunde Deus illi prospexisset quoad utrumque, *Loquutus  
 est populus contra Deum & Mosē, ad quid ascendere nos fecisti ex Ægy-  
 pto, ut moreremur in deserto; Non est enim panis neque aqua, & tædet  
 animam nostram super pane levi.* Num. 11. 5. Quod Apostolus exponit  
 Cor. 10. 9. per tentationem 1. Cor. 10. 9. *Ne tentemus Christum, sicut illi tentârunt &  
 à serpentibus perierunt.* Tentâsse dicuntur Christum, quia Christus erat  
 Jehova dux populi in deserto, & in eo tentârunt, quod murmurando in  
 dubium vocabant ejus potentiam, quasi in deserto non posset eos alere, &  
 ejus fidelitatem, quasi non vellet promissis stare, fastidientes & naufran-  
 tes impia ingratitude eximium cibum & potum, quem Deus illis affatim  
 suppeditabat; Pœna proponitur in immissione serpentum ignitorum in-  
 numeros ex populo exitiali veneno suo & lethifero morfu occidentium.

Quid fue- IV. Ut verò de serpentibus istis in antecessum aliquid dicamus; Non  
 rit Serpen- opus est ut refellamus eorum figmentum, qui pertendunt Diabolum in  
 signiti. serpentem transformatum hanc stragem fecisse. Vel qui volunt fuisse  
 speciem morbi, qui exiguos angues in corporibus Israëlitarum produ-  
 cebat, gravissimas inflammationes in iis excitantes, cujus morbi genus  
 peculiare fuerit iis, qui circa mare rubrum degebant, nec ullis unquam  
 aliis obtigerit, ut Agatharcides narrat apud Plutarch. Sympol. lib. 8.  
 quæst. 9. Verba enim Textûs sacri vanitatem istius figmenti satis pro-  
 bant, nec patiuntur dubitare, quin veri serpentes fuerint, à Deo im-  
 missi ad pœnam populi. Duplici autem nomine à Mosē insigniuntur  
 נחשים & שרפים. Prius generale est nomen serpentum; posterius bifa-  
 riam exponitur; Quidam volunt esse adjectivum, quò designetur eo-  
 rum qualitas, ut ita vocentur vel à colore ignis, quem præ se ferebant,  
 vel potius ab effectu, quòd morfu vel flatu inducerent calorem inten-  
 sissimum & adurere viderentur à שרף quod est urere, quò respexit Onkelos  
 qui reddit נחשו serpentes urentes. Sic R. Salomon & R. D. Kimchi,  
 qui urunt hominem veneno dentium suorum vel halitu oris sui. Et in Zo-  
 har libri Num. fol. 88. *Quia contra Deum & Mosē murmurârunt ex  
 æquo; Ideo immisit in eos serpentes comburentes eos instar ignis, igne  
 ingrediente in os ipsorum, ut conciderent & morerentur.* Alii volunt  
 שרף peculiarem designare serpentum speciem, & priori voci generali  
 per appositionem addi; & sic innui quos Græci ποσειδάνας & ναϊονας  
 vocant, vocibus ad amussim Hebraicæ respondentibus, nam שרף verbum  
 idem



idem est, quod vel *ἐμπεῖσαι* vel *κατακλῦσαι*, de quibus Lucan. lib. 9. DISPUT. X.

*Oraque distendens avidus spumantia Prester.*

Quos idem esse vult Dioscorides cum *dipsadibus* à siti, quam veneno suo accendunt, sunt qui serpentes alatos designari putant, quos ex Lybia Cicero l. 1. de Natura Deorum & Josephus l. 2. Antiq. c. 5. ex Arabia verò in Ægyptum volare scribunt *Mela*, *Solinus*, *Ammianus*. Ideo l. 1. 30. 6. Ægyptus vocatur Terra, in qua est vipera *ἡ ἑρπύλη* & *Saraph volans*. Tales verò *hydry* habere speciem, observat Herodotus lib. 3. τὰ δὲ ὄφεις ἢ μορφῇ, οἵητις τῶν ὑδρῶν, *serpentis vero forma qualis hydrorum*: Hinc Celeberr. Bochartus non sine magna verisimilitudine conjicit per *ἡρ* designari *hydram*, vel *cherfydram*, qui virus habet acerrimum & nocentissimum, morfu suo adurens quicquid attingit, de quo Virgilius lib. 3. Georg.

*Postquam exhausta palus, terræque ardore dehiscunt,  
Exilit in siccum, & flammantia lumina torquens  
Savit agris, asperque sili, atque interritus æstu.*

Sed quocunque modo exponatur vox, certum est malignos & summè venenatos notari serpentes, qui moribus suis multos ex populo enecârunt.

V. Non opus est autem anxie quærere, An serpentes isti naturales fuerint, an miraculosi? An in deserto extiterint, an aliunde fuerint accersiti? licet enim constet ex Scriptura, desertum tales serpentes plures habuisse, unde Deut. 8. 15. dicitur locus serpentum & scorpionum; dubium tamen non est, quin aliquid miraculosum & extraordinarium agnoscendum sit in tantâ copiâ, quæ tam celeriter Israëlitas invasit, quod non obscure innuit Scriptor sacer, dum ait *misisse Dominum in populum serpentes ignitos*, insinuans, hos serpentes vi quadam *θελητῶ* excitatos fuisse, vel aliunde accersitos, ad pœnas de populo contumaci sumendas. Quo modo in Ægypto ranæ ex naturali loco suo, ex fluviis, rivis & paludibus excedentes totam terram cooperuerunt, ita ut etiam superiora ædium tabulata conscenderent. Quò pertinet quod Sapi. 16. 5. de serpentibus à Deo immissis dicitur, *quando illis supervenit*, scilicet velut ex improvviso, *sevus bestiarum furor*, & *morsibus tortuosorum anguium sunt absumpti*. Scio Hebræos censere, naturales fuisse istos serpentes, & miraculum in eo tantum positum esse, quod cum serpentibus & scorpionibus desertum illud scateret, illi tamen hætenus eis nocere non potuissent, Deo eos cohibente vel occidente, adeo ut totis 40. annis, quibus Israëlitas errârunt in deserto, ne unus quidem ab illis læsus fuerit; Et in eam rem referunt Rabbionum Traditionem, in *Bemidbar Rabba* sect. 1. septem nubes cinxisse Israëlitas in deserto, unam supernè, alteram infernè, quatuor ad quatuor plagas Mundi, unam denique, quæ eos præcedebat percutientem



ipsis serpentes & scorpiones, æquantem montes & valles, comburentem spinas & sentes, & ascendere facientem fumum, quem cum videbant Reges Orientis & Occidentis, dicebant, quis est iste qui ascendit è deserto Cantic. 3. 6. Et hanc nubem peculiariter ad hoc miraculum fuisse destinatam. Sed cum protulissent & effutiissent injuriola verba, in rem quæ maximo illis erat & ornamento & emolumento, Deum emisisse in illos serpentes istos adurentes, qui in deserto erant. Sed ut hæc finguntur ἀτερ γραφῆς, ea proposuisse est refutasse.

V. Si jam quæritur, cur Deus hanc pœnam in ipsos immiserit? Respondetur recte fuisse hoc pacto castigatam eorum ingratitude, ut sentirent, quantæ stultitiæ fuisset contra Deum insurgere, cum impares essent serpentibus. Unde ad eos humiliandos optima fuit ratio contemtim serpentes opponere ad conflictum, qui eos suæ infirmitatis convincerent. Secundò mirabilis etiam occurrit Dei dispensatio, pœnam peccato respondentem inducendo, ut serpentibus punirentur, qui serpentum virulentiam imitati erant. Murmuratores enim & detractores dicuntur *acuere linguam suam sicut serpentes, & mordere, & venenum assidum sub labiis habere* Ps. 140. 4. & Eccl. 10. 11. maledicus seu blasphemus à Salomone confertur cum serpente, qui mordet non incantatus. Unde colligitur morfu serpentum justè punitam fuisse in populo Israëlítico mordacis linguæ procacitatem: Sic sanguinem sanguine punit Gen. 9. gladium gladio, vastationem vastatione, adulterium adulterio 2. Sam. 12. 11. Isa. 33. 1. Sitim siti, projectionem infantium in fluvium dejectione in mare Exod. 14. ut per quæ quis peccat, per eadem puniatur, ut in pœna imago peccati, & justitia supplicii facilius agnoscatur.

VI. Sed quia Deus in pœnarum inflictione non quærit hominum πᾶσι δεινὰ, sed vult ut hisce flagellis domiti & correcti sapere incipiant, & in gyrum obsequii divini cogantur: Ideo statim atque Israëlitas sui peccati pœnituit, Deus etiam remedium sanandis eorum vulneribus dedit, ut se misericordem & elementem erga populum ingratum & σκληροτράχηλον exhiberet. Et ut antea in baptismo nubis & maris symbolum *vivificationis* & cujusdam veluti resurrectionis dederat; In manna verò & Petra pignus *conservationis* & *nutritionis*: Ita in serpente æneo signum *sanationis* dare voluit, quo scil. testatum faceret, in se reperiri quæcunque necessaria erant ad populi commodum & εὐζωίαν, ad vitam obtinendam, conservandam, & sanandam.

VII. Remedium autem à Deo præscriptum fuit serpentis ænei confectio, & in perticam erectio, ut ab omnibus posset conspici. Nihil minus consentaneum primo intuitu, & à ratione alienius, quàm serpentem æneum fabricari, cujus aspectus lethale venenum extingueret. Sed hæc quæ videtur absurditas, longè ad illustrandam Dei gratiam fuit aptior, quàm  
 si quid



si quid naturale fuisset in remedio. Poterat quidem Deus uno verbo serpentes illos fugare & conficere; sed si protinus sublatis fuissent, facile putassent fortuitum fuisse incursum, & malum illud naturaliter evanuisse. Potuissent alia etiam remedia convenientiora parare huic morbo curando; sed si in ope ferenda quicquam fuisset aptis & concinnis remediis affine; oblecta fuisset hoc modo Dei virtus & bonitas. Ut ergo sentirent se solâ Dei gratiâ à morte cripi, modus sanationis electus est tam à natura rei & ab humana ratione alienus, ut esset prope similis ludibrio: Atque ita voluit etiam obedientiam populi probare, modum salutis quærendæ præscribendo, qui captivos teneret omnes sensus; quid enim serpentis aspectus potuit conferre ad sanationem morsus serpentis? Sed hæc est propria fidei virtus, libenter stultescere, ut ex uno Dei ore sapere discamus; Sic videmus sapius Deum in operibus suis iis usum fuisse mediis, quæ vel infirma vel plane inepta videntur ad opus quod intendit producendum: Sic Tubis muros Jerichuntinos diruit, sic vasis testaceis & lampadibus Madianitas fudit, sic luto imposito cæcis visum restituit. Nimirum ut uni Deo, non nobis, in solidum gloriam acceptam feramus; nec homines suâ industriâ id consecuti videantur, sed solâ Dei virtute, quæ eò major agnoscitur, quò minora sunt & viliora quæ adhibentur remedia.

VIII. Nec sine ratione Hebræi notant hic miraculum in miraculo, Deumque per contraria curare, quomodo lignum amarum reddit aquam dulcem Exod. 15. 25. Sal qui sterilitatem inducit, fecundat terram sterilem 1. Reg. 2. 21. Æs naturaliter nocet à serpente morsus; imò eos enecat, si æs candens aspiciant, ut asserunt Medici. Miraculum ergo erat, quòd venenum idem qui inspiraverat curaret, ut eò clarius constaret, Deum solum esse qui sanaret, quod Abarbanel notat: *Nullum est dubium, inquit, quin ad orationem Moysi e medio sublatis fuerint serpentes, remanserunt autem in populo agri multi qui morfi fuerant. Ad hos igitur sanandos dixit Deus Moysi, fac tibi præstetrem, & pone illum in lignum, ut omnis qui morsus est aspiciat & vivat. Constat autem ut Nachmanides scripsit, hoc potius debuisse augere morbos, quia morsus à venenatis bestiis non debent aspicere imaginem ejus, à qua morfi sunt. Hoc vero ideo factum est, ut agnoscerent & scirent, & morbos & medicinam ipsorum fieri miraculosè, non naturaliter, hinc per aspectum illius rei, quæ nocuit, acceperunt medicinam. Sic Chaskuni, In specie præcipit facere serpentem, non aliam bestiam, ad non facienda miranda Dei opera, quod scilicet eadem novacula, qua vulnus infligit, illud quoque sanet.*

IX. Quæri verò rursus non abs re poterit, Cur Moses Serpentem æneum fecerit, cùm materia à Deo non fuerit expressa, nec ei significata. Deus dixerat simpliciter ad Moysen: *עשרה לך שרף* fac tibi serpentem urentem v. 8. & de Mose dicitur v. 9. *ויעש משה נחש* v. 9. *נחשו*



נחמני, & fecit Moses serpentem aneum. Respondent Hebræi diversimodè. R. Salomo rationem ducit à notatione Nominis: Non dictum ipsi fuit, inquit, ut ex ære faceret, sed Moses cogitavit & dixit, Deus vocat eum נחמני, eum ergo faciam ex נחמני ex ære, ob vocum affinitatem & convenientiam Nachmanides putat Mosem id ideo fecisse, ut hac ratione serpens iste artificialis colorem haberet serpentis naturalis, & tanto melius eum referret, non vidisse quæ ratione aliter posset implere præceptum Dei de נחש, quàm faciendo serpentem aneum, nam hic refert similitudinem serpentis urentis vel igniti; cum serpentes igniti sint rubicundi instar æris vel cupri. Alii non minori ratione hoc factum volunt propter fulgorem æris politi, ut radios huc illuc diffundendo, commodiùs posset aspici tam à proximis quàm à remotis. Utcunque sit, certum esse debet, Mosem, qui fuit Propheta Dei, & per consequens θεόπνευστος, hic non proprio arbitratu quicquam egisse, sed ex Dei mandato live explicito & externo, live implicito & interno. Porro quia quæri potest, unde tantam æris copiam, quæ requirebatur ad serpentis istius confectionem, qui ingens esse debuit ad faciliorem tot myriadam Israëlitarum aspectum, habere potuerit Moles? responderi potest, non aliunde fuisse advehendam, sed ex loco, in quo castrametati erant tunc temporis, petitam fuisse, nimirum ex Phevone seu Phuvone, qui locus erat Idumææ, æris fodinis valde insignis, ut observant Veteres loquentes de variis Martyribus, ad metalla Phevon cæsis, ut Euseb. li. 8. histor. c. 12. & Athanasius in epist. ad Solitarios narrat, Eutychium ad metallum fuisse missum, nec solum ad metallum, sed ad metallum Phevon. Et clarius Hieronymus in Locis Fevon, inquit, castra filiorum Israël in deserto, fuit autem quondam civitas Principum Edom, nunc viculus in deserto, ubi æris metalla damnatorum suppliciis effodiuntur &c. In eo autem loco fuisse Israëlitas constat, licet enim Moles præcisè non dicat, in quo loco erectus fuerit iste serpens, tamen colligitur non obscurè ex eo, quod dicit Israëlitas inde profectos castra posuisse in Oboth Num. 21. 10. jam ex Num. 33. 43. constat quod ex Phuvone profecti castra posuerunt in Oboth.

X. Post serpentis confectionem sequitur ejus Erectio, quam Deus præcipit Mosi, ut ad ejus aspectum sanarentur morfi à serpentibus: Factibi serpentem urentem, & נחש לך עץ Et pone eum super lignum, vel in lignum, Et erit quicumque morsus fuerit, & aspexerit illum, tunc vivet. Vox נחש diversimodè redditur ab Interpretibus. Quidam volunt signum hic designari, & reddi in signum, ut sit vice signi, ut לך ponatur pro לך, sic Syrus, Aben Ezra, Hieronymus, qui exponunt נחש in signum. Sed minus commodè, quia non tam designatur finis erectionis, quàm modus vel subiectum, in quo elevari debuit, ut præpositio לך clarè evincit. Quamvis enim illa serpentis ænei effigies revera fuerit signum ac typus Messie crucifigendi,



gendi, ut ex Euangelio colligitur; id tamen non tam ex istis verbis, DISPUT.  
quàm ex tota rei narratione colligitur. Nec verba aliud docent, quàm quòd X.  
effigies illa à Mose in sublimi poni debuerit, ut toti populo conspicua esset,  
super excelsa aliqua trabe collocata: Unde Cajetanus recte versionem il-  
lam Hieronymi, pro signo, reprehendit, *Juxta Hebraum, pone eum*  
*super pernicam, nihil dicitur de signo, sed locandus super stipitem ligneum*  
*decernitur, non ergo serpens & lignum idem, sed super lignum serpens.*  
Longe commodius alii òs exponunt vel de *Veste*, seu *stipite excelsa*,  
*perticâ oblongâ*, ut *Lyranus, Pagninus, Cajetanus, Tremellius, Dru-*  
*sius, Piscator* ad mentem R. Salomonis, qui òs interpretatur Gallicâ  
voce *Perche*, quæ à Latina voce *pertica* deducitur, vel pro *palo*  
seu *malo navis & antenna*. Hæc enim, licet aliquantum diversa, ad  
idem tamen referuntur, ut innuatur lignum aliquod præaltum & in-  
gens, cui affigeretur serpens æneus, ut ab omnibus undequaque con-  
spici posset; Tum ut erecto hoc serpente de peccato suo admoniti, in  
posterum à simili lapsu sibi caverent, ut R. Levi ben Gerson notat,  
*Existimo Deum voluisse, ut extet hujus rei signum & monumentum, quod*  
*memorialis loco ipsis esset, quò in posterum sibi a calumnia & obreptione*  
*caverent.* Tum ut per aspectum ejus sanarentur à moribus serpentum.  
Abarbanel censet vocabulum æquivocum esse hîc adhibitum, quod non  
tantum signum seu vexillum significat, sed & *miraculum & prodigium*,  
*quod miraculosum esset eadem re, qua percussis, etiam sanare.*

XI. Sed ut incassum remedium pararetur, nisi ejusdem fieret appli-  
catio, frustra erectus fuisset serpens æneus, nisi ad eum oculos conver-  
tissent Israëlitzæ, qui erat finis istius erectionis, ut expressè notatur à  
Domino, *Et erit quicumque morsus fuerit, & eum aspexerit, tunc vi-*  
*vet*, id est sanitatem recipiet & liberabitur à morte, quæ illi aliàs impende-  
bat. Voluit scilicet Israëlitas intueri hunc Serpentem, tum respectu ipso-  
rum Israëlitarum, ut à moribus venenatis serpentum sanarentur, tum sui  
respectu, ut miraculum esset tantò majus, si serpens vivus momorderit, &  
serpens mortuus sanaverit, & quidem solo aspectu. Inruitus autem iste  
non intelligendus est tantum corporeus & externus, sed etiam spiritualis &  
internus de aspectu fidei, & cordis ad Deum elevatione, quod Hebræi  
notant, unde Jonathan Paraphrastes Chaldæus ita transfert, *fac tibi ser-*  
*pentem aneum, & pone eum in locum elevatum, & fiet ut si quem mo-*  
*morderit serpens, & intuitus fuerit eum, ut convalescat, siquidem dire-*  
*xerit cor suum ad Verbum Domini.* Targum Hieroso. *Et fiet ut si quis mor-*  
*sus fuerit à serpente, & faciem suam elevaverit ad Patrem suum in cælis in*  
*oratione, atque serpentem aneum aspexerit, sanetur.* R. Salomo observat  
verbum *והנה* adhibitum *ψ. 10.* significare, *afficere cum intentione cordis*  
*scilicet*



*scilicet ad Deum. Hinc Arabs, Qui convertetur ad eum pœnitens superstes erit. Liber Sapient. c. 16. v. 5. 6. 7. de hoc ita loquitur: Cum eos sava be-  
stiarum ira invasisset, ac moribus noxiorum serpentum interirent, ad extre-  
mum non permansit irata, sed admonitionis gratiâ paulisper fuerunt pertur-  
bati, signum salutis habentes, quod memores mandati Legis tuæ eos redde-  
ret: neque enim qui respexerat propter rem visam, sed propter te omnium  
Servatorem servabatur.*

XII. Ex quibus colligitur, nec serpentem ipsum quicquam virtutis ha-  
buisse ad istam sanationem procurandam, nec aspectum ejus ad eam per se  
aliquid contulisse; quid enim vel serpens æneus vel ejus intuitus ad veneni  
lethiferi curationem juvare potuit? Procul enim hic esse volumus figmen-  
tum eorum, qui commenti sunt, esse aliquam imaginem Astrologicam fa-  
ctam juxta certas constellationes & siderum aspectus seu posituras, quæ vir-  
tutem habuerit abigendi serpentes, & eorum morsus curandi, quales sunt  
figuræ, quas Arabes *Talisman* vocant, ut alii impiè finxerunt, non atten-  
dentes vanitatem istarum observationum, & interdictum toties à Deo da-  
tum de iis faciendis. Ita nihil aliud esse potuit, quàm mera causa moralis,  
ad cujus præsentiam Deus operabatur, seu signum externum & sensibile  
gratiæ, quam Deus exercere volebat ad istud opus, quomodo in miraculis  
homines, vel media quibus uti volebat, nihil quoad se conferebant ad opus  
extraordinarium quod producebatur; Sed Deus talia instrumenta adhibebat  
in signum gratiæ & virtutis suæ, quæ ad eorum præsentiam operabatur. Ne-  
cessarius erat ergo intuitus serpentis merâ necessitate præcepti, quia Deus  
hanc conditionem ab iis exigebat qui sanari volebant, quâ sublatâ nulla mor-  
sis spes esse poterat salutis. Cæterùm si quæramus: Quomodo serpens iste  
æneus potuerit conspici à tanto populo, qui ob sui multitudinem maximum  
spacium occupare debuit? Responderi potest; ita in altum elevatum fuisse  
serpentem in medio castrorum, ut à populo non ægre conspici posset; Et  
si qui non possent illum intueri propter nimiam distantiam, poterant pro-  
pius accedere, vel ab aliis deferri, ut eum intuerentur.

XIII. Hinc verò non obscure evincitur, sine ratione Pontificios ex  
isto serpente argumentum petere pro cultu Imaginum. Nam certum est,  
non conflatum fuisse ut adoraretur, sed tantum ut conspiceretur; non  
in objectum cultûs, sed tantum contemplationis, nam progressu tempo-  
ris, cùm Israëlita suffitum illi adolerent, Ezechias jussit eum commi-  
nui, ut habetur 2. Reg. 18. 4. ne in posterum eò ad idololatriam abuteren-  
tur Israëlita, *Ipsè removit excelsa, & confregit statuas, & excidit lucos,  
& contrivit serpentem aneum quem fecerat Moses, quia ad illos usque dies  
Israëlita suffiebant ei, & vocavit eum Nechustan per contemptum, ut nota-  
retur nihil esse nisi æs, quod nihil virium, nihil opis, & nihil divinitatis  
haberet*



haberet, ac proinde neque divinis honoribus esset afficiendum. Nec hoc DISPUT.  
 dissimulare potuerunt Lorinus & Vasquez, qui fatentur, serpentem istum X.  
 non fuisse propositum ad adorationem, sed tantum ad contemplationem,  
 nec unquam tempore Moſis fuisse adoratum.

XIV. Atque hæc de Typo dicta sunt. Nunc ad τυπωθῆν seu myste- Mysterium  
 rium sub hac figura contentum veniendum est. Licet enim facile conceda- serpentis  
 mus, miraculum hoc Israëlitas respexisse, Deumque in eo varia documen- anei expli-  
 ta dedisse, quæ vel ad peccati gravitatem ostendendam, vel ad Justitiæ catur.  
 divinæ severitatem agnoscendam, vel ad misericordiæ & gratiæ magnitu-  
 dinem celebrandam faciunt; dubium tamen non est, quin peculiarem ha-  
 buerit *σχέσις* ad mysterium aliquod Evangelicum, quod nos in hac figura  
 docere voluit. Et si Christus ipse hoc nobis non revelaret, ut facit clarissimè  
 Joan. 3. 14. 15. *Sicut Moſes, inquit, elevavit Serpentem in deserto: Ita oportet* Jo. 3. 14. 15  
*Filium hominis elevari, ut quisquis credit in eum, non pereat, sed habeat vitam*  
*æternam*: Satis tamen rei ipsius natura hoc evinceret. Cur enim Deus mi-  
 rum hoc & extraordinarium remedii genus adhibere voluisset, si nullum al-  
 lium finem sibi proposuisset, quàm sanationem vulneratorum? An verisimi-  
 le, sapientiam ejus incomprehensibilem rem adeò absurdam & à ratione alie-  
 nam adhibere voluisse, si nihil aliud intendit, quàm prospicere medelæ Israë-  
 litarum, nec ulterius aliquid sublimius respexisset? Idem ergo hic observare  
 licet, quod in aliis cæremoniis Legalibus non paucis occurrit, ut earum  
 rationem vix reddere possimus, si in historia ipsa & typo manemus, nec  
 ad veritatem & antitypum ascendimus, v. g. cur Deus voluit postes Israëli-  
 tarum aspergi sanguine, ut ab Angelo internoscerentur ab Ægyptiis, quasi  
 Angelus sine hoc signo non potuisset satis discernere domos utrorumque.  
 Sed ita magnum Redemptionis mysterium retegitur clarissimè, ut constet  
 sanguine Agni Dei corda nostra esse aspergenda, ut à pœna *ὁλοθρευτῆ* &  
 justitiæ divinæ manu liberari possimus. Ita cur serpens erigitur ad remedium  
 plagæ Israëlitarum? Cure ejus intuitus sanat? Hoc non sine ratione mira-  
 bili factum procul dubio à Domino, sed quænam illa sit, quicquid Judæi  
 adferant, nunquam assequuntur, nisi Christum intueamur, qui ut consilii  
 divini & V. T. Interpres clavem istius mysterii nobis suppeditat, & finem,  
 quem hic potissimum Deus respexit, nobis in hoc facto aperit: Ut hic non  
 respicere debeamus serpentem ut simplicem similitudinem, sed ut typum  
 expressum; & ex intentione Spiritûs S. propositum ad hæc tria significan-  
 da. 1. ad adumbrationem peccati & miseriæ per peccatum invecitæ. 2. de-  
 scriptionem redemptionis, quæ per Christum nobis est allata. 3. modum  
 & instrumentum, quò ista redemptio nobis applicatur; quæ tria in hoc Typo  
 continentur; nam ut vulnera & morsus serpentini exitiale virus Diaboli, quò  
 fauciamur lethaliter, notant: Ita serpens æneus Christum Redemptorem,



& intuitus ejus fidem ad Christum respicientem mirificè nobis exhibet, ut paulò distinctius jam videbimus.

XV. Quoad primum, Quis non videt hîc in murmure Israëlitarum & plagâ serpentum statum hominum in peccatum, & per peccatum in mortem prolapsorum, graphicè depictum? Quis nescit Diabolum serpentem esse antiquum, qui morsu suo lethifero primos parentes ita vulneravit, ut in totum genus humanum mortem accersiverit, & virus suum exitiale in totum hominem, & in cor præcipuè ut vitæ arcem & fontem effuderit? ut hîc habeamus simul & peccati & poenæ imaginem: *Peccati* quidem, quia ut serpentis tenuissimus est morsus, sed præsentissimum venenum, quod cor ipsum rectà petit, quod urit & inflamat animos igne exitiali cupiditatum carnalium, quæ sunt totidem *ignita Satanae tela* Ephes. 6. 16. quod ardentissimam & inexplebilem morsu suo excitat sitim, & innumera causatur mala: *Pœna* verò, quia peccati venenum tam est dirum & lethiferum, ut certissimam homini mortem adferat, nisi aliunde illi remedium adveniat. Uno verbo, non alia imago aptior serpente, ad describendas fraudes, fallacias & artes vaferrimas, quibus ad modum serpentis repentis & tortuosi, obliquis ambagibus & anfractibus sinuosis sibilo suo pestifero sese immittentis grassatur Princeps tenebrarum Diabolus, qui habet imperium mortis, ad tyrannidem suam in cordibus hominum stabiliendam; ut instar Leonis rugientis adiuvit & furit immani crudelitate adversùs Semen mulieris.

XVI. II. *Remedium* à Deo nobis paratum & propositum ad salutem nostram hîc aptissimè notatur. Ut nemo potuit sanare plagam Israëlitarum nisi solus Deus: Ita nemo plagam exitialem peccati & mortis curare potuit, nisi misericors Dei gratia, qui in thesauro Sapientiæ suæ *πολυποικίλως* de medio salutari nobis prospexit, Filium suum in Mundum mittendo, qui pro nobis in Cruce sese offerret Deo, quem per serpentem æneum in variis graphicè adumbrare voluit, quia ut venenum à serpente infusum est, & remedium à serpente allatum, serpens serpenti opponitur, salutaris noxio, medicinalis lethifero: Ita homo est qui nos perdidit, homo est qui nos salvat, per unum hominem mors, per unum hominem resurrectio 1. Cor. 15. & ut per unius hominis inobedientiam multi constituti sunt peccatores, sic per unius obedientiam multi constituuntur justi Rom. 5. 18. per id voluit hominem servari, per quod perierat, mors quæ omnibus erat exitialis, jam fit salvifica & redemptionis instrumentum; per mortem destruitur ille, qui habebat imperium mortis, ut liberaret eos, qui per totam vitam addicti erant servituti propter metum mortis Heb. 2. 14. Atque ita impletur Samsonis ænigma, *ex forti dulcedo, ex devorante cibus*, à morte ipsa remedium mortis petitur, scorpius alliditur vulneri quod ipse fecit, & sanat, & ex



vipera saluberrima fit theriaca, quâ morsus ejus sanatur. 2. Serpens figuram quidem habuit serpentis igniti, ideo vocatur  $\eta\psi$  sed non naturam, nec venenum: Ita Christus factus quidem est in similitudine carnis peccati, sed carnem tamen peccati non habuit Rom. 8. 3. quia similis nobis factus est in omnibus, sed excepto peccato, Heb. 4. 15. hoc tamen cum discrimine, quod serpens externam tantum formam habuit, At Christus internam, quia verus fuit homo non secus ac nos. 3. Serpens non ex auro vel argento confectus est, sed ex ære viliori metallo, verum solido & perenni: Ita Christus fuit sine decore & sine forma Is. 53. 2. sed firmus tamen est & inconcussus, rupes & petra immota salutis. 4. Inter omnia metalla æs est maxime sonorum, unde Paulus 1. Cor. 13. 1.  $\gamma\acute{\epsilon}\gamma\omicron\upsilon\alpha\ \chi\alpha\lambda\kappa\acute{o}\varsigma\ \eta\chi\omega\iota$  sum as tinniens; Ita per æs rectè notatur Christus crucifixus, & prædicatio Crucis, per quam sonus Christi percussus fuit per totam terram Rom. 10. 18. 5. Serpens non humano opere formatus fuit, sed igne conflatus: Sic Christus non operâ viri genitus, sed virtute Spiritus conceptus est, & in igne charitatis veluti excoctus in Cruce, ut fieret remedium nobis salutare. 6. Ut unus serpens datus erat Israëlitis, ut ad eum omnes respicerent: Ita unus Christus datur omnibus, in eo uno & non in alio quoquam salus.

XVII. 2. *Ut Moses extulit serpentem in deserto. Ita oportuit Filium hominis exaltari.* Frustra Moses serpentem istum parâsset, nisi in palum vel perticam postea erexisset, ut posset ab omnibus conspici. Sic non sufficiebat Filium hominis natum fuisse, & formam servi accepisse, nisi de infami ligno crucis suspenderetur, &  $\kappa\alpha\tau\acute{\alpha}\nu\alpha$  seu maledictio fieret, hæc tantum ratione salutaris & vivificus nobis factus est. Oportuit ergo Filium hominis extolli, non modò ad impletionem figurarum & Oraculorum veterum, sed præcipuè propter salutis nostræ necessitatem, quia aliàs remedium peccato nostro non potuit reperiri, ut nulla spes sanationis Israëlitis, nili in serpentis ænei erecti aspectu. Hanc autem  $\psi\acute{\alpha}\lambda\lambda\omicron\varsigma$  seu exaltationem Christi ad crucifixionem & mortem ejus esse referendam colligitur ex Joan. 12. 32. ubi Christus ait: *Cum exaltatus fuero e Terra, traham omnes ad me*, significans, ut addit Joannes, *quali morte moriturus esset*, nim. crucis, in quam extolli debuit, ex linguæ Syræ usu, in qua verbum  $\eta\psi$  quod propriè est *attollere*, sumitur sæpe in crucifigendi notione, Matt. 20. 19. Et attollent eum, id. crucifigent, ut in Græco habetur  $\tau\alpha\upsilon\psi\omega\tau\alpha\iota$ ; Et 26. 2. Filius hominis traditur ut attollatur id. crucifigatur,  $\epsilon\iota\varsigma\ \tau\omicron\ \sigma\alpha\upsilon\psi\omega\theta\eta\eta\alpha\iota$ . Chaldæis familiaris est illa acceptio, Est. 7. 10. *Suspulerunt Hamanem super lignum*, id.  $\text{ܠܗܝܬܝܢ}$  *suspenderunt*, ut est in Hebræo. Holocausta  $\text{ܠܗܝܬܝܢ}$  seu  $\psi\acute{\alpha}\lambda\lambda\omicron\varsigma$  dicebantur, quia sursum attollebantur, & significabant fore ut Christus pro peccatis se offerens exaltaretur in Cruce: Quæ rectè perticæ, in quam erectus est, assimilatur, maximè si in formam crucis efformata fuit, ut fieri debuit



debit si serpenti alati imaginem habuit.

XVIII. Licet verò ista erectio serpentis mortem Christi in cruce adumbrarit, ulterius tamen respexisse dubium esse non potest, si attendimus, Ideo erectum fuisse ut conspiceretur, non potuit autem conspici, nisi præter erectionem in cruce alio etiam modo fuisset exaltatus. Tres autem exaltationes Christi possunt distingui, quas hîc congerendas censemus: Prima est *pœnalis* in Cruce, secunda *Triumphalis* in Cœlo, tertia *Mystica* in Verbo. Per primam erectus est in crucem ad satisfaciendum justitiæ Dei, & expiationem peccatorum per meritum sanguinis: Per secundam erectus est in cœlum, ad conservandam intercessionem suâ salutem, quam morte suâ nobis acquisivit: Per tertiam exaltatur in Ecclesia per prædicationem Evangelii, ad applicandam salutem Electis, & eos ad Christum convertendos. De prima loquitur Christus loco citato Joan. 12. 32. *Cum sublatius fuero è terra, traham omnia ad me*, nimir. *evadix* sacrificii & mortis suæ, & Joan. 8. 28. *quando exaltaveritis Filium hominis, tunc cognoscetis quod ego sum*, id. postquam me in crucem egeritis. De altera, per quam Victor peccati, Diaboli & mortis, non modò ex mortuis resurrexit, sed & in cœlum ascendit, loquitur Paulus Phil. 2. 9. *Quem, inquit, Pater* *ὑπερύψωκε* id. summè exaltavit, dando illi nomen super omne nomen &c. Tertia, quæ pertinet ad prædicationem Evangelii, insinuatur Isai. 11. 10. *His diebus, inquit, gentes requirent radicem Isai, quæ erecta erit in vexillum*. Christus enim in Evangelio tanquam in vexillo erigitur, ut intuitu fidei ad illum nos convertamus, atque huc facit, quòd pertica seu malus, in quam serpens erectus erat, vocatur *ὄ* quod vexillum significat. Porro ut serpens non in angulo aliquo positus fuit, sed in publico & medio populi, ut ab omnibus conspici posset: Ita Christus non in uno populo tantum, sed ubique gentium prædicatus est, & in signum salutis propositus, unde Gal. 3. 1. dicitur ipsis propositus, & quasi depictus inter ipsos crucifixus.

XIX. Tertiò *Contemplatio serpentis* fuit etiam *Mystica*. Nam ut à parte Mosis serpens debuit erigi; ita à parte Israëlitarum debuit conspici. Sic Christus non juvat nisi cognitus, nec mors nisi applicata fidei, & ab eo apprehensa. Apprehensio ista non aliter fit quàm per fidem, quæ est oculus animæ, quò Christum intuemur: *Hæc est voluntas Patris, inquit, Christus Joan. 6. 40. ut quicumque contemplatur Filium, & credit in eum, habeat vitam æternam*. Et Joan. 3. 14. *Oportet Filium exaltari; ut quisquis credit in ipsum, non pereat, sed habeat vitam æternam*. Ita Fides passim confertur oculo, quia præcipuus ejus actus positus est in cognitione, hæc est conditio, sub qua Christus offertur in Evangelio, quâ qui destituntur, non possunt frui Christo, nec statuere sibi à Deo destinatum esse; Quomodo serpens æneus illis tantum proderat ex Dei consilio, qui ad eum respi-



respiciabant. Si qui ergo in Israël cæcutiebant, aut oculos ultrò avertēbant, illis salutis nulla spes erat, ut nec hodie incredulis & rebellibus adversus Deum Job. 24. 13. & iis, quibus Deus seculi excæcavit mentes 2. Cor. 4. 4. 2. Ut Israëlita non ex alieno aspectu, sed tantum ex proprio sanabantur: Ita nos ex fide nostra, non ex aliena vivimus Habac. 2. 4. Rom. 1. 17. 3. Ut saluti potuit esse visus etiam imbecillus: Ita ex morte nos eripit fides adhuc infirma, modò sit vera & sincera. 4. Ut quisquis aspiciebat, cujuscunque ætatis, sexus & conditionis, sanabatur: Ita quisquis credit in Christum, sive mas sive fœmina, sive liber sive servus, sive dives sive pauper, sive doctus sive indoctus, indiscriminatim servatur in Christo, *in eo neque mas, nec fœmina, nec Scythæ, nec Barbarus, nec Græcus, nec Judæus*, sed Christus omnia in omnibus Col. 3. 11. Rursus inæqualitas mali non tollit æqualitatem remedii, sanabantur enim omnes, quomodocunque morfi fuerint: Ita quocunque morbo peccati detinearis, quocunque vulnere afflictus, modò credas, servaberis. 5. Ut semel morsus serpente viso sanatus, si rursus mordebatur, ad idem remedium confugiebat: Ita si post sanationem spiritualem denuò in peccatum labimur, eadem succurrit fides quæ prius, per quam ad Christum respiciendo invenimus salutem. Unde ut Israëlita tam præsentis auxilio freti anguium morsum & aculeum parum timebant: Ita fidelis, qui Christo nititur, Dæmonum insultus, & aculeos peccati spernit, cum fiducia inclamans: *O mors ubi tua victoria? ô sepulcrum ubi est stimulus tuus?* 1. Cor. 15. 52. nec tamen Israëlita hujus medicine fiduciâ tam securi fuerunt, ut serpentes ad morsum ultro provocarent: Sic cavendum, ne Christi gratiâ & auxilio freti, carnali præsumptione & confidentiâ temerariâ elati in tentationes sponte incidamus; sed contrâ sancto timore salutem operando, Diabolo constanter resistendum est, ut fugiat à nobis, Jac. 4. 7.

XX. Verum licet in istis multiplex sit convenientia inter figuram & veritatem, fatendum tamen est, non minorem esse discrepantiam, & istam illa longè præstantiorem fuisse. Serpens æneus, utut gratiæ Dei insigne symbolum, per se tamen nihil poterat, *non enim qui respiciebat per rem visam, sed per te Servatorem omnium salvabatur*, ut verè ait liber Sapi. c. 16. Sed Christus vera & propriè dicta est causa salutis & vitæ; unde dicitur Sol justitiæ ferens sanitatem in alis suis Mal. 4. 4. dicitur resurrectio & vita, qui habet vitam in se ipso ut quoscunque vult vivificat Joan. 5. 21. factus in Spiritum vivificum 1. Cor. 15. 45. 2. Serpens æneus solis Israëlitis debuit esse salutaris; sed fides in Christum omnibus ex quacunque gente, sexu, conditione & ætate, ut quisquis, sive Judæus, sive Græcus, in eum credit, non pereat, sed habeat vitam æternam. 3. Serpens morfos ita à morte liberabat, ut morti adhuc essent obnoxii; sed per Christum tam ab animi quàm à corporis morte liberamur in æternum. 4. Ser-



pentis virtus ad paucos tantum dies duravit, vel Deus ad ejus presentiam indulgit populo sanationem à vulneribus ad exiguum tempus; sed Christus idem semper hodie, heri & in secula Heb. 13. 8. vis ejus æterna & infinita, quæ nunquam deficit. 5. Serpens propositus fuit ad contemplationem, sed non ad adorationem, unde quum populus ei adolere cœpit, contritus est mandato Ezechix 2. Reg. 18. 4. sed *omnes honorare debent Filium, ut honorant Patrem* Jo. 5. 23. & *cum adorare jubentur omnes Angeli* Heb. 1. 6. nec alium in finem *Deum exaltavit, noménque illi dedit super omne nomen, nisi ut in nomine Jesu omne genu flectatur, & omnes fateantur esse Dominum, ad gloriam Patris*, Phil. 2. 18. Et si contritus fuit serpens æneus statim atque coli cœpit; contra conteri debent, qui Christum non adoraverint. *Conteres eos virgâ ferreâ, & sicut vas figuli confringes eos* Ps. 2. 9. sed beati qui osculantur Filium, osculo religioso, & in eo fiduciam ponunt.

XXI. Hoc est officium, quod præscribit Paulus 1. Cor. 10. 9. ubi agit de peccato Israëlitarum, Unde elicit usum practicum de non tentando Christo, sed potius de eo colendo & glorificando, ut Deo summo fidelissimo & potentissimo, *Ne tentemus Christum, sicut illi tentârunt*, scil. ipsum, & perierunt à serpentibus. Quod nobis suppeditat fortissimum pro Divinitate Christi contra Socinianos argumentum: non modò ex eo, quod Christus tantum fuisse dicitur sub Veteri Testamento, quod non potuisset de eo dici, nisi Deus esset, sed etiam quòd tentâsse dicuntur ipsum Israëlites, quod de Deo tantum dicitur. Nec audiendus Eniedinus, qui vult tentatum etiam fuisse Mosem ab Israëlitis, Num. 21. *Loquutus est populus contra Deum & Mosem*: aliud enim est loqui & murmurare contra aliquem, aliud ipsum tentare; illud potest fieri contra hominem, hoc verò tantum contra Deum, ita Moses ipse distinguit Exo. 17. 2. *Cur jurgamini mecum? cur tentatis Jehovam?* Non melioris est commatis quod addit secundò, non dici Israëlitas tentâsse Christum, sed tantum tentâsse absolute; vel si aliquid repetendum est, & transitive verbum ponatur, subaudiendum esse Θεὸν non Χριστόν, qui cum unctus sit tantum quoad humanitatem, nondum erat in rerum natura. Nam gratis supponitur verbum πειράζειτε poni absolute, cum semper transitive & active sumatur, & de aliquo dicitur. Nec tentandi actio sine abjecto & re tentata concipi potest. Non posse autem alium, quàm Christum subandiri, dispositio verborum docet, *Ne tentemus Christum, sicut illi tentârunt*, subandi ipsum: Nam si alium quempiam intellexisset, omnino exprimere eum debuit, ut ambiguitatem sermonis tolleret, quod cum non faciat, non ad alium quàm ad Christum respicit: Scio Socinum hîc concedendo subaudiendum esse pronomen αὐτόν, velle Mosem respici, qui Christus dicitur vel proprie, quia Israëlitarum Christus fuit, id est, Mediator & Dux,



vel *typicè*, quatenus tentatus fuit Moses, qui typus erat Christi, quod DISPUT;  
X.  
vult insinuari *ψ. 6.* quum ait Paulus ista nobis *typos* fuisse. Sed neutrum sine gravi absurditate dici potest. Non prius, quia nusquam dicitur in sacris literis Moses tentatus ab Israëlitis, nec nomine Christi insignitur. Deinde cum pronomen *αὐτὸν* non ad alium referri possit, quàm ad eum, quem nomen *χριστὸν* significat in priore membro; certum est non posse designari Christum, nisi sub ea notione quæ illi propria est & peculiaris, nec ad alium pertinere potest. Non posterius, quia si Christus sic tentatus diceretur hoc loco, diceretur non propriè, sed figuratè, quod nec convenit verbo tentandi, quod propriè dictam tentationem significat, nec pronomini ipsum, quod propriè diximus poni pro ipso Christo. Nec hoc evinci potest ex *ψ. 6.* quia *τύποι* non referuntur ad Christum vel ad Mo-  
sem, sed ad peccatum seu pœnam Israëlitarum, quia ista in exemplum illis contingebant ad nostram admonitionem, ut *ψ. 12.* exponitur. Porro licet Christus nondum fuisset unctus quoad humanitatem, non minus tamen Christus potuit vocari quoad Personam & Officium Mediatorium, quia unctio non notat tantum collationem donorum in humanitatem, sed & vocationem & destinationem ad munus, quod pertinet ad personam quæ jam sub Veteri Testamento eo munere fungebatur; quod potissimum in peregrinatione populi in deserto patuit; in qua adfuisse populo ut ejus ducem patet ex *Exod. 23. 20. 21.* Nec enim Angelus ille, qui mittendus *Exod. 23.  
20. 21.* dicitur à Domino ante populum, in quo nomen Dei debuit esse, id est, divina & æqualis cum Patre auctoritas, & cujus sollicitè vitanda fuit offensio, quia non parciturus erat ipsorum peccatis, alius est à Christo, qui sæpe per Angelum faciei & Angelum fœderis describitur *Mal. 3. 1.* Ex quibus colligitur, Christum revera tentatum fuisse ab Israëlitis & sic verum & æternum esse cum Patre Deum.

F I N I S.



INDEX





# I N D E X

## LOCORUM S. SCRIPTURÆ,

Quæ in Decade explicantur, vel  
vindican-  
t-ur,

*Prior Numerus Paginam, Posterior Paragraphum notat.*

### G E N E S I S.

Caput XVII. Vers. 10. 11. Pag. 172.  
§. 16.

### E X O D U S.

C. XII. 1. 172. §. 16.

C. XIII. 13. 147. §. 25.

v. 17. 18. 138. §. 14.

v. 21. 22. 132. §. 4.

C. XIV. 20. 133. §. 5.

C. XVI. 15. 151. 152. §. 7. 8.

C. XXIII. 20. 21. 191.

C. XXXII. 16. 4. §. 6.

v. 32. 9. §. 17. &

15. §. 26. & seqq.

v. 33. 18. §. 30.

### L E V I T I C U S.

C. XI. 14. 108. §. 24.

C. XIV. 6. § 1. 121. §. 20.

C. XXVI. 12. 77. §. 9.

### N U M E R I.

C. XI. 15. 16. §. 27.

C. XX. 12. 168. §. 8.

C. XXI. 5. 180. §. 3.

C. XXXIII. 8. 136. §. 10.

v. 43. 184. §. 9.

### D E U T E R O N O M I U M.

C. III. 26. 168. §. 8.

C. VIII. 3. 151. §. 6. &

153. §. 10.

v. 15. 181. §. 5.

C. XIII. 1. 2. 36. §. 10.

### J O S U E.

C. VII. 1. 168. §. 8.

### J U D I C U M.

C. I. 6. 138. §. 13.

### I. R E G U M.

C. VII. 21. 49. §. 30.

### II. R E G U M.

C. XI. 14. 49. 50. §. 30.

C. XXII.



# INDEX LOCORUM S. SCRIPTURÆ.

C. XXIII. 3.	50. §. 30	C. XI. 10.	188. §. 18
II. CHRONIC.		C. XII. 3.	123. §. 23
C. VI. 12.	50. §. 30	C. XXVIII. 13.	3. §. 5
NEHEMIAS.		C. XXX. 1.	138. §. 13
C. VII. 5.	8. §. 15	v. 6.	181. §. 4
v. 64.	29. §. 47	C. XXXIV. 4.	3. §. 5
C. IX. 11.	136. §. 10	C. XLIII. 16.	137. §. 12
PSALMI.		C. XLVI. 10.	10. §. 18
Pf. XVI. 8, 9.	25. §. 40	C. XLIX. 16.	8. §. 14
v. 10.	123. §. 23	C. LIII. 11.	163. §. 30
Pf. XIX. 3.	3. §. 5	C. LV. 4.	101. §. 16
Pf. XXII. 17.	123. §. 23	C. LVI. 5.	23. §. 37
Pf. XXXI. 32.	25. §. 39	C. LIX. 21.	35. §. 10
Pf. LI. 10. 14.	26. §. 40	C. LXV. 5.	6. §. 11
Pf. LVI. 9.	5. §. 10	JEREMIAS.	
Pf. LXIII. 2.	123. §. 23	C. XVII. 13.	13. §. 22
Pf. LXVIII. 7-9.	145. §. 23	C. XXXI. 33.	77. §. 9. & 124. §. 24
Pf. LXIX. 29.	9. §. 17. & 19. §. 32. 33	C. XXXII. 30.	11. §. 20
Pf. LXXVII. 11.	24. §. 39	EZECHIEL.	
Pf. LXXVIII. 14.	134. §. 7	C. XIII. 9.	8. §. 15. & 20. §. 32
v. 15.	166. §. 3. & 168. §. 7	DANIEL.	
v. 24.	154. §. 11	C. VII. 10.	6. §. 11
Pf. LXXXIV. 12.	146. §. 23	C. XII. 1.	6. §. 12
Pf. LXXXVII. 5, 6.	8. §. 15	HOSEAS.	
Pf. CV. 39.	134. §. 7	C. II. 19, 20.	11. §. 20
v. 41.	166. §. 3	v. 20.	28. §. 45
Pf. CVI. 32, 33.	168. §. 8	JOEL.	
v. 34.	169. §. 10	C. II. 18.	118. §. 14
Pf. CXIX. 105.	145. §. 23	ZACHARIAS.	
Pf. CXXI. 4.	146. §. 23	C. IX. 11.	123. §. 23
Pf. CXXX. 3.	81. §. 13	C. XII. 10.	27. §. 43
Pf. CXXXIX. 16.	5. §. 10	C. XIII. 1.	123. §. 23. & 177. §. 24
Pf. CXL. 4.	182. §. 5	MALACHIAS.	
CANTICUM.		C. II. 7.	47. §. 28
C. V. 8.	157. §. 18	C. III. 16.	6. §. 11
ISAIAS.		LIBER SAPIENTIÆ.	
C. IV. 5, 6.	140. §. 16	C. XI. 17.	138. §. 13
C. VIII. 20.	136. §. 10	C. XVI. 5.	



# INDEX LOCORUM S. SCRIPTURÆ.

C. XVI. 5.	181. §. 5	v. 59.	23. §. 36
v. 20.	150. §. 5	C. VII. 3.	177. §. 24
MATTHÆUS.		v. 37.	177. §. 24
C. I. 1.	8. §. 15	C. VIII. 10.	101. §. 15
C. V. 10.	76. §. 5	v. 37. 38.	103. §. 17
v. 48.	108. §. 24	v. 44.	101. §. 16
C. IX. 12.	21. §. 33	v. 56.	162. §. 18
C. XI. 3, 4.	103. §. 17	C. X. 30.	107. §. 22
C. XII. 39.	105. §. 18	C. XII. 40.	146. §. 23
C. XIII. 12.	21. §. 33	C. XIII. 17.	79. §. 11
C. XVIII. 34.	76. §. 6	C. XIV. 10.	101. §. 15
C. XXVIII. 19.	143. §. 20	v. 11.	103. §. 17
MARCUS.		v. 16.	54. §. 5
C. IX. 23.	137. §. 12	C. XV. 2.	21. §. 33
LUCAS.		v. 26.	105. §. 19
C. I. 74.	81. §. 13	v. 27.	120. §. 18
C. II. 34.	146. §. 23	v. 34.	76. §. 5
C. X. 20.	7. §. 12. & 12. §. 22	C. XVI. 8, 9.	106. §. 20
C. XII. 12.	118. §. 17	v. 13.	53. §. 3. &
C. XVI. 29.	142. §. 19		54. §. 5
C. XVII. 10.	76. §. 5	v. 14.	120. §. 18
JOHAN.		C. XVII. 3.	163. §. 30
C. I. 1.	98. §. 11	v. 12.	13. §. 23
v. 7.	33. §. 7	v. 21.	108. §. 24
v. 17.	50. §. 30	C. XVIII. 37.	102. §. 16
v. 18.	97. §. 10. &	C. XIX. 34.	121. §. 21. 22
	102. §. 16	C. XX. 31.	119. §. 18
C. II. 19.	105. §. 18	ACTA APOST.	
C. IV. 14.	177. §. 24. &	C. I. 20.	20. §. 32
	178. §. 26	C. VIII. 16.	143. §. 20
v. 42.	34. §. 7	C. XVII. 2.	59. §. 10
C. V. 31.	102. §. 16	C. XIX. 3, 4.	142. §. 19
v. 34.	44. §. 23. &	EPIST. AD ROMAN.	
	53. §. 2	C. I. 4.	104. §. 18
v. 36.	103. §. 17	v. 19, 20.	3. §. 5
v. 37.	101. §. 15	C. II. 15.	4. §. 7
v. 45.	142. §. 19	C. III. 1.	155. §. 13
C. VI. 32.	159. §. 21	v. 24.	79. §. 11
v. 49.	155. §. 13	C. IV. 18.	137. §. 12
v. 49. 51.	159. §. 21	C. VI. 3.	143. §. 20
			v. 14.



# INDEX LOCORUM S. SCRIPTURÆ.

v. 14.	82. §. 15	v. 26.	173. §. 17
v. 18.	80. §. 11. &	C. XI. 28.	173. §. 17
	83. §. 17	II. AD CORINTH.	
C. VII. 4.	82. §. 15	C. III. 4.	4. §. 7
v. 23.	24. §. 39	v. 6.	118. §. 16
v. 24, 25.	25. §. 40	C. IV. 13.	119. §. 17
C. VIII. 2.	79. 80. §. 11	AD GALAT.	
v. 12.	76. §. 5	C. II. 9.	47. §. 26
v. 15.	28. §. 45	v. 16.	13. §. 23
v. 15, 16.	27. §. 43. &	v. 20.	80. §. 11
	23. §. 36. &	C. IV. 15.	19. §. 31
	105. §. 19	C. VI. 15.	155. §. 13
v. 29, 30.	12. §. 21	AD EPHESIOS.	
C. IX. 2.	16, 17. §. 28, 29	C. I. 4.	81. §. 13
v. 11.	10. §. 18	v. 18.	119. §. 17
C. XI. 7.	12. §. 21	C. II. 20.	42. §. 21. 22
v. 8, 9.	20. §. 32	C. III. 19.	46. §. 25
v. 32.	10. §. 19	C. V. 2.	108. §. 24
v. 33, 34.	26. §. 41	AD PHILIPP.	
C. XIII. 7.	76. §. 5	C. II. 13.	85. §. 20
C. XVI. 26.	158. §. 20	C. III. 3.	140. §. 16
I. AD CORINTH.		v. 17.	139. §. 15
C. I. 13.	143. §. 20	C. IV. 3.	1 §. 2. & 7. §. 12
v. 23.	145. §. 23	AD COLOSS.	
v. 30.	121. §. 19. &	C. II. 14.	76. §. 6
	124. §. 24	C. III. 3.	159. §. 20
C. II. 6.	36. §. 10	v. 10.	29. §. 45
v. 12.	23. §. 36. &	I. AD THESSAL.	
	36. §. 10. & 54. §. 3	C. I. 5.	119. §. 17
C. III. 8.	108. §. 24	v. 7.	139. §. 15
v. 11.	46. §. 26	C. II. 13.	59. §. 10
C. IV. 5.	6. §. 11	C. IV. 3.	76. §. 5
C. V. 7.	140. §. 16	I. AD TIMOTH.	
C. VI. 17.	108. §. 24	C. I. 9.	82. §. 16
C. IX. 21.	79. §. 11	C. III. 15.	43. §. 22. 44. & 5.
C. X. 1, 2.	131-148		24-33
v. 3.	148-165	v. 16.	79. §. 11. & 104. §. 18
v. 4.	165-178	C. IV. 8.	9. §. 15
v. 6. 11.	139. §. 15	C. VI. 14.	55. §. 5
v. 9.	180. §. 3	v. 20.	33. §. 6
		II. AD	



# INDEX LOCORUM S. SCRIPTURÆ.

## II. AD TIMOTH.

C. I. 8. 119. §. 18

v. 12. 23. §. 36

C. II. 19. 10. §. 18. & 26. §. 41

& 27. §. 34. & 6. 25

## AD TITUM.

C. II. 7. 139. §. 15

v. 12. 77. §. 8

## I. PETRI.

C. I. 8. 81. §. 13

v. 11. 163. §. 29

C. II. 4. 146. §. 23

v. 13. 80. §. 11

v. 21. 2. §. 2

## II. PETRI.

C. I. 10. 28. §. 44

v. 19. 58. §. 10

v. 21. 54. §. 3

## I. JOANNIS.

C. I. 6. 120. §. 19

C. II. 5. 25. §. 39

v. 20. 55. §. 50

C. III. 8. 90. §. 28

C. IV. 10, 11. 29. §. 45

v. 21. 76. §. 5

C. V. 5. 81. §. 13

v. 6. 25. §. 9

v. 7. 92-111

v. 8. 112-130

v. 10, 11. 118. §. 15

v. 13. 23. §. 36

## AD HEBRÆOS.

C. I. 1. 102. §. 16

C. II. 4, 5. 106. §. 20

C. V. 13, 14. 36. §. 10

C. VI. 17, 18. 10. §. 18

C. IX. 19. 121. §. 20

C. XI. 26. 162. §. 28

v. 29. 136. §. 10, 11

C. XII. 23. 8. §. 15

v. 18. 13. §. 22

C. XIII. 8. 164. §. 30

## APOCALYPSIS.

C. II. 17. 23. §. 37. &

35. §. 10. &

155. §. 12. & 158. §. 20

C. III. 5. 14. §. 24

v. 11. 4. §. 7

v. 17. 46. §. 26

v. 14. 102. §. 16

C. V. 10. 9. §. 15

C. VI. 14. 3. §. 5

C. XIII. 8. 2. §. 2. &

7. §. 12. &

28. §. 43

C. XVII. 8. 1. §. 2. & 7. §. 12

C. XX. 12. 2. §. 2, 3. &

6. §. 11. &

26. §. 41

v. 15. 7. §. 12

C. XXI. 27. 7. §. 12. & 13. §. 23

& 29. §. 47

C. XXII. 19. 8. §. 15. & 9. §. 17

& 21. §. 34

v. 45. 23. §. 37



# INDEX RERUM

Quæ in Decade DISPUTATIONUM

pertractantur.

A.

**Æ**ternitas non semper absolute sumitur in S. Scriptura, sed interdum nata ti. Pag. 55. §. 5

Quid per Aquam & sanguinem in loco 1. Joan. 5. 8. intelligatur? 114. & seq. §. 6. 7. 8. 9. & 120. §. 19. 20

Aqua & sanguis è latere Christi perfosso effluentia quid adumbrarint? 121. 122. §. 21. 22

Cur aqua & sanguis ab Apostolo conjungantur? 123. §. 24

Aqua & sanguis quomodo concurrant ad testimonium Christo perhibendum? 125. §. 27

Cur aquam Sanguini pramittat Joannes? 128. §. 34.

Augustinus Ecclesiam ex sola Scriptura cognosci posse statuit. 60. §. 12

Nec contrarium evincitur ex verbis, quibus docet se non credidisse Evangelio, nisi motum auctoritate Ecclesie. 61. & c. §. 13-16

B.

Baptismi Sacramentum non fuit transitus per mare rubrum. 140. 141 §. 17. 18.

Quomodo Patres in Moysen dicantur baptizati? 142. §. 19. 20

Qui mora sub nube, & transitus per mare baptismi nomine designentur? 144. & c. §. 23

Baptismi finibus respondet usus & finis columna nubis & maris. 145. §. 23

Cum baptismo convenit Transitus per mare. 146. §. 24

Bezzæ sententia circa locum 1. Joan. 5. 7. 109. §. 25

Bona Opera. Questionis de necessitate bonorum Operum necessitas. 73. §. 1

Circa eam peccatur in excessu & in defectu. 73. §. 2

Orthodoxorum sententia circa illam explicatur. 74. §. 3

Status Questionis proponitur. 75. §. 4

Bona Opera necessaria sunt necessitate præcepti. 75. §. 5. & necessitate medii. 76. 77. §. 7

Ratione Dei, proximi, & nostri. 77. §. 8

Respectu fœderis Gratia ea exigentis. 77. §. 9

Respectu trium Personarum Trinitatis. 78. §. 10

Bona opera exigit Evangelium. 79. §. 11. natura etiam fidei. 80. §. 12

nec non Dei beneficia. 80. §. 13

Objectiones adversus bonorum operum necessitatem refutantur. 82. 83. & seqq.

Bona Opera justorum peccata dicuntur per accidens & nata li. 83. §. 18

Bb 3

C.



# INDEX RERUM

## C.

- Calvinus quomodo exposuerit locum 1. *Joan.* 5.7. 109. §.25
- Caro. Aliud est in carne vivere, aliud secundum carnem ambulare. 90. §.28.
- Certitudo Electionis, vide Tit. Electio.
- Christus saepe vocatur *Λέγος*. 96. §.8  
Cur hoc nomine insigniatur? 96. §.9, 10.  
An saltem ratione Muneris Prophetici? 98. §.11
- Christus miraculis suis sibi testimonium perhibuit certissimum. 103. §.17
- Christi resurrectio argumentum est Divinitatis & Mediationis ipsius 104. §.18
- Christus anima cibus per Manna adumbratus. 154. §.12. & 156. & seqq. §.17-19
- Ostenditur praestantia Christi super Manna. 159. §.21
- Christus manducandus est per fidem. 161. §.26
- Christus sub Veteri Test. fuit cognitus. 162. §.28-30
- Christus dicitur Petra sacramentaliter. 172. §.15. & seqq.
- Christi cum petra collatio. 176. & seqq. §.23-26
- Christus tentatus fuit ab Israelitis. 180. §.3. & 190. §.21
- In Christo est remedium peccati. 186 §.16
- Christi exaltatio per erectionem serpentis anei figurata. 187. §.17
- Christi exaltatio quotuplex? 188. §.18

- Christi aspectus sanat. 188. §.19
- S. Coena. An praesentia realis & substantialis in S. Coena evincatur ex 1. *Joan.* 5.8. 128. & seqq. §.35.36  
An Manna fuerit typus S. Coenae? 159.160. §.22.23
- Columnarum usus duplex, architectonicus & politicus. 48. §.29
- Columnarum usus in Templis Gentilium. 50. §.31
- Quomodo Ecclesia dicatur Columna veritatis? 44. & seqq. §.24-33
- Columna Nubis, Israelitas praecedens, qualis fuerit? 132. §.4  
An una eademque fuerit Columna nubis & ignis? 132. §.5  
Quorsum Deus erexit columnam illam? 133. §.6.7
- Non fuit Sacramentum Baptismi nostri 140. §.17.18. illius tamen finibus respondet. 145. §.23
- Concilii generalis iudicium non stabilit auctoritatem S. Scripturae. 56. 57. §.6.7
- Conscientia hominum est Dei liber. 4. §.7

## D.

- Debitum duplex est, Legale & Evangelicum. 76. §.6
- Decreta Dei sunt immutabilia. 10. §.18.19

## E.

- Ecclesiae testimonium & officium circa Scripturam. 33 §.6.7
- Ecclesiae auctoritas tota pendet à Scriptura. 42. §.21. & seqq.
- Ecclesia quomodo dicatur columna & firmamentum Veritatis à Paulo? 44. & seqq. §.24-33  
Ecclesia



# INDEX RERUM

*Ecclesie testimonium est fallibile.* 53.  
 §. 2.  
*Ecclesiam ex sola Scriptura cognosci  
 debere testatur Augustinus.* 60.  
 §. 12  
*An Ecclesia indigeat auctoritate ali-  
 quâ infallibili & visibili ad per-  
 suadendam nobis Scriptura aucto-  
 ritatem?* 69. §. 23. & seqq.  
*Ecclesie auctoritas infallibilis quan-  
 tum sit controversa.* 69. §. 24  
*Electiois certitudo probatur à Decre-  
 torum divinatorum immutabilitate.*  
 10. §. 18. 19. à fœderis gratia æ-  
 ternitate. 11. §. 20. à gratia-  
 rum divinarum connexionem. 11.  
 §. 21  
*Ex variis Scriptura locis.* 12. &  
 seqq. §. 22. 23. 24.  
*Fidelis de Electione sua certus esse po-  
 test ac debet.* 23. §. 36. 37. 38  
*Unde Electionis sue certitudinem  
 haurire possit?* 26. §. 41. & c.  
*Electiois certitudo non est mater se-  
 curitatis.* 29. §. 46. 85. 86. §. 21  
*Enthusiastæ an quid præsidii reperiant  
 in loco 1. 70. §. 8.* 129. §. 37  
*Euangelium denotatur sæpe per Spiri-  
 tum.* 118. §. 15. 16  
*Euangelica veritas ex loco 1. 70. §. 8.  
 invictè asseritur.* 129. §. 38  
*Eucharistia, vide Tit. S. Cœna.*  
*Examen quotuplex?* 70. §. 26  
*Examinis Scriptura via an difficilior  
 sit viâ auctoritatis?* 69. & c. §.  
 23-26  
*Qualis inde resultet certitudo?* 71.  
 §. 27  
*An inde privatus quisque constitua-  
 tur infallibilis?* 72. §. 28

## F.

*Fides quomodo cum peccatis graviori-  
 bus consistere queat?* 91. §. 29  
*Fidelium status duplex, Tentationis &  
 Victorie.* 25. §. 40  
*Fœdus Gratiæ æternum est.* 11. §. 20  
*Fœdus gratiæ idem est tam in Veteri  
 quàm in Novo Testamento.* 162.  
 §. 27

## I.

*Columna Ignis quæ præcessit Israëlitas,  
 vide Tit. Columna.*  
*Imaginum cultus non stabilitur in ere-  
 ctione & aspectu serpentis anei.*  
 184. §. 13  
*Israëlitarum transitus per mare rubrum,  
 vide Tit. Transitus.*  
*Cur Deus Israëlitas in terram Ca-  
 naan induxerit per asperissimam  
 deserti viam, non verò per terram  
 Philistæorum.* 138. §. 14  
*An Israëlita eundem cibum spiritua-  
 lem dicantur edisse inter se, an  
 verò nobiscum in loco 1. Cor. 10. 7.*  
 160. & seq. §. 24. 25  
*Justificatio ex sola fide non tollit bono-  
 rum operum necessitatem.* 84.  
 §. 19  
*Doctrina Reformatorum de Justifi-  
 cationis inamissibilitate & perse-  
 verantia, sanctificationi non est  
 noxia, nec peccatis fenestram ape-  
 rit.* 87. & seqq. §. 22-27  
*Justificatio secum non tollit avaras-  
 tatem.* 89. §. 26  
*Justificatio & Sanctificatio distin-  
 guuntur.* 124. §. 25

## L.

*Quotuplex Liber Deo tribuatur.* 1.  
 §. 2. & seqq.

Libri



# INDEX RERUM

- Libri externi Dei sunt varii, ut Liber Mundi, Liber Scripturae, Liber Conscientiae.* 3.4. §.5.6.7
- Libri internus Dei triplex est, Liber Providentiae, Liber Iudicii, Liber Vitae.* 5.6. §.9.12
- Cur liber Deo tribuatur?* 7. §. 14. 15.
- An aliquis ex Libro Vitae deleri possit?* 9. & seqq. §.17.25
- Objectiones adversus negantem sententiam solvuntur.* 15. & c. §.26
- An constare possit, nos esse Libro Vitae inscriptos?* 22. & c. §.35.40
- Unde cognitio illa haberi queat?* 26. & c. §.41
- An securitatem pariat?* 29. §.46. 47
- Literalis sensus, vide Tit. Sensus.*
- Vox λόγος quid significet?* 96. §.9
- Cur filius Dei vocetur λόγος?* 97 §.9.10
- An Christus dicatur λόγος tantum ratione Muneris Prophetici?* 98. §.11
- Quomodo λόγος testetur?* 110-102. 103. §.16
- Eius testimonium est αὐτοματον.* 102. §.16
- M.
- Mannæ Israëlitis dati historia recensetur.* 150. §.5
- Cur Deus datione Manna prospexerit necessitati Israëlitarum?* 151. §.6
- Cur cibus iste Man dictus sit?* 151 152. §.7.8
- An Manna istud naturale fuerit, an verò miraculosum?* 152. & seqq. §.9.10
- Manna quo sensu vocetur cibus spiritualis?* 154. §.11. 12. 13. & 156. §.16. & seqq.
- Quo pacto omnes Israëlita istud dicantur manducasse.* 156. §.15
- Manna cum Verbo Dei comparatum.* 156. §.16.
- Manna eximium fuit Christi symbolum.* 156. & seqq. §.17.18.19
- An Manna praefiguravit Eucharistiam?* 159.160. §.22.23
- An Patres dicantur edisse eundem cibum spirituale inter se, an vero nobiscum?* 160.161. §.24.25
- Miracula Christo perhibuerunt testimonium.* 103. §.37
- Mosis votum, quò petiit deleri e libro Dei, explicatur.* 15-18. §.26. 27.28.29
- Peccatum à Mose & Aarone commissum in percussione petra quodnam fuerit?* 168. §.8.10
- An Moses ab Israëlitis fuerit tentatus?* 190. §.21
- Mundus Dei liber est.* 3. §.5
- N.
- Necessitas bonorum operum, vide Tit. Bona Opera.*
- Nubes erat Israëlitis signum praesentiae Dei.* 133. §.6
- Mora Israëlitarum sub Nube, quomodo Baptismi nomine designetur?* 144. §.23
- Columna Nubis, quae praecessit Israelitas, vide Tit. Columna.*
- O.
- Opera bona, vide Bona opera.*
- P.
- Patribus Vet. Test. cognitus fuit Christus.* 162. & seqq. §.28-30



# INDEX RERUM.

*Non obstante economia veteri tot  
typis velisve 164. §. 31*  
Personarum divinarum opuscula ex loco  
1. Jo. 5. 7. evincitur. 110. §. 27  
Petra an semel percussa fuerit, an vero  
duabus vicibus? 166. §. 4  
Quanam fuerit petra illa, ex qua bi-  
berunt Israelitae, & quare spiri-  
tualis dicatur? 167. §. 6  
Quo pacto petra dicatur ἀνάξδιον,  
sequens? 167. §. 7  
Quodnam fuerit Moſis & Aaronis  
peccatum in percussione petrae  
commiſſum? 168. & ſeqq. §. 8. 10  
Quomodo petra fuerit Chriſtus? 172.  
§. 15. & ſeqq.  
Collatio petrae cum Chriſto. 176-178.  
§. 23-26.  
Principium Creationis in loco Joannis  
intelligi probatur. 28. §. 11

## R.

Regeneratio non ſtatim per quodvis  
peccatum etiam grave deletur. 90.  
§. 28.  
Reſurrectio Chriſti argumentum &  
Divinitatis & Mediationis ejus.  
104. §. 18

## S.

Sacramentum. Quis debeat eſſe ſenſus  
verborum ſacramentalium, Hoc  
eſt Corpus meum? 173. §. 17. 18  
Salutis noſtrae ratio triplex requirit teſti-  
monium. 100. §. 14  
Sanctificatio diſtinguitur à Juſtifica-  
tione. 124. §. 25  
Quid per Sanguinem & Aquam intel-

ligatur 1. Jo. 5. 8. p. 114. & ſeqq.  
Sanguis & Aqua à perſoſſo latere  
Chriſti effluentia quid ſignificā-  
runt? 121. 122. §. 21. 22  
Cur Sanguis & Aqua ab Apoſtolo  
conjungantur? 123. §. 24  
Quomodo Sanguis & Aqua concur-  
rant ad teſtimonium Chriſto per-  
hibendum? 125. §. 27  
Cur ſanguini aquam praeſtat Joā-  
nes? 128. §. 34  
An ex eo, quod S. Cena vocatur  
Sanguis, ſequatur realis & ſub-  
ſtantialis praesentia Sanguinis  
Chriſti? 128. §. 35. 36  
Scriptura eſt Liber Dei. 3. §. 6. & 6.  
§. 11.

Scriptura auctoritatem dubiam red-  
dunt tum Athei tum Pontificii. 31.  
§. 2.

Scriptura auctoritas divina ſpectatur  
triſariam, vel reſpectu ipſius  
Scripturae, vel ratione Spiritus, vel  
Eccleſiae. 31. §. 4

Quale ſit Scripturae teſtimonium? 32.  
§. 5.

Quale ſit teſtimonium Eccleſiae circa  
auctoritatem Scripturae? 33. §. 6. 7

Quale ſit teſtimonium Spiritus S.  
circa auctoritatem S. Scripturae?  
34. 35. §. 9. 10

Sententia Pontificiorum de Scriptu-  
ra auctoritate. 37. & ſeqq. §.  
12-16.

Sententia Orthodoxorum. 36. §. 11  
Status quaſtionis formatur. 40. 4.  
§. 17-20.

Scriptura auctoritatem non pendere  
ab Eccleſia probatur xxi. apoc. 42.  
§. 21.



# INDEX RERUM.


- Scriptura dat Ecclesia omnem suam auctoritatem.* 42. 43. §. 21-23
- Scriptura auctoritas nequit pendere à testimonio fallibili, quale est Ecclesia.* 53. §. 2. nec ab auctori-  
tate Concilii generalis. 56. 57. §. 6. 7.
- Scripturam per se ipsam probari ostenditur variis argumentis.* 64. & seqq. à natura primorum principiorum. 64. §. 17. à comparatis. 65. §. 18. à natura ipsius Scripturae 66. §. 20. ab authenticia Scripturae propria. 67. §. 22
- Scripturae divinitatem ex insitis ipsi characteribus probat Bellarminus ipsemet.* 68. §. 22
- An ad persuadendam nobis Scripturae auctoritatem necessaria sit auctoritas visibilis & loquens in Ecclesia?* 68. & c. §. 23
- An via examinis Scriptura sit difficilior via auctoritatis Ecclesiae?* 69. §. 23. & seqq.
- Scriptura est regula fidei duobus modis.* 70. §. 25
- Sensum literalem in Scriptura à metaphorico discernendi proponuntur aliquot Regulae.* 174-176. §. 19-22
- Serpentes igniti, Israëlitis immissi, quid fuerint?* 180. §. 4
- An fuerint naturales, an miraculosi?* 181. §. 5.
- Cur Deus hanc plagam immiserit in Israëlitas?* 182. §. 5
- Ei remedium datum serpens aneus.* 182. §. 7
- Serpens aneus non fuit figura Astrologica Arabibus Talisman dicta.* 184. §. 12
- Cur Moses cum aneum fecerit?* 183. §. 9.
- Serpentis anei erectio.* 184. §. 10
- Cur & quomodo Israëlita eum debuerint insucri?* 183. §. 11
- Serpentis anei mysterium explicatur.* 185. & seqq. §. 14. & seqq.
- Qualis fuerit discrepantia inter serpentem aneum & Christum?* 189. §. 20.
- An serpens aneus stabiliat cultum Imaginum?* 184. §. 13
- Spiritus vox quandoque Evangelium notat.* 118. §. 15. 16. quandoque interna Spiritus S. dona. 119. §. 17
- Spiritus quid denotet apud Joannem* 1. Ep. c. §. 8. 118. §. 15, 16
- An Spiritus in nobis testans afferat delirium Enthusiatarum.* 129. §. 37.
- Spiritus S. cur ita vocetur?* 99. §. 12
- Quomodo testetur?* 105. §. 19, 20
- Spiritus Sancti personalitas probatur.* 110. §. 28
- T.
- Transitus Israëlitarum per mare historia recensita.* 134. §. 10
- Nec naturalis, nec magicus; sed miraculosus fuit.* 135. §. 9
- An rectè transferim Israëlita, an via semicirculari emensa in idem Aegypti litus reversi fuerint?* 135. 136. §. 10
- Quomodo Israëlita per fidem dicantur transisse mare rubrum?* 137. §. 11. 12.
- Transitus per mare an Sacramentum fuerit Baptismi?* 140. §. 17
- Quo-



# INDEX RERUM.

- Quomodo transitus per mare Baptismi nomine insigniatur? [144.](#) & seqq. §. 23.
- Transitus per mare cum Baptismo convenit. [146. §. 24. 25](#)
- Tres Testes Celestes ex loco [L. Joan. §. 7. explicari.](#) [92. 111](#)
- Quinam sint isti tres [Testes. 95. §. 7.](#)
- Testimonii ipsorum veritas ex triplicis operationis ad redemptionem nostram necessitate confirmatur. [100. §. 14](#)
- Quid & quomodo Pater testetur? [100. 101. §. 15](#)
- Quomodo testetur λόγος? [101. 102. 103. §. 16. 17.](#)
- Ejus testimonium est αὐτόωσις. [102. §. 16.](#)
- Quomodo testetur Spiritus Sanctus? [105. §. 19. 20](#)
- Unitas Testium qualis? [106. 107. §. 21. 22.](#)
- Quenam vera fuerit sententia Calvinii & Beza circa hunc locum? [109. §. 25.](#)
- Testes Terrestris cur tres recensentur? [113. §. 4](#)
- An fuerint testes humanitatis Christi? [114. §. 5](#)
- An tres Testes terrestres designent tria Oraculorum genera de Christo? [114. §. 6](#)
- Qui sint tres isti Testes? [116. §. 10-14](#)
- Quomodo dicantur testari in terra? [126. §. 29](#)
- Qualis istorum Testium sit unitas; & quomodo ab unitate Testium celestium distinguatur? [126. & §. 30-33.](#)
- Trinitatis vox non est planè ἀγέαφος. [109. §. 26](#)
- Trinitas Personarum divinarum in loco [1. Joan. §. 7. fundatur. 110. §. 26.](#)
- Trinitatis cognitio [necessaria. III. §. 29](#)
- V.
- Verbum Dei cum Manna comparatur. [156. §. 16.](#)

F I N I S.











DISPUTATIO THEOLOGICA

D E

# CIRCULO PONTIFICIO.

*Respondente ELIA SAURINO Pratalgidensi.*

## THESIS PRIMA.

**I**NTER varia argumenta quibus Orthodoxi uti solent adversus Pontificios in vexatissimâ quæstione de *Authoritate Scriptura*, notum est urgeri potissimum ab illis *Circulum* quo isti perpetuò in eâ demonstrandâ oberrant, dum Scripturam ex Ecclesiâ, & rursus Ecclesiam ex Scriptura probare satagunt. Quia verò ut se ab hoc expediant absurdo diversa captare solent effugia, atque adeo, quem illis *Circulum* objicimus, nobis vicissim impingere non verecundantur, quasi Scripturam ex Spiritu, & Spiritum ex Scripturâ demonstramus. Non inutile nobis visum est aliquam in hoc argumento breviter enodando operam collocare, tum ut justitiam accusationis nostræ contra Adversariorum exceptiones tueamur, tum ut injustitiam criminationis ipsorum firmatâ sententiæ nostræ veritate, evincamus.

II. Duo E. nobis hîc demonstranda erunt. Primò, justissimè à Nostri progressum circularem objici Pontificiis in stabilienda fide suâ de *Authoritate Scripturæ*, Neque posse hoc incommodum quibuscunque ipsorum commentis tolli. Secundò, iniquissimè talem *circulum* sententiæ nostræ impingi. In antecessum verò pauca quædam in genere de *Circulo* prænotanda erunt, ut constet quid sit, & quare vitiosa sit argumentandi ratio.

III. *Circulus* Græcè κύκλος, vocatur probatio reciproca quâ unum ex altero vicissim concluditur & demonstratur, atque ita metaphoricè dicitur, quod circuli instar videatur in se recurrere, ut quum demonstrata ex propositionibus conclusione, ex ea vicissim eadem propositiones demonstrantur, fitque ex conclusione propositio, & è propositione conclusio; De hoc *Aristoteles* non semel e-



git, peculiariter verò in 1. & 2. libro priorum *Analyt.* c. 5. 6. 7. ubi Circularem demonstrationem quâ prisci quidam Philosophi omnia sciri posse asseverabant absurdam & inutilem esse efficaciter ostendit; Quidam distinguere solent *Circulum* in *logicum* & *ἁλογον* sive *sophisticum*; *Logicus* duobus dicitur constare syllogismis, quorum alter ex altero deducitur & formatur, dum primi conclusio sit una præmissarum in secundo, eidemque altera, sed conversa jungitur, Unde sequitur conclusio quæ fuerat major primi syllogismi, v. g. Omnes justificati per Christum pacem cum Deo habent; At omnes credentes sunt justificati E. omnes credentes pacem cum Deo habent, Unde deducitur posterior syllogismus, Omnes credentes pacem cum Deo habent, Omnes justificati sunt credentes E. omnes justificati pacem cum Deo habent; Vel simpliciter fit cum illud quod pro medio sumitur in priori syllogismo sit conclusio in posteriori, & quod conclusio erat in priori sit medium in posteriori: Sic Quicumque pacem habent sunt justificati, fideles pacem habent E. fideles sunt justificati, Jam resumendo conclusionem pro medio, Quicumque sunt justificati pacem habent, Fideles sunt justificati E. fideles pacem habent: Ita ex pace tanquam effectu probo justificationem, & vicissim ex justificatione ut causâ probo pacem, Verùm licet nonnullis hæc argumentandi ratio dicatur *Circulus*, melius tamen aliis vocatur *Regressus* qui locum habet in conversione demonstrationis ὅτι in demonstrationem δὲ π & vice versa, cum ex effectu ad causam sit progressus, & rursus à causa ad effectum; ignota causa ex effectu notiore colligitur, & postea regrediendo ex eadem causa distinctè cognitâ idem effectus demonstratur.

IV. *Circulus* E. propriè loquendo nullus datur nisi vitiosus cum scil. sit progressus in infinitum ex probationibus, & vel idem per se ipsum, vel dubium per dubium ambitu quodam in se sine fine recurrente demonstratur: duo autem requiruntur potissimum in *Circulo*, ut sit formalis & perfectus, prius est, ut ab eodem in idem fiat, alterum ut per eandem fiat viam idemque causæ genus, servato eodem notitiæ genere, seu ut alii loquuntur, nulla nova cognitione terminorum comparata, hinc *Tannerus* Disp. de fide, spe & charitate, & *Gretserus* in tract. de agnoscendis scripturis c. 14. *Circulus*, inquiunt, est progressus ab eodem ad prorsus idem, nullâ interim terminorum variatione, quoad notitiæ rationem interveniente, quod tum accidit, quando consequens ex antecedente illatum nullâ alia præterquam antecedentis notitiâ fultum & probatum, mox ad sui antecedentis probationem assumitur v. g. ut Aristotelis exemplo utamur, *Circulus* erit si ex A. demonstramus B. & rursus ex B. demonstramus A. & utraque sit potissima demonstratio, quæ per causam proximam declaret propter quid effectus sit; *Regressus* verò est inter causam & effectum quando reciprocantur, & effectus nobis est notior quàm causa, cum enim semper à notioribus nobis progrediendum sit, prius ex effectu noto causam ignotam demonstramus, deinde causâ cognitâ ab ea ad effectum demonstrandum regredimur, ut sciamus propter quid est; Unde



de patet inter circulum & regressum hoc interesse; quod in regressu prior processus sit demonstratio *quod*, posterior verò demonstratio *propter quid*; At in Circulo uterque processus est demonstratio *propter quid*.

V. Circulus autem talis consentientibus Philosophis admitti non potest, quia sequeretur idem esse se ipso prius & posterius, notius & ignotius, causam & effectum, quod ne imaginando quidem fingi potest, ex quo enim assumitur ad probationem alterius prius debet esse & notius, propter quod enim unum quodque tale, & illud magis tale debet esse; eo ipso verò quod ex altero probatur & demonstratur posterius & ignotius eo esse necesse est. Dices idem objici posse regressui; fore scil. idem notius & ignotius; nec salvari potest instantia si dicas; Causam notiozem fore effectum secundum naturam, Effectum verò notiozem causam secundum nos: Nam utraque demonstratio fit propter nos, non propter naturam, ideoque utraque procedere debet à notioribus secundum nos. Resp. aliam esse utrobique rationem, nam neque est eadem via nec eadem cognitio, quippe in priori progressu si causa ex effectum colligitur effectus notior est secundum nos causam *cognitione confusam*, at in posteriori ubi ex causa effectus probatur causa notior est secundum nos effectum *cognitione distinctam*, in primo fit processus à posteriori per demonstrationem *ἐκ τῆς*, in secundo verò à priori per demonstrationem *ἐκ τῆς*; non est E. processus ab eodem ad idem, quamvis enim sit ab effectum ad eundem effectum, tamen finis demonstrationis non est effectus præcisè, sed ejus scientia, hæc autem non est eadem in fine regressus ac in principio, nam exordium sumitur à notitiâ ejus confusa, & finis est notitia ejus distincta & perfecta, progressus E. fit à notitia confusa ad distinctam, à cognitione quod sit, ad cognitionem propter quid sit. At in Circulo est processus ab *eodem ad idem*; nam in utroque progressu medium est proxima causa majoris extremi, in demonstratione propter quid, itaque processus est à cognitione distincta ad eandem ut distinctam, id. per eadem planè viam; quò nihil absurdius concipi potest.

VI. Hoc verò semel posito facile demonstratur Pontificios inexplicabili Circulo sese implicare dum Scripturæ auctoritatem probant; Nam ubicunque fit progressus ab eodem ad idem eodem modo cognitum & per eandem viam ibi non potest non Circulus esse formalis & propriè dictus. At sic procedere Pontificios in hoc negotio ex eorum praxi & doctrina patet. Nam propter Ecclesiæ in testificando infallibilitatem fide divinâ creditam credunt Verbi auctoritatem fide divinâ, & rursus propter Verbi Dei auctoritatem fide divinâ creditam credunt Ecclesiæ infallibilitatem in testando. Hic est processus ab Ecclesiæ infallibilitate fide divina credita ad eandem infallibilitatem eodem modo creditam, ideoque ab eodem ad idem per eandem viam. Dicamus clariùs, si quæritur à Pontificiis, Unde constet nobis Scripturam esse Canonicam & divinam, Respondent illicò, hoc fieri propter Ecclesiæ testimonium, quia Ecclesia dicit, inquiunt; Sed si regeris, cur Ecclesiæ creditis, quia Spiritu infalli-



## De CIRCULO PONTIFICIO.

ibili ducitur, adjiciunt, Sed & hoc quamobrem creditis? quia Scriptura testatur, reponunt, quòd sit columna & stabilimentum veritatis: 1. Timoth. 111. 15. quod habeat promissionem Spiritus S. Joh. xvi. 13. &c. Jam si rogas denuo quomodo certus esse possum de veritate Testimonii hujus in Scriptura, quia Scriptura Dei verbum est ajunt, At cur creditis Dei Verbum esse, quia Ecclesia quæ Spiritu infallibili ducitur, dicit, respondent. Itaque eò revolvuntur unde fecerant disputandi initium; Neque hic vel diversa quæstio occurrit, vel diversa via, utrobique enim de ratione & argumento propter quod credimus quæstio instituitur, non de facultate aut instrumento per quod credimus, quippe cum Scripturam ex Ecclesia probant id ita intelligunt, ut propter Ecclesiæ Testimonium tanquam argumentum inartificiale fides Scripturæ adhibeatur, id est ut Testimonium istud sit causa propter quam credimus; Rursus cum Ecclesiæ infallibilitatem ex Scriptura demonstrant, istud Scripturæ Testimonium volunt esse causam & argumentum propter quod credimus Ecclesiæ ut infra probabitur: Itaque fit procellus ab eodem ad idem à cognitione distincta, & propter quid, ad eandem cognitionem, quæ vera & propria est Circuli ratio formalis.

VII. Hinc patet Pontificios procedere in infinitum in probationibus suis, nec ullum *primum credibile* habere cui primò fides nitatur, & in quod ultimò resolvatur, quod absurdorum omnium absurdissimum; Nam si daretur aliquod primum credibile vel esset *Scriptura* vel *Ecclesia*: at neutrum dici potest ex eorum hypothese: Non Scriptura, quia creditur propter Ecclesiam, nec persuaderi quis potest de ejus veritate & authenticâ nisi ex infallibili Ecclesiæ testimonio: Non Ecclesia quia creditur propter Scripturam, nisi enim Scriptura Veritatem & Authoritatem ejus infallibilem doceret, fides nostra nunquam in ejus testimonio acquiescere posset, sic processus est infinitus à Scriptura ad Ecclesiam & vicissim ab Ecclesia ad Scripturam, nec in æternum quicquid moliantur sese ex hoc inexplicabili labyrintho & inextricabili laqueo quo irreti tenentur expedire poterunt.

VIII. Conantur tamen variis modis elabi, utquæ facilius scopum hunc attingantur diversa distinctionum latibula quærunt, in quæ ut ipsis quidem videtur tutò se recipere possint: Sed si faciem veritatis paulò propius intulerimus, fallitas earum & *id évera* statim patebit; Varii variè respondent; Nos præcipuas tantum responsiones attingemus & quæ majorem habent veri speciem, Cæteris missis quæ vel ad rhombum non faciunt, vel per se nullo negotio refelli possunt. Primus hinc in aciem prodit *Gregor. de Valentia* To. 3. disp. 1. q. 1. punct. 1. §. 10. distinguens 1. *causam principalem* propter quam credimus, & *conditionem requisitam* ad credendum, Ecclesiæ infallibilitatem dicit credi ob Verbi authoritatem, tanquam ob causam principalem propter quam credimus; At Verbi authoritatem credi ob Ecclesiæ testimonium non tanquam ob causam credendi principalem,



lem, sed tanquam ob conditionem requisitam ad Verbi auctoritatem credendam, ideoque progressum hic fieri quidem ad idem, sed per diversam viam. 2. distinguit *causam fidei secundum se* in qua tanquam in principali credendi ratione acquiescit fides nostra, à *causa acceptationis fidei* quæ primum nos impellit & movet ut incipiamus credere; si de causa fidei secundum se quæratursistendum esse gradum in revelatione divina tanquam in ultimo resolutionis momento, quia revelatio divina sit unica ratio fidei nostræ in qua proinde acquiescendum: at Ecclesiæ testimonium esse causam acceptationis fidei, quia ut illi loquuntur est prima janua quâ ad libros Canonicos credendos itur, seu motivum quo inducti volumus credere, quæ etiam responsio est *Beccani* in opusculo suo de *Circulo Calvinistico*.

1 X. Sed uterque vel fucum facit & ludit in terminis, vel apertè causam deferit, 1. Si Ecclesiæ testimonium non est causa principalis credendi E. propter illud non creditur Verbi auctoritas E. fides in illud testimonium resolvi non poterit; At hæc ipsissima tamen est Pontificiorum doctrina, Bellarm. l. 3. de verbo Dei, c. 10. resp. ad arg. 13. *non sumus certò quid Deus revelaverit nisi ex testimonio Ecclesiæ*: unde manifeste sequitur revelationem divinam non credi propter se ipsam, sed propter Ecclesiæ testimonium. sic lib. 6. de lib. arb. c. 3. *credunt Catholici id quod credunt quia Deus revelavit, Deum autem revelasse credunt, quoniam Ecclesiam ita dicentem vel declarantem audiunt*, at hoc si verum est, Ecclesia erit propriè dicta causa credendi, non conditio tantum. 2. *Conditio* ad credendum requisita bifariam intelligi potest, Vel ut notet *instrumentum* tantum & ministerium per quod Scripturæ nobis traduntur & explicantur, Vel ut significet *fundamentum* aliquod quod argumenta & motiva suppeditet; Priori sensu si Valentianus *conditionem* intelligit, facile damus rumpi circulum, sed simul etiam abrumpitur consensus cum Pontificiis, qui Ecclesiam non tantum *instrumenti* locum obtinere contendunt, quod & nos facile largimur, sed & *fundamenti*; Si posteriori, quomodo necessariò intelligere debet si sententiæ apud suos receptæ consentanea loquitur, jam Scripturæ non creditur propter se ipsam, sed propter Ecclesiam quod nolebat fateri, & manet semper circulus. 3. frustranea est distinctio *causæ fidei secundum se* & *causæ acceptationis fidei*, nam quod fundat fidem secundum se, idem etiam aptum natum est ex se fundare acceptationem fidei, quia nulla dari potest fides in subiecto quæ eo ipso non acceptetur ab eo; Itaque si revelatio divina est causa fidei secundum se debet etiam esse causa acceptationis; 4. meræ hic sunt ambages & captiones verborum, dicunt Scripturæ auctoritatem credi debere propter revelationem divinam, attamen nec docent, nec docere possunt ubinam sit illa revelatio; Nam vel est ipsa Scriptura, vel alia quædam revelatio extra Scripturam in traditione aliqua non scripta; Si est ipsa Scriptura jam habemus quod volumus scilicet Scripturæ auctoritatem per ipsam Scripturam sufficienter manifestari, & propter ipsam Scripturam credendam esse,



## De CIRCULO PONTIFICIO.

Si est traditio quædam, eadem quæstio recurret de ea unde constet esse divinam nec enim ex Scriptura, nec ex traditione ipsa, nec ex alia sciri poterit, quia quæstio semper redibit & sic in infinitum, quæ difficultas ita Valentianum trinxit ut coactus sit manus dare & nobiscum fateri revelationem divinam solum credi propter se ipsam sine alia revelatione, sed etiam revelare se; & divinam suam auctoritatem nobis manifestare, *fides*, inquit, tom. 3. l. 1. q. 1. p. 1. §. 5. *præbet assensum revelationi ut revelata non per aliam revelationem sed per se ipsam* 5. si in revelatione divina sistendum sit, non opus erit ad testimonium Ecclesiæ progredi; at hoc præcipuum est sententiæ adversariorum argumentum, ut jamjam vidimus, dum profitentur non posse certo sciri quid revelaverit, seu hanc aut illam revelationem esse divinam nisi ex Ecclesiæ testimonio.

II. Alii respondent non servari hîc eandem viam: nam Verbi auctoritas credi propter Ecclesiæ testificationem infallibilem, tanquam propter aliquid aliud nobis, & rursus Ecclesiæ infallibilitatem in testando credi propter Verbi auctoritatem, tanquam propter aliquid prius & notius naturâ. Sic *Malderus* Episc. verp. in 2<sup>am</sup> 2<sup>æ</sup> q. 1. art. 1. Quò respicit etiam trita inter eos distinctio *Authentici quoad se & quoad nos*: Scripturam quidem auctoritatem non habere quoad nos, sed quoad nos ab Ecclesia. Resp. Sed ut jam non excutiamus penitus distinctionem illam quam identidem reponere solent, satis esto notare vanam esse rationem incommodam, quia cum auctoritas sit *ex se* & non *ex alio* absolute spectari non debet ita quicquid dat auctoritatem alicui rei quoad se, dat illi etiam quoad nos vicissim, si E. Verbum habet quoad se auctoritatem sine Ecclesia, debet & illam obtinere quoad nos sine ipsa, si verò illam obtinet quoad nos ab Ecclesia, patet & quoad se: motivum enim propter quod adducor ad credendum Verbo, est quod ipsi Verbo quamcumque in se habet conciliat auctoritatem. 2. non solvi non potest prædicto effugio; nam facile concedimus ubi fit processus ab effectui ad causam, quod notius est nobis, ad id quod notius est naturâ & vice versa, & ab effectu ad causam & vice versa à causa ad effectum variari cognitionis rationem, & sic esse propriè dictum circulum, nam notitia quæ priori processu acquiritur est causa & imperfecta, alia verò quæ posteriori comparatur est distincta; Verum aliter se res habet, nulla enim est notitiæ variatio in Circulo Pontificio, nam cognoscunt ex Ecclesiæ infallibili testimonio cognitione certa & fidei divinæ auctoritatem; ita ex Verbo cognoscunt vicissim Ecclesiæ infallibilitatem a fidei divinæ, eadem utrobique fides est, eadem cognitio. 3. supponitur propter Ecclesiam credi Scripturæ, cum uti diximus sit instrumentum & non tantum ad fidem, non argumentum, & per eam non propter eam credatur; Vel si motivi rationem aliquando induit, est tantum motivum secundarium & minus principale quod fidem in credente illustrare quoad antequam potest, fundare in infideli. 4. si Ecclesiæ infallibilitas est nobis notior auctoritate Verbi, bi,



bi, ita ut propter illam credatur Verbi autoritas, E. credi debet ante Verbi auctoritatem, vel E. creditur *fide divinâ & infusâ*, vel *fide acquisitâ & humanâ*; non *fide divinâ*, quia nulla datur talis fides quæ non nitatur verbo Dei ut ipsimet fiantur; si *acquisita*, non potest idoneum esse fundamentum illius actus fidei divinæ quo Verbi Dei autoritas creditur, quicquid enim est fidei Divinæ fundamentum, illud ipsum fide firma & infallibili credi debet.

XI. 5. Duplex potest dari *cognitio*; alia *confusa*, alia *distincta & certa*: Ecclesia potest *notior nobis* esse Verbo *cognitione confusa*, quatenus primò in sensus incurrit, & Verbum ipsum adhuc ignotum instar Praconis & Interpretis nobis proponit & commendat; atque ita non negamus testimonium Ecclesiæ posse *medium esse* *εισαγωγικόν* & *ministerium* ad Scripturæ auctoritatem credendam; Caterùm licet hoc pacto possit præparare & manuducere ad fidem, non potest tamen fidem ipsam ingenerare, vel fides illa erit tantùm humana & fallibilis pro ratione fundamenti sui; quomodo Samaritana mulier se habuit ad concives suos Christo initiandos, non fundando ipsorum fidem, sed tantùm excitando & ad ipsum manuducendo, unde ipsi profitentur se non propter verbum ipsius credere, sed propter sermones Christi, quia audiverant & viderant ipsi Joan. IV. 42. Sed si agitur de *cognitione certâ & distinctâ* quæ fundare debet fidem non humanam & probabilem, sed certam & divinam, de qua hîc disceptamus, negamus Ecclesiam notior nobis esse Verbo, quia ex ipso Verbo tantùm talis *distincta* Ecclesiæ cognitio peti potest; hætenus ergo fallunt & falluntur Adversarii qui Circulum declinaturi miserum hoc subterfugium quærunt.

XII. III. Sunt qui ut ratiocinationem suam à Circulo vindicent, excipiunt, tum demum Circulum esse quando consequens ex antecedente illatum, nullâ alia præterquam antecedentis notitiâ fultum & probatum, mox ad sui antecedentis probationem assumitur, secus vero esse quando consequens aliunde magis cognitum quàm ex antecedente ad suum antecedens probandum assumitur; hoc verò in præsentî quæstione occurrere, quando enim propter Ecclesiæ testimonium creditur Scripturæ autoritas, tum Ecclesiæ infallibilitatem non credi ex ipsius Scripturæ auctoritate, sed ex *communibus fidei motivis*. Sic quando propter Scripturæ testimonium creditur Ecclesiæ infallibilitas, Scripturam tunc non spectari præcisè prout ex infallibili Ecclesiæ testimonio discitur, sed prout ex communibus fidei motivis suadetur ejus autoritas; sic *Greiserus* ratiocinatur in tractat. de agnosc. Script. c. 4. & cum eo *Tannerus* disp. de fide; spe & charit. thes. 80. hoc ipsum latibulum quæsit etiam Cardinalis *Richelius* in tractat. Gallico de convertendis iis qui ab Ecclesia secessionem fecerunt lib. I. c. 10. Ecclesiæ, inquit, cognitio non pendet necessario à Scriptura, potest enim Ecclesia cognosci sine scriptura, quod patet ex eo quod à fidelibus agnita sit à creatione usque ad Moysen qui primum verbum Dei scriptis consignavit, & à primis Christianis antequam Apostoli, eorumque discipuli Evangelium & libros N. T. conscripserint, ita cum cognitio Ecclesiæ non



pendeat necessario à scriptura, quamvis infallibiliter scriptura cognosci non possit nisi ex Ecclesia, non incurritur in Circulum vitiosum qui idem per se ipsum probat, &c. Quod si urgeas quomodo nunc Ecclesia sine Scriptura cognosci possit, regent Ecclesiam Roman. pro vera Ecclesia cognosci, 1. quia nunquam hactenus legitime falsitatis convinci potuit. 2. quia eas omnes notas & characteres obtinet quos ex lumine naturali veræ Ecclesiæ competere debere cognoscimus: puta *Antiquitatem*, *perpetuitatem*, *visibilitatem* & alias id genus notas ex quibus ratio iudicat de veritate alicujus Ecclesiæ; unde cum omnes in Ecclesia Rom. deprehendantur, ex eo sufficienter cognosci etiam sine scriptura veram esse Ecclesiam.

XIII. Quamvis verò mirè sibi plaudant Adversarii in hoc commento, non difficile est tamen ejus absurditatem ostendere. 1. Quod supponitur Verbi auctoritatem aliunde quàm ab Ecclesiæ testimonio cognosci ipsorum hypothesi aperte repugnat: Nam si revera credunt ut passim profitentur Verbi auctoritatem non posse credi certò aut cognosci, nisi ex infallibili Ecclesiæ testimonio, quomodo statuere possunt eam nobis aliunde innotescere, nisi à recepta sententia recedant? fatemur quidem & agnoscimus Verbum aliunde quàm ab Ecclesia probari à propriis scilicet & insitis notis & characteribus suis, quos si per communia fidei motiva intelligunt, habebunt nos consentientes; sed eo ipso testimonii Ecclesiæ necessitas cadit: 2. *motiva illa communia* quibus fidem niti volunt vel certa sunt, vel non, si certa corrumpit principium papisticum nulla media sufficere ad fidem scripturæ nisi accedat infallibilis Ecclesiæ testificatio ut antea diximus, si non certa ut ipsi non diffidentur qui fidem hanc non divinam esse, sed conjecturalem & fallibilem & ut ipsi loquuntur *assensum prudentia prava* agnoscunt, frustra sunt, qui per ea certi aliquid quærunt; nam fundamentum fidei certæ & infallibilis debet & in se certum esse & à nobis certò cognosci & credi.

XIV. 3. Dico falsissimum esse vel Ecclesiæ veritatem vel infallibilitatem aliunde certò & verè cognosci posse quàm ex verbo. Rationes sunt. 1. quia Ecclesia in verbo fundatur & ab eo specificum esse suum obtinet; nulla enim Ecclesia sine vocatione, nulla vocatio nisi ex verbo Eph. 1. 1. 20. 2. *fides est ex auditu*, Rom. x. 14. auditus ex verbo E. vel non credi potest & cognosci fide divina Ecclesiæ veritas, vel teneri debet ex Verbo. 3. tutissimus & certissimus modus Ecclesiam investigandi est procul dubio per notas & proprietates Ecclesiæ, At vel per Ecclesiam vel per communia motiva, vel per Scripturam nobis manifestantur notæ Ecclesiæ, & de eis infallibiliter certi reddimur: Non per Ecclesiam quia de Ecclesia ipsa quæritur, & notam oportet esse aliunde notam quàm à re cuius est nota, præterquam quod vera Ecclesia iis qui eam investigant adhuc est ignota: non per communia motiva, quia siue certa siue incerta dicantur, utrobique difficultas est ut jamjam diximus: deinde si hujusmodi motiva per se



sufficiunt ad certitudinem fidei habendam de veritate Ecclesiæ, cur non etiam per se sufficiant ad habendam certitudinem fidei de authoritate Scripturæ? & contra si hæc per se & absque infallibili testimonio Ecclesiæ non sufficiunt ad certitudinem fidei habendam de Scripturæ authoritate, tunc neque per se sufficiunt ad certitudinem fidei habendam de Ecclesia. Tertiò motiva illa vel petuntur à ratione & lumine naturali, vel à lumine revelato in verbo. si ab hoc, coincidunt cum Scriptura; si ab illo, Ergo vel non fundabunt fidem divinam quæ tamen hic quæritur, vel fides erit ex ratione, & non ex verbo contra Paulum Rom. x. 14. Superest E. ut à Scriptura sola pendeat certitudo fidei nostræ de Ecclesiæ veritate, ut clarè à solo verbo peti possunt veræ & genuinæ notæ & proprietates Ecclesiæ, quod autem de Ecclesiæ veritate dicitur, idem & de ejus infallibilitate dicendum. Quomodo enim extra Verbum cognosceretur, cum tota à Verbo pendeat & in eo fundetur? 4. Patres adstipulantur. Aug. ep. 166. *In scripturis didicimus Ecclesiam & lib. de unit. Ecclesiæ c. 3. Non humanis documentis, sed divinis oraculis Ecclesia demonstratur, & cap. 10. utrum ipsi scil. Donatistæ Ecclesiam teneant, non nisi de divinarum scripturarum testimoniis ostendant. Author operis imperf. homil. 50. qui E. vult cognoscere veram Christi Ecclesiam, unde cognoscat, nisi tantummodo per scripturas?* 5. Adversarii ipsi consentientur Staplet. tom. 1. princip. doctr. cap. 24. *dicimus ergo & libentissime dicimus cum August. in scripturis quarendam esse Ecclesiam, id est quæ sint Notæ, dotes, & proprietates Ecclesiæ, ex Sacra Scriptura oraculis, non ex humanis documentis investigandum esse.* Becanus in apolog. pro Jud. controver. cap. 3. 5. 6. & 7. admittit hanc propositionem tanquam veram, *sola scriptura primariò & infallibiliter terminat & definit questionem de Ecclesia per modum normæ.* Driedo Lovani. libr. 2. de dogm. Ecclesiæ cap. 3. in solut. art. 4. *fides, inquit, non amplius ex personis probanda venit, sed ex sua fide probantur personæ sicuti ex Scripturis sacris cognoscitur ea quæ nunc est Ecclesia.* Nec aliud sibi vult ordinaria Pontificiorum praxis, qui cum urgentur à nobis circa veritatem & infallibilitatem Ecclesiæ suæ, unde scil. credant Ecclesiam suam infallibilem esse, illico nos ad scripturam amandant & illustres promissiones quæ Ecclesiæ fiunt, vel elogia, quæ illi ibidem tribuuntur, subinde regerunt, quod non facerent procul dubio, nisi fidem infallibilitatis Ecclesiæ non aliunde quàm ex Verbo certò peti posse arbitrarentur.

XV. Neque hilum proficiunt Rationes Cardinalis: Prima enim pueriliter confundit *Scripturam materialiter & formaliter consideratam*, id. vel quoad substantiam doctrinæ, vel quoad accidens scriptionis: Sanè non diffitemur Ecclesiam fuisse cognitam sine Scriptura *formaliter* spectata, & quoad accidens scriptionis, si quidem per bis mille annos & amplius Ecclesia caruit verbo *εγγεγραμμένη*: Sed negamus cognitam fuisse sine Scriptura *materialiter* id. sine Dei verbo. Quod semper & ubi que unicum fuit Ecclesiæ fundamentum: idem enim Verbum, quod scriptis consignari voluit Dominus ad præcavendas Diaboli fraudes & hominum,



corruptelas, jam antea viva voce traditum Patriarchis fuerat in visionibus & somniis, & aliis revelationis modis, *πλουμερῶς καὶ πλουτοπῶς*, Heb. i. i. Christiani verò etsi non haberent ab initio N. T. scriptum, habuerunt tamen Vetus quod perfectum fuit & sufficiens in suo genere, 2. Tim. i. i. 15. Secunda Ratio absurdè petit principium & supponit quod probandum erat, Ecclesiam scilicet ejusque notas ex lumine naturali certò innotescere posse; quod antea falsum esse demonstravimus, quia ex Verbo solo propriæ notæ & characteres Ecclesiæ peti possunt; Taceo quod pro veris notis eas nobis obtrudit quæ verè sunt nothæ & adulterinæ, ut *antiquitatem, visibilitatem*, &c. quæ nec soli Ecclesiæ, nec toti, nec semper conveniunt; Taceo quod hîc sophisticè à non distributo ad distributum ratiocinetur, ab Ecclesia in genere ad Romanam Ecclesiam hodiernam in specie, supponens eam esse veram Ecclesiam, quod nec concedere possumus, nec in æternum sunt probaturi: Nam quod ita præfidenter gloriatur suam Romanam Ecclesiam veram esse, quia nunquam falsi convinci potuit, in eo vel ignorantiam crassam prodit, vel impudentiam; quot enim & quanta Orthodoxorum volumina centum abhinc annis prodire, quæ luce meridiana clariùs demonstrarunt Ecclesiam Romanam sæpius errasse, & in eo statu quo res sunt, nec esse, nec haberi posse pro vera Christi Ecclesia: Et vel hoc solo argumento probari facillè potest: Nam quæ Ecclesia doctrinam salutarem à Christo traditam non retinet, illa vera non potest esse Christi Ecclesia. At Ecclesia Romana talis est. E. Minor quæ procul dubio negabitur ab ipsis, facillè, cùm ad Examen Doctrinæ deventum erit, probabitur.

XVI. IV. Alii distinguunt *inter formale objectum fidei & fidei regulam*, fidem, quâ credunt Ecclesiæ infallibilitatem, nisi verbi Dei autoritate tanquam formali fidei objecto, fidem verò, quâ credunt verbi Dei autoritatem, nisi Ecclesiæ infallibili testimonio, non tanquam *objecto formali*, sed tanquam *regulâ fidei*, ideoque Circulum non esse formalem seu per eandem viam. Resp. Sed neque hac ratione evadere possunt, quod facillè patebit si terminos distinctionis attendamus, & quid per *objectum*, quid item per *regulam* fidei intelligendum sit: duplex ergo *objectum fidei* statuitur, *materiale* unum, alterum *formale*. *Materiale* est id quod credimus & per quod respondemus ad quæstionem *quid credis?* *Formale* est id propter quod credimus & per quod respondemus ad quæstionem *cur credis?* v.g. ea omnia quæ in Verbo Dei credenda proponuntur, ut Creatio mundi, providentia, redemptio, &c. sunt materiale fidei objectum, sunt enim id quod credimus, & per ea respondetur ad quæstionem *quid credis?* sed autoritas verbi est formale objectum fidei nostræ, quia est ratio formalis propter quam credimus omnia alia, & quæ non creditur propter aliud, sed propter se; Jam *Regula fidei* diversum quid sonat ab utroque; nam nec est simpliciter objectum materiale sigillatim consideratum & in specie, nec est formale seu ratio propter quam credimus, sed dicit systema & collectionem omnium credendorum, seu principium



pium secundum quod credere debemus; ita differt ab objecto formali diversimode. 1. *regula fidei* se habet ad modum *causæ exemplaris*, quam fides in omnibus sequi & cui se conformare debet; at *formale objectum* habet rationem *causæ obiectivæ* seu fundamenti propter quod principaliter & formaliter credimus. 2. *regula fidei* limitat & determinat eam latitudinem & extensionem quam fides habet in ordine ad objecta materialia, dum docet quot & quæ credenda sunt, sed *formale objectum* specificat, & fundat assensum fidei. 3. *regula fidei* est comprehensio & *συναγωγή* omnium credendorum; sed *formale objectum* est id propter quod & ipsam regulam & omnia quæ in ea credenda proponuntur, fide divina credimus, unde fides nostra non resolvitur in ipsam regulam ultimò, sed in ipsum *formale objectum*.

XVII. Hoc posito vanitas exceptionis patet. 1. recipimus confessionem quam veritas illis extorquet fidem scil. niti autoritate Verbi tanquam formali objecto; nam si hoc bonâ fide profitentur & credunt, ultro manus dare nobis tenentur & causam pontificiam deferere; nam si est *formale objectum*, ergo ultima fidei analysis in Verbi autoritatem terminabitur, non verò in Ecclesiæ infallibile testimonium, quæ tamen recepta est apud adversarios sententia quam hic impugnamus: audiatur Stapletonus lib. 8. princip. doctr. cap. 11. *formalis ratio fidei non est Deus revelans; sed ut sic id est per Ecclesiam*, & in contr. relect. contr. 4. q. 3. art. 2. hanc conclusionem ponit, *tota completa formalis ratio fidei nostra ordinariè loquendo est Deus per Ecclesiam revelans*. Si E credunt formalem rationem, propter quam credimus, esse Deum loquentem per Ecclesiam, perperam dicunt doctores isti verbi autoritatem non niti infallibilitate Ecclesiæ tanquam formali objecto. 2. Et illud vehementer falsum est quod hic supponunt Ecclesiam esse fidei regulam, solum enim Verbum, quod summam omnium credendorum complectitur, est norma illa plena & perfecta cui nihil vel addi debet vel detrahi ut toties à Spiritu S. est præscriptum. Si E. Ecclesia non potest dici regula fidei, non potest verbum credi propter Ecclesiam tanquam propter regulam fidei.

XVIII. V. Quidam confugiunt ad diversos respectus tum personarum tum regularum credendi: nam aliquando esse diversas personas circa diversa errantes, v.g. quum alter Ecclesiæ, alter Scripturæ autoritatem negat, tunc nullum Circulum admitti, si quis illum quidem ex Scriptura quam admittit de Ecclesiæ veritate convincat, & contra adversus hunc Scripturam probet per Ecclesiam de cuius infallibilitate non dubitat: sic Becan. in Tract. de Circulo Calvin. 2. caveri Circulum ex diversis respectibus regularum credendi, quæ ut totidem causæ, sibi que invicem causæ, ex mutua comparatione, magis illustrabiles & per se invicem sunt demonstrabiles, & tunc non esse Circulum, sed regressum talem qualem in diversis generibus causarum probant cum Arist. sapientiores omnes Philosophi. Resp. Sed neutra istarum responsionum difficultatem tollit, non



prima, quia non tantum arguimus adversarios quod circulariter progrediantur contra eos qui vel Scripturæ, vel Ecclesiæ authoritatem negant seorsim, sed etiam in stabilienda sua fide & in reddenda ejus ratione, dum credere se profitentur Scripturæ authoritatem propter Ecclesiæ testimonium, & rursus Ecclesiæ infallibile testimonium propter Scripturam, quamvis utramque admittant & neutram negent. 2. hæc responsio supponit eum qui dubitat vel negat Ecclesiæ infallibilitatem, posse ex Scriptura convinci, sed hoc expressè repugnat hypotheli adversariorum, qui apertè profitentur nullam controversiam sufficienter ex scripturis determinari, & nullum dogma ob scripturæ authoritatem firmiter credi posse, nisi accedat infallibilis Ecclesiæ testificatio & interpretatio: Et sanè si audiantur, nullum fidei fundamentum assignare possunt in quo eorum fides qui de Ecclesiæ infallibilitate dubitant sistere & acquiescere possit; Vel enim erit ipsa Ecclesia, vel Scriptura, vel Traditio non scripta: At neutrum dici potest; Non Ecclesia, quia ejus infallibilitas est id de quo dubitatur; Non Scriptura aut Traditio non scripta, quia harum authoritas & legitimus sensus ab infallibili Ecclesiæ testimonio ex adversariorum sententia necessario pendent, ac proinde nihil ob earum authoritatem simpli. credere possumus, nisi prius credamus Ecclesiam quæ illis testimonium perhibet esse infallibilem; unde patet neque hic habere ipsos ubi pedem figere possint.

XIX. Sed non tutius habent præsidium causæ suæ in vario respectu regularum credendi quæ & sibi mutuò sint causæ & per se invicem demonstrantur. Nam 1. gratis supponitur, quod falsissimum est, dari plures credendi regulas: unica enim potest esse totalis & perfecta; alias si plures dantur neutra erit regula. 2. reciproca demonstratio causarum potest institui in eum finem, ut ex comparatione mutua, non quidem primò & præcipuè utraque probetur à priori, sed ut magis illustrentur tantum, earumque consensus appareat: Sed Pontificii longe aliter progrediuntur: probant Scripturam esse Dei verbum ex Ecclesiæ testimonio, non ut fides jam inchoata magis confirmetur, sed ut scripturæ sua constet authoritas, quæ alioquin ei constare non posset, & rursus ex Scriptura probant Ecclesiæ infallibilitatem, ut Ecclesiæ sua constet authoritas, quæ aliunde sufficienter probari non potest; Ita volunt Scripturæ authoritatem necessario pendere ab Ecclesia, & vice versa Ecclesiæ authoritatem necessario pendere à Scriptura, quod ne imaginando quidem fingi potest, nam sic sequeretur Scripturæ Authoritatem non posse credi nisi prius credatur Ecclesiæ infallibilitas, vicissim Ecclesiæ infallibilitatem non posse credi nisi prius credatur Scripturæ authoritas, quod absurdum est. 3. Regressus Aristotelicus longè differt à Circulo Pontificio: Nam 1. in regressu nova acquiritur cognitio, dum proceditur à cognitione confusa ad distinctam; Sed hic nulla nova accedit: proceditur enim ab authoritate verbi hæc divina credita, ad eandem verbi authoritatem fide divina creditam. 2. in regressu est diversus processus ab effectu ad causam, à causa ad effectum, à demonstratio-



ne  $\epsilon\pi$  ad demonstrationem  $\epsilon\ \delta\acute{o}\pi$ , & vice versa, adeoque non potest idem esse causæ genus: Sed in Circulo Pontificio non est diversus processus, sed ejusdem ordinis & generis, nū. à causa objectiva fidei propter quam credimus, ad eandem causam objectivam: utrobique enim quaritur propter quid vel credatur. Scripturæ autoritas vel Ecclesiæ intallibilitas.

XX. VI. Denique Stapleton. in defensione autoritatis Ecclesiæ lib. 3. c. 3. affirmat nihil esse absurdi si Ecclesiæ autoritas quoad nos ex Scripturæ autoritate pendeat, & rursus Scripturæ autoritas quoad nos ab Ecclesiæ autoritate pendeat, utrumque simul verum esse posse, Ecclesiam mutuare suam autoritatem à Scriptura, & Scripturam itidem suam ab eadem ipsa Ecclesia: quemadmodum videmus Johannem testimonium perhibuisse Christo, & vicissim Christum Johanni, Johannem Evangelistam suo Evangelio, rursus idem Evangelium Johanni, &c. Resp. Sed hic multiplex est hallucinatio. 1. aliud est *testimonium alicui perhibere*, aliud *autoritatem illi conciliare*; nec pro eodem rectè sumitur, testimonium ab aliquo habere, & autoritatem omnem suam ab eodem mutuari; sanè nihil obstat quominus mutuo testimonio commendaret Johannes Christum, & Christus Johannem, sed ut à Johanne suam autoritatem mutuatus sit Christus, id verò falsissimum, Ego, inquit, *ab homine testimonium non capio & habeo testimonium majus testimonio Johannis* Jo. v. 34. 36. Unde Joh. i. 7. dicitur *Johannes venisse ut testimonium perhiberet Luci ut omnes crederent per ipsum*, bene dicitur *di' autē per ipsum*, non *di' autē* propter ipsum quia erat tantum minister qui ducebat ad Christum, non fundamentum & causa formalis fidei in ipsum. 2. confunditur *testimonium necessarium & non necessarium*. *Testimonium necessarium* est. quando nulla certitudo de re testata quoad nos haberi potest, nisi per illud testimonium, seu quando pendet necessario & per se ab illo testimonio. *Testimonium non necessarium* est quod illustrat aut confirmat rem testatam, ita tamen ut res testata sufficienter aliunde certitudinem quoad nos habeat. Duo diversi testes possunt sibi invicem testimonium perhibere seque mutuo commendare, si agatur de testimonio, quod vel ex utraque vel ex altera saltem parte necessarium non est, qualia sunt mutua illa Testimonia Christi de Johanne Baptista, & Johannis Baptiste de Christo, Johannis de suo Evangelio & Evangelii de Johanne: At si loquamur de testimonio necessario; omnino absurdum est & apertam contradictionem implicat dicere duorum testium autoritatem quoad nos per se. & necessario pendere à mutuo eorum de se invicem testimonio, quia sic, ut dicebamus modo, idem se ipso notius erit & ignotius v. g. si Ecclesia perhibeat testimonium quoad nos necessarium omni Dei Verbo, impossibile est ut fide Divinæ credamus hujus autoritatem nisi propter Ecclesiæ testimonium, non possumus autem credere aliquid propter Ecclesiæ testimonium nisi Ecclesia prius apud nos obtineat autoritatem, nam propter quod aliquid scimus aut credimus, id ipsum à nobis prius sciri & credi oportet, nulla enim ab ignotis fit legitima.



probatio: Jam si Scriptura perhibet testimonium necessarium quoad nos de Ecclesia, impossibile est ut credamus Ecclesiae infallibilitatem nisi propter testimonium Scripturae, non possumus autem aliquid credere propter Scripturae auctoritatem, nisi Scriptura prius apud nos suam obtineat auctoritatem: ita quaecunque in formam se vertant irretiti semper tenentur, nec in æternum se liberare poterunt ab inextricabili isto labyrintho: Unde patet quid statuendum de Religione illa quæ nullum fundamentum & principium fidei cui nitatur, & in quod resolvatur, assignare potest.

XXI. Sed fortè quod aliis objicimus crimen ejus manifesti tenemur: hoc certè non semel ab Adversariis nobis impactum, unde *Becanus* & alii *Circulum* etiam *Calvinisticum* sunt commenti, quem mirè exagitare solent. Videamus ergo quo jure: Scilicet objiciunt Nos *Scripturam ex Spiritu*, & rursus *Spiritum ex Scripturâ* probare, atque hoc fieri non posse sine Circulari progressu, quia ut Scriptura creditur esse Dei verbum ex interno Spiritus testimonio, ita Spiritus testimonium credi propter Scripturam, in qua Spiritus S. credentibus est promissus. Sic *Becanus* in Opusculo de Circulo Calvinistico. sect. 6. & *Greiser*, in Tractatu de Agnosc. Script. c. 4. Verùm quàm turpiter hic hallucinentur sola sententiarum nostrarum declaratio abundè docebit. Primò distinguendum censent accuratè Orthodoxi inter *Causam efficientem* per quam credimus, & *objectivam* propter quam credimus, inter *principium* ἐνεργῆζον quod fidem alicujus veritatis effectivè ingenerat, & *motivum* seu argumentum quod objectivè ad eam fidem adhibendam nos movet & excitat: Ut si de charitate quæstio sit, aliud est loqui de causa ejus efficiente per quam producit, aliud de motivis quibus excitatur. causa efficiens unica & principalis est Spiritus S., motiva sunt argumenta illa varia quæ in Scriptura nobis exhibentur amoris ineffabilis quem Deus testatus est nobis in filio; Ita de fide pariter ratiocinari debemus, in hoc potissimum argumento, *Causa efficiens* nostræ fidei alia dari non potest præter Spiritum sine quo nec velle aut perficere, imò ne cogitare quidem possumus; Neque dissentent ipsi adversarii, qui Spiritum ad fidem ingenerandam necessarium agnoscunt, ut *Stapletonus* sæpè testatur contra *Wihak*, injuriamque sibi fieri ab eo queritur, quasi hoc negaret; Sed *causa objectiva* propter quam credimus est *Verbum ipsum* cum notis, seu potius criteria illa cœlestia & radii divinitatis qui in Verbo fulgent, & propriâ sua ac inlita luce, majestate ac splendore se ipsos probant, quemadmodum sol propria ac nativa luce se ipsum demonstrat; Hinc juxta duplex illud fidei principium, duplex etiam quæstio nascitur ad quam diversimodè potest responderi; Nam si quæritur de *causa objectiva* propter quam credimus Scripturæ divinitatem, responderetur esse ipsum Dei Verbum per notas suas infinitas; si verò quæstio est de *causa efficiente* per quam & cujus vi credimus, dicitur esse Spiritus S. qui virtutem credendi nobis indit, atque ita verissime dicimus Scripturam demonstrari ex Spiritu, id est per ejus virtutem & efficaciam, quæ fi-



dem ingenerat in animis nostris, quia verò facile quis & se ipsum & alios decipere posset jactando Spiritum illum quem non haberet tamen, ideo ut quis persuadeatur de veritate illius Spiritus debet probari ex Scriptura ipsa, quatenus ipsa varias notas & criteria nobis subministrat, ex quibus dignoscimus an Spiritus ille qui in nobis est verè sit ex Deo necne, an Spiritus Christi an verò mundi; sic Scriptura probat Spiritum non effectivè, sed objectivè per rationes & argumenta quæ in ea elucet.

XXII. Unde jam luculenter colligitur Nos neque in fidei nostræ resolutione progredi in infinitum, neque in Circulo agitari; Nam quoad prius, non potest dari progressus in infinitum, quia sistimus tandem in quodam ultimo credibili quod non propter aliud, sed propter se creditur, nimirum in ipsa S. Scriptura, quæ creditur esse Verbum Dei non propter aliud, sed propter se: Posterius etiam patet, quia diversa quæstio est, quando enim probamus Scripturam ex Spiritu, hoc fit per modum *causæ efficientis*, quando verò probamus Spiritum ex Scriptura, progredimur per viam *causæ objectivæ*. In prima quæstione quæritur qua facultate credamus, sive sub qua dispositione in subjecto seu *per quid* credamus; in altera verò *quo argumento*, sive sub qua formali ratione in subjecto, vel *propter quid* credamus; Quare, cum diversæ sint quæstiones, nunquam petitur principium, vel ab eodem ad idem fit processus, fides enim tandem resolvitur diversimodè in utrumque istud principium, in Scripturam tanquam in *causam objectivam*, seu formale objectum suum & primum credibile, quod Stapletonus vocat *principium doctrinale*; in Spiritum verò tanquam in *causam efficientem* principalem; si quæris unde norimus Scripturam esse divinam id est quâ vi & facultate, respondeo, per Spiritum Sanctum, qui testatur in corde nostro; si instas, unde norimus nos habere Spiritum S. id est, quo argumento, respondeo, ex variis illis characteribus & effectis quæ in Scriptura Spiritui S. tribuuntur, quæ quum in nobis deprehenduntur, inde certò colligimus Spiritum in nobis esse; Si quæras ulterius unde sciamus tales effectus in nobis esse, non jam itur ad Scripturam quæ neminem nominat, sed hærendum in interna visione cordis, & in operatione Spiritus, cujus præsentia non potest aliter demonstrari quàm à posteriori, ut vitam suam homo ex sensu & motu cæterisque vitalibus operationibus bene deprehendit: Si verò ex altera parte quæris unde sciam Scripturam esse *verbum Dei* sive quo argumento & propter quid? respondeo quia Scriptura est Verbum Dei, si instas, unde sciam Scripturam esse Verbum Dei? non dicam jam id cognoscei ex Spiritu, quia Spiritus est causa efficiens tantum, non objectiva, sed ex criteriis & notis cœlestibus quibus insignitur, nec ultra tendimus: nam si quis urgeat denuò unde radios illos & notas perspiciamus, id est quo argumento, respondeo, eum absurdè facere, nihil enim est in hoc ordine argumentorum sive rationum in objecto superius, & rationes rationum perpetuò quærere dementis est, non secus ac rogare qua luce videamus lucem • ita immediate & propter se



in genere causæ objectivæ creditur Verbo, quamvis ad hoc credendum maxime necessaria sit interna illa operatio Spiritus Sancti, qui intellectum efficaciter movet in genere causæ effectivæ, ad credendam Scripturæ autoritatem: quemadmodum assentimur scientiarum principiis propter se, licet ad illum assensum producendum necessarius sit habitus ille mentis qui habitus principiorum & intellectus dicitur; quæ luce meridiana clarius evincunt, male nobis Circulum impingi, quia probamus divinitatem Scripturæ per Spiritum non propter eum, sed veritatem Spiritus probamus ex Scriptura objective, non per eam efficienter.

XXIII. Dices, sed multi tamen ex Orthodoxis videntur ita Testimonium Spiritus contradistinguere Testimonio Ecclesiæ, ut ejusdem ordinis & speciei testimonium intelligant, hoc est in genere causæ objectivæ, non efficientis tantum; Vide *Wubik. contr. 1. q. 3. c. 11. Chamier. lib. 6. cap. 1.* nec aliud sibi vult *Confessio Gall. can. art. 4. hos libros agnoscimus, inquit, esse Canonicos, hoc est, ut fidei nostræ normam & regulam habemus, idque non tantum ex communi Ecclesiæ consensu, sed etiam multo magis ex testimonio & intrinseca Spiritus S. persuasione, quo suggerente docemur illos ab aliis libris Ecclesiasticis discernere, qui ut sunt utiles, non sunt tamen ejusmodi ut ex eis constitui possit aliquis articulus fidei.* Respondeo 1. Si sint qui opponere voluerint Spiritus testimonium internum seu vim illam vorticordiam quæ efficaciter in nobis producit fidem testimonio Ecclesiæ quasi ejusdem ordinis & speciei, minus accuratè omnino locuti sunt, siquidem non quæritur hic inter nos & Pontificios, An testimonium Spiritus sive vis ejus & efficacia requiratur ad cognoscendam & probandam Scripturæ divinitatem, hoc enim ultro largiuntur nobis Pontificii, nec negare quisquam potest, nisi in castra Pelagii aperte transire voluerit; Sed tantum An Ecclesiæ testimonium sit medium & motivum illud præcipuum & infallibile propter quod Scripturæ credimus, An verò aliud quodpiam magis principale requiratur? Itaque qui multum operæ collocant in corrogandis Scripturæ locis & argumentis quibus probent Spiritum hic necessariò intercedere debere, non videntur præcipuum questionis cardinem attigisse, qui non in eo positus erat, An Spiritus opera necessaria esset ad credendum; Sed an Spiritus ad persuadendam hanc autoritatem uteretur vel testimonio Ecclesiæ tantum, vel primariò, quod contendunt Pontificii, an potius rationibus ex Verbo petitis, quod volunt Orthodoxi, 2. Testimonium Spiritus vel late sumitur vel stricte; stricte prout notat tantum vim illam divinam quæ efficaciter producit in nobis fidem: late quatenus cum virtute illa efficaci conjungitur ratio & motivum quo utitur ad persuadendos animos nostros de rei alicujus veritate; priori modo induit tantum notionem cause efficientis per quam credimus; posteriori etiam objective, quæ duo quia semper in hoc testimonio Spiritus connectuntur, siquidem non aliò tendit ejus operatio in nobis quam ut patenter applicet mentibus nostris veritatem coelestem in Verbo traditam, adeoque



que radios illos in ea circumfulgentes majestatis, sublimitatis, efficaciar, veritatis, sanctitatis, &c. alte imprimat, hinc factum ut nonnulli in Spiritus testimonio utramque illam *αὐτῶν* conjunxerint tum objectivam tum efficientem: Atque hoc sensu Confessio Gallicana intelligenda est, cum ait *non tantum ex communi Ecclesie consensu, sed etiam multo magis ex testimonio & intrinseca persuasione Spiritus sancti libros sacros agnosci Canonicos*; nam per Spiritus testimonium non intelligit tantum vim efficacem quam fides efficienter producit, sed proprie rationem & motivum verbi quo utitur Spiritus ad persuadendum hanc veritatem, scilicet doctrinam ipsam cœlestem cordibus applicatam per Spiritum, oppositæ ad rationem naturalem & sensum ac judicium humanum quod plane in istis mysteriis dignoscendis cæcum est 1. Corinth. 11. 14. Quando verò *strictè* testimonium Spiritus sumitur pro ea efficacia gratiæ quæ se tenet *ex parte subjecti* seu potentiæ intellectivæ, quæ habilis & apta redditur ad ea percipienda quæ proponuntur & quæ posita est in infusione habitus fidei, & collatione auxilii specialis ad credendum necessarij, tunc habet tantum rationem causæ efficientis, non objectivæ, nec bene contradistinguitur testimonio Ecclesiæ.

XXIV. Antequam finis sit, breviter diluenda est criminatio duplex, quæ vulgò gravari solet doctrina Orthodoxa circa hunc Spiritum 1. quod sit *fanaticus* & *Anabaptisticus* 2. quod sit *privatus*. Nam prius illud vehementer falsum est & calumniosum, quippe fanatici Spiritum divellunt à Scriptura, & indulgent revelationibus quibusdam extraordinariis & *ἐκθυσιασμοῖς*: At Spiritus istud testimonium quo contendimus persuaderi nobis Scripturæ divinitatem, non infert novam aliquam & extraordinariam revelationem immediatè à Spiritu S. profectam sine Verbo; imò nihil aliud est quam revelationis in ipsa Scriptura factæ ex parte objecti potens & efficax applicatio & impressio: ita ut neq; Spiritus sine Scriptura, nec Scriptura sine Spiritu hic veniant attendenda, sed indivulso nexu conjungenda sint ex fœdere Dei, 11. 29. *Verbum quod posui in ore tuo & Spiritus qui est in te non recedent, &c.* Verbum proponitur extrinsecus, Spiritus intus operatur, Verbum movet & suadet, Spiritus permovet & persuadet, illud est instar seminis in terram projecti, iste instar virtutis vivificæ quæ radicatur in nobis & germinat: Nec aliud innuit Christus Joh. xvi. 14. cum ait Spiritum de suo accepturum, *de meo accipiet*, inquit, *& annuntiabit vobis*, ut enim Spiritus S. operatio quatenus est *Paracletus* & Consolator non aliò tendit, quam ad applicationem beneficiorum Christi: ita non aliò refertur ejus testimonium quatenus est *Doctor veritatis* quam ad ob signationem doctrinæ ipsius in Evangelio traditæ. Cum ergo Spiritus de quo loquimur à Scriptura nunquam aberret, sed ad Scripturam ducat, & in ea explicanda totus occupetur, patet non sine insigni calumnia Anabaptisticum & fanaticum dici.

XXV. Sed non minori injuria *privatus* & proprius dicitur, ut Stapleton. *privatum* superbix Spiritum à nobis jactari clamat, & alii subinde oggerunt nos con-



tra Petrum 2<sup>o</sup> cap. 1. 20. Prophetiam facere *ιδίαι* *ἐπιλύσεως*. Resp. Privatus enim Spiritus bifariam dici potest vel *originaliter* vel *subjectivè*, vel ratione principii à quo oritur, vel ratione *subjecti* & potentiae cui inhaeret, vel pro genio & arbitrio cujusque, vel pro Dei dono singulis fidelibus proprio. Posteriori sensu damus Spiritum proprium & privatum dici posse, quia singulis credentibus datur & in iis manet; Sed priori nequaquam, quia non à nobis oritur privatim, sed dispensatur communiter à Christo toti Ecclesiae, nec enim spiritum jactamus qui proprius sit foetus liberi nostri arbitrii, sed qui Christi singulare donum est: Ut ergo solem malè privatum dixeris quia neminem illuminare potest qui non intus apud se recipiat ejus lumen, ita non meliori jure spiritum nobis omnibus à Christo datum ad nos illuminandos privatum vocabis, quia non extrinsecus tantum afficere, sed in unoquoque fidelium sedem suam eligere debet: Idem de fide statuendum est, nam licet fides *subjectivè* considerata, & quā creditur propria sit uniuscujusque, quia justus fide sua non aliena vivit; tamen fides *objectivè* seu quae creditur communis est omnium, eadem enim Veritas coelestis, idem Verbum utrobique fidem nostram fundat quod ab omnibus fidelibus ex æquo recipitur. Nec aliò pertinet locus Petri supra citatus. Hoc primò scientes quod omnis prophetia Scripturae *ιδίαι* *ἐπιλύσεων* & *γίνεται*; Nam sive *ἐπιλύσειν* per impulsum & afflatum exponamus quod Calvino nostro magis placuit, sive reddamus per interpretationem & expositionem quae communior est sententia *ἀπὸ τοῦ* *ἐπιλύειν* quod dissolvere & explicare significat, & τῷ *ῥῆμα* Hebraeorum non rarò respondet, nihil erit quod Pontificiorum causa faveat; *ιδίαι* enim hæc *ἐπιλύσεις* qualiscunque sit non *subjectivè* est intelligenda, sed *originaliter*, scilicet pro privato hominis arbitrio & mente, per oppositionem ad supernaturalem gratiam & adventitium Spiritus S. donum; in eo enim est Petrus ut doceat fideles veram & certam Scripturae Propheticae explanationem de qua in vers. præced. egerat, eam scil. non pendere ab hominis legentis arbitrio & sensu quando aliquid de suo infert in Scripturam, sed ex gratuita Spiritus S. revelatione; privatam itaque & ex proprii cerebri sigmento depromptam interpretationem locum hic non habere, sed publicam & divinam quae ex ipso verbo hauriatur, & ipsis scripturis ut ita dicam sit *ἀντιφώνη* & intrinseca. Quod confirmat à pari vers. 21. unico scil. autore Prophetiae, quomodo enim primò proposita fuit Prophetia, eodem etiam exponi debet, idem qui author fuit, solus potest esse optimus & legitimus verborum suorum interpretes; solus autem Spiritus Verbum nobis tradidit, Non enim, inquit, *liberum hominis allata est Prophetia, sed Spiritu S. acti locuti sum Dei viri*. Ita quod in vers. præced. dixerat *ιδίαν* *ἐπιλύσειν*, in hoc vocat *ἑλθὺν* *ἀνθρώπων* voluntatem seu libitum hominis non tantum qui in homine sit; sed qui ab ejus arbitrio oriatur: hoc sensu bene asserit Petrus & nos cum ipso nec *ιδίαν* *ἐπιλύσειν*, nec Spiritum privatum in mysteriorum fidei tractationem inferendum esse; Cæterum non negat Spiritum S. qui loquitur omnibus in verbo, privatim etiam singulis fidelibus



in corde de ejus veritate & divinitate testari; aliàs nec Johannes dicere potuisset 1<sup>a</sup> C. v. 6. Spiritum testari quod Spiritus est veritas, nec Paulus 1. Cor. 11. 12. Spiritum datum esse nobis ut cognoscamus ea qua nobis data sunt à Deo. Observandum tantùm testimonium hoc internum Spiritus cùm sit *practica & privata discretionis*, non *authoritatis publica*, non posse urgeri in ordine ad alios, sed tantùm in ordine ad nos ipsos, nec inservire ad *aliorum convictionem*, sed ad *persuasionem propriam*, nam qui mihi sufficit ad plenam verbo fidem faciendam, quia eum novi & in me sentio, nec fallax potest esse ejus operatio; frustra adhiberetur erga alios qui eum in me nec vident nec agnoscunt, nisi eadem vis in-  
tus eos afficiat, & argumenta in verbo latentia potenter animis insinuando efficaciter persuadeat. Hactenus ergo conclusum esto & Spiritum & Verbum in hoc negotio à nobis bene conjungi, & bene alterum ex altero probari, nec tamen nili injustissimè Circulum nobis impingi.

## COROLLARIA RESPONDENTIS.

I. *An aliquis detur Controversiarum supremus & infallibilis Judex præter Spiritum S. in Scripturâ loquentem?* N. contra Pontificios.

II. *An detur Scientia quadam media in Deo, aut Decretum conditionatum?* N. contra Socinianos & Remonstrantes.

III. *An voluntas qua vulgò signi & ea qua beneplaciti dicitur inter se pugnem?* N. imò nulla est voluntas signi qua non sit etiam sano sensu beneplaciti.

IV. *An Jus Dei bene distinguatur in Naturale & Positivum, ita ut quadam bona sint quia Deus vult, quadam Deus velit quia bona sunt?* Aff.

V. *An quia Deus non otiosâ sed efficaci permissione & directione concurrat ad malâ hominum actiones possit dici concurrere etiam effectivè & peccati author & causa proinde censerî?* N. contra Pontificios & alios qui perperam & per insignem calumniam hac blasphemiam, quam toto pectore execramur, sententiam nostram gravare solent.

VI. *An fides imputetur in justitiam?* D.

VII. *An fides justificans & temporaria gradu tantùm & duratione, an non etiam specificè & essentialiter distinguantur?* N. prius. Aff. post.



# EXERCITATIO THEOLOGICA TEXTUALIS

D E

## CONCORDIA PAULI ET JACOBI IN ARTICULO JUSTIFICATIONIS.

*Respondente ABRAHAMO PELEO Viviacenst.*

### THESIS PRIMA.



UM nullum in momentosissimo *Justificationis* Articulo & gravissimâ quæ nobis super hoc cum Pontificiis intercedit Controversiâ, plausibilis pro *Justificatione* operum argumentum occurrat celebri Jacobi loco c. 11. nullum certè vel frequentius vel acrius urgeri ab Adversariis soleat; operæ pretium aliquod facturos Nos sumus arbitrati, si paulò accuratius velitatione hac Academicâ in illum locum inquirentes, neque ipsum Sophistis ullatenus favere, nec quicquam à verâ & genuinâ *Justificationis* gratuitæ doctrinâ à Paulo traditâ alienum continere cum bono Deo demonstraverimus.

II. Ut ergo commodè disquisitio hæc institui possit, primò Difficultas ipsa proponenda est, tunc expendendi varii vel solutionis vel conciliationis modi. Difficultas per se patet; nam cum Paulus passim in Epistolis suis *Justificationem* fidei sine operibus tribuere soleat ut Rom. 11. 28. Gal. 11. 16. Eph. 11. 8. 9. Jacobus tamen expressè illam transcribit operibus c. 11. 14. *Videtur E. quod homo justificatur ex operibus & non ex fide solum*: Neque in theli tantùm hæc *ἀντιλογία* videtur occurrere, sed & in hypothesi respectu Abrahami credentium Patris, nam quod Paulus constanter de eo prædicat fuisse ipsum sola fide & non operibus justificatum Rom. 14. 2. 3. juxta priscum Oraculum *credidit Abraham Deo & illi imputatum est ad Justitiam*; hoc ipsum aperte negare videtur Jacobus c. 11. 21. *Abraham Pater noster nonne ex operibus Justificatus est oblato filio suo Isaac supra altare?* unde statuendum videtur, vel Jacobum repugnare Paulo, vel Paulum non ita præfractè *Justificationem* fidei tribuere, quin possit etiam & debeat operibus tribui ex Jacobo quod vellent Pontificii.

III. Hæc



III. Hæc sanè prima fronte planè ἀποφαντα videntur nisi accedatur ad sententiam Adversariorum: Sed videntur tantùm, nihil enim tale esse reipsa jam sumus clarissimè ostensuri. Non nos equidem latet quosdam vel propter unum hunc locum totam Jacobi Epistolam ex Canone expungere voluisse, & ad libros Apocryphos referre, quasi non posset ullatenus Jacobus cum Paulo & reliquâ Scripturâ in negotio Justificationis conciliari, quâ in sententiâ fuerunt *Centuriatores Magdeburgenses Cent. 1. lib. 2. c. 4.* post *Lutherum* Magistrum suum, quem in primo certaminis cum Pontificiis fervore iniquiorem fuisse huic scripto constat; negavit enim esse Epistolam verè Apostolicam; imo eo usque processit ut *Stramineam* appellaret, non absolutè sed comparatè præ Paulinis, quod tantopere Pontificii exagitarunt, quamvis non durius quàm *Eusebius* multò prius ita sit locutus, & postea re melius perpensâ duriora hæc verba deleverit, & Judicium suum de hac Epistolâ correxerit, ut editiones posteriores Bibliorum Germanicorum testantur; Nec tantùm inter Evangelicos reperti sunt qui de auctoritate hujus Epistolæ dubitarint, fuerunt etiam & inter Pontificios, *Cajetanus* præcipuè qui in eodem luto hæsisse videtur, ut apparet ex indice errorum illius quem *Catharinus* collegit; Utrisque verò prævisse videntur *Eusebius* & *Hieronymus* qui hanc Epistolam jam olim à nonnullis νοθεύουσαν, pro adulterina habitam esse scribunt, *Euseb. lib. 2. histo. Eccles. c. 23. Hieron. in Catal. Script. Ecclesiasticorum.*

IV. Sed hoc est nodum scicare, non solvere, neque istius loci tanta videtur esse difficultas ut cogamur eò devenire, & Epistolam quæ se tot νεμεσιος & in stylo & in doctrinâ verè divinam prædicat propter leves scrupulos statim pro ψευδεπιστολῃ vel saltem libro Apocrypho & dubiæ fidei habere debeamus; facile enim conciliatio institui poterit, siquidem accuratè utriusque Apostoli & scopus & verba expendantur, quod ut clariùs fiat, primò omnium refellendæ erunt Pontificiorum glossæ qui hanc conciliationem tentarunt infelicitè; deinde afferenda erit vera & genuina conciliationis ratio, & à cavillis Adversariorum vindicanda.

V. Pontificii non eodem modo omnes hîc sese comparant ad hanc tollendam ἀντιλογίαν. Plerique putant commodissimè nodum posse solvi distinctione *Justificationis primæ & secundæ*; duplicem enim vulgo constituunt, primam qua homo ex injusto fit justus; secundam quâ ex justo fit justior per justitiæ incrementum, istam quæ peragitur per infusionem habitus fidei & charitatis, istam, quæ per exercitium harum virtutum & bona opera promovetur; illi præparationes & merita congrui præstaurant, isti merita condigni subternunt. Paulum ergo volunt loqui de Justificatione primâ formali per habitum charitatis & hanc negare operibus; Jacobum verò de Justificatione actuali per bona opera, & hanc tribuere operibus. Sic *Tridentinum Conciliabulum sess. 6. c. 10. Bellarmi. de Justif. lib. 11. c. 16. & li. 14. c. 18.* Nos igitur dicimus Paulum loqui de primâ Justificatione



qua homo ex impio fit justus, Jacobum de secunda qua Justus efficitur justior. Sic alii bene multi ex illa communione.

V I. Verùm *σφὲν* hoc *φάρμακον* difficultati mederi nequit, nec adversantes sententias bene componere; Nam distinctio hæc Justificationis vanissimum est ingenii ipsorum figmentum quod nec cum Scriptura nec cum recta ratione stare potest; Primò supponitur falsa hypothesis quod *πρᾶτον* *ψαδ* est Adversariorum Justificationem scil. esse actum physicum qui in infusione habituum consistat, cum constet ex Scriptura actum esse merè forensem & judicialem qui non in nobis inhaerenter, sed pro nobis & de nobis coram Deo relative perficitur, utpote qui situs sit in remissione peccatorum & imputatione Justitiæ Rom. iv. 5. 6. 7. unde condemnationi & accusationi opponitur, Rom. vii. 13. & per processum Judicialem describitur Rom. iii. 22. Rom. iv. &c. Secundò confunditur Justificatio cum sanctificatione, nam quod illi vel de infusione charitatis, vel de ejusdem incremento per bona opera loquuntur, pertinet quidem ad alterum illud beneficium Christi quod in regeneratione situm est, quæ cum paulatim & successive tantum perficiatur, paulatim augeri & crescere debet, ita ut fideles de luce in lucem, de robore in robur, de gloria in gloriam progrediantur & virtutem virtuti addentes 2. Pet. i. crescant in omnibus in eo qui Caput est Eph. iv. 15. sed nihil commune habet cum Justificatione forense quæ uno actu apud Deum semel peragitur, unde etsi ejus sensus potest in nobis vel major vel minor fieri pro vario hominis statu, quò videtur respicere locus Apoc. xxi. 11. qui justus est justificetur adhuc, Jus tamen ipsum semel collatum idem semper manet *ἀμεταμέλητος* nec augeri potest aut minui. Tertiò falsò Justificationem primam de qua Paulum locutum fuisse volunt adscribunt charitati, cum ipse constanter fidei, nunquam verò charitati eam tribuat. Quartò duæ istæ Justificationes se mutuò elidunt, prima evertit secundam, secunda enervat primam; nam si per primam perfecte sumus Deo reconciliati, & in statu felicitatis constituti, quid opus est secunda? si secunda necessaria est E. prima non verè nos justificaverit, & sic ne Justificationis quidem nomen merebitur; primam autem absolutam esse omnibus numeris & perfectam ex adjunctis & effectis patet, quia pacem conscientiae post se trahit Ro. v. 1. gloriationem apud Deum ibid. vs. 2. 12. felicitatem & salutem omnimodam Rom. iv. 6. 7. Quintò sic non tantum duæ statuendæ essent Justificationes, sed multo plures, prout enim varii sunt & penè infiniti gradus incrementi Justitiæ, cur non pariter tertia, quarta & quinta & sic deinceps pro variis illis gradibus admitteretur Justificatio? Sextò contumeliosum est in sanctissimum meritum Christi, asserere secundam Justificationem quæ in nostris operibus consistit, majorem, auctiorem, digniorem esse apud Deum, quàm primam quæ solo Christi merito nititur, & quidem non primam, sed secundam Justificationem mereri vitam æternam; Ita scil. meritum Christi deprimitur & superbiz venenum ad glorificandum coram Deo cordibus hominum afflatur, dum liberum arbitrium gratiæ



cooperari in hac justificatione fingitur, sic opera nostra meritum Christi, vel superabunt quod blasphemum, vel perficiunt quod ridiculum.

VII. Quamvis verò daremus quod falsissimum est, distinctionem hanc ex Scriptura probari posse, certum tamen est eam huic Jacobi loco applicari non posse nec debere. Primò quia loquitur quidem de Justificatione, sed de Justificationis incremento verbum nullum facit, unde perperam illi hæc affingitur sententia. Secundò quia ex serie patet eum verba facere de homine qui fidem jactans sine operibus se existimet per eam solam justificari; ostendit verò inanem esse hanc gloriationem, fidem enim illam *mortuam* esse quæ careat operibus, & necessariò opera requiri ad id ut justificetur; at si mortua censetur fides sine operibus, mortuus pariter censendus est spiritualiter qui illam sibi tribuit, atque ita non potest justior fieri per opera, sic enim supponeretur jam habere aliquam justitiam, quam nullam habet tamen, sed justus tantùm reddi dum per opera talia justificatur. Tertiò si vera esset illa conciliatio, sequeretur Abrahamum simul eodemque tempore fuisse utroque modo justificatum; at posterius ex istis absurdum foret, quia sic opera fidei utramque justificationem præcederent, quod ipsi Adversarii negant. Consequentia patet ex Jac. 11. 23. ubi inquit, *tum impletam fuisse illam Scripturam asserentem Abrahamum Deo credidisse & illi hoc imputatum esse ad justitiam, quum Isaacum obtulit in sacrificium* id. quum ex operibus fidem suam ostendit; unde ita colligere liceret conferendo Jacobum cum Paulo, Quando Abrahamo fides sua ad justitiam imputata est, tum justificatus est absque operibus ex Paulo ad Rom. ac proinde primà illà Bellarmini Justificatione; At quando per bona opera, & nominatim per filii sui oblationem fidem suam demonstravit, tum fides ejus ipsi ad Justitiam imputata est ex Jacobo; E. tum etiam justificatus absque operibus ac proinde simul & per opera fidei, & absque operibus ex fide justificatus est in secunda. Quartò Omne opus justum & vitæ æternæ meritorium est ex fide, teste Adversario qui asserit li. 4. c. 18. non posse quemquam ea edere opera ex quibus coram Deo justificetur nisi prius à Deo justus sit primà illa justificatione quæ est ex fide absque operibus; At illa fides Abrahami quæ illi ad Justitiam reputata est, fuit opus justum & meritorium, proque tali à Deo judicatum & acceptum quæ sunt ipsa Bellarmini verba ibid. unde fides illa debuit esse ex alia fide, & illa deinceps ex alia, eadem enim semper valet ratio, & sic in infinitum; Quum E. justificatus est ex fide absque operibus ut vult Paulus; justificatus est ex operibus ex Bellarmino, ac proinde coincidit utraque hæc quàm statuit Justificatio. Viderunt hoc & ipsi Jesuitæ; Unde *Justinian.* in ep. ad Rom. c. 1v. hanc conciliationem rejicit duobus potissimum adductis rationibus 1. quia si locus Gen. xv. agit de prima Justificatione impij ut Paulus docet, necesse est Jacobum abuti hoc testimonio ad Justificationis secundæ naturam declarandam 2. quia non bene Justificationi secundæ tribui potest quod illi tribuit Jacobus quod Abraham per eam dicatur amicus Dei factus, siquidem:



am pridem fuit amicus & Justus. Idem sentit *Estius* in Jac. c. II. non ignobilis ex eadem Societate Scriptor.

VIII. Alii E. Pontificii quibus non placuit istiusmodi commentum, aliam conciliationis viam iniverunt, non distinguendo Justificationem, sed opera quæ fiunt *ante & post fidem*, Paulum negare quidem nos justificari operibus, sed iis quæ præcedunt fidem & quæ facta solius naturæ viribus sine gratia Christi, quæ Gentiles exercebant & jactabant Judæi, Jacobum vero Justificationem tribuere operibus, sed iis quæ fidem sequuntur & fiunt per gratiam Christi. Itaque nullam hætenus inter eos esse repugnantiam. Hæc est frequentissima distinctio apud eos quâ conantur eludere loca omnia Paulina quæ adducere solemus contra Justitiam inhærentem sive Justificationem ex operibus, quam ex Lombardo & Thoma haustam retinent omnes fere recentiores *Bellar. Becan. Alphonsus à Castro, Salmero*, alii, *Justinian.* verò peculiariter, *Estius, Tirinus* illam urgent ad istorum locorum conciliationem.

IX. Sed non commodior est hæc solutio præcedenti: Primò quia falsissima nititur hypothese Paulum nimir. in Disputatione sua excludere tantum irregentorum opera quæ fiunt ante fidem, non verò alia quæ à renatis fiunt illamque consequuntur; At contrarium patet innumeris argumentis: primò dicimus cum Salmerone dum ipse rejiciebat distinctionem operum cærimonialium à moralibus quæ ab aliis asserri solet, *non esse limitandum quod Apostolus non limitavit*, sed Apostolus absolute & simpliciter excludit à Justificatione opera omnia absque ulla restrictione & limitatione E. non quædam tantum, sed omnia intelligit. Secundò operibus malis nihil necesse fuit tanto molimine justificationem detrudere, hoc enim apud omnes fuit in confesso; at omnia opera sine fide facta mala sunt, siquidem teste Apost. *quicquid fit sine fide peccatum est*, Rom. XIV. 25. Tertiò sic intelligenda est exclusio operum apud Paulum ut omnis excludatur gloriatio Rom. III. 27. At nisi simpliciter omnia omnino excludantur opera etiam facta post fidem, non erit exclusa gloriatio, siquidem opera illa finguntur procedere simul cum gratia ex virtute liberi arbitrii, & statuuntur esse merita condigni, at ubi est meritum aliquod ibi est gloriatio si *Abraham ex operibus justificatus est habet de quo gloriatur* Rom. IV. 2. Quartò Exempla à Paulo allata Abrahami & Davidis Rom. IV. non sunt de ipsis ante conversionem & fidem, sed de iis jam conversis; si de Abrahamo locutus fuisset cum primum ex Ur Chaldaeorum evocatus est aliqua cum veri specie exclusiva posset restringi ad opera quæ vocationem ejus præcellerant, sed loquitur de eo jam converso & in medio pietatis curriculo constituto, in quo procul dubio multa jam bona opera ediderat, & tamen cum quærit rationem justificationis ejus, pronunciat non operanti sed credenti fidem imputatam fuisse ad Justitiam, Sic David quum *μακαρισμὸν* hominis predicat in remissione peccatorum, & deprecatur judicium Dei Ps. XXXII. 1. & CXLIII. 2. non loquitur de se ut infideli & irregento,



genito, sed fideli jam & converso; Sic Paulus ipse non tantum de operibus præcedentibus conversionem suam factis in Pharisaismo dixit ea ducere se detrimenta & pro nihilo habere, sed & de cæteris omnibus quæ ab ipso ut Christiano proficisci poterant, postquam enim dixit vers. 7. *quæ mihi erant lucra duxi damnum propter Christum*, loquens in præsentem inquit, *ἀλλὰ πάντα καὶ ἡγέρματα ζημιὰν εἶναι* non tantum illa abjicio, sed etiam hæc omnia reputo damnum esse, &c. Phil. 111. 8. Quintò id ipsum etiam colligitur evidentissimè ex scopo Epist. ad Gal. & statu quæstionis quam persequitur Paulus; neque enim quæstio erat an solis operibus ante fidem & sine Christo possent justificari, quod pertendebant Judæi qui Justitiam suam coram Deo stabilire satagebant, sed an opera conjungenda essent cum fide in articulo Justificationis, quod urgebant Pseudo-Apostoli & alii falsi fratres Judaizantes, nam certum est ex serie orationis & scopo epistolæ eos adversus quos disputat Apost. non fuisse puros Judæos, sed tales qui Christianismum professi Legem cum Evangelio, vires humanas cum gratia Dei, opera cum fide in Justificationis negotio conjungere nitebantur; nam si cum apertis Judæis res illi fuisset, minus solida & firma viderentur pleraque ejus argumenta quum ita concludit, *si per Legem Justitia, E. Christus frustra mortuus est*, Gal. 11. 21. *si ex Lege hereditas, E. non ex promissione*, Gal. 111. 18. &c. quod haud gravatè concessuri erant Judæi, sed cum adversus Semi-Judæos & Pseudo-Christianos disputet firmissima est istius argumenti consecutio, quia ne minima quidem officii à Christo præstiti pars nostris quibuscunque operibus tribui potest, quin gratia desinat esse gratia.

X. Sextò, si non excludantur omnia omnino opera etiam renatorum quæ fidem sequuntur, non poterit constare antithesis quam toties urget Paulus inter duo fœdera, Legale & Evangelicum, ut planè ἀντίθετον & incompatibilia, quia in illo obedientiâ propriâ, in hac alienâ & imputatâ justificamur Ro. 1 v. 5. & x. Gal. 111. 12. Phil. 111. per illud in nobis, per istud in Christo 2. Cor. v. 21. Jam verò si per opera etiam justificamur in fœdere gratiæ, utique perperam Ap. hunc justificationis modum tanquam fœderis Legalis proprium constanter Evangelico detraxit, sic enim non minus sub Evangelio quàm sub Lege per opera justificaremur. Septimò si ea fuit Pauli sententia quæ illi tribuitur ab Adversariis excludendi scil. tantum opera naturæ & ante fidem, mirum est quod Apost. toties tam disertè & constanter fidem opponit operibus, nunquam verò *opera natura, operibus gratia*, quod tamen imprimis fecisset ad ejus propositum ad declinandam invidiam quâ gravari solebat, nam ipsius Adversarii ejus doctrinam ex eo potissimum traducere solebant, quasi laxaret habenas carni & peccatorum esset pulvinar gratuitam peccatorum remissionem promittendo, si itaque credidisset Justificationem fieri ex operibus gratiæ, nonne proclive illi fuisset respondere se non negare simpliciter Justificationem ex operibus, sed tantum ex operibus naturæ sine fide factis, Cum verò toties tam disertè & constanter



Apost. Justificationem fidei tribuat & adimat operibus, nulla unquam adhibita exceptione aut distinctione operum, liquidum est eum omnia omnino opera ab hoc negotio exclusa voluisse; Ex quibus, ne plures rationes congeramus quæ ad evertendam hanc Adversariorum hypothese[m] afferri possent, satis constat non posse hac viâ tolli repugnantiam inter Apostolos, cum Paulus utraque opera & naturæ & gratiæ complexus fuerit: Accedit etiam quod neque admissâ hac glossâ Jacobus cum se ipso consentire videretur, dum ait Scripturam quæ describit Justificationem fidei Abrahami impletam fuisse cum obtulit filium suum; nam duobus modis tantum hoc intelligi potest, vel ut sensus sit Abrahamum credidisse & ejus fidem imputatam fuisse in partem Justitiæ, vel in solidam & plenam justitiam; si posteriori sensu intelligatur cadit Adversariorum sententia, nam si fides pro solida justitia reputata est, nihil opus fuit operibus; si priori non minus absurda erit ratiocinatio, Scriptura testatur Abrahamum fuisse quadantenus Justificatum cum credidit, E. hoc testimonium Scripturæ impletum est cum offerret filium, nulla verò hic est cohesio & dependentia; Ne jam dicamus perperam Justitiam hominis in partes dividi, quasi posset dici imputari ad Justitiam quod locum Justitiæ tantum partialis & imperfectæ obtinet.

XI. Missis ergo Pontificiis qui cæco errorum suorum præjudicio fascinati verum nec vident nec videre volunt, & nihil aliud agere videntur, quam ut quibuscunque possunt modis τῇ ὑποθέσει δαλῶσι; Age videamus quid hac in parte statuunt Orthodoxi; Diversimodè enim scrupulum hunc tollere etiam sategerunt. Quidam distinguendo *Justificationem coram Deo & coram hominibus*, ita ut de illa Paulus, de hac verò Jacobus loquatur. Alii distinguendo opera quæ vel propriè sumi possunt, vel *metonymicè* pro causa sua nimirum fide, ut Paulus operibus propriè sumptis justificationem detrahat, Jacobus verò eandem illis tribuat, sed metonymicè intellectis id. fidei vivæ & efficaci; Verum quia neutra videtur planè satisfacere, Non prior, quia ut ex progressu patebit aliquid ulterius in Jacobo videtur insinuari præter ostensionem justificationis coram hominibus; Non posterior quia durior est & minus usitata hæc metonymica locutio, nec cum textus circumstantiis ubi fides & opera distinguuntur & præsertim vers. 22. satis consentire videtur; dispiciamus an non facilius quædam locum interpretandi, & difficultatem propositam tollendi ratio nobis suppetat.

XII. Hic verò duo ante omnia præstruenda sunt fundamenti loco: Primum hanc non esse veram & realem, sed tantum apparentem contradictionem, nam quis dixerit Apostolos hosce qui manus conjunxerant ad cooperandum Gal. 11. 9. linguas tamen divisisse ad contendendum? imò cum idem Spiritus per utrumque Apostolum locutus sit, qui non est *Etiā & Non*, sed *Etiā in Christo* 2. Cor. 11. 9. id constantissima veritas, fieri nequit ut quicquam sibi ipsi adversum & repugnans asseruerit; itaque si per Paulum Justificationem soli fidei, per Jacobum



cobum verò eandem & operibus acceptam refert, illud utique intelligendum est  
*nat' a'do & a'do.* Secundò tenenda etiam est Theologorum regula nullum esse fi-  
 dei dogma quod non alicubi in Scriptura clavis & perspicuis verbis proponatur, nam  
 ut benè August. de doctr. Christi. l. 2. c. 6. magnificè & salubriter Spiritus S. Scri-  
 pturas ita modificavit ut locis apertioribus fami occurreret, obscurioribus verò fastidia  
 detergeret, nihil enim ferè de illis obscuritatibus eruitur quod non planissimè alibi di-  
 ctum reperiat, perspicuitas verò illa quærenda est potissimùm iis in locis ubi ar-  
 gumentum tractatur ex professo & tanquam in proprià sede suâ; Unde quum  
 quæstio circa tale aliquod dogma oritur recurrendum est ad illa loca, ut ex iis de  
 cæteris iudicium fiat in quibus Scriptores sacri forte obscuriùs vel saltem obiter  
 tantùm & aliud agendo de eodem verba fecerunt; Cùm ergo quæstio sit de  
 momentosissimo Religionis nostræ articulo videndum imprimis ubi dogma istud  
 expressè & velut in propria sede tractetur; Constat autem, & nemo ut opinor  
 diffiteri audebit argumentum hoc propriissimis & clarissimis effatis à Paulo pro-  
 poni non semel in epist. ad Rom. Gal. & Ephes. ideoque non Paulus ex Jacobo  
 qui semel tantùm & aliud agens justificationis meminit, sed potius Jacobus ex  
 Paulo exponendus, qui toties tamque perspicuè mentem suam hic aperuit; vi-  
 dendumque diligenter ne quid in enodatione loci Jacobi afferatur quod analogiæ  
 fidei in hoc articulo à Paulo constitutæ repugnet; Hoc verò faciliè fieri poterit  
 si quatuor hæc diligenti examine ponderemus I. Occasionem & Scopum utrius-  
 que Apostoli II. Nomenclationem fidei quæ utrobique usurpatur, III. Voca-  
 bulum Justificationis de quâ fit mentio. IV. *ἄλλον* variam Hominis qui justifica-  
 tur, Ex hisce enim quatuor plenam Jacobi cum Paulo conciliationem pendere  
 arbitramur.

XIII. Hic E. obversari primò illud debet Hilarii *Intelligentiam dictorum ex  
 causis sumendam esse dicentium*; ex varia enim sermonis occasione, varius ori-  
 tur loquentis scopus & diversus loquendi modus, ut aliter Christus loquitur,  
 ad præfractos & superbos Phariseos, aliter ad auditores cupidos veritatis & de-  
 missos, aliter Paulus se comparavit cùm Timotheum in gratiam infirmorum  
 circumcidit Act. xvi. vers. 3. aliter cùm Titum ob falsorum fratrum conten-  
 tionem circumcidi noluit, Gal. ii. 3. Ita hic occasio & scopus utriusque Apo-  
 stoli mirum quantam lucem inferat huic negotio. Et ad Paulum quod attinet  
 Scopus ejus in Epistolis suis non est obscurus, nimirum ut potissimùm illi certa-  
 men fuit cum Phariseis & Pseudo-Apostolis qui merita sua & Justitiam vel pro  
 gratia substituebant, vel cum gratia conjungebant; ita in eo totus fuisse videtur  
 ut justificationis veram rationem & causam declararet, eamque gratiæ in soli-  
 dum per fidem apprehensæ nullis autem operibus nostris quæcunque tandem  
 illa sint transcriptum iret; in eumque finem adducit exempla Abrahami & Da-  
 vidis qui non alio modo justificati sunt: Jacobus verò longè aliud intendit,  
 aliud quippe hominum genus aggreditur Epicureos scilicet & Libertinos qui



verbo & ore tenus fidem Christianam professi, vitâ & factis eandem abnegabant, atque ita gratiam Dei in carnalem licentiam & profanam peccandi securitatem convertebant, acquiescentes interim in tali fidei simulachro quasi propterea essent omnium justissimi; Jacobo ergo propositum est arguere neglectum hunc operum & stultissimum eorum delirium, qui inter Christianos fidem cujus nomen erat illustre externâ tantum specie & professione metiebantur, fidem jactabant, opera negligebant. Hi autem quia Justificationis fidei nomine abutebantur, & ex sententiâ Pauli perperam intellecta, nec non ex Abrahami exemplo studium bonorum operum ceu inutile & supervacaneum susque deque habebant, Jacobus eodem exemplo in illos rotorto inanem illam jactantiam contundit, ut ne sola professio tantum sufficere, vel in ea vera fides sita existimaretur. Vidit hoc Aug. in Ps. xxxi. *Jacobus, inquit, vult corrigere eos qui male Paulum intelligendo, volebant bene operari de sola fide præsumentes.* Itaque adversus utrosque sicut contraria planè fuit controversia, contrario etiam modo fuit disputandum; Illi adversus quos disputat Paulus operum Justitiam stabiliebant; Isti cum quibus agit Jacobus, non operum modo justificationem, sed ipsa etiam opera quasi parum homini Christiano necessaria de medio tollebant, sicut E. adversus illos ita defenditur gratuita Justificatio ex fide, ut bona opera non tollantur quin potius passim efficacissimè commendentur, sed tantum Justificandi Vis illis detrahatur; Ita adversus istos liquidum est opera ita stabiliri, non ut justificandi vis illis tribuatur, sed ut vera Justificatio ex illis tanquam ex effectis colligatur, Illic de Causa Justificationis quæritur, hîc de effectis, Illic excluduntur opera tanquam Justificationis causæ, hîc admittuntur tanquam effecta. Illic disceptatur quomodo Justificemur, hîc quomodo justificados nos esse intelligamus, Illic negantur opera præcedere justificandos, hîc dicuntur justificatos consequi. Illic agitur cum Phariseis & Justitiariis, hîc cum Epicureis & Profanis. Ergo pro ratione scopi quem intendebant & hominum ad quos scribebant, diversimodè Apostoli mysteria hæc fidei ad institutum suum accommodare debuerunt; Ut enim parum appositè Paulus opera urfisset adversus Phariseos qui nihil nisi opera quærebant, Ita frustra Jacobus adversus profanos probasset nos non Justificari operibus, qui opera ne ut Testimonia quidem & effecta justitiæ requirebant, nedum ut plusquam par esset illis tribuerent.

XIV. Ex quibus jam satis liquet nullum hîc esse Jacobo cum Paulo certamen, quandoquidem enim diversum planè scopum respiciebant, diversa itidem ineunda fuit via ut geminum illum errorem & *superbie Pharisæica* ex operum falsa confidentiâ, & *Profana licentiæ* cum vana fidei jactantia ex cordibus hominum radicitus evellerent. Ut verò ad superbiam retundendam eorum arrogantiam qui bona sua opera jactantes iis præsidebant, indeque se justificatum in præsumebant nullum Abrahami exemplo aptius asserri potuit, qui sanè si quidem quam alius mortalium ex bonis operibus quibus ejus vita sancta relucebat, ju-



stificari debuisset, quod cum ne ipsi quidem contigisse ceram Deo deceat Apostolus, quanto minus cuiquam ex ejus posteris hoc idem sperandum fuerit aut præsumendum? Ita ad larvatam impietatem carnalium hominum relegendam, Rahabæ exemplum inter alia convenientissimum fuit, quippe quæ nuper tantum ad veri Dei cognitionem & cultum conversa & in vera Religione adhuc Neophyta, fidei tamen suæ veritatem insigni illo charitatis & misericordiæ opere erga veri Dei servos comprobavit & testata est, quanto magis idem Christianos homines deceat in Christi schola sub luce & gratiâ Evangelica nutritos?

XV. Quanquam verò Bellar. lib. 1 v. de Justific. c. 18. nonnihil hîc reponere conetur, dum contendit scopum Jacobi fuisse non demonstrare *qua sit vera fides*, sed *fidem veram atque Catholicam ad salutem sine operibus non sufficere* & fidelem qui bene operatur in justitia crescere, qui malè operatur Justitiam amittere, & fidem in eo mortuam & otiosam manere, quod probare vellet, tum ex auctoritate Augustini qui lib. de fid. & oper. c. 14. docet Jacobi Epistolam dirigi adversus hæresin tunc recens exortam eorum qui dicebant fidem ad salutem sine operibus sufficere, tum ex c. 1. vers. 23. *Estote factores verbi non tantum Auditores* & c. 11. 1. ubi hortatur eosdem ne habeant fidem D. N. in *ᾠςωπληΐα*. Hoc, inquam, nullius est ponderis & facillè retunditur 1. peccatur ignoracione Elenchi, aliud enim est loqui de scopo totius Epistolæ generali, aliud de scopo particulari hujus capituli, atque imprimis postremæ ejus pericopes, damus enim facillè scopum generalem Jacobi in hac Epistola non esse tantum ostendere *qua sit vera fides*, siquidem constat totam Epistolam paræneticam esse quæ hortatur fideles ad constantiam in afflictionibus, perseverantiam in fide, & profectum in vitâ Christiana; sed negamus peculiarem hunc scopum esse istius capituli. Imò contrarium evincimus ex ipso textu ex quo constat Jacobum non agere primariò & principaliter de *Justificatione*, sed de *fide* non de *justificatione hominis peccatoris*, sed de *manifestatione hominis fidelis*, atque adeo de ipsa fidei demonstratione. Patet tum ex propositione Apostolicæ disputationis, tum ex ejusdem conclusione, propositio duplex est, tum remota v. 1. tum proxima vers. 14. Illic inquit, *fratres mei ne ex ᾠςωπληΐας habete fidem Domini nostri Jesu Christi gloriosi*. Istic, *Quæ utilitas fratres mei, si quis fidem habere dicat, opera verò non habeat, potestne ista fides eum servare?* Ex quibus liquet, de fide tantum quæstionem fuisse, eaque ostendenda operibus citra *ᾠςωπληΐαν*, nam ut in primo versu docet prolepshiam non posse cum fide benè consistere ita v. 14. generale notat hypocritarum vitium qui inani fidei jactantia gloriabantur, licet operum curam negligerent, occupans enim objectionem alicujus hypocritæ qui fidem solam obtinens, de justificatione & salute securus videbatur, ait *quæ utilitas fratres mei &c.* In sequentibus omnes probationes suas hinc petit Apost. quòd fides absque operibus nulla sit, quòd sit mortua, &c. Conclusio idem ostendit. vers. 26. *quemad-*



*modum enim corpus sine spiritu mortuum est, ita & fides sine operibus mortua est, de fide enim concluditur quæ vera sit & vitalis, non de justificatione, ex quibus liquet verum scopum Apostoli esse docere, non eam esse veram & salvificam fidem quæ per opera se non ostendit de qua gloriabantur isti hypocritæ, sed inane tantum ejus simulachrum, ut corpus vivum non est quod non respirat: Itaque fideles si velint esse reipsa quod videntur debere in id sedulo incumbere ut fidem suam operibus testatam faciant. 2. Peccatur etiam falsiss. hypoth. nim. fidem quæ operibus destituitur esse veram & Catholicam quamvis ad salutem non sufficiat, cum tamen Jacobus eam *mortuam* vocet & *Diabolicam*. 3. aliud est ad salutem sine operibus non sufficere, aliud ad salutem acquirendam live ad justificationem, prius non illibenter concedimus, fidem scilicet non sufficere sine operibus ad salutem possidendam & adeundam, ut qui novimus opera viam esse ad cælum quam Deus paravit ut in ea ambulemus Eph. 11. 10. sed posterius negamus contra Pontificios qui vellent opera fidei adjungere in articulo justificationis; cum tamen luce meridiana clarius sit Scripturam eam soli fidei tribuere, nec aliter fieri posse quin abrogetur fœdus gratiæ 4. merum est figmentum quod ait Jacobum loqui de incremento Justitiæ, cum nihil tale vel expressè in ejus verbis contineatur, vel per necessariam & evidentem consequentiam ex illis elici possit.*

X V I. Frustra verò ad August. provocat, nam dicit ille quidem temporibus Apostolorum, non benè intellectis quibusdam sententiis Pauli, putasse quosdam ad salutem obtinendam fidem solam sufficere id. solam fidei professionem & præsumptionem, quod patet statim ex ipso loco cum ait; *Apostolus quum dicit hominem justificari fide sine operibus, non hoc vult ut præcepta & professæ fide opera justitiæ contemnantur, sed ut sciat se quisque per fidem posse justificari, etiamsi Legis opera non præceperint, sequuntur enim Justificatum, non precedunt Justificandum.* interim tamen fidem hanc nuspiam veram & Catholicam vocat, sed contra mortuam disertè dicit & per consequens inanem & ὁ ἀδύνατος, Quousque igitur, inquit, falluntur qui fide mortuâ sibi vitam pollicentur, Ita Aug. non urget opera ut Justificationis causas; sed ut fidei fructus, ut ibid. testatur. Præterquam quod aliud est, fidem sine operibus non prodesse, quod ait August. & nos cum ipso agnoscimus: Aliud fidem sine operibus non sufficere ad Justificationem, quod vellet Adversarius, & nos negamus. Nihil Ergo præsidii habet in autoritate Augustini. Nihil etiam cum juvant loca allata, nam ex primo Jac. 1. 23. colligitur tantum finis generalis Epistolæ, hortatio scilicet ad sanctitatis studium, quia Lex non Auditores tantum sed & factores postulat, Evangelium enim cum promissionibus sua etiam habet mandata, ad quorum observationem nos hortatur. Ex altero verò c. 11. 1. nihil potest inferri nisi fidem eam vanam esse quæ laborat prosoptolepsiâ, & destituitur charitate seu bonis operibus, quod illud ipsum est quod intendimus.

X V I I. Secundò, Præter considerationem scopi, qui utrobique diversus est, distin-



distinguenda etiam est vox *si lei*, quæ aliter à Paulo sumitur, aliter à Jacobo intelligitur; Paulo *fides* veram & vivam fidem designat, Jacobo verò fidem mortuam, larvam tantùm fidei quæ *κατὰ γένεσιν* demum nomen hoc sibi vindicat, & quam per meram concessionem, ne de verbis litigare videatur eo titulo insignivit. Paulum enim non aliam quam fidem vivam intelligere, clarus est quàm ut probatione indigeat, cùm non semel testetur eam esse efficacem per charitatem; Jacobum verò disputare contra inanem fidei jactantiam, & huic Justificationem detrahere, multa sunt quæ demonstrent. Primò scopus Jacobi jam indicatus, qui potissimùm aciem styli stringit in eos qui malè Paulum intelligendo nolebant bene operari, de sola fide præsumentes, ut dicebat Augustinus; Igitur fides Jacobo nihil aliud est quàm professio vel præsumptio fidei, fides nolens benè operari, quæ fides non salvifica sed inanis; non viva sed mortua, non efficax sed otiosa & sterilis est. Secundò *Omnes textus circumstantia*; Nam eam intelligit fidem, non quam quis habeat revera, sed quam quis dicat se habere vers. 14. *Qua utilitas*, inquit, *fratres mei si quis fidem dicat se habere*. Secundò eam quæ in verbis duntaxat & externa professione consistat, ut si quis pauperi nudo & stipem petenti bona det verba, sed nihil subsidii, vers. 15. quemadmodum enim charitas hæc quæ in verbis tantùm consistit inanis est & falsa, ita fides sine charitate & operibus. Tertiò non aliam notat quàm ea quæ sit mortua vers. 17. *Sic fides*, inquit, *si opera non habeat mortua est quoad se*. Quartò eam quæ sit homini communis cum Dæmone, & quæ sit tantùm divinæ Essentiæ, non item benevolentia & gratia specialis, quod proprium & peculiare fidei Justificantis est objectum, vers. 19. *Tu credis Deum esse, diaboli pariter credunt, & contremiscunt*. Quintò eam quæ vana sit & vanum hominem reddat, vers. 20. *Vis cognoscere o homo vane quod fides sine operibus est mortua*, ex quibus clarum est Jacobum loqui de inani nomine, & merè externa fidei professione, quæ instar mumi adulterini ostendet quidem summi Magistratus *ἡγεμονία*, & insignia, sed cuprum habeat pro auro, vel stannum pro argento, unde colligitur fidem aliam à Paulo, aliam à Jacobo prædicari, & per consequens nullam inter eos esse repugnantiam, quia non affirmant idem de eodem, sed de diverso; Paulus tribuit Justificationem soli fidei, sed vivæ & efficaci; Jacobus verò detrahit, sed mortuæ & hypocriticae, quæ in nuda hominis professione posita est, vel merè historica veritatis notitiâ qualis in Diabolos cadit. Facit hic nobiscum Justinianus in Rom. 1 v. *semper ego existimaui, tam Paulum quàm Jacobum de prima Abrahæ Justificatione disputare, sed Jacobum suæ fidei otiosa detrahere quod viva tribuebat Paulus*; facit Salmero in istum Jacobi locum, *Accedit ad confutandum eorum errorem, qui inani tantùm fidei vocabulo gloriantur, & Christianam libertatem suorum peccatorum velamentum faciunt, & sibi & mundo, non autem Christo vivunt, ut canes redentes ad vomitum*; facit Tirinus qui agnoscit intelligi fidem à Jacobo quæ vana sit, inanis, infructuosa possessori suo, item exsucca, exsanguis, elumbis & foeda instar Cada-



veris putrescentis, quæ sanè Elogia fidei Justificanti quam Paulus urget nemo sanus tribuere ausit; Hoc autem jam observatum fuerat ab August. lib. de fide & operibus c. 14. & quæst. ad Dulciti. q. 1.

XVIII. Quamvis verò distinctio hæc luce meridiana clarior sit, non vult tamen eam agnoscere Bellarminus, imò omnem movet lapidem, ut eam evertat, & Jacobum ostendat non minùs quàm Paulum loqui de vera & salvifica fide, rationes affert varias; Primò Quia Jacobus eam absolutè fidem appellat quod nomen in sacris literis semper veram fidem significare solet. 2. Quia in eodem capite vers. 22. de eadem fide loquens in persona Abrahamæ dicit eam cooperatam esse operibus & ex operibus esse consummatam; At fides Abrahami non umbra fidei, nec inanis articulorum notitia sed fides verissima fuit. Tertiò quia dicit fidem bene justificare, sed non solum *Videtis quod ex operibus justificatur homo, & non ex fide tantum*, vers. 24. supponit ergo fidem aliquatenus & ex parte justificare; At fidei umbra & larva non justificat. Quartò quia comparatur homo habens fidem sine operibus diviti qui cognoscat quidem inopiam pauperis, sed nihil tamen subsidii illi eroget; Ut ergo verissima est illa agnitio inopiæ pauperis, ita & vera fides, quæ operibus destituitur v. 15. Comparatur etiam corpori sine spiritu quod non potest negari verum esse corpus, licet mortuum. vers. 26. *Sicut corpus absque spiritu mortuum est, ita & fides illa quæ est absque operibus mortua est.* Sic ille lib. 1. de Justifi. c. 15.

XIX. Verum etsi sudat nitendo ne hilum tamen ratiunculis suis proficit; In prima petcatur bifariam; Primò dum supponitur fidem dum absolutè ponitur semper veram fidem designare id est salvificam & Justificantem de qua Paulus agit & quæstio nostra instituitur (aliàs si laxiùs sumatur *vera fidei* nomen, non diffitemur fidem historicam vel temporariam etiam suo modo veram esse *objectivè* quatenus verè assentitur Verbo & verum esse credit.) Falsum autem hoc esse innumeris exemplis ostendi potest; fides Simoni Mago tribuitur Act. viii. 13. qui & ipse credidisse dicitur, nec verè tamen sed simulatè, sic Dæmones credere dicuntur, non tamen ad fiduciam & salutem, sed ad terrorem & desperationem; multi dicuntur credidisse in Christum propter miracula quæ patrabat; Joh. 11. 23. nec tamen verè & salvificè quia *Christus se illis non credebatur cognoscens quid in homine esset* vers. 24. 25. Sic sæpissimè absolutè fides cùm ponitur, vel fidem miraculorum significat 1. Cor. xii. 2. Matt. xxi. 21. 22. &c. vel doctrinam ipsam fidei, Act. vi. 3. vel professionem doctrinæ Evangelicæ Rom. 1. 8. Act. xvi. 5. &c. Porro non insolitum est hoc loquendi genus in Scriptura ut πικρὸς φανερός denotetur nomina τῶν ὀντων, sive πικρὸς οὐκ ὄντων ad hominem argumentando, ut Paulus dicit Dei beneplacitum fuisse *salvare credentes per stultitiam predicationis*, 1. Cor. 1. 21. non quod tale sit re ipsa Evangelium, sed quod tale habeatur mundo & carni, sive Ironice, ad hominum vanitatem redarguendam ut 1. Cor. 1. 8. Jam saturati estis, jam divites facti estis, sine nobis hætenus regnum adepti estis, quod post-



ea corrigit in sequentibus, atqui utinam regnetis, ut & nos vobiscum regnemus. Ita Jacobus per meram concessionem fidem hanc hypocriticam fidem vocat, quia illi qui eam profitebantur fidem eam nominabant & de ea gloriabantur, licet fidei nihil haberet præter externam professionem, vel inanem quandam mysteriorum sacrorum notitiam; Vidit hoc Oecumenius, Ad duo fidei significata refertur fidei nomen; nam fidem solemus usurpare, tum de simplici concessione ejus quod apparet, sicut etiam Damones sciunt credere Dei filium; Et rursus appellamus fidei nomine id quod consequitur ex firmâ dispositione cum certo assensu. Secundò falsò etiam supponit Jacobum absolutè fidem vocare, nam & articulus quem addit vim suam habet ad eam peculiariter & *δαμονιακῆς* distinguendam, num potest *ἡ πίστις* servare ipsum non tantum fides, sed hac fides, talis fides; & circumstantiæ connexæ eam satis determinant, quum vocat eam fidem mortuam, & dæmonibus communem, imprimis verò illud evincit, quod non dicitur fides haberi, sed tantum jactari, si quis dicat se fidem habere, hoc enim tam generale est ut non tantum *τὴ ἐν τῷ*, sed etiam *τὴ φανώμενη* complectatur, ut 1. Joh. 11. 4. Qui dicit novi eum, & mandata non servat, mendax est, & vers. 9. qui dicit se esse in luce, & fratrem suum odit, in tenebris est, &c.

XX. Ad secundum falsò iterum supponit Adversarius, fidem contra quam Jacobus disputat, & de qua quæritur inter nos, eandem esse cum fide Abrahami de qua loquitur postea; Cum certum sit Apostolum has à se invicem distinguere; nam ut doceat fidem illam, de qua hypocritæ isti gloriabantur, falsam & inanem esse, opponit fidem Patris credentium, quæ mortua non fuit, sed efficax per bona opera, patet ex vers. 20. 21. &c. Vis verò cognoscere o homo vane quod fides sine operibus mortua est? Abraham Pater noster nonne ex operibus justificatus est oblato filio suo, &c. quasi diceret; Vis hoc amplius cognoscere, fidem scilicet, quam jactas, veram fidem non esse nec quâ securè niti possis? confer fidem illam cum Abrahami exemplari, nam cum à Deo proponatur ut Pater credentium, cujus fidei vestigiis insilire omnes decet, dubium non est quin veram fidem habuerit, quid verò ille, nonne Isaacum obrulit? Itaque non habuit fidem quam opera non consequerentur, sed illum verè per fidem justificatum fuisse res ipsa ostendit quum opus hoc ederet justitiæ vers. 22. & tum plenè patet factum est quàm meritò de eo scriptum sit quod crediderit Deo & illi imputatum sit ad Justitiam vers. 23. unde solidè colligit Jacobus cum fides istorum nihil simile habeat cum fide Abrahami, falsò tanquam veram & salvificam obtendi; Nemo ergo dixit unquam quod nobis imponit Bellar. Abrahami fidem umbram fuisse, sed ex Abrahami fide fidem definire omnium, & eorum maximè qui solam externam fidei larvam haberent, iniquum esse pronunciamus & planè contra mentem Jacobi, qui hæc comparat ut dissimilia, ut ex unius veritate alterius vanitatem evincat. Cæterum quod fides dicitur *cooperata bonis operibus* *ὅτι ἡ πίστις συνήρπυε τοὺς ἔργους αὐτῆς*, non referendum est ad ipsam Justificationem, sed simpliciter ad conne-



xionem operum cum fide, ut significetur neque opera fuisse sine fide, neque fidem fuisse absque operibus, quod præcipue quærebatur, sed efficacem fuisse & fecundam per bonum illud opus, quatenus oblatio illa filii fuit egregium fidei opus, ut Heb. xi. 17. dicitur *per fidem obtulisse*; Atque ita non incommode posset hoc verbum compositum quod apponitur, per tmesin satis Jacobo usitatum c. ii. 6. 13. & iv. 11. resolvi in simplex ἡ πίστις ἡ σὺν τοῖς ἔργοις αὐτῆς ἡ γὰρ, fides cum operibus existens operabatur, id est non sterilis & otiosa mansit, ut illi volebant: Quo sensu verò consummata dicatur, non quoad essentiam, sed quoad declarationem jamjam dicemus.

XXI. In tertia Exceptione, peccat fallacia interpretationis, quasi Jacobus vers. 24. cum ait *videtis quod ex operibus justificatur homo & non ex fide tantum*, Justificationem fidei aliquatenus & ex parte tanquam causæ sociæ cum operibus tribueret: at hoc ex verbis elici nequaquam potest, non partitur enim Justificationem inter opera & fidem, sed totam operibus tribuit, fidei totam derogat, scilicet illi fidei de qua quæstio erat & quam hypocritæ præ se ferebant: Non dicit, videtis quod homo non fide tantum, sed etiam operibus simul cum fide justificatur; vel videtis quod etiam ex operibus justificatur homo, & non ex fide tantum; particula enim & vel alia aliqua similis addenda fuisset ad denotandam conjunctionem operum cum fide in Justificatione tanquam causarum sociarum, sed dicit simpliciter, *Videtis quod ex operibus justificatur homo, & non ex fide tantum*, id est, non ex fide illa solitaria & operibus vacuâ quam pertendebant, quæ vera nihil aliud est quam umbra & larva fidei: hominem autem non justificari ex illa fide, evicit exemplo fidei Abrahami, quæ alia planè fuit, viva nimis, & efficax, unde colligit per consequentiam necessariam transeundo ab hypothesi ad thesim, neminem posse justificari per illam inanem fidem, quæ ultra professionem externam fidei quæ creditur non pergit, sed fide salvificâ quæ veram suam ἐξουσίαν ostendat per bona opera, quia eadem omnium fidelum debet esse Justificatio & fides illius organum; quâ fide enim justificatus est Abrahamus credentium Pater, eadem & omnes ejus filii Ro. iv. 12.

XXII. Ad quartum Resp. Comparatio prima adversarium jugulat, nam sicut charitas illa divitis, quæ bona verba dando pauperi, nullum tamen reale subsidium erogat, ficta est & inanis, & charitatis nihil nisi nomen habet, siquidem esse Johanne Charitas non in lingua, sed in opere & veritate sita est, i. Joh. i. 11. 7. 18. nam qui habuerit mundanas facultates, & viderit fratrem suum egentem, & auferit viscera sua coram eo, quomodo charitas Dei manet in eo? Amenius, inquit, non lingua, sed ἡ πίστις καὶ αὐτῆς ἔργα, Ita omnino fides illa quæ caret operibus vana est & inanis. Altera verò similitudo quam subjeit, non magis ad rem facit, nam ut Corpus sine spiritu mortuum est, id. ex respirationis cessatione agnoscitur esse mortuum, ita fides deprehenditur esse mortua ex defectu operum. Dices, At sicut Cadaver est verum corpus licet sit mortuum, ita & fides vera erit licet mor-



ta, Resp. Cadaver esse quidem verum Cadaver, sed non esse verum corpus ejusdem speciei & naturæ cum Corpore vivente, ideo ut cadaver & corpus vivens, juxta Philosophos, tota specie differunt, necesse quoque est tota specie differre fidem vivam & mortuam, nec *σώμα* hic præcisè sumi debet pro mole corporea, cujus partes sunt extra partes, sed potius pro homine vel pro animali, quod vivere intelligatur si adhuc respirat, si verò secus, censeatur mortuum, quomodo non raro sumitur vox *σώματα*. & apud Sacros, & apud profanos Scriptores, Apoc. XVIII. 13. nundinatio *σώματων* id. hominum proponitur, hinc & illud *Σώματα πλάττει* &c. Ita vox *πνεύματα* non insuit propriè animam, sed spiritum id est spirationem, halitum, flatumve vitæ, quo cessante cessat vita moriturque animal, sic Isa. 11. 22. Pl. CIV. 29. & sic LXX. Pl. CXIX. 132. *ατράξι πνεύμα* id. halitum; eodem sensu Spiritus vocabulum usurpat Tertull. Apol. c. 6. *Ideo & oscula propinquis offerre necessitas erat, ut spiritu indicarentur.* Mens ergo Jacobi erit, ut corpus ex defectu respirationis mortuum esse agnoscitur, ita & fides si careat bonis operibus, nam hoc est inter omnes gentes commune corporis mortui experimentum, unde ad majorem certitudinem mortuorum ori speculum adhiberi solet, ut ex illius claritate vel obscuracione cognoscatur an Spiritus insit. Soli autem non sumus in eâ sententiâ, *Cajetanus* inter Pontificios hoc ipsum agnovit, cujus verba quia eximia sunt referre non pigebit. Appellatione Spiritus non significatur anima, sed halitus, seu flatus, & apte comparat opera flatui, quemadmodum enim corpus animalis si non spirat mortuum est; Ita fides si non parit opera, mortua est, flatus siquidem est effectus corporis vivi, & similiter operatio est proprius effectus fidei vivæ; unde apparet quo sensu dixerit superius fidem sine operibus mortuam esse, non quod sentiat opera esse formam fidei, sed quod sentiat opera esse concomitantia fidem, sicut halitus comitatur vitam corporis. Ita *πνεύμα* non intelligendum est *ἐνσώματος*, sed potius *ἐνσπυρνωτός*, ipsa vitalis agitatio, qualis est in homine vel in animali *ἐν τῇ καὶ ἀναπνοῇ*, qua præsentē, manet corpus animatum, deficiente verò, fit cadaver; nec sanè aliter sine gravi absurditate potest intelligi; alias dicendum esset quod ut ex anima & corpore resultat tertium scil. homo, ita ex fide mortua & operibus resultaret tertium quid nimirum. fides salvifica: at fides justificans suam habet formam *ἐνσώματην* à natura sua, non verò à charitate, quæ est quidem *essentiale consecutivum*, sed non *constitutivum* fidei, fides enim non est vera & viva, quia operatur per charitatem, sed ideo operatur per charitatem quia est viva, ut charitas sit effectus & signum vitæ fidei, non causa.

XXIII. Licet autem hæc distinctio fidei multum jam conferat ad conciliationem quam quærimus, non tamen sola sufficere potest, nisi & Justificatio distinguatur. Cum enim Jacobus non dicat tantum hominem non Justificari fide, sed pertendat justificari operibus, quod negat disertè Paulus, contradictio planè tolli non poterit, nisi cum fide. distinguamus etiam Justificationem & Justificandi verbum, bifariam enim sumi potest, & non semel usurpatur in Scriptura, vel pro



*Justificatione ipsa*, hoc est absolute illa quam ex Justitiæ Christi imputatione consequimur apud Deum, vel pro ejusdem declaratione & ostensione, & coram Deo & coram hominibus. Prima *Justificatio causæ* bene dicitur, quia in ea nomenclatione involvitur consideratio causæ, & rationis formalis propter quam à Deo justi pronunciamur; Posterior *Justificatio effecti & signi*, quatenus includit testimonia & argumenta, ex quibus à posteriori cognoscitur & declaratur Justificatio; prima fidei est, altera operum, illa primaria est & præcipua istius vocis significatio, ista secundaria & minus propria, nec tamen planè insolens & inutilitata in Scriptura. Nimirum ut habet Canon Theologorum, *Verba que fieri, esse, vel agere aliquid significant, quandoque non tam essentiam, vel actum, quam ejusdem notificationem qualiscumque illa sit, denotant*, sic Levit. xiii. 3. ubi agitur de leproso qui adducendus est ad Sacerdotem, postquam eum inspe- xit וטרא אהרן tum imputabit illum id est impurum eum declarabit, seu immundum pronuntiabit, & vers. 31. טהר mundabit id est mundum pronuntiabit, sic Matth. v. 45. diligite inimicos vestros, orate pro iis qui vobis maledicunt, ut sitis filii patris vestri qui est in cælis, quomodo filiatio dicitur consequi dilectionem cujus est causa, nisi enim jam essent filii, non possent talia opera charitatis præstare? hic ergo valere debet regula posita Tunc dici aliquid esse aut fieri, quum esse intelligitur aut declaratur, ut sitis filii, id est, ut re ipsa vos tales exhibeatis & demonstre- tis; sic Act. x. 15. quæ Deus purificavit tu ne xivæ profanes, id est ne profana esse dicas vel ducas, ut ipse Petrus vers. 28. interpretatur. Ita ne longius rece- damus ab instituto nostro ipsum justificandi verbum non rarò sumitur Luc. vii. 29. Omnis populus audiens, & Publicani עדראיוואר justificaverunt Deum, bapti- zati baptismo Johannis, Id est, tribuerunt Deo laudem bonitatis & justitiæ hu- mili peccatorum confessione & Baptismi susceptione, & vers. 35. Sapientia ju- stificata est à filiis suis, id est justa declarata, & Rom. i. 4. Sic Christus ipse dicitur 1. Tim. i. 18. justificatus spiritu, id est interprete Paulo ad Rom. i. 4. declaratus filius Dei secundum Spiritum sanctitatis, per resurrectionem à mortuis. Ea- dem est hujus loci ratio, Abraham dicitur ex operibus Justificatus, id est decla- ratus & compertus revera Justificatus, nam Jacobum non loqui de Justificatione causæ, hoc est, de absolute illa, sed de Justificatione signi, id est, de ejusdem declaratione multa sunt quæ probent.

XXIV. Primò Scopus & Consilium Jacobi, quod nequaquam est disputa- re quomodo Justificemur, sed cujusmodi sit & quod ingenium fidei illius quæ Justificamur, non de causa Justificationis, sed de qualitate justificati, ex quibus effectis & argumentis rectè colligi possit quinam sint verè Justificati; Patet hoc ex vers. 18. Ostende mihi fidem tuam ex operibus, & ostendam tibi ex operibus fi- dem meam; Compellat scilicet hypocritam & inanem ejus jactantiam retundit, qui cum fidem profiteatur & præ se ferat, nullo tamen argumento & testimo- nio externo ostendere eam potest, vult ergo fieri ostensionem fidei per opera,



Ita ut fides quæ per opera se non exerit, eo ipso deprehendatur falsa & inanis. Secundò ipsa hystoria series, quæ notatur vers. 21. *Abrahamus Pater ille noster nonne ex operibus Justificatus est, cum obtulisset Isaac filium suum super altare?* Justificatus ergo dicitur per oblationem filii sui; at coram Deo Abraham multò ante fuerat jam Justificatus, testibus Moïse & Paulo, nam triginta minimum annis antequam offerret filium dicitur credidisse Deo & fides illi imputata ad Justitiam, Gen. xv. ergo per opus immolationis non est Justificatus *causativè* & *meritorie*, ut contendunt adversarii, quasi illa immolatione filii tum deum vere & perfecte fuisset Justificatus, nam jam acceperat *sigillum Justitiæ fidei* Rom. i. v. 11. & propositus erat in exemplar Justificationis omnibus post futuris fidelibus tam Judæis quàm Gentibus; sed Justificatus est *ostensivè* & *declarativè*, quia fidei salvificæ & Justificantis & suæ per illam Justificationis hoc reddidit testimonium: Quod confirmatur tertio ex ipsius Angeli verbis ad Abrahamum Gen. xxi. 12. Cum enim Isaacum obtulisset, vel in eo esset ut jamjam offerret, sublata ad cædendum filium manu, impetu ejus inhibito, ad eum Jehovæ nomine verba facit, *Ne extendas manum tuam in puerum, quia nunc cognovi quod times Deum nec prohibuisti filium tuum unicum à me*, hoc ergo opus eo tantum pertinet, non ut justum eum redderet, hoc enim jam de illo prædicatum fuerat, sed ut insigni aliquo experimento probaret omnibus quàm seriò Deum timeret & quàm verè fides illi in Justitiam fuisset imputata: Quartò hoc colligitur ex verbis Jacobi, nam nisi intelligeret justificationem illam Abrahami ex operibus *declarativè*, quorsum diceret vers. 23. *Scripturam impletam fuisse quum obtulit filium quæ dicit Abrahamum credidisse Deo & illi imputatum fuisse ad Justitiam*, sanè hoc absurdissimè diceretur si de propriè dicta justificatione intelligendum esset, quomodo enim impleta dicitur Scriptura quæ loquitur de justificatione fidei, cum justificatus est ex operibus; sed commodissimè exponitur de declaratione, quia fides se ipsam probavit per opera, & tunc apparuit vere & non hypocriticè Abrahamum Deo credidisse, eamque fidem ut vivam & efficacem illi non abs re imputatam fuisse ad justitiam, quatenus scilicet promissionem gratiæ amplectebatur. Ita impletio hæc *metonymicè* intelligenda erit, pro *impletionis declaratione* & *certitudine*, quæ ex hoc effectu clarissime innotuit; quomodo verba istiusmodi in Scriptura semel usurpari alibi diximus.

XXV. Ex quibus colligitur justificationem hanc Abrahami, de qua Jacobus agit, propriè ad *declarationem à posteriori* referendam esse. Porro cujusmodi sit illa *declaratio*, & quibus *facta* si quæritur, Responderi quidem solet, nec malè, factam esse *hominibus*, nam etsi oblatio illa filii facta fuerit remotis arbitris, solo teste Isaaco, qui mentem Patris non potuit nosse nisi ex eventu, atque ita eo momento nemini propriè cognita fuerit hæc insignis Abrahami obedientia, potuerunt tamen homines cæteri ad quos istius facti rumor perlatus est postea illud dignoscere, imò quotidie fides Abrahami nunc etiam nobis innotescit per istius-



modi oblationem, ex ea quippe ut ex argumento certo & indubitato colligimus non vanam & mortuam, sed vivam & efficacem fuisse ipsius fidem; Verum ulterius ad Deum ipsum extendendam esse illam fidei ostensionem verba Angel: ad Abrahamum nos docent, sic enim expressè Angelus, *Nunc novi quod times Deum*, &c. E. Deo etiam inpotuit & probata est hoc factò Abrahami fides; Sed quid opus Deo experimento qui *καρδιογνώστης*, vel quomodo aliquid in tempore innotescere illi potest cui ab æterno omnia fuerunt nota & præsentia? Act. xv. 18. Hic nodus non levis videtur, atque eò magis vindice dignus, quod infamatus ille Socinus, hæreticorum omnium audacissimus, loco hoc etiam abusus est ad negandam divinam præscientiam; Nam si infallibili scientia omnia novit antequam fiant, non posse explicari, inquit, quomodo Deus dicat se tum demum agnovisse Abrahamum fuisse timore vero Dei præditum, cum filium suum charissimum immolare non recusavit, *Praelect. c. xi.* Verum frustra clamitat os impurum, & blasphemias in Deum evomit: Sanè si quæcunque in Scriptura de Deo enuntiantur ad vivum essent ressecanda, & propriè ad literam ut verba sonant essent intelligenda, utique aliquam veri speciem habere videretur ratio hæretici: sed quis nescit innumerà esse in scriptura quæ *ἀνθρωποπαθεῖς* Deo tribuuntur, & intelligenda sunt tantum *θεωπεπῶς*, nisi velimus Deum fingere corporeum cum Anthropomorphitis, mutabilem, pœnitentiæ, dolori, tristitiæ & similibus affectibus obnoxium, quod aures Christianæ hætenus ferre non potuerunt, quidquid Conradus Vorliùs, Socini discipulus impiè contra Dei immensitatem, immutabilitatem, & alias proprietates blaterare sit ausus; itaque & jam olim & etiamnum hodiè Christiani interpretes ita locum hunc interpretati sunt, ut nihil detractum voluerint præscientiæ divinæ, sed quocumque tandem modo illum reddiderint, agnoverunt tamen & confessi sunt nullam novam cognitionem propriè Deo accedere posse; Duobus autem modis potissimum locus hîc est expositus, alii enim cum August. q. 58. In Genesim, illud *cognovi* interpretantur transitivè pro *cognoscere feci* *יָדַעְתִּי* pro *יָדַעְתִּיךָ* ut id referatur, tam ad Abrahamum ipsum & Isaacum, quàm ad alios quibus hoc factò Deo id procurante innotuit fides Abrahæ, quâ in sententiâ fuit etiam Chrysostomus, *ὅτι φησὶ ἀπαπὴν ἐγνώρισα ἵπως εὐλαχενῇ φόβον ἔχεις πρὸς τὸν θεόν*, per te declaravi, inquit, & innotescere feci omnibus, quomodo sincero timore Deum colas, nam ibidem addit, *Ego noveram famulum meum, quæ autem nunc à te facta sunt, in doctrinam sunt tam præsentibus, quam futuris.* Alii satius existimant & minus coactum hoc de Deo dici figuratè & per *ἀνθρωποπάθειαν*, quia in toto hoc negotio se habuit ad modum hominis alium tentantis & experimentum quærentis animi latentis: quem admodum ergo metaphoricè & figuratè dicitur *tentasse* Abrahamum Deus, eodem modo cognovisse ex eventu dicitur, quia experimentum hoc elicuit fidem Abrahami: ita nihil aliud vult Deus quàm Abrahamum hoc factò testatam fecisse coram Deo & hominibus fidem suam & pietatem, eamque Deum



gratam & acceptam habuisse, quæ commodior videtur sententia: nam etsi Deus non eget experimento, non desunt tamen homines præbere experimentum sui Deo, unde illud Pauli *studemus nos approbare Deo*, 2. Cor. v. 9. Deus enim ut se ipsum vehementissimè amat, non potest non probare & deosculari lineamenta imaginis suæ ubicunque illa fulgere videt; ita etsi noverit jam ab æterno omnia fidelium opera quoad *præscientiam & prædestinationem*, novit tamen ea peculiariter ex eventu quoad *complacentiam & approbationem*.

XXVI. Quibus ita positis, facile tollitur omnis inter Apostolos pugna; nam si Abrahamus apud Paulum Justificatus dicitur fide sine operibus, intelligenda est *Justificatio propria causæ*, quatenus per solam fidem metonym. considerata iustus est coram Deo pronuntiatus & remissionem peccatorum obtinuit; at idem Justificatus bene dicitur apud Jacobum ex operibus, & non ex fide, *Justificatione effecti & signi*, quatenus opera verè declararunt eum fidelem esse & iustificatum, in ea enim declaratione opera intercedere potissimum debent ut argumenta ex quibus res interna & latens in corde patet & dignoscitur. Porro non nobis solis hoc visum; Agnovit id ipsum Thomas in cap. III. epist. ad Gal. Lect. IV. ubi conciliaturus Jacobum cum Paulo, *opera*, inquit, *non sunt causa quod aliquis sit iustus apud Deum, sed sunt potius executiones & manifestationes justitiæ*. idem sentiunt Hugo Cardinalis, & Dionys. Carthusi. quod jam Glossa ordinaria in Jac. II. expresserat vis. verbis: *Abraham per opera qua fecit iustus non fuit, sed sola fide, oblatio verò ejus est opus & testimonium fidei & justitiæ*.

XXVII. Sua tamen hic etiam ἀποφύγετα Bellar. habet, quibus distinctio nem. positam eludat, pertendit quippe justificationem apud Jacobum non posset pro Justitiæ ostensione seu declaratione, sed pro ejus incremento; Primo quia *fides dicitur cooperata operibus*, at fides ex nostra hypothese nullo modo cooperatur ad Justitiæ declarationem, sola enim opera nos iustificat declarativè, non fides. Secundo fides per opera dicitur consummata vers. 22. quod non alio sensu intelligi potest, quàm Justitiā, inchoatam per fidem, accepisse incrementum & perfectionem per opera, unde Jacobo justificatio non esset justitiæ declaratio, sed incrementum. Tertiò de Rahabæ meretricis justificatione agitur vers. 25. sed absurdum est dici eam declaratam fuisse justam quæ meretrix erat, sed verè justificata dicitur, id est ex infideli fidelis facta; Bellar. lib. IV. de justificatione c. 18.

XXVIII. Verum inanes has esse cavillationes cuivis paulò attentius verba & scopum Apostoli expendenti proclive est agnoscere; nam in prima, ut jam ante observatum fuit, gratis supponitur fidem dici cooperatam operibus ad justificationem, cum dicat tantum Jacobus *fidem cooperatam esse operibus*, nimirum cum ad bonitatem ipsorum, siquidem quod ut sit sine fide peccatum est, tum ad sui



per opera patesfactionem, ut Abraham ea præstaret & per ea se fides extrinsecus præderet, nam nisi fides ista efficax fuisset, nunquam tam insigne & rarum obedientiæ edidisset opus. Porro si quæritur cur Apostolus dixerit potius *συμπεπληρωμένη*, quàm simplex *ἐνέργεια*? Responsio potest faciliè dari, hoc ideo factum ab eo fuisse, quia illi res erat cum hypocritis & Pseudo-Christianis qui unicum opus fidei putabant esse *πρὸς* credere, cum Apostolus aliquid amplius requirat, non tantum *actum* ejus *elicatum* qui in credendo versatur, & solius fidei est, sed & *actum* ejus *imperatum* qui in operando consistit, & ad charitatem etiam pertinet, nam fides movet charitatem ut bene operetur, ideo dicitur *per eam ἐνέργεια* efficax, Gal.v:6.

XXIX. Ad secundam i. peccatur ignoratione elenchi; nec enim Jacobus dicit Justitiam, sed *fidem consummatam esse per opera*, non disputamus autem hic de incremento, vel perfectione fidei quam agnoscimus suos habere gradus & progressus, sed de augmento justificationis: Quo verò sensu verba Apostoli sint intelligenda, non difficile est intelligere, si distinguatur *perfectio essentialis & constitutiva* à *perfectione accidentali declarativa*; prior hic intelligi non potest, quia fides eam habet à forma propria interna; extrinsecus autem eam non mutuatur ab ulla alia re, multò minus verò à charitate, aut operibus quæ à fide proficiuntur tanquam à causa: Secundò quia sequeretur fidem Abrahami ante immolationem filii non fuisse formatam, sed informem & imperfectam, quæ per consequens etiam ex mente adversariorum justificare non potest, & tamen justificatus dicitur triginta annis ante oblationem filii, & Paulus justificationem illam pro perfecto justificationis exemplari nobis ad finem usque sæculorum communi, proponit. Tertio sequeretur etiam initium justificationis gratiæ Dei, perfectionem autem meritis humanis esse adscribendam, atque ita salutem nostram non esse merè gratuitam contra Paulum Rom.iii. & iv. & Eph.ii. unde sequitur ut perfectio altera scilicet declarativa connotetur, quatenus vera & sincera per opera declarata est, nam & *sinceritatem* sæpius per *perfectiorem* denotari in scriptura, notius est, quàm ut probatione indigeat. Matth.v.48. Coloss.ii.12. & *rem dici fieri seu perfici cum declaratur*, vel perfectam se aliquo testimonio probat, sic 2.Cor.xi.9. *virtus Dei in infirmitate perficitur*, id est perfecta ostenditur & declaratur in infirmitate, tanquam in *subjecto*, non per *infirmitatem*, tanquam per *effectum*, non quod Christi potentia quidquam mutuetur à nostra infirmitate, sed quia in ea se exerit, sic Jac.iii.1. *perfectus vir* dicitur qui in sermone non labitur, in eo enim non consistit perfectio nisi tanquam in signo ex quo ea deduci potest. Sic fides dicitur perfici per opera quia per ea se prodit; ut actus primus dicitur à Philosophis perfici ab actu secundo, ut voluptas dicitur Arist. Ethic.x.4. perficere actionem sed sic *ἡ τελειότης* ut finis quissiam accedens & perfectionem actionis demonstrans, fides enim eò perfectior cognoscitur, quum efficacius vires suas exerit quæ prius non



ita apparebant, quia enim de causa judicamus ex effectis videtur quodammodo causæ vis minui vel augeri ex effectorum proportionem; sed hoc ex effectis intelligitur quidem & æstimatur, at non oritur tamen & emanat.

XXX. Ad tertium de Rahab meretrice. Primò *ἐν βίῳ*, si Rahab dicitur ex operibus justificata, quia ex infideli fidelis est facta, ergo Jacobus non loquitur de incremento justitiæ, sed de prima justificatione, aliàs non ex infideli fidelis facta fuisset, sed ex fideli, vel justa justior. Secundò directè per negationem antecedentis, Rahab scilicet: non fuisse operibus suis justam declaratam, sed reipsa effectam, imò cum opera sequantur justificatum, non præcedant justificandum ex August. siquidem nulla præstari possunt bona nisi ex spiritu, spiritus conferri non potest nisi à Deo placato & propitio, nunquam illa charitatis & hospitalitatis opera edere potuisset nisi jam justificata; unde statuendum est omnino eam jam ante peculiari Spiritus sancti impulsu ex rumoribus qui percrebuerant de mirandis Dei operibus erga Israelem & judiciis ejus in hostes fidem quâ justificata fuit concepisse, quod innui videtur ex Jos. 11. 8. 9. 10. ubi sibi certò persuasum esse proficitur quod Deus Israelitis promiserat, *novi, inquit, quod Dominus tradiderit vobis terram, &c. Audivimus quod succaveris aquas maris rubri ad vestrum introitum, &c. Dominus Deus vester ipse est Deus in celo sursum & in terra deorsum.* fidemque eam confirmatam esse ex exploratorum sermonibus qui procul dubio clarius & certius hæc omnia & maxime quæ pertinebant ad promissiones gratiæ populo factas ipsi retulerunt; ne quis verò arbitraretur inanem fuisse fidem illam, eximiis benevolentia & hospitalitatis operibus in occultandis & pacificè dimittendis exploratoribus suo etiam periculo eam comprobasse demonstrat, ita ex operibus illis non quidem justa fuit constituta, nam jam ante per fidem justa esse debuit, alias bonum opus nuncios occultandi & dimittendi præstare non potuisset, sed justa declarata, quia fidem suam & justificationem per ea opera foris ostendit. Tertiò neque hic obstare potest quod *meretrix* dicatur: nam ut nunc non dicamus quod quibusdam post Judæos placuit non tam vocari meretricem quàm Cauponariam, ut vertit Chaldaeus quia *מְרִיבָה* quod hebræis est scortari est etiam cauponari, forte quia non rarò hæc duo conjunguntur; cum enim Jacobus post LXX. disertè eam *πῆρην* vocet, dubium nullum est quin meretrix verè fuerit, sed ita non appellatur quod tum temporis cum justificaretur ex operibus meretrix adhuc esset in sensu composito, sed *δραγουῖς*. quia meretrix antea fuerat in sensu diviso, secundum tritum loquendi modum scripturæ, quæ mutato statu rei sæpe retinere solet nomen antiquum, sic in Evangelio dicuntur *cæci videre, claudi ambulare*, id est qui tales erant antea, sic *Hierosolyma* vocatur *Urbs plena judicii & Civitas fidelis*, Isa. 11. 2. quia talis olim fuerat, sic Matt. xxv 11. 53. 2. Thess. 11. 4. Antichristus dicitur sessurus in *Templo Dei* quod tale antea fuit, sic Virgo dicitur quæ nuper esse desit Joël 1. 8. *Plange sicut Virgo sacco circumdata super virum pubertatis suæ*, quod de innupta intelligi non potest, ita Poëta de Paliphæ tauro subdita dixit, *At Virgo infelix, & Terent.*



## De Concordia PAULI & JACOBI &c.

De puella imminuta *Virgo lacrymans* quæ scil. anteatalis fuit; Ita non obscurum cur Apostolus hoc nomine designare eam voluit distinctionis causâ propter præcedentem statum, quemadmodum hoc exemplo usus est ad amplificandam Dei gratiam, & exceptionem omnem tollendam, quia enim fides Abrahami de qua in præcedentibus egerat extraordinaria poterat videri, & ad quam assurgere omnibus fortè non esset concessum, exemplum hoc vilis mulierculæ producit, quæ & Gentilis & meretrix fuit, nam si in ista fides non caruit suis operibus, nonne pudore suffundi debent Christiani fidem jactando sine operibus? sic rursus ostendit nullum esse fidei gradum, nec sublimem & excelsum qualis fuit in Abrahamo, nec infimum & tenuem qualis fuit in Rahab, qui non debeat & non possit fructus aliquos bonorum operum producere.

XXXI. Ex his autem ita discussis plana jam satis & aperta redditur conciliationis ratio: Ne quid verò scrupuli superesse possit, distinguenda, est i v. *Persona ipsa quæ justificatur*; Cum enim homo sub duplici *xiom*, considerari possit, vel ut *peccator* in statu naturæ, vel ut *vocatus* in statu gratiæ, vel ut homo simpliciter qui versatur in mundo, vel ut *Christianus* & fidem professus in Ecclesiâ; juxta geminum hunc hominis statum, duplex instituitur Dei *judicium* cum ipso, primum severum est & rigidum *Dei quâ Judicis*, ex lege, secundum mitius. est & benignius ejusdem *ut Patris*, ex Evangelio; Huic duplici *judicio*, duplex etiam respondet *justificatio*, non quidem sensu Pontificio qui à nobis antea constitutus est, sed planè diverso; Prima *hominis peccatoris* & impii in statu naturæ, quæ sit propter unam Christi satisfactionem fide apprehensam, quia enim in hoc foro justitiæ Divinæ acceptilationi locus esse non potest, sed solutione adequatâ opus est, ideo sola justitia Christi quæ perfectissima est & consummatissima hoc examen ferre potest; quia verò sola fides apta nata est ad recipiendam & amplectendam hanc justitiam, solâ etiam fide hoc respectu justificari dicimur tanquam causâ organicâ; Secunda *justificatio* est *hominis vocati* & *fidelis* in statu gratiæ jam versantis ex operibus, in hoc enim *judicio* non quæritur; An legi satisfecerit homo ut ex ea vitam habeat, hoc enim in primo jam supponitur factum, quatenus scilicet hominem in se peccatorem & reum mortis æternæ, propter justitiam Christi plenissimam ipsi imputatam & per fidem apprehensam à maledictione legis Dei absolvit, & jus illi ad vitam concedit; sed quæritur an homo Christianus qui inter fideles nomen profitetur suum Evangelio responderit, & duas partes essentielles fœderis gratiæ quas Deus ab homine requirit fidem scilicet & opera verè conjunctas servaverit; Cum enim Deus in novo fœdere *duo beneficia* nobis polliceatur, hinc remissionem peccatorum quæ ex dono Filii pender, inde sanctificationem quæ operâ Spiritus Sancti producitur, Hebr. x. 16. 17. *Duo* etiam *officia* à nobis vicissim exigit, *fidem* quâ recipiamus gratiam Dei & meritum Christi ad redemptionem nostram, & *Charitatem* sive bona opera, quibus debitum cultum & gratitudinem Deo reddamus; Quemadmodum verò duo.

be.



beneficia quæ à Deo promittuntur inseparabilia sunt , & indivulso nexu inter se juncta , nam cui Christus est justitia , illi etiam est Sanctificatio, qui habet Filium habet & Spiritum , & qui Spiritum non habet non habet Filium Rom. viii. 9. prout in SS. Trinitate duæ istæ personæ sunt inseparabiles ; Ita vicissim arctissimo vinculo connexa esse debent hominis fidelis officia , ita ut fides nunquam sit sine charitate , nec charitas sine fide , nam & illa sine hac peccatum est , & hæc sine illa mortua , unde neutram habent qui utramque non habent , & utramque perdunt , qui utramvis non custodiunt. In hoc ergo judicio quod ex fœdere gratiæ Deus instituit cum vocatis , hoc potissimum quærit an verè & sincerè si non perfectè fidem quam professi sunt ore , habuerint in corde , & cum fide charitatem quæ ejus comes est inseparabilis ; Quod si falsò jactasse deprehenduntur fidem & religionem , condemnantur ex lege Evangelica tanquam Pseudochristiani & hypocritæ qui formam pietatis habentes ejus tamen vim factis abnegarunt & separando duas hæc fœderis partes , neutram se verè possidere demonstrarunt ; Si verò habere comperiantur , justificantur ex eadem lege Regia, id est declarantur & approbantur tanquam veri fideles & filii Dei , qui *ἀδελφοί* retinent quæ Deus conjunxit ; Ad hoc autem examen necessaria sunt omnino opera utpote ex quibus solis tanquam ex signis & effectis certissimis demonstrari potest & probari veritas & sinceritas fidei ; Prior *justificatio* opponitur *condemnationi* generali peccatoris , posterior *condemnationi* speciali hypocrita. Priori notione justificare est absolvere hominem peccatorem & impium qualis est in se obnoxius legi & reus mortis propter justitiam Christi ipsi imputatam ; posteriori verò nihil aliud est quam *approbare* in judicio benigno & Paterno hominem qua fidelem & filium Dei verè respondentem fœderi gratiæ per fidei & operum exercitium ; in prima est ipsa justificatio propriè accepta , in ista justificationis tantum declaratio & patefactio ; sic Abraham justificatus est fide in primo illo judicio dum fuit in se peccator & impius , at idem jam conversus & credens *justificatus* est *ex operibus* , id est se per opera declaravit verè fidelem & à Deo agnitus est , & probatus in secundo.

XXXII. De posteriori autem hoc judicio quod Christianos & vocatos peculiariter spectat loqui omnino videtur Christus Matth. xxv. 31. 32. &c. in graphica illa ultimi judicii descriptione , ut *Augusti.* observat sermone 38. de sanctis ; Nam etsi extremum judicium procul omni dubio universale sit futurum , hîc tamen de eo in tota latitudine sua sermonem non esse , sed relatè tantum ad eos qui sunt in Ecclesia variis rationibus ostendi potest ; Primò ex ipsa orationis serie , quemadmodum enim duæ parabolæ præcedentes de *Virginibus* & de *Talentis* referebantur ad eos qui erant vocati in Ecclesia , verisimile est Christum de iisdem loqui in eodem orationis filo. Secundò ex Ezech. xxxi v. ad quem locum alludere videtur Christus , ubi de judicio Dei loquitur quod in Ecclesia exercendum est. *Ecce ego judicaturus sum* , inquit , *vers. 17. inter parvas pecudes , arietes*



& hircos & cap. xx. 37. transmittam vos sub virgam, ut pastor cum numerat & recognoscit gregem suum & inducam vos ad vincula fœderis. Tertio quia hic tantum mentio sit *Hædorum* & *Ovium* quæ animalia sunt domestica, non autem *Luporum*, *Leonum*, *Urforum*, & aliarum id genus ferarum quibus impii confecti solent, ut scilicet notetur de eorum tantum hic agi iudicio qui sunt in domo Dei, in societate externa Ecclesiæ, non de aliis qui extra eam manent. Quarto quia causa damnationis hædorum hæc afferitur quod non cibarint & non vilitarint Christum &c. opera charitatis & misericordiæ erga membra Christi præstando; At gentiles quibus nunquam innotuit Christus quomodo propterea damnari merito possent? damnabuntur quidem propter legem naturæ violatam quæ cordibus ipsorum insculpta fuit; sed propter defectum fidei vel charitatis in Christum qui ipsis ignotus planè fuit jure condemnari non possent; Itaque superest ut de iis loquatur Christus vel qui in Ecclesiæ communionem asciti & fidem ore tenus profitentes neglexerunt bonorum operum studium & Christianorum nihil nisi nomen & titulum retinuerunt; vel qui vocationi divinæ sedulo respondentes fidei opera conjunxerunt: Propterea opera hic adducuntur à Judice non tanquam *fundamenta juris* quod obtinent in felicitatem & vitam, nam propria causa ultius fruitionis indicatur in verbis præcedentibus, cum eos vocavit *benedictos patris*, quibus *paratum jam fuerat ab aeterno regnum*, quodque ideo debebant *adherere*, id est *titulo hereditatis* quæ filii obtinere: sed in medium afferuntur tanquam *argumenta* & *testimonia* clara & indubitata ex quibus de veritate fidei ipsorum constare poterat, & simul etiam de latæ sententiæ æquitate: Ita non proponuntur ut *causa* sed ut *argumentum* & particula, quæ non est *causalis*, sed *rationativa*, quæ non *causam rei efficientem* vel *meritoriam* notat, sed *rationem* & *argumentum* quod à posteriori aliquid cognoscitur, ut alibi sæpe Matth. xvi. 2. 3. 1. Cor. x. 5. causam non *consequentis*, sed *consequentia*, non *rei ipsius*, sed *paresactionis* & *probationis*, nam ut bene Bernardi tract. de Grat. & lib. Arbi. opera sunt *spei seminaria*, *charitatis incentiva*, *occulte predestinationis indicia*, *futura felicitatis præfagia*, *via regni non causa regnandi*.

XXXIII. Hoc ipsum verò clariùs adhuc si possumus explicemus; Certum est justificationem opponi accusationi ex Apost. Rom. vii. 32. quot modis ergo accusari possumus apud Deum, tot modis debemus etiam justificari; *Deus* verò *accusationibus* potissimum urgemur vulgò; Primò *accusamur* peccati & rei peragimur violatæ legis; Secundò *accusamur* *hypocrisicos* & violati fœderis Evangelici. A prima accusatione *sola fide* justificamur, quia sola justitia Christi per fidem apprehensa nos liberat à maledictione legis; A posteriori justificamur *operibus*, quatenus iis fides vera & sincera fuisse demonstratur; Si ergo Satan nos accusat coram Deo & peccatores esse arguit ac per consequens mortis reos, quid reponere possumus? Nihil aliud quam *fidem nostram*, fatendo nos revera peccatores esse atque adeo æternæ mortis in nobis reos, sed spem nobis meliorem facere



eere dilectum Dei filium Redemptorem nostrum in quem credimus, eum enim factum *caricari* & peccatum pro nobis, ut essemus benedictio & justitia Dei in ipso, ita sub justitiæ istius pallio & clypeo latentibus, nihil ab ira Dei nobis metuendum esse, quia nulla sit condemnatio iis qui sunt in Christo per fidem; Quod si regerat Diabolus. Ita est omnino, si verè credis salvaberis, sed quo argumento probabis te verè credidisse, nonne falsa & hypocritica fuit fides tua quæ Christi nomen profitebatur ore, sed factis abnegabat? Quid dicemus ut nos liberemus ab hac nova criminatione & ignito hoc Diaboli telo? Non sufficet fidem in medium asserre, quia de fide ipsa quæstio est, sed jam succedere debent *opera* quibus apud Judicem Cœlestem veritatem fidei tanquam effectis & argumentis indubitatis à posteriori testatam faciamus, ita *Fides justificat hominem*, *Opera verò justificant fidem*; Paulus respiciens ad priorem accusationem solâ fide hominem sine operibus justificari rectè dixit, Jacobus verò respiciens ad alteram, operibus justificari & non ex fide tantum meritò affirmavit.

XXXIV. Unde tandem concludimus, nullam esse hac in parte Jacobo cum Paulo *ἀντιπαράστατον*, sed summam concordiam: Nam sive distinctio adhibeatur in voce fidei, sive in verbo justificandi, sive in homine ipso, sive quod malimus in hisce tribus conjunctim, amicè inter se consensient. Paulus loquitur de homine peccatore in statu naturæ, Jacobus de homine vocato & fidem professio in statu gratiæ; Paulus de fide viva & efficaci, Jacobus de mortua & otiosa, Paulus de justificatione primaria & propriè dicta quæ in absolutione & remissione peccatorum consistit; Jacobus de justificatione secundaria & minus propria quæ in declaratione & probatione externa versatur. Paulus enim vult hominem peccatorem & impium justificari, id est verè absolvi coram Deo & justum pronuntiarî solâ fide sine operibus, id est unico actu fidei apprehendentis meritum & justitiam Christi, quod asserit contra Phariseos & Pseudo-Apostolos, qui justitiâ Dei posthabita, justitiam suam stabilire satagebant. Jacobi verò mens est hominem fidelem & conversum justificari, id est justum declarari coram hominibus & probari à Deo in judicio paterno, non fide tantum id est fide mortua & sterili, sed fide viva & efficaci quæ se exerat per bona opera, quod urget contra profanos Pseudo-Christianos & hypocritas, qui in Ecclesia versantur: Ut ergo verissimum est essatum Pauli, hominem fidè sine operibus justificari, quia nihil habemus quo stare possimus coram judicio Dei præter justitiam Christi quam fides intuetur & sibi applicat, quæ ut est infiniti valoris & ponderis sola potest satisfacere justitiæ Divinæ & mereri remissionem peccatorum; Ita certissimum est Jacobi pronuntiatum Christianum verè fidelem & justificatum agnosci demum ex operibus quia sunt essentialia consecutiva ex quibus tanquam ex fructibus arbor dignoscitur, ita ut qui non habet opera neque habeat etiam fidem & justificationem, quod falsò sibi tribuebant illi adversus quos Jacobus disputat; Unde in Paulo habemus argumenta *humilitatis* adversus typum superbiæ Pharisaicæ, in



Jacobo incentiva *Sanctitatis* adversus impiam profanorum αἰρέσιν. Ita quem-  
admodum operibus nuncium remittere tenemur quæ justificationem præcedunt  
ex doctrina Pauli; sic illis studere par est ut eam sequantur ad sanctimoniam pro-  
gressum ex mente Jacobi. Non sunt conjungenda quæ Deus divisit, sed nec sunt  
dividenda quæ Deus conjunxit. Fidem ab operibus sejunxit in *negotio justificationis*,  
Opera cum fide conjunxit in *vita justificati*, non possunt coëfficeret justificationem,  
sed coëxistere tamen debent in justificato, fide enim sola, sed non solitaria  
justificat. Itaque abjectis omnibus operibus nostris, nostram justitiam unicè in  
Christo quæramus ex fide, ne simus *injuri* ipsius merito, sed ne *ingrati* simus  
erga Spiritum, in bonis operibus nunquam segnescamus; non possunt justifi-  
cationem obtinere à priori ut merita, sed possunt declarare & probare à postero-  
ri ut *πνεύμα*, non conducunt ad salutem acquirendam, sed necessaria sunt  
omnino ad eam possidendam, sunt *via regni*, non *causa regnandi*. Sequamur  
ergo hanc viam ut tandem perveniamus ad Patriam, quod faxit Clementissi-  
mus Deus Pater, Filius & Spiritus Sanctus, cui sit laus, & Gloria in sæcula sæ-  
culorum. Amen.

## C O R O L L A R I A.

- I. An fides melius per ignorantiam definiatur quàm per notitiam, ut vult Bellar.  
li. I. de Justifi. c. 7. ? N.
- II. An merita ulla dentur vel de congruo vel de condigno ? N.
- III. An sacramenta conferant gratiam ex opere operato ? N.
- IV. An Pædobaptismus admittendus sit & ex Scriptura probari possit ? Aff.
- V. An si non peccasset Adamus, nunquam fuisset moriturus ? Aff.
- VI. An primi Reformatores legitimam habuerint vocationem ? Aff.



F I N I S.







